

ACTA ERUDITORUM



*31. K. 30.

MENTEM ALIT ET EXCOLIT



K.K. HOFBIBLIOTHEK
ÖSTERR. NATIONALBIBLIOTHEK

*31. K. 30



NOVA
ACTA
ERUDITORUM,
ANNO
MDCCLXXXIV
publicata.

*Cum S. Cæsareæ Majestatis & Regis Pol.
atque Electoris Saxoniae Privilegiis.*

LIPSIÆ,

Prostant apud JO. GROSSII HÆREDES,
JO. FRID. GLEDITSCHII B. FIL.
ET

JO. CHRISTIANUM MARTINI.

Venduntur etiam Amstelodami in WAESBERGIORUM &
WETSTEINIORUM officinis.

Lectori amico Salutem!

In tristissima hac Germaniæ calamitate, inter atrocissimos hostium terrores, inter urbium everisiones, stragesque civium, servant adhuc antiquam sedem suam, & sub Potentissimi AUGUSTI, Tutelarîs Dei nostri, auspiciis, placidissime otiantur Musæ nostræ. Reponentes id merito in felicitatis nostræ parte maxima, absoluto feliciter præsentis anni curriculo, id nostrarum esse partium existimamus, ut Deum Optimum Maximum, tam benignum rerum nostrarum conservatorem, pie religioseque veneremur, & ut perpetuam hanc nobis esse pacem jubeat, devotissimis precibus imploremus. Quibus votis, patriæ nostræ propriis, alia jungimus, magis Europæ universæ communia, ut, quam Martis improba consilia & insanus hostium furor abstulere, finitimis populis propediem reddatur candidissima temporum felicitas. Multum, quod inter omnes constat, non a patriæ tantum, sed ab exterarum etiam regionum, salute publica flos & incrementa literarum pendent. Sunt enim hæc fonti perenni similes, huc & illuc mittenti aquas suas, cujus si tu unam viam obstruxeris, omnem aquarum videbis cursum turbatum. Et male timemus Aetis nostris, si, quod Superi avertant, in futurum etiam tempus potentissimæ gentes amica fœdera & jucunda pacis otia fastidiant, nec

latius evagari hos, qui nuper demum excitari cœperunt, terribiles armorum strepitus prohibeant. Nam, si suas in posterum, ut cœpit, negare nobis divitias pergat Gallia, literis & doctrina gens florentissima, si & Italiam, quam inter medios bellorum tumultus ad hunc usque diem amicam nobis munificamque experti sumus, a nostris commerciis successu temporis iniqua potentiorum vis abstraxerit, si, quæ præcipuum olim Aetis nostris decus attulerunt, iis carere in posterum fatali quadam necessitate jubeamur, ad nos ipsos perventuram publicæ calamitatis partem aliquam, nemo non intelligit Lectorum. Sed absit infaustus timor iste, quem amor literarum, & rem eruditorum communem juvandi studium, extorsit. Non inter Scythas truculentos, aut inhumanos Massagetas, vivimus; nec ab ea gente, quæ inde a tot Seculis jure suo omnis doctrinæ cultioris laudem obtinuit, interitum bonis literis ominabimur. Utamur igitur, qui nobis adhuc superest integer, vigore nostro in futurum & sequentes annos, &, nihil curantes, quæ procul a terris nostris geruntur, in amœnissimis his Musarum viretis consenescere, jucundum putemus. Tu modo, quem nostri olim studiosissimum habuimus, sive Gallus sis, sive Italus, noli in posterum formidare judicium nostrum, nec frustra nos expectare elegantes ingenii tui partus patere; quin eam de nobis spem concipe, fore nos semper eo in loco, ubi literarum causa agitur, a partium studio remotissimos, virtutemque, ut par est, in ipso hoste laudaturos.



No. I.

NOVA ACTA ERUDITORUM,

publicata Lipsiæ

Calendis Januarii Anno MDCCXXXIV.

SEXTI AURELII VICTORIS HISTO-
ria Romana, cum Notis integris DOMINICI MA-
CHANEI, EL. VINETI, ANDR. SCHOTTI,
JAC. GRÜTERI, nec non Excerptis FRID.
SYLBURGII & ANNÆ FABRI F. cu-
rante JOANNE ARNTZENIO,
Jcto.

Amstelodami & Trajecti Batav. apud Janssonio-Waesbergios
& Jacobum a Poolsum, 1733, 4 maj.

Alph. 4 pl. 15, cum nummis Cæsarum incusis.

Doctissimus Editor, qui juvenem se dicit, & *tres studiis* Pag. 40.
quondam suis moderandis triumviros habuisse, Viros lau-
de dignissimos, *Burm annum, Drakenborchium, Duckerum*, de
Autoribus libellorum, qui eo, quem proposuimus, titulo com-
prehendi solent hodie, ita sententiam fert, ut primi quidem illi-
us de Origine gentis Romanæ scriptorem putet posterioris ævi
Grammaticum, qui ad junctos jam tum de Viris illustribus atque
de Cæsaribus libellos origines Romanas ex variis Autoribus, ac
præcipue ex *Virgilio*, collectas adjecerit. Porro alterum de Viris
illustribus libellum antiquioris & politioris hominis ingenio
deberi, qui *Cornelium Nepotem* mutilaverit, (quo nomine so-
lennes illi diræ cum reliquis Epitomatoribus dicuntur Præfa-
tionis initio,) ita tamen, ut in plerisque verba ipsius retinue-
rit:

rit ✓ sed aliunde tamen etiam cum nonnihil adfueret, hinc turpissimos aliquot in Historia errores commisit. Verus *Sex-tus Aureolus Victor* est is, qui de Cæsaribus scripsit, cujus epitomen fecit is, cujus ultimo loco poni solent *Excerpta ex libris S. Aurelii Victoris de vita & moribus Imperatorum*, in quibus tamen & ipsis multa sunt a veri illius *Victoris* tum verbis, tum historiis, abhorrentia. In *Pitisci* editione tum alia, tum hoc reprehendit Cl. *Arntzenius*, quod omissæ sint *Schotti* Notæ, quoties describere illas dignata est *Dacera*: & ne putes, gratiam inire voluisse ipsum a bellissima sœmina, est, ubi, propositis utrisque, vel potius iisdem, Observationibus, in rem præsentem deducuntur Lectores, ut, quantum licere sibi voluerit *Anna*, intelligant. Scilicet eodem fato par conjugum illud usum est, cum etiam *Festi* editores Belgæ non dubitarent *Scaligeri* pariter observata & *Dacerii* furta, (venia sit verbo rudiusculo, sed quo in tali re uti solent Critici,) juxta se collocata oculis omnium exponere. Cl. *Arntzenius Schotti* Commentationes integras dare maluit in *Anna* antem Notis ea omittere, quæ ille jam occupaverat, eandemque rationem in *Syllburgii* Notis tenuit. *Vineti Gruterique* Commentaria non ea cura videntur scripta Nostro, qua a talibus Viris expectari debebat, ita plerumque levi manu, aliud agentes, hos Scriptores tractarunt. Enarrat deinde, quibus MStis ad suam editionem exornandam usus sit. In eo, quem textum vocant, exprimendo *Schotti* editionem secutus est, ita tamen, ut ab illo discesserit, ubi ille conjecturas suas, verosimiles licet, & fidei historicæ maxime convenientes, in contextum receperat. Distinctiones Capitum *Schotti* servavit, etsi interdum parum accuratas, ne turbaret eos, qui laudatum ab aliis locum requirere vellent. Adjecit, quod & ipsum jam factum a *Schotto* fuerat, *Nannium* de claris *Corneliis*, & *Sigonium* de vita *Scipionis*. Insertum etiam est Monumentum Ancyranum cum *Lipsii* & *Casauboni* Notis; maluissent quidam conferri illud cum *Gronoviana* editione in Memoria Colloniana. Index amplissimus debetur *Phil. Lud. Lotichio*, Scholæ Noviomagensis Præceptorii. Numismata Imperatorum revocata hic dantur,

non

non, quod optaverint Lectores, denuo æri incisa. Jam etiam specimen quoddam expectant Lectores nostri, unde de Cl. *Arntzenii* opera existimandi facultas sit. Notarum major pars pertinet ad comparandas voces & formulas *Victoris*, an *Victorum*? cum aliis cujuscunque notæ Scriptoribus antiquis. Ita v.g. ad *Vir. Ill. 63, 1*, de usu vocabuli *assiduus* multa conduxit. *Ibid. 77, 6*, quoties *nunc* repetatur in talibus, *nunc hac parte, nunc illa*, ostenditur: quemadmodum 77, 1, caput, inanis *præcisa, excisa*, proferantur. Ad 58, 3, qui vocabulum *escendere* vindicaverint, laudantur; ad 58, 6, qui *corrigere* de moribus dixerint; ad *Cæs. 41, 6*, qui *accipere* pro audire aut resciscere. Sed sunt etiam Criticæ Observationes adpersæ. Ita *Cæs. 41, 12*, probare videtur conjecturam *Anna, condenda urbi formidandisque religionibus ingentem animum advocavit*, ubi legitur, *condenda urbe avocavit*. Quid si legamus, *formandisque religionibus*? Illud enim *Constantini* opus, quod hic in laudibus ejus commemoratur, eoque ipso injicitur suspicio, qui istæ & cetera de illo Principe scripserit, non fuisse ethnicum. Vexatissimus est locus *Cæs. 41, 20*, quem ita exhibet: *Alteros (Nicæenses) Marcus Bojonius, (h. e. M. Antoninus Philosophus,) affligerat, quod Hipparchum præstanti ingenio indigenam fuisse ignoravissent*. Qui de celebri Astronomo intelligunt, morosæ cuiusdam sævitiz accusant Imperatorem Philosophum. Animadvertendumne erat in Nicæenses, quod ignorarent, civem ante sexcentos annos natum? Quidni etiam in Syracusanos, qui *Archimedis* sui sepulchrum ab Arpinati homine discerent, sævit populus Romanus? Igitur certatim Editores de emendatione solliciti fuerunt. *Casaubonus* conjiciebat, *fustibus necavissent, vel fustigatum necavissent*: *Gruterus, fuste ignominia vissent*. Acute *Arntzenius*, si emendare ita placeat, etiam illud *indigenam* videt in *indignum* esse mutandum. Sed illud forte nimis philosophon, quod subjicit: *Malim tamen retinere ego scriptam lectionem; quid enim mirum, si Imperator Philosophia studiosissimus tam supinam negligentiam & inscitiam damnaverit, ut sic bono præsidio in posterum munita philosophantium existimatio, non*

ita facile negligeretur, sibi, tales posse vindicare cives. Nobis quidem, quid scripserit, quidque sibi voluerit adeo hoc loco *Vistor*, in mentem non venire, fatemur; sed, ob ignotum post aliquot centum annos civem suum ea Nicænes pœna affectos a Divo *Marco*, qua sublata, *Constantinus* laudem meruerit, illud concoquere vix æ ne vix quidem possimus. Sed videamus etiam alia. De *Orig. G. R. Cap. 20, 1*, de conditorum Romanorum matre legitur nunc, a *Marte compressam*, conturbatamque, *mox recreatam consolatione Dei*, &c. *Cl. Arntzenius* non male putat legi posse *consupratamque*. Sed præter verbum *recreatam*, quod apte cadit ad *conturbatam*, nobis non sit probabile, usurum fuisse Autorem verbo illo majorem turpitudinem atque indignitatem significante, quam quæ in Martem ipsiusque factum, interpretatione quidem istorum hominum, cadat. Bene est, quod ipse Vir doctus non multum tribuit alii conjecturæ, ubi ejusdem libelli *Cap. 21, 2*, legi posse putat ita, unde & ejusmodi loci, in quibus nudæ (de lupis, h. e. quæstuariis mulierculis, sermo est,) consistunt, *lupanaria dicta*; ac laudat, qui doceant, nudas stetisse meretrices. Sed bene est, inquam, quod sententiæ accommodatius fatetur pro illo *nudæ* relinquere *bæ*. De *Cæs. 61, 4* Denique *Constantinus cunctos hostes*, (intellige, qui fuerant tales,) *honore ac fortunis manentibus* textit, *recepitque*. Putabamus, *textit* hic esse in fidem recepit, tutos a collegis suis vel consiliariis præstitit. Sed mavult *Noster rex*it, quod interpretatur, mite in eos imperium exercuit. *Cæs. 42, 3*, *Quod fere vix aut multo sanguine obtinendum erat, eloquentia patravit*, legitur: sed pro ultimo verbo *Noster paravit* legi posse putat; si non vere, certe eleganter & ingeniose. Melius enim sane sibi respondent *obtinendum & paravit*. De *Orig. G. R. Cap. 20, 3*: *puerorumque vagitu lupam excitam, quæ repente exierat*; conjicit, *raptum ierat*, vel *exierat*. Recte ita dici, copiose deinde probat, prolatoque Grammaticorum canone, *supina in vim finem notare*, laudatoque non *Perizonio* tantum ad *Sanctii* Minervam, quem honoris causa etiam nos appellamus, sed producto magno agamine testium, qui *raptum, venatum, dejectum*, &c. *ire* dixerint: quemadmodum etiam lau-

laudat ad Orig. G. R. 13, 2, *Guntheri* Latinitatem restitutam, utilissimum profecto studiose Latinarum literarum pueritiæ ac iuventuti libellum. Sed viderit Cl. Vir, an bene conveniant ista verbis, quæ in Præfatione posuit: *Si res mei fuisset iudicii, magna pars Machanei & Annæ caruisset hic liber; non enim tales editiones Farnabios Minelliosque desiderant, qui ad inferiora subsellia detrudi debent, neque hæc tempora postulant, quibus clariori lumine fruimur, quod sæpe magis obscuratur, quam illustratur inficetis Grammaticorum expositionibus.* De reliquis nihil nunc dicemus. *Farnabii* manibus parci optemus, cujus felix opera in Poetas impensa plus plerumque lucis affert ad obscura illorum loca intelligenda, quam longi & ambitiosi quorundam centones, doctissimique adeo Commentarii; sed qui tum fere deserviunt lectorem, ubi nodus vindice dignus inedit. Nondum dimittimus librum, Bibliothecas ornaturum in posterum. *De Viris ill. 77. ii:*

Famque defuncti (Pompeii) caput gladio præcisum, quod usque ad ea tempora fuerat ignoratum. Adoratum ediderat Aldus; Scottus dixerat, in luce caligare, qui ignoratum præferant. Cl. Editor negat se libenter cæcum numen adorare, quod in aliorum cerebro natum, publicæ superstitioni exponatur; retinetque, ut diximus, ignoratum. Nimirum ignotum fuisse ait gladii usum in abscindendis capitibus sub libera Republica, laudatque versus *Lucani* 8, 672, de eadem re canentis:

Tunc nervos venasque secat, nodosaque frangit

Offa diu; nondam artis erat, caput ense rotare.

Reddit Poeta, ut nobis videtur, rationem satyricam, certe amaræ ejusdani exprobrationis plenam, cur diu laboraverit *Septimius* in collo *Pompeii* gladii ope abscindendo. Nondum ita solenne fuit ea tempestate, atque deinde sub Imperatoribus factum est, caput ense rotare. Non igitur hoc sibi vult, supplicium gladii in *Pompejo* primum inventum. Series tota orationis aliud loquitur; sed poeticam imaginem proponit, & suo more sui sæculi mala tangit. *Victor* autem, si quid videmus, notat subitam fortunæ catastropham, quæ caput paulo ante adoratum ita abjecerit. Et quidni adoratum dicat, cum

Lucanus 8, 115, scripserit ex persona *Lesbiorum* invitantium *Pompejum*, ut apud se divertere vellet: *Fac, Magne, locum -- quem veniens hospes. Romanus adoret.* Et vs. 494 metuisse ait classem *Pompeji*, ne *submissis precibus Pompejus* adoret *sepectra sua donata manu*. Est similis loquendi ratio, qualis *Hom. Il. X, 405*: -- κἀν δ' ἄπαν ἐν νοῖσις Κῆρο πάρος ἥσπεν; aut *Senec. Suasor. 7*: *Ut vero postum in rostris caput Ciceronis conspectum est, quo toties auditum erat loco &c.* Falsum profecto dixit *Victor*, si dixit, gladii ante eum diem non fuisse usum in abscindendis hostium capitibus, nisi forte *Dauides* securim adhibuit, aut reliqui omnium gentium homines, qui intersectorum hostium capita retulerunt, Nam de supplicio gladii apud Romanos alia res est. Igitur non dissitemur, multo probabilius nobis videri, quod *Aldus & Schortus* dedere, *adoratum*. Non ægre feret *Vir* humanissimus, hic indicari dissensum etiam nostrum: cum moderatæ talium rerum disputationes plus prosint & ipsi & Lectoribus, quam fatuæ laudes. Tanto fidentius etiam illud adjicimus, a norma loquendi discedere nobis ipsum illud ad *Vir. Ill. 77, 13*: *Si alternis vicibus hæc vel illa vox probanda sit, ego malim, jactatus.* Volebat, si alterutra vox probanda sit. Tale etiam videbatur nobis, quod ad *Cæs. 41, 1*, ponit, *ab aliis secutus*, pro isto, *quem sequuntur alii*. Ceterum modestiam *Viri docti* amamus, cum non facile adduci se patitur, ut conjecturam, etiam felicem, in contextum orationis recipiat, v. g. ad *Vir. Ill. 76, 5*: *Ego, inquit, malo garrientem dare Aurelium, quam aliorum bene inventa contra veritatem apponere.* Gratulamur *Viro Clarissimo* primum Opus, quo meliora etiam quin in posterum daturus sit, ipsius ingenium, præceptores, amici, diligentia, & ingenuus quidam candor, dubitare nos non patiuntur.

HISTOIRE DES PAPES DEPUIS S. PIERRE
jusqu'à Benoit XIII inclusivement.

h. e.

HISTO-

MENSIS JANUARIi A. MDCCXXXIV. 7

HISTORIA PONTIFICUM ROMANORUM,

inde a S. Petro ad Benedictum

XIII.

Tomus I & II.

Hagæ Comitum, apud Henr. Scheurleer, 1732, 4 maj.

Alph. 6 pl. 22.

Vitz & res Pontificum Romanorum non uno scopo pacto-
que consignari & edi solent. Qui intra septa Ecclesiæ
Romanæ degunt, præmio laudibusque videntur indigni, ni ad
gustum Præsidis sese attemperent. Rari apparent nantes
in gurgite vasto, quoties Imperatorum Regumque jura viden-
tur non negligenda. Gallorum æcumen & similitum limpidior
judicii vena nunquam auctoritati Regis sui & Episcoporum
nec non Conciliorum magis favere, quam modulos veritatis ad
tempora & auram Romanam conformare, studuerunt. Sin-
gulis horum inhæret affixa veneratio pietatisve species erga
Episcopos Romanos. Unde sit, ut non satis distinguant Epi-
scopos Romanos, qua homines, qua cætus humani confortes,
qua dominos terrarum, qua Episcopos suæ diocæseos, qua præ-
sides rei sacræ, qua Theologos, qua Politicos, qua status sui
servandi artifices. Qui extra confortia Ecclesiæ Romanæ vi-
tam agunt, odio plerumque laborant innato in Pontifices, ideo-
que in alteram eamque contrariam partem, facillime desle-
ctunt, quoties, calano arrepto, Historiam Paparum attingunt.
Restat illud eruditorum genus, quod pro unica meta ver-
ritatem, æquitatem conditam, amplectitur, sepositis tantisper va-
riis religionum distractarum modulis. Rarum hoc est fercu-
lum & phœnicibus comparandum. In hisce tamen nomen
suum proficitur hujus de Papis Romanis Historiæ Auror. Cau-
sæ Imperatorum & Regum ipse est studiosus. A criminis atro-
cibusque hæreticorum infectionibus abhorret. Papam Ro-
manum errare non posse, sibi non persuadet. Orationem ad-
hibet

libet compositam, nitidam, sponte profluentem. Genus scribendi est jucundum & pragmaticum. Testes laudat fide plenos & præcipuos. Rationibus utitur plerumque sat luculentis, inprimis ubi de re graviori differit. Ordinem Chronologicum curate servat. Scripta supposita a genuinis distinguit. *Platinam, Dupinium, Fleurium, Norisum*, aliasque primi splendoris stellas, ita illustrat, & in ordinem labantes redigit, ut a moroso Criticorum supercilio sit remotissimus. Nanos velitesque præterit. Quantum religio dominans a vi & potestate humana traxerit adminiculorum, egregie perorat, nihilque facit reliqui, quo Lectorem doceat, mulceat, retineat. Fraudes, pietatis & sanctitatis larva fuoque conscientie obliuitas & abstrusas, ubique in lucem protrahit; ambitionem Cleri immoderatam notat; donationes Principum sacras circumcidit. In Præfatione, cujus finis Parilios ostentat, Autor sese appellat Pontificium, & propemodum Philosophis licentiosis accedit, qui propagationem & miranda Christianæ religionis incrementa plebi, novarum rerum avidæ, tribuunt. Quod ut lectori persuadeat, ad initia seclorum recurrit, quarum flos nullus emerferit, antequam radix inter martyria & persecutionum moles sustentatas fuerit defixa & solidata. Arbitramur, secernendam esse veritatem religionis Christianæ a vitiis eam propagantium. *Jansenistarum* partibus Autor sese videri voluit addictum *Tom. I p. 183.* Laudat *Quernellium p. 171*, tradens, horrendis imputationibus scatere Bullam Unigenitus, licet eam *Clemens XI* ediderit. Conqueritur, Reges Galliarum Hugonotis consecrandis manus præbuisse auxilia-
 165. trices, *p. 224.* Cum vero, *Augustinum Pelagii* sententiis alienum affinxisse sensum, docet *p. 171.* *Jansenistam* ex animo agere non videtur, sed potius *Joannis Clerici* discipulum. *Pelagianos & Nestorianos*, nondum intellectos, crimine hæreseos adspersos esse, tradit *p. 209.* Dubitatio proinde exoritur, an Autor sit Pontificius, isque *Jansenista*. Philosophum diceremus eum, & quidem Politices studiosum, fortassis cum aliqua probabilitate. At, quoquo modo sese res habeat, politissimum scriptorem sequi placet, & potiora ex eo delibare, ut
 Lector

Lector ex simbria de textu, & ex ungue de leone judicare possit. De *Petro* ea, quæ sunt certa, proferuntur; conjecturæ fallaces ac ruinosæ succincte recensentur & notantur. Circa primatum *Petri* monentur varia. Dabimus pauca. Singuli Apostolorum exstiterunt lapides fundamenti. *Petrus* Romæ haud fuit Episcopus. En argumenta. Nullus in N. T. locus id comprobatur. Traditiones historicæ seriores sæpius vacillant. Indoles Apostolatus minus favet functioni Episcopali sustinendæ. *Paulus* jam Romæ fuit moratus, *Petro* ibi nondum conspecto, si hic unquam eo accessit. Interfuit Episcoporum Romanorum, ut *Petrus* crederetur primus Romanorum Pontificum. In ejus enim jura amplissima voluerunt hi successisse. *Simonem Magum* precibus Romæ confusum & ex aere præcipitatum, fabula est, orta ex statuz honore, *Semoni Sancto Deo* in Tibride positæ, a *Justino Martyre* adoptata, viresque nacta caudo. *Papias*, vir judicii exigui, *Petrum* Romam accessisse, primus commemoravit. *Clemens*, eo antiquior, itinera *Pauli Petrique* enarrans, adventum *Petri* in occidentales terras tacet, a cujus instituto haud erat alienum, docere, sese *Petri* esse successorem. *Eusebius* & *Hieronymus* censuerunt, *Petrum* scripsisse priorem Epistolam suam Romæ, quæ per *Babylonem*, qua, obsecro, verisimilitudine sit intelligenda. In Synodo Hierosolymitana suffragio *Petri* principatus nequaquam fuit attributus. *Petrum*, quem *Paulus* erroris convicit *Gal. II, 9*, nonnulli pro *Cepha* diverso, uno e. LXX discipulis, habent. At vulgata, Tridentinis approbata, habet: *Petrus. Hieronymus Petrum* intellexit, & *Petrum* a *Cepha* fuisse distinctum a *Porphyrto* demum, tradidit. *Gregorius Magnus*, Commentarius *Anselmi*, *Dorotheus Tyrius*, alique, *Cephæ* ac *Petrum* pro eodem reputant. Chronologia *Harduini* in hoc momento est conficta. *Fleurius Hist. Eccl. Lib. II Cepham* a *Petro* non discernit, præeuntibus *Baronio* & *Bailletto*. *Petrum* Romæ defunctum nece cruenta, scriptoribus ætate supparibus est incompertum. *Guilielmus de Linde*, Episcopus Ruremundensis, exeunte Seculo XVI sub nomine *Petri* edidit Liturgiam seu Missam Apostolicam. Sed

Pag. 4 seq.

7.

II.

12.

13.

15.

Pag. 18.

20.

21.

22.

23.

28.

29.

31.

32.

38.

Cardinalis *Bona*, Opusculum id esse supposititium, evicit. Est enim farrago ex Missali Romano & Liturgiis, quæ sub nominibus *Jacobi*, *Basilii* & *Chrysostomi* circumferri solent. Suppositor Seculo XVI vix est vetustior. De *Lino* omnia sunt incerta, præterquam quod una cum aliis doctoribus, ordinis ac dignitatis æqualis, Christi ovile Romæ virtutibus illustraverit. *Clemens* fuit Romanorum Christianorum primus, qui, teste fama, martyrio occubuit. *Telesphorum* gladio primum periisse, omnes ad Seculum usque nonnum ob *Irenæi* testimonium crediderunt. *Ussuardus* & *Ado* nova & olim incognita finxerunt. *Linum* de *Vita Petri* scripsisse, *Platina* falso existimavit. Liber ipse nusquam exstat. Pontificali *Domasti* nonnulla de Episcopis Romæ primis memoriæ sunt prodita, quæ fere omnia sunt infra fidem. *Martinus Polonus* frustra *Cleto* tribuit usum formulæ Epistolice: *Salutem & Apostolicam Benedictionem*. Seculo demum VII *Joannes V* & *Sergius I* eam adhibuerunt. Constante ea uti cœperunt *Leo IX* & *Gregorius VII*. *Clemens* sese vocat filium *Jacobi*. Quare patre procreatus est Judæo. Alius est obvius *Phil. IV*, 3. *Recognitiones* & *Constitutiones Apostolicas* esse Opera *Clementis* supposita; dudum inter omnes constat. *Clementem* hunc esse Autorem Epistolæ ad Ebræos, quam *Paulo* tribuimus, patescere videtur ex similitudine vocum & phrasium, quæ in Epistola *Clementis* ad Corinthios emittunt. Epistolas decretales ad *Siricium* usque esse confictas, tam clare nunc patet, quam id, quod in disco solis scriptum. *Pagius* id solide ostendit. De *Anacleto* singula sunt incerta. Ritus dedicationum templorum tarde satis ab ethnicis in Ecclesiam Christianam transit. *Alexander I*, cruento martyrio haud perfunctus, ab Ecclesia posteriori perperam Martyribus est adscriptus. *Sixto I* frustra tribuitur formula: *Sixtus, universalis Apostolica Ecclesia Episcopus, omnibus Episcopis in Domino salutem*. *Telesphorus* A. 154 cruento obiit martyrio, testibus *Irenæo* & *Tertulliano*. Epistola, quæ *Aniceto* Papæ tribuitur in *Concil. T. I. p. 380*, confarcinata est ex *Leonis* Papæ Epistola XXXII. Reprehendit Autor morem, *Hieronymo* probatum, Theologo:

rum

rum nonnullis apprimè familiarem, scilicet amplificandi heroas & invagines reclamante veritate, dummodo adversarios liceat denigrare. *Eleutherus* Papa ad *Lucium*, Britannicæ Regem, haud ablegavit Evangelistam. *Gregorio M.* is honor est reservandus. Notatur porro indebita Martyrum multiplicatio. *Victor I* regulas modestiæ, & potestatis Episcopalis terminos, Epistolis in Quartadecumanos Asiaticos editis, ingravit, ostendente & notante *Irenæo*. *Antonino* adhæsit nomen *Pii*, eo quod singulas toleravit religiones. *Zephyrinus* Papa in cœtum Christianum anxie circumspexit, ex exemplo *Victoris*, dominatum. *Tertullianus* ad Montanistas transfugit, offensus prava Clericorum Romanorum ambitione, ac *Zephyrinum* molliciti relaxatæque disciplinæ ecclesiasticæ accusavit, quem recentiores temere pro Martyre reputarunt. *Alexander Severus* favit Christianis, eisque templa publicumque religionis exercitium indulgit. Mater ipsius *Mammæa* nomen Christianæ religioni dederat. Hinc illa indulgentia. Credibile videtur, peculiaria tum a Christianis cœmeteria fuisse comparata. Sub *Urbano I* sacerdotes cœperunt annua tenere stipendia. Acta Martyrum circa annum 237 *Anteros* quidam cœpit colligere. *Philippus Cæsar* non fuit Christianus. Seculo III universi Episcopi nomine Paparum venere. *Novatianus* ad hæresin delapsus, quia spe Episcopatus Romani obtinendi exciderat. Quoties ea iteratur fabula? *Cyprianus* Baptisimum, ab hæreticis susceptum, pronuntiavit invalidum, nec eam opinionem unquam mutavit. Nihilo fecius ipse numero Martyrum in Ecclesia Romana adscriptus. *Stephanus I* dominatui in Ecclesiis Hispanicis & Africanas jam inhiavit. *Laurentium* Martyrem Autor incusare videtur immodestæ & obstinationis, Præfecto Romano exhibitæ, indeque adscitæ mortis temerariæ. Quot, quæso, appellati sunt *Sancti*, qui magistratui legitimo oblatrarunt? *Dionysius* ambabus excepit provocationem quorundam Ægypti Christianorum ad arbitrium Episcopi Romani. Ipsi falso *Dionysium*, Episcopum Alexandrinum, negatæ Christi cum patre consubstantialitatis insinularunt. *Dionysius* hic refutavit Nepotis, Episcopi

Pag. 41.

44.

46.

49.

51.

54.

59.

65.

66.

71.

72.

Pag. 73.

77.

82.

83.

89.

90.

92.

scopi Ægyptii, jam defuncti, opinionem de millenario, eoque adspectabili, Christi in terris regno. *Paulus Samosatenus*, Episcopus Antiochiæ, *Zenobiam*, Palmyræ Reginam, capita doctrinæ Christianæ docuit, traditis de Christo præceptionibus, tanquam de nudo homine. Episcopi Orientales, ea de causa Antiochiæ congregati, eum *lupum rapacem* dixerunt. *Manichæi* exsisterunt primi, qui sacram cœnam sub una administraverunt specie. Disceptatum inter Episcopos de principatu loci & dignitatis ante persecutionem *Diocletianam*. Autores Pontificalis I & Breviariorum Romanorum, *Platina*, alique, referentes, *Marcellinum* thura cremasse idolis, atrocitate insectatorum in præceps actum, Episcopos Romanos falli non posse, negarunt. *Theodoretus* tamen *Hist. Eccl. Lib. 3*, *Marcellinum* in persecutionis æstu perstitisse constantem, memoravit. A tempore *Tertulliani* unctio baptismati addita, nec non gustatio mellis ac lactis, atque crucis signatio, repetita fuit. Pædobaptismus semper valuit, secus ac sensit *Godofredus Arnoldus*, qui dudum apud prudentes rei historicæ æstimatores omnem fidem decoxit. Seculo III Baptismus differri cœpit: Eucharistia infantibus præberi cœpit: altare proprie dictum exstitit nullum. Conferenda hic tamen est *Voighti Thyssastriologia*. De Patriarchis, Archi-Episcopis, & Metropolitibus alium fuit silentium. Lapsis, ad pœnitentiam reversuris, publica Confessio indicta. Ea est origo Confessionis auricularis, quæ hinc tandem exorta. Episcopis majorum urbium sese Presbyteri subjecerunt vicini. Synodus Eliberitana, A. 305 in Hispaniis coacta, sancit, ne quis interdum in sacris lucernas accendat. Ritus enim hic Ethnicis erat proprius, qui tamen sensim in Ecclesiam irrepsit. Usus imaginum, præcipue Jesu Christi, jam Seculo tertio, secus ac *Jo. Dallæo* & *Jac. Frid. Reimanno* visum, in domicilia Christianorum sacra ex more Ethnicorum & Hæreticorum fuerat translatus. Conf. *Theodori Hufai Dissert. de Statua Panædensi* P. III §. 22 p. 417 seq. in *Sylloge Dissert. & Observationum philologicarum*. At Synodus morem jam tum invalescentem & extraneum sustulit. Quantum hic sese torquent *Baronius* & *Fleurius*! *Bailletus*,

eo quod permultis Sanctulorum detraxit fabulas Legendarum, a Gallis appellatur *le denicheur des Saints*. *Melchiades* Papa *Constantinum* irritavit in *Maxentium*. Si hic illum vicisset, de religione Christiana persecutorum atrocitas triumphasset. *Constantinum* signo crucis, in cœlis viso, in Christiana religione fuisse confirmatum, hic asseritur. *Melchiada* moderatio erga Donatistas superat laudes omnes. *Constantinus M.* convocavit contra Donatistas Concilium Lateranense. Assensores Concilii acta arbitrio Cæsaris submiserunt. Cœlibatus sacerdotum ob tolerandam persequentium violentiam jam Seculo III cœpit magni æstimari. Restabat tamen quædam licentia ducendi potius uxorem, quam impuris litandi flammis. Concilium Ancyranum A. 313 prohibuit, ne quis Presbyterorum victum carnis & iuscula carnibus imbuta effugeret. Fanaticos errorumque petulcos magistros moderatione non semper ad saniora reduci posse, Donatistæ suo docent exemplo, qui, lenitate *Constantini M.* abusi, a furore suo, in deprædationes tandem erumpente, non nisi legibus durioribus poterant revocari. *Godofr. Arnoldus*, qui Donatismo olim pressit pollicem, ex hac coercitione in *Constantinum M.* indubie asperior redditus fuit. Si *Constantinus* non nisi Mysticos, Platonicos, Donatistas, & Fanaticos patrocinio dignatus esset, quantum ductus foret ab *Arnoldo*? Cultum Dei, die solis publice testificandum, serio edixit idem *Constantinus*. Edictum ejus de licentia legendi aliquid usibus rei Christianæ sacris, probabiliter fictæ donationi *Constantinianæ* locum fecit. Memorabile est, *Constantinum* altercantibus permisisse facultatem deferendi lites mutuas ad Episcopos, & acquiescendi in decretis eorum, indubie ex jure compromissionis. Hinc Politici Cæsarem carpunt; Theologi contra eundem, licet vitæ nec puræ satis, nec cæux, esset, collaudant. Fœminas, præcipue aulicas, sectis novis sublevandis (*) pondus plerumque addere, exemplo suo testatum fecit *Eusebius*, qui, ad genium aulæ accommodatus, hac arte per fœminas, facile illaqueari & trahi solitas, *Ario* consuluit. Nihilo secius ob majorem Anti A-

Pag. 95.

96.

97.

100.

102.

103.

(*) Confer exempla T. I p. 369, 372 seq.

Pag. 104.

105.

107.

108.

109.

rianorum numerum sententia in *Arium* stricta. Insulsum Cæsaris ejusdem est decretum, quo Arianisimum professi a penis erant immunes, possessores vero librorum *Arii* plecti jubebantur. *Hosium* præsedisse Concilio Nicæno, *Gelasius Cyzicenus* testatur una cum *Baronio* & *Fleurio*. Formula confirmationis Concilii, quæ *Silvestro* tribuitur, est supposititia. Secta Valesianorum arte faciebat Eunuchos. Synodus artem illam sustulit, & malignam pronuntiavit. Suadet Autor, ut hæc ars in Monachos cœlibes exerceatur. Addit rationem: *Cela préviendrait assurément beaucoup de désordres. Mais, peut-être aussi qu'en ôtant le scandale, on dépeuplerait les Etats Catholiques; & les mariages ne seroient peut-être pas si féconds, si tous les Moines étoient Eunuques. Il paroît du moins, qu'on en est assez persuadé en France, puisque rien n'est plus commun dans les querelles du peuple, que de s'entendre appeller Enfant le Prêtre.* Belli sales! *Papbnutius*, qui legi de cœlibatu Sacerdotum rogandæ intercessit, fuit Episcopus Thebaidis superioris. Seculo IV Papa Romanus controversias, quibus ipse forte attentabatur, ad Cæsarem detulit, ejusque stetit decretis. In ecclesiasticis Papæ standum fuit decretis Conciliorum. In lite Athanasiana ne verbum quidem de decisione Romani Pontificis inauditum. Epistola Episcoporum Ægyptiorum ad *Marcum* Papam, quæ in Operibus *Athanasii* apparet, est supposititia, *Pagio* non diffitente. Ex eo, quod *Constantinus* ad mortem distulit Baptismum, sit verosimile, ipsum, rationibus politicis & firmitate sectatorum Christi inductum, nomen religioni dedisse Christianæ. Idem in Præfatione transitum *Constantini* ad Christianorum religionem vocat *conversionem politicam*. Licet vero eadem sententia Mysticis nonnullis jam placeat, nemo tamen Fanaticismum ostendit plus nocere rei publicæ & societatibus humanis, quam laudatissimus Autor. Imaginem Fanaticismi in *Gregorio M.* repræsentavit singularem. At quomodo hæc cohererent cum signo cœlesti, quo *Constantinum* Autor ad hanc religionem suscipiendam commotum tradidit? *Zosimus* judicat, Cæsarem crimina admisisse summa, a quibus sacerdotes Ethni-

Ethnicorum eum solvere noluerint ; Christianos vero sese
absolutioni impertiendæ obtulisse promptos, ut persecutoribus
vim humanam opponerent. Sed unius actionis plura
possunt esse invitamenta, quæ vulgo vocant motiva. Qui Se-
culo IV sacrae cœnæ intererant, universi symbolis vescabantur
eucharisticis. *Julius* Papa circa A. 341 sibi dictaturam in E-
piscopos Orientales arrogavit. At hi eam firmissimis retude-
runt argumentis, quæ exstant apud *Socratem* & *Sozomenum*.
Ursacius & *Valens* *Julio* Papæ fecerunt fucum, ut *Athana-*
sium eo vehementius vexarent. Papa igitur falli potest, i-
mo erravit, dum hosce orthodoxiæ infestos in communio-
nem ecclesiasticam suscepit. *Liberius* Arianismo favit, & hoc
pacto sibi jurisdictionem in *Athanasium* arrogare tentavit, si-
milis *Petri* eo ipso, quod in abnegationem æternæ Christi
divinitatis prolapsus est, uti ipse scripsit, (a) *libenti animo*, eum
in finem, ut ex exilio in sedem *Episcopalem* posset redire.
Hilarius, Episcopus Pictaviensis, eapropter tria in *Liberium*
anathemata evibravit, eumque appellavit *prævaricatorem fi-*
dei. Hæc exquisite edisseruntur, solide comprobata, ut mi-
rari subeat, quæ fronte *Maimburgius* *Liberio* tantam macu-
lam demere ausus fuerit, quam non dissidentur *Pagius*,
Baronius, *Fleurius*, *Bailletus*, *Larroquius*. Illico mundus in-
gemuit, adiniratus, se tam subito evalisse Arianum (b). Ubi-
nam tunc hæsit Ecclesiæ orthodoxæ universalitas & amplitu-
do? Martyrologium *Hieronymi* habet *Liberium sanctum*.
Sed is ex Romano est ejectus. *Felix* Papa, quem Arianum
Liberio ejecto substituerunt, ex Edicto *Constantii* Cæ-
saris cum *Liberio* reduce ac recepto sociare curas & regimen
debebat. *Optatus* & *Augustinus* *Felicem* in Papis non nume-
rant. In Martyrologio Romano *sanctis* aggregatur *Marty-*
ribus. Arte singulari & inscriptione fortassis efficta A. 1582
denovo *Felix* locum inter Martyres obtinuit, ille, quem *Atha-*
nasius *monstrum nequitiae* & *Anti christum* appellaverat. *Da-*
masus fuit electus inter schisma seditiosum, more minus Apo-
stolico,

Pag. III.

113.

114.

118.

119.

121.

122.

123.

(a) Concil. Tom. III p. 751.

(b) *Hieron. adv. Lucifer. Cap. 7.*

- Pag. 124. stolico, quem *Ammianus Marcellinus* & *Prætextatus*, Romæ Præfectus, false exagitarunt. *Gregorius Nazianzenus* Orat. 32 luxum Episcopi Romani vehementer perstrinxit, & societatem Clericorum ejus vocavit *Senatum Pharisæorum*. Accusatus fuit *Damasus* adulterii, nec infamia illa fuit plene repulsa. Avaritia & fraudes Clericorum jam tum Romæ invaluerunt, quas restringendas ipsi censuerunt Imperatores (*). Ut *Damasus Valenti* Cæsari velificaretur, in Arianos cœcutiit.
127. Ferociam *Damasi Basilius* Ep. 10 graviter notavit. Donatistæ tum Episcopum suum habebant Romæ, qui sibi gregem in cavernis montium juxta urbem colligebat. *Apollinaris* cum sectatoribus ad confcios duntaxat errores suos enuntiabat, de
128. cetero lingua utebatur ecclesiastica. *Valens* & *Valentinianus*, Cæsares, Episcopo Romano prærogativam decidiendi controversias tribuerunt. Priscillianistæ, ut nuper C. V.
129. *Tuchfeldius*, per scœminas curiosulas sectam sibi emendicarunt, amplexi emanationem animæ ex Deo, & tribuentes diabolo potestatem in mundum, reprimi nesciam. Hominem naturaliter subesse spiritui astrali, iidem dictitabant. Mysticismum allegoricum, & apocrypha, spiritumque fanaticum, deamabant. Dogmata stolidissima per disciplinam arcani propagabant, perhibentes: *Jura, perjura, secretum prodere noli*. De miraculis *Damasi* Autor concise judicium suum ita exprimit: *Quanti hac sint facienda, eruditi norunt*. Picturæ tum nondum adoratæ, ortæ ex vitris pictis, quibus Christiani utebantur. *Syricius* successit *Damaso*, confirmatione *Valentiniani* adjutus. Ipsius Epistola decretalis est prima e genuinis. Ipse sanxit, ne quis uxorem, alteri jam desponsatam, duceret. Cœlibatum Clericorum edixit, ut eos redderet Hierophantas & Gallos. Applausit *Hieronymus*, avaritiæ Clericorum testis locupletissimus, qui Romam vocavit *Babylonem*. *Syricius* damnavit Manichæos & *Joviniani* sectatores, indicta causa, viribusque omnibus externis exiit. *Théodosius* Paparum erat mancipium. Epistola quarta *Syricii* est supposita. *Anastasius Ruffinum* ad causam dicendam non vocavit in jus Romam, ut
- 134 seq.
- 137.
- 139.
- 140.
- 141.
- 143.
- 147.
- 157.

(*) Cod. *Theodos. L. XXVII de Episc. & Cleric.*

ut visum *Baronio*. Laudatur *Picetus*, quantum ad votum Pag. 163.
 castitatis attinet. *Innocentius I* ethnicis Romanis sacrificia
 permittit, ut populum ab *Alarico* obsessam palparetur. *Au-* 167.
gustinus fuit ingenio minus systematico, unde centies sibi
 contradixit. A *Pelagio* verbis tantum initio dissidebat. De- 171.
 rat ei moderatio & lentor animi. *Innocentius* docuit, ab hæ-
 reticis ordinationem ecclesiasticam recipi non posse. *P. le*
Courray nuper docere sustinuit, ordinationem Anglicanam
 esse validam. At ea sententia ipsum ad fugam adegit, qua se-
 se nuper in Angliam contulit. A. 415 *Innocentius* aperte cœ-
 pit favere reliquiarum cultui, & in dies sibi jurisdictionem in
 ceteras Ecclesias majorem attribuit. Anathematismus in er-
 rores, sæpius minoris momenti, ubique in morem transit.
Augustinus auctoritatem Papæ mirifice adjuvit, totusque fuit
 in *Pelagio* infectando, stringendis anathematibus, scriptis evi-
 brandis, quibusvis ad odia in *Pelagium* excitandis. 178.
Zosimus, *Innocentius* successor, *Cælestii* doctrinam de peccato ho-
 minibus non innascente, nec a natura, sed a voluntate, prode-
 unte, approbavit, ut auctoritatem suam ultra Episcopos Con-
 stantinopolitanos eveheret, lætatus, *Pelagium* & *Cælestium*
 causam & doctrinam suam submittere examini sedis Apostoli-
 cæ. *Innocentius I* unctionem ægrotis quibuslibet decrevit, & lo-
 cum *Jac. V. 14*, de fidelibus ægrotis, quos quisque fidelium
 inungere possit, necessitate sic ferente, exposuit. *Theodosius* 174.
 A. 421 Edicto cavit, ne Episcopi Illyriciani ad Episcopum Ro-
 manum provocarent, sed potius ad Constantinopolitanum, or-
 dine quippe priorem. A. 423 Episcopi & Ecclesiæ Afrorum, 196.
 Concilio coacto, statuerunt, ne quis ad Romanum Episco-
 pum causam ex Africa deferret, rati, factum dominationis se-
 cularis in Ecclesiam Christi haud esse invehendum. *Nestorius* 204 seq.
 non omnino improbavit vocem *Θεοτοκος*, & *Cyrilli* malis ar-
 tibus innocens succubuit. Autor subnectit Apologiam pro
Nestorio p. 207 seq. A. 444 Ecclesia Orientalis, invito Leone 225.
 Papa, Pascha ad 23 April. celebravit; Occidentalis vero ad 26 228.
 Martii. *Leo* fuit primus, qui, supplicia in hæreticos exprom-
 ini, consulum duxit. *Eutyches* excusatur. *Leo* A. 450 con-
 fef-

- Pag. 245. fessionem privatam instituit. *Genferici* crudelitas mitigatur
 p. 238. Laudatur *Baronius*, qui ad *A. 464 §. 8* largitur, Pon-
 tifices Romanos in decisionibus ab affectibus præoccupari, &
 errare posse. *Gelasius* docere cœpit, auctoritatem Episcopo-
 rum a majestate Imperatorum & Regum laud pendere.
 261. Idem iussit omnes fideles sacram cœnam *sub utraque* specie
 265. adhibere, habens eos pro sacrilegis, qui symbola mortis Jesu
 269. separent. *Theodericus* Rex diremit litem inter Papam
Symmachum & Anti-Papam *Laurentem*, & convocavit Con-
 ciliium ad inquirendum in crimina, *Symmacho* objecta. *Symma-*
 274. *chus Anastasium* Cæsarem docet, Episcopalem potestatem esse
 3.6 seq. imperatoria maiorem. *Vigilius*, dummodo fieret Pa-
 pa, Synodo Chalcedonensi & Epistolæ *S. Leonis* renuntiavit.
 334. Crudelitas Clericorum notatur. *Pelagius* Papa fate-
 337. tur, sese subesse jurisdictioni Regum secundum sacras literas.
 De *Johanna* Papissa asseruntur pauca, Autore suspi-
 cante, originem fabulæ (*) a muliebri *Joannis* indole pro-
 fluxisse. Pace aliorum nobis videtur credibile, statuum Vene-
 ris, Phœbum vel *Æneam* amplexæ, a posteritate imperita in
 Sensum transfusam esse alienum. Exempla ejusmodi sugges-
 rit *Theodorus Haseus* in *Sylloge* p. 434 seq. Autor singulis
 Seculis subjungit succinctam & pragmaticam de Imperatori-
 bus enarrationem. Fuimus jam satis longi.* Quare nil su-
 perest, quam ut Lectorem ad fercula lectissima libri ipsius re-
 mittamus.

(*) *Tom. II p. 29 seq.* Funditus fabulam evertere eam ten-
 tavit *J. G. Eccardus* in *Commentario rerum Francic.*
Tom II Lib. XXX §. 17 seq. p. 433 seq.

S. AURELII AUGUSTINI, HIPPONEN-
sis Episcopi, Vita, Autore S. POSSIDIO, Cala-
mensi Episcopo, ad MSSos Codices recensita, Notisque
illustrata, opera & studio D. JOANNIS SALINAS,
Neapolitani, Can. Reg. Lat. ac Sac. Theol. Lect. ad Re-
veren-

verendissimum P. D. ASCANIUM VARESIUM,
Can. Reg. Lat. Abbatem Gené-
ralem.

Romæ, typis Jo. Zempel, 1731, 8.

Plag. 22.

Autor Venerandus statuerat huic libello jungere librum *M. Hugonis a S. Victore*, Canonici regularis, de *Institutione Novitiorum*. Utrumque inscripsit *Ascanio Varese*. In Præfatione idem institutum sic indicatur: *Possidii Opusculo junximus auro cedroque digniorem libellum Hugonis de S. Victore*. Ex cæce libri p. 134 apparet, Autorem id consilii mutasse, & in præsens unci *Possidiani* libelli editionem euravisse. Omissionem illam abunde pensavit Dissertatione sua, quam de *Vita & rebus gestis S. Possidii*, Calamensis Episcopi, conscripsit, & in locum *Hugonis* substituit. Illud vero *Hugonis* scriptum alio in Opere, Deo juvante, plenius exsequetur. Nuncupamus merito vota pro incolumitate Autoris, ne factus promissus fato infeliciori intercipiatur. Decerpemus pauca ex hoc viridario, & ad tria potissimum respiciemus, nempe ad merita editionis, ad virtutes Annotationum, & ad summam Dissertationis, primoribus labris degustandam. Ad momentum primum. Autor consuluit insigniores editiones & Codices MStos. In numero editionum meliorum deputat illam *Joannis Ulmerii*, Canonici Reg. Monasterii *S. Martini* Lovaniensis, qui in emaculandis *Augustini* & *Possidii* scriptis multum desudavit. Non neglexit editionem Lugdunensem, emissam A. 1563, & Basileensem, ex officina Frobeniana A. 1529 egressam. Potissime adhibuit in subsidium labores Patrum *S. Mauri*, qui libellum *Possidii* dederunt *Tomo X Opp. S. Augustini* post Appendices omnes in fine, & variantes adjunxerunt lectiones ex sex Codicibus, quæ hic denuo comparant. Consuluit porro Autor Codices quinque MStos ipse, duos ex Bibliotheca Christianæ, Suecorum olim Reginæ, tres ex Vaticana. Inprimis vindicat vitam *Augustini* ab

- animadversionibus *Joannis Clerici*, in Appendice ad Opp. *Augustini T. II* p. 622 allatis. Provocat eo fine ad Cel. *Lud. Aut. Muratorii* Opus de *ingeniorum moderatione*. Succedit momentum alterum. *Possidius*, non *Possidonius*, fuit nomen Episcopi Calamensis, licet posterior appellatio probeatur *Honorio* Augustodunensi, aliisque. *Possidonius* enim fuit eadem ætate Episcopus alius Afrorum. Manichæi, qui *Augustinum* juvenem allexerunt in sui consortium, fuerunt homines doctissimi, disert, acuti in disputando, & versuti ad allectanda doctiora ingenia, præcipue per prodigiosam ciborum abstinentiam, & paupertatis simulationem. Cœtus Ecclesiarum olim candidatum sæpe invitum obtulerunt Episcopo ordinandum. Sed Seculo quinto Imperator *Majorianus* & *Leo* Papa ordinationes ejusmodi violentas sustulerunt. *Manichæi* errores suos specie afflatus, a Spiritu Sancto profecti, ornarunt. Nullæ nugæ tam existunt deliræ, quibus Fanatici & lymphantes homines non prætexant illud tremendum Spiritus Sancti nomen. Quantum tumultuationis rabiose oriatur ex extraordinaria sanctitatis affectatione, ex Donatistarum furore, rapinis & credibus, patet. Habebant enim suarum rapinarum magistros, quos vocabant *Sanctorum Duces*. *Augustinum* Græce fuisse doctissimum, argumentis hic evincitur non improbabilibus. *Marcellinus*, tribunus a latere *Honorii* Cæsaris, & notarius, ac in Africam legatus judex, subtilissimas de origine animæ quæstiones proposuit. Consuetudo tum vigeat, ut ob dissensiones revinciendos accusatio hæreseos ad judicem deferretur politicum, qui convictum ab Episcopis multaret & coerceret. Orthodoxiæ igitur præsidium pendit a legibus Imperatorum, doctrinas partium potiorum confirmantibus. Requiret fortassis quispiam in Ven. Autore libertatem prompte differendi de statu decisionum, tum per Ecclesiam Africanam usitato, Romanisque Pontificibus non penitus obnoxio. Nec tamen negat, *Zosimum* Papam, *Xysum* Presbyterum, & alios Clericos Romanos, in *Pelagium* *Cælestium*que fuisse propensiores, & utrumque jamjam innocentem pronuntiaturos, ni *Honorius* sententiam Africani Concilii
- Pag. 5.
- 9.
- 15.
- 21.
- 27 seq.
- 34 seq.
- 43.
- 63 seq.

MENSIS JANUARIi A. MDCCXXXIV. 41

oili antea confirmasset. Largitur quoque, Apostolorum nul-
 lum sedisse judicem hominum aut diviorem terminorum, vel
 distributorem terrarum. Nec tamen aude aperte improba-
 re eum morem Clericorum, quo hi causis litigantium deci-
 cendis operam impendunt. Refellit *Petri Petiti* judicium, Pag. 68.
 qui *Augustino* ebriosam vini cupiditatem objecit. Monachos 75.
 inter edendum sacre lectioni ut intentos redderent, *Basilius* 77.
 & *Augustinus* laude cum multa annisi sunt. Veteres scrinia 79.
 & arculas vice clavium firmarunt annulo. Res & ornamenta 83 seq.
 Ecclesie, necessitate indigentium urgente, recte dividuntur.
 Egregium est *Augustini* Concilium de eo, an, hostibus ad-
 ventantibus, Ministri Ecclesie fugere liceat. Momentum 104 seq.
 nunc tertium aurem vellicat. Egregia est Dissertatio & soli-
 do stilo elaborata, quam Ven. Autor *de Vita & rebus gestis*
S. Possidii addidit, quippe ex optimis quibusque Scriptoribus
 decerpta, & in unum corpus coagmentata, serieque ad Chro-
 nologicam adstricta. *Capitibus* ea constat *quindecim*. In-
 prinis monetur adversus *P. Hommey*, *Possidium* non 7 seq.
 fuisse Eremitam, sed Canonicum regularem, sermonesque ad
 fratres in eremo, ei vulgo attributos, suppositionis nro ma-
 nifestissimo esse convictos. *Possidius* multa adversa pertulit 16.
 a paganis. *Baronius* male collocavit seditionem paganorum
 Afrorum in A. 399, referendam potius ad A. 408. Vicit 19.
 argumentis *Possidius* Donatistas crudeles. Ut *Honorius* ab-
 rogaret legem, in favorem sectarum latam, idem effecit. 31 seq.
A. Genferico in exilium, ob dogma Trinitatis assertum, tandem 51 seq.
 pulsus fuit. Videtur in Italiam aufugisse. Sed, corpus ejus
110 seq.
 Mirandulæ asservari, ab omni abhorret probabilitate.

JOSEPHI AURELII DE JANUARIO, AD-
 vocati Neapolitani, Respublica Juris-
 consultorum.

Neapoli, typis Felicis Muscæ, 1731, 4.

Alph. 2 pl. 7.

C 3

Juris

Jurisprudentiæ Civilis & Jctorum Historia tantum nostra ætate consecuta est plausum, ut illi ne quidem videantur inter Jctos locum sibi vindicare posse, qui in ea excolenda data opera non fuerunt occupati. Non unum tamen impendimentum est, quo minus omnes, qui inter Jurisprudentiæ cultores suum profitentur nomen, ea, qua par est, industria literariam Juris persequantur Historiam. Neque dubium, quin multi studii hujus, quod criticis, quæ vocantur, carere nequit observationibus, severitate ab ejus cultu deterreantur. Quod quidem cum ita sese habeat, non possumus non doctissimo Viro juveni, *Josepho Aurelio de Januario*, vehementer plaudere, qui in *Repubblica sua Jurisconsultorum*, cujus novam editionem, amplissima ad Cl. Autorem Epistola ornata, nuper demum Lipsiæ *Fridericus Otto Menckenius*, Collega noster, in gratiam civium suorum curavit, id egit sedulo, ut methodo, quæ ob suavitatem summam lectionis non potest non redimere fastidium, Romanæ Jurisprudentiæ illuminet Historiam. Instituto enim suo tam satisfecit egregie, ut dudum e literaria Juris Historia cognitis novitatem, novis dignitatem, obsoletis nitorem, obscuris lumen, fastiditis gratiam, mira suavitate atque facilitate conciliarit. Sibi fingit Cl. Autor in Ægea longe post Cycladas insulam, ubi Rempublicam optime constitutam habent vita functi Jurisconsulti, quibus singulari fato etiam post obitum datum est sapere. Ad eam iter facientes *J. Genutium*, *Titum Numicium*, *L. Pinarium*, & *C. Nautium*, sistit. Qui quidem, sicut eo consilio iter ingrediuntur, ut pristinam Jurisprudentiæ Romanæ conditionem sibi cognitam reddant atque perfectam, sic etiam in itinere de rebus huc facientibus sermones jucundos miscent. In Republica vero Jctorum & quæ notatu digna geruntur, observant, & ipsos Jctos conveniunt, cupidi eorum de Jctorum & Jurisprudentiæ ratione judicium explorandi. Cum hac methodo Doctiss. Autor Observationes suas, literariam Juris Historiam illustrantes, recenseat; nemo non intelligit, nunquam illi defuisse occasionem, de rebus utilissimis commode disserendi, atque efficiendi, ut, quæ non sine cura scripsit, non sine voluptate legantur. Utilissimas etiam Annotationes suas Carminibus distinxit, quæ uti nonnunquam argumenti se com-

mendant dignitate, sic tantam præ se ferunt facilitatem atque elegantiam, ut doctissimus de *Januario* ipsum referre *Casullum* non immerito dicatur. Difficile admodum, nec instituto nostro esset conveniens, singulas commemorare observationes, quæ huic Commentario decus conciliant atque ornamentum. Aliquot igitur exempli loco tantum commemorabimus, ad ipsius elegantissimi Operis lectionem eos, qui hæc nostra legunt, invitaturi. In itinere, uti fingere placet Cl. *Januario*, *Genutius* cum sociis suis M. *Minutium* convenit, atque cum eodem de nævis Jctorum disserit. *Minutius*, *Scriptorum*, inquit, *Juris* vitia tria sunt, aut quod minute nimis ac inutiliter, aut quod plus a quo subtiliter ac obscure, aut denique quod barbare ac involute res pertractent. Hoc ipsum *Minutii* judicium occasionem aperit Cl. Autori amplissimam, de hisce Jurisprudentiæ Romanæ ejusque interpretum nævis egregias in medium proferendi Observationes. Quemadmodum autem Cl. Autor illis se proficitur infensissimum, qui, neglecto historiarum & humaniorum literarum studio, summos se profitentur Jctos; sic ex instituto illos Jctorum annotavit errores, qui ex harum literarum ignorantia duxere originem. Ne exemplum desit, ad p. 104 provocamus. Ibi, Bartolus, inquit, parum abest, quin juret, a Tiberio Imperatore Tiberim fluvium appellatum; Castrensis, nullo perturbatus putidissimæ mendacii metu, ait, ab Antonio Triumviro occisum Papinianum; Odofredus est præ ceteris suavissimus, testaturque, eadem navi Eneam & Romulum in Italiam adventasse; Accursius, felicissimus temporum conciliator, ridicule monet, Ulpiani ætate Christum natum adhuc non fuisse, vitamque Justinianum ante Christum vixisse, nec alia de causa usum non esse æra Christiana; Jason, acutiore invento superbus, quædam vocis affinitate captus, scribit, a Numa Pompilio dictum esse nummum. Ex quo Doctiss. Autor ad p. 141 usque ea persecutus est, quæ in itinere ad Rempublicam Jctorum notatu digna evenere, ad ipsam Rempublicam Jctorum describendam se confert. Ut constet, quam sibiingat Cl. de *Januario* Rempublicam, ipsa ejus verba proferemus, quibus Pag. 177. summam ejus rationem indicat. Populum, inquit, omnem divi-

divisum novimus in senatorium, equestrem, plebejunque ordinem. Senatoria dignitate primores Reipublica fruebantur, veteres illi egregii Jurisperiti, a Sex. Papirio ad Modestinum usque, cujus aetate retro collapsa jam Jurisprudencia, obmutescere JCtorum oracula cepere. Inter Equites numerabantur, qui post extinctam JCtorum successionem nudam publice docendi ac profitendi Jus provinciam Roma, Constantinopoli ac Beryti susceperunt. Hisque adjungebantur, qui ab Andrea Alciato ad nostram usque tempestatem, ingenio & cultu bonarum artium, interpretandi munus non sine elegantia ac lepore obierunt. Plebs denique Accursium, Bartolum, & qui eos secuti sunt, concludebat, sed bi honestiori loco habitus, neque observantia optimatum, neque honore magistratus defraudati sunt, multis tamen agere id ferentibus. Non ita multo post refert, Domitium Ulpianum & Amilium Papinianum tum in JCtorum Republica Consules fuisse, Jacobum Cujacium Praetorem, Censorem e patriciis M. Porcium Catonem, e plebejis Martinum Fani, & Senatus Principem Servium Sulpicium. Una illos enumerat, qui vel cum Cujacio Praetoris, vel cum Martino Fani Censoris dignitatem ambiunt. Atque hoc modo occasionem sibi aperit, de ipso Duareno, Donello, Hotomanno, Franc. Balduino, Joanne Roberto Aurelianensi, Irnerio, Pepone, Joanne Imola, Bartolo, aliisque JCtis, opinionibusque, cuique eorum singularibus, observationes suas proferendi in medium. Quemadmodum vero Doctiss. Autor hanc sibi legem scripsit, ut methodi varietate scripto suo conciliaret nitorem; sic religioni sibi non ducit, narrationis seriem nonnunquam interrumpere. Nunquam illi hoc modo deest occasio de diversis differendi argumentis. Quodsi enim alia desit, aliquem ex iter facientibus de hac vel illa materia JCtos in Republica sua disputantes audivisse perhibet. Ita v. g. a p. 156 ad p. 159 aliquot JCtos de Philosophia in Jurisprudencia usu confabulantes sistit. Et Aristotelici & Stoici & Cartesiani Philosophi hic Cl. Autori dicendi praebent ansam. De veterum JCtorum Philosophia etiam verba facit, atque, uti multis eorum egregiam Philosophiae peri-

peritiam utique tribuendam esse concedit ; sic *Zafum*, *Alciatum*, *Fichardum*, & alios Jctos, ridet, qui ineptis plane moti argumentis, veterum Jctorum in Philofophia celebrant peritiam. Eadem occasione *Everhardum Ottonem* reprehendit, quem *observatorem splendide minutum morum & studiorum Papiniani* appellat. Is enim ex *leg. 64 D. de Eviſſ.* eximiam *Papiniani* Matheseos ſcientiam probare conatus eſt. P. 254 incipit de Jctis plagiaris doctiſſimas proferre Annotationes. Commemorat, *Franciſcum Duarenum*, Gallum, Cenſoribus autorem fuiſſe, ut in Jctos plagiarios inquirerent, quo e Republica exterminarentur, veterumque Jctorum ſamæ atque nominis celebritati conſuleretur. Non enim conſentaneum eſſe, ut in Jctorum Republica veterum Jctorum inventis recentiores ſuperbiant. Ipſam deinceps a Cenſoribus inſtitutam recenſet inquiſitionem, atque hac occaſione multis annotatis literariam de plagiaris hiftoriam illuminat. Ita v. g. obſervat, *Baldum Jacobi Palliarenſis* cogitata ſua feciſſe; *Bartolum Franciſci Tigrini*, Piſani, ſuperbire Annotationibus; *Alexandrum* ab *Alexandro Joannis Imole* expiſſaſſe ſcripta; *Janum Vincentium Gravinam* omnem ſuam ſamam *Jacobi Godofredi* debere eruditioni; *Vinnium*, celebrem Inſtitutionum interpretem, pleraque *Gerhardi Tuningii* ſcriptis referre accepta, neque ipſum *Cujacium* ob omni furto literario poſſe abſolvi. Tanta fuit, ut Cl. Autor tradit, in hujus controverſiæ diſquiſitione veterum Jctorum autoritas, ut poſt multas diſputationes plerique conſenſerint, plagiaris in Jctorum Republica locum non eſſe concedendum. Id autem dum ageretur, ut vi hujus Decreti ex hac Republica ejicerentur Jcti plagiarii, repertum eſt, ipſum *Duarenum*, præcipuum hujus decreti autorem, ex *Alberici Gentilis* Commentariis numero multas tranſcripſiſſe obſervationes. Furto igitur ſuo literario detecto, ipſe *Duarenus* animum mutavit, atque id omni egit induſtria, ut Ediſtum de ejiciendis e Jctorum Republica plagiaris nullo loco haberetur. Poſtquam de plagiaris Jctis Cl. Autor diſſeruit, de ludis ſecularibus, in Republica Jctorum inſtitutis, verba facit ; qui ipſi anſam ſuppeditant, de eximio

Pag. 285.

Poeseos in Jurisprudencia usu differendi. Hoc ipsum argumentum singulari industria persequitur, atque, ut ipse merito atque optimo jure inter Poetas JCtos locum sibi vindicat, sic Jurisprudentiæ peritiam cum poetica facultate hoc ipso in Commentario egregie conjunxit. Videlicet octo plagulis veterem Romanorum *νυμφοθεσίαν* tam eleganter versibus expressit, ut non possint non ab his ipsis cum voluptate legi, qui Jurisprudentiæ civili suam non consecrarunt operam. Ubi elegantissimum de Juribus Reipublicæ Romanæ Poema definit, ibi incipit disputationis, de *Triboniani* fama in Republica JCtorum institutæ, narratio. Summa hujus disputationis hæc est: *Servius Sulpicius Tribonianum* solenni coram Senatu habita Oratione accusat, quod in veterum JCtorum sacros cineres piosque manes improbe sævierit, atque una cum illorum monumentis nomen famamque eorum nefarie exstinxerit. Plerique JCti consentiunt, *Tribonianum* e Republica JCtorum esse ejiciendum. Sed *Cynus*, Pistoriensis, Tribunus plebis, obstitit huic sententiæ, & *Tribonianum* defendit. Ad populum igitur res dejecta est, ejus erat, vel *Tribuni* intercessionem, vel Senatus auctoritatem comprobare. Non hic exponitur, quis victor e certamine discesserit, *Tribonianus*, an ingens manus hostium? Cum enim nondum finita esset hæc controversia, *Genutius* cum itineris sociis e Republica JCtorum abiit, atque in patriam reversus est. Ex iis, quæ modo protulimus, de ratione hujus, quem præ manibus habemus, Commentarii summatim minimum poterit constare. Plura igitur de eodem verba non facimus. Cum autem elegantissimi versus, huic Commentario hinc inde inserti, summum universo Operi concilient ornatum; temperare nobis non possumus, quin aliquot minimum versus speciminis loco hic exhibeamus. Illos autem exhibemus, qui primum sese nobis obtulerunt, & quibus Juris studiosorum, qui majorem cultus corporis, quam eruditionis, rationem habent, characterem scite expressit ac venuste. Ita vero sese habent:

33.

Nun

Nunc venio ad quosdam juvenes: hi ostendere sese

Pulchros & plenos nobilitatis amant.

Hos ne tange; cave, multo sine honore salutes;

Quodve roges, humili non sine voce roga.

Picta velut minio illorum resplendet imago,

Atque viri forma plus muliebris habens.

Omne locans studium, quo bello incedere possint;

Brachia, crura, pedes, os, caput, arte movent.

Albescit niveo mendax coma pulvere sparsa,

Emicat alterno barba recisa die.

Vestis it ex humeris formas imitata recentes,

Sive, o Galle, tuas, sive, Britanne, tuas.

Pileus haud geritur, ni longo advectus ab orbe,

Et ni forte novo more revinctus eat.

Quaruntur missa a Batavis subregmina lini;

Gemmato digitos annulus orbe premis.

Es crepida est sua cura, manu qua suta sagaci,

Ne qua pelle super ruga sit ulla, vetas.

Machina, distinguens animatis motibus horas,

Præsto est, ut, quotanam lapsa sit hora, sciant.

Ne desit naso, contriti pulveris usus,

Hunc ex argento capsula parva gerit.

Capsula, qua nimio sit reddita pumice lavis;

Cui ductum ex omni sit bene parte latus;

Vel testudineo qua sit de cortice facta,

Es nitet argenti desuper aucta notis.

Ab misera! ab! quanto pascis te errore, juvenus;

Respuit has veneres blanditiasque forum.

Aspice majorum vestigia; dic, ubi luxur,

Dic, ubi famineus tantus in ore lepor?

Ludimus? Anne foro tractamus seria? Nilne

Discrepat a scenis curia, jura joci?

Sed quid ego? Mala difficile est evellere, quando

Caperunt speciem jam retinere boni.

THE CARPENTERS COMPANION, BEING AN

Account and compleat Treatise of Carpenters works &c.

h. e.

FABRORUM LIGNARIORUM COMES,
ſeu Traſſatus de Arte Tignaria; Autore JA-
COBO SMITH.

Londini, apud J. Millan, 1733, 8 maj.

Plag. 2, Tabb. æn. 41.

Cum ars tignaria maximæ ſit utilitatis, ad eam tamen ſpectantia ab Architecturæ civilis Scriptoribus vulgo negligantur; ideirco viſum eſt Autori, hoc illius complementum addere. Enimvero, quia ex ſchematum nuda inſpectione pleraque intelliguntur, ut longo verborum tractu ea, quæ huc pertinent, magis obſcurari, quam explicari, videantur; ideo quoque Noſter magis figuris, quam verbis, docet. Convenit Opusculum hoc cum *Wilhelmi* Architectura civili, in qua eædem delineationes operum tignariorum, ac præterea aliæ forma majore exhibentur, niſi quod Noſter addiderit Appendicem de quinque Ordinibus Architectonicis delineandis. Eſti autem artis tignariæ longe maximus ſit uſus in Architectura navali; eum tamen Autor ſtudio præterit, propterea quod ipſi tantummodo propoſitum ſit ea deſcribere, quæ in ædificiis excitandis uſui ſunt.

PROBLEMATATA MATHEMATICA, NEAPOLI AD
Collectores Actorum Eruditorum tranſmiſſa.

Problema I.

Ex Cylindro, ſuper baſin dati Coni Scaleni perpendiculariter erecto, abſcindere portionem, cujus ſuperficies ipſius Coni ſuperficiem adæquet.



Conſtructio.

TAB. I Coni Scaleni *ABC* ſit *A* vertex, *AE* altitudo, *D* centrum baſis, & *BC* diameter tranſiens per punctum *E*. Fiat *DE:DC = DC:DG*, & in plano *ABG* erigatur ſuper *BG* perpendicularis *GH = ½ AE*. Deſcribatur deinde in eodem plano hyperbola *HO*, cujus *H* ſit vertex principalis, *G* centrum, & axis primus ad axem ſecundum = *DE:BC*. Denique per hujus hyperbolæ perimetrum ita recta ſeratur, ut maneat ſemper

Fig. 1.

TAB. I ad A.

Fig. I.



TA
Fig

erbolæ perimetrum ita recta feratur, ut maneat
semper

semper parallela ei, quæ basin contingit in C. Et portio Cylindri, quæ per hanc rectam abscinditur, eandem habebit superficiem cum ipso Cono.

Demonstratio.

In perimetro basis capiatur punctum aliquod M, ex quo ducatur tum tangens MT, tum ordinata ad diametrum MN. Demittatur deinde super MT perpendicularis AF, junganturque EF, EM, DM, & quoniam $\overline{AE}^2 + \overline{EM}^2 = \overline{AM}^2 = \overline{AF}^2 + \overline{FM}^2 = \overline{AF}^2 + \overline{EF}^2 + \overline{FM}^2$; erit $\overline{EM}^2 = \overline{EF}^2 + \overline{FM}^2$; adeoque, cum angulus EFM sit rectus, erit ET:EF=DT:DM=DN:DC:DN: sed ob rectangula NDT, EDG, quæ sunt æqualia eidem DC quadrato, DG:DN=DT:DE. Quare, cum sit dividendo primum NG:DN=ET:DE; tumque permutando NG:ET=DN:DE; erit per æqualitatem rationis perturbatam NG:EF=DC:DE. Unde eruitur $\overline{NG}^2 : \overline{EF}^2 = \overline{DG}^2 : \overline{DE}^2$; siye etiam $\overline{NG}^2 : \frac{1}{4} \overline{EF}^2 = 4 \overline{DC}^2 : \overline{DE}^2 = \overline{BC}^2 : \overline{DE}^2$. Jam vero, ducta ordinata NO ad hyperbolam BC:DE= $\overline{NG}^2 : \overline{NO}^2 - \overline{GH}^2$. Itaque erit $\frac{1}{4} \overline{EF}^2 = \overline{NO}^2 - \overline{GH}^2$, hoc est $\overline{EF}^2 = 4 \overline{NO}^2 - 4 \overline{GH}^2$, & propterea cum sit $\overline{EF}^2 = \overline{AF}^2 - \overline{AE}^2$; erit $\overline{AF}^2 - \overline{AE}^2 = 4 \overline{NO}^2 - 4 \overline{GH}^2$, quo fit, ut, sicuti ex constructione habetur $4 \overline{GH}^2 = \overline{AE}^2$, ita sit $4 \overline{NO}^2 = \overline{AF}^2$, hoc est $2 NO = AF$, siye etiam $NO = \frac{1}{2} AF$. Jam, si in perimetro basis sumatur arcus indefinite parvus Mm, exiguum triangulum ei correspondens in superficie conica erit ad exiguum rectangulum, quod eidem correspondet in abscissa portione cylindrica, ut est $\frac{1}{2} AF$ ad NO. Unde, cum sit $NO = \frac{1}{2} AF$, erit exiguum illud rectangulum superficiei cylindricæ æquale exiguo illi triangulo superficiei conicæ; & consequenter portio abscissa ex Cylindro eandem habebit superficiem cum ipso Cono.

Corollarium.

Si Conus ponatur rectus, fiet DE quidem nulla, DG vero infinita. Unde, cum sumi possit DG pro NG , erit propter hyperbolam $\overline{DG}^2 : \overline{NO}^2 - \overline{GH}^2 = \overline{BC}^2 : \overline{DE}^2 = 4 \overline{DC}^2 : \overline{DE}^2 = \overline{DG}^2 : \frac{1}{4} \overline{DC}^2$; adeoque erit $\overline{NO}^2 - \overline{GH}^2 = \frac{1}{4} \overline{DC}^2$; hoc est $4 \overline{NO}^2 - 4 \overline{GH}^2 = \overline{DC}^2$; sive etiam $4 \overline{NO}^2 = \overline{DC}^2 + 4 \overline{GH}^2$. Cumque GH sit æqualis dimidio altitudinis Coni, quam nunc designat recta AD ; erit $4 \overline{NO}^2 = \overline{DC}^2 + \overline{AD}^2$, hoc est, $4 \overline{NO}^2 = \overline{AB}^2$, sive $2 NO = AB$, vel etiam $NO = \frac{1}{2} AB$. Unde hyperbola vertetur in rectam ipsi BG parallelam, & ab ea distantem per dimidium lateris trianguli per axem secti.

Scholium.

Plano solida secare, perinde est, ac ea dispescere per rectam, quæ per alterius rectæ longitudinem æquidistanter alteri feratur. Quemadmodum ergo in tradenda genesi curvarum hujuscemodi sectionem postularunt veteres; ita, curvis comparatis, licebit nobis secare solida per rectam, quæ per curvæ alicujus perimetrum alteri rectæ æquidistanter moveatur. Interim per istas sectiones curvæ, quæ subnaſcuntur, non in plana superficie, sed in spatio solido jacebunt. Verum, iis in Geometriam investitis, dici vix potest, quanta Problemata geometrica solvendi sit copia.

Problema II.

Eodem tempore, quo fertur planum aliquod ex B ad C , occurrat ei corpus A per rectam AC . Quæritur linea, per quam planum a corpore percutitur.

TAB. I
Fig. 2.

Jungatur AB , cui per punctum C parallela agatur CD . Dico, DC esse directionem percussiois,

Con.

Constat enim, motum communem & rectilineum mutuum duorum corporum actionem non perturbare. Itaque, si tam plano, quam corpori, imprimatur motus æqualis, & contrarius ei, quo fertur ipsum planum; corpus percutitur planum, ut prius. Sed communi hoc motu percutitur planum a corpore per rectam AB ; cum eo agente planum quidem quiescat, corpus autem moveatur per AB . Quare etiam sine eo motu communi percussio fiet per rectam DC , ipsi AB parallelam.

Demonstrari id etiam potest in hunc modum. Certum est, motum corporis per AC resolvi posse in duos motus laterales AD , AB . Sed priore horum motuum planum a corpore non percutitur, ut quod motu non dissimili fertur ex B in C . Itaque fiet percussio tantum per motum AB ; adeoque recta DC , ipsi AB parallela, percussiois directionem designabit.

Iisdem, ut supra, manentibus fingamus, corpus A elasticum esse. Quæritur linea, per quam illud a plano reflectitur.

Demittatur ex puncto D perpendicularis DE , & sumpta portione CF , ipsi CE æquali, fiat FG dupla ipsius AD . Erigatur deinde perpendicularis altera GH , conveniens cum AD in puncto H ; & erit CH linea, per quam corpus a plano reflectitur.

Est enim corpus A percutiat planum solo motu laterali AB , vel DC ; attamen motus alter AD , non modo non destruitur, sed occurso ipsius plani, quod fertur motu non dissimili, augetur, & duplus evadit. Itaque in definienda linea, per quam corpus a plano reflectitur, necesse est ad calculum ponere tam motum DC , unde oritur percussio, quam duplum alterius motus AD .

Jam, erecto perpendiculo CK , & agente solo motu DC , ut cunctis notum est, fiet reflexio motibus lateralibus CK , CF . Quare duobus iis motibus addito duplo ipsius AD , nimirum FG , continget reflexio tribus motibus CK , CF , FG . Sed duo motus CF , FG , tantundem agunt in corpus, quantum

tam exierit in illud actionem solus motus CG . Itaque reflectetur corpus duntaxat motibus CK , CG , & propterea erit CH linea reflexionis.

Corollarium.

TAB. I Si recta AC fuerit perpendicularis ad planum, incidet punctum K in punctum A ; adeoque cum fiat CE æqualis ipsi AD , seu BC , cadet etiam tam punctum F in punctum B , quam punctum G in punctum E . Unde linea, per quam reflectitur corpus a plano, erit illa eadem, per quam ipsum planum a corpore percutitur.

Fig. 3.

Scholium.

Pro explicandis syderum aberrationibus protulit *Brandlejus*, Astronomus Anglus, sequens theorema: Quodsi lumen ex sydere A perveniat ad oculum C eodem tempore, quo iste per annum telluris motum translatus supponitur ex B ad C ; sydus videri debeat ab oculo, non quidem per rectam CA , sed per rectam CD , ipsi AB parallelam. Veritatem hujus theorematism plerique in dubium revocarunt; sed solutione propositi problematis satis quidem comprobata videtur; cum certum sit, conspiciendum esse sydus ab oculo eadem directione, qua lumen ejus oculum ferit. Ceterum, quod in eodem Problemate expensus sit etiam casus reflexionis, id propterea factum, quia crediderunt nonnulli, posse ope ejus percussione directionem definiri.

Problema III.

Cur in rotæ super planum revolutione circuli omnes interiores describant rectas, æquales rotæ perimetro?

Fig. 4. Sit rota aliqua BC , cujus centrum sit punctum A , radius vero AB . Revolvatur eadem rota super planum BX , usque donec puncto suo B illud denuo contingat. Certum est, circulos omnes interiores describere rectas, æquales rotæ perimetro. Quæritur ratio, cur id contingat.

Quicumque Problematis hujus solutionem aggressi sunt, considerarunt in rotæ latione duplicem motum; unum quidem pro-

progressivum; & alterum circularem. Putarunt autem, centrum motus circularis esse ipsum Rotæ centrum *A*. Qua in re eis non assentior; cum tale munus subeat potius punctum contactus *B*, circa quod radius *AB* quodammodo revolvitur, interea dum rota portione sui perimetri indefinite parva *Bb* plani longitudinem metitur.

Hoc principio posito, facile erit, ejus, quod quaeritur, rationem inquirere. Sumatur in radio *AB* punctum aliquod *D*. Et, priusquam Rota contingat planum puncto proximo *b*, circulari motu ipsius radii describitur a puncto *D* arcus *Dd*. Quare spatium, quod percurritur ab arcu *Dd*, existente in sectore *ABb*, usque donec evadit *b* punctum contactus, erit *Ddd*: proindeque eo res redit, ut ostendamus, spatium istud *Ddd* æquale esse arcui *Bb*.

Id vero ostendemus in hunc modum. Quoniam radii *AB*, *ab*, sunt subjecto plano perpendiculares, iidem erunt inter se paralleli; adeoque arcus *Aa*, *Bb*, æquales erunt inter se. Cum itaque *Aa* sit ad *Dd*, ut est *AB* ad *BD*; erit quoque, ut *Bb* ad *Dd*, ita *AB* ad *BD*. Sed *Bb* est ad *dd*, ut *aB* ad *ad*, sive etiam, ut *AB* ad *AD*. Quare erit componendo, ut *Bb* ad *Dd + dd*, ita *AB* ad *BD + AD*: & propterea, quemadmodum est *AB = BD + AD*, ita quoque erit *Bb = Dd + dd*.

Ceterum in Rotæ revolutione super planum aliquod, non modo ab omnibus circulis interioribus, sed etiam ab ipso Rotæ centro, describuntur rectæ, æquales Rotæ perimetro. Id vero ex eodem principio dependet. Nimirum quia, priusquam rota contingat planum puncto proximo *b*, circulari motu radii *AB* describit Rotæ Centrum *A* arcum *Aa*, æqualem arcui *Bb*.

Problema IV.

Paralogisimum detegere *Leibnitianæ* Demonstrationis, quod vis motrix definienda sit per factum ex pondere in quadratum velocitatis.

Neminem latet, Cl. *Leibnitium* in ea fuisse sententia, quod vis motrix definienda sit per factum ex pondere in quadratum

E

velo-

TAB. I
Fig. 5.

velocitatis. Et cuique etiam compertum est, hanc suam opinionem, quam primum in *Actis* his evulgavit, sequenti demonstratione comprobasse.

Cartesiani ipsi fatentur, tantam vim requiri ad attollendum pondus unius libræ ad altitudinem quatuor pedum, quanta opus est, ut pondus quatuor librarum ad unius pedis altitudinem adscendat. Sed ex ostensis a *Galileo* velocitates, requisitæ pro elevandis duobus ponderibus ad eas altitudines, sunt, ut 2 ad 1. Itaque tunc habentur vires æquales, quando pondera sunt reciproce, ut quadrata velocitatum.

Vim hujus *Leibnitiana* demonstrationis infirmare nonnulli studuerunt, reponendo, quod in ea nulla habeatur ratio temporis. Sed observavit novissime *Joannes Bernoullius*, nihil tam facile factu, quam ut duo pondera ad diversas altitudines æqualibus temporibus adscenderent, cum satis sit, ea per arcus cycloides ad altitudines illas attollere. Itaque *Paralogismus* ejus demonstrationis aliunde repeti debet.

Nimirum principium illud *Cartesianorum* respicit elevationem ponderum, æquabili motu faciendam; nec alia de causa invecum a *Cartesio* in sua *Mechanica*, quam ut ope ejus vires explicaret machinarum, in quibus omnia æquabili motu peraguntur. Cum igitur in *Leibnitiana* demonstratione illud traducatur etiam ad spatia percurrenda motu æqualiter retardato; inde ei vitium suboritur, nec quidpiam ope ejus concludi potest adversus pristinam vires definiendi rationem.

Quin, habita ratione resistentiarum, quas superare debent duo illa pondera, cum ad eas altitudines eleventur, luce clarius apparet, definiendam esse vim per factum ex pondere in velocitatem. Sunt enim resistentiæ illæ ipsi gravitatis impulsus, qui in dato tempore sunt, ut ipsa pondera; in temporibus vero diversis sunt ut pondera & tempora conjunctim. Quare, quemadmodum ex resistentiæ sunt ut 2 ad 1; ita necesse est, ut in eadem ratione sint etiam vires, quibus eadem resistentiæ superantur.

OPE.

OPERE FISICO-MEDICÆ &c.

h. e.

OPERA PHYSICO-MEDICA, IMPRESSA ET
Manuscripta, Equitis ANTONII VALLISNERI,
 collecta ab ejus filio, & dedicata Illustriss. & Excell.
 Dominis Reformatoribus. studii Pataviensis.

Tomus I.

Venetiis, apud Sebastianum Coleti, 1753, fol.

Alph. 6, cum Tab. æn. 51.

Antonius Vallisnerius, Regensis, Philosophus & Medicus insignis, ex nobili & perantiqua stirpe ortus, cum ob maxima sua merita & præstantissima ingenii monumenta summam nominis gloriam atque amplissimos honores esset consecutus, ætatis nonum supra sexagesimum agens, Patavii, ubi artem medicam primo loco cum singulari laude docuit, die 15 Cal. Febr. A. 1730 extinctus est. Ejus Scripta, de quibus in *Actis* nostris iterum ac sæpius mentionem fecimus, nunc conjunctim edere instituit æmulus paternarum virtutum filius: idemque eruditam & amplam præmisit Præfationem, in qua totum parentis institutum amplecti, ejusque in omni Philosophia naturali inventa exponere atque illustrare, conatus est. Ipsi scilicet patris vestigiis insistens, qui cum alias, tum maxime in docta sua lectione de *Catena sive nexu rerum creaturarum*, admirabilem ordinem & velut cognitionem trium naturæ regnorum præclare demonstravit, quid in singulis, cum inferioribus, tum superioribus, hujus catenæ anulis expoliendis, nostro tempore, & potissimum a patre suo, præstitum sit, & quæ sint veræ atque immutabiles naturæ leges, exponit. Hanc Præfationem sequitur Descriptio satis copiosa vitæ, familiæ, studiorum, honorum, Operum, adversariorum, & mortis, *Vallisneri* nostri, desumpta maximam partem ex Commentariis, quos ipse, dum viveret, Comiti di *Porzia* commiserat. Nobis hinc notare paucis liceat, natum eum d. 3 Maji A. 1661, præceptore cumprimis usum magno *Malpighio*, Docto-

rem Medicinæ & Philosophiæ creatum Regii A. 1684, Patavium vocatum ad docendam artem medicam A. 1700, ab Imperatore A. 1722 Medicum Cameræ Cæsareæ, & a Duce Mutinensi A. 1728 Equitem creatum, Academicis & Societatibus Scientiarum, Germanicæ, Anglicæ, Bononiensi, aliisque, adscriptum, locum & honorem Archiatri Pontificii, itemque Professoris Primarii Turonienſis, modeste recusasse, ac tandem eo tempore obiisse, quo supra significavimus. Jam, quod ad ipsa Scripta attinet, quæ hoc primum Volumen Operum *Vallisnerianorum* complectitur, ea nunc sunt ordine & breviter a nobis recensenda.

I. *Della curiosa Origine degli scilupperi &c.* i. e. *de Curiosa origine, evolutione, & moribus admirandis multorum insectorum, Dialogi duo*; in quibus id potissimum agit Autor, ut variis novis atque accuratissimis experimentis doceat, nulla insecta sponte vel ex putredine, sed omnia ex ovo, produci, secundum certas ac constantissimas naturæ leges. Adjunctæ sunt huic correctiori editioni nonnullæ Annotationes & novæ Observationes, ab ipso Autore maximam partem profectæ, de nidis quorundam insectorum hætenus occultis, de insectis asparagorum, de iis, quæ intra durissima marmora & cretam, etiam sub aqua, reperiuntur, de locustis *S. Joannis*, & de aliis rebus, huc pertinentibus.

II. *Considerazioni ed Esperienze intorno al creduto cervello di bue impietrito, i. e. Considerationes & Experimenta de cerebro bovis, quod habitum fuit pro petrefacto.* Ostendit Autor novo exemplo, quod ipse quam accuratissime examinavit, multisque rationibus, non esse ejusmodi cerebra vera cerebra petrefacta, sed materiam osseo-petrosam, ex succo osseo, intra cranium destillante, concretam, verumque cerebrum amplectentem & comprimentem. Docet, quomodo hoc fieri possit, cur adeo duræ fiant hæc concretiones, cur aliquam similitudinem cerebri habeant, & quomodo inde oriântur varia phænomena, in jumentis, tali cerebro præditis, observata.

III. *Considerazioni ed Esperienze intorno alla generazione de vermi ordinari del corpo umano, i. e. Meditationes & Experimenta de generatione vermium ordinariorum in corpore humani.*

humano. Cum hi vermes prorsus ab iis differant, qui extra corpus humanum reperiuntur; negat Doctiss. Autor, eos oriri ex ovulis posse quæ cum cibo, potu, & aere assumuntur, sed in ipso potius homine nasci, & genus suum propagare, ita, ut ovula eorum a matribus nutricibusque ad infantes perveniant. Qua occasione, multas ridet fabulas, de ranis, lacertis, viperis, aliisque portentis, quæ nata in hominibus narrantur, plurimosque doctorum errores refellit, & varias egregias Observationes affert de lumbricis latis sive cucurbitinis, cum singularibus, tum in catenæ modum coherentibus, de tenuis, aliisque vermibus, in humano corpore obviis. In fine additæ sunt nonnullæ Epistolæ *Pacchioni, Lancisi, Morgagni.*

IV. *Esperienze ed Osservazioni intorno all' origine, &c. i. e. Experimenta & Observationes de origine, evolutione & moribus variorum insectorum, cum aliis, ad naturalem & medicam historiam spectantibus.* In hoc Tractatu continentur Observationes de musca rosariorum; Animadversiones circa modum, quo hætenus insecta produci creditum fuit; idea nova, de generali quadam insectorum divisione; Epistola de detecta origine pulicum ex ovo, & de semine algæ marinæ; descriptio vitæ, naturæ & mutationum vermis, qui in pecore, in cavitate frontis prope nasum, generatur; ratiocinium de æstro Poetarum, itemque de æstro sive asilo armentorum; Anatomia Struthio camelæ; Observationes Domini *Laurentii Patarol*, de generatione, victu & mutationibus cantharidum liliorum.

V. *Nuove Osservazioni ed Esperienze intorno alla Storia Medica e naturale; i. e. Novæ Observationes & Experimenta, ad historiam medicam & naturalem pertinentia.* Hic agitur de ovaris & ovibus vermium illorum longorum & rotundorum, qui in vitulis & hominibus reperiuntur, itemque de polipo quodam viperiformi. Sequuntur nonnullæ Epistolæ, partim ab Autore, partim ad eundem scriptæ, in quibus potissimum de vermibus humanis disseritur. Postremo loco adjectæ sunt literæ *Jo. Jacobi Mangeti*, cum responsione Autoris de puella sine cranio nata, & molem carneam pro cerebro habente.

VI. *Nuova giunta di Osservazioni e di Sperienze intorno all' Istoria medica e naturale; i. e. Accessio nova Observation-*

num & Experientiarum, ad historiam medicam & naturalem spectantium, de morbo pediculari, & ejus remediis; de origine multorum animalculorum in foliis brassicæ, & de insectis intra insecta; de vini degeneratione in acetum, &c. Compositus est hic Tractatus ex variis Epistolis Physico-Medicis, non solum Vallisneri nostri, sed aliorum celebrium Autorum.

VII. *Istoria del Camaleonte Africano, i. e. Historia Chamaeleontis Africani, & variorum animalium, quæ in Italia inveniuntur.* In hoc perquam accurato Opere curiosissime omnes Chamaeleontis partes, ejusque originem, victum, & mores, perspicax Autor persequitur, multosque cum veterum, tum juniorum, errores redarguit. Quod ad colorum mutationem attinet, eam haudquaquam a rerum vicinarum coloribus, sed a singulari cutis constitutione, porroque a calore, frigore, motu & affectu animalis ita dependere docet, ut maculæ flavescentes & eodem semper loco permanentes, modo pallidiores & minus conspicuæ, modo pleniores & magis fuscæ fiant: Cujus rei non dissimile quidpiam, neque ad aliam causam referendum, etiam in aliis animalibus, atque adeo in ipso homine, observare licet. Accedunt huic scripto considerationes de lacertis, bufonibus, ranis, salamandris; item de Chamæleonte Mexicano, & de quadrupede ejusdem regionis, pro parvo crocodilo habito.

VIII. *Istoria della Grana del Kermes, &c. i. e. Historia granorum chermes, & aliorum granorum nigrorum, quæ reperiuntur in ilicibus circa portum Liburnum, (Livorno,) item insectorum quorundam, in fructibus variis obviatorum, conscripta, & ad Vallisnerium nostrum missa a Doctiss. Cestonio.* Adjecta sub finem est Epistola Viri Cl. Maximiliani Speneri.

-Einleitung zur Schleswig-Holsteinischen Historie, &c.
h. e.

INTRODUCTIO IN HISTORIAM SLESVICO-Holsaticam, qualis fuit sub Illustrissima & adhuc florente Stirpe Oldenburgica; Autore ADAMO HENRICO LACKMANNO.

Pars II.

Hamburgi, apud viduam Felgineriam, 1733, 8.

Alph. 2.

Quam *Prima Pars* Historiæ Slesvico-Holsatiæ concitaverat expectationem, Cl. *Lackmannus* cumulate ornatque explevit. Argumentum neque vile, neque expeditum, in difficiles sæpissime nodos incidere videtur. Divisum enim, quod Duces Slesvico-Holsatiæ inter se imperium habent, multas controversias intulit, quæ adeo intricatæ sunt, ut alba & atra discernere, res maxime ardua videatur, ac intus undique appareant latebræ. Nemo forsitan illa certamina periculo ingenti ruere voluit, cum nulla Ducatum Slesvici ac Holsatiæ usque adhuc extet Historia, & eruditissimus Autor agmen veluti antesignanus præcedere cœperit. Multimoda rerum varietas Autori id scripturæ genus, quod temporis rationem habet, commendavit. Nihil ergo, quod ad rem pertinet, prætermisit, quorundam Scriptorum auctoritatem temere nunquam secutus, omnes evolvit, ex annalium vetustate, tum maxime ex Opusculis, quæ speciale discutiant argumentum, filum historiæ duxit. A *Christiano IV*, Rege Daniæ, & *Philippo*, Duce Slesvici & Holsatiæ, qui eodem ferme tempore rerum potiti, initium alterius hujus *Partis* cœptum est. Primordio statim depinxit Autor noster ingenium *Christiani*, sic pariter ad omnia versatile, ut ad id unum natus, quodcunque ageret, videretur. Quare prudenti ac felici instituto tam veteris Latine, quam recentioris Italicæ linguæ instructus sermone, iis præcipue artibus a puero adfuetus est, quas situs & forma regni commendabat. Descripte quoque commemorat, *Philippum*, Ducem Slesvici & Holsatiæ, jus eligendi Principem, quo provinciæ utebantur, impugnasse, atque acriter defendisse, se natum successorem nihil debere suffragiis, & Principatum nullis legibus obnoxium tenere. Ordinum auctoritatem aliquantum attenuare & imminuere cœpit, deque ipsorum juribus aliquid detrachere *Philippus*, sæpe iterando eadem, tentavit. Licet enim suffragiorum libertati subscriberet, juratam tamen fidelitatis sanctionem pretio suo emere, & ordinum desideria antea explere,

Pag. 4 seq.

16 & 23.

24.

30.

- plere, vel de iuribus eorum sancte colendis fidem dare, negavit. Hinc a Cæsare impetravit, ut Pragæ decima Aprilis, Decreto ad Holfatos dato, eos sitis acerbe obsequii admoneret, & quasi seditiosos & turbulentos increparet. Tota lis conciliante *Wilhelmo*, *Hallæ* Landgravio, & *Ulrico*, Megapolitano, sic composita, ut *Philippus* nihilo secius in Comitibus Fleisburgensibus ante omnia jurato promitteret, nil se contra Jura & Pacta facturum, & postea demum ordines sacramentum
- 72 & 77. ipsi dicerent. Porto litigium *Joannis*, Sonderburgensis, cum Rege *Christiano*, Duceque *Joanne Adolpho*, & ordinibus de communi regimine, quod sibi sanguinis jure vindicabat, natum. Quibus argumentis Dux *Joannes* ad probandum jus suum ulus, Cæsaream imploraverit auctoritatem, & sub quo obtentu provincie moderandi sui auspicia, neglectis Imperialibus Edictis, *Joanni* tradere recusaverint, omni accuratione
- 168 & 170. compositum deprehendes. *Joanno Adolpho* præmatura morte extincto, filius *Fridericus* tanto conatu contra facultatem eligendi Principem nisus est, ut illam labefactam demum everteret. Multa animadvertenda hic incidere, & singulari artificio membra & vires civium dividere *Fridericus* studuit, nec quidquam tamen causæ suæ iustitiæ deesse voluit, dum Cæsaris *Rudolphi* Decretum, & traditionem in Feudum Holfatiæ & Slesvici ab Imperatore & Rege Daniæ factam pro se facere contenderet. Eodem impendio ac diligentia non minus conquestus, quæ *Christianum IV* bello civili Germaniæ illigarunt, feceruntque, ut pro salute communi arma caperet.
451. Cum Electores in tanta conversione rerum Bohemicarum ac perturbatione, Mulhuse coirent, pro Germaniæ difficili statu consilium capiri, *Christianus IV* Electorem Saxoniz, literis a studio Pontificiorum revocans, domus Palatinæ & Lutheranorum salutem ipsi commendavit. Pugna in albo monte commissæ, qua omnis Palatinorum spes eversa, inferioris Saxoniz aliosque Evangelicæ religionis Principes & Status Segebergani conscripsit. Assuere Rex ipse Bohemiæ, *Fridericus*, cum conjuge, præterea *Christianus*, *Fridericus*, & *Augustus*, ex domo Brunsvico-Luneburgica Principes. Ut omnia prius

prius amicis consiliis, quam armis, experirentur, decernebant legationem ad Cæsarem, Epistolamque ad Marchionem de Spinola, summum exercitus Cæsarei præfectum. *Henricus Rantzovius & Julius Adolphus a Wintersheim*, Pag. 493 seq. Viennam missi, *Christiani IV* nomine querebantur, exercitum, duce Spinola nimia licentia luxuriantem, agris imminere Palatinis, *Fridericum* vero, fractis jam rebus ad album montem, contra Imperii leges legemque Regiam proscriptum, nec ab Hassiaca ditione temperatum esse. Adeo benignè auditi, ut Cæsar humanitate dictuque speciosis minantem Danicæ Regem mitigare voluisse videatur. Superbius Spinola & Hispanico supercilio ad literas, communi Principum nomine conceptas, respondit. Ceterum Autor passim de Viris doctis mentionem intulit, partimque breviter vitæ curricula exposuit, partim quædam memoratu digna tantum notavit. *Tychonem de Brabe*, nobili genere natum, qui tamen non majorum, quibus ortus erat, sed sua, gloria splendorem affectus, *Paulumque Eitzenium*, Theologum quondam illustri laude celebratum, totos nobis sistit. Ille, qui in tanta astrorum cognitione non nisi rerum superarum & cœlestium spectator visus, sibi agrestis puellæ amorem non duxit pudori, sed illam tori sociam adscivit. De *Joanne Wowerio* critica quædam observavit, & ab illo exquisitis rationibus mutatae fidei doctrinæ noxam avertit, de qua *Baudius & Baylius* eum appellavere. Notæ, quæ cuique §. adjectæ, partim originem & propaginem Principum, partim criticas Observationes fontesque Historiæ, tenent. Demum *Cl. Lanckmannus*, de Republica & patria & literata optime meritus, A. 1626 secundum hocce Volumen Historiæ concludit, cujus continuatio in omnium desiderium jure meritoque venit.

505.

144 seq.

153 seq.

174.

260 n. u.

EMONIS LUCII VRIEMOET, PP. LINGU.

Orient. Arabismus, exhibens Grammaticam Arabicam novam, & Monumenta quædam Arabica, cum Notis miscellaneis, & Glossario Arabico-

Lasino.

F

Frane.

Franequerz, apud Vib. Bleck, 1733. 4.

Alph. 1 pl. 10.

Postquam Cl. Autor Grammaticæ Hebraicæ Compendium methodo *Altingiana* & *Buxtorfiana* ediderat, nunc etiam de linguæ Arabicæ studiosis bene mereri voluit. Quo sine majorem *Thoma Erpenii* Grammaticam in eorum usus vulgavit, sed, ne totam ex eorum manibus illam excutere velle videretur, omisit hic aliqua, quibus in primis principis carere tirones poterant, & quæ illic legi uberius possunt, inter quæ illa maxime de diversis Nominum formis. Simul tamen operam dedit, ne quem facile in exercitiis analysicos Canones destituerent. Addidit ipse illis, quos alibi, & inprimis apud *Erpenium* & *Guadagnolum*, repererat, alios quosdam novos, quos singulari autoritatis, qua nituntur, definitione, dictorum præcipue Alcoranicorum, distinxit, in reliquis nuda exempla, pleraque tamen ex eodem Alcorano desumpta, addidisse contentus. Syntax, illicet breviculæ, varia quoque, sive propria industria, sive libellorum, *Giarumia*, & *de centum Regentibus*, ab *Erpenio* editorum, & non semel *Guadagnoli* ope, accesserunt. In Speciminibus Arabici sermonis facilia, utilia, & jucunda, gratissimo vinculo conjunxit. Notæ autem miscellanæ ad selecta tantum *Corani* Capita pertinent, in quibus passim linguæ Arabicæ usum in Hebraicis erudite ostendit, quod ut copiosioribus paulo observationibus factum esset, optamus, sed eo sine *Cel. Schultensii* scripta commendat. *Glossarium* pro tirocinio illorum, quibus justum Lexicon Arabico-Latinum deest, adjecit, ex quo verborum sensus in speciminibus insertis peti potest, nempe p. 91 seq. Capitibus *Corani* XXII, LXVII, LXXV; p. 109 vita *Mohammedis* ex *Abulpharajo* excerpta, & a *Pocokio* jam edita. Pag. 128 Confessione fidei *Mohammedica* ex MSto Arabico; pag. 131 Dissertatione religionis *Mohammedica*, ex MSto Bibliothecæ *Ukræjellina*, continente Responsum ad Tractatum Christianorum Insulæ Cypri, refutantium religionem *Mohammedanorum*, Autore *Mohammede*, filio *Abi Talibi*, *Auzalio*

Sopbi, Damasceno; pag. 150 locis quibusdam ex Versione Arabica Veteris & Novi Testamenti allegatis; pag. 160 Eloquentiæ *Hariri* Specimine ex Dissertatione ejus secunda, nuper a Doctiss. *Schultensio* edita; pag. 166 Carmine Arabico *Abi Zeidi Serugiani* ex Dissertatione *Haririana* prima, & tandem pag. 168 Carmine *Ibn Phered*, Ægyptii, de Amore Dei & conjunctione Dei cum creaturis, quod *Jo. Fabricius*, Dantiscanus, olim publicavit, ac Specimini suo Arabico, fere primo in Germania, A. 1638 Rostochii edito, pag. 151 inseruit, ac Notulis quibusdam illustravit.

ELOGIUM S. REV. PATRIS LE QUIEN.

Seculum fere est, ex quo virum tanta tamque perfecta exornatum eruditione non vidit Francia, quanta fuit nostris temporibus Vener. *P. Quienius*, mense superioris anni Martio morte extinctus, eruditis omnibus luctuosissima. Bononiæ est, quæ tanti ingenii virum A. 1661, octavo mensis Octobris die, nobili natum loco, protulit. Nec tamen præter natiuitatem Bononiæ multum debet *Quienius*, a primis pueritæ annis delatus Lutetiam, atque ibi, tanquam in communi doctorum Virorum schola, primis, quæ vocant, literarum elementis in Collegio, *du Plessis* vulgo dicto, feliciter imbutus. In qua studiorum palæstra cum ad vigesimum usque ætatis annum non invita Minerva fecisset ingenii viriumque periculum, in Monasterio suburbii *S. Germani* Dominicanorum sacerdotio se investiri passus est. Ast nec hic quidem locus pietati *Quienii* nostri videbatur satisfacere, quippe quem, ut vitam in posterum coleret durissimam, cum alio urbis monasterio commutavit, ibique perpetuum sibi vitæ delegit domicilium. Atque hoc potissimum loco, quicquid ipsi ex elegantioribus literis deerat huc usque, indefesso supplere studio, ingeniumque, antea bonis artibus jam satis excultum, firmare magis atque magis allaboravit. Linguam igitur Hebraicam ante omnia putavit addiscendam, idque viam monstrante perfecit *Ven. P. Massoulié*, quo doctior hanc linguam tunc temporis non erat alter, quique inter alia, quæ communi eruditorum

plausu excepta fuere, scripta, illo præ ceteris, cui titulus est: *Divus Thomas sui interpretes*, nomen suum reddidit immortale. Huic autem linguæ deditus, Græcas literas, quas antea egregie calluerat, non neglexit; & Arabicas tractare erat animo, quarum insignem in sacro studio fenserat utilitatem. Quantum, hæc edoctus omnia, profecerit brevi in doctrinarum cognitione, vel ex solo illo bello literario elucet, quod, annum ætatis nondum ingressus trigessimum, *Pezronio*, ejusque libro, quem inscripsit *Antiquité des temps*, non sine aliqua victoriæ spe, intulit, in quo tam oppuguator intinidus, quam partium suarum defensor stetit fortissimus. Testimonio sunt duo ejus Scripta, quorum altero ad certamen provocavit *Pezronium*, altero ejusdem impetum fulsit, utrumque conjunctim typis mandatum Voluminibus duobus in 12. Vix autem compositæ inter illos res erant, cum, sumtis iterum contra *Pezronium* armis, Dissertatione, ejusdem libro, quem *Essai du Commentaire sur les Prophetes* nominavit, opposita, novum caneret classicum, quam postea Dissertationem Annualibus literariis, quos *Memoires de Trevoux* vocant, A. 1711 infertam deprehendimus. Post bellicos hosce labores in novam *Joannis Damasceni* editionem, quicquid in his artibus poterat, summa contulit industria. Hanc A. 1712 Voluminibus duobus in fol. ex variis editionibus Gallorum, Italorum, atque Anglorum, nec non manu exaratis Codicibus, collectam, in Latinam linguam translata, doctisque multis decoratam Annotationibus ac Dissertationibus præliminaribus, in publicum prodire jussit. Sappuit tamen Noster longe ultra nostrorum literatorum plebem, quæ non nisi edendis aliorum intenta scriptis, famam inde magnumque nomen solet captare. Propriis enim radiis inclavit *Quienius*, qui & aliis scriptis, ex suo tantum ingenio prognatis, veram sibi gloriam acquisivit, inter quæ *la Panoplie*, contra Schismaticos Græcos sub ficto nomine *Etienne de Altimura* edita, primo loco nominari meretur. Debentur illi, præter hoc, quod nominavimus, scriptum, varii generis Dissertationes, in Diarium Eruditorum, quod sub titulo *Memoires de Literature & d'Histoire* prodit, relatæ, ex quibus illa de *Sanctioniatho*, Phœnices scriptore, de *S. Nicolao*, & *Portu Iccio*, præ ceteris de singulari

gulari ejus doctrina testantur. Nec minoris momenti sunt, quæ contulit Noster ad emendandam atque illustrandam *Josephi*, Historici, editionem, quam Angli haud multos ante annos non sine eruditorum plausu curaverunt. Nunc, ubi ad Opus illud pervenimus, ad quod omnem operam studiumque suum converterat, multa de illo forent dicenda, nisi cavendum nobis esset, ne prolixiori enarratione confectos limites transgrederemur. Sufficiat hoc loco monuisse, in eo multos annos elaborasse *Quienium*, ut Ecclesiarum Orientis atque Africæ absolutam conderet historiam, cujus instituti rationem ipse Autor exposuit in Dissertatione, A. 1713 sub titulo: *Oriens Christianus & Africa*, in publicum edita, ad quam Lector nobis erit remittendus. Non contigit tamen *Quienio* nostro tam felici esse, ut ipsos universi Operis videret natales. Non enim nisi Tomus primus ipso vivente prodiiit, quem tamen subsequi quam proxime poterit alter, ita scilicet ad subeundum prelum paratus, ut ne lima quidem ulterius egeat. Moram hanc, licet longiorem, quam quidem expectatio ferebat eruditorum, non accusabunt tamen, quibus innotuit controversia, quam cum *P. Courayerio* de Ordinationibus Anglicanis habuit Noster. Adeo enim se illi dederat Vir ad doctas lites fere natus, ut præter refutationem, quam duobus Voluminibus in 12 edidit, replicam etiam, quam vocant, & Epistolam, in *Mercurio Gallico* mense Aprili A. 1731 publicatam, hac de re in vulgus emitteret. At non ex solis scriptis *Quienii* nostri elucet, quantæ Vir fuerit industriz; sunt & commercia literaria, quæ cum viris habuit nostri Seculi literatissimis. Præter amicitium enim, quam cum *P. Montfauconio* sex atque quadraginta annos coluit archissimam, cum Viris etiam doctissimis, *Renaudot*, *de Fleury*, *de Longuerue*, *des Thuilleries*, *P. Harduino*, *Simone*, *Ernesto Grabbe*, *Mauvecordato*, ultimo *Walluchia* Principe, & cum *Chrysante*, Episcopo olim Hierosolymitano, nec non cum Viris aliis per omnes Europæ partes celebratissimis, commercium frequentissimum aluit. Animi dotes, quas a natura acceperat Noster, si spectes, pietate ac probitate vitæ cives suos fere omnes antecivit. Si quid præterea restat,

reſtat, quod ad commemorationem vitæ ejus pertineat, hoc certe erit, diverſi generis ſcripta, quæ lucem nondum viderunt, in ſcriniis defuncti fuiſſe reperta, atque inter illa præ ceteris Hiſtoriam Bononiæ, quæ num ſuis aliquando egreſſura ſit tenebris, noſtrum non eſt hariolari.

NOVA LITERARIA.

Omnibus non modo Italiæ eruditis, ſed & exteris, fama com-
pertum eſt, quantum boni Hetrufca Cortonenſis Academia in eruendis & illuſtrandis Hetrufciſ ac Romanis antiquitatibus ſemper afferat literariæ Reipublicæ univerſæ. Hinc, cum nuper hac de re Diſſertationes quædam de præcipuis hujusmodi antiquitatibus, per Viros eruditos collectis, nec non hiſtoriis, ad nobiliſſimos urbis Romaniæ Bibliopolas, *Laurentium, Thomam, & Nicolaum Pagliarinos*, pervenerint, hi omnibus interioris literaturæ & veterum monumentorum ſtudioſis gratum facturos ducunt, ſi hæc ſumtibus ipſorum luci donentur publicæ. Ut autem hujusmodi rerum amatoribus, quid ab ipſis in hoc Opere præſtitum ſit, innotſcat; certiores hos faciunt, typis elegantiffimis excuſum Opus, æneisque Tabulis ornatum, potiora antiquorum monumentorum ac Hetrufcorum rituum inſignia referentibus. Idque, Deo favente, quam proxime proditutum, ſignificant. Si vero, ut ſperant, gratiam ejus laboris aliquam ab eruditis inierint, ſingulis annis ſingulos Tomos edere, ipſis eſt propoſitum.

Absolutis feliciter, intra conſtitutum anni unius ſpatium, quatuor Tomis prioribus *Theſauri Juris Romani, continentis rariora meliorum Interpretum Opuſcula*, maſculæ & elegantioris Jurisprudentiæ cultores optarunt, ut ad quintum Tomum edendum ſe conſeſſim accingeret *Joannes Broedeleſ*, Bibliopola Ultrajectinus. Si qui vero exigua, quæ interjecta eſt, moræ impatientes fuerint, hos ſibi æquiores fore confiſcit, ubi juſtas morandi cauſas acceperint, quæ duæ ſunt; altera, quod in urgendo primo Opere aſſiduus labor atque in perficiendo celeritas ipſum ita totum occupavit, ut, relictis ceteris, hoc unum agere coactus fuerit. Itaque interrupta negotia reſumenda fuerunt, damnumque inde metuen-
dum

dum oportuit reparari. Altera causa est, quod non tam facile fuit libellos, qui simul rari, parvi, & utiles essent, undique conquirere; quin vel unus aut alter aliquot mensium moram injicere potuit. Tandem vero Cl. Ev. Osso Opusculorum seriem, infra adscriptam, ex immensa copia confecit, eamque Ill. Vir Corn. van Bynkersbæk, qui & ipse majorem eorum partem de sua instructissima suppellectile liberali manu contulit, suffragio suo probavit. Sunt vero hæc: Hieronymus Grossotius de *Usucapionibus*; Idem ad l. *Lectā 40 D. de Rebus creditis*; Marii Arcadis & Petri Aldobrandini *Interpretatio l. 1 C. de Edendo*; Jacobi Curtii *Ἑκαστῶν, i. e. Conjecturalium, Libri VI*; Antonii Guiberti Costani *Quæstionum juris memorabilium Liber*; Pardulfus Pratejus ad *legem Juliam de fundo dotali*; Idem ad *Tit. Instit. de Officio judicis*; Ejusd. *Veteres populi Rom. leges*; Antonius Lescurius, Julius Pacius, Joannes Mercerus, Davydargenteus, & Marqu. Freherus ad l. *Frater a fratre 38 D. de Conditione indebiti*; Petri Grangiani *Paradoxa Juris Civilis*; Elberti Leonini *Prælectiones in Tit. C. de Jure emphyteutico*; Claudii Chiffletii de *Jure fideicommissorum Libri IV*; Idem de *Substitutionibus*; Idem de *Portionibus legitimis*; Idem de *Secundo Capite legis Aquilia*; Gulielmi Ranchini *Variarum lectionum Libri III*; Joannes Solorzanus de *Paricidii crimine*; Jacobus Leshasserius de *Vocabulis ad Geographiam Juris Rom. pertinentibus*; Josephus Fernandez des Retes ad *Tit. D. de Interdictis & relegatis*; Benedicti de Jesu Christo *Nova veteres vindicia dignitatis & auctoritatis Juris Civilis*; Justus Zinzerlingus ad l. 5 D. de *Nautico fenore*; Tussani de la Rue *Amenæ Juris Observationes*; Jo. Koolius ad *Legem Ateriam Tarpejam de multis*; Everardi Ottonis de *Vita & scriptis Servii Sulpicii Liber singularis*; Ejusd. *Alfenus Varus, ab injuriis veterum & recentiorum liberatus*. Claudent Tomum Indices V in univ. Opus. Quodsi diu quæstas Ed. Caldeiz *Varias lectiones*, & Henr. Ernstii *Catholica Juris*, beneficio eruditorum obtinere licebit, ea forsitan in Costani vel Ranchini locum substituet. Hæc ergo Opuscula, additis Legum numeris, & Autorum Capitibus suppletis, castigatiora iis legibus recudere ipsi est constitutum, quæ sequuntur: 1) Chartæ nitor,

typo-

typorum elegantia, librique forma in Folio, eadem erit, quæ in prioribus Tomis; literarum autem forma in Programme, sigillatim edito, conspicienda præbetur. 2) Quintus hic Tomus cum Præfatione atque Indicibus explebit folia integra, sive plagulas, 230 vel 240, cum rubrica tituli, atque pictura ænea, vulgo *Vignet*. 3) Præter numerum inscribendorum exemplarium hand ullum imprimetur, nisi quantum ad supplenda illa præcedentium Tomorum exemplaria, quæ tunc subscriptorum numerum exceßerunt, requiritur; ita, ut omnes, qui negligent hunc quintum Tomum subscriptione sua redinere, in perpetuum carituri sint occasione integrum *Thesaurum* explendi. 4) Pretium chartæ minoris erit *fl. 10 cr. 10*, i. e. duorum ducatorum Belg. majoris, sive augustæ, *fl. 16*. Utrinsque pretii dimidium tantum repræsentabitur, quando nomina dantur, altera pars solvetur, quando exemplaria traduntur. 5) Nomina redimentium admittentur usque ad Cal. Martias hujus Anni, quo tempore Opus incipiet prelum exercere. 6) Tradetur illud statim, quamprimum erit absolutum, quod intra annum spatium, (ut sperat, & omni ope conabitur,) perficietur. 7) Nomina inscribentium Operi præfigentur, & si redemptorum alacritas atque frequentia animum ipsi addet, favente supremo Numine, constituit deinde quoque in lucem emittere *Francisci Balduini* Opera minora, *Scipionis & Alberici Gentilis*, fratrum, *Opuscula*, & *Guilielmi Marani* Opera omnia. Qui quatuor priora hujus *Thesauri* Volumina sibi adhuc parare cupiunt, poterunt eorum compotes fieri intra id tempus, quo subscriptio durat, pretio *flor. Belg. 45*, ut & novas Præfationes seorsim comparare *fl. 2 cr. 10*. Hi vero, qui nomina ad eos Tomos redimendos jam ante dederant, neque tamen eos ab ipso repetivere, inveniuntur, ut relicta illa exemplaria intra idem tempus arcessi curent, quo elapso, jure suo excident, neque deinde minori pretio illa comparare poterunt, quam hi, qui nomina non dederant. Subscriptiones ad hunc Tomum iidem Bibliopolæ recipient, qui ante, cum Tomi priores IV ederentur, operam hanc susceperunt.

Supplementorum ad *Acta* nostra Tomi X haud ita pridem *Sessiones XI & XII* prodire, cum duplici in universum Tomum *Indice*.

NOVA ACTA ERUDITORUM,

publicata Lipsiæ

Calendis Februarii Anno MDCCXXXIV.

MARMORUM ARUNDELLIANORUM, Seldenianorum, aliorumque, Academiæ Oxoniensî donatorum, cum variis Commentariis & Indice, secunda Editio.

Londini, apud Guil. Bowyer, 1732, fol.

Alph. 7 pl. 10, cum impressis passim imaginibus æneis.

Altera hæc vocatur Editio cum respectu ad *Prideauxia-*
nam anni 1676, cum *Seldenus* Arundelliana tantum
Marmora A. 1628 ediderit, nuper inter Opera Viri recusa. Pro-
curavit eam Vir sæpe nobis laudatus, *Michael Maittaire*, &
dedicavit Celsissimo *Thoma*, Norfolciæ Duci, nepoti *Henrici*,
Norvicæ Comitis, qui ab avo suo, *Thoma*, Arundellix Comi-
te, conquesta Marmora Academiæ Oxoniensî donavit A. 1667;
cujus rei ut testator maneat memoria, Cl. *Maittaire* Episto-
las aliquot, ea de re scriptas, & ex autographis desumptas, Præ-
fationi subjecit. Repræsentatur hic textus (una cum Appen-
dice) Marmorum Græcorum primum, deinde Latinorum, li-
teris majusculis; & quatuor Hebræorum; Græcorum postea
minusculis; apposita Latina *Jo. Seldeni*, *Humphr. Prideaux*,
& *Jo. Pricei*, interpretatione; subnotatis, ubi opus erat, va-
riantibus interpretum lectionibus. Sequuntur *Jo. Seldeni*
Commentarii, quales adhuc fuere. Neque enim in lucera

Pag. 99.
197,

G

pro-

Pag. 197.

200.

222.

295.

309.

509.

524.

527.

532.

533.

540.

protracti sunt ampliores Commentarii, quos reliquisse *Seldenum*, ex *Vossio*: audivit *Colomesius*, si vera narrat, p. 330 *Opp. edit. Fabric.* Tum *Jo. Pricei* in Marmor tertium novæ dispositionis, de qua mox dicemus, Notæ, ex illius Observationibus in *Apuleji* Apologiam, A. 1635 Parisiis, 4, editis, repetitæ. Tum *Jacobi Palmerii a Grentemesnil*, Supplementa ac Notæ ad *Chronicon Marmoris Arundelliani*, a Cl. *Seldeno* publicati, excerpta ex ipsius Exercitationibus in optimos fere Autores Græcos. Porro exhibentur ex *Prideauxii* editione *Tb. Lydiati* Annotationes ad *Chronicum marmoreum*. Ex *Chronico* autem Canone *Jo. Marshami*, quæ is de æra Attica ad idem Marmor commentatus est. Jam sequitur *Humphridi Prideaux* perpetuus in Marmora ab ipso edita Commentarius. Sed *Sertorii Ursi* de Notis Romanorum Commentarium, quem suæ illi editioni adjecerat, tanto securius omissum a se ait Cl. Editor, quod Anno demum 1723 Parisiis, in 8 recens, rarior esse desuit, ea vero, quæ ad Marmora hæc proprie pertinent, in Indicem sunt conjecta. Cumque passim *Seldeniana* suis intexuerit *Prideauxius*, diligenter hic remittit Lectores Editor ad hujus editionis paginas & versus, ut adeo nihil incommodi oriatur Lectori, quod sua suo ordine proposita *Seldeno* hic relinquuntur. Jam sequuntur *Tb. Reinesii* Notæ, ex ejus Syntagmate Inscriptionum, huc relatæ, *Jac. Sponii* aliquot ex *Miscellaneis* eruditæ antiquitatis, itemque *Edmundi Cbishull* nonnullæ, ex Asiaticis Viri doctissimi Antiquitatibus decerptæ; ac *Thomæ Smithi* pauculæ ex Epistola de septem Ecclesiis Asiæ, ubi quasdam Inscriptiones primum publicavit. Sed etiam ex *Richardi Bentley* Dissertatione in *Phalaridis* Epistolas aliquot Observationes in hanc Syllogem retulit Editor. Anglice quidem, cujus rei hæc affertur causa: *Excerpta illa ex Anglico sermone in Latinum vertere mihi religio fuit; ne sua per versionem barbaram fuisse corrupta Vir in Criticorum gente fama & nominis celebritate potens quæreretur.* Similemne causam habuit? certe nullam dixit, cum Italice proposuit Ill. *Scipionis Maffei* Versionem Italianam & Explicationes antiquissimorum Marmorum duorum ex ipsius de Ita-

lis

lis Interpretibus libro. Reginam Inscriptionum ipse vocat *Massejus* primum illud Marmor chronicum, quod cum fœderis tabulis inter Smyrnenſes & Mægneſianos Italice, ut diximus, interpretatum hic datur. Ex *Henrici Dodwelli* de veteribus Pag. 549.
Cyclis Opere hic exhibentur Tabulæ, Marmor illud primum illustrantes. Claudit agmen ipsius Cl. Editoris Conjecturarum & Annotationum cum in ipsa Marmora, tum in varias ad eadem doctorum Virorum Commentationes, Specimen, atque Index, quo inprimis hæc editio ſuperiorem vincit. De utroque aliquid dicetur, cum hoc ante obſervatum fuerit, diſceſſum eſſe ab ordine *Humphridi Prideaux*, qui eum ſervaverat ſcilicet, quo in Cimeliarchiis Oxoniſibus collocata tum erant Marmora. Inde vero cum poſt tranſlata fuerint, & aliter diſpoſita; potius viſum eſt, temporis & dignitatis quadam ratione habita ea collocare, & reginam illam, quam vocat *Massejus*, Inſcriptionum primo loco ponere, tum fœderis inter Smyrneos & Magnetes, itemque alterius inter Hierapytnios & Priânſios, Tabulas; ac deinde uti quæque merebatur, ea fere ratione, quæ a *Grutero Reineſio*que obſervata eſt, ita tamen, ut primo Græcæ omnes, deinde, eodem ordine ſervato, Latine poſuantur. Cl. Editor, ut in aliis rebus, ita hic etiam, habuit rationem commoditatis lectorum, perfecitque Tabella quadam, ut facillime conferri ſua editio cum præcedentibus poſſit. Ad ſuas Obſervationes uſus eſt tribus Oxoniſis editionis exemplis, ad quæ *Thomas Smithus*, *Jo. Pearsonus*, & *Gu. Stratford*, quædam adſcripſere. In his igitur Obſervationibus diligenter notat *Maittairius* diverſam leſionem non modo editorum diverſorum, ſed etiam ſingulorum, a ſe ipsis aliquando diſſidentium. Quid ipſum impediverit, quo minus ad ipſa autographa lapidea exigeret id genus varietates, neque ipſe commemorat, neque noſtrum eſt divinare. Videbatur ſane operæ prætium, Oxoniſis Academiæ alumnus (qui hanc matrem ſuam etiam in fronte libri alloquitur,) collectas dubitatiunculas, inſtituta, qua diximus, collatione, vel diſcutere, vel, ſolvi hodie non poſſe, indicare: & apparet, inſpecta fuiſſe Marmora certè quædam, ex figuris hic recens editis: 552

Pag. 555.

pleræque enim ex antiquis laminis expressæ sunt, licet recentatis. Alia materia notarum sunt formulæ similes, apud alios Autores observatæ. Inprimis plures jurisjurandi fœderalis formulas comparatas inter se dedit Vir Cl. Nec desunt Grammaticæ Animadversiones. Ad hoc ultimum genus etiam pertinet, quod observat, vocem *δια* post *ἐπόμενους* potius *Δία*, h. e. *Jovem*, notare, cujus alioquin nulla fieret mentio, quam ut adhuc acceptum fuerat præpositionem *δια*. De jota conjunctivorum tertiis personis adscribendo, illud adicere poterat, in *Aristis* passivis plane præter rationem illud adjectum videri, neque adeo vitiosum esse, cum *Inscr. II, 58, συναφραγιάθη* in ea constructione legitur, quæ conjunctivum admittit; aut *ibid. 101 προσεγιάθη*. Sed docet tamen Viri Cl. Index, etiam hic adscribi ordinarie in antiquissimis Marmoribus jota. In eodem Marmore 98 (Operarum errore non respondet sibi hic versus ejusdem Inscriptionis majusculis & item minusculis literis expressæ: est hic in majusculis versus 99,) ita legitur *μετὰ πάσης προθυμίας προσεδίξαντο ταξιέμενα ὑπὸ τῆ δῆμῳ*. Hic *Maittairius* primo *ταξιέμενα* derivari ait a verbo *ταξίω*, cujus, ignoti alias Lexicis, conjugatum sit *ταξιάτης*: apud *Suidam*; sed multo nobis fit verisimilior, quam subjungit, conjectura, *ταξιέμενα* esse *τὰ ἀξιέμενα*, quæ *digna judicata sunt*. In Indice neque verbum *ταξιέμενα* posuit, neque sub *ἀξίω* hunc locum attigit. Ceterum simile est *σ. 107*, itemque *108, τὰλλα* pro *τὰ ἄλλα*. In ultimo versu hujus Marmoris ita legitur, *εἰς τὰς τῆ λαστας ἀνατεθῆσμενας ἐν τοῖς ἱεροῖς ὑποτετῶδημεκαὶ* --- (sex literas deficere ita notatur) *ἐκ μαγνησιας ἀναγεράφθαι δὲ αὐτοκχμεν τὰς δῆμοσις*; supplet *Prideauxius* καὶ τῶν ἐκ γερουσίας, & contra illud *ἐκ* ante *Μαγνησίας* omittit. Discutiendum remittere se dicit hoc sagacioribus Cl. Editor. Non autem videtur opus magna ad eam rem sagacitate. Quid enim pronius, quam supplere sex literas *βούλης*; illud *ἐκ Μαγνησίας* tanto minus habet dubitationis, quod paulo ante *τῶς ἐκ Μαγνησίας* est, h. e. *Magnetibus*. Obiter hic exhibetur Catalogus accuratus Opusculorum *Lydiati* Chronologicorum. Occurrit etiam aliud,

573.

aliud, quod subducere Lectoribus nolumus, cum Historiæ literariæ causa legant omnes *Acta* nostra, interiores literas aliunde fere petant. Observat Cl. Editor, sæpe *τὴν* ut in *Prideauxii* Commentario cum indicativo construi, (quale quid in *Burnetii* Theoria telluris, & aliis præstantissimorum cetera hominum scriptis pluribus, sæpe a nobis observatum meminimus, adeo quidem, ut difficilius ab Anglis hunc errorem caveri, instar observationis certæ olim habuerimus,) & plura ejus rei exempla profert, negatque, (quam candide, ipse viderit,) non potuisse ipsum Autorem in eodem ita sæpe luto hærere. Sed per hanc occasionem Epistolam profert Anglice scriptam ab Ill. Viro A. 1720 ad *Robertum Pearse*, qui tum in animo habebat edere hæc Marmora. In hac proficitur, scriptum illum Commentarium *Jo. Felli*, Episcopi, jussu a juvene admodum, qui vix tum Baccalaureus Artium esset, & ita scriptum, ut, quæ vix dum sicæ essent ab atramento, chartæ statim tradendæ essent typographis. Incidisse porro librum in compositorem typographicum, imperitissimum hominem; cumulum malorum fuisse, quod is, qui specimina typographica emendanda susceperat, in amore mulierculæ occupatus, aliud subinde ageret. Itaque rogat *Pearsum*, cum sibi jam non sit otium emendandi libri sui, ut diligenter, quicquid vel a se, vel ab alijs, peccatum sit, corrigere velit. Ac *Pearsum* quidem a conatu illo edendi hæc Marmora decessisse, modeste dolet *Maittairius*, ipse vero pergit pluscula annotare, quibus vel augeantur *Prideauxii* Annotata, vel emendentur. E. g. dixerat ille p. 457, 37, sacerdotes fœminas Dearum, non item Deorum, fuisse: Pythiam Delphis non sacerdotem, sed vatem. Hic Noster non tantum laudat *Virgilii* illud *Æn.* 6, 35, *Phæbi Triviaque sacerdos* *Deiphobe*, & v. 544, ubi magna sacerdos vocatur, verum etiam Inscriptionem, in vico *Corebridge* Northumbriæ inventam, ubi votum solvit, lapidem certe ponit *Herculi* *Διοδότου Ἀρχιερέως*. Possit aliquis illud primum obijcere Cl. Editori, *Sibyllam* illam *Virgilianam* sacerdotem dici non respectu *Phæbi*, sed *Trivia*, seu *Diana*: in *Corbrigiensi* autem Inscriptione non illud dici, *Herculis* *Ἀρχιερέως* fuisse

Pag. 575.

579.

Deodoram; sed alterius forte nominis, de sexu sequiore. Majori forte jure provocasset ad *Pausan. Corinth. p. 76, 5, Wechel.* Εἰς δ' ἔν ποσειδάωνος ἱερὸν ἐνταῦθα (de Calauria Insula loquitur,) ἱερῶν δὲ αὐτῶ παρθένας. Apud eundem *Eliac. II p. 197, 32, Sossipolis ἐπρχώριος δαίμων Eleorum, habet sacerdotem vetulam.* Et affertur ista scribentibus commode *Jo. Harileji Britannia Romana, de quo libro præclarissimo alias dicemus.* Hic non modo eundem lapidem exhibet inter Northumbricos *n. 106, sed etiam ex Gruteriana Inscriptione p. 319, 4, & ex priore loco, quem modo laudavimus, Pausania, itemque ex alia Inscriptione apud Monsfaucii Palæogr. Gr. p. 160 ostendit, fieri potuisse, ut mulieres sacerdotio Deorum marium fungerentur. Neque tamen id dissimulamus, videri subesse peculiarem causam, quoties sæmina sacerdos Dei est. Ita *Sossipolis* ille parvus puer fuit, quem vel mater, vel nutrix obtulisse *Fleis* dicitur. Ita Neptuno Calauriæ non ultra pubertatis initia ministrat virgo sacerdos. Sed non licet nobis evagari extra oleas. Cl. *Maittaire* in suis Observationibus quas Inscriptiones neglexerat communi charactere & minuto Græcorum proponere *Prideauxius*, supplet; si quæ post illud tempus illustratæ sunt, indicat, vel etiam longos satis librorum locos proponit. Ita *p. 590 seq.* exhibet *Patricii Junii* in secundum Marmor Observationes ex ipsius autographo, satis longas. In fine ex *Cbisbullo* præsertim & aliunde conducit, quæcunque pertinent ad illustrandum nobile Decretum Lacedæmoniorum Ephorum contra *Timotheum*, a *Boetio* conservatum principio libri de Musica. In ipso autem Indice sub P profert fragmentum Epistolæ *Jo. Seldeni* ad *M. Meibomium*, ubi is illam in ϵ mutationem $\tau\epsilon\sigma$ ex imperitia natam cum *Meibomio* pronuntiat, & expungenda verba *Boetii, litteram S in R vertentium.* Sed respondet ipse, & aliunde etiam constare de illa Lacedæmoniorum consuetudine: & laudaverat (*p. 595 ad s & t*) *Strabonem pag. 448 & 221, Plat. p. 297, Phrynich. p. 18, Eustath. p. 492, 14, p. 279, 33, p. 114, 33.* Ex *Hesychio Casaub. ad Athen. p. 614 seq.* Quod *Scaliger* jam miratus est ad *Manilium*, nihil tale reperiri apud *Thucydidem* in formulis fœderum, nec in *Lystrata Aristophanis*: etiam*

occurrit apud hunc, v. g. ἔλθοιμι, cum sit apud illum ἐλθὼν, &c. Claudit totam Collectionem Tabula fœderum inter duos Cretæ populos, Latios & Olontios e Marmore vetusto, quo rusticus quidam in agro Cydoniensi pro mensa usus fuerat, publicata primum separato folio Venetiis, tum a *Cbisullo* Antiquitatibus Asiaticis inserta: & Allariofarum ad Parios responsum, post alios ab eodem Cl. Viro in libro laudato vulgatum: ubique autem apparent diligentiae *Maittariana* vestigia, quæ præsertim in Indice elaboravit, ubi Observationes Grammaticæ de literarum permutatione, nomina propria, voces Græcæ, Latinæ, nomina Autorum laudatorum, aut emendatorum, uno omnia tenore & unius Græci Alphabeti serie comprehensa leguntur.

SYNOPSIS TOMI PRIMI DE ACTIS SANCTORUM
Mensis Augusti, collectis, digestis ac illustratis a
JO. BAPT. SOLLERIO, JO. PINIO, GUI-
LIELMO CUPERO, PETRO BOSCHIO,
Societatis Jesu Presbyteris.

Hanc, cum liber ipse nondum venerit ad manus nostras, prout ab Autoribus publicata est singulari Programme, more nostro huc transcribemus integram:

Exacto non ita pridem mense Julio, ordine subsequitur Augustus, ejusque adeo Tomus primus, in serie totius Operis tertius supra trigessimus, solos primos quatuor dies completens, Sanctosque nominatim expressos centum ac viginti quatuor, præter classes nonnullas Anonymorum sub famoso Aben-ner, Persa, aliisque Christiani nominis persecutoribus, diverso tempore martyrii laurea coronatorum. Inter Sanctos autem, de quibus hic nominatim agitur, servata est recepta dispositio, ut in solitas classes ex more discescantur secundum triplicem Ecclesiæ statum, Ecclesiasticum nimirum, Monasticum, & Secularem, solito etiam regionum ordine minime neglecto; faminis vero, cujuscunque conditionis aut status fuerint, quartam & postremam classem constituentibus. Ex antiquo Fœdere lucens inclytissimi fratres, dicti Machabeï, de quorum vetusto juxta ac recepto catholico cultu agitur, nec non
de

de præclaris encomiis, quibus ab ipsis Ecclesia primordiis a Sanctis Patribus exornati sunt. Neque vero ab ipsis divelli potuerit Mater fortissima, & gloriosus senex Eleazarus. Quorum omnium gesta ac passio a variis, metro etiam, olim exornata, fidelissime reddita sunt, non aliunde, quam ex ipsa Canonica Historia. Neque de sacris ipsorum reliquiis, earumque variis locis veneratione, quidquam prætermisum est, concertationibus inter varias civitates, quoad licuit, utcunque compositis.

EX STATU ECCLESIASTICO.

Aristarcho, Pauli discipulo, si non dignitate, saltem antiquitate, primus debetur locus. Fueritne Theffalonicensium Episcopus, ac subinde Martyr, disquiritur: fuisse individuum Apostoli comitem & conceptivum, ex Magistri testimonio certissimum est. Stephani, Papæ I, ingentes pro Ecclesia exantlati labores satis noti sunt, uti & agitata controversia super hæreticorum rebaptizatione, adversus Cyprianum aliosque ab ipso definita: de quibus omnibus, uti etiam de pluribus translatis reliquiis, accurata redditur ratio. Quemadmodum & dubia multa explicanda fuere, quæ de Aspreno, primo Neapolitano Episcopo, circumferuntur: de baculo & ara S. Petri, deque illius ordinatione, ab hoc præsentis facta, de ætate, aliisque, ad ipsum spectantibus. Non tantum negotii facessit Maximus, Pataviensis. Petri Anagnini nobilitas, monachatus, gesta in curia Romana, legatio Byzantina, peregrinatio Hierosolymitana, exstructa demum insignis Ecclesia, aliaque gesta, abunde illustrata sunt. Agabius, Veronensis, cultu potius, quam gestis, celebris, non recte ab aliquo scribitur sedem Casariensem in Palæstina prius occupasse. Raynerium, Spalatensem, pluribus præclare gestis memorandum, illustrem fecit martyrium, pro Ecclesia suæ juribus ab impiis toleratum. Augustini, ex PP. Prædicatorum ordine, Zagabrienfis Præsulis, pro Cleri institutione & pace inter Hungaros concilianda Orationes relatae sunt, ipso demum ad sedem Lucerinam in Apulia translatus, eam postmodum sacris suis spoliis ditavit. Undecim Sanctos Præsules suppeditat Gallia, quorum agmen ducit

ducit Arcadius, Bituricensis, non multis quidem, sed solide, laudatus, quod de Nectario & Vero, Viennensibus, etiam praedicandum est. Non minus illustres sunt Euphronii bini synonymi, Turonensis atque Augustodunensis, quorum ille encomiasse omni exceptione majorem nactus est Gregorium Turonensem, hic vero meritiſſime etiam laudatus a sacrarum Scripturarum studio ceterisque virtutibus Episcopo dignis, quibus mirum in modum excelluit. Exuperius, Bajocensis, post sanctissime administratam Ecclesiam ibi honoratus, metu barbarorum in interiorem Galliam transferri debuit, unde Corbolicum tandem perductus, summa ibidem veneratione hodiernum colitur. Quae Bandarido, Sueffionensi, toleranda fuerint, satis explicata sunt. Auspicius Apra in provincia apud suos meritam venerationem obtinuit: Serenus vero, Massiliensis, Blanderati in Insubria eo loco habetur ab incolis, ut ejus ibi cultus majora capiat incrementa, pretiosis etiam monumentis expressa. Bertharii, Carnotensis, vitam, & quae ad eam spectant, diligenter etiam eruderata invenies: quod idem dici potest de Gaufrido, Cenomanensi. Oxomensis, seu Uxamensem, in Hispania Ecclesiam rexit Petrus, Monachus, origine Gallus; utrum in canobio Sagunsino, non satis constat: a Bernardo Toletano ad insulas promotus est, quibus dignissimum fuisse & gesta & signa demonstrarunt. In Germania gloriose floruit Gundekarus, Eysstettensis, tum in vita, tum post mortem mirum in modum munificus, ut ex ditata Ecclesia & subsequitis insignibus miraculis facile intelliges. Nec minus illustrem suggerit Anglia Ethelwoldum, ex Abbate Abbenodienſi Wintoniensis Ecclesiae Praesulem, cujus miranda gesta fideliter ac satis fuisse tradidit Wolſtonus, Monachus. Tertullianus Presbyter ac Martyr Romae & Anicii in Gallia celebris est, uti & Severus, Presbyter in Novempopulonia Gallia.

EX STATU MONASTICO.

Dalmati, seu Dalmatii, Archimandrita, cum Faustio, filio, Monacho, singularis converso & vita monastica in Fastis Graecis solenniter memoratur. De Gregorio, Abbate Nonan-

tulano, pauca supersunt. Succedit autem latissimus campus in gestis Waltheni, Abbatis in Scotia, temere confusi & duplicati, quibus ad rectam normam reducendis labori minime parcitum est. Neque facilius fuit ea digerere, quæ Hiberni satis liberaliter de suo Abbate Luano, seu Lugidio, paulo intricatiora tradiderunt. De Jonato, Marchianensi in Belgio Abbate, dicta sunt, quæ reperiri potuerunt, omnia; impudent sibi symmista, quod plura rogati non suggererint. Ut numero, præstantia ac varietate excellere admiranda magni Dominici, Ordinis Prædicatorii dignissimi Patriarchæ, gesta, ita longiori Commentario operose juxta ac diligenter illustranda fuerunt. Vitæ inprimis vetustissimorum scriptorum, a recentioribus, non usque adeo probatis, characteribus suis distincta, ad editionem accurate selecta. Datur Chronologicum totius vitæ compendium. Tum de signis, nativitatem prænuntiantibus, de patria, parentibus, pia pueritia, studiis, ac virtutibus, sermo est. Describuntur vitæ inter Canonicos regulares acta, itinera cum Didaco, Uxamensi Episcopo, certamina cum Albigenſibus toto decennio constantissime protracta, multisque prodigiis divinitus confirmata, rigore etiam in pertinaces hæreticos eorumque fautores adhibito; qua occasione de munere Inquisitoris agitur, itemque de Mariani Rosarii, quod tunc primum institutum fuisse dicitur, antiquitate. Elucidatur institutio & confirmatio Ordinis, non una appellatione principio insigniti, sed prævalente Prædicatorum nomini. Enumerantur itinera varia diversis temporibus per Italiam, Galliam & Hispaniam, non absque stupendis miraculis, nec non visionibus & ecstasibus; adde gesta Segoviensis, & quæ de stigmatibus circumferuntur, non neglecto sacri Palatii Magisterio. Eruderantur prima duo Ordinis Capitula, digerunturque reliqua Sancti præclarissime gesta usque ad obitum, cujus & facta revelatio memoratur. Ipsa Sancti etiam forma describitur, agiturque de Operibus ejus literariis. Sequuntur sepultura, elevatio, canonizatio, cultus mire quaquaversum propagatus, & auctus etiam Soriani. Præcipua sacra ossa Bononiæ asserta, translatis alio variis

viis reliquit; unde & posthuma gloria ex innumeris miraculis hodieum lucidissime resplendet. Gualterus, S. Francisci discipulus primus, in Lusitaniam socios deduxit, ibidem Vimarani celebri cultu notissimus. Inter Tertiarios eminuit Ciccus, seu Franciscus, post duram eremiticam vitam apud Pisaurenses eximia in veneratione.

EX STATU SECULARI.

Qui hoc die Tarsie in Bithynia refertur Eleutherius, a synonymis distinguitur, martyrio nobilitatus, atque sepulchro & insigni Ecclesia. Hermillus & alii ex solis Fastis noti sunt. De Leo, seu Leone, Viguentia in diocesi Ferrariensi notissimo, plura, quae ad vitam spectant, enodanda fuerunt; pretiosum depositum etiam Clemens VIII, Papa, veneratus est. De Felice & Nicetio, Martyribus Veronensibus, aliisque, sola superest cultus memoria. Peregrinum inter Mantuanum & Lucam, non nisi cultu etiam celebratum, frustra Dempsterus ad regiam Scotia progeniem evehere conatus est. De Justino puero, Martyre in Territorio Parisiensi, non pauca perperam combinata sunt; securior videtur translationis historia in novam Corbejam Germania. Friardi & Secundelli singularis in diocesi Nannetensi veneratio; vita ex ipso Gregorio Turenensi desumpta est. Peregrinus & socii Cenomanenses non nisi martyrio & cultu celebrantur. Baunadus, Tutelensis, Baluzio propemodum debetur. Nemefii solum ferme nomen superest. Felicis, Gerundensis, gesta laudatissima sunt, cui in martyrio socius Romanus adjungitur. Kinedum eremitam suggestit Wallia.

EX SEXU FOEMINEO.

Lydia Purpuraria ab Apostolo satis laudata est. Theodota, cum tribus filiis, antiqua item veneratione gaudet. Acta Suriana a Critici scrupulis vindicantur, iis non neglectis, quae a Combessio edita sunt, aliisque paulo brevioribus. Iacum sociis in Perside MM. apud Gracos celebratissima est, quemadmodum & Eudocia ibidem gloriose consummata. Neque iis multum postponende sunt Marana & Cyra, Beræa in

Syria solitudine clara. Perpetuam, Romanam, sacra monumenta suspiciunt, ut qua virum Africanum & filium Nazarium ad fidem perduxerit. Exstetne usquam corpus, inquiritur; nec satis certa atas, aut mortis tempus. Fides, Spes, & Charitas, cum matre Sapientia, celebres sunt, non apud Latinos solum & Græcos, sed & apud Coptos, diversis tamen ubique nominibus, quæ ferme appellativa dici possint. De patria, loco martyrii, ætate, & reliquiis, controversa sunt omnia. Sic ex obscuriori sacra Aquilana historia non nisi implexa S. Justæ Acta crui potuere, quæ nihilominus satis accommode a nostro Philippo Alegambe disposita sunt. Mariæ, dictæ Consolatricis, nobilis virginis Veronensis, vita pictis tabulis representatur: ipsa ibidem solennissimo cultu pridem honorata est. Vita porro recte a Bagata describitur. Sigrada, vidua sane inclita, præstantissimorum Martyrum, Guarini ac Leodegarii, mater, nobile Sueffionense virginum canobium, sanctimonialis facta, virtutibus, sanctitate ac miraculis non parum illustravit. Sic Etheldrita Virgo reclusa apud Anglos nominatissima est. Atque hi sunt præcipui Sancti, quorum Acta, aut breviora etiam elogia, hæc Tomo illustrantur; quo autem die quibusve paginis quærenda sint singula, docet Index Alphabeticus eorundem, toti Volumini præfixus, ætatem porro Chronologicus. Cetera in subjunctis aliis Indicibus quærenda sunt. Frontem vero occupat Tractatus præliminaris Historico-Chronologicus de Patriarchis Constantinopolitanis, parergis hinc inde & antidotis adversus schisma Græcum necessariis apte & abunde communitus, Autere Guilielmo Cupero.

ΔΙΟΝΥΣΙΟΥ ΛΟΓΓΙΝΟΥ ΠΕΡΙ ΥΨΟΥΣ
ΥΠΟΜΝΗΜΑ.

h. e.

DIONYSII LONGINI DE SUBLIMITATE
Commentarius; quem nova versione donavit, per-
tuis Notis illustravit, & partim Manuscriptorum opē,
par-

*partim conjectura emendavit, additis etiam omnibus
ejusdem Autoris Fragmentis, ZACHARIAS PEARCE,
A. M. Regiæ Majestatis a Sacris domesticis.
Editio tertia. Accessit FR. PORTI, Cretensis, in
LONGINUM Commentarius integer, nunc
primum editus.*

Amstelodami, apud R. & J. Wetstenios & G. Smith, 1733, 8.
Alph. 1 pl. 3.

Quam Longini de Sublimitate editionem Londini A. 1724, 4, in lucem jussit prodire Cel. Zacharias Pearce, quamve nos suis ornatam laudibus in *Actis* nostris A. 1727 p. 157 seq. exhibuimus, eam sibi in Batavia typis iterum exhibendam Nobilissimi Wetstenii & Smith ab eo statim tempore existimantur. Atque, ut ex aliqua parte suntibus studiosorum subvenirent, hunc ipsum libellum minori, quam in Anglia editus erat, forma iterum excudendi consilium ceperunt. Cum vero magnam jam partem Opus esset absolutum, idem consilii ipsum quoque Cl. Pearce cepisse acceperunt, ut secundis ejus curis aliquanto emendatior prodiret Longinus. Itaque in Opere suo continuando tamdiu subsisterunt Batavi, quoad nova illa Londini procurata editio in publicum prodiret. Et, quoniam hoc ipsum Opus dimidio amplius prius typis descriptum fuit, quam de Londinensi editione fama in Bataviam pervenerat, factum est, ut in exprimendo textu Longini Græco non altera illa & repetita Londinensis, sed prima, a nobis paulo ante commemorata, adhiberetur. Nam in priore hac Londinensi Cel. Pearce exhibuit Manutianam plerumque lectionem, ipsius suis conjecturis in paginæ cujusque partem infimæ proximam rejectis; in posteriori autem a verbis Longini mutandis ipsis & corrigendis non abstinnit, sed, quod antea in Annotationibus legebatur, nunc, mutata vice, in ipsum textum recepit. Quocirca, cum in priori editione sit expressum *ν. 61: Εμμεν' ἢ μὴν, ὅς τις ex Manutio,* in altera jam est, quod quoque Tollius fecit, *Εμμεν' ἀντὶς*
H 3 ὅς τις.

ἔστι, n. 63 pro γέλωτας prioris editionis, *Manutium* secuta; nunc altera habet γελάς, n. 69 pro *Manutiana* lectione, prius exhibita, Ορημ. βομβεῦσεν δ' ἀκαί μοι, jam demum legitur, Ορημ' ἐπιβόμβεῦσι δ' ἀκαί. Eadem ratione aliis in locis aliter jam leguntur Græca in editione Londinensi posteriori, licet in hac Batava prior fuerit propter causam jam indicatam retenta. Hac igitur in parte, ne quid ex posteriori Editione Londinensi prætermisisset hujus Editores viderentur, mutationes & emendationes, quæ in nova illa reperiuntur, ad finem addiderunt. Et sane nihil est in hac, de qua agimus, editione omissum, quod Cel. *Pearce* in posteriori editione suum esse voluit. Multum veto hanc posteriorem a priori differre editione, cum ex ipso textu Græco aliter expresso, tum imprimis ex Emendationibus vehementer immutatis, cognoscitur. Nam non solum n. 76 & 78, quæ fuerant in priore, in hac posteriore editione prorsus sunt omisæ, verum etiam aliæ auctæ, e.g. n. 56, 59, 72, 73, &c. aliæ diminutæ, ut n. 55, 58, aliæ vero ita mutatæ sunt, ut novæ dici mereantur, sicut 61, 63, 67. Sic in Annotatione, quæ in priore est editione 80, in posteriore autem 78, ad verba *Longini*, Λυμαίνεται γὰρ ταῦτα τὸ ὄλον, ὥσπερ ψήγματα ἢ ἀραιώματα, ἐμποιῶντα μεγέθη συνοικοδομύμενα, τῇ τε πρὸς ἀλλήλας σχέσεσιν συντετερχισμένα, verba prioris editionis, *Vulgata* vox συνοικοδομύμενα *Manutii* est, opinor, ex conjectura, parum vero ille videtur ad sensum loci attendisse, in posteriore his sunt permutata: Interim confiteri liceat, me nihil certe habere, quod ad locum tam difficilem emendandum proferam. *Vulgata* vox συνοικοδομύμενα placeret, si *MSti* faverent, & additur tandem de novo huic Observationi in fine: Forte vox συνοικοδομύμενα interpretamento fuit voci συντετερχισμένα; nam istud τε post τῇ abest ab omnibus *MStis* & vetustis Editionibus. Nos loco *Longini* obscuro levissima literarum mutatione lucem aliquam affundi posse conjectamur potius, quam arbitramur, si ita legatur: Λυμαίνεται γὰρ ταῦτα τὸ ὄλον, ὥσπερ ψήγματα καὶ ἀραιώματα, ἐμποιῶν τὰ μεγέθη συγκαταγόμενα, κ.τ.λ. & hunc in modum Latine redda-

reddatur: *Hac enim, veluti ramenta aut complementa, laedunt totum illud, quod efficit sublimitates, si commisceantur.* Quocirca nec τὸ ὅλον capiendum erit pro adverbio, nec ἐμποιῶνται erit pluralis numeri accusativus, quod videtur Cl. *Pearce*. Quemadmodum vero nova hæc Batavorum editio omnia omnino, quæ sunt in posteriore Londinensi, complectitur, sic, cum eidem accedat *Fr. Porti* Commentarius adhuc ignoratus, omnino habet, cur Londinensi etiam alteri proferri possit. Communicavit hunc *Porti* Commentarium ineditum, ipsius *Porti*, aut saltem Græci alicujus hominis, manu, ut videtur ex scriptura literarum Græcarum intelligi posse, scriptum, cum Editoribus Cl. Gymnasii Amstelodamensis Rector, *Isaacus Verburgius*. Quod vero attinet ad verba, e *Crispini* editione *Longini* in Prælatione adducta, quæ quid sibi velint, ingenue se nescire fatentur Batavi, quæque ita se habent: *Adjunximus Dionysium Longinum, -- quem & ipsum pessime habitum ipse Franciscus Portus, Cretensis, olim Ferraria Venetiisque veluti redivivum curavit, his nobis verbis nihil aliud videtur, vel Crispinus, vel Portus ipse, indicare voluisse, nisi Longinum a Porto, non editum, nec Commentario illustratum, sed tantummodo, quod adlectionem, emendatum fuisse.* Nullum enim dubium nobis quidem est, quin Commentarius *Porti*, qui hic in lucem est protractus, post *Crispini* editionem conscriptus sit.

QUINQUE LIBRI MOSIS PROPHETÆ
in lingua Ægyptia, descripti ac Latine versi
a DAVIDE WILKINS, S. T. P.

Londini, typis Guil. Bowyer, 1731, 4.

Alph. 3.

Cum publicatâ jam ante aliquot annos rariore Novi Fœderis Versione Coptica S. Rev. Autor Rempublicam literariam locupletasset, denuo per aliud æque pretiosum & æstimabile veteris linguæ Ægyptiacæ, cujus apprime peritus est, venu-

venusto literarum caractere editum monumentum, Versionem scilicet Pentateuchi, illam sibi vehementer obstrinxit. Contulit in eo adornando tres Codices MStos, Vaticanum, Parisiensem, & Bodlejanum, at, cum omnes quam plurimis scribarum scaterent mendis, earum correctio multum ei negotii fecit, &, cum Bodlejanus maxime integris interdum careret vocibus, eas ex alio Codice ad sensum commatis restituendum adjecit. De horum MStorum ætate annotavit, quod Vaticanum a *Gabriele*, Monacho, scriptum fuerit A. 1115 Æræ Martyrum, h.e. A. Christi 1319, Parisiensis vero Regii Codicis, a Cel. *Montfauconio* secum communicati, ætatem notare per festinationem oblitus est, eam tamen proximis, si qua typis exscribet, MStis Copticis Inferet. Bodlejanus A. 1390 Æræ Martyrum, h.e. A. Christi 1674, scriptus fuit. Quæ autem in genere ad versionem Scripturæ Sacræ Copticam pertinent, de iis Viri excellentis Prolegomena, ad Novum Testamentum Copticum Capite primo, legi merentur. Sectiones illas, in quas Copti Pentateuchum dividunt, cum ex medium nonnunquam comina secant, ne sensum imperfectum reddant, neglexit, ac receptam in Europa Capitum & versuum divisionem potius exprimere voluit. Ceterum de ipsa versione observat, quod Græcam versionem *κατὰ πίδα* tenaciter adeo sequatur, ut verbum verbo reddere potius, quam sensum dictionis Græcæ recte vertere studuerit, quod tribus locis allegatis probavit. Quam ob causam versionem hanc legens, Græcam semper ad manus habere debet, ex qua transcripta est, & cujus antiquam lectionem, in locis dubiis & obscuris confirmat. *Alter* Veteris Testamenti Ægyptii *Partis*, quæ in Europam venit, Psalterium, Daniele, & Prophetas minores, continet, quam, simul ac Bibliopolam, vel Maxcenatem, nactus erit, cum Grammatica & Lexico suo Copto-Latino in publicum emissurum se pollicetur. Cui promisso stare ut queat, eo impensius optamus, quo plura ejusmodi veteris linguæ Ægyptiacæ *ερηπια* adhuc deficient, non inutilia futura. His tamen ut varias lectiones MStorum exemplarium, quæ certe multæ sunt, nunc omittas, addat, Vi-
rum

rum doctissimum rogamus, ac nonnullos errores, quos vel in textu Coptico, vel in versione Latina, nobis deprehendisse vixi sumus, alio loco ac tempore proferemus, specimen quoque versionis alius valde diversæ, & haud paulo vetustioris illa, qua usus est Vir Col. in hac editione, dialecto Sahidica, scriptæ, quam Eruditiss. Crozius possidet, ex Viri hujus linguarum Copticæ & Armenicæ mirifice periti indulgentia, aliquando dabimus.

PARIS VAGI ET INTERCOSTALIS HUMANI corporis nervorum investigatio singularis. Expositio- nem, quam Cl. WINSLOW dedit, cum cadavere comparavit, Observationem recensuit AUGUSTIN.

FRID. WALTHERUS, Archiater Regius, &
Professor Publicus Lipsiensis.

De origine intercostalis nervi præmittendum erit, neminem Anatomicorum quinti paris furculos, quales ad verum, & ab sexto nervo deductum intercostalem accedere plures ajunt, & quidem ita crassos picturum, aut tanta longitudine ipsos delaturum, aut denique illorum & intercostalis nervi conjunctionis angulum ita absolute quidem exhibiturum facile esse, quemadmodum nihilo minus Cl. *Petitus dans les Memoires de l'Academie des Sciences* A. 1727 fecit. Norunt autem alii, quod lege constanti, ne quidem simile intervallum inter AG & AB aut I. E. D. Tab. *Petiti* Fig. 1, & alia in duabus reliquis Figuris, intra cranium intersint, quod neque super posteriorem duplicaturæ meningis partem, vaginaque, quæ ophthalmicum quinti paris nervum munit, & ab sinu juxta sellam equinam detinet, eminere inter capitis sextum ita factum superiorem, & ophthalmicum inferiorem nervum id spatium anatomie videatur; nedum, ut sine perforatione meningis uterque furculus ad intercostalem haud pervenire possit. Deinde vero illi non minus intelligunt, intercostalem verum, scilicet nervi sexti nervi propaginem, pergere post ligamentosum vallum, quod petrosam extremum processum, & appropinquans os sphæroidæum nectit. neque majori, quam

seſqui lineæ longitudine, vel remotis omnibus videri. Ita deinum Anatomici tanta cum obliquitate, ac ſtatim inde cum carotide arteria, ab omni nervi quinti parte intercoſtalem recedere, & abſcondi, tum cognoscunt, ut ſupra locum C carotidis arteriæ diameter interponatur; quandoquidem, ſi comparetur, qui ſingitur locus E & I in intercoſtali, etiam in ſitu naturali, & quidem pollicis dimidii intervallo majori, ab loco I & E in nervo quinto poſterius multo quam in *figuris* viſo abeſſe obſervatur. Noſtra ex obſervatione, multiplici quidem occasione facta, de Cl. *Petiti* & aliorum animadverſione nonniſi multo tenerius ſilum unum ſubinde & alterum ſupererit, qualia, ubi quidem in cadavere habentur, communiter ex parte ophthalmica quinti nervi, aut loco nexus hujus atque ſecundi rami, ſcilicet poſterius, & fere ſub nulla memorabili longitudine viſuntur; quo magis duræ matris poſteriorẽ laminam pertranſire protinus, atque plexum nerveo arterioſum, in ſinu, ad ſellam equinam & circum carotidem obvium, neque vero immediate nervum, inde ſatis diſtante, augere intercoſtalem ſolent. Ejusdem etiam notæ ſilum ipſe nervus intercoſtalis, quod neque aliquando altera ſua parte craſſitudinis minus eſt, circiter ſub loco, qui eſt apud *Petitum* ſuperior D, Fig. 1 & 3, ſed poſt ſextum nervum, ad ſellæ equinæ ſinum mittit. Interdum hic quoque ramus, aliquo inde intervallo, ſcilicet, ante originem intercoſtalis nervi, & immediate ab trunco ſexti ablegatur, & memores bene exemplorum ſumus, quibus, tam in uno, quam in altero caſu, ad uſque involucrum optici nervi, ante ejus ingreſſum in oculi orbitam, continuatam propaginem proſecuti ſumus. Atque inter alia, hæ quoque varietates nos monent, conſtante neque illam Cl. *Petiti* obſervationem eſſe, qua multo quidem tumidiorem ille ſextum nervum eſſe contendit, poſtquam intercoſtalis ad iſtum, ut ipſe arbitrat, acceſſit; etiamſi Cl. *Winslow* huic obſervationi favere quodammodo videatur. Quoad nervus intercoſtalis in ſinu ad ſellam equinam progreditur, tum is, poſt primum & internum verſus carotidem arteriam, fundumque hujus viz flexum, jam denuo, & cum obliquitate quadam ad anteriorem canalis partem, ac ſubter arteriam quodammodo rēdit,

redit, & pergit, sicuti deinceps dicemus. Is hoc brevi itinere, posituque suo, neque semel, sicuti olim observavimus, sed bis in exemplo, in duo prorsus contigua fila secernitur, & abit; qualia nihilominus denuo coeunt, ut aciculis distincta, notataque experimento cum essent, plexum luculenter videndum exhiberent. Natæ hinc duæ quasi insulæ apparuerunt, qualem singulam maiorem *Eustachii* Tab. XVII videre est; & ex superiori hac insula redditus fuit ille ramus, qualem ad rete nerveo-arteriosum concedere supra diximus. Quæ duplices divisiones num observentur crebrius, aut an singulæ quoque visæ tantam longitudinem unquam in experimento testentur, sub quanta *Eustachius* rem pinxit, id exquirere ac decernere penes alios Anatomicos erit. At, rete illud nerveo-arteriosum, quod carotidem arteriam obducit, atque cum intercostali etiam nervo intra sinum communicat, imo productionibus eundem fere ad sui egressum e cranio comitatur, id furculos arteriosos potissimum accipit ab posteriore carotidis arteriæ ramo; scilicet qui ramus ad sellam equinam, surgentis carotidis ex flexu oritur; quandoquidem hujus propagines copiosas tenerriimasque in omni hocce sinu irretiri pluribus nervosis fibrillis, id injectionum anatomicarum exercitium nos docuit. Commodum jam erit, nervos sub capite obvios, & eorum ramos, atque conjunctiones, eo anuotare ordine, quo quidem cuncta explicare, opportunum anatome visum fuit. Atque nervus *Willisii* accessorius sub vena jugulari suprema, ab vago tumido, nonoque capitis nervo, & postquam cum nono nervo, & decimo *Willisii* priore parte communicavit, versus tuberosum transversæ atlantis apophyseos finem retrocedere, atque super priorem faciem recti capitis lateralis musculi oblique descendere visitur. In hoc transitu, idem nervus, & quidem in membranaceo sui ipsius, & laudatorum nervorum, quippe communi adhuc vinculo, furculum, ita pariter innexum ad vagum retromittere observatur; sed iste mox alterum & magis quodammodo conspicuum ramum edit, qui juxta se, & porro, ad superiores colli, & laterales quidem glandulas demittitur; ut neque hoc exemplo ramus ita fuerit obvi-
cum

cum vagi ramo interno, & linguali, quippe ab opposita vagi parte, & inde jam divertente, congressus fuerit, quemadmodum Cl. Winslow n. 146 id ita docuit. Postea vero progreditur accessorius ille *Willisii* nervus, & sub quartæ circiter colli vertebræ altitudine, sterno-mastoidæum musculum, & quidem ab parte hujus externa, perforat; sed in hac via, atque porro, cum nervis tribus colli superioribus, eorumque variis ramis ipse coit, partibusque prospicit, quas Cl. Winslow n. 147 notavit; denique nervus ad trapezium musculum pergit. De occipitali nervo, seu decimo *Willisii*, constat, se juxta arteriam vertebralem, quippe sociam viz, scilicet inter obliquæ atlantis & transversæ apophyseos sedem, locoque sinuoso procedere; sed post capitis rectum lateralem musculum, notabilem ramum demittere, qui ab latere quidem interno istius musculi, & aliquo intervallo supra atlantis processum transversum prodit, ac juxta vagum, nonumque, connexos nervos, quippe cum quibus & ipse cohæret, circum & ante atlantis transversum processum descendit, denique communicationem cum intercostali præstat, qualem alia quoque occasione sumus descripturi. Eo igitur sub capite obvio intervallo, quo quidem occipitis condyli super atlantem eminent, & inferius fornicatum quodammodo cranium visitur, scilicet, post carotidis arteriæ in proprium quidem canalem ingressum, jam ab nervo vago, & ab communi exitu e cranio, illico, ac juxta condylum, recedit accessorius *Willisii* nervus, sicut ante diximus; deinde vero eidem vago se nonus capitis jungit nervus, qui ex proprio, quod in cranio est, foramine lapsus, brevissima via huc fertur. Igitur obliquo quodammodo descensu hic ad vagi externum latus inde concedit, & arctiori nexu cum hoc nervo adhuc devincitur; nihilominus sub transverso atlantis processu, inde, ac sensim quidem, is se expedit; interim vero mediante brevi teneroque furculo, ac membranæ communi intexto, cum vagi nervi trunco ipse communicat; deinde juxta stilo-hyoidæum musculum idem pergit, & obliquiore descensu versus linguam promittitur; siquidem ad hanc, inter cerato-basio-glossum musculum, atque

que mylo-hyoidzum illi via patet; quippe juxta hunc transfinitum viamque, inferior quoque paris vagi lingualis nervus ad linguam procedit. Quicquid de propaginibus quinti paris, & ab se quidem in hac via missis, sed quocumque jure inde repetendis, *Cl. Winslow n. 150, 152*, commemoravit, id omne nos in exemplo, & ab utroque latere, saltem diversis paulo modis, tantum acceptum ab singulo, sed notabiliore ramo, observavimus; qualis nihilominus postea ramus accessione cervicalium nervorum augetur; & melioris causa distinctionis, juguli accessorius, hic noni capitis nervi ramus ab nobis vocatur. Proinde nervus noni capitis paris, ab sinistro corporis latere, & sub altitudine incipientis colli secundæ vertebræ, ramum, quem diximus, valde notabilem edit. Qui inde trium circiter transversorum digitorum latitudinis ab origine intervallo, non in singularem ansam vertitur, ut de dextro docuimus, cum quidem accedente cervicalium nervorum ramo augetur; sed vere uterque implectitur, & ex confluentibus his cum factus communis est nervus, tum mox redditur inde brevis minorque furculus, qui in musculi omo-hyoidzi vicini inferiorem superficiem desinit; alius verò, & quidem longior, ramus, hinc ad scaleni musculi priorem partem, & usque ad regionem claviculæ subjectam pergit; denique reliquus juguli accessorius furculum brevem ad sternum-thyroidzum musculum mittit, & porro inter hunc atque sternum-hyoidzum ipse ad pectoris limitem deferitur. Tantum de illo cervicalium ramo, qui ad perficiendum juguli accessorium nervum convenit, modo dispiciamus. Quare, sub intercostalis nervi atque primi cervicalis conjunctionis loco, ramoque interveniente, postquam superiori loco, & ante atlantis transversum processum, brevior etiam furculus ab ipso vagi nervi trunco externe demissus fuit, & accessit, inde demum, & his ita ante apophysin transversam secundæ vertebræ convenientibus, ab cervicalis nervi priori parte, atque sub illa apophysi, duo fiant nervi, & ex his, qui crassior est, is externo loco statim cum subjectis paris colli secundi superiore prioroque nervo, & illico post hujus in collo excessum, coit, atque por-

ro circum mastoideum musculus inflectitur, & ad priorem hujus carnis superficiem pervenit; sed in hac via etiam ipse cum ramis accessorii *Willisi* & tertii cervicalis nervi propaginibus communicavit; verum tenefior, & anterior alter nervus, postquam furculum ad colli glandulas misit, tum secundi cervicalis nervi propagine accedente augetur, indeque factus communis nervus pergit, & cum noni paris nervi ramo, quem diximus, committitur. Ea conjunctio cervicalis nervi & fere reliqua, ab utroque latere ita visa fuerunt; sed ab dextris, vel pollicis humiliore loco, ramus paris noni, capitis nervi, veluti in anasam, & ante jugularem venam, scilicet sub altitudine sextæ incipientis in collo vertebræ, desinit, ut inde in cervicalem illum nervum ipse sine plexus nota rediret, & continuaretur. Ab hac noni nervi ansa rami, laterales duo furculi versus sterno-thyroidæ musculus pectorisque plagam descendunt, & inter hos medius, & major ipse ramus sub omo-hyoidæ musculo ab interno venæ jugularis latere, & supra sterno-hyoidæ musculus pergit.

Plures rationes, & obviæ in utroque colli latere ramorum varietates nos movent, ut discrete de nervo intercostali, ab dextris quidem viso, agamus, deinde vero, & postquam eundem, sicut cum vago, & quidem hujus plexibus, aliterque in thorace communicavit, ad sextam usque costam ipsam prosecuti sumus, ut demum seorsum utrorumque sinisteriorum nobilissimorum subnectamus nervorum tractum; quo quidem omnia describantur, quemadmodum cultro anatomico hæc ita commode pervestigantur; sed ut qualicumque instituto nostro, verum imitabili aliorum quoque Anatomicorum studio, plura in hoc genere suppleantur: ac tandem rerum subtilium & intricatarum doctrina multiplici observatione emendatior fiat. Quare intercostalis nervus, postquam inferiores limites illius finis, qui ab sella equina nomen sortitur, & in fundo quidem carotici canalis reliquit, tunc oblique versus posteriorem & exteriorem oræ canalis carotici locum porro cedit; & in hac via is sensim duræ matris involucri investitur, exteriorque membrana, & laxiore, simul tanquam valido ligamen-

to ad sui exitus locum adstringitur; qua parte extrema carotici canalis, & sub hoc porro ipse visus, magis albidus idem, & firmus, quam quidem in sinu est; denique vero integer, nec fissus in exemplo, & in fila divisus, hoc inferiori loco ipse observatur. Inde vero sensim hic noster nervus, & suo quidem ad transversum atlantis processum descensu, tumidior fit, ac porro ganglii speciem refert, quod inter primæ & secundæ vertebræ processum transversum, & quod inferiori sui parte, quam olivæ dicunt, crassissimum habetur. Id ita ganglion superiori externaque sui parte, ad atlantis, seu vertebræ primæ, transversum processum, duos ex se editos ramos conspicuos, sed juxta se, & inde brevi intervallo denuo arctius junctos, ante vero, quasi ad perpendicularum eductos, præbet videndos; & ex his superior in partem priorem occipitalis nervi, quodammodo post lateralem capitis rectum musculum, anfractu instar, sicut Cl. *Winslow* rem exposuit, desinere observatur, dum alter, qui paulo brevior est, e duobus nervis jugiter demissis contiguisque videtur constare, qui ad sequentem intercostalis ganglii ipsius substantiæ productionem brevem, & crassam, atque inde ab hac continuaturum ramum desinunt; qualis proxime in cervicalis primi nervi priorem partem fere ad perpendicularum abit. Qui medius inter ganglion & hunc cervicalem nervum ramus, etiam antequam geminatus ille ramus, quem modo diximus, ad se accessit, furculum externum recepit, quem vagus ante medium transversum atlantis processum demisit; ut hic furculus nervum juguli, quem supra diximus accessorium, quasi angere videatur. Atque externas, sive cervicalium furculorum accessiones, sive propagines intercostalis nervi, ubi modi rimari cœpinus, jam cervicalem sectitudinem nervum haud talem attulisse monemus; sed deinde tertius egregium ramum, inter anticum, rectum capitis, & colli longum musculum, deinde vero minorem alium, e loco diverso, & ante, quam phrenicum iste suppeditaret nervum, pariter exhibuit; qui obliqua nihilominus, valdeque declivi via, ad cervicale, intercostalis nervi inferius ganglion concesserunt, & in ipsum abierunt. Etiam quartus cervicalis nervus,

infra

infra illum tertii rami priorem locum, & quidem breviori via, notabilem ramum detulit, eumque ganglio pariter laudato tribuit, donec major, sed tanto brevior, & duplex visa sexti propago nervi, cum vix in collo prolata deductaque esset, in thoracicum ganglion, ejusque superiorem partem, desierit. Nihilominus ab eodem sexto & quinto cervicis nervo, præterea alii mittuntur duo, teneriores quidem visi, sed post vertebralem arteriam, locoque exteriore & profundiore retegendi furculi; unde factus loco conspicuo e duobus hisce filis communis nervus, jam ad minimum cervicale ganglion, quale ab hoc latere inter id ganglion cervicale inferius & thoracicum, sed aliter, quam ab sinistris res patet, interponitur, demum attingit; & ita potius inter alios nervos, quos deinde commemorabimus, iste ad superiorem mediastini locum, & ante jugularem quidem venam, suo tractu pergit. Tandem septimus cervicis nervus ramum brevem, trium circiter linearum longitudine, educit, thoracicoque ganglio, ab latere externo, eum impertit. Postquam ramos hac nostra anatome obvios proposuimus, quotquot notari ab externa parte intercostalis nervi merentur, jam ab interno latere ab se redditos pariter declaraturi sumus. Sed mittimus superiorem illum vagi nervi & intercostalis ganglii arctiorem nexum & communicationem, qualem alia occasione jam supra commemoravimus. Neque vero tenuiores quoscunque ejus generis laterales ramos exquisiturus Anatomicus membranam temere incidet, quæ cum strictioribus hac colli parte obviis musculis etiam intercostalem nervum pressius tenet: quandoquidem per hanc transparentem obductionem vestigia nervorum, & veluti insularum, atque communicationum, ab se deinde curatius retegendarum, magnam partem quasi legere is poterit. Quare ab olivari tumore supremi ganglii cervicalis duo nascuntur rami, cum intermedio teneriore filo. Ex his primus, qui crassior pro modo suo, ac brevior est, statim in tres furculos dividitur, quorum unus præ ceteris notari meretur. Nam hic pollicis longitudine & distantia ab ceteris progressus, ad ramum tertium vagi, & quidem parte sui una recurvus fertur, & cum eo communi-

•unicat; nihilominus reliquum nervi, quod ab hac communicatione est, id continuatur, & propinqui ex ganglio nati alterius rami una alteraque accessione augetur, hinc vero ad thyroidæ glandulam tendit: verum altera illius furculi præcipui pars, juxta truncum intercostalem, & quidem digiti intervallo progreditur; ubi cum ganglii inferiore ramo, & propinquo filo, de quo medio ante diximus, scilicet duorum circiter transversorum digitorum, ab communi fere omnium origine, intervallo jungitur; & inde novus longiorque nervus prodit. Jam hic novus nervus, etiam in progressu suo, cum intercostali, quippe itineris socio, propinquoque trunco, & quidem alio intermedio quodam transverso filo, communicavit; sed porro, ab hoc laterali ita seorsum viso nervo, furculus unus ad propinquum posterius thyroidæ latus & laryngem concessit, ipseque demum reliquus nervus sub carotidis arteriæ externo latere, ac sensim versus recurrentem vagi nervi partem appropinquavit, atque in posterius mediastinum, quod ita vocant, sub arteria aorta desit. Præter ea, quæ modo declaravimus, haud plures in exemplo, ab interno latere conspicui furculi sunt, qui ab intercostali quidem trunco, & sub longiori parte colli, exeunt; etiamsi hæc atque plura apud Cl. *Winslovium* aliter relata legantur, vel saltem accipi aliter ab lectore possint. Nam pluribus demum Anatomicorum observationibus, ac descriptarum sectionum exemplis, & varietates naturæ cognosci, & absolutiorem reddi debere doctrinam, id jam supra monuimus. Igitur ad sextæ circiter colli vertebræ locum, & quidem ab latere, incipit septem circiter linearum ganglion; sed ita mediæ longitudinis & magnitudinis, in gangliorum hujus nervi cervicalium numero visum. Quod præter unum alterumque tenerum nec memorabile filum, quod vasis propinquis conceditur, ramum porro satis notabilem edit. Is suo ad angulum arteriæ carotidis & subclaviæ descensu, in duas modo partes dividitur; quandoquidem una, & inferior, ante arteriam asperam, scilicet cum sub arteria subclavia ea pars prorepat, ad teneriorem fert plexum, qualem occasione sinistri lateris etiam declara-

turi sumus: at minor & altera ejus rami pars, cum nervo, quem recurrentem vocant, pollicis circiter ab hujus origine intervallo coalescit. Itaque ab illo cervicali ganglio, quod diximus, intercostalis ipse nervus, vel lineæ longitudine tantum continuatus, statim partem sui ferme alteram, & ansæ instar, circum arteriam subclaviam agi jubet; quæ nihilominus intra pectus luculentius visâ thoracico ganglio redditur. Inde vero reliquus, licet, pro hoc divisionis modo, multo tenerior factus fuerit truncus, tamen, versus locum pharyngis vicinum, exilem ramum ablegat, qualis vero in pectore, cardiaco inferiori nervo, & deinceps describendo, sub arteria subclavia restituitur: de reliquo, superflus idem truncus ad minimum infimumque cervicale aliud ganglion adhæret. Ab hoc tertio colli ganglio, jam ita in pectoris limine viso, superior insignis cardiacus prodit ramus; & is recta primum via, & aliquousque ad locum thoracici ganglii in summo pectore pergit, ubi etiam alter, ac similis quidem cardiacus nervus ab hoc maximæ notæ ganglio profascitur; ut quis propemodum existimaret, inde quoque cardiacum istum superiorem, neque ex minimo ganglio, ortum esse; sed de utrisque cardiacis nervis non ita multo post dicemus. Tantum eos observavimus propinquos factos, inter se medium, & quidem juxta ganglion transire ramum jubere, quem antea ab cervicali sexto & quinto nervo versus mediastinum promitti, & ita posterius ad arteriam aortam procedere docuimus. Quare jam in thorace, & ab proprio hujus ganglii loco, quoad idem ad primæ costæ, & subjectæ secundæ, extremitatem attenditur, ubi neque quodam sui in collo excessu, id inclinari versus septimum & sextum colli nervum videtur, imo vero superiore magis loco, quam commemoratam ante nervi intercostalis ansam, redire ad præsens ganglion observavimus, tum duo illi cardiaci nervi, quos modo explicavimus, & quidem duobus circiter transversis digitis, ac propemodum ad usque recurrentis nervi discessum ab vago nervo, divertunt. Sed ante hujus vagi trunci & recurrentis nervi angulum, ipse illis propior factus vagus, duos

duos brevissimos ramos ad utrumque intercostalem cardiacumque nervum sub specie incipientis plexus cardiaci veluti retromittere visitur; deinde demum, & porro priori loco, magnum quoque cardiacum ramum, sub illo, quem diximus, augulo, ex se edit. Tam vero hic vagi truncus, quam novus cardiacus ejus ramus, porro, & juxta asperam arteriam, cum utroque intercostali cardiaco, mediante nervo intermedio communicant; & post ganglion exile, quod hoc loco obvium est, in unum nervum priorem utrique intercostales cardiaci coaluerunt; scilicet, ut ita versus cor, ac notabili quidem longitudine, nobiliores ex hoc omni plexu, quem modo descripsimus, tandem non nisi tres demitterentur nervi, & magis distinguendi. Ex his humilior & anterior ille singulus est, qui ex compactis duobus istis intercostalibus constat; dum ex duobus reliquis nervis superior, & exterior tantum continuatio prioris cardiaci vagi nervi fuit: alter vero post intercostalium propaginum priorem ac novam, veluti majorem insulam & communionem, maximam partem ab eodem cardiaco vagi ramo oriri, sed loco medio, in illorum trium nervorum numero demitti videtur. Qui igitur præstantissimus nervorum plexus superioribus locis furculos ad mediastinum ablegat; sed postea, & ad cor inde delatis tribus illis melioris notæ nervis, tum laudatus vagi ramus duplex ad partem dextræ auriculæ externam, dexteriolemque pulmonem; sed paulo superior intercostalis uterque, licet singulus denuo visus, atque conjunctus, ad vicinam aortæ in corde radicem, auriculæque dextræ partem alteram, demittitur, & pericardium ita luculentius pertransire visitur. Eum nervorum plexum, quem modo, utcumque agere expedit, descripsimus, appellare cardiacopnevmonicum, id doctrinæ causa commodum & æquum esse existimamus. Et vagi nervi truncus, postquam ramum cordis principem suppeditavit, jam porro asperæ arteriæ, bronchiisque, mox in pulmonem dextrum abeuntibus, cum valide adhæret, tum pnevmonicum plexum fibris pluribus ramisque ab se demissis parat: sine eo, ut, hoc exteriore & posteriore bronchiorum loco, intercostalis nervi quidem conspicui furculi

li huc convenirent. Neque vero tales ab trunco intercostali, sub secundæ tertizque costæ, deinde sub tertiz & quartæ altitudine promitti ad partes in medio thorace extantes observatur; nihilominus sub altitudine duarum sequentium costarum intervallorum furculi prodeunt, quales ad medias vertebrae & gulam omnino concedunt. Verum inter sextæ & septimæ costæ postremam partem, & ubi tales ad transversos vertebrarum processus alligantur, novus & luculentus provenit ex intercostalis trunco nervus, imo similes inde ex altero & tertio quartoque viso intervallo reddit ipse truncus, quo magis in toto pectore ramorum spinalium furculis, & in omnibus intervallis costarum, auctior is prodiit. Quibus ita ex se editis & acceptis, hic sufficit, ut plurium coalitione fierent, & tandem ex thorace duo in abdomen insigniores nervi deferrentur, qui ganglia & plexus ibi præcipue efficerent, quæ alia quidem occasione & tempore nos describemus. Postquam nervi vagi truncus ab pnevmonico plexu evasit, atque porro hoc dextro corporis latere jam progreditur, tum ramum gulæ minorem, deinde majorem, reddit; de quibus agere commodum magis erit, cum abdominis nervos pariter adjiciemus.

Jam ad loca revertimur, quæ ab sinistris proxime sub capite sunt; qua parte sinisterior intercostalis nervus, superiores quoque externos ramos, sicut dextri lateris nervus accepit. Tantum inter hos accessorios ab quarto cervicali nervo duo furculi nati fuere, & quidem in sinu inter longi musculi colli radices, quo vertebralis arteria in hoc exemplo solito altius surrexit, & colli vertebrarum quintum foramen demum subiit, isti deducebantur; & ipsi furculi, in laterali ac prorsus exiguo remotiorique ganglio, quod eodem pariter in sinu hærebat, convenerunt; unde ex plexu laterali tenerioreque, & obscuriore loco viso, demum rami duo, ac magis conspicui, facti fuerunt, qui ad intercostalis nervi ganglion cervicale, quod fere loco simili, sicut mediz magnitudinis ganglion ab dextris habebatur, descenderunt. Id ganglion haud ita oblongum, sed potius præ illo ab dextris viso minus, tamen magis rotundum erat; ac vix notabili ab sequente alio gan-

ganglio idem distabat intervallo. Nam huic supponebatur minimum cervicale ganglion, quod propemodum cum thoracico continuum visebatur; & hoc ita thoracicum ganglion, cum extra limites thoracis, parteque insigni in collo eminu- it, tum ipsum flexuosum & horizontali situ, in imo collo ea- dem sui parte visum, jam in reliquam majorem paulo partem, quæ in thorace supererat, ad angulos rectos desii; ut etiam præfixam quasi appendicem minimum ganglion utcumque repræsentaret. Quod ita parte sui, qua inclinabatur, longe aliter ac de sinistri lateris thoracico ganglio diximus, factum & visum cum esset, hinc superius quoque recepit notabilem sexti cervicalis nervi sobolem, deinde ab septimo id ramum duplicem sibi acquisivit; siquidem unam brevemque, supra flexum, alteram vero propaginem infra eundem, & ab exter- no latere accedentem sibi junxit. Etiam ab septimo nervo ad pectoris cavum dilapsus quidam furculus est; qui cum ramo primi dorsi nervi cunctus, statim sub ganglio, inter- costalis nervi trunco redditus fuit. Quorum de gangliorum interioribus ramis antequam loquamur, potius de nervi in- tercostalis ipsius superioribus propaginibus, quas ille ab parte colli interim, & inter descendendum, reddidit, verba facie- mus; ut differentia illarum, in altero latere visarum, clarius elucescat. Nam non nisi singulum ramum cervicale superi- us ganglion ex majori tumore promisit. Et is vices tripar- titi & sequentium, scilicet in latere dexteriori ab ganglio de- latorum nervorum haud prorsus sustinuit, sed præter com- municationem cum tertio vagi ramo, quam etiam sinistri hu- jus similis rami furculus stabilivit, uti supra diximus, tantum pharynx inde participavit; quippe nervosis filis, his superio- ribus locis, fere sicut ab dextris porro partitis. Verum in supplementum novus, non quidem ab latere ganglii interno, sed ab trunco, jam prodiit notabilior ramus. Quanquam enim satis insignem, sub media circiter colli altitudine, truncus nervi intercostalis reddiderit ramum; tamen indivisum ipsum pergeré, & perforare colli longum musculum, ansæque in- star ita recurvum versus superiorem & priorem locum fer-

ri & abscondi observavimus. Quare sub quintæ demum colli vertebræ altitudine, quasi ad compensandum qualemcumque defectum, natura ramum, furculis distribuendum, insignemque alterum modo largitur: & hic parte magis interna thyroidæ glandulæ, & pharyngi, his locis deductus prospicit; sed inter hæc furculum cum recurrente communicantem promissit, dum continuata ipsius rami pars altera, & longior, ad medium pectus, sicut deinde dicemus, delata fuit; quemadmodum ab dextris fere similia nervorum fila, sed aliis ex principiis nata, ferri declaravimus. Verum ab ganglio, quale jam ab sinistris, & quidem loco, quem ab dextris mediæ magnitudinis ganglion occupaverat, modo delatum nobiliorum tertiumque ramum internum vidimus; de quo plura jam dicenda erunt. Tantum prævia ratione observamus, quod pone hunc ramum, illa pectoralis propago, qualem ab sinistris quoque explicavimus, jam ab jugulo versus pharyngem, & ita porro usque ad arteriæ aortæ arcum, ac posterius, seu inferius mediastinum pergat. Deinde monemus, quod sub hoc ganglio, & quidem ab proximo, sed præ dexteriori minus distincto, ganglio scilicet cervicali hujus lateris minimo, nihilo minus rami inde digressi ansa, circum arteriam subclaviam, sed brevior multo pronata fuerit, quam quæ ab dextris paulo aliter cognoscebatur. Verum ille nobilior ramus, quem ganglion cervicale præcedens & medium supeditaverat, jam una sui parte ante arteriæ aortæ arcum truncumque progreditur, atque ad hunc presse annexum, teneriorem plexum, sed ab cardiaco vero satis distantem, & inferiorem, cum simili opposito nervo sinxit, quem quoque nervum ab dextris animadvertimus; verum altera ejus rami pars superiorem cardiacum nervum constituit, sociumque viæ, ad cordis plagam ferentis, inferiorem, alterumque cardiacum, scilicet ex thoracico ganglio pronatum, accepit. Qui alter cardiacus, & inferior ramus, furculum statim demittit, qualis nervo recurrenti, post breves ambages, hinc denuo redditur. At illi duo cardiaci rami, quippe facti itineris longioris & magis declivis viæ comites, quam quidem ab dextris id ita visum erat;

erat, jam porro versus humiliorem arteriæ aortæ arcus locum, & ubi juxta asperam arteriam recurrens prodit nervus, imo ad inferiorem usque sedem, quam ea est, ubi recurrens nervus ab vagi trunco oritur, jugiter tendunt. Eo in memorabili intervallo uterque nervus, qua parte coalescit, deinde iterum unus ab altero secernitur, & ipse ramus exterior magis pulmōni sinistro, interior vero cordi potius tribuitur. Verum pollicis inferiore loco, quam quidem ab dextris vagus cardiacum ediderat nervum, hinc ab sinistris, propinquo ad illam novam utriusque intercostalis cardiaci divisionem loco, recurrens demum nervus insignem cardiacum, & præ singulo ex istis duobus nervi intercostalis ramis paulo crassiorē reddidit; sed ita præ dexteriore, qualem supra ab vagi trunco ortum vidimus, quodammodo tenuiorem ac breviorē eundem ipsis nihilominus adjunxit. Quibus omnibus versus proximum cordis atque pulmōnis nexum, & quidem flexus, atque ab dextris, scilicet sine ulteriori plexu nota demissis, & ad hæc viscera deductis, ante transitum per pericardium ad atras illas glandulas isti subinde adhæserunt, quales inter hos nobiliores nervos, ipsumque plexum vagi pneumonicum, & factum hoc in latere prorsus vicinum, interponuntur, ut ita etiam utriusque generis propagines, furculis, qui per has glandulas transeant, invicem communicare videantur. Nam nervus recurrens porro etiam ad glandularum hanc compaginem, sed statim post sui ab vago discessum, qui duobus transversis digitis, illa ab dextris visa recurrentis origine inferior est, jam alterum cardiaco-pneumonicum ramum, & quidem via perbrevis, demisit; nihilo minus, loco nonnihil prior, etiam unum alterumque furculum tenerum ad auriculam sinistram, quæ proxime subjicitur, ille recurrens delegavit. Quibus ita visis, jam vagi nervi truncus plexum pneumonicum, sub recens facta asperæ arteriæ divisione, & quidem paulo luculentioribus ramis dispersis, quam ab dextris res visitur, struit; deinde, & ubi quis facile opinari posset, quasi vero ab plexu pneumonico vagi truncus superstes, jam porro recta mediaque potius via per thoracem sit deducendus: nihilo minus is statim

tim, cum ab bronchiorum nexu solvitur, oblique ad gulam defleſcit, & quaſi circumire eandem deberet, inde abit, & diverſit. Id ubi accidit, tum ramum, eundemque ſe ipſo paulo minorem, in proprium locum interim ſubſtituit; & hic ab ſiniſtro latere truncum hac ratione veluti mentitur; quod omne nihilominus ab dextris minime ita fieri obſervatur. Atque ex omnibus, quæ adhuc propoſita fuerunt, major varietas dexteriorum ſiniſteriorumque nervorum, quos in noſtro exemplo inquiſivimus, apparet, quam ut plura neque addi ad ea mereantur, quæ quidem ſatis egregie Cl. Winslow expoſuit. Alteram partem Obſervationis nos alio tempore exhibebimus, qua de vagi nervi ramis, qui in collo ſunt, alia ſupplere, alia vero, ſub media pectoris altitudine, in vago & intercoſtali reliquo utrinque viſa adjicere, integrum nobis erit.

GODOFREDI SELLII, J. U. D. EX SOCIETATE Regia Londinenſi, *Hiſtoria Naturalis Teredinis, ſeu Xylophagi marini, Tubulo Conchoidis, ſpeciatiim Belgici, cum Tabulis, ad vivum coloratis.*

Trajecti ad Rhenum, apud Hermannum Beſſeling, 1734, 4. Alph. 2:

Deſideratiſſimum huncce ingenii ſui, bono publico nati, ſœtum tandem enixus Autor, expectationi omnium ſatisfaciens, & quam de ipſo conceperamus, ſpem prolixiffime adimplens, Reipublicæ literariæ plurimum, ſamæ ſuz multum inferviit, ita, ut, cum ſua ſponte lecturis non poſſit non placere, reticere partem laudis, quam meritus eſt, ne modeſtiæ Doctiſſimi Viri graves ſimus, conſtituerimus, certo conſiſſi, neminem, ſi ſapit, unam alteramve paginam, quod ſi etiam longum ipſi ſit, totum Opus legendo conſumere, luſtraturum, quin noſtræ ſententiæ, quam deliberato conſilio pronuntiamus, lubens ſubſcribat. Commendabilis eſt Latini ſermonis elegantia & puritate, & ſelectiſſimorum ex optimis quibuſcunque Autoribus ſlorum copia dives, liber; nec antiqua ſaltem Græcorum &

& Latinorum, sed hodierna etiam Anglorum, Gallorum, Italorum, Batavorum, literatura superbit, quorum omnium unico hoc volumine Commentatorem egit, ita, ut dubium sit, an rerum apparatus, an, quo omnia disponuntur, ordinem, mirari debeamus. Analytica usus est methodo, & quousque cogitando & abstrahendo mentis humanæ acumen tendere valet, progressus, in pauperculo verime quater centum & octo, quot paragraphi Operi insunt, invenit ideas, non interrupto ordine sibi manum porrigentes, quarum una ex altera, legitima & Dialecticis usitata via, fluat; & cum mirum esse quibusdam posset, qui factum, ut in sterili visa materia tantam dicendorum suppellectilem invenerit Autor,prehendimus, pro augendo Operis volumine peregrini aut a scopo alieni nihil admixtum esse, imo vero haud raro, ut prolixitatis tædium evitaret, reliquisse Autorem in medio suspectas quasdam, vix prævisas, & quas moveri posse aliquis dubitasset, quæstiones, eo directas, ut de œconomia & sine animalculi conjecturis, demonstrationi proximis, certi aliquid constare posset & definiri. Orditur ab ipsius objecti declaratione, probe gnarus, docente optimo *Barbaavio* in Instit. med. Prol. p. II, *oportere incipi a simplicissimis, cognitu facillimis atque certissimis, a quibus deinde pergendum ad ea semper, quæ proximo gradu harum conditionum prægressa attingunt, atque ita accurate progrediendum ad composita, obscura, difficilia.* Inde externam teredinis suæ faciem primo loco exponit: capitis singularem fabricam & loricatum robur cum proboscide sanguisugæ æmulo, cornibusque velut ex continuata testa productis, luculenter tradit, quo intelligi iconum ad calcem Operis adjectarum significatus plenius posset. Magnopere vero delectatur motu folliculari animalis, in ore ejus conspecto, id quod sententiæ ejus de conformatione teredinis hydraulica insigne robur addit. Quod loricato corporis initio proximum est collum, robore musculorum prævalidum agnovit, corporis reliqui cute pellucida, per quam non tantum abdominis contenta plena luce transparuerint, sed & data sit armato oculo plura, his magis curiosa, videndi atque examinandi commoditas. A qua parte intestina desinunt, longior reliquo

corpore cauda initium trahit, in medio depressior, ad latera pulvinata, & ad corpus usque callosum, quod ultima corporis pars est, infarcita, sed inæqualiter, concessio aliquo in eadem, sed indeterminato, vacuo. Media hæc est inter duo corpuscula testacea, pinnæ soleæformes Autori dicta. Magnitudo teredinis aliquando unius puncti, si recens exclusa ovulo fuerit, aliquando unius pedis fuit, quo tempore ad ἀκμὴν devenisse videbitur. Curiosior longe est interiorum partium anatomia; detracta oris cute, cum profluente lymphâ, glutinis summe pellucidi portiuncula, formam ampullæ vitreæ effrens, conspecta fuit. Musculi colli propemodum callosi & duritie reliquas corporis partes multum superantis, facta divisione, ductum quendam insignem manifestant, ori & intestino flavo, quod ventriculus est, continuum, siquidem, quod proximum huic est ad dextram situm, pro intestinelorum canali, corpora vero albicantia pro ovariis, vasa bina pyramidalia, motum systolicum ac diastolicum exercentia, pro corde animalculi agnosci haud difficulter poterunt. Curiosissima sunt & lectu prorsus jucunda, quæ Capite secundo de numero ovulorum & animalculorum infinite parvorum per teredinem itineribus, familiis, œconomia, differit. Ea fuit Autoris in observando industria, in numerando exactitudo & felicitas, ut, deprehensis in cubulo definitæ capacitatis sexcentis ovulis, in portione caudæ teredinis, quæ pollicis lati mensuram vix adæquet, judicet inveniri plura ovula, quam homines in octo illis præcipuis orbis christiani emporiis, Londino, Lutetiis, Amstelodamo, Venetiis, Roma, Dublino, Bristolio atque Rhodomago. Computum sic instituit. Materię ovula continentis cubulus sexcenta ovula visui clare exponit. Sint duodecim cubuli pro latitudine parallelipedi, quinque pro ejus altitudine, sit longitudo quinquaginta cubulorum Autoris, soliditas parallelipedi erit cubulorum 3000, id est, ovulorum 1874000. Non sufficit infinitus in tam parvo nobis viso corpusculo substantiarum numerus, sed & in singulis peculiarem deprehendit animalculorum rempublicam, quæ in bullula, ovulum dicta, libere fluctuent, & de loco in locum moveantur,

tur, multo magis, si de toto teredinis corpore sermo sit; illud enim non vermem, sed mundum, dixeris, in quo myriades animalculorum definitæ figuræ per intestinorum canalem peregrinantur, constitutis inter se rebus publicis, siquidem glomeratim circa se ipsa volvi, imo & ad series striatim disponi, haud dubitatis signis oculatissimus Autor cognovit, explosa penitus sententia, qua quis inductus, non animalculi, sed ligni abradi, portiunculas has esse contendere posset. Quibus egregie declaratis, immensitatis rerum & nostræ mediocritatis memores nos esse jubet. Domiciliorum rationem & habitandi modum, quo teredines mutuz societatis vinculum in detrimentum lignorum subeunt, eleganti ordine & perspicuo sermone exponit. Ligna palorum, aut navium trabes, hac luce male habitæ, extus nullam manifestam morbi & teredinis latentis faciem præ se ferunt, nec nisi inflicto lignis vulnere hostium castra deteguntur. Sunt tamen prominulæ minutis foraminibus membrulorum extremitates, quas cornua dixeris, rubicundæ admodum, quas ad tactum retrahit teredo, & paulo post de novo in lucem emittit. Ab hoc puncto, angusta satis porta, ordiuntur tramitum canales illi, crusta perlacea vestiti, qui teredinem continent, de quorum mensura disputationem cum Cl. *Massueto*, uti solet, modestè instituit. Neque vero vel ligno, vel corpori teredinis, perlacea illa cutis, quæ anfractus exesi ligni investire solet, prorsus adhærere deprehenditur, sed spatium superest animali, quo moveri & opus perficere possit, imo vero, quo aquæ marinæ ambire undique valeant, pro exercenda illa hydraulica actione, qua teredo finem suum intendit. Rationi vero consentaneum, tubulum huncce intus, qua parte corpus contentum respicit, glaberrimum, extus asperiorum esse debere, & cum arbitrari cum *Massueto* quis posset, debere adutorum crustas duriores, juniorum molliores esse. contrariam Autor defendit sententiam. Annulis constant integumenta illa animalculorum testacea, sed æquales inter se distantias vix observantibus. Ea est animalculorum in opere sapientia, ut, cum respublica sint, nolint sibi mutuas inferre iniurias, adeoque sancitam inter se legem, *de non perfringendis*

vicinarum domuum parietibus, religiose servant, ab irruptione in contiguam domum sedulo abstinentes. Inde est quod, quam maxime etiam, alvearis apum in modum, exesum sit lignum, nullibi tamen manifestus sit de canali in canale transitus. Ad eam tamen tenuitatem redacta est interdistinguens tubulos vicinos paries, ut lamellam, non lignum, diceres, quam equidem hinc inde leviter admorsam deprehendas, quasi perumpere tentaverit in vicinæ domum teredo, sed nihilominus integram, sentiente errorem verine, & quantum illæsa vicini pariete, cui parcit, potest, absumente. Inde non una eademque est tubulorum directio. Cum enim, ne sese mutuo attingant, caveant, quamprimum nimiam sui viciniam sentiunt, retroflectunt, & inter fila lignorum delati, *ibant qua poterant, qua non poterant, ibi stabant*. Quod si cui dubium sit, qui fieri possit, ut totius ligni substantia excavetur, quandoquidem transitus ex tubulo in tubulum nullus sit, animadvertat cum Autore, superficies lignorum ab extra affigi ovula, quibus exclusa unius puncti animalcula in lignum iras exercere suscipiant, inde minutula foramina circa aliquod magnum detegi solent, neque inficiandum est, plures teredines, si, occupato jam loco inter duos tubulos, progredi non possint, labori immorituræ, quod mortem oppetere, quam violare legem *de non ladendis vicinarum parietibus*, præoptent. Neque vero una eademque est tubuli teredinem continentis capacitas; amplior est, qua parte caput later, aut qua parte pinnae soleæ forines sitæ sunt, quod utriusque organi pro oeconomia animali maxime debeat esse libertas. Jam fieri aliter non potest, quam ut corruant ad nimiam exilitatem reductæ palorum marinorum fibræ, quo fluctuum impetus, aut sui ipsius molem sustinere nequeant. Multum tamen interest, quibus lignorum speciebus nascantur teredines, siquidem non æquali undique successu grassantur; ad majorem excrescunt staturam in abietinis alneisque lignis, punilæ sunt & male nutritæ quernarum trabi-um incolæ, quod durities fibrarum lignearum proventum animalculorum mirum quantum impediat, inde & colorum, pro ratione ligni suscipientis, in tubulo quædam observari solet

folet diversitas. Nempe aliunde, quam ex ligni substantia, vix nutriuntur, neque unquam, extra carceres suos, libero mari fluctuasse vivam & integram teredinem, observatum est; quam nascentes sibi ipsis formaverant domum, eidem immoriuntur, ipsa morte felices, quod, sicuti ad littora portio ligni teredine exesi iners jacet, muscæ genus intra alveolos teredinum, ovula ponat, quibus pronascitur vermis annularibus interfectionibus divilus, quarum ultima duobus cornubus limarum æmulis, progressivis & retrogradis, ornatur. Mira est muscæ conditio, in quam vermis, rubente mutatus nympha, degenerat, siquidem folle naturali ad os appenso, quem per vires inflare deprehensa est, ab Autore depingitur. Si scire volupe sit, qualis sit mechanica lignum sic artificiose excavandi ratio, & quibus potissimum instrumentis ad opus perficiendum utatur bestiola, magnam lucem fœnerabitur ex Capite quarto, quod curiosissimis de exlatura teredinis observationibus luxuriat. Videri quibusdam poterat galeatum, & bene munitum, fortibusque hunc in finem musculis suffultum, teredinis caput terebrando & perfodiendo ampliari canalem, verum, cum eadem ligni durities non possit ab omni ætatis teredine juniore æque ac adulta corrodi, insignis etiam sit inter laborem & instrumentum disproportion, lubricam hanc sententiam pronuntiat Autor. Liquoris cujusdam corrosivi existentiam, quamvis videatur a Cl. *Reaumur* in trochis mytilum emollientibus admitti, clarum etiam sit, ab insecto lupo non corrodi, sed emolliri, grana, penitus negat, imo etiam, a circumflua marina aqua, qua tubuli, teredinem continentes, semper madent, hunc effectum provenire non posse, declarat; inde in eo totus est Autor, ut ipsius teredinis vi atque efficacia alveolos ampliari & produci demonstraret, ad legem & normam doctrinæ hydraulicæ, quandoquidem teredo nihil aliud sit, quam machina hydraulica, quæ aquam marinam alveolis contentam continua ingurgitatione & contra fibras ligneas ejaculatione, pro effodiendo & ampliando tubo suo, applicet, siquidem ampullula glutinosa ore detenta eum factum in finem adsit, quò tenaciter lignæ fi-

bræ adhærere teredo possit ; continuo hoc aquarum appulsu, si quæ sunt lignorum venæ, arteriæ, aut trachææ, eluuntur, ab alburno liberantur, quo, concesso vacuo, incrementum bestio-
læ suo modo procedere, sicque altius penetrare in ligna possit ;
cujus incrementi tempore, si quæ ossa lignorum sunt, aut cla-
vi etiam, prout ex observatione *Rousseti* elucet, nisi detur
ad latera effugium, non desistere a labore & sufflandis aquis
teredinem, donec, quæ est aquarum in corpus solidum effi-
cacia, cesserit industriæ durities ; de cetero, nisi jam occupa-
tura sit a sociis omne spatium, adeoque necessario contra du-
riora in lignis ossa scivire debeat teredo, quo tempore, efflu-
ente in alveolum resina, vitæ terminum invenit, plerumque,
non deserit alburnum teredo, maxime si junior minorisque
voluminis fuerit. Quærenti, quid fiat cum scobe ligni exesi,
utrum in nutrimentum cedat teredini, respondebit Autor, ab-
sonum hoc non esse, quamvis contra Clarissimos Viros, *Va-
lignierum* & *Roussetum*, quibus contenta abdominis, si quæ
sunt, scobs ligneus esse videtur, declamet, nova usus demon-
strationis methode. Nempe, quicquid in intestinis deprehendi-
tur teredinis, jam non verinis, sed immanis bellæ, id omne,
animalcula, motu arbitrario locali gaudentia, esse declarat, quæ
in sui nutritionis gratiam commeari huc ex mari, tanquam
in diverforium, soleant, iterumque egredi, adeoque tot in
commoditatem innumerorum hospitem esse proutuaria, quot
striz in æsophago, glomeres in intestinis, observatur. Sen-
sibus equidem orbas declarat teredines, interim, branchiarum
in capite sitarum usum in aliquali respiratione consistere, asse-
rit, quibus, dubium non est, animalculorum introitum exi-
tumque, ne gravis nimis sit corpori exercitus, insigniter ad-
juvari. Hujus ejaculandarum aquarum peritiæ gnaras esse
juniores, etiam ovulo vix egressas teredines, asserit, cum alia
lege aditus ad penetralia lignorum ipsis concedi nequeat ; ne-
que usus omnino expertes sunt pinne illæ soleæformes durius-
culæ & ad corneam indolem accedentes, siquidem ampliando-
rum canalium officium iisdem tribuitur, quandoquidem hunc
in finem concessum sit teredini perlaceum illud munimen-
tum

tum, quod laxè ambit, quo interfluens testæ & ligno aqua emollire fibras & ad resistendum inoli corporis crescentis ineptas reddere valeat; quo in negotio, maxime, quod annulos conchæ attinet, sicut in omni conchyliorum genere, transpirationi animalis aliquid largiendum esse contendit. Jam cum uberrimus sit tere-
 dinis proventus, qua lege generatio contingat, jucundo sermonis genere exponit. Androgynas omnes pronuntiat esse tere-
 dines, quod promiscue & lactes & ovula in singulis hand raro detexerit, fieri etiam aliter non possit, quam ut unaquæque sibi sufficiat; quandoquidem communicari inter sese nequeant, nec coitus inter vicinas, mediante caudula, ex mente *Rousseti*, celebrari commode possit. Majo & Junio uberrimus ovulorum proventus est, quæ per membrum callinosum foras egressa, parietibus lignorum fortiter affiguntur, nullo existente metu, ne a fluctibus marinis abripiantur, quandoquidem aliqua sui parte & in determinato aliquo puncto glutine munita sint naturali, quo vel in propiore parenti suæ loco adhæreant, vel in liberum mare emissa, ligna quæcunque obvia arripiant, & in eadem grassentur. In hoc mechanismo infectionis formam consistere arbitratur. Jam in memoriam revocata immensa ovulorum unius saltem tere-
 dinis multitudine, cum impossibile sit, vegetare omnia posse, potio-
 rem eorundem partem pro nutriendis parvulis & ob volu-
 minis raritatem invisibilibus pisciculis, in mare emitti largi-
 tur. Liceat, quos fines assequi constituerit creator, formata tere-
 dine, propriis Antoris verbis p. 210 declarare: *Prout nobis innotuerunt, ea fere sunt essentialia: quod ligna subma-
 rina resolvendi gratia creata sit, quod eadem omnia sibi vin-
 dicet, quod ex iisdem victum sibi paret, quod eadem ad vi-
 ctum incolat, quod ab iisdem indissolubilis existat, quod ipsæ
 solis destinata, quod ex substantia ligni alat animalcula, quod
 ovulis in usum pisciculorum mare repleat.* Interim, cum non
 nisi lignis infesta sit bestiola tere-
 do, qui id fieri possit, ex
 peculiari quodam instinctu marinorum, his aliisve corporibus
 data opera adhærendi, declarat, id quod balanorum, mytulo-
 rum, ostrearum, folenarumque exemplis luculenter demonstrat,
 quo

quo ipso infert, si vel maxime velit, non posse nisi lignis ad-
 hære, e teredinem, cujus adhæſionis modum in glutine na-
 turali, quo ovuli definiunt aliquod punctum armatum ſit,
 collocat, non obſtante, quod fortuitus ovuli in lignum aliquod
 illapſus videatur impedire, quo minus, id quod tamen maxi-
 me neceſſarium eſt, caput teredinis in centro ipſo adhæſiu-
 nis collocetur, cum demonſtratum ſit, immerſionem in ligna
 prono teredinis capite fieri, quandoquidem, ſi vel maxime
 juſtum ſitum non indeptum ſit ovulum, nihilo ſecius conten-
 tum intus animalculum ligna verſus inclinari poſſit, imo ve-
 ro non poſſit non debito modo collocari, ſi provida natura
 & mechanifmi neceſſitas competentem capiti in ovulo pla-
 gam, glutine poſtulado, notaſſe ſupponatur. Inſigni ſolertia &
 magna ingenii felicitate, expoſitis, quæcunque ad œconomiam,
 vitam, partiumque uſum in teredine ullo modo pertinere pote-
 rant, ita, ut plurimum ſaltem poſſibilem etiam quæſtionum de
 hac materia cumulum adduxerit, de onomatologia animal-
 culi ſui operoſas admodum commendationes inſtituit, colle-
 ctis ex omni Autorum ætate, rerum, ſi quæ de teredine ex-
 plicari poterant, teſtimoniis, quo ipſo famæ ſuæ non levius,
 gratum literatis, officium præſtitit. De Thripum ſami-
 lia, quorum coelatura antiquis, annulorum ſigillorumque loco,
 uſitata fuit, de Termitum medullas arborum exedentium indole,
 de Coſſis, Ligniperdis, aut Xylophthoris, ſic bene commen-
 tatus eſt, ut ultra non poſſet, maxime vero allaborat, quo
 clariffimum ex Theophrasto locum: *Quæ mari putrefcere ap-
 ta ſunt arbores, erodi & Tereſins ſolent. Tereſo enim non
 niſi mari enaſci poteſt*: de ſua teredine interpretetur. Ut
 vero in re dubia & incerta, ad quam marinorum claſſem refe-
 renda tereſo, quoque potiſſimum nomine claſſico inſignien-
 da, ſcientiæ conſuleret, primum eandem ex vermium claſſe
 eximit, inde ab exſanguibus & zoophytis parum abeſſe, quod
 localem motum exercere non poſſit, declarat; maxime vero
 conchylii ſpeciem eandem eſſe contendit; inde, quo appareat
 conveniens eidem in ſyſtemate conchyliorum locus, de me-
 thodo inſtruendi eorum ordines eleganter perorat, & ultimo
 loco,

loco, ex familia solenum esse, decernit, quorum classem digrediendo illustrat, de solene arenario & lignorum sermonem insituens, siquidem, cum & teredo solen lignorum sit, primus ille inter septem, quem eruditus *Kleinus* descripsit, adeoque tubulis congener, conchæ etiam in capite lateribusque teredinis genus tantisper immutare videntur, collectis in fasciculum, quæ laxè disputaverat; nomen teredinis *Conchylium marinum tubulo Conchoides* esse debere, pronuntiat. Peculiaris inde laboris negotium esse arbitratus, exponere, qui fiat, ut improvise adventu bestiola hæc quandoque ingruat, insignem cladem, strage lignorum, edat, incerta hujus subitanæ irruptionis causa, sollicitè inquirat in tumultuariam hanc teredinis genesin; generationem ejus æquivocam, ac si ex putredine lignorum suboriri possit, explodit, multo minus in ea versatur sententia, ac si ex ovulis aliorum insectorum marinorum prognasci teredo possit, quamvis videatur squillulæ marinæ ligna teredine infecta communiter superhabitant, aliquid commercii cum xylophago marino intercedere; sed subitanei obortus causam in eo quærit, quod demonstrat, minorem esse in maribus Batavis hac tempestate pisculorum illorum quantitatem, quæ ovula teredinis depascere solent, adeoque majorem insecti proventum impedire; huc accedere, quod mutata marium conditio, bitumine, quam aliis retro annis fuerat, nunc abundantior, efficiat, ut ovula, bitumine hoc submarino inducta, facillime adhæreant lignis, id quod alio tempore, sicubi vel a pisciculis ova consumantur, vel bituminis marini sit penuria, contingere non possit. Hac data occasione, ad mentem Comitis *Marfilii* de fluminibus bituminosis submarinis, itidemque de novo piscium ortu, multa curiose admodum differit, certo persuasum sibi habens, potuisse ex portubus Galliarum, teredine jam dudum vexatis, subterraneo itinere cum fluminibus ingressam eandem ad Batavum æquor delatam esse, neque, ex arcticis saltim maribus, ad mentem *Rousseti*, accessisse hanc bestiolam, arbitrandum. Jam, perspecta morbi hujus lignorum indole, & mira sagacia evolutis rei causis, de remediis mali cogitare suscipit, forinatis, pro causarum differentiâ,

M

non

non aliter, ac medici solent, indicationibus. Quodsi deprehensum sit, bituminis in aqua marina abundantiam, quo scilicet adhaesioni apta reddantur ovula, proventus teredinis causam esse, aquarum dulcium rivos ad ligni affecti basin adducendos esse suspicatur, imo vero, si fieri posset, de quo tamen magnopere dubitat, augendos esse pisciculorum minutissimorum, qui ovula teredinis absumere solent, exercitus, auxiliaribus eorundem copiis non levari fiduciam esse posse persuasum habens. Certos esse etiam declaratos teredinis inimicos, scolopendram marinam, in teredinis tubulo nidulari solitam, squillulam marinam, *Springertie* appellatam, setam marinam, pulmones marinos *Zeequal*, quibus aliquam teredinem destruendi efficaciam largiri videtur. Verum parum hæc omnia in re dubia profectura opinatur. Inde universalis cujusdam remedii inveniendi opportunitatem quaerit in unguento quodam lethali, quo superficies lignorum inungenda sit. Verum enim vero, cum metus sit, ne, quod teredini paratur toxicum, piscibus etiam, imo hominibus, lethale evadat, tale quid remedii suadet, quod teredini saltem solubile sit, & cum vel querni pulveris usum in britannicis portubus, vel aromatum injectorum medicinam, inutilem prorsus fuisse compertum sit, suadet, unguentum crassius, stappa vel crinibus mixtum, & cura prophylactica palis aut navium lateribus applicandum, ne, fusa a radiis solaribus resina, inanis sit & sterilis laboris successus. Ustilationem lignorum, quo ab infectione immunes esse possint, nihil profecisse declarat; miram tamen in praeservandis a quacunque corruptela lignis virtutem in balsamo Praenobilissimæ familiæ *H*** prædicat, cujus effectum in extirpanda teredine non obscurum fore pollicetur. Quodsi quis annulo ferreo, plumbo inunito, vel coriaceo, ad alvei marini superficiem palis circumdato, uti, vel cutem etiam metallicam inducere, suscipiat, nec successus sui expertem fore hanc medicinam, spem facit, multo magis, si selectus quidam lignorum, maxime vero amarorum, habeatur, quibus deprehensæ sunt abstinere teredines. Si quid unquam auxilii, certe a mixtura quadam calcis, olei, ful-

sulphuris, salium, picis, olei ceti, corticis viridis nucis, colocynthidis, absinthii, sperandum erit. Hæc omnia prophylactica sunt consilia, therapevtica nulla, aut certe non declarata, nisi forte pali, machinæ cujusdam auxilio pulvis crebrioribus afflicti, eo nomine liberari possint, quod tremor ligni infringere tubulorum corticem valeat, quo sic moriendi necessitas teredini inferatur. Interim, cum periodicum videatur hoc malum, & uti solent insectorum illuvies, transitorium, quandoquidem constans aliquod præservandi ligni remedium suppeditari nequeat, consultum esse videtur Cl. Autori, lapide potius, quam ligno, firmare aggeres. Quamvis enim nec saxa suis hostibus destituantur, sintque, quæ ruinam eorum machinantur, pholades saxorum, minus tamen intercidunt. Sic felici fine laudabile opus coronat Autor, cui, perennitatem aggeribus reipublicæ suæ conciliare annitenti, de nominis perennitate, quam sibi his aliisque monumentis peperit, gratulamur, avari occasionis, qua denuo felicia eidem publice augurari valeamus. Ita quidem magnifice de nobis non sentimus, ut ex nostro, doctissimis Autoris annotationibus accedere aliquid posse arbitremur, interim facere non potuimus, quin pro illustranda quæstione, utrum aliquot retro seculis teredo in portibus Europæ naves aut ligna destruxerit, materiam nec inutilem, nec injucundam, calcis loco adderemus. Accepit haud ita pridem ex Anglia prope *Richmond* Clarissimus & solertissimus naturæ indagator, *Linnæus*, de quo Lipsia nostra gloriatur, petrefactum, tubulo conchoides, verum Xylophagum marinum, intra alveolos suos cum ligni portione lapidescentem, id quod nemo, nisi qui teredinis favos nunquam vidit, inficiabatur. Luculentum admodum & pro instruendo aptum, lapidis fragmentum, dignum nobis visum est, quod impetrata Domini Possessoris venia, ære exsculperetur. Utrum navis, utrum pali fuerit portio, parum refert; ligni sane luculenta extant vestigia, fibris ligneis cum intermedio alburno manifeste conspicuis Fig. 1 A, sed transversim excurrentibus. Neque enim semper fila lingue sequuntur teredines, sed, prout lex de non lædendis vicinæ

TAB. II
Fig. 1.

niz parietibus id postulaverit, per eadem irrumpentes huc il-
 luc defleunt. Alveoli hinc inde denudati, intra quos Xylo-
 phagus delituerat B), crusta sua perlacea & lævigatissima ve-
 stiti, adhuc dum superbiunt, ita, ut & annulorum vestigia haud
 obscure deprehendas C). Ipsa teredo pro sua pelluciditate
 non poterat nisi in similem sui substantiam verti, inde
 belemnitis colorem referens tubulum suum D) non tantum
 undique replet, sed & crustam, quæ eidem & ligno inter-
 est, distincte ob oculos ponit E). Corporis in teredine ca-
 pacitas modo impleta est F), modo vacua G); cute
 tamen post crustam altera, quæ pellucida est, dum vivit,
 in analogi coloris lapidem mutata H); quodsi velis ima-
 ginationi tantisper largiri, videre ovula similem in mo-
 dum petrefacta tibi videberis I); quod mirum videri ne-
 mini potest, qui numerum ovulorum in teredine consi-
 derabit. Propius se invicem attingunt tubulorum cana-
 les, qua parte sine dubio irruptionem in lignum fecerant
 teredines juniores, inde laxius metiuntur iter, prope se
 ipsas ingressæ, imo etiam circumvolutæ K); Addimus
 alteram curiosissimi lapidis figuram, eo nomine, ut ipsius
 teredinis portio quædam visceris interna affabre efficta, in
 alveolo suo delitescens, ipsa luce clarior appareat cum
 duabus eminentiis instar vasculorum pyramidalium L);
 quæ ab Autore in teredine describuntur. Si malis pro
 verme habere, qui a musca, depasta teredine, gignitur,
 quo tempore tubercula prædicta fingenda tibi erunt cor-
 nua limacum æmula esse, ad mentem Autoris, per nos licet.
 Quotusquisque est, qui, conspecto lapide, deprehensus ma-
 nifestis in eodem ligni signis & teredinis tubulis, cum
 vivo exemplari collatis, quo ipso dubitari nequit, tu-
 bulo conchoidem esse, nec mere tubularem, non in
 eam sententiam incidat, a diluviano tempore, eadem
 peste ligna corrupta & destructa in portubus Europæ
 fuisse. Manifeste enim declarat lapis, ligni, ex qua
 degeneravit, portionem tunc multis in locis sic destructam
 esse,

TAB. II
 Fig. 2.

Ta

C

B

G

A

F

D

E

T

esse, ut vix tenuissima parietum inter contiguos tubulos vestigia M) supersint. Quæ cum ita sint, eo magis verisimilis est Autoris sententia, posse maris conditionem, ejusdemque bitumine abundantiam, proventum teredinis insigniter adjuvare, adeoque cum suas vicissitudines mare patiatur, eodem modo & cessare malum & recrudescere, quod; ne fiat, utque Reipublicæ tam civili, quam literariæ semper bene sit, Deum precamur.

CAUSES CELEBRES ET INTERESSANTES &c.

h. e.

CAUSÆ FORENSES CELEBRIORES & UTILES
dijudicatæ, una cum Sententiis; exhibitæ a M** Ad-
vocato Parlamenti.

Tomi II.

Parisiis, apud Guil. Cavelier, 1734. 12.

Tom. I Alph. 1 pl. 1, Tom. II Alph. 1.

Ex Præfatione, huic Opusculo præmissa, constat, Autorem constituisse varios exhibere casus, (ita enim vocatur vulgo causæ litigiosæ,) in foro ventilatos, ac sententias de his a Parliamentis latas, subjungere. Qua opera ita defunctus, est, ut hinc multa convertere in rem suam possint homines in judiciis versantes. In hoc quippe Opusculo integri sistuntur processus, narratur causa, insinuat, quid partes litigantes in foro adduxerint, & denique sententia, quæ huic liti finem imposuit, proponitur. Librum in duos dividere Tomos Autori libuit. In primo subsequentes causæ sistuntur: 1) Aliquis, qui se per mendacium pro Martino Gerrio venditaverat, exhibetur; 2) mendicans quidam, in prima pueritia adhuc constitutus, & pro filio honestissimæ ejusdam scæminæ civilis ordinis reputatus, sistitur; 3) scæmina quædam in medium adducitur, quæ facundia sua eum, in quem tenerrimo amoris affectu ferebatur, a capitali sententia liberavit; 4) alia quædam sistitur scæmina, convicta de veneficio in patrem & duos fratres commisso, insinuatque parricidio in sororem suam attentato. Quæstio hic excutitur, an confessio, eo consilio in scripturam redacta, ut ad confessionarium deferatur, convincere queat reum delicti ipsi imputati. 7) Exemplum proponitur infantis ejusdam, a duabus matri-

bus simul vindicati. 8) Narratur, maritum quendam, una cum uxore furti insinulatum, tandem tamen innocentem deprehensum. *Tomus secundus* duas exhibet causas, 1) militis cujusdam, a diversis Parliamentis diversa ratione considerati; 2) alijus, propter crimen magiz ipsi imputatum condemnati.

**MISCELLANEA DUISBURGENSIA, AD
incrementum rei literariæ omnis, præcipue
vero eruditionis Theologiæ,
publicata.**

Tomi I Fasciculus I & II.

Amstelodami & Duisburgi, apud A. Wor & J. G. Böttigerum, 8.

Alph. 1 plag. 1½.

Anno 1732, cujus mentio typographi incuria in utrinque libri titulo est omissa, edi cœperunt hæc *Miscellanea*, quorum editionem, quamdiu poterit, continuaturus est Celeberrimus Duisburgensis Academiz Theologus, *Daniel Gerdesius*, qui p. 129 eorum se profitetur Editorem. Accedit hæc Sylloge pluribus illis variarum, earumque doctissimarum, Dissertationum, Collectionibus, quas nostro huic seculo dedit literata Germania. Habes igitur, Lector, primo in Fasciculo 1) *Jo. Christ. Loersii*, Theologi Duisburgensis, Schediasma de *Choschen*, sive *pætorali Pontificis Romani*, ad *Ezech. XXVIII, 12, 13*; 2) *Jo. Henr. Hottingeri*, Theologi Heidelbergensis, *Notas Theologico-Philologicas in Exodi Caput sextum*; 3) *H. Reinh. Pauli* Schediasma historicum de *Ecclesia Cenchreenſi*; 4) *Frid. Adolph. Lampii* Analysin exegeticam parabolæ Paulinæ *1 Cor. III, 1-17*; 5) *D. Gerdesii* Observationem exegeticam ad *Phil. II, 17*; 6) Ejusdem Excerpta ex *Alb. Schultens Originibus Hebræis*; 7) Ejusdem Descriptionem status præsentis, sive Professorum hodiernorum, Academiz Duisburgensis, quorum & scripta commemorantur singula; 8) denique ejusdem *Memoriam Jo. Jac. Huldrici*, Theologi Tigurini, A. 1731 rebus humanis erepti.

Si quis forte hac nostra recensione nondum est contentus, is sciat, *prima* in Dissertatione verba illa Dei *Ezech. XXVIII, 12 seq.* capi de Papa Romano, omniaque ibi dicta ingeniose ad eum applicari: novam etiam *p. 26 seq.* proferri interpretationem *numeri bestia 666*, de quo *Apoc. XIII, 18*. In *secunda* inter alia docetur, *Exodi VI, 3*, verba capienda esse sensu interrogativo, atque ita reddenda: *Nonne nomine meo Jehova illis innotui?* In *tertia* ostenditur, *Cenchreas, Actor. XVIII, 18, & Rom. XVI, 1*, memoratas, fuisse oppidulum Corintho proximum, eique adiacuisse portum percelebrem: deinde probabile redditur, Christianos, Corinthi viventes, egisse hic conventus suos sacros, in urbe quippe Corinthiaca non satis tutos. In *quarta* *1 Cor. III, 13*, per diem significari *Lampio* videtur dies extremi judicii; *v. 15* per ignem vis purgans & exurens, ut is, qui in doctrina titubaverat, errorem ac stultitiam agnoscat, atque ab istis prajudiciis sanetur. In *quinta* Cl. *Gerdesius* putat, *Phil. II, 17*, non apparere cohzrentiam cum verbis præcedentibus, ideoque plerorumque interpretum expositiones hujus loci a vero aberrare scopo. Existimat igitur, verba *Pauli a Cap. I, 27*, usque ad *Cap. II, 17*, esse parenthesis: quod si concedatur, connexionem versus 17 Capitis secundi cum Capitis primi versu 26 esse in propatulo. Jam totum hunc versum docte explicat ex Antiquitatibus Judaicis.

Cetera hujus Facisculi mittimus, atque ad alterum adimus, in quo deprehendimus 1) G. C. *Offerhausii* Dissertationem de *Alpha Apocalyptico*; 2) Jo. Frid. *Miegii* Disputationem de *Baptismo Flaminis*; 3) Guil. de Water Dissertationem ad *Luca XII, 58*, de *Archonte*, litium arbitro apud *Judeos*; 4) Jo. Henr. *Schrammii* Specimen *Hieroglyphicorum Prophetarum* in vocibus *ablactatus & absinthium*; 5) Joannis ab Hamm *Observationes aliquot Biblicas ad Genesin & Leviticum*; 6) Dan. *Gerdesii* Observationem exegeticam ad *1 Petr. IV, 6*; 7) Ejusdem *Origines Evangelicas inter Salzbουργenses ante Lutherum*; 8) Jo. *Hornii*, Confessoris Bohemi, Præfationem ad *Cantica Bohemorum fratrum*; 9) *Nova literaria Theologica*;

10) Ca-

10) Catalogum librorum Theologicorum, maxime exegeticorum, a Protestantibus superiori biennio editorum. *Prima* igitur Dissertationis Autor disquirat, cur Christus in *Apocalypsi* vocetur *Alpha*. Tres autem producit similitudines Christi cum *Alpha*. Primo, ait, *Alpha* est litera per se subsistens, nec ulla alia litera indiget ad formandum sonum. Sic & Christus sua existit virtute, suaeque se sustinet vi, & semper fuit, semper erit. Deinde *Alpha* est literarum Graecarum prima. Pari modo Christus est primus natura, sermone, operatione, dignitate, cognitione, & loco. Tertio *Alpha* est quasi vita & anima ejus literæ, cui adjungitur. Ita etiam Christus est vita omnium electorum, & spiritus totius Sacræ Scripturæ. De simili significato mystico α & ω (vocatur enim Christus α & ω ,) alibi se dicturum, simul promittit Autor Doctissimus. Dissertationis *tertia* Autor se præbet nobis doctorem novæ interpretationis eruditissimum. Scilicet, cum, quis sit ille $\alpha\epsilon\chi\omega\nu$, *Luca XII, 58*, memoratus, neque *Sigonius*, neque *Goodwinus*, neque *Ligefootus*, neque alius quisquam, ad liquidum perduxerit, Noster docet, significari *Archi-Synagogum*, idque pulchre probat, simul interpretans veterem quandam Inscriptionem, quæ *Gudio* videbatur monstruosa. In ea enim hæc verba reperiuntur: ALFIVS IVDA ARGON ARCOSINAGOGVS QVÆ Noster prave scripta esse arbitratur pro ALFIVS IVDAEVS ARCHON ARCHISYNAGOGVS. In *sexta* locus ille tot interpretibus tantisque obscurus *Petri de Evangelio mortuis annuntiato* expenditur, statuiturque, hoc sibi velle Apostolum, hominibus beate defunctis, coram throno supremi judicis in judicio particulari comparentibus, hoc Evangelium, hoc est, latissimum hunc nuntium, contigisse, remissa ipsis esse peccata omnia, & vitam æternam ipsis concessam esse in fidei & laborum præmium. *Septima* in Dissertatione docetur, in terris Salzburgeribus jam dudum versatos fuisse testes veritatis Evangelicæ. E decimo tertio Seculo adducitur Oratio *Eberhardi II*, *Archi-Episcopi Salzburgerensis*, in qua graviter invehitur in Papam, ejusque dominatum, ac mores Babylonicos. Sed cetera præterimus, quippe, ut ipse Cl. Autor ingenue fatetur, petita pleraque e Cl. *Schulbornii* libello ejusdem argumenti.



NOVA ACTA ERUDITORUM,

publicata Lipsiæ

Calendis Martii Anno MDCCXXXIV.

CHRONICON GOTWICENSE, SEU ANNALES liberi & exempti Monasterii Gotwicensis, Ordinis S. Benedicti Inferioris Austriæ, faciem Austriæ antiquæ & mediæ usque ad nostra tempora, deinde ejusdem Monasterii fundationem, statumque hodiernum, exhibens, ex Codicibus antiquis, membranis, & instrumentis, tum domesticis, tum extraneis, depromptum; pro quorum faciliiori intellectu Tomus prodromus, de Codicibus antiquis MStis, de Imperatorum ac Regum Germaniæ Diplommatibus, de eorundem palatiis, villis, & curtibus Regiis, atque de Germaniæ mediæ ævi pagis, præmittitur, & ea, quæ ad Cæsareorum Regiarumque Germaniæ Diplomatum antiquitatem, materiam, stilum, scripturam, monogrammata, sigilla, subscriptiones, notasque Chronologicas, atque ad palatiorum & villarum Regiarum pagorumque Germaniæ mediæ ævi situm, pertinent, explicantur, & adjectis specimenibus, Tabulisque æri incisis, illustrantur.

Typis Monasterii Tegernseensis O. S. Benedicti, 1732, fol. maj. Alph. 5 plag. 21, cum Tabb. æn. 42.

Post renatas meliores literas, jam diu Viri eruditi in excutiendis Græcorum Romanorumque antiquitatibus, studio
N
neque

neque inutiles, neque in iucundo, versati fuere. - Quis vero neget, multo maiore eum utilitate pariter atque iucunditate operam conferri ad cognoscenda etiam atque illustranda communis patriæ vetusta monumenta atque jura? Ac sane hodie felicibus auspiciis in orbe erudito, & imprimis apud Germanos, floret historia, ad testimonium idoneorum tabularumque antiquarum fidem repurgata; in rebus memorandis temporis ordo diligentius indagatur; illustrium familiarum originis propaginesque, remotis fabularum commentis, traduntur exquisitius; omnis ævi, ac præcipue medii, Geographia, nec minus insignium gentilitiorum disciplina, quam *Heraldicam* dicimus, in maiore collocatur luce, ac Juris Germanici prudentia in dies magis a tenebris & erroribus vindicatur. Ad quæ omnia luculentius illustranda, dici non potest, quantum conferant antiqua Diplomata & sigilla; quibus, si qua alia natio, certe Germania nostra, post tot temporum rerumque conversiones, nihilo minus adhuc abundat. Tantummodo opus est certis quibusdam præceptis criticis, ut vera a spuris documentis accuratius discernantur. Cui studio, præter aliorum quorundam conatus, insigne lumen prætulit *Jo. Mabillonius*, immortalis Opere *de re diplomatica* edito. Sed, si cuti Scriptoris hujus labores utilissimi fere intra limites Diplomatum a *Merovingica* & *Carolingica* stirpis Regibus concessorum, intraque documenta res Gallicas duntaxat spectantia, subsistere, ita dudum Viri quidam eruditi desiderarunt adhuc in Germania nostra *Diplomatica artis Systema*, *Mabilloniano* simile, aut majus. Ex eodem ergo S. Benedicti Ordine, præstanti quæ ingeniorum ferace, cui adscriptus erat *Mabillonius*, nunc auspicato etiam prodit, ejusque vestigiis insilit, Reverendissimus *Godesfridus*, Abbas Gorwicensis; in quo, dubites, an exquisitæ eruditionis apparatus, præsidiorumque copiam, an industriam incredibilem, an singularem modestiam, itemque luculentum scribendi genus, magis admireris? Hic, et si ab initio secum constituisset, tantummodo *Chronicon libri Monasterii Gorwicensis*, in Austria inferiore siti, cui laudabilissime præest, conscribere, attamen deinde magno consilio, & acri confirmatoque animo, huic Operi præmittendū duxit

duxit diffusioſiorem, eamque criticam, Codicum Mſtorum & Diplomatum antiquorum diſquiſitionem, in qua eam rei diplomaticæ partem, quæ tempora *Carolingica* exceperit, neque ab aliis adhuc ex inſtituto occupata eſt, illuſtrandam & ad artis criticæ regulas exigendam, ſuſcepit. Quo fine non tantum Diplomata multa, ex autographis deſcripta, ætque inciſa, Operi ſuo inſeruit, ſed eadem etiam ad certas accuratioris Critices regulas expenſa ita interpretari & dijudicare ſtudit, ut tam externa Diplomatum per ſingula ſecula facies oculis conſpicienda liſtatur, quam ipſa quoque eorum viſcera, imperii videlicet noſtri compages, Jurisprudentiâ Germaniæ domeſtica, aliqua his affinia, facili negotio deprehendi poſſint, adeoque non ſolum ad faciliorem *Chronici Gotwicensis* proxime evulgandi intelligentiam atque uſum, ſed & generatim ad evidentioſiorem univerſæ diplomaticæ, præſertim Germanicæ, doctrinæ cognitionem, via muniatur. Hæc enim Autor & dignitate & eruditione illuſtris in hoc ipſo Tomo I, tanquam *Prodromo* totius Operis, unice & magna cum cura ſibi pertractanda ſumſit. Id autem ſplendidiffimum Opus Auguſtiſſimo Romanorum Imperatori, *Carolo VI*, orbis Chriſtiani amplificatori, pacatorique Europæ gloriſſimo, eo æquius dedicavit, quo verius memoratuque dignius reſert, Imperatorem clementiſſimum *de veris Hiſtoriæ Germanicæ ſontibus, de Diplomatum veterum uſu, vi, & autoritate, de inſtaurandis denique provebendisque optimarum artium ſtudiis, ſecum, ubi plus vice ſimplici admiſſus fuerit, tam doctè diſſerere dignatum eſſe, ut nunquam, niſi cum maxima animi voluptate atque admiratione, recordari poſſit, ea ex ſummo orbis terrarum Monarcha audiviſſe, quæ non tantum in Principibus ad id ſaſtigii eveſtis rariſſima & vix unquam audi-
ta ſint, ſed ab iis etiam, qui e litterarum cætu eruditi* Pag. 1. 36;
exiſtimari velint, vix ſciantur. In *Praefatione ad Lectorem* Autor inſtituti ſui rationes, & totius Operis futuri ordinem, atque argumenta, itemque alia quædam ad hiſtoriam rei diplomaticæ facientia, copioſe eleganterque exponit, ſimulque docet, cur viam, quam tenuerit *Mabillonius*, quodammodo duxerit deſerendam. Cum enim ille artis diplomati-

ca præcepta sparserit longius, quam Lectoris commodum ferat, hic e contrario omnes regulas, ad quas uniuscujusque Regis, vel Imperatoris Germanici, a *Conrado I* usque ad *Friedericum II*, Diplomata sint exploranda, proprio & uno loco cognoscendâs proposuit. Ad extremum vero eorum etiam nomina non sine gratæ mentis significatione commemorat, quorum ope, studio, ac benevolentia, in tanti moliminis opere fuerit adjutus: nominatimque Celsissimæ Illustrissimæque Domus *Schanbornia* magna in se suumque Opus merita dignis laudibus prædicat.

Quemadmodum vero Autor universum Opus suum in *tres Tomos* partitus est; ita horum *primum*, veluti *prodromum*, nunc exhibet, eumque literata partitione in *quatuor Libros* sic dividit, ut duo priores Libri *primam Partem*, sive *Volumen*, reliqui duo *Partem alteram*, constituere possint. In *Libro primo Codicum antiquorum*, eorumque manu exaratorum, & adhuc in Germaniæ Bibliothecis extantium, lustricum criticum præmittit, adjectis secundum Seculorum ordinem variis vetustæ scripturæ speciminibus, in æs incisus, additoque ubivis loco, sive Bibliotheca, unde isti libri cum Autore fuerint communicati. Hic itaque, proxinii loco, disserit de necessitate & utilitate criticæ cognitionis Codicum MStorum, deinde inquit in causas & origines mendorum, quibus identidem inquinati fuere antiqui Codices, ac satagit exculpare Monachos, quos *Clericus*, aliique, incusarunt, quod humaniorum literarum imperiti, in Codices MStos menda innumera admiserint. Præterquam enim, quod sinistra hæc nota, pro eo, ac par erat, huc usque probari haud potuerit, negari non posse, Monachis Ordinis S. Benedicti emendatos & correctos plurimos deberi libros. Tum notat *Germonium*, & maxime *Harduinum*, qui, contra characteristica, eaque admodum probabilia, cujusque Seculi indicia, omnem vetustorum Codicum ætatem vacillantem dubiamque reddere conati sint. Ut ergo suppeditet notas quasdam atque argumenta ætatis conditionisque Codicum MStorum verisimili ratione cognoscendæ dijudicandæque; *primum, Caput I hujus Libri* generatim agit

Pag. 1 seq.

8.

agit de facie exteriori Codicum MStorum, nempe de materia & forma scribendi, ac more librorum compingendorum, aliisque characteribus. Sic, ubi de varia literarum forma & flexu exponit, inter alia commemorat, superesse adhuc varios libros, *majusculis Romanis*, iis tamen plerumque semiuncialibus, literis perscriptos; Romano Imperio ad fata sua quasi properante, præcipue Seculo sexto, inductum fuisse *Gothicarum literarum* genus; Gothis Italiz regno exutis, successisse Longobardos, qui Codicibus Seculi septimi & octavi *litteras Longobardicas* intulerint; Imperio Romano ad Francos delato, *scripturam Francicam*, seu *Franco-Gallicam*, eamque paulo nitidiorem, in Codicibus Seculi noni invaluisse; aliud porro antiquitus usurpatum fuisse literarum, earumque tortuosarum, minutarumque, & mire connexarum, genus, apud *Anglo-Saxones*; cujusmodi characteribus Codices a Monachis Anglo-Saxonicis, in Germania commorantibus, descriptos foveat *Cathedralis Bibliotheca Herbipolensis*, v. g. *Collectanea moralia de virtutibus*, & *Sententias sanctorum Patrum*, aliosque. Unde recte ab *Hikeſio* refutatum esse ait *Harduinum*, statuentem, istiusmodi characteres haud re vera in vulgari usu fuisse, sed tantum ab artifice quodam esse excogitados. Ceterum commonſtrat, litteras majores aliam plane formam in Codicibus, quam in Diplommatibus, scripturaque forenſi, præ se ferre. Cum de *compendiis scribendi* agit Autor, e Codice aliquo Gotwicensi Seculi XII profert *notas Grammaticas*, atque *Criticas*, item & *Juridicas*, atque *Militares*; multoque plura de cultu & ornatu Codicum veterum annotat, quæ hic repetere nihil attinet. Postea descendit ad specialiora, & Codices per sua Secula dispescit, ac cujusque Seculi characteres proprios, exemplo *Mabilloniano*, indagat, ita quidem, ut, scripturis exteris & peregrinis, maxime septentrionalibus, jam prætermiſſis, antiquissimas tantum Germanicæ scripturas, easque Latinas, in lucem protrahere, atque Codices in Bibliothecis Germanicis sepultos speciminibus quibusdam illustrare, aggressus sit. Itaque *Cap. II* sub examen vocat Codices quosdam ante Seculum IX scriptos; ac nominatim agit de

Pag. 24.

34.

Pag. 36.

39.

Codicibus *Evangeliorum S. Chilianii*; *Canonum Apostolorum*; *Epistolarum S. Pauli*; *variorum Sermonum & Homiliarum*; & *Sententiarum sanctorum Patrum*, qui omnes Codices pervetusti in *Cathedrali sacrario & Bibliotheca Herbipolensi* asservantur, & quorum singulorum externam pariter atque internam formam Autor curate describit, atque quinque specimenibus scripturæ *Tabula I* re exscripta illustrat. Sic *Tabula II* alia exhibet specimina, v. g. ex Codice venerandæ antiquitatis Bibliothecæ *Tegernseensis Monasterii* in *Bavaria*, qui *Pastorale S. Gregorii, Papa*, complectitur; præterea e Codice *Homiliarum S. Gregorii, Papa, in Ezechielem, per B. Hildigrimum I, Episcopum Halberstadiensem*, Seculo VIII conscripto; item e *Libro Moraliū S. Gregorii super Jobum Prophetam*, ac *Libro Evangeliorum*, qui habet involucrem, inauratis laminis, iisque antiquissimis, lapillisque variegatis, obductum: quos Codices, aliosque plures, magnæ antiquitatis nomine commendabiles, servat Bibliotheca *Monasterii Weridienensis Ordinis Benedictini*. Adhæc *Tabulam III* assignavit Autor duobus specimenibus *Seculi VIII*, ex Bibliotheca *San-Petrensi Salisburgensium* secum communicatis: quorum alterum e *Congesto Arnoniano*, alterum ex *Hieronymi Commentariō in tres libros Salomonis*, depromptum est. Illud præclarum vetustatis monumentum, quod dicitur *Congestum Arnonianum*, sive *Donationum Breviarium*, exaratum est ab *Arnone*, Episcopo, anno, quo *Carolus M.* Boica regione potitus est; idemque descriptum *Canisius*, *Geroldus*, *Dukerus*, & ambo *Mezgeri*, jam evulgarunt. Monumentum hoc Autor ait conscriptum esse in membrana, binis in qualibet facie columnis, liquore atramentario, & in prima pagina ab una tantum membranæ facie consutum esse ad formam rotuli, existente in superiore parte cylindro, in quo membrana ad normam veteribus usitatam possit circumvolvi; utque hujus *Congesti* forma & magnitudo eo accuratius intelligatur, mensuram *Architectonicam pedis Salisburgensis* eidem apposuit. Hinc *Cap. III* a rudioribus temporibus accedit Autor ad *Seculum paulo nitidius*, idque *IX*, utpote in quo & artibus & generi scri-

scribendi nonnihil curæ impendi cæperat. Varia hujus Seculi specimina Tabulis ære exscriptis prodit; ac *Tabula I* quidem e quatuor insignioribus Codicibus *Bibliotheca Cathedralis Herbipolensis*, nempe e *Synodo Nicæna secunda*, tempore *Caroli M.* celebrata, sed ab ea, quæ jam edita est, aliquantum diversa; item e *Constitutionibus pro Monialibus in sacro conventu Aquisgrani* A. 816 perscriptis; porro ex *Martyrologio Bedæ*; tum ex *Homiliis Cesarii*, Episcopi Arelatensis; e cujus Codicis primo folio simul *Formulam Confessionis veteris*, Theodisco sermone scriptam, Autor profert. Præter hæc, in eadem *Tabula* specimen prodit ex *Commentatione D. Hieronymi super Matthæum*, quæ extat in Bibliotheca Monasterii Salisburgensis S. Petri, item ex *Epistola S. Joannis Apostoli*, A. 823 scripta, quam servat *Abbatia Emmeramensis*. *Tabula II* ex Bibliotheca Gotwicensi scripturam Pag. 43.
Psalterii Davidici cum Annotationibus B. Hieronymi repræsentat conspiciendam; e quo Codice etiam produxit *Litaniam*, quæ in multis ab hodierno *Litaniarum* ritu recedit, 47.
Tabula III ex celeberrimo *Arnulphiano Codice Evangeliorum*, A. 870 scripto, qui est Abbatiz Emmeramensis Ratisbonæ; splendidius specimen expromit; neque minus per sequentia *tria Capita* examinat Codices Seculi X, XII & XIII; singulorumque formam, & ductus literarum, interpunctiones, ac scribendi compendia, multo studio describit, particulasque & figuras quasdam, inde excerptas, Tabulis ære exscriptis delineat, doctæque illustrat. Inter hæc, dum Autor agit de duobus Codicibus Monasterii Petrini Salisburgensium, e Seculo XI, in quibus textus quidam *notis musicis*, supra singulas syllabas scriptis, insigniuntur, eximiam facit digressionem de 55.
antiqua Musica, inprimis apud Latinos, & in Occidente; quam, quod ad usum sacrum attinet, a *S. Gregorio*, Papa, docet esse ordinatam, & a *Carolo M.* emendatam, notasque musicas primum per literas Alphabeti; deinde per varias punctorum & virgularum figuras, syllabis singulis superne adscriptas, attemque illam musicam subsequenti tempore rursus in deterius prolapsam, sed a *Guidone Aretino*, Ordinis Benedictini
Mo-

Pag. 73.

Monacho, reparatam, demum Seculo XIV in *choralem* & *figuralem* dividi cœpisse.

Sequitur *Tomi primi Liber secundus*, de *Diplomatibus Imperatorum ac Regum Germaniae*. Ubi quidem, proœmii loco, generatim de *antiquitate*, *authentia*, ac *varietate*, *veterum Diplomatum*, Autor disserit, commemoratque primum, uti apud omnes cultiores populos, ita & apud Franco-Germanos, fuisse *armaria*, sive *scrinia*, & *archiva*, recondendis Tabulis & Diplomatum adaptata. Hinc *Balthazaris Bonifacii* Opusculum, de *Archivis* editum, variis, iisque antiquioribus, exemplis & testimoniis supplet, ac contra *Germonium* ostendit, complura omnino de eadem re instrumenta fuisse conscripta. Deinde contra eundem demonstrat, esse utique legitimas antiquitatis notas, quibus collectis & inter se conspirantibus, vera & genuina Diplomatum *authentia* possit cognosci. Quod ad exteriores Diplomatum characteres attinet, observat Autor, usitatam Regibus & Imperatoribus Germanicis scribendi materiam *membranam* extitisse; nusquam inveniri chartam Ægyptiacam, aut aliam materiam; neque vulgo alium liquorem, quam *atramentum*, ab iis esse usurpatum: nisi quod ob majorem Regis Majestatis splendorem aliquando *aureus liquor* reperitur, non in *capitalibus* tantum literis, sed & integris perscriptis Diplomatum, v. g. in quodam *Ottonis I* Diplomate, quo Ecclesie Romanæ jura confirmat, & in *Ottonis II Constitutione dotis* pro Imperatrice *Theophania*; in quodam Diplomate *Henriciano* A. 1014, & *Friedericiano* A. 1152; in literis *Conradi III*, A. 1147 *membranae purpureæ auro* inscriptis. Porro annotat, *minis* rarissimum in Diplomatum apud Francos fuisse usum; apud Germanos nullum prorsus animadverti; *figilla* ut plurimum *cærea*, & exeunte Seculo X, jam majestatis plena: quamvis & bullas plumbeas aureasque invenire liceat. Quod vero pertinet ad interiora Diplomatum argumenta, ait, antiquam Imperii nostri compagem, & Majestatem Cæsaream, undique in iis conspici, neque commenta quorundam de magnis illis *Archi-Principibus* in Germania, de *seudis oblatiis*, de *jurisdi-*

jurisdictione territoriali, de clausis & non clausis territoriis in priscis temporibus, fide Diplomatum veterum adjuvari; sed patere, præter Ducem, in provinciis extitisse proceres alios, *immediate* Imperatori subjectos, qui hujus nomine judicium ac jurisdictionem exercuerint. Id quod deinceps sigillatim exemplis Franconiz, Sueciz, Bavariz, Saxoniz, comprobatur. Pag. 89.

Jam peculiare characteres Diplomatum Regum & Imperatorum Germaniz Autor eruditissimus investigat describitque. *Capite* quidem *II Libri II*, a *Conrado I*, Franciz veræ, nempe Germaniz, Rege, tractationem auspicatur; cujus Diplomata quinque; unum scilicet Corbejense, & duo Emmeramensis, totidemque San-Gallensia, ex autographis ære delineata oculis subjicit, & in critico horum examine, exteriora primum contemplatur. In his, cum expendit literarum formam, duplices observat, majores videlicet, sive unciales, & minores. Uncialibus primus versus, sive *linza*, absolvitur. Hæ literæ, oblongis ductibus exaratz, sunt tenues, acutz, & minus, quam in posterioribus Diplomatis, crispatz. Minutiores literæ, quibus reliquus Diplomatis contextus perscriptus est, itidem subtiles, & calamo satis acuto pictæ apparent, eadem conspicuæ forma, quam alias refert character Romanus minutus. Considerata fere singularum literarum figura, notat porro, in his *Conradinis* Diplomatis crebrius occurrere *interpunctionem*, designarique per unum duntaxat punctum, post sententiz finem ad mediam ultimam literam verbi positum; in uno tamen loco tria puncta collocari; literam *i* nunquam notari superne punctulo; literam *y* aliquando sine puncto, aliquando cum puncto, conspici; adhuc compendia scribendi, quæ vulgo *abbreviationes* dicuntur, hic satis frequentes occurrere; neque tamen superius lineola, sed crispato quodam inflexu, plerumque insigniri; diphthongum *ae* in binis Emmeramensibus Diplomatis nunquam sic conjunctam, *e*, nec per *e* simplex, aut caudatum *ç*, scribi; in Corbejensi aliquando separatis literis *ae*, aliquando *e* simplici, exprimi. Allatis aliis quibusdam observationibus, quæ ad orthographiam pertinent, antiquitatem & usum *Monogrammatum* exponit, notatque, monogramma, seu nomen Regis certis literarum im-

Pag. 99.

plexionibus concinnatum, in subscriptione Diplomatum *Conradinorum* semper in formam crucis effectum conspici, & huic nullas alias, nisi *Conradi* nomen exprimentes, literas adjici; ipsum vero hujus Regis monogramma, Carolingico more, hic etiam immediate poni post vocem, *signum*; & hinc reliquum subscriptionis contextum, *Serenissimi*, vel *Piissimi Regis*, sequi; subscriptioni autem & monogrammati Regis proximam esse *Notarii*, seu *Cancellarii*, subscriptionem, quæ easdem, quas Regia, literas majusculas exhibeat, simulque *Cancellarii signum* referat. A subscriptione transit ad *Sigillum Regium*, de cujus antiquo usu ubi non pauca generatim disseruit, tum sigillatim narrat, sigilla bina *Conradina*, in Corbejensi nempe & Emmeramenſi Diplomatribus, *cerea* esse, & quidem ex *cera alba*; quanquam hæc ex diuturnitate temporis lutea esse videatur; ipsa vero hæc sigilla ad dextram membranz esse annexa, membrana quidem ita incisa, ut decussatim posita videatur integra, deinde cera intrinsecus & extrinsecus scissuræ illi cruciformi, & sigillum intrinsecus ceræ sit impositum, sic, ut cera adversæ & aversæ membranz cohereat, ceræ autem in antica parte impressum sit sigillum, relicto aliquo in ceræ *neguegia* circulo, seu potius limbo, aut margine. Ratione formæ, *Conradina* sigilla, ut alia omnia antiquiora Teutonica, ait esse orbicularia, seu rotunda, eaque mediocris magnitudinis, quæ *floreni* ambitum vix, vel modice saltem, excedant; referre autem hæc sigilla *effigiem Conradi I*, Regis, & dimidiatam quidem, ac sigillatim in Corbejensi Regem hunc capite nudo, sine lauro, diademate, & corona, imberbem itidem, repræsentari, hastamque regiam gerere, facie oblique in sinistrum latus conversa; in aliis sigillis coronam & vultum hujus Regis paulo aliter exprimi. Similiter Autor e binis sigillis *Conradinis* depingit *Regalia indumenta*, pallium scilicet humeris in dextra parte fibula quadam alligatum, tanquam *veterem chlamydem Regum*, ubi *Wittichindo* appellatur, & tunicam regiam, eamque strictam; itemque lanceam, cum appensa fascia, ac scutum oblongum, & in uno Emmeramenſi striis nonnullis variegatum, tanquam

Regia

Regia illius temporis ornamenta atque insignia; denique ipsam *inscriptionem*, in sigillis apparentem, perlustrat, docetque, eam literis Romanis, qualibus usa sit aurea ætas, nomen Regis exprimere. Tandem ab exterioribus Diplomatum *Conradinorum* ad interiora conversus, primo loco horum stilum expendit, ab *invocationis formula*, istis ipsis Diplomatribus præposita, exorsus; in quibus non aliam, quam hanc, reperit: *In nomine sanctæ & individua Trinitatis*. Dehinc, consideratis Regionum honorum nominibus, sive *titulis*, observavit, pro vera *Conradi* hujus Diplomatum characteristica nota regulaque posse statui, eundem solo Regis titulo cum aditamento, *Dei gratia, divina favente clementia, &c.* nunquam vero titulo *Imperatoris*, vel *Regis Romanorum, Francorum, Germania*, vel *Alemannia*, neque pronomine *Nos*, nomini præmissio, usum esse. De *formula denuntiandi*, seu *insimandi*, qua Principes sub ingressum Diplomatis fidelibus suis publice indicant, & *notum faciunt*, quod decrevere, notat Abbas Illustis, etiam *Conradum* hunc, more aliorum Regum, prævio aliquo præmio, unicum liberalitatis suæ scopum designasse *aternam animæ mercedem, prosperitatemque regni sui*, v. g. *Noverit omnium, tam præsentium, quam futurorum, industria, vel solertia, &c.* Sequuntur *tituli honorifici*, quos *Conradus I* cum sibi ipsi, tum aliis, tribuit: dum idem in medio contextu de persona sua locutus, semper numero multitudinis, in Abrinsbergenfi vero Diplomate modo plurali, modo singulari, numero utitur, sibi que ipse *elogium majestatis, regalis celsitudinis, & clementiæ*, adscribit: Episcopos & Abbates, itemque Comites, honorifice appellat *venerabiles*, aut *fideles*; non vero *reverendissimos, & illustres*. Nec porro idem Rex in Diplomatribus appellasse alios reperitur *Principes*, quatenus sic dicuntur magni territoriorum domini; quamvis extra Diplomata ab Historicis illius xvi *Principes regni* dicantur. Posthæc Autor de reliquis Diplomatum *Conradinorum* argumentis, nempe de rebus, quæ traduntur, præcipiuntur, indulgentur, vel confirmantur, & aliis illius ætatis ritibus juribusque, agit, sigillatimque docet, nec

Pag. 115.

121.

123.

Pag. 126.

128.

130.

Carolingicis, nec *Conradinis* temporibus, occurrere Diplamā genuinum, in quo integer quidam Ducatus, vel Comitatus, in jus proprium alicui concedatur: cum illo ævo Ducatus Comitatusque nondum extiterint hæreditarii. At non sustinet cum *Papebrochio* negare, jam tunc Ecclesiis Monasteriisque jus cudendæ monetæ delatum fuisse. Quod ad modum rerum concedendarum eo tempore usitatum attinet, observat Autor, in *Conradinis* Diplommatibus semper primo pagum, deinde Comitatum, & Comitem, tum locum ipsum, seu rem concessam, denominationem, in denominatione autem longam fieri seriem & enumerationem *appendictiarum*. Præterimus alias observationes de singularibus quibusdam vocibus, itemque de formula inhibendi, ad Comites Judicesque directæ, ac, quæ exulant e *Conradinis* Diplommatibus, de formulis dirarum, multisque pecuniariis, quæ voluntati Principis repugnare auriis aliquando denuntiabantur. Tandem occurrit ipsa clausula, *subscriptionem & sigillationem* exprimens; qualis e. g. hæc est: *idem scriptum nominis nostri signo, nostræque imaginis sigillo, cum manus nostræ scriptione firmavimus, &c.* In cujusmodi formulis *Conradinis* modo *Sigilli*, crebrius *Annuli*, vox adhibetur. Clausulam excipit ipsa *Regis subscriptio*, qua Regis nomen cum vocabulo *Signi* exprimitur; v. g. *Signum Domini Chounradi, Serenissimi Regis, &c.* Chounradus adeo tunc vocabulo *Domini*, seu *Domini, Piissimi, Serenissimi Clarissimi*que *Regis*, compellatur. Regiæ subscriptioni subjecta statim est *Cancellarii Archi-Capellani*que *subscriptio*. Sic in *Conradinis* chartis, ubi semper *Archi-Capellanus*, non *Archi-Cancellarius*, nominatur *Pilgrinus*, seu *Piligrinus*, seu *Piligramus*; at *Cancellarius*, sive *Notarius*, A. 912, cum *Salomon*, tum alicubi *Wodelfridus*, sive *Walafridus*, & *Odalfridus*; A. 913 & 914 rursus *Salomon* designatur hunc in modum: *Salomon Cancellarius ad vicem Pilgrimi Archi-Capellani recognovi*. Fuit autem *Pilgrinus* ille *Archi-Episcopus Salisburgensis*, satisque concessit A. 915. At *Salomon* fuit *Episcopus Constantiensis*, & *Abbas S. Galli*, vita functus A. 919; cui aliquando absenti, vel aliis rebus impedito, substitutus videtur

Wala-

Walafridus. Denique in sigilli inscriptione simplici nomine designatur *Chuo[n]radus Rex*, nullo addito crucis signo, nec expressa formula: *Dei gr[ati]a*. Superest *Chronologia*, tan-
 quam principalis genuini Diplomatis character, quæ continet designationem *anni & diei*, quo res gesta & expedita fuit. Ac in *Conradinis* quidem documentis, haud secus ac in reliquis Germanicis Diplomatis, anni ab *incarnatione*, sive *nativitate Domini*, computantur, additis numeris *Indictionis*, secundum Constantinopolitanam consuetudinem ab VIII. Cal. Octobr. deductis, notatisque annis Regiminis Regii, sub variis quidem, sed in unum congruentibus formulis. Postremo non-
 nihil exponitur de distinctione inter *Actum & Datum*; quæ voces notis Chronologicis adjiciuntur; itemque de *appreciatione*, sive *voto finali*, horum Diplomatum, quæ varie exprimi solent, v. g. *Actum -- in Dei nomine feliciter, Amen*; vel: *in nomine Domini feliciter, Amen. &c.*

Hæc fere contra morem nostrum copiosius ex tam præclaro Opere excerpere, & quasi promulsidis loco proponere, voluimus, nihil dubitantes, Lectores curiosos ad reliquas partes evolvendas sua sponte excitatum iri. Hanc enim, quam de *Conradinis* Diplomatis breviter indicavimus, rationem in censendis & interpretandis omnium Regum atque Imperatorum Germanicorum Diplomatis a *Conrado I* usque ad fatale interregnum, quo post obitum *FridERICI II* Germania fuit afflicta, in reliquis hujus Libri Capitibus XVI persequitur Autor Venerabilis, ac Diplomatum cujusvis Imperatoris characteres, tum communes, tum proprios, cum Diplomatis cæterorum Imperatorum temporumque sic contendit, ut Lector studiosus omnes eas notas collectas quasi uno intuitu conspiciat, quibus genuina ac legitima Diplomata, ante Seculum XIII promulgata, a falsis internoscantur. Adhuc *Archi-Cancellarios & Cancellarios* cujusvis temporis diligenter annotat, prætermittens a *Mallincroto* supplet, neque omittit errores ostendere, si qui in nonnulla Diplomata, vel in nomine, vel in ordine *Archi-Cancellariorum*, vel in notis Chronologicis, irrepperint. *Diversa insuper Diplomata*, (utimur ipsius Autoris verbis,) *quibus sana; alia autem,*

autem, in quibus vel perplexa, vel omnino falsa, inest temporum ratio, de industria representat, ac, ne cui liberum sit, per causam vitiatam in quibusdam Chronologia, aut alio quocunque inani pretextu, qualibet sine discrimine Diplomata invadere, regulas quasdam statuit, quarum ope vel integritas male affectis restituatur, vel saltem venia concilietur.

Sic, Parte I Tomi Prodrumi absoluta, sequitur Pars II, quæ, duos reliquos complexa Libros, alterum constituit Volumen. Scilicet Libro III exhibetur *Commentatio de palatiis & villis Regum atque Imperatorum Germanicorum*, quæ Alphabeti ordine, a numero I usque ad CXXVI, recensentur: ut nempe de iis quoque locis in posterum constaret, in quibus Reges & Imperatores nostri sua impertiri Diplomata consueverint; quorum situs ad veteris Historiæ & Geographiæ leges in Tabula depictus, atque in æs incisus, representatur.

527. 881

seq.

Ne vero ad pleniorum Germanicorum Diplomatum illustrationem quidquam deesset, Libro IV Autor vastam illam, ut ipse in Præfatione loquitur, & sexcentis difficultatibus obseptam sylvam, amplam scilicet de *Germania media pagis* perquisitionem, aggreditur. Horum enim nomina, quæ in veteribus Diplomatis scriptoribusque occurrunt, cum ob ingens discrimen, quod inter linguæ Germanicæ dialectos, veteres pariter atque hodiernas, intercedit, vix etiam a doctissimis hominibus intelligantur; gravissimo huic incommodo ut mederetur Autor, antiqua *pagorum* nomina diligenter interpretari, eaque notioribus reddere studuit, ut singulorum situs, conditio, & facta, secundum Alphabeti seriem facile inveniri, & plena Germaniæ, in suas olim provincias, Ducatus, Comitatus, pagosque, tam majores, quam minores, distributæ, cognitio comparari, eaque e Charta ære expressa penitus hauriri possit. Cum vero ob maximam locorum multitudinem *Generalis hæc Germania media Charta* omnibus locis accurate designandis haud sufficeret; singulos illius xvi Ducatus, certe majores, ac scitu magis necessarios, singulis Chartis mandare constituit; ejusque industriæ specimen ad finem Libri III dedit, ubi *Austrasia*, seu *Francia Orientalis*, Ducatum, distincte representavit, reliquos sequentibus duobus Tomis inserturus.

Ut

Ut vero conslet, quid adhuc expectandum sit a tam eruditi & de rebus Germaniæ bene merentissimi Autoris industria; quantum quidem e Præfatione hujus Operis intelligimus, id paucis adhuc indicamus. *Tomo* nimirum *secundo* is redivi-
vam veluti repræsentabit *antiquam & mediam Austriam*, una
cum terminis & limitibus, quibus Styriam versus, reliquasque
confines provincias, circumscripta est, addetque vetus fragmen-
tum *Hieronymii Megiseri*, itemque *Chartam Geographicam*
Marchia Orientalis medii ævi; hinc originem omnemque
statum *Monasterii Gotwicensis*, neque ininus vitam *Altmani*,
conditoris & fundatoris, & *Chartam Geographicam Bajoaria*,
sive *Noricorum Ducatus*, una cum *Marchiis septentrionalibus*
supra Anesum & Aebesin; pariterque *Ducatum Alemannorum*,
ære expressum proferet; subjicietque his *Abbatum Gotwicen-*
sium *Historiam*; hisque omnibus intextet *Historiam Austria*,
qua parte ea obscurior adhuc & involutior extat.

Tertius tandem *Tomus Probationes*, h. e. Bullas Pontificias,
Imperatorum ac Regum Diplomata, aliorumque chartas, ac
vetera documenta, plusquam mille trecenta, complectetur.
Mantissa loco, *Sigillorum ἱεραρχία*, ad septingenta, summa
fide in æs incisa, ad artem *Heraldicam Germanicam* illustrandam
proferentur. Constatnerat quidem Autor etiam nunc ad anti-
qua *lingua Theodisca* monumenta studium suum convertere,
ad recludendas linguæ Germanicæ origines, ejusque cum Sue-
co-Gothica, Anglo-Saxonica, Runica, & Francica antiqua, aliis-
que, affinitatem demonstrandam, eumque in finem plura di-
versorum Seculorum *Glossaria Theodisca*, aliaque monumen-
ta, congesserat, verum, cum hæc tractatio uberior esset, quam
ut nunc expediri posset, eam eo usque differet, dum simul
Nummophylacium Gotwicense, & in eo *Nummos a Carolo M.*
ac sequentibus Regibus & Imperatoribus usque ad *Magnum*
Carolum VI, cufos, typis committet. Sed & in Præfatione
spem facit, fore, ut Codicem *Traditionum Laurisheimensium*,
ex antiquissimo autographo descriptum, adjuncto *Cronico*
Laurisheimensi, a *Freberiano* multis in locis diverso, evulget.
Neininem a rebus patriæ communis tam alienum fore puta-
mus,

mus, quin tam illustre de Germania bene merendi studium Autoris Reverendissimi maximopere comprobet, & Seculo nostro de tam eximio immortalique Opere gratuletur, idque, ut feliciter absolutum integrumque quam proxime in lucem publicam prodeat, vehementer optet: cum facile intelligamus, hunc Autorem non minus luminis decorisque allaturum esse Historiæ rei que diplomaticæ Germanicæ, quam Francicæ, sive Gallicæ, antehac attulit *Mabillonius*.

JOANNIS LAUNOJI, CONSTANTIENSIS,
*Parisiensis Theologi, Socii Navarræi, Opera omnia, ad
 selectum ordinem revocata, ineditis Opusculis aliquot,
 Notis nonnullis Dogmaticis, Historicis & Criticis, Au-
 toris Vita, variis monumentis, tum ad LAUNOJUM,
 tum ad Scripta ipsius pertinentibus, Præfationibus,
 cuique Volumini affixis, Indicibus locupletissimis, au-
 ctâ & illustrata. Accessit Tractatus de varia
 LAUNOJI Librorum fortuna.*

Tomi II Pars I & II.

Coloniz Allobrogum, sumtibus Fabri & Barrillon, Sociorum,
 & Marci Michaelis Bousquet, & Sociorum, 1731, fol.

P. I Alph. 9 pl. 1, P. II Alph. 8 pl. 22.

Certi sumus, *Launoji* Opera omnium, quotquot rerum in orbe Christiano gestarum studio ducuntur, jam pridem promeruisse calculum. Quocirca fidem nostram, A. 1731 horum *Actorum* p. 441 datam, in præsentî liberabimus, *Tomi II* utramque *Partem*, more nostro, commemoraturi. Invenimus in hoc etiam Tomo lites in Gallia quondam agitates, quas eadem accuratione & tractandi modo ponderavit *Launojus*, &, quid vera lupinis dissent, anto oculos exposuit omnium. Tam vero multa, tamque varia hoc loco nobis exhibentur Opuscula, ut in infinitum nostra processura sit recensio, si ad minu-

minu-

minutissima quæque esset descendendum. Idem jam ante nos agnovit ac fassus est Cl. Editor in Præfatione: quæ cum elegantibus rebusque valde accommodata sit, multum nos adjuvabit. Occurrit statim initio amplissima *Dissertatio de negantis argumenti autoritate*. Sunt, qui ex negantibus nihil colligi posse affirmant. At poscit sibi dari *Launojus*, in iis, quæ ex conditione facti, ex usu, & traditione, pendeant, rationem istam maxima valere virtute. In omni, quæ instituitur, quæstione de antiquitate ac novitate rei disceptatur, & si absit antiquitas, argumenta negantia proferuntur. Atque hac neganti, ut dicitur, ratiocinatione, tota, quanta quanta est, *Launojani* ædificii moles, tanquam cardine volvitur & revolvitur. Nec ad res tantum historicas, sed etiam ad dogmata fidei, accommodat eam. Tota hæc *Dissertatio* exemplis & Sacra Scriptura, Conciliis, Partibus ac Theologis, illustrata est, quibus manifestum redditur, e neganti propositione modo agentem, modo negantem, non invita ratiocinandi arte, duci posse conclusionem. Per duodecim annos nemo se huic objecit scriptioni; tum vero A. 1661 *Joannes Baptista Thiersius* eam sumisit convellendam. Sed nihil attulit, quod arcem rei *Launojana* moveret. Dum vero toties Autori diem dicit, ac si solis scriptoribus æqualibus, aut tantum non paribus, assequendum contendat, in eo verba sibi dedit. Gravius enim est ac majus aliquid, quod postulavit *Launojus*, silentium nimirum, quod *ducentorum plus minus annorum æstimari* possit. At, juvenum more, exultat *Thiersius*, mala fide agit, secum ipse pugnat, jocos & calumniis insectatur *Launojum*, id quod hic pluribus verbis in opposita illi & A. 1662 evulgata *Dissertatione* luculenter demonstravit. Nec vero siluit *Thiersius*, sed biennio post *Defensionem* edidit *adversus Launoji Appendicem*, quam vero *Philippicam* in *Launojum* dixeris. Quocirca hic sprevit leviores *Thiersii* rationes, & vanas sine viribus iras, quas in ipsum in singulis fere paginis evomuerat.

Sequuntur varia Opuscula, quæ de origine fidei Christianæ apud Gallos, de utroque *Dionysio* Atheniensi & Parisino, de *Maria* item *Magdalena* & *Lazaro*, & aliis, quæ huc per-

Præf.
pag. 4 seq.

tenant, rebus, conscripsit Autor Celeberrimus. In quibus eo, quod multos variis temporibus adversarios nactus erat, eadem sæpius inculcare coactus est. Nostrium erit, quo mens *Launoji* valeat, verbis non ita multis significare. Quod attinet ad *Originem Fidei in Galliis*, non exente primo Seculo, quæ *Irenæi* & *Tertulliani*, aliorumque, opinio est, sed tertio medio Seculo, enatam eam *Launus* arbitratur, celebre illud Turonensis *Gregorii* ac *Sulpicii Severi* eam in rem excitans testimonium. Eo quoque consilio *Cypriani* Epistolam ad *Stephanum*, & libellum Episcoporum Provinciæ ad *Leonem*, tanquam spuria scripta, rejecit. Verum ad priorem sententiam Clarissimus accessit Editor, eamque multis, iisque haud sane contemnendis, corroboravit argumentis, quorum meditata lectio curioſo Lectori commendamus.

Ex Opusculis, quæ *Magdalena*, *Martha*, *Lazari*, *Maximiani*, in provinciam appulsum declarant, id, quod caput causæ est, excerpere juvat. Hos nam, sine remigio, inclusos in Provinciam appulisse, ante inventam reliquiarum epocham, nulum certum superest, quo probetur, monumentum. Dominici hujus Autores traditionis sunt, eamque, quo placeret populo, multis exornarunt fabulis. Hic cum *Launus* Sanctorum reliquias haud satis reveritus esse videretur, ad calcem librorum de *Magdalena* Tractatum adjecit *de Cura Ecclesiæ pro Sanctis & Sanctorum reliquiis, ac sacris officiis ab omni falsitate vindicandis*. Hac in re quemadmodum vera a falsis segreganda sint, eum docere, res ipsa loquitur. In primis lectu digna sunt, quæ de duabus reliquiarum capsis Roma adveſtis, ac in xenodochium Petri - Salinæ Parisiis transferendis A. 1668 enarrantur. Variæ hic exstant *de duobus Dionysis, Atheniensis ac Parisino*, Dissertationes, in quibus plurima occurrunt, Ecclesiarum Gallicanarum origines declarantia. Negavit *Jacobus Sirmondus*, hunc utrumque *Dionysium* pro uno eodemque habendum esse, idoneis eam in rem usus rationibus, cujus & ipsa Dissertatio hic præfigitur. Sed multos in alia omnia abeuntes, præter opinionem, nactus *Sirmondus*, silendi demum consilium cepit. Itaque consultum

ratus

ratus *Launojus* est, amici eruditi orare causam. In eorum, quos adversarios *Sirmondus* habuit, tum fuit numero *Milletus*, aut, nescimus quis, larvatus *Benedictinus*, A. 1642. Huic autem *Launojus* eodem satisfecit anno. *Milletum* tuitus est A. 1643 *Hugo Menardus*, quem vero *Launojus*, formis denuo descripta A. 1660 discussione *Milletiana*, satis acriter castigavit. Quibus locis uti fidei in Gallis susceptæ originem præclare declaravit, ita, dum Epistolam inter *Cyprianicas* 68, ad *Stephanum* A. 254, secundum *Pearsonii* calculos, aut A. 256, si major fides *Petro de Marca* in Epist. ad *Valesium* p. 31, exaratam, spuriam esse ait, hæc eum fefellit opinio; id quod & Cl. Editoris indicat Præfatio.

Pag. 457.
21 seq.

His descriptis ac fufius explanatis, quatuor alia occurrunt Opuscula. *Primum Vitam Dionysii Areopagita* exponit. Unum hic loci docte monet Editor, Thracem ab *Launojo Areopagitam* minus recte vocari. Is enim *Casareus*, cujus autoritate nititur, *Nazianzeni Gregorii* frater non videtur viris eruditus nonnullis; quanquam ita opinetur *Launojus*. *Chrysostomus* Athenarum civem eum diserte appellat, cui magis in hac causa credendum; præsertim cum Senatoria ipsius dignitas istam confirmet opinionem. *Alterum de libris ejus* fert judicium. Constat hodie inter doctos homines, *Dionysii*, *Areopagita*, haud esse libros, qui ipsius nomine honestantur. Citantur in iis *Ignatii* Epistolæ, & *Apocalypsis*, ut *Canonicus liber*, adducitur. Sed *Areopagita* sub *Domitiano* Martyrii palmam obtinuit. Itaque *Ignatianas* non potuit legisse Epistolas, anno quippe decimo *Trajani* scriptas. *Apocalypsis* vero multo ferius inter *Canonicos libros* relata fuit. In his iisdem Codicibus publica solennisque Baptisimi administratio, sæviente tunc Imperatorum furore, commemoratur, & fumantia per Missæ sacrificium conspiciuntur altaria; id quod per tria priora Secula ignotum fuit: quin etiam *Monachi* longo post tempore nati recensentur. *Tertio Vita & Miracula Dionysii Parisini* continentur. In Disputatione de *Veteribus Basilicis Parisiensibus*, quæ quartum occupat locum, multa leguntur egregia, quæ ad Historiam pertinent Gallica-

24.

nam. Etfi *Hadrianus Valesius* eam referendam fufcepit, *Henricus* tamen *Salvalla* in Gallicum convertit fermonem. In animo forfitan habuit in fuis Antiquitatibus illam Parifi-enfibus inferere, typographi autem, qui eas edendas curarunt, mutilam ac truncam ediderunt. In *judicio fuper Chiffetii Differtationem de uno Dionyfio* nihil novi dixit *Launojus*, idque faffus eft ipfe. Argumentum Differtationis *de Vi&torino, Epifcopo & Martyre*, levius eft, quam ut ampliorem defideret enarrationem. Explorat hic enim, utrum *Vi&torinus*, cujus veneratio in Ecclefiam Pictavienfem circa A. 1630 introducta eft, Pictavienfis, an Petavionenfis, feu Pitabionenfis in Pannonia, dici debeat. Appendicis loco adjecit nonnulla *de quinque Vi&torinis*, nimirum de *Vi&torino, Praxeana* hæreſeos defenfore, Petavienfi, Afro, Maſſilienfi, ac denique *Vi&torino Lampadio*, Oratore. At vero Maſſilienſis Rhetor non eft *Vi&torinus* nominandus, ſed *Claudius Marius Vi&tor*; ut ex *Riveti*, Benedi&ctini, Specimine Hiftoriæ Literariæ Galliarum, in decimo Volumine Bibliothecæ Gallicæ p. 199 edito, præclare monet Cl. Editor in ampla, quam præmiſit, Præfatione.

Pag. 27.

Duplex hinc ſequitur Differtatio *de Autore vitæ S. Maurilii, Andegavenſis Epifcopi*, e MSto Andegavenſi erutz, & *de S. Renati Hiftoria*. *Gregorio* vitam *Maurilii* haud eſſe assignandam, multis idoneis rationibus firmavit *Launojus*, in quibus altera, ſexta & octava, præ ceteris alicujus numeri ſunt. *Renatum Andegavenſem* uſquam exſtitiffe, aperte negare non auſus eſt, ſed rationes tamen ejusmodi attulit, ut nemo non videat, hunc pro fictitio ab eo habitum. Subjicitur *Apologia* pro *Nefingo*, primo hujus nominis Andegavenſi Antiſtite. Ac denique Judicium *de Hadriani Valeſii* Diſceptatione, quæ de *Baſilicis* inſcribitur, hanc finit *Partem*.

In ſecunda hujus ipſius Tomi Parte cum nimis multæ recenſeantur controverſiæ a *Launojo* diſceptatæ, hæc quidem ex iis fingulares daturi ſumus. Exſtat hic ejus *Differtatio de Reſta Nicæni Canonis VI, prout a Ruſino explicatur, intelligentia*. Scilicet ſextus Nicænæ I Synodi Canon a mul-

tis

tis jam inde annis magnas inter cœlestes animos lites movit. *Rufinus* eum explicuit, isque *Lib. X Historiæ Cap. VI* ita se habuit: *Ut apud Alexandriam & in orbe Romæ vetusta consuetudo servetur, ut vel ille Ægypti, vel hic suburbicarium Ecclesiarum sollicitudinem gerat.* Condendi Canonis *Meletius*, Lycopolitanus Episcopus, præbuit occasionem. Erat olim Alexandriæ receptum, ut civitatis Antistes per Ægyptum, Lybiam & Pentapolin, Episcopos, Presbyteros, ac Ministros alios, institueret, aut certe instituendos permitteret. Hunc autem morem pervertit *Meletius*, & in singulis Provinciis ac regionibus Episcopos & alios Ministros, invito & recusante *Petro*, Alexandrino Præfule, ausus est ordinare. Schisma hoc *Meletianum* Synodus deletura Nicæna eum sanxit Canonem, qui, si rem bene putes, nihil est aliud, nisi exceptio Canonis quarti & quinti, in quo Metropolitanorum jura suis finibus circumferibuntur; unaquæque Provincia suum habere Metropolitanum, quisque autem Metropolita unam tantum Provinciam sortiri debet. Sextus igitur Nicænus Canon docet, hanc communem regulam ad illustriores tres Metropolitanas, Romanam, Alexandrinam & Antiochenam, haudquaquam pertinere. Atque hanc etiam opinionem tuetur *Launojus*. Alexandrinum imprimis atque Romanum Pontificem Nicæna Synodus inter se componit. Romanus Episcopus Metropolitanæ jura in Ecclesiis exercebat suburbicarias, quæ a regionibus suburbicariis, intra quarum fines Ecclesiæ ditioni ejus subjectæ continebantur, ducebant nomen. Ex his igitur Provincia efflorescebat Romana, quæ Metropolitanam unam, Romanam Antistitem, agnoscebat. In ea solus Episcopus aliosque Ministros ordinabat, aut ordinari permittebat. Extra Romanam vero Provinciam civitates quædam, ut Thessalonica & Salona, ita Romano Episcopo subiciebantur, ut vel Præfecturam in iis haberet vicariam, vel Episcopos crearet. Quod ad Alexandrinum attinet Antistitem, is per Ægyptum, Lybiam, Pentapolin, Episcopos & alios Ministros ordinabat, aut ordinandos curabat. Extra has Provincias, nonnullæ quoque civitates erant, in quibus Alexandrinus Episcopus Metropolitan-

politæ obibat munia; at intra Romanam Provinciam Metropolitæ Romani continebantur jura. Deinde Alexandrinus Metropolitano sibi subiectos habuit, sed nomine tantum, quia, inconsulto Alexandrino Præsule, Episcopos consecrare haud poterant, & Alexandrinus Antistes, inconsultis Metropolitanis, Episcopos, & inconsultis Episcopis, Presbyteros ac Diaconos consecrare & instituere potuit. Romanus autem nullos habuit Metropolitæ, quibus inconsultis, Episcopos in sua Provincia institueret, sed plures habuit Episcopos, quibus inconsultis, Presbyteros ac Diaconos creare poterat.

Perspicuum est, constatque inter omnes, *Augustinum* de *Concilio Plenario* sæpiissime locutum, in quo collatum ab hæreticis Baptismum probatum, ejusque repetitionem interdictam esse, contendit. Hoc igitur *Concilii Plenarii* nomine Arelatense, A. 314 habitum, designari, *Launojus*, *Sirmondo* duce, arbitratur, quorum & *Albaspinaus* & *Petrus de Marca* adoptarunt opinionem, cui Dissertationem suam *de vera notione Plenarii apud Augustinum Concilii in causa rebaptizantium* inscripsit *Launojus*. Ab his etiam Editores Benedictini Operum *Augustini* suam haud sejunxerunt sententiam. Cum vero inter universalia Concilia Arelatense I non possit numerari, variis *Launojus* exemplis probat, universale ac plenarium dici posse eo, quod fere omnes Occidentis Episcopi ad illud convenissent. Jam vero nihil erat usitatus, quam ut Africani Concilii universalis ac plenarii appellationem cuique tribuerent Concilio, quod Provinciali numerosius erat. Ubi tamen cum cura pensandum erit, id quod Clarissimus ostendit Editor, nec Arelatense nec Nicænum Concilium eam definiisse controversiam de recipiendo omnium Baptismo hæreticorum, qui Trinitatem invocant, & sacro fonte utuntur. In Nicænam vero Synodum I nomen illud plenarii Concilii commodissime quadrare, vero est simile. *Joannes Nicolajus* in hanc *Launojanam* debacchatus est Dissertationem, Nicæne Synodi causam acturus. Sed ejus furorem ac petulantiam *Launojus* nova ea de re conscripta coercuit Dissertatione. In has duas, quas in gratiam Arelatensis Concilii edidit ille, scriptio-

nes

Præf.
pag. 35 seq.

nes *Ja. David Occitanus* Observationes haud sane spernendas luci exposuit publicæ. Sed *Launojus* nil intentatum reliquit, quo eidem satis faceret. In *Diss. de Autore vero Professionis Fidei* probat, eam *Hieronymo & Augustino* perperam tribui, & uni vindicat *Pelagio*. Antiqua fabula est, *Brunonem*, Carthusiani Ordinis conditorem, voce cujusdam Canonici & Doctoris Parisini mortui & in feretro decumbentis perterrefactum, in solitudinem abiisse. *Launojus* hanc decimo quinto Seculo natam fabulam, & a *Gersone* confictam, judicavit. Sed majorem veri speciem ea, quam Cl. Editor aperit, fabulæ habet origo. Hanc ortam Coloniz, conjectura ducitur. Namque A. 1070 sanctus Anno, Colonienfis Episcopus, accepto ab *Alexandro II Casarii*, Martyris, brachio, Coloniensibus narravit, *Andream* quendam Romæ jam mortuum, & in feretro jacentem, exclamasse, se debere piz erga *Casarium* venerationi, quod pœnas alternas effugisset. At vero A. 1084 Carthusianus Ordo cepit initium. Itaque probabile est, portentum istud Coloniz vulgatum, postea novis coloribus exornatum, ita, ut, quod Romæ gestum erat, Parisiis accidisse fama tulerit, quo *Brunoni* in solitudinem secedenti miraculi rumor accederet.

Pag. 40.

Ad sunt porro de *Simonis Stochii* viso, de *Sabbathina Bulla privilegio*, & de *Scapularis Carmelitani Sodalitate*, quinque Dissertationes. Fingitur nempe, virginem *Mariam*, præ manibus Carmelitarum vestem gestantem, obtulisse se *Simoni Stochio*, eique dixisse, hoc erit tibi & cunctis Carmelitis privilegium. In hoc moriens, non patietur incendium. Hanc narratiunculam, una cum ipsa celeberrima *Bulla Sabbathina*, ab *Joanne XXII* concessa, inter fabulas retulit *Launojus*. Verum *Scapularis Carmelitani* sodalitatem cautius describit, atque haud segniter exponit, quid *Clementis VII* Diploma quoddam, ac *Pauli V* Decretum, præscribant. Dissertationem illam, A. 1675 editam, in qua eximia antiquitatis sacra & sacrorum Canonum elucet peritia, electa item Romanorum Pontificum quinquaginta duo Decreta, quibus, in divini juris & Synodi Chalcædonensis Observationem, Simoniam confinxerunt, magni semper Viri fecerunt eruditi. Insertus est Tractatus lectu perquam

quam utilis *de Cura Ecclesiæ pro miseris & pauperibus*, Parisiis 1663 in lucem editus. Ostendit *Launojus*, antiquam fuisse celebrem illam bonorum Ecclesiasticorum divisionem, quarum una Episcopo, altera Presbyteris & Clericis reliquis, tertia pauperibus, quarta denique instaurandis referendisque Basilicis, tribuitur. Dissertationi *de vetere ciborum delectu in jejuniis Christianorum*, historia quædam causam dedit. A. 1649, interclusis Sequanz, Matronæ atque Oesiz, portubus, accidit, ut initio quadragesimæ, rerum celebrando jejunio necessariorum penuria creverit. Ob eam causam Parisinus Episcopus Lutetiz A. 1649 d. 18 Febr. Diploma confecit, quo certis quibusdam diebus carniū usum concessit. Cum autem non declararet, se jejunii lege eos solvere, qui carnibus uterentur, quæstio inter multos coorta est, utrum, ex quo in locum quadragesimalium ciborum carnem substituit, jejunii lege solvantur carne sobrie usi. Hos jejunii lege teneri, *Launojus* censuit. Ad finem hujus scriptionis duo expendit, quæ nimirum *olim fuerit in omnibus Ecclesiis Judæos & infideles sacro ritu ablundi disciplina*. Si quis ea ponderet, quæ *Chilperici*, *Zisebuti*, Hispaniarum Regis, & *Caroli M.* ætate gesta sunt, patet inde, invitos sacro fonte tinctos esse. Ultimo denique loco *de Ecclesiæ traditione circa solenniores Baptismi dies* exponit *Launojus*. Varias hujus moris assignat epochas. Baptismus tum Romæ, tum in Galliis, sacris tantum Paschæ & Pentecostes diebus, administratus est publice solenniterque. In Africa vero etiam Epiphaniarum die susceptus est, in Oriente apud Germanos; Natali Domini die apud Hibernos & Hispanos; in Galliis etiam die Joanni Baptiste sacro. Has omnes Dissertationes refutandas suscepit *Nicolajus*, sed, si ab iis discefferis, quæ de Baptismo Judæis & infidelibus invitis non dando commentatus est, nihil fere, quod alicujus sit momenti, in medium protulit.

RADULPHI CUDWORTHI, THEOL. D.
& in Academia Cantabrigiensi Professoris, Systema
Intellectuale hujus Universi, seu de Veris naturæ re-

rum

rum Originibus Commentarii, quibus omnis eorum Philosophia, qui Deum esse negant, funditus evertitur. Accedunt reliqua ejus Opuscula. JO. LAURENTIUS MOSHEMIUS, Theol. D. Sereniss. Ducis Brunsv. a Consiliis rerum Sanctiorum, Abbas Cœnobiorum Vallis S. Mariæ & Lapidis S. Michaelis, reliqua, omnia ex Anglico Latine vertit, recensuit, variisque Observationibus & Dissertationibus illustravit & auxit.

Tomi II.

Jenz, sumtu Viduæ Meyeri, 1733, fol.

T. I Alph. 13 pl. 19, T. II Alph. 7.

Quem sua lingua vestitum, simul ut editus est, mirifice adamarunt Britanni, quem aliæ cultioris Europæ gentes certatim suspexerunt & veneratæ sunt, quem denique omnes, quotquot eruditam ornant civitatem, sermonis Anglici minus periti, latine vertendum tot ferventibus votis exoptarunt, *Cudworthum*, eum nuper illo indutum habitu in lucem prodire jussit Ven. *Mosheimius*, Theologus longe celeberrimus, cui ob excellentioris doctrinæ apparatus, acrem judicandi vim, indefessamque industriam, antefertur hodie nemo, pauci pares putantur. Dignus omnino erat *Cudworthus* tanto interprete; dignus vero & hic tam eximio Viro, quem interpretaretur. Nos jam, partibus nostris rite functuri, in eo elaborabimus, ut & quæ ad ipsum *Cudworthi* Volumen pertinent, & quæ de Latina versione atque accessionibus dici merentur, commemoremus, quo ex ingenua recensione nostra, qui judicio arte limato valent, cum fiducia perspicere queant, qualem huic Operi pretium statuendum esse videatur. *Ætas Cudworthi*, qui superiori Seculo de Academia Cantabrigiensi & universa Ecclesia Britannica præclare insigniterque promeritus est, in ea incidit tempora, quibus *Thomas Hobbesus*, homo acutus, at subdolus, vaser, & erga Deum resque divinas impius ac profanus, arcem religionis

Q

per

per cuniculos movere & subruere connitebatur. Magnam sibi hic homo exilimationem apud aulicos & rerum non nimis gnaros loquacitate sua ingenique subtilitate collegerat. *Cudworthus* igitur id sibi potissimum credebat esse datum, ut perniciosum hunc & capitalem pietatis omnis hostem omnibus nudaret præsidii, atque de fama ista deiceret & deturbaret. Multos tum *Hobbesius* expertus est adversarios, eosque egregios & ingeniosos, in quibus *Jo. Brambalus* præ ceteris commemorandus est: sed doctiorem num habuerit, qui & eruditionis copia, & ratiocinationum robore hominis coercere valuerit petulantiam, merito dubitatur. Fato & necessitati inter Britannos omnia ista ætate tribuebat *Hobbesius*. Ad huius igitur hominis, & eorum, qui ab eo sunt, & una cum religione Deum esse sublatum volunt, perfidiam debellandam & enervandam, hoc Opus exaravit *Cudworthus*, & *Systema Intellectuale huius universi*, vocabulis ex schola, quam magni fecit, *Platonica* sumtis, inscripsit. Absolvitur istud *quinque Capitibus*, magna doctrinæ copia elaboratis. In *primo* de illo Philosophiæ genere disputatur, quod corpusculis individuis utitur; ex quo qui fataliter omnia, quæ sunt, definita esse volunt, & necessitatem rerum omnium ex ipsa materiæ constitutione eliciunt, athei homines opinionis suæ præsidia petunt. In *secundo* cuncta, quæ ex Philosophia petere solent athei ad confirmandam & stabiliendam impietatem suam, præsidia & argumenta explicantur. In *tertio* exhibetur introductio ad consutationem argumentorum, quibus pugnare solent, qui Deum esse negant: in qua variz Atheismi formæ ac species sigillatim enarrantur, atque de natura genitrice disputatio instituitur. 197 seq. *Caput quartum* notionem Dei declarat, atque multis docet, eos, qui hanc notionem Dei, quatenus unitatem etiam Dei continet, propterea natura omnibus innatam esse negant, quoniam tot olim populi plures Deos coluerunt, vehementer falli. Hinc sapientes olim omnes unum summum Deum professos esse, ostenditur ibidem, veterumque populorum religio & Deorum cultus uberior explicatur, quo Christianæ religionis naturâ tanto postea melius declarari queat. *Caput denique*

que *quintum*, idemque ultimum, & in quinque *Sectiones* distinctum, confutationem exhibet amplissimam Philosophiæ eorum, qui Deum esse negant. Elucet in hoc Opere immensa tam antiquitatum Hebræarum, quam Græcarum, linguarum eruditatum, Historiæ veterum Philosophorum & Christianorum, aliarumque rerum, hisce cognatarum, scientia. *Cudworthus* interiorem Philosophiæ, artium Mathematicarum, Metaphysicæ, & artis ratiocinandi, peritiam, quam sibi comparaverat, ad causam religionis agendam excellenter convertit, & nodos ab impiis hominibus objectos solerter ingenioseque explicavit. In Philosophia partes eorum consecrabatur, qui *mechanici* atque *corpusculares* vocantur, quorum opes variis modis auxit & confirmavit. De Deo vero, de mentibus, de genitiis, de primis rerum notionibus & exemplis, de omnis denique humanæ sapientiæ initiis, *Platonis*, atque eorum, qui recentiori ab eo erant ætate, philosophabatur more. His ita deditus addictusque erat, ut eorum non solum in opiniones, sed & ipsa verba, jurasse videatur. Id vero sæculi, quo in Britannia erudita vixit, unice attribuendum vitio erat. Ejus enim ætate, qui in Academia Cantabrigiensi *Hobbesii* sententiis omni ingenii viriumque contentione sese objiciebant, omnes *Platonis* accensi erant amore, ipsiusque Philosophia nihil iis carius sanctiusque erat. Ex libris scriptisque *Cudworthi* difficulter probabit *Thomas Burnetus*, ipsum in Theologia partes eorum juvisse, qui *Latitudinarii* appellantur, & quorum princeps facile est *Guilielmus Chillingworthus*. Is enim, placere sibi communem & receptam doctrinam, semel, iterum, ac sæpius fatetur, atque etiam profitetur, & præ se fert. Vulgaris Reformatorum dogmatis de absolutis Dei decretis odium tanto altius in animum ejus sese insinuaverat, quod *Hobbesum*, cujus fundere copias moliebatur, videret eo ad nefarias suas & omni pietati ac religioni noxias doctrinas valde abuti. Dux inprimis partes hujus Operis criminationibus & variis litibus atque controversiis occasionem dederunt. Altera est *de natura genitricis* Dissertatio. Cum *Petrus Baylius* aptam hanc magis ad Atheorum cau-

sam juvandam & fulciendam, quam debilitandam & convellendam, nil dubitaret affirmare; *Jo. Clericus* ei semel & iterum occurrendum esse ratus est. Altera de *Trinitate Christiana & Platonica Digressio*, quo sanctior & excelsior est, eo plus Viro invidiæ passum creavit. *Sociniani*, & *Sabeliani* recentiores, quia illi etiam inprimis, qui *subordinationem*, quam vocant, in divina Trinitate tuentur, ex *Cudworthianis* opibus nuditatem suam tegere laborarunt. His autem satisfecit *Thomas Wise*, Anglus; cujus quidem laudandum consilium, quod caste, nec invitis sacris literis, de tribus in Deo personis & sensisse & docuisse *Cudworthum*, copiose disputavit: at hoc tamen lectoribus haud plane stupidis & inertibus apparebit, propendisse ipsum in partes eorum, qui gradu tres in divina natura personas sejungunt. Ut adeo eadem ipsi sententia fuerit de Trinitate, quæ nostra memoria *Samueli* fuit *Clarckio*, inclyto magnæ Britanniæ Theologo & Mathematico. Induxit, id quod evidens est, in hunc errorem magnum hominem nimius *Platonici* dogmatis amor. Hæc brevis, at illustris, commemoratio sufficiet haud dubie, ut, qui eruditione plane singulari & incomparabili confertum *Cudworthi* Systema nondum norunt, sanum hinc ferre judicium valeant. Isto autem labore tanto libentius defuncti sumus, quanto nos certiores exploratio reddidit, nullum adhuc locum *Cudwortho* in *Actis* hîc nostris assignatum esse.

Jam de Latina Versione, Emendationibus & Accessionibus; quas Venerandi ac Celeberrimi *Moshemii* curæ atque industræ orbis debet eruditus, quantum satis est, & omni, qua docet, accurratione dicemus. Exploratum habebat Interpretes magnus, per universum orbem literatum famam nominis *Cudworthiani* vagatam. *Abrahamus Hinckelmannus*, *Jo. Alb. Fabricius*, *Jo. Clericus*, meritis eum laudibus jam diu ornaverant. Quærebant Galli & Germani hominem, qui aut Gallice, aut Latine, verteret Opus. Sed vota diu, quo caderent, non habebant. *Jo. Clericus* vero, cum plane aliquam ejus versionem in desperatis haberet, luculentissima idcirco & amplissima ex eo excerpta Gallico sermone cum literatis communi-

municare operæ sibi pretium facturus videbatur. Hoc autem indice cupiditatem magis curiosorum incenderat hominum. Inter Gallos *Franciscus Bourdelinus*, Academix Regiæ Inscriptionum & elegantiorum literarum Socius, Gallica civitate voluit *Cudworthum* donare. Sed fata virum in medio laboris cursu oppresserunt. Ex Germanis *Henricus Itershagenius*, Scholæ Tennstadiensis Collega olim quartus, *Cudworthi* librum latine vertendi cepit consilium: sed rebus mortalium mature idem exemptus, destinata perficere non potuit. Verum flagitavit *Cudworthi* Systema interpretem, qui cum eo de copiosa, eaque excellentiori, doctrina certaret. Atque hunc sane nactum est in *Moshemio*. Is omnes, quæ & orationi *Cudworthi*, & rebus ab eo declaratis, adhærent, difficultates feliciter superavit, & quo literaræ civitati versionem vere Latinam, hoc est, puram, elegantem, perspicuam, & *Ciceronis*, *Lucretii*, *Seneca*, *Quintiliani*, quos consuluit & in auxilium vocavit, dictioni omni ex parte conformem, exhiberet, nil intentatum reliquit. Innumera veterum scriptorum, Græcorum & Latinorum, loca ad testimonium dicendum citavit *Cudworthus*, libro, capite, pagina, silentio prætermisissis. Hæc exhibuit Venerabilis Interpres in subjectis multo sæpius amplissimis annotationibus, loca designavit, quin versiones etiam *Ficini*, *Serrarii*, *Bessarionis*, *Pacii*, & aliorum, Latinas male compositas correxit. Vidit etiam sagacissimus Vir, in multos identidem errores intidisse *Cudworthum*, multa item parcius, quam rei gravitas desideraret, delibasse, quædam etiam ex ætatis suæ opinionibus, posterorum postea perspicacitate emendatis, disseruisse. Quo igitur caveret *Moshemius*, ne magni hominis autoritate laberentur alii, Annotationes uberiores & Dissertationes adjecit elaboratissimas. Huc pertinet ea, in qua solvitur hæc quæstio, num Philosophorum a vera religione averforum aliquis mundum a Deo ex nihilo creatum esse docuerit? Eodem loco habenda ejusdem de turbata per recentiores *Platonicos* Ecclesiæ Commentatio, multo, quam antea est edita, locupletior & emendatior, quæ inter adjecta minora *Cudworthi* Opuscula invenitur. Horum nunc dabi-

Pag. 957
seq.

Pag. 952
seq.

mus inscriptiones. Unum est, de æterna & immutabili rei moralis, seu iusti & honesti, natura liber. Alterum, de vera notione cœnæ Domini liber singularis. Tertium, de Conjunctione Christi Ecclesiæ in typo. Hæc omnia Latine vertit, Notisque ac Præfationibus auxit *Mosheimius*, cui & *Joannis Clerici* ad *Cudworthianam* contra eos, qui negant, ex nihilo ulla ratione fieri posse aliquid, Sectionem Observationes eruditæ inferere visum fuit. Ut adeo, incredibili *Mosheimii* labore effectum sit, ut antiquæ Philosophiæ, quam recentiores etiam consecrati sunt sapientes, Theologiæ item, Historiæque tam Philosophicæ, quam Ecclesiasticæ, locupletissimum in hoc *Systemate* thesaurum civitas & erudita & Christiana possideat, quod nunc *Cudworthiano-Mosheimianum* jure meritoque dicendum. Plus etenim in hoc Opere laboris Venerabilis exhaustit Abbas, quam multis videbitur, atque ipse initio cogitavit. Dimidia pars ejus est, longæque Dissertationes interjectæ apparent de religione Persarum, Ægyptiorum, de origine mali ex *Platonis* mente, de *Pythagoræ* symbolis, & materiariis antiquis, & aliis rebus ejusdem generis: in quibus haud sane pauca, quæ præterita sunt ab aliis, dixit, jamque sese non tantum *Theologum*, sed *Philosophum* quoque *eximium*, esse, literato declaravit orbi. Legi meretur præmissa ab ipso eruditissima Præfatio, in qua de vita, fatis, libris, meritisque *Cudworthi*, nec non de suis molestissimis conatibus, large effuseque prælocutus est. Ex his vero perspicuum est, duplicis generis accessiones esse illas, quæ ex *Mosheimii* manant Calamo. Emendavit & correxit, quæ *Cudworthus* deliquit. Nemo eruditorum, qui Britanniam, sigillatim Academicam Cantabrigiensem, hodie illustrant, hoc indigne feret studium, non sine insigni humanitate atque modestia ubivis peractum. Tum vero etiam varia ipse argumenta ex diversis humanæ eruditionis partibus omni virtute & copia explicavit & declaravit. Horum nullum ejusmodi est, ut insigni careat utilitate. Docti cujuscunque generis homines quamplurima hic, siquidem acumine valent, quæ in usus convertant suos, venabuntur, Nihil in his *Cudworthianis* ac *Mosheimia-*

hemianis cogitationibus ac divinationibus usquam legitur, quin severiorem rerum sub sensum haud cadentium adjuvet meditationem. Quod & *Cudworthus* & *Mosheimius* minoribus interdum ambagibus cogitata sua patefacere potuerant, id quidem vacat dubio. Neuter autem rerum, quas pertractat, dignitati consulturus brevior esse potuit. Ampliores *Mosheimii* Observationes non in levioris momenti rebus, aut inanibus plane quæstiunculis enodandis versantur, verum & sibi, & haud vulgaribus, de quibus agit, rebus satisfactorius ille, currenti stilo modum non valuit ponere, & ingenii fecundissimi impetum cohibere. Neque ab eo, quod hodie ornat, munere Theologico hic sejunctus erat labor, ex quo fructum capiunt literæ tam sanctiores, quam profanæ. Quid? quod is etiam, qui in profanas inde literas redundat, sanctiora contingit studia magna affinitate. Rerum, quæ hic proferuntur, eruditæ notitia nemo accuratior Theologus his nostris carebit temporibus, quibus omnis generis ornamentis instructi prodeunt Dei & religionis hostes. Hujus igitur causam excellenter acturi Theologi, haud vulgaribus præsidiiis circumvallati esse debent. Sicut autem non sine singulari fructu *Mosheimiana* leguntur copiæ: ita & suavitate & cultu orationis, rerumque varietate, temperatæ & conditæ sunt eadem. Nullum est dubium, quin, si res, nisi a necessitate & pondere jussus, augere in lucris excellentissimus posuisset Interpretes, innumerabilia potuisset adjicere. Censet post *Petrum Gassendum* Vir magnus, quem interpretatus est, omnes; quotquot inter Philosophos Orientales, Græcos & Latinos, si a paucis quibusdam discesseris, aliquam nominis famam sibi pepererint, Philosophiæ illi, quam *corpuscularem* nominant, addictos fuisse, eamque diu ante *Democritum* viguisset. Non pauci meritißimi Viri eandem receperunt & probarunt sententiam. At non levis hoc in negotio exoritur difficultas. Veteres tantum non omnes a *Leucippo* & *Democrito* hujus origines Philosophiæ ducunt: at vicissim alii sine negotio citari possunt testes, iique minime dubii, quorum firmat autoritas, ante hos dudum fuisse alios, qui, corpusculis in auxilium

vocatis, rerum naturalium causas & rationes reddere conati sint. Hæc disjuncta erudite quidem & sagaciter in concordiam redegit *Cudworthus*. Sed verisimilius est, eos, qui ante *Leucippum* & *Democritum* rerum naturam in corpuscula individua partiti sunt, hisce atomis qualitates addidisse, *Democritum* vero & *Leucippum* principes omnibus qualitatibus ista nudasse corpuscula, proptereaque atomorum primos autores fuisse vocatos. Deinde naturarum quoque *plasticarum* seu *genitricium* historiam contexere ad nostra usque tempora pertinentem potuisset, quæ ad lites, inter acutissimos Viros, *Jo. Clericum* & *Petrum Baylium* acerbè agitata, & e nobis supra memoratis, dirimendas, multum attulisset momenti. Nec minor se ei de celeberrimis veterum carminibus, quæ *Theogonia* dicuntur, exponendi campus aperuit, in quo copiosissimum ejus ingenium excurrere valuisset. Graviora restabant argumenta, in quibus cum cura quadam & solertia ei versari licuisset. *Cudworthus* tria *Platoniorum* principia, & quousque Christianorum de tribus in Deo personis dogmati aut faveant, aut adversentur, explanavit. Multis ejus placuit opinio: in alia vero omnia permulta abierunt magna in civitate Christiana nomina. Hoc quidem extra litem positum est, atque cum ex ipso *Platone*, tum ex recentioribus ejusdem sectatoribus, enucleate ac distincte potest demonstrari, ignaros stili *Platonici* celeberrimos homines multa hic ex ingenio suo confinxisse, maximoque discrimine tria *Platoniorum* principia, tresque Christianorum in Deo personas, disjungi. Non sane tres *ὑποστάσεις*, sed tres animi sui notiones, trium principiorum designabant appellatione. Ipsi posteriores *Platonica* disciplinæ recessus hoc docent, idemque & mos disputandi & insolita hujus familiz corroborat oratio. Peropportuna hic in veram *Nicanorum Patrum* de Trinitate divina sententiam inquirendi occasio se offerebat. Sunt, qui horum doctorum in summam pæne invidiam de Deo adduxerunt opinionem. Hos nimirum existimant non tam tres in uno Deo personas, quam tres divinas naturas sub unum genus subjetas, aut tres potius Deos inter se æquales, introduxisse. Iis, qui
 sic

fic sentiunt, & ingenio & eruditione præstantibus Viris, *Dion. Petavius, Stephanus Curcellæus*, atque hic noster inprimis *Cudworthus*, se præbuere duces. Sed doctrina quarti & quinti Seculi consulenda, Philosophia tum temporis recepta exploranda, ipsi *Patrum* libri accurate legendi, & non quædam tantummodo loca, sed omnia eorum dicta, quibus cum hoc, tum alia dogmata, explicant, inter se diligenter studioseque conferenda sunt. Non etenim eo antiqui illi doctores vacant errore, ut sanas non ubivis dicendi formas adhibeant. Cum in *Arianos & Sabellianos* prodeunt armati, passim de tribus divinis personis ita loquuntur, ut tres ab illis Deos æquales & pares induci credas: iidem, cum adversus Deorum cultores & alios pugnant, non secus sæpenumero se gerunt, ac si omnem in divina natura distinctionem e medio tollerent, & Christum, Servatorem nostrum, infra Deum omnium parentem & conditorem locarent. Commune hoc est priscorum hominum vitium, ut iis sæpissime loquendi modis animi sui sensa declarent, quæ vix sanum admittere sensum videntur. Itaque non ante, quam tota eorum cum Philosophia, tum Theologia accurate inspecta, decernendum, quamnam illis tribuere doctrinam oporteat. *Patres* tunc *Nicanos* ita deformes haud esse, ut recentioribus quibusdam eruditibus, nil, nisi quod magni Viri judicant, ratum habentibus, videatur, ii demum optime cognoscent, qui suo dicta ratione officio facient satis. Perspicient hi, rebus omnibus diligenter circumspectis, veterumque locis cum cura expensis ponderatisque, *Nicanis Patribus* idem, quod *Augustino*, accidisse, qui, cum contra *Manichæos* disputat, ita negligens sui est, ut *Pelagianus* Lectoribus minus cautis videri queat: quoties contra cum *Manichæis* certamen adiit, tam parum in usu verborum suis prospicit & consulit rationibus, ut a *Manichæis* propius abesse videatur. Hæc si, qua virtute & copia fieri debet, persecutus Venerandus esset *Mosheimius*, insigni omnino beneficio eruditam sibi devinxisset civitatem. Quocirca publico eum nomine imploramus, ut hæc & alia, quæ in Præfatione designavit ipse, argumenta alio tempore, plus otii nactus, elaboraret, nec, quæ meditatus est de

illis & observavit, terræ secum mandari patiat. Sunt enim hæ res ejusmodi, ut plurimum hinc emolumenti res sacra & literaria captura sit. Hoc eidem consilio cumulatiores & robustiores animi corporisque vires, ac diuturnam lucis usuram, precamur.

Quod reliquum est, nitidissime descriptus fuit liber, & omni cura provifum, ne operarum incuria deformaretur & suis ornamentis spoliaretur. Verum, ut vel levior aliqua macula, pulcherrimo corpori adpersa, facilius incurrit in oculos, quam in deformi corpore crassiora vitia, ita in hac etiam elegantissima Operis vastissimi forma errores nonnulli, quos diligentia eorum, qui emendationi ejus præfuerunt, non potuit impedire, curiosis & sagacibus oculis sine negotio patebunt. Sed his iisdem nihil quoque facilius erit, quam ut eos, si qui etiam alicujus momenti esse videantur, emendent, & vel hac re, quantum studiosi æquitatis sint, tellentur. Laudem interim meretur eximiam *Jo. Fridericus Wuchererus*, S.S. Theol. & Physices Professor in Academia Jenensi longe celeberrimus, quod literis vocabulisque, quibus constat Volumen, insigne præstitit officium, & cunctis, antequam formis exprimerentur, cum cura exploratis, nihil eorum temere præterire passus est, quæ limæ nonnihil desiderare ipsi visa sunt. Liberum, id quod postremo loco monendum, finiunt contexti Autorum & rerum Indices.

ΔΗΜΟΣΘΕΝΟΥΣ ΛΟΓΟΙ ΕΚΛΕΚΤΟΙ,

h. e.

DEMOSTHENIS SELECTÆ ORATIONES.

Ad Codices MStos recensuit, textum, Scholiasten & Versionem plurimis in locis castigavit, Notis insuper illustravit, RICARDUS MOUNTENEY,

Coll. Regal. apud Cantabrigiensis.

Socius.

Cantabrigiæ, typis Academicis, 1731, 8.

Plag. 18.

Juven-

Juventuti cum *Demosthenis*, Oratorum facile principis, Orationes quasdam in manus dare constituisset Cl. *Mounseney*, id sibi inprimis negotium datum esse existimavit, ut faciliorem adolescentibus viam breviorēque summi Oratoris elegantiam ac gravitatem cognoscendi aperiret. Nam licet, *Hieronymus Wolfius* egregiam omnino in emendando, interpretando, atque illustrando *Demosthenē* operam olim collocaverit, deterret tamen plerosque juvenes a lectione tanti Oratoris partium *Wolfiani* Voluminis moles, partim ejusdem in bibliopolarum tabernis raritas. Cumque præterea editionem hanc, a *Wolffo* procuratam, non numeris omnibus absolutam, sed suis passim novis laborantem deprehenderet Doctiss. Editor, huic malo remedium quoddam adhibendum esse censuit. Eidem quidem rei alii jam mederi studuerunt, & *Demosthenis* editiones breves & succinctas concinnarunt. At, quoniam illæ brevitate sua pæne nimia placent magis, quam profunt, omni destitutæ interpretationum Commentariorumque luce perquam necessaria, aliam in edendo *Demosthenē* rationem iniiit Cl. *Mounseney*, qua dulci etiam utile auspicio admisceatur. Quibus de caulis quatuor tantum Orationes *Demosthenis*, *Philippicam I.* & tres *Olynthiacas*, ex reliquis selectas omnibus, eruditæ juventuti exhibuit, ita quidem, ut nec mole sua studium legendi reslinguerent, nec brevitate sua legentibus negotium facesserent. Dedit autem sedulo operam, ut textum Græcum, quoad fieri posset, quam emendatissimum ederet, cui singulis paginis Scholiasten antiquum subjecit. Et, quanquam *Morellianam* editionem præcipue expressit, non tamen dubitavit nonnunquam ab ea recedere. Quam in rem adhibuit Codices MStos quorum unus fuit *Isaaci Vossii* olim, & nunc in Leydenſi Bibliotheca asservatur. Duos pariter ex Bibliotheca *Bodlejana*, alterum *Guilielmi Landi*, alterum *Baroccianum*, usurpavit. Nec illas lectiones, quas tum *Pitæus* Codici suo, tum *Benenatus* editionis suæ margini ex novem MStis, a *Morellio* collatis adscripserat, penitus neglexit, sed easdem hinc inde Annotationibus suis inseruit. Post Orationes & Scholia Græce exscripta locus est assignatus interpretationi Latinæ. Quam uti

Pag. 277.
284

retinendam duxit a *Wolfo* adornatam, utpote quæ satis fida imperitiorum usibus commodissime omnium inservire posset, sic eandem plus vice simplici vel corrigendam sibi sumsit, vel illustrandam. His denique omnibus succedunt Annotationes

Pag. 230.
235, 236. in has ipsas Orationes non *Wolfsi* solum, sed & *Tourrelli*, quas ex Gallicis fecit Latinas. Ipse vero Cl. Editor utrisque suas Observationes partim addidit, partim opposuit, ubi id necesse visum fuit. Nam non solum ab utroque Viro doctissimo nonnunquam in expositione discedit, sed etiam ex *Meurso*, *Sigonio*, aliis, ea adjecit, quæ ad antiquitates accuratius tenendas faciunt. In ipsis autem verbis tam *Demosthenis* quam Scholiorum antiquorum licet multa autoritate, quos adhibuit, Codicum manu exaratorum a prioribus. Editoribus minus accurate exhibita emendaverit, suas tamen conjecturas satis habuit in Annotationibus referre, & lectorum judicio subicere. Præeunte etiam eodem *Tourrello*, vulgarem Orationum ordinem ad rationes Chronologicas immutavit, ita, ut primum appareat *Philippica I*, deinde *Olyntbiaca*, vulgo secunda, tum *Olyntbiaca*, vulgo tertia, & denique *Olyntbiaca*, vulgo prima. His vero omnibus accefferunt Observationes Criticæ in Commentarios vulgo *Ulpianeor*, quas cum Editore communicavit *Joannes Chapman*, Colleg. Reg. apud Cantabr. Socius. Duo sibi inprimis Autor Eruditissimus in his Observationibus evincere proposuit, quorum alterum eo redit, ut demonstret, Commentarios in *Demosthenem*, qui vulgo *Ulpiano* adscribuntur, non esse *Ulpiani* Rhetoris, sed multo recentioris ætatis. Alterum autem eo pertinet, ut ostendat, vitam *Demosthenis*, quæ *Plutarchi* nomen vulgo præ se fert, eundem habere Autorem, quem ipsi illi Commentarii in *Demosthenis* Orationes. Interim, quamvis in Annotationibus, quæ accefferunt, Cl. *Mounteney* pauca sint, si quidem ulla, tradita, quæ ad genium linguæ ex ipsis fontibus asserendum valent, multa tamen vel ex aliis repetita, vel ab ipso Autore addita, in iisdem reperiuntur, quæ sententiam *Demosthenis* egregie illustrant, viamque adolescentibus facere possunt, ad sensus Oratoris plenius percipiendos.

SECTIONUM CONICARUM ELEMENTA,
methodo facillima demonstrata, in usum Juventutis A-
cademicæ, Autore L. TRÉVIGAR, A. M.
Aule Clarenfis Socio.

Cantabrigiæ, typis Academicis, apud N. Prevost & A. Van-
 denhæck, & apud J. Crownfield, Bibliopolas Lon-
 dinenses, 1731, 4 maj.

Alph. i pl. i, cum Tab. 21. 12.

Quanta sit Sectionum Conicarum in Mathesi utilitas, abun-
 de constat, ut adeo utile sit, proflare quoque Compendia,
 quibus ad eorum cognitionem absque ambagibus deducantur
 tyrones. Quamobrem, cum *Philippus de la Hire* Opus præ-
 clarum de Sectionibus Conicis edidisset, methodo veterum
 Geometrarum demonstratum; in usum juventutis Academi-
 cæ Compendium inde confecerat *Jacobus Milnes*. Etsi au-
 tem demonstrationes, ad methodum veterum composuit, haud
 contemnendam asserant Mathematicum cultoribus utilitatem;
 haud tamen negari potest, eas & majore tædio, & longiore
 temporis impendio addisci, quam si cum recentioribus calcu-
 lo analytico utaris, quo propositionum subsidiarum nume-
 rus ingens eliminatur, & ad faciliorem intelligentiam redu-
 cuntur, quæ alias, a tyronibus præsertim, difficulter intelligun-
 tur. Quamobrem, cum *Hospitalius* in Opere analytico de Se-
 ctionibus Conicis methodum geneticam cum analytica con-
 junxerit, atque adeo doctrinam utilem plurimum facilitaverit;
 inde Noster excerptit, quæ ad theoriam hanc faciunt. Ne ta-
 men a tyronibus multo plus temporis in iis addiscendis im-
 pendendum sit, quam rei vel natura exigit, vel dignitas po-
 stulet; quæ obscurius & confusius ab *Hospitalio* proponuntur,
 ea meliori ordine Autor disposuit, ut in Geometria vel medio-
 criter doctus, & in Algebra vel parum versatus, prima & præcipua
 Sectionum Conicarum Elementa sine nimio sudore percipere
 possit. Librum sextum *Hospitalii* de Sectionibus Conicis in

solido consideratis omisit, quod non alia contineant, quam quæ in anterioribus jam alio modo fuerant demonstrata. Cum vero deessent nonnulla in Opere *Hospitaliano*, quæ ad intelligendum Opus Principiorum *Newtoni* scitu necessaria sunt; hunc defectum ex *Apollonio*, *Milnio*, aliisque, supplevit. Apposuit quoque nova quædam theoremata de circulari Sectionum Conicarum curvatura, quæ apud Scriptores Conicos nulli leguntur, addiditque methodum latissimæ utilitatis, quemadmodum ex *Newtoni* Principiis constat, proprietates omnes parabolæ ex similibus ellipseos vel hyperbolæ proprietatibus derivandi.

M. FRIDERICI WILHELMI STÜBNER

Demonstratio veræ mensuræ virium in moventium.

1) **A**gant vires V v per tempora D d , dum producant effectus E e . 2) Vis eo est major, quo major effectus ab eadem intra idem tempus producit. Seu: Effectus intra idem tempus præstiti sunt viribus producentibus proportionales. Si fuerit $D = d$, erit $V : v = E : e$. 3) Quo majus est tempus, per quod vis eadem vel æqualis operatur, eo majorem illa producit effectum. Seu: Effectus ab æqualibus viribus producti sunt proportionales temporibus, in quibus producantur. Si fuerit $V = v$, erit $D : d = E : e$. 4) Virium ratio componitur e directa ratione effectuum & inverse temporum, per quæ agunt, dum effectus suos producant. Seu: Est $V : v = Ed : eD$. Nam si vis V in tempore D præstat effectum E per num. 1, præstabit intra idem tempus vis v effectum $Ev : V$ per num. 2. Porro si vis v in tempore D præstat effectum $Ev : V$ ex demonstratis, eadem in tempore d præstabit effectum $dEv : DV$ per num. 3. Est adeo $e = dEv : DV$ per num. 1 & $eDV = dEv$: unde patet propositum. 5) Effectus virium V v corpora M m celeritatibus C c in moventium sunt motus in his corporibus a viribus istis excitati. Hinc, si motus seu lationes corporum horum dicantur

tur L l , erit $E : e = L : l$ per num. 1. 6) Motuum quantitates sunt impetibus corporum inotorum proportionales. Est adeo $L : l = CM : cm = E : e$ per num. 5. 7) Eo rapidius agit vis, quo minus tempus consumit in producendo effectu. Seu: Rapiditates actionum a viribus exercitarum sunt in ratione reciproca temporum, quæ actionibus impenduntur. Hinc si virium V v rapiditates in agendo dicantur R r , erit $R : r = d : D$ per num. 1. 8) Quo rapidior celeriorque motus a vi producitur, eo rapidius agit vis movens. Seu: Celeritates motuum productorum sunt proportionales rapiditatibus actionum a viribus producentibus exercitarum. Hoc est: $R : r = C : c = d : D$ per num. 7. 9) Tempora, per quæ vires agunt, dum effectus suos, motus scilicet corporum, producant, sunt reciproce proportionalia celeritatibus, quibus corpora mota feruntur. $D : d = c : C$ per num. 8. 10) Vires moventes sunt in ratione composita celeritatum productarum & impetuum corporum inotorum. Nam $V : v = E : e \times d : D$ per num. 4 $= E : e \times C : c$ per num. 8 & 9 $= CM : cm \times C : c$ per num. 5 & 6 $= C^2 M : c^2 m$. Id quod erat demonstrandum.

LEVENSBESCHRYVING VAN BEROEMDE EN
geleerde Mannen, &c.

h. e.

BIOGRAPHIÆ VIRORUM ILLUSTRUM
ac eruditorum. Adduntur occasus hominum celebrium
recentissimi, & nova memorabiliora
alia.

Tomi IV.

Amstelodami, apud Adrianum Wor & Hæredes Onder de
Linden, 1730 & 1731, 8 maj.

Singuli Tomi constant Alph. 2, cum Iconibus variis.

Dignam

Dignam certe civium suorum & expectatione & plausu, quem meretur, operam susceperunt clarissimi aliquot in Batavis doctrina ac ingenio Viri, dum animum adjecerunt primum ad elaborandum vernaculo Belgis sermone partitimque typis vulgandum *Biographias Virorum illustrium ac eruditissimorum* variorum ordinum, ætatum, terrarum & gentium. Viguit ista semper apud cultissimos quosque orbis populos consuetudo, ut præclaræ mortalium virtutes, in publicos quondam patriæ usus exproptè, post illorum fata, laudatissimo utique instituto, literis mandarentur, justisque cohonestarentur elogiis. Qua re adeo & pietati, ipsorum memoriæ debitæ, satisfactum, & posterorum etiam utilitati, ex præstantium exemplorum sedula contemplatione atque imitatione resultanti, quam maxime consultum esse, nemo diffitebitur temere. Usurpatum hoc prisca ætate Græcis & Romanis, & frequentatum idem recentiori tempore politissimis Europæ nationibus. Unifere Belgæ ad hunc usque diem negligētiore fuisse deprehenduntur in tradendis scripto sua lingua summorum & pietate & literis Virorum Viris. Quamvis enim negari non possit omnino, exstare Belgico sermone istiusmodi Commentationes, vel primitus ita elaboratas, vel aliunde abs interpretibus traductas, una plures; hæ ipsæ tamen, si ad aliarum gentium, Germanorum maxime atque Gallorum, in argumento simili industriam contendās, paucissimæ longe existunt & vix in numero haberi merentur. Supplere itaque hunc defectum pro virili parte instituerunt doctissimi hujus *Syllogæ Biographicae* conditores collectoresque, gratiam se non plane nullam a gentilibus suis inituros confisi, si & illis, qui Græca & Latina, aut exterorum alia quævis idiomata, haud adeo callent, variz fructuosæque lectionis, cujus cupidissimi sunt inter Belgas plerique, materiam luculentam suppeditarent, vernaculoque ipsis sermone proponerent non indigenarum tantum, sed & exterorum, non hujus tantum ævi, sed & præteritorum temporum, homines meritis atque eruditione insignes. Inter deliberandum, quoniam potissimum ævo scriptio- nis telam quam commodissime ordirentur, visum tandem fuit,

ab illa inde tempestate auspiciū capere, quā, quod scribunt ipsi, medias inter ignorantiae atque impietatis, quibuscum miserrime conflictari ante aliquot Secula & Ecclesiam & Rempublicam oportuit, tenebras, exorta paulatim sunt in utraque lumina, quae emendationi tum doctrinae divinae pariter ac humanae, tum morum, Seculo demum XVI ineunte plenius erumpenti, praeluserunt. Neque tamen in purioris tantum cultus instauratoribus vindicibusque Autorum diligentia subsisteret; quin & aliorum subinde rationem se habituros esse promittunt, qui variis, gravioribus pariter atque amoenioribus, scientiis illustrandis excolendisque perennem nominis famam consecuti sunt; immo vero ne illi quidem penitus omittentur, qui ex ipsa veritatis oppugnatione sui memoriam quodammodo protulerunt. Hujus igitur instituti rationes cum ita sint comparatae, veluti diximus, quod a nobis hoc loco fieri & sperare & postulare poterunt nostri Lectores, amplius ferre est nihil, quam ut curatum illis, quemadmodum de Cl. *Niceronii* simili Opere facere identidem consuevimus, Indicem exhibeamus Virorum, quorum historia singulo quoque Volumine continetur. Hoc iis poterit demum usui esse atque commodo, qui de comparanda sibi unius atque alterius notitia exquisitiori curiosi, illam hoc Compendio, curate tamen ac jucunde, expositam offendent. Illud adhuc moneamus in antecessum, unumquemque *Tomum* in *quinque* iterum peculiares *Partes* dispesci, & singulari rerum maxime commemorabilium Elencho concludi, vestibulum vero cujuslibet elegantissima iconē, cum subiecta ipsi Belgicis versibus *Ενρυκαφῆ*, ingeniosa ut plurimum atque elaborata, exornari.

Age vero, in rem praesentem veniamus. *Tomi* itaque *I Pars I* sistit *Vitas Berengarii*, qui Seculo XI sua de praesentia non reali, sed figurata, corporis & sanguinis Christi in S. Coena sententia innotuit; *Petri de Brui*, a quo *Petrobrusianis* odiosum quondam nomen indiderunt Pontificii; *Henrici*, Monachi cujusdam Tolosani, & *Petri* denique *Abalardi*. *Pars II* exhibet *Vitas Arnoldi de Bres*, & *Petri Wal*, a quo *Waldenses*, testium veritatis, & *Historiam Inquisitionis*. Continuat

nuatur hæc materia *Parte III*, & subjungitur notitia *Roberti Grosthead*, Episcopi Angli, *Lotbardi Waltheri & Wiclevi*; quod idem fit *Parte IV* de Historia *Joannis Hussi & Hieronymi Pragensis*. Concludit hunc Tomum *Part V*, cum Memoria *Joannis Ziska*, cujus virtus bello *Hussitico* innotuit, & *Gobelinii Persona*, testis itidem veritatis.

Tomi II summa hæc est. Scilicet *Partem I* integram absolvit notitia *Laurentii Costeri*, quem primum omnium artis Typographice inventorem exstitisse, operose adstruitur, hujusque rei gloria Harlemonsis Belgis contra negantes Germanos & Gallos quomodocunque vindicatur. *Part II & III* destinantur *Historiæ Academicarum*, seu, ut vulgo vocant, *Universitatum*, per universam, qua cultior est, Europam & olim & recentiori tempestate institutarum; quo loco, veluti egregia plurima in medium afferuntur, ita tamen universa non adeo vel liquida, vel firma, deprehendimus, ut acquiescere in singulis momentis possint curiosi argumenti hujus inquisitores. Post hæc *Parte IV* *Vitæ Poggii Bracciolini*, Florentini, *V* autem *Laurentii Valla*, studiose recensentur. Ceterum *Tomo illo II* & sequentibus in hoc discessum aliquantisper fuit a prioris instituto, quod ad calcem cujusvis Fasciculi subnectantur *Nova Academica*, Dissertationum, Promotionum, & similis generis, in Academiis Belgicis recentissime habitarum enarrationem complexa.

Auspicium *Partis I Tomi III* faciunt *Biographiæ Antonii Panormita*, & *Joannis Regiomontani*. Sequuntur *Parte II* *Vitæ Thomæ a Kempis*, & συγγεγραμμένη ipsi *Joannis Brugmanni*, Monachi ex Minoritarum Ordine, qui magnas suo tempore turbas Amstelodami excitavit. *Parte III* enarratur Historia Cardinalis *Bessarionis*, & *Julii Pomponii Lati*; *IV* *Theodori Gaza* & *Joannis Pici*, Mirandulæ Comititis; & *V* denique *Joannis Joviani Pontani*.

Tomum IV evolventibus primo statim loco occurrit elaboratissima de *Joanne Wesselo*, *Gansfort* cognominato, narratio. Mox *Parte II* legitur *Vita Rudolphi Agricola*; *Parte III* *Vita*

Vita Hieronymi Savanorolæ ; Parte IV Vita Ulrici Zwinglii ; & postremum V Vita Martini Lutheri.

Nova illa memorabiliora, in titulo promissa, atque occasus *hominum illustrium*, Principum puta exteriorum & summorum in Belgarum Republica Virorum, obitus, mutationes item in Statu tum Politico, tum Ecclesiastico, subinde in eadem factæ, quantumvis grata utraque non possint non accidere Lectoribus Belgis, nos tamen, qui *Eruditorum Acta* condimus, minus tangunt. Istud interim silentio a nobis prætermitti nefas fuerit, passim hic etiam soletur admodum atque curiose describi vitas Virorum doctrina scriptisque illustrium, qui postremis demum annis e vita excesserunt ; quorum elenchum similiter huc referre operæ pretium existimamus. Enimvero leguntur *Tomo I Vita Joannis Fabricii, Joannis Harduini, Caroli Schaaf, Gottlieb Wernsdorffii, Christiani Thomassii, Jo. Caroli Spießii, Friderici Adolphi Lampii, & Jacobi Lensant ; Tomo II Vita Jo. Andrea Danzii, Jo. Henr. Helcheri, Medici Vratislaviensis, Richardi Steele, Nic. Hier. Gundlingii, Jo. Franc. Buddei, Luca Schræckii, atque Thomæ Crenii ; Tomo III Joannis Kanoldi, Medici Vratislaviensis, qui perperam, licet constanter, hic Ranoldus scribitur : Joannis a Marck, Theologi Lugdunensis, Danielis Clerici, & Joannis Kahleri ; & Tomo IV Vita Jacobi Fruitier, Theologi Roterodamensis, Isaaci Newtoni, Jacobi Saurin, Simonis Friderici Hahnii, Friderici Ruyschii, Joannis Hübneri, & Theodori denique Hæfæ ; qui omnes fere & singuli meritis suis in eruditam civitatem amplissimi hoc consecuti sunt, ut vel nuda nominis appellatione abunde cognoscantur. Libet, antequam calamum omnino deponamus, speciminis gratia adhuc recensere, quæ *Tomo II de Thomæ Crenio* commemoraverunt Viri Clarissimi, quod paucis inter eruditos illa perspecta existimemus, qui tamen plus forte vice simplici de illo inaudiverunt. Et principio statim incertus est admodum ipsius locus natalis. Sunt, qui ex Marchia Brandeburgica ortum duxisse perhibeant ; cum alii Hungariam *Crenio* patriam adscribant, quod publice fecit inter alios *Caro-**

lus Arndius, Professor demum Rostochiensis, in *Bibliotheca Politico-Heraldica Selecta*; quam tamen posteriorem persuasionem falsam esse contendunt, qui *Crenio* superstiti adhuc familiaritate fuerunt conjuncti. Hoc contra exploratum omnino habetur, non verum istud ipsi fuisse nominis, sed viri-
 li demum ætate adscitum, & cum *Thoma Theodori Crusii* appellatione cominutatum. Literis interim mature admodum operam dedit, & linguarum, Latinæ & Græcæ, immo vero etiam Orientis idiomatum, Historiæ porro, Philosophiæ, ac doctrinæ sanctioris, notitiam non omnino proletariam sibi comparavit. Præter alias Germaniæ Academiæ, in Vitebergenſi atque Giessensi præcipue studia ipsum coluisse, argumentis non inficiandis constat, quarum in postremam annum circiter 1669 delatus, & *Petri Haberkornii*, Professoris, patrocinio suffultus, postquam pro more Dissertationem de *Angelorum intellectu* ex cathedra publica propugnasset, Philosophiæ & liberalium artium disciplinas per modicum tempus privatim exposuit. Inde ad munus sacrum in pago quodam Ducatus Cellensis, *Blumenbæge*, obeundum vocatus, non multo post in Hungariam superiorem abiit, & Rector Scholæ Eperienſis, liberæ & Regiæ illius Provinciæ urbis, a Confessione Augustanæ additis constitutus, hanc etiam provinciam post breve itidem intervallum, ignotum, qua causa, iterum deposuit. Non ignoramus varia de illo in vulgus sparsa, a *Ψευδωνυμο* etiam scriptore, qui *Severini a Clamoribus* larvam sumisit, (vero autem *Ernesti Martini Plarrii* nomine venit,) singulari ad *Amicum de Vita, studiis & moribus Tb. C. Epistola*, Amstelodami A. 1706, in 4, impressa, acerbius quondam objecta, atque *Crenium* inter alia desertæ ob alterius femellæ amorem legitimæ uxoris, & hinc fugitivum, accusatum fuisse; quod tamen in medio merito relinquimus. Hoc interim expeditum est, *Crenium*, postquam Germaniam ultro citroque peragrasset, Roterodami primum, & mox Lugduni Batavorum, confedisse, victumque sibi formandis privatim ad humaniora studia puerorum ac juvenum ingeniis comparavisse; quo ipso tempore, quod supra jam monitum est, avitum cognomentum *Crusii* in *Crenii* appella-

pellationem transmutavit. Hæsit posteriori loco triginta plus minus annis, vitamque ibi tandem A. 1728 octogenario proximus privatam conclusit. Tranquille hanc & in literario otio transegit inter libros suos confesescens, quorum ingentem numerum, minutiorum maxime atque rariorum, undiquaque mira cum solertia congesserat. Dignum notatu est, quod hac occasione referunt Autores Clarissimi, *Bibliothecam Crenianam* & numero & delectu præstantissimas quasque & amplissimas Bibliothecas, quod quidem minutiora illa, quæ diximus, & rariora Schedia attinet, immo ipsam illam Celeberrimi nuperque defuncti Theologi Bremensis, *Frid. Adolphi Lampii*, superavisse, quæ tamen vix parem, in hoc genere habere vulgo existimabatur. Addunt iidem, cum tandem Octobri mense ejusdem Anni auctio de illa publica Lugduni instituenda esset, qui Catalogi editionem curaverat, in præmissa Præfatione publice *indigestam molem Bibliothecam hanc Crenianam*, & quidem ex vero, appellitasse, quæ & fordidæ titulum non secus promeruisset, siquidem omnes illius fere libri spurcissimo habitu in emtorum manus pervenissent. De hoc interim quomodocunque fuerit comparatum, istud ipsi denegari laudis nequire arbitrantur, excelluisse *Crenium* in cognitione literaria atque libraria; omnigena scriptorum lectione poluisse; neque demum libros frustra collegisse, aut soli sibi, quod invidia multorum fit, servasse, sed in publicos plurium usus diffudisse liberaliter. Testantur hoc vulgatæ successive ab ipso passimque propriis Animadversionibus illustratæ, variorum Opusculorum *Συλλογαι*, tum Roterodami, tum Lugduni editæ. Pertinent ad hunc censum *Consilia & methodi aureæ studiorum optime instituendorum*, tribus Tomulis in 4 Roterodami A. 1692, 1696 & 1699 impressa, & quinquaginta quinque omnino scriptis hujus argumenti constantia, quæ inter autem uno plura pretii levioris occurrunt, quæ sine quodam piaculo, intelligentiorum arbitrio, omitti penitus potuissent. Pertinent huc porro *Animadversiones Philologica & Historica, novæ librorum editiones, Præfationes, Indices, nonnullaque summorum aliquot Virorum labeculas notatas excutien-*

tes, Roterodami A. 1695, 4. Plus quam satis titulo huic satisfecisse *Crenium* Nostri judicant, & liberiori quandoque calamo illustrium in literis heroum, *Erasmi*, *Camerarii*, *Bezae*, *Casauboni*, *Vorstii*, *Heinsii*, *Gretii*, *Vossii*, *Seldeni*, *Gatakeri*, *Huetii*, aliorumque, hallucinationes ac παραρρέματα annotavisse. Pertinent denique huc quinque *Fascies Exercitationum Philologico-Historicarum*, inter Annos 1697 & 1700 typis exscripti, & aliud *Syntagma* minoris molis, *Christophori Helvici Elenchos Judaicos*, *M. Antonii Probi Orationem de Monarchia Regni Israelis*, & *Raphaelis Eglini*, Tigurini, *Captivitatis Babylonica Historiam*, complexum. Notæ sunt insuper in vulgus *Dissertationes Creniana de libris scriptorum optimis*, & *de singularibus scriptorum, de furibus item literariis*, & *Annotationes in passionem Dominicam*. Dum in Germania adhuc commoraretur, edidit *Explicationem trium priorum Psalmorum*, & sub nomine *Dorothei Sicuri* (unde literis paulisper trajecit *Theodori Crusii* cognomentum apparet,) alia duo Schediasmata; unum *de Prudentia Ecclesiastica*, alterum *de Origine Atheismi in Romana & Protestantium Ecclesiis*, inscriptum.

GOTTLÖB AUGUSTI JENICHEN, PHIL.
 & Jur. D. De *Prisco Favoleno*, Jcto incomparabili, & præcipuo Seculi sui ornamento, Dissertatio
 ad FRIDERICUM OTTONEM MEN-
 CKENIUM, Jur. & Phil.
 Doctorem.

Lipsiæ, apud Jo. Christianum Langenhernium, 1734, 4.
 Plag. 4½.

Nemini cuiquam ex antiquis Jctis profecto magis triste atque acerbum fatum accidit, quam *Prisco Favoleno*, Jcto sua ætate sine controversia doctissimo, de quo vel plane nihil consignarunt literis Viri docti, vel pauca & proletaria com-
 me-

memorantur, vel solum horrendum *Plinii* carmen, quo illum in dubiæ sanitatis hominum numerum censumque retulit, recitarunt. Operæ itaque pretium fecit *Cl. Jenichius*, Collega noster conjunctissimus, qui hac Dissertatione non solum de vita, doctrina, moribus, discipulis, & libris *Javolenti* præcepit, verum etiam vindicem calamum strinxit adversus improbum & maledicum *Plinium*, qui tam immiti & inhumana censura *Javolentum* præter jus fasque notavit. Complectitur hæc Dissertatio, quam *Fridérico Ottoni Menckenio*, Amico suo, consecravimus Autor, multa nova, singularia, & quæ frustra quaesiveris apud alios, ut non injucundum fore speremus, si potiora selectioraque Dissertationis hujus Capita breviter stricimque indicaverimus. Patriam *Javolenti* in Italia quærendam esse censet, & contra *Hottomannum*, qui ad peregrinos homines eum temere ablegat, disputat. Magna diligentia recenset *Priscos* veteres, qui vel in legibus, vel marmoribus, vel præcis Autoribus reperiuntur. Sed, qui summam industriam adhibuit *Priscis* indicandis, quos leges vel marmora ostendunt, non eadem sollicitudine nobis versatus esse videtur in ceteris *Priscis*, quorum mentionem faciunt antiqui Scriptores. Fallimur, aut solos illos *Priscos* sua commemoratione dignos judicavit, qui præ aliis majorem excellentioremque nominis gloriam famamque consecuti fuerunt. Alias profecto non omisisset *Marium Priscum*, cujus memoriam servavit *Plinius* L. II Ep. 11 & 12, *Stillonium Priscum*, cujus notitiam eidem *Plinio* L. III Ep. 9 debemus, *Helvidium Priscum*, cui disertam sapientiam tribuit Autor *Dialogi de Orat. Cap. V* n. 7, & cujus persæpe in libris suis meminit *Tacitus*, *Priscum Faussejum*, cujus immoderatam ambitionem perstringit *Martialis* Lib. I Epigr. 112, cujus avaritiam reprehendit idem Lib. VII Ep. 47, & cujus mentionem injicit idem Lib. VIII Ep. 1, Lib. IX Epigr. 5, & Lib. XII Ep. 92, *Terentium Priscum*, qui Autore *Martiale* L. IX Ep. 79 librum de conviviiis scripsit, & cum quo Lib. X Ep. 3, Lib. XII *Præf. Ep. 1, 4 & 14* blande amiceque loquitur; & pro cujus redditu Lib. VIII Ep. 44, & Lib. XII Ep. 62 pia captaque vo-

- Pag. 15, 17. ta nuncupat *Martialis*. Sed e diverticulo in viam. Jucundæ utilesque Observationes sunt, quibus post Ill. *Heineccii* curam *Salvii Juliani*, *Favoleni* discipuli, vitam illustrat. Inprimis placuit nobis illa observatio, qua *Julianum* sub primis Divorum fratrum Imperii annis naturæ reddidisse debitum satis clare atque aperte ostendit. Neque poenitebit quemquam legere ea, quæ pro integro, incorrupto, & perpetuo mentis vigore *Favoleni* argumenta protulit *Jenichius*. Nugatur certe *Plinius*, quando *Favolenum* emotæ mentis hominibus improbe & illepidè annumerat. Primo unus testis *Plinius* hoc dixit. Secundo suspectæ & subleste fidei testis est *Plinius*, quem insanus erga *Paulum Passienum* amor, & immane in *Favolenum* odium, ad hanc fabulam excogitandam impulit. Tertio nequaquam verba *Favoleni*, quibus *Paulianorum* carminum recitationem deprecatus est, insani quidquam continent. Nolebat enim Vir gravis, severus, & negotiosus, aliena Carmina, quæ ab aliis immodico pretio redimere, & pro suis recitare solebat *Paulus*, quemadmodum id ante *Favolenum* jam *Martialis* & *Juvenalis* indicaverant, audire, & augere juvenilem alienis plumis sese exornare cupientis, libidinem. Quarto & ipse sibi contradicit *Plinius*, illaque officia tribuit *Favoleno*, quæ profecto nemo administrare poterit, cujus mens extra sedes suas evagatur. Accurate quoque definit Autor, quo tempore in aliam vitam se receperit *Favolenus*, eundemque sub ultimis *Trajani* Imperii annis satis concessisse probat, illorumque sententiam, qui ipsum ad *Antonini Pii* usque imperium vixisse affirmant, argumentis certissimis refellit. Tacemus ceteras, quibus *Favoleni* sui vitam ornavit, Observationes, Tibique, Lector, Opusculum bonæ frugis plenum magnopere atque vehementer commendamus, utque simili industria aliorum, quos prisca tulit ætas, summæ existimationis Jctorum fata & merita e suis protrahere tenebris pergat, ipsum Cl. Autorem modeste rogamus.



NOVA ACTA ERUDITORUM,

publicata Lipsiæ

Calendis Aprilis Anno MDCCXXXIV.

EXPEDITIO HISPANICA APOSTOLI S. Jacobi Majoris asserta, & ex S. Paulo Apostolo confirmata, Dissertatio Historico - Critica. Accessere Appendices tres: 1) de Æde Cæsaraugustana, a Columna dicta, per S. Jacobum constructa; 2) de gravissima autoritate Breviarii Romani; 3) Sylloge Autorum omnium gentium omniumque ordinum, qui expeditionem Hispanicam S. Jacobi Majoris asserunt; Autore EMMANUELE CAJETANO SOUSA, Clerico Regulari, Regiæ Majestati a Consiliis, Bullæ Sanctæ Cruciatæ Pro-Commissario Generali Apostolico, & Regalis

Academiæ Quinqueviro

Censore.

Tomus I.

Ulyssipone Occidentali, ex prelo Joseph. Anton. a Sylva, 1737, fol.

Alph. 9 pl. 21.

Musas sacras, literarum & historiarum cum primis amantissimas, ad ipsa columnarum Herculearum marisque Atlantici confinia domicilium suum renovasse, tum læti intelligimus, tum ex Opere præsentis, quippe locupletissimo teste, edocemur. Genius sæculi a Regum Procerumque pendet ac for-

T

ma

matur arbitrio studioque. Lusitani culturæ literarum fidus novum ex Augustissimi Regis clementissimo in Musas amore repetunt, meritoque deducunt. Hoc ipsum agnoscit Operis hujus Venerabilis Autor, siquidem is Dissertationem suam, quæ est instar copiosi Voluminis, Augustissimo Principi, *Joanni V*, Lusitanorum Regi, inscripsit, eidemque initia Evangelii per Lusitanam sparsi, ac summa *Jacobi* merita, exponit. Laudibus simul gravissimis effert *Mariam*, Christi matrem, tanque *cali terraque reginam*, ac patronam, a Rege *Joanne IV* in tutricem regni adscitam, appellat. *Carolus Magnus* singulari religione in *S. Jacobum Majorem* fuisse, addit. Si hoc ipsum nititur loco *Turpini*, qui habetur *Cap. III de gestis Caroli Magni & Rolandi p. 68*, causa dicta est. Libro præfixæ sunt approbationes Academicorum Regionum, & Autoris admonitio, qua docet, sese auctoritatem non nisi humanam scripto suo tribuere. Argumenta pro expeditione *Jacobi* Hispanica, plenissimo de sinu prolata, effecerunt, ut tres Appendices Tomum Operis constituent. Nunc ad rem ipsam properamus. In Præfatione occasio descriptionis, expositio tituli, divisio Operis, & ratio methodi stilique, enarrantur. Ven. Pater *D. Hieronymus Contador de Argote*, Clericus Regularis, & Regalis Academiæ Socius, A. 1722 edidit *Dissertationem*, Lusitanice scriptam, de *Adventu S. Jacobi in Hispaniam*, comprobato autoritate Doctoris maximi, *S. Hieronymi*, quæ exstat in Collectione Actorum Regalis Academiæ eodem Anno. Præterea *D. Joannes de Ferreras* ante duodecim annos, & quod excurrit, *Dissertationem pro expeditione Hispanica S. Jacobi* juris publici fecit, & pro ea resumit arma in *Dissertatione Apologetica de Predicatione S. Apostoli Jacobi Zebedæi in Hispania*. *D. Augustinus de la Roca* eodem sine edidit *Discursum circa duas Dissertationes, Ulyssipone editas, de Adventu S. Jacobi in Hispaniam*. Nomen Autoris est personatum. Alius, qui *D. Andrea Durana* nomen sibi sumsit, Opusculum edidit ejusdem argumenti, quod est inscriptum: *Defensa de la venida, y Predicacion de Sant Jago el Mayor en Espanna*. Ex horum scriptis se profecisse, Autor, modestiæ laudibus ornandus, haud

Pag. 4.

5.

6.

haud dissimulat. Post prologum descendimus ad tractationem ipsam, quæ in tres Partes, ac duo Parerga, Epilogumque; Partes rursus in Sectiones, Sectiones in Assertiones, dispescuntur. Inprimis Lectori Autor persuadet, expeditionem *Jacobi* Hispanicam esse honorificam cælo & terræ, decoram Lusitanæ & Hispaniæ, honorificam Ecclesiæ militanti, cælo, ipsi Apostolo, *S. Paulo*, Ecclesiæ triumphanti, sanctissimæ virgini *Maria*, Christoque. Dein ostenditur, expeditionem illam non ob stare literis sacris, speciatim Actibus Apostolorum, loco martyrii *Jacobi*, Epistolæ *Pauli* ad Romanos, tempori divisionis Apostolorum, præcepto Christi, *Eusebio*. Præcipue nervos intendit Autor omnes, ut traditionem de mora Apostolorum, Hierosolymis per duodecim annos continuata, evertat, eoque consilio examinat testimonia *S. Thrasæ*, Martyris, *S. Apollonii*, Martyris, *Clementis Alexandrini*, Pontificum *Leonis I* & *Gregorii I*, *Innocentii I*, *Gregorii VII*, *Clementis VIII*, nec non Patrum, nominatim *Augustini*, *Venantii Fortunati*, *Adonis Viennensis*, *Petri Venervabilis*. Respondet porro ad ea, quæ proferri solent contra illam *Jacobi* expeditionem Hispanicam ex monumentis Hispaniæ, MSto Toletano, quod *Garcias Loaysa* produxit, & Cardinalis *Baronius* fide sua dignatus fuit, ex Magistro *Ysa*, ex dissidio Autorum Hispaniæ circa itineris momenta, aliisque capitibus. Hinc regeruntur nonnulla ad silentium antiquorum, sacri Codicis, Conciliorum, Martyrologii Romani, Græcorum, Latinorum, ac ad clamorem recentiorum, expeditionis fidem elevantium. Inprimis ad testimonium *Missalis Gathici*, quod a *Josepbo Maria Thomasto*, Cardinali, editum fuit, nonnulla respondentur. Hoc ipso Autor impedimenta sibi progressuro ademta esse credit, ac inde argumenta promit aientia per totam partem tertiam. Hispaniam mature Christo dedisse nomen, ex *Irenæi* Libro I adversus Hæreses Cap. III patescit. *Jacobum* in Hispania Evangelium promulgasse, testis est *Origenes Homil. XII in Genesin*. Apostoli enim ab excessu *Stephani* Protomartyris per orbem dispersi cœperunt, i.e. anno quarto & trigésimo æræ vulgaris, Autore *Gregorio Nysseno* in Sermone de *S. Stephano*. Autor vi-

Pag. 531.

533.

- Pag. 536. *tz S. Heliodori* in *Actis Sanctorum Tom. I d. 3 Julii pag. 649 C.* Episcopos de Gallie confinibus tradit *Jacobum* vocasse suum prædicatorem in precibus, ad *Theodosium Magnum* directis. Regeruntur simul ab Autore nonnulla ad *Objectiones Conradi Janningi, Joannis Baptiste Sollerii, & Joannis Pinii, Continuatorum Bollandi*, qui Autorem vitæ *Heliodori* fabulis refertum & recentiorem esse perhibuerant. *Hieronymus* in *Epistola ad Antonium de modestia Tom. II Opp. p. 218 edit. Froben.* Hispaniam ab Apostolis Evangelio collustratam prædicat. Quod repetit in *Comment. ad Cap. XXXIV Es. v. 12.* Octavum Calendas Augusti, i. e. 25 Julii, esse festum translationis ossium *Jacobi* in Gallæciam diem, Autor comprobare nititur ex *Martyrologio Romano* ad eum diem, ex *Autore Sermonis XXV ad Fratres in cremo*, exhibiti inter Opera *S. Augustini* in *Appendice Tom. VI edit. S. Maur.* ex *Opere Comitiss Sancti Hieronymi pag. 1049*, ex *Martyrologio*, quod *Hieronymi* esse tradiderunt *Cassiodorus, Beda, Walfridus Notkerus*, alique, ac edidit *Franciscus Maria Florentinius A. 1668 fol.* porro ex *Calendario S. Romana Ecclesie*, edito ab *Edmundo Martene Tom. V Thesauri Anecdotorum*, ac ad *Seculi V initia* ponendo. Fatendum tamen est, in hisce ne verbum quidem de expeditione *Jacobi* Hispanica commemorari. *Paulum* Hispanis nuntiasse Christi doctrinam, vix negari potest. Nam id distincte habetur in *Martyrologio Romano* ad diem 22 Martii, ac ipse obiit *ἡλθὼν ἐπὶ τὸ πτερον τῆς δόξης*, uti autor est *Clemens* in *Epistola ad Corinthios §. 5 p. 148 seq. Tom. I Cotelerii.* *Pearsonus* rite intellexit Hispaniam per occasus terminum, respectu ad locum, in quo *Clemens* scribebat, habito. At hoc non obstat, quo minus *Jacobus* ibidem Evangelium docuerit, dummodo testimoniis id evincatur locupletissimis. Hoc ut præstet Autor, provocat ad locum *Hieronymi*, exponentis *Cap. XI v. 14 Esaiæ.* Si locum ipsum evolavimus, duo ibi traduntur: unum est, quod Apostoli, toto orbe dispersi, Evangelium prædicarint, cummaxime per plagam Occidentalem, quæ Oceani ambitu clauditur; alterum est, quod *Paulus* ad Hispanias quoque delatus sit navibus. Quid hinc

hinc pro *Jacobi* expeditione Hispanica colligi queat, Lector facile odoratur. Sed nec hoc Autorem ipsum fugit. Qua de causa diligentiam in conquirendis testimoniis aliis collocat. Provocat eo nomine ad Autorem, cujus scriptum reperitur inter *Opera Chrysofomi Tom. II p. 522* editi Antwerp. A. 1614. Is enim, *Petrum, Joannem, & Jacobum* per Occidentem docuisse, fatetur. Ne intelligas *Jacobum Alphaï*, timet *Antonius Caracciolus*; quare in *Controversia de Accessu S. Jacobi ad Hispaniam n. 26 p. 49* edit. 2 monet, hunc perpetuo Ephoriz Hierosolymorum præfuisse. Noster addit, ab *Anonymo* illo dici, *Jacobum* cum *Petro & Joanne* ab Orientalibus fuisse ejectos, quod in *Jacobum Alphaï* non quadret. Suspiciamur inter hæc, *Anonymum* hypothese suæ servivisse, qua inductus, ritum Occidentalium a nonnullis Apostolis erat derivaturus. *Caraciolo* tamen subscribit *Michael Erce Ximenes* in libro de *Prædicatione S. Jacobi in Hispania P. I Tract. IV Cap. IV n. 2 f. 95*. *Dupinius* *Anonymum* illum credit fuisse *Severianum*, Episcopum Gabalitanorum, Gallum. Nam Gabali exsiterunt in Gallia, Episcopatus vero postea translatus est ad Ecclesiam Mimatensem, testibus *Hadriano Valesio* & *Dionysio Sammartiano*. In Concilio Bracharensi *Cap. III* legitur, *Petrum Ratiasensem*, Apostolum Hispaniæ, a *Jacobo*, Domini consanguineo, in Hispaniam missum. *Macedo* in *Diatriba de adventu Jacobi in Hispaniam Cap. XV* de eo Concilio dubitat cum *Magdeburgensibus, Baronio, Natali Alexandro, & Sebastiano Tilemontio*. Illud contra vindicat *Franciscus Leitaon Ferreira*, Academicus Lusitanus, in Dissertatione pro hoc Concilio. Autor tamen largitur, exemplaribus, quæ nunc de illo Concilio habemus, deesse antiquitatem debitam. *Licinianus*, discipulus *Augustini*, in Epistola (*) ad *Vincentium*, Episcopum, de *Jacobo Majori*: *Ex Hispania reversus est Hierosolymam*. *Leo I Magnus* ab hac sententia non est alienus. *Licinianus* dicitur obiisse A. 583. Autor ipse

Pag. 593.

596.

598.

600.

T 3.

(*) Apud *Egidium Gonzales de Avila* in *Theatro Ecclesiastico Tom. I p. 305*.

- ipse non fedit ejus testimonio, dubitans, an Epistola illa sit genuina. *Isidorus*, Hispalensis Episcopus, præsides Concilii quartii Toletani, expeditionem *Jacobi Majoris* Hispanicam propugnat in libro *de Ortu & Obitu Patrum* Cap. LXXXI. Librum illum *Isidoro* adjudicat *Baronius* ad A. 816, adjudicant contra *S. Braulion*, coævus vitæ *Isidori* Scriptor, & *S. Ildephonsus*, defunctus A. 667, ac Ven. *Beda* (*) cum *Sigeberto Gemblacensi*. *Beda* ideo laudavit *Marchio de Mondexar* in Diss. *Predicacion de Sant Jago en Espanna* Cap. II f. 116. Cap. XXII f. 131, & Cap. XXVI, qui contra *Natalem Alexandrum Isidoro* librum laudatum assignat Cap. XX. Est, qui Caput LXXI ac sequentia *Isidoro* assuta autumat, siquidem eum *Jacobum*, cui tribuit Epistolam Catholicam, in Hispaniam is tradiderit profectum, cum tamen idem *Isidorus* eam Epistolam tribuerit *Jacobo Minori* in *Etymologiarum* Lib. VII Cap. IX. Varia hic in adversum admonet Autor Venerabilis, eruditionem solidam spirantia. Mirum dictu est, *Jacobum*, *Isidoro* teste Cap. LXXI libri *de Ortu & obitu Patrum*, sepultum fuisse in *Marmarica*, cum indubie humatus sit Hierosolymis. Et undenam dicuntur ossa *Jacobi* in Hispaniam translata, nisi Hierosolymis? At Autor erudite ostendit, exstitisse *Marmaram*, urbem Syriæ Euphratensis seu Comagenæ, cujus Rex *Antiochus Herodi Agrippa* fuerit amicissimus. *Isidorus* porro *Paulum* dicit vocatione novissimum, predicatione primum. Sed hoc Noster de magnitudine laboris exponit. *Isidorus* Cap. LXIX testatur, *Paulum* in Hispania nuntiasse Christi doctrinam. At hæc diluuntur distinctione inter predicationem *Pauli*, nullis regionibus circumscriptam, & præconium reliquorum Apostolorum, certis terris determinatum. Hinc Autor producit testimonium *S. Braulionis*, defuncti A. 646, ex *Vita Isidori*. Locum primo urisit *D. Joannes de Salazar*, in Tr. *Apologetico de Predicatione S. Jacobi in Hispania* Cap. VIII p. 83, & dein *Fr. Augustinus a Sancta Maria* in Diss. de Adventu & predicatione *S. Jacobi* n. 41. *Braulionem* excipit

(*) In *Retractione ad Acta Apostolorum* Cap. I.

pit testimonium *Juliani*, Archi-Episcopi Toletani, defuncti A. 691, e Commentario super *Nabum*, quem Noster adversus *Natalem Alexandrum*, & alios, *Juliano* vindicat. Succedit *Beda*, qui in *Excerptiōibus Patrum*, Tom. III Opp.col. 485 *Jacobo* Hispaniam sortito obtigisse refert. At *Excerptiōes* illas *Bellarminus* & *Possevinus* indignas *Beda* censent ob nœnias corrasas & vetularum fabellas. At stilus & modus colligendi cadit utique in *Bedam*, plus lēctionis & eruditionis, quam iudicii & critices habentem, iudice *Dupinio*. Addit Noster vindicias post *Dupinium* amplissimas. Sequitur *Martyrologium Blumanum*, in Codice Monasterii *S. Petri Wilembergensis* scriptum, editum a *Francisco Maria Florentinio* cum *Martyrologio Lucensi*, ubi p. 1055 legitur : *Jacobus, filius Zebedæi, frater Joannis*. Hic ad Spaniam & occidentalia loca prædicat, & sub *Herode gladio casus occubuit*. Succedunt testimonia *S. Beati*, Presbyteri Libaniensis, *Martyrologii Gelonenfis*, a *Luca d'Acherio* Tom. XIII *Spicilegii* editi, ubi verba *Martyrologii Blumani* repetuntur ; porro *Freculphi Lexoviensis* Tom. II *Chron. L. II Cap IV*, *Walafridi Strabonis* ex *Poemate de Templo Deipara*, *S. Nozkeri Balbuli*, A. 912 defuncti, e *Martyrologio*, quod, cum condiscipulo *Henbano* in cœnobio *S. Galli* compilavit, *Sifnandi*, Episcopi, circa annum 914 viventis, *Calixti II*, erecti ad solium summi Pontificatus A. 1119, *Ottonis Frisingensis Chron. Lib. III Cap. V*, *Metelli*, Tegerseensis, Tom. III *Mabillonii* p. 663. Postea Autor depromit testimonia ex monumentis a quarto inde Concilio Lateranensi usque ad Concilium Tridentinum. Tandem hisce subjicit testimonia temporum, quæ a Concilio Tridentino effluerunt. Recensentur etiam nomina eorum, qui contra *Hæreticos Magdeburgenses* & *lucifugas*, (ita eos vocat Autor,) expeditionem *S. Jacobi* Hispanicam propugnauerunt, nominatim *Ambrosii Morales*, *Casaris Baronii*, *Bartholomæi Laurentii*, qui A. 1591 *Cæsaraugustæ* edidit librum, inscriptum : *Indice de los Autores, que tratan de la venida de Sant Jago a Espanna*. His adjunguntur *Petrus Hieronymus Cencdo*, *Jacobus Vuldesius*, *Didacus de la Mota*, qui A. 1604 *Pinciz* edidit

Pag. 622.

629.

643.

658 seq.

669 seq.

681 seq.

- edidit librum *de Adventu S. Jacobi in Hispaniam*, in 8, Hispanice, *Christophorus de Castro, Franciscus Padilla, Joannes Fernandes de Velasco*, qui A. 1605 Pinciae edidit *dos Discursos, en que se defiende la venida, y predicacion del Apostol Sant Jago en Espanna, Michael Martinez a' Villar, D. Didacus de Castillo, Joannes Mariana, & Franciscus Suarius, Granatenfis, Jesuitæ, D. Maurus de Castella Ferrer, D. Sancius Davila & Toledo, Franciscus Jesu & Xodar*, alique.
- Pag. 737. Sectam dubitantium de certioribus quibusvis ab orco erupisse Seculo XVI, Autor dicitur, qui robur insigne traditioni de expeditione *S. Jacobi* Hispanica promittit ex traditione populari, familiari & pia, Ecclesiasticaque, nec non ex Breviariis Lusitanæ, Bracharenfis & Eborensis, porro Hispaniæ, nominatim ex officio *Mozarabo* seu *Isidoriano*, Codice officiorum de Sanctis Toletanis, & Breviario Romano Ecclesiarum Galliciæ, Italiæ, nominatim Capuanæ, Lucensis, & Comensis, ac aliarum. Profecto, si testimonia primorum quinque Seculorum tam distincta, quam postremæ ætatis, forent in promptu, lite superfederent haud ægre Viri eruditissimi. In parergo primo ostenditur, in Gallæcia esse fontem aquæ saluberrimæ, decurrentis de saxo, quod *S. Jacobus* baculo percusserit, ut hoc
- 743 seq. miraculo comprobaret Evangelii doctrinam. Parergo secundo inquiritur in criteria traditionis veræ, sed falsitatem infringentia magis, quam veritati congruentia. Non deminus fidem traditioni, quæ institutis & testimoniis locupletissimis omnium Seculorum radiat, inprimis ejus, quo res ipsa contingit, imo proximi. Sed, ubi fides Virorum ætate supparium
769. ac propiorum debita deest, tum malumus cauti, quam creduli, videri. Habet tamen Autor, quæ hic quoque multa cum verisimilitudine doceat. Revelationibus privatis porro corroborare studet expeditionem *Jacobi* Hispanicam. At, si ex invicem repugnent, causa est conclamata. Quis? quæso, singulas annotavit, ut de pugna dubitari queat? Suffigitur Epilogus, & sphalmatum Index, qui, *Callixtum* semper esse scribendum, inter alia commonefacit.
- 833 seq.
- 843, seq.
- 850 seq.

JOANNIS LAUNOJI, CONSTANTIENSIS, Parisiensis Theologi, Socii Navarrei, Opera omnia, in quinque Tomos & decem Volumina distributa.

Tomi III Pars I & II.

Coloniz Allobrogum, sumtibus Fabri & Barrillot, Sociorum, & Marci-Michaelis Bousquet & Sociorum, 1732, fol.

Alph: 12 pl. 20.

Pergimus in præstantissimis Cel. *Launoji* Operibus brevi recensendis, quorum hic Indicem quendam exhibebimus *Tomi tertii*. In hunc *Tomum*, qui est Operum *tertius*, ea omnia collegit Cl. Editor, quæ *Launojus* de Monachorum Privilegiis scripsit. In *Parte prima* hujus *Tomi* primum locum occupat *Inquisitio in chartam immunitatis, quam Germanus, Parisiorum Episcopus, suburbano monasterio dedisse fertur*. Descripsit initio hujus Inquisitionis chartam illam *Launojus*, qua Germanus Monasterium suburbanum *S. Vincentii*, nunc *S. Germani a Pratis*, ab omni Episcopali auctoritate liberum declaravit, eamque spuriam esse & adulterinam, viginti quatuor momentis commonstravit. Quæ quidem argumenta, cum *Robertus Quatremarius*, Benedictinus, confutanda sibi sumisset, *Launojus*, adumbrata hujus responsionis imagine, pressius vestigia adversarii insecutus est, & iterum descripto *Germani* falso privilegio, momenta Inquisitionis novis argumentis stabilivit, ac Benedictini Objectiones copiosius refutavit. Ipsa *Aassertio Inquisitionis* hujus quatuor constat *Partibus*. *Prima* referuntur Privilegia duo, unum *S. Germani*, Parisiensis, alterum Castellienfis Monasterii, excerptum ex Epistola XLII *S. Bernardi*, atque ex Lib. III de Consideratione. *Parte secunda* Aassertionis momenta Inquisitionis primum, sextum, septimum, octavum, nonum, decimum tertium, decimum quartum, decimum sextum, & vigesimum

Pag. 1 seq.

25. seq.

38 seq.

- tertium, repetuntur, & variis denuo argumentis munita, ab exceptionibus adversarii vindicantur. *Tertia Parte* Assertionis momenta Inquisitionis secundum, tertium, quartum, quintum, decimum, undecimum, duodecimum, decimum quintum, decimum septimum, decimum octavum, decimum nonum, vigesimum, vigesimum primum, & vigesimum secundum, non referuntur solum, sed inagis etiam magisque confirmantur.
- 115 seq. *Quarta* assertionis *Parte* alia ac diversa rerum momenta, quæ ad hanc controversiam pertinent, pertractantur, & inter alia *Hugonis*, Sangermanensis Monasterii Abbatis, testimonium pro immunitate ejusdem monasterii refertur & infirmatur, *Innocentii III* ad *Robertum*, Sangermanensis Monasterii Abbatem, Epistola exhibetur, & subreptionis accusatur, adscripta *Chlodoveo primo* immunitas *S. Petri Vivi*, Senonensis Episcopi, Privilegia duo subditiia vel saltem interpolata esse probatur, *Aimoini*, Historiæ Francorum Autoris, locus & tempus afferuntur. Hanc Assertionem sequitur *Examen privilegii S. Germani, Parisiensis Episcopi*, atque hoc excipit *Inquisitio in chartam fundationis & privilegia Vindocinensis Monasterii*, quod *Gottfridus*, Comes Andegavensis, condidit A. 1040, quodque Sanctissimæ Trinitatis appellatur. Inter idem victa, quibus hæc charta supposititia dicitur, momenta in Præfatione hæc inprimis refert Cl. Editor: quod in ea *Gottfridus* doceat, se Romam profectum fuisse, cujus tamen itineris Autores æquales vel suppare nullam mentionem fecerint, fuisse omnino Andegavense MSt. & Malleacense Chronica, in quibus multa de Comitibus Andegavensibus referantur: quod subscribant *Benedictus* & *Clemens*, Romani Pontifices, quasi *Vindonici* fuissent, qui tamen in Gallias nunquam venerint, &c. Succedunt Observationes septendecim in primum *Urbani V* Privilegium *S. Victoris*, Massiliensis, Benedictini, quo ab omni Episcopali autoritate monasterium ac territorium immune & liberum credatur, cui subjungitur aliud *Urbani V* Privilegium, quod *S. Victorini* Benedictini excogitasse in Præfatione dicuntur, septem Observationibus a *Launojo* reversum. Hæc subsequitur Inquisitio in Privilegia Præmonstratensis Ordinis, ubi cum ex uno *Alexandri V* Privilegio ab
- Epi-

Episcopali autoritate libertatem & exemptionem hauriant Præmonstrantes, in id evertendum maxime *Launojus* incubuit. In Opusculo, quod inscribitur: *Capituli Laudunensis Ecclesie jus apertum in Monasteria Præmonstrantium Diocesis*, cum variis argumentis, tum testimoniis, demonstratur, Laudunense Capitulum in Præmonstrantes auctoritatem habere. *Partesecunda* hujus *Tomi* continet Examina quorundam Privilegiorum. Cum enim Capitulum & Canonici *S. Martini*, Turonensis, Episcopalis auctoritatis immunes se dicerent, atque ea de re mota esset controversia, Procurator Regis tanquam ab abusu ad Senatam Parisiensem provocavit. Canonici pluribus se tegebant Privilegiis, quorum veritatem explorat *Launojus*, atque nihil ex iis colligi posse demonstrat, etiam si vera forent, invocato tum Gallicanæ, tum Romanæ, Jurisprudentiæ auxilio. Privilegium *Adeodati* falsum ideo esse dicitur, quia incarnationis Dominicæ, Pontificis, & Imperatoris, anno caret, & ad omnes Galliarum Episcopos scribitur, cum tantum una causa agatur Episcopi Turonensis: quod in eo mentio fit pacti inter Monachos *S. Martini & Crotherum*, Turonensem Antislitem: cujus tamen pacti autographum non habeatur. Hinc confictum hoc *Adeodati* Privilegium conjicit *Launojus*, propterea quod *S. Martini* Monachis hujus generis fraudes sunt familiares. Quam in rem descripsit falsum quoddam Privilegium ab Tullensi secunda Synodo concessum. Episcopi autem, qui instrumento subscripsisse dicuntur tam nominibus, quam numero, differunt ab iis, qui Concilii Canonibus subscripserunt. Maximam vero hujus *Partis* partem occupat *Inquisitio in privilegium, quod Gregorius monasterio S. Medardi dedit*. Privilegium hoc dicitur datum VII Cal. Junii Anno ab incarnatione Dominicæ 594 indictione XI. At inter *MStos Gregorii VII* Codices non reperitur, eumque latuit. Sine dubio ejus mentionem fecisset, non oblitus Augustodunes Xenodochii Privilegium, cum in utroque reperitur eadem anathematis formula adversus Reges aliosque Principes. In prioribus *Gregorii* editionibus ad calcem *Libri XII* adjectum fuerat Privilegium, nec nisi *Sixti V* tempore editione Romana locum in altero libro obtinuit. Hinc subditum

Pag. 606

seq.

1 seq.

16 seq.

90 seq.

Pag. 133
seq.

Præf.
18.

lium colligit Privilegium *Launovus*. Susceperat hoc quoque Privilegium propugnandum *Quatremarius*, Benedictinus, quem refutaturus ille, Assertionem edidit suæ Inquisitionis tribus Partibus constantem. In hoc libro ea, quæ ad Privilegia exemptionesque pertinent, tam docte pertractasse dicitur, ut vix quidquam desiderari possit.

S. AUGUSTINI, EPISCOPI HIPPONENSIS, ad OPTATUM, Episcopum Milevitani, de Natura & origine animæ Epistola secunda. Accessit ejusdem S. AUGUSTINI Epistola de Pœnis parvulorum, qui sine Baptismo decedunt, scripta ad PETRUM & ABRAHAM. Prodeunt nunc primum ex Bibliotheca libere & exemptæ Ordinis S. Benedicti, Abbatiae Gottwicensis.

Viennæ Austriæ, apud Jo. Adam. Schmidium, 1733, fol.
Plag. 7.

Epistolas hæc duas, antehac nondum editas, cum orbe erudito communicat Ven. Abbas Gottwicensis cœnobij, *Godsfridus*, suæque in partem lætitie vocat Reverendissimum & Illustrissimum Dominum *Dominicum Passioneum*, Archiepiscopum Ephesinum, *Clementis XII* ad Augustissimum Imp. *Carolus VI* cum facultate Legati de latere nuntium, cui utramque Epistolam dedicavit. Opera *Augustini* dudum formis publicis descripta prodierant, nominatim Basileæ A. 1505 per *Joannem Amerbachium*, ibidem A. 1529 cura *Desiderii Erasmi* typis *Frobenianis*, A. 1577 ex typographia *Plantiniana*, A. 1689 Parisiis cura Monachorum Benedictinorum e Congregatione *S. Mauri*, Amstelodami recusa A. 1700 cum Auctario, & quidem studio *Joannis Clerici*. Nihilo secius hæc duæ Epistolæ nondum formis publicis fuerant expressæ. In præfens haud licet Pontificiis dubiam de *creatione animarum* amplecti sententiam. Ipsi enim statuunt, ipsas in dies e nihilo creari,

creari. ac singulas singulis infundi hominibus. Lites de peccato animæ innato Theologos plerumque habuere sollicitos, & ipsæ semper arctissimo vinculo quæstionem de animarum origine attingerunt. Creationem suadet simplicitas animæ; propagationem animarum ingerit doctrina de labe innata. Neutri veritati repugnat natura animæ. Ad propagationem propendit *Augustinus*; creationem præferebant *Hieronymus*, *Stridonensis*, *Optatus*, *Milevitanus*, alique. *Augustinum* mordebat scrupulus ille, quomodo animæ non ex Adamo veniant, & tamen ex illo justam sortem damnationis trahant, nisi ad remissionem peccatorum perveniant renascendo. Scripsit *Augustinus* A. 914 *Libros quatuor de Anima & ejus origine*, quorum primus est ad *Renatum*, Monachum, alter ad *Petrum*, Presbyterum, reliqui duo ad *Vincentium Victorem*. Porro insignem de *Origine animæ hominis* ad *Hieronymum* dedit librum, quo, *Pelagianos* refutaturus, non approbat illam *Hieronymi* opinionem, docentis, singulas animas novas nascentibus fieri. Rescripsit *Hieronymus*, sed, quo minus opinionem suam tueretur argumentis, angustiis temporum fuit exclusus. *Optatus* inde, *Milevitanus* Episcopus, de argumento hoc spinoso ad *Renatum*, Monachum, Cæsaream Mauritanix literas dedit. *Renatus* & quidam *Mureffe* eam ob causam petierunt ab *Augustino*, ut sententiam suam expromeret. Rescripsit *Augustinus* A. 418 Epistolam satis amplam, fecerens certa religionis Christianæ dogmata a quæstione ipsa, in qua modestissime sese gerit exponenda. Biennio post alteram rescripsit *Optatus* Epistolam, quæ periit, & qua opinatio de creatione animæ denuo fuit propugnata, tanquam recepta & antiqua. Respondit *Augustinus* admodum humaniter in ea Epistola, quæ hic in dias luminis profertur auras, suam de origine animæ ignorantiam aperte confessus, ac, certum quid in hac controversia statui posse, negans, asserens tamen, a negantibus traducem eousque certa & perspicua e sacris literis testimonia nondum fuisse adducta. Tres *Augustini* de hoc argumento exstiterunt ad *Optatum* Epistolæ, patet ex *Fulgentii Lib. III de Veritate Prædestinat. & Gratia Cap.*

18. Secundam Epistolam Veni. Autor, & evocatus in superpetias perquirendarum membranarum veterum R. P. Bernardus Pezrus, de Republica literaria immortalem in modum meritus, A. 1732 adulta ætate invenerunt in Codice Bibliothecæ Gottwicensis membranaceo, cujus scriptio ad Seculum XII referenda. In Codice eodem post secundam *Augustini* ad *Optatum* Epistolam supererat alia, æque inedita, ad *Petrum* & *Abraham*, quos Præsul Hipponensis dominos dilectissimos & sanctos filios vocat, quosque prædicat eo, quod sic instruerant vitam, qua Deo serviebant, ut legendis scriptis ipsius, adversus Pelagianos Ethnicosque concinnatis, vacarent. Plurcula quaesierat uterque ex *Augustino*, inprimis an parvuli, qui nihil male vivendo addiderint ad originale peccatum, ante susceptum Baptismum defuncti, a Deo condemnentur. Hoc ipsum & in responsoria hac & alibi *Augustinus* prompte constanterque affirmat, eo quod non credentes condemnentur. De cetero, sese ad omnia jam pæne in Opusculis suis respondisse, addit, differens nonnihil de suo de *Civitate Dei* Opere, cujus XIV Liber enodatas propositurus sit quaestiones, quas uterque in Epistola sibi enodandas proposuerat. Gratulamur tantis Viris tam felicem de publico bene merendi occasionem, & exoptamus, ut complures Bibliothecarum scrutatores eadem queant exsultare.

CHRISTFRIEDI WÆCHTLERI, JCTI ET
Advocati Dresdensis quondam Celeberrimi, Opuscula
Juridico-Philologica rariora, in unum Volumen collecta;
cum Præfatione CHRISTIANI HEN-
RICI TROTZII, JCTi.

Trajecti ad Rhenum, apud Jacobum van Lanckorn, 1733, 8.
Alph. 2 pl. 8.

Veros JCTos, qui non tantum verba, sed vim ac potestatem legum tenent & rimantur, ad emendationem earum raro, nisi summa id exigat necessitas, devenire, min-
non

non minus Jcto turpis sit multitudo earum, quam Medico funerum, in confesso est. Quare nec mirari subit, cur Vir doctissimus masculæque Jurisprudentiæ promovendæ studio-
 fissimus, *Christianus Henricus Trotzius*, Opuscula Juridico-Philologica rariora B. *Wachtleri* studiose magnoque pretio hæcenus ab eruditis conquesta, uno Volumine typis iteranda curaverit. Si qui enim sunt, qui animam forensi opera fessum solida legum cognitione & interpretatione sine multa ac varia emendatione oblectari & refici, ac eruditis suis scriptis aliis inservire, allaboraverunt, sane inter eos non infimo loco erit nominandus *Wachtlerus* noster, cujus Elogium vide sis in his *Actis A. 1733 Mense Februarii p. 91 seq.* nec non in per-
 erudita, quam Doctiss. *Trotzius* hisce Opusculis præmisit, Præfatione, ex qua abunde elucet, mervisse hæc, ut nova veste donata junctum in conspectum proferrentur eruditorum. In principio autem, præmissa Dedicatione, causas satis graves, reverentiam
 pios erga defuncti manes, & Operum raritatem pariter ac præstantiam, indicat, quæ eum commoverunt, ut *Wachtleri* præclara hæc Opuscula luci publicæ exponeret. Adjecit insuper candide & honorifice nomina eorum, qui ei, communicando rariora hæc scripta, adjumento fuere, ac copiose eruditus probat, consilio, non impetu, ad Opuscula hæc edenda se accinxisse; præsertim cum hæc Opuscula sparsim in lucem emissæ; neque ab ipso Autore, vel ab alio quocunque, unquam junctim recusa, & singulari Volumini mandata sint, cum tamen secundum *Symmachi* sententiam quodam pacto societatem laudis affectet, qui aliena benedicta primus enuntiat. De Vita & Scriptis *Wachtleri* eleganter & docte in pauca congestit ea, quæ notatu erant dignissima. Et, ne lateat Historia Operum & quæ inde in rem literariam redundatura videtur, insignis utilitas, eam quoque paucis enodavit.

Horum 1) est a p. 1 - 190 Tractatus de *Eviſſionibus*, quem Autor A. 1680 Dresdæ in 4 luci exposuit sub titulo; *Recitatio singularum legum Tit. D. de Eviſſionibus, ubi illustratio textuum per continuam paraphrasin unice tentatur*; qui liber ab eruditis unanimi consensu exceptus ac approba-

Præf.
 pag. 1 - 4.

5 - 8.

9 - 34.

tus est, uti hoc commendationes laudesque *Caspari Ziegleri, Gothofredi Schilteri, & Gundlingii*, in Præfatione adductæ, indubitate testantur. Eo autem gravior hic Tractatus fuit, quod exemplo *Cujacii, Duareni, Alciati, Brunnemanni*, aliorumque, ad singulas leges commentatur, & argumentum hoc per se amplissimum est, ac per omnes fere contractus longe diffusum. In ipso hoc autem Tractatu non tantum Viros inclytos, *Georgium Frantzkium*, qui *Caballinum & Donellum*, uti ipse fatetur in Præfatione ad Lectorem, Commentario ad Pandect. præmissa, præeuntes habuit, verum etiam *Nicolaum Burgundium*, aliosque, qui de Evictionibus scripsere, secutus, &, quæ ab illis vel pro gravitate materiæ non accurate satis tractata, vel plane intacta relicta, supplevit, vel, si quid humani passus sint, fideliter correxit, eosque in viam rectam deduxit. Rarius Autorem falcem Criticam in hanc messem injecisse, de sola legum analogia, vero earum sensu, & ratione, tantum sollicitum, recte judicat *Cons. Trotzius*, quædam ad Criticam spectantia sub finem Præfationis adjiciens, ut vel iis faciat satis; qui hæc desiderant, vel ut ostendat, nunquam adeo bene subduci posse rationes, quin ætas, ratio, & altior studiorum cura, iis aliquid addat aut detrahat. Notulas denique ipsius *Wachtleri*, quæ in calcem Operis olim in vet. edit. conjectæ, textui jam subijcere satius duxit. 2) Sequuntur a p. 191 - 337 *Notæ ad Gerardi Noodt, Jcti & Antecessoris quondam in Academia Lugduno-Batava, Probabilium Libros tres, A. 1681 Vitembergæ in 8 editæ*, quarum nonnullas anno præcedente Dissertationi suæ Inaugurali ad Librum primum Probabilium jam junxerat Autor. Quæ ipsa Dissertatio, uti in Præfatione, Notis his præmissa, indicat, occasionem hujus Scripti præbuit. Ita autem se ubivis gessit, ut modesti & candidi Critici nomen mereri videatur. Vel ideo autem hic nobis laudandus est *Wachtlerus* cum Viro erudito in Miscellaneis Observationibus in *Aut. vet. & recent. Vol. III Tom. I p. 113*, quod vivum vegetumque *Noodtium*, inque flore juvenutis constitutum, aggressus sit, neque ut *Anonymus*, ceu putat *Cl. Barbeyracius* in *Eloge de Mr. Noodt, p. 61* libri, cujus titulus: *Recueil de*

Præf.
pag. 36 - 41.

de Discours sur diverses matieres importantes; quem ideo humani quid hac in re passum esse, demonstret Trotzius. Notis hñce Wachtleri iteratis editionibus quædam reposuit Noodtius, quædam monitus tacite emendavit. Sic in prima Probabilium editione in Inscript. Lib. II Cap. 12 erat: *Sensus ejus capitis novus ac verus. Et aliter, ac solent, exposita l. 75 §. ult. de V. S. item l. 11 §. 1 & 2, l. 30 §. 1 de A&F. emt.* quæ ultima verba in sequenti omisit. Ex quibus & iisdem similibus luculenter constat, non fuisse, ut adeo invisum Wachtleri nomen haberet Noodtius, quod exprimere in scriptis suis dedignaretur. Post Wachtlerum se opposuisse Noodtio Amplissimum Bynckershakium, Ulr. Huberum, aliosque, commemoratur; hinc jam singulis Capitibus herciscundo novas Notas superaddere non difficile fore censet Trotzius, cujus rei ideo infra specimen quoque dedit. Denique præstantiam hujus Operis in eo potissimum consistere tradit, 1) quod nova sint, quæ proponat, argumenta; 2) quod Opus Basilicorum cum legibus Romanis comparaverit; 3) quod Codicis Florentini exemplar, vel Codices, ad exemplar illud evulgatos, secutus, antiquas lectiones tuitus fuerit, & a vi majore defenderit. Has Notas excipit 3) a pag. 337-390 Libellus, seu Διάσπασμα de veteri Jure enucleando ad Nicetam Spilium, Argent. A. 1684 in 12, excusus, ubi Nicetam Spilium, (cujus verum nomen fugit Autorem, eum tamen Vincentium Placcium non fuisse p. 370 probat,) & Ill. Godofr. Guil. Leibnitium, qui per literas initiales G. G. L. L. indicatur, novum & meliorem ordinem Corporis Juris suadentes, a p. 366 usque ad finem refellit, præmissa compendiosa explicatione Tit. Cod. de Veteri Jure enucleando. Varia hic suppleri & illustrari posse ex Ill. Ludwigi Comment. ad Inst. & Cl. Conradi Notis ad Laur. Theodori Gronovii Historiam Pandectarum authenticam, seu ad Epistolas tres, Justiniani, Imperatoris, Pandectis & Codici præmissas, putat Doctiss. Trotzius: sed ipsum Wachtlerum in Actis hñce A. 1713 Mense Maji p. 205 decem & novem Capita Operis Gronoviani pulchre ad examen revocasse, & crisin Gronovii rejecisse, vel dubiam reddidisse,

Præf.
pag. 41-44.

quo Lectorem remittit, indeque etiam habuisse Cl. *Conradi & Wielingium*, quo nuperrimas suas editiones ornare potuissent. Ceterum haud immerito inter pia desideria repouenda esse censet, quæ p. 382 in fine *Wachtlerus* his verbis proponit, *Et gaudebo, dicens, si & Nicetas Spilius distinctum ac secretum a positivis legibus Jus Romanum meditatur, eo animi proposito, ut eruantur ex omni textu propositiones innatae*. Hoc ipso enim fecisset id, quod & Vir hac in re præstantissimus *Sam. Pufendorfius* in Prælatione alteri editioni J. N. & G. præmissa, commendavit verbis: *Unde meo judicio magnopere expediret, succinctum Indicem formare in libros Juris Romani, quo indigenter, quæ ibi ad Jus Naturæ, quæque ad positivum spectent*. 4) Sequuntur *Miscellanea quædam Autoris, ex his Actis excerpta*, a pag. 391 usque ad finem Ordinem in his servavit temporum Nolter, simulque se excusat, quod recensiones & excerpta Actorum tantum exscripserit, cum ipsa illa Autoris autographa, quæ hæcenus habere non potuerit, in posterum daturus sit, quod & sperandum & optandum. Erudita hæc esse omnia & valde curiosa, contra Viros Celeberrimos & in re literaria illustres conscripta, quorum nonnulli, quos recenset, *Wachtlerum* responsione dignati sunt tam in his *Actis*, quam & alibi; rem facturos esse gratissimam & eruditis & librario pollicetur, si, qui nomen suum hæc inter *Miscellanea* inveniunt, *Tomo II* responsiones quasdam jungere velint. Tandem & illarum recensionum, quæ sine nomine ad *Acta* contulit *Wachtlerus*, accuratum subjecit Catalogum, præsertim quod hisce Opusculis jungere, illa supervacaneum esse duxit; nec non Epistolarum & Excerptorum, quæ in fronte nomen Autoris exhibent, quo una, ut dicunt, fidelia duos dealbaret parietes, & Lectoris judicium de futuris his provocando, & ejus laborem in argumentis illis recensendis niuium quantum levando.

54.

Ut vero eraditi sciant, qualem utilitatem ex *Tomo II Wachtlerianorum Opusculorum* sibi promittere possint, & quid bonæ spei reliquum sit, & hæc communicat scilicet; 1) Continuationem ex *Actis Eruditorum*; 2) Dissertationem Autoris inauguralem de re difficillima in Jure, ad *Ulpiani L.*

5. §. 2 D; Commodat. & L. 23 D; de R. 7. five de gradibus culpæ in contractibus, ejus occasionem & contenta accurate recenset. 3) Lectionem cursoriam ad L. 7 D; de Pactis, Vitebergæ in Auditorio Jctorum die Promotionis habitam. *Wachtlerum* analytice hanc Legem per singulos Paragraphos resolvisse, verum ubivis sensum verborumque vim indagasse, Criticis Observationibus hinc inde adpersis, Conf. *Trotzius* sigillatim & fusius deducit. 4) Orationem solennem, eodem die Promotionis habitam, de immortalitate boni legislatoris, quam in partes diducit, & occasionem dicendi declarat. 5) Ipsas integras Epistolas, ab Autore *Dresdæ* diversis temporibus editas, quas simul indicat. Accedet his Epistola de Numero jurium in re, ad Virum Celeberzimum, *Schwendendorferum*, *Dresdæ* A. 1682 excusa. Scripta est contra Ill. *Thomasmum*, qui sex falsa in Dissertatione *Wachtleri* notaverat in Specimine, cui titulus: *Vindiciae pro dominio contra servitutem*, quod Appendicis loco Dissertationi de *Philosophia Juris ostensa in doctrina de Obligat. & Act.* Lipsiæ A. 1682 habitæ, junxerat. 6) *Anonymi* recensionem succinctam eorum, quæ Patres Concilii Tridentini pro veritate Evangelica dixerunt, secundum Historiam *Sfortia*, Cardinalis *Pallavicini*, Lipsiæ Anno *Breitkopfiano* A. 1730 excusam, ejus recensionis Autorem *Wachtlerum* esse, primus hic publicavit *Trotzius*, & nos, quibus id certo constat, confirmamus. Claudent agmen 7) *Wachtlerianorum* Lectiones *Grotiana*, quarum *Liber primus* Lipsiæ prodiit A. 1680 in 12, & *secundus* Vitebergæ A. 1682 in 12. Quocirca confutat judicium Autoris Bibliothecæ Juris imperantium sibi ipsi contrarium. Et tandem, uti in superioribus jam diximus, erudita quædam, quæ passim apud veteres recentioresque interpretes de vera lectione legum observaverat, Tit. de Evictionibus, nec non Notis contra *Noodtium* & *Miscellaneis*, superaddidit quæ legi merentur. Plura etiam de altera parte Tit. II *Lib. XXI D. de dupla stipulatione*, quæ ad adminicula emtionis refertur *l. 72 D. de contr. emt.* a nemine adhuc professæ opera pertractata, eaque limatiora in *Tomo II* propositurum se promittit; quem eruditi avide expectant, quemadmodum præsentem *Tomum I* jam exceperunt.

Præf.
pag. 54 - 59:
59 - 61.

61.

62.

63.

64.

65 - 70.

OB.

OBSERVATIONES IN PROSPERI AQUITANI
Chronicon integrum, ejusque LXXXIV annorum cy-
clum; & in ANONYMI cyclum LXXXIV annorum,
a MURATORIO editum; nec non in ANONYMI La-
terculum Paschalem centum annorum, a
BUCHERIO editum.

Amstelodami, apud Jo. Boom, 1733. 4.

Alph. 2 pl. 2.

Tres in hoc Volumine Tractatus comprehenduntur, ab Autore *Anonymo* editi. Quorum unus inscribitur: *Observationes in Prosperi Aquitani Chronicon integrum, ejusque LXXXIV annorum cyclum.* In hujus Tractatus Parte prior Chronici *Prosperiani* Codices manu exarati, ac variz editiones typis impressæ, recensentur, & virorum doctorum de eo judicia exponuntur; atque, hoc Chronicon integrum, a *Labbeo* editum, esse genuinum *Prosperi Aquitani* Opus, adstruitur. Deinde *Prosperi* Canon Chronicus, ab *Adamo* usque ad *Tiberii* annum XV constituitur; & ejus recapitulatio in *Tiberii* annum XV, ut & altera in Consulatum *Theodosii XIV* restituitur & explicatur; & passionis Christi annus, juxta *Prosperum*, in *Tiberii* anno XV figitur & vindicatur. Denique genuini *Prosperi* Consules restituantur. In ejusdem Tractatus Parte posteriora de cycli LXXXIV annorum fine & initiis, quæ in *Prosperi* Chronico notantur, agitur, *Prosperum*que fuisse verum hujus cycli Autorem, contra *Bucherium* probatur. Porro, qualis ille cyclus fuerit, indagatur: cyclus *Prosperianus*, a *Bucherio* constructus, itemque cyclus Paschalis LXXXIV annorum, a *Noriso* editus & illustratus, expenditur, & contra hunc Autorem demonstratur, Romanam Ecclesiam tempore *Leonis*, Papæ, vero illo usam esse cyclo *Prosperiano*, non autem illo, quem ex *Anonymi* falsis edidit *Norisus*. Qua occasione etiam agitur de *Dionysii* cyclo lunari, quem accepit a Computistis Orientalibus, qui æram mundi Constantinopolitanam instituerunt, & de embolismi in hoc cyclo ratione: de embolismo in Enneadecaeteride Alexandrinorum, & de initio anno-

annorum in hoc cyclo, non a luna Paschali, sed a luna mensis Thoth apud Ægyptios, aut a luna mensis Septembris apud Græcos: de *Dionysii* Epactis lunæ, & ejus concurrentibus, five Epactis solis, quas ex Cyrilli XCV annorum cyclo desumptas, in suum totidem annorum cyclum transfudit: item de *S. Maximi*, Monachi & Martyris, computo Paschali: nec non de iis apud *Bedam* locis, in quibus testari videtur, cycli decemnovennalis annos initium sumere a neomenia mensis Paschalis. Quibus tandem tria Diagrammata cycli LXXXIV annorum subjunguntur, quorum unum a *Noriso*, reliqua duo ab Autore nostro sunt constructa. Sequitur Tractatus alter, five *Observationes in Anonymi LXXXIV annorum cyclum, a Muratorio editum*. Hunc cyclum Paschalem, a librariis male habitum, explicat & corrigit Autor, atque methodum Latinorum Paschalem ex eo detegere satagit. Deinde eundem, ut est a *Muratorio* editus, proponit, adjunctis correctionibus, & harum correctionum rationibus. Denique diagramma addit, cum lunationibus a luna mensis Januarii ad lunam mensis Paschalis, & cum duplici serie annorum Christi, quarum altera ab A. 298, altera ab A. 382 deducitur, licet, hunc cyclum non citius, quam A. 382, a Romana Ecclesia receptum fuisse, Autor arbitretur. Restat Tractatus tertius, qui inscribitur: *Observationes in Anonymi Laterculum centum annorum Paschalem, a Bucherio editum*. In hoc Laterculo cyclum Paschalem LXXXIV annorum, quo Romana Ecclesia jam inde ab A. Chr. 312, & forte jam inde ab A. 293, usa fuit, latere putat Autor noster, quod variis rationibus probare contendit. Eaque occasione cyclus ille LXXXIV annorum, quo antiqui Britones, Picci, & Scoti, seu Hiberni, usi sunt, ex veterum scriptis exponitur, & *Usserii* de hoc cyclo, ejusque autore *Sulpicio Severino*, sententia ad examen revocatur: porro de cyclo LXXXIV annorum Judaico fuse agitur, ab eoque cyclum Ecclesiæ Romanæ multum differre ostenditur. Subjunguntur denique cum ipse Laterculus Paschalis, *Bucherii*que correctiones marginales, & variz lectiones, ex editione *Eccardi*, tum diagramma cycli LXXXIV annorum, juxta hunc Laterculum dispositi.

NOVA ACTA ERUDITORUM
OPERE FISICO-MEDICHE, &c.

i. e.

OPERA PHYSICO-MEDICA, IMPRESSA
& manu exarata, Equitis ANTONII VALLISNERII,
collecta ab ANTONIO, ejus
filio.

Tomus II.

Venetius, apud Sebast. Coleti, 1733, fol.
Alph. 6, Tabb. æn. 36.

De primo horum Operum Volumine, de Vita Autoris incomparabilis, de instituto filii Editoris, *Mense Jan.* hujus Anni mentionem fecimus. Nunc alterum prodiit Volumen, quod quinque Tractatus *Vallisnerii* complectitur. Quorum unus Observationes exhibet de constitutione verminosa & epidemica, equos in Ducatu Mantuano & territorio Veneto infestante, itemque de lue bovina, & generatim de vermiculis pestilentialibus. Certis enim verinibus, majori copia in corpore animalium propagatis, horumque intestina, vasa, & humores pervagantibus, ejusmodi lues universas attribuendas esse, non dubitat *Vallisnerius*. Idemque animalcula, quæ equos tunc temporis in Italia afflixerunt, eorum figuram, partes præcipuas, mutationemque in chrysalides & muscas, quæ sub equorum caudis adhærescentes, ovula sua intestinis ingerere consueverant, quam accuratissime describit, ac Schematisimis illustrat. Additæ sunt huic Tractatui aliæ nonnullæ Observationes; de muliere ingentem vesicularum, copiam enixa; de terebinthibus naves & ligna in mari arrodentibus, quorum animalculorum ovula mari prope littus innatare, ac deinde navibus adhærere, ostenduntur; de vitello monstroso; de foraminibus in aculeo Scorpionis Africani; de rara quadam locusta; de fungis e meninge humana natis; de flore aloes Americanæ; de arcano lenticulæ palustris semine, atque admiranda vegetatione; de

de generatione & ovis anguillarum; de infectis quibusdam marinis. Sequitur præclarum Autoris nostri Opus de generatione hominis; de quo in *Supplem. Aëtor. Tom. IX Sect. IV p. 156* satis copiose disseruimus. Tertium locum occupat Tractatus de corporibus marinis, quæ sub montibus reperiuntur. De quibus rebus, itemque de constitutione telluris tempore diluvii, ante & post illud, ita disputat Autor, ut plerasque doctorum hominum opiniones afferat ac refellat, terram post diluvium montosam ac minus fertilem factam esse neget, de cetero nihil definiat, ignorantiamque suam ingenue fateatur. Quartum Opus complectitur varias Observationes, ad Historiam Medicam & Naturalem spectantes: & quantum denique agit de usu & abusu potus & balneorum calidorum atque frigidorum. Illud *Menſe Nov. A. 1726 p. 495* hoc *Menſe Majo A. 1727 p. 221* recensuimus. Itaque nunc nihil addendum videtur.

AN ESSAY CONCERNING THE NATURE
of Aliments, and the choice of them, &c.

h. e.

TENTAMEN CIRCA INDOLEM ALIMENTO-
rum, eorumque selectum, secundum diversas corporum
humanorum constitutiones; quo varii effectus, commoda
& incommoda diætæ animalis aut vegetabilis expli-
cantur. Altera Editio; cui accesserunt Regule practi-
cæ diæteticæ variis humani corporis morborum consti-
tutionibus accommodatæ, per JOANNEM ARBUTH-
NOTH, M. D. Collegii Medicorum & Socie-
tatis Regiæ Socium.

Londini, typis J. Tonſon, 1732, 8.

Alph. 1 pl. 5.

Plinius, cum ea, quæ ad rem escariam pertinent, in Libros
Historiæ suæ naturalis conferre vellet, Libri XX præce-
mio, quantum laborem hoc ipſo suscepit; declarat:
Maxi-

Maximum hinc natura opus ordiemur, & cibos suos homini narrabimus. Eodem animo & majori felicitate negotium aggressus est Clarissimus citati Operis Autor, omnium alimentorum naturam & selectum, secundum diversas corporis humani constitutiones faciendum, cum declaratione com-
modi aut incommodi, quod ex animalium & vegetabilium dixta enasci solet, expositurus. Altera hæc est editio, regulis practicis dieteticis, ad varias morborum corporis humani constitutiones accommodatis, auctior. Plurima Opusculo eleganti insunt, jam alibi ab Autoribus antiquis æque ac recentioribus, *Hippocrate de victu acutorum*, quo Cnidix scholæ illius temporis de selectu ciborum dogmata recensentur, *Galen*o in Libro de alimentis, inde a *Sebizio, Bruyero, Nonio, Francisco Bonamico*, aliisque, declarata, plurima etiam ad mentem neotericorum scripta. *Primo Capite* varix mutationes recensentur, quas alimenta subeant, priusquam ad sanguinem transeant, adeoque de manducationis necessitate, salivæ indole, aliisque actionibus, quibus solida fluidioribus mixta in chylum mutantur, erudite disserit Autor; atque in eo maxime versatur, ut vexatissimas circa doctrinam de digestionem opiniones illustret. Saliva laudabilis sanguinis pars, quæ, si salivatione provocetur, non nisi sanguis putredine absumtus existit. Salivæ tantum deglutimus, maxime inter dormiendum, quantum cibi capere solemus; sunt, qui post comestam panis libram totidem salivæ deglutunt. Digestio fit per modum attritionis in stomacho, tunicis ejusdem in cibos sic agentibus, ut emulgeatur, quicquid laudabilis inest, accedente saliva & humore œsophagi. Liquor stomachi acris quidem est, sed non acidus, nisi in statu morbofo: totum vero negotium ad leges chymicas fermentationum & putrefactionis vegetabilium, qua tota eorundem forma aboletur, redit. Utriusque bilis, cysticæ & hepaticæ, efficacia in dissolvendis alimentis sese exerit. Inde voracissimorum animalium bilis quam maxime abundat, cujus acrimonia temperatur liquore pancreatico. Hoc humore & qui paulo post, transeunte per vasa lactea chylo, ex glandulis mesarrhaicis accedit, virtus nutriti

tritii succi mirum quantum exaltatur, atque ipsius transitus ad sanguinem ratio, in motus peristaltici actione osculorumque in vasis lacteis apertura, consistit. Neque vero omnis chylus per vasa lactea utriusque generis, ductumque thoracicum, transit, sed dantur separatæ quædam viæ, prout in avium genere, id quod ob celerem potulentorum, aquæ maxime chalybeatæ, transitum ad renes & vesicam, fieri debere suspicatur. Sanguificationis primarium organon sunt pulmones, id quod tum aliis, tum hoc maxime argumento probat, quod tantum sanguinis ad pulmones transferatur, quantum toti corpori inest, quo ipso aeris effectum, & duplicem pressionem, hinc a pulmonibus, illinc a corde, in sanguinem, intra pulmones agentem, quo chylus subigatur, primo loco ponit, siquidem etiam vitia pulmonum nutritioni vitium inferre soleant. Cum autem sola pulmonum actio sufficiens non sit pro immutando chilo, siquidem ex venæ sectionibus patet, eundem aliquando in sanguine candidum adhuc conspici, arteriosi systematis proprius & communis a corde impressus motus, negotium insigniter adjuvat, maxime quod pressio oborta intra minimas arteriolas, plenariam chyli mixtionem necessario producat. Quid vero cum hepate fiat, cujus quædam partes arteriis, ipso Autore fatente, carent, non declarat. In vasorum autem elongatione, & a mollitie ad solidiorem statum transitu, nutritionis formalitatem consistere declarat. Cur novus quotidie chyli affluxus requiratur, eam esse rationem, addit, quod alioquin, uti in animalibus fame enectis fieri solet, quæ delirantia moriuntur, ab alcalinarum partium acrimonia fibræ cerebri male habeantur. Objectum nutritionis primarium debere esse vegetabilia, plurimis argumentis evincere conatur: quandoquidem ea principiorum in partibus animalibus, quibus vescimur, diversitas non sit, qualis in succis plantarum observatur, oleosis, resinosis, acidis, variorumque saporum, alcalinis, volatilibus, sale essentiali imprægnatis, terrestribus, balsamicis, quo ipso clarum est & nutritias & medicamentosas insimul esse posse plantas in usum tractas, maxime vero id præstare farinas, seminum, quorum singulorum criterium exhibetur.

fructusque maturos, aut olea, reliquasque plantas succulentas & aromaticas, vim stomachi sale suo oleoso aucturas, maxime si per decoctionem, aut infusionem, aut fermentationem, qua vinosi liquores fiunt, vegetabilium forma tantisper alteretur, & digestioni hoc ipso subveniat. Minus commodi nutritioni afferunt partes animalium, ob salium volatilium abundantiam, quorum abusu facile morbos contrahere cum ebullitione junctos possunt carnivori homines. Interim tamen animales partes animalibus facile assimilantur, & inter alia observatu curiosum est, ob fibrarum brevitatem facilius digeri pisces, inde prolificos plerumque esse marium accolas. Humorum animalium facile princeps est lac, & nutritioni, cum chylus jam elaboratus sit, cumprimis inservit, maxime recens natis; inde lac nutricum, qualis indolis esse debeat, exponit, integritatem ejus in colore albo, nec ad flavedinem inclinante, in consistentia debita, & sapore dulcissimo, querendam affirmans, nimiam nutricum dietam accusans, quæ, abstinendo ab acidis, vino, cerevisia, aliisque, haud raro in urinosum saporem lac convertatur. Ut autem constet, quid mutationis asserre possint humoribus nostris, maxime vero ferro, varii generis salia, eorundem actionem mutuam, & quid exinde subsequaturum sit, experimentis edocet. Ex his aliisque, erudite prolatis, ostendit Autor, maximam inesse alimentis medicamenti vim. Assumi antacida, aut quæ alcalini salis abundantiam suppriment, quæ diluant, urinæ profluvium excitent, aliaque hujus generis alimenta, siquidem etiam domesticis Coffee, Thee & Chocolatz potionibus haud obscura adjuvandi & movendi virtus insit. Id quod ut plenius cognoscatur, atque selectus alimentorum institui legitimo modo possit; constitutiones corporum humanorum ediscendas imperat: utrum laxitate aut strictura & elasticitate nimia fibræ laborent, utrum sanguine nimium impleantur vasa, acidumne prædominet, aut alcalinæ & volatiles, aut muriaticæ partes humoribus noxam inferant. Quod si quis generales fingere dietæ servandæ regulas suscepit, nisi linguli corporis exactissimam cognitionem habeat, malo consilio id fieri, pronun-

nun-

nuntiat. Quamvis autem alimenta utriusque generis, & vegetabilia, & animalia, modo salutaria, modo noxia, corpori humano futura sint, rationibus tamen ex Anatomia adductis declarat, carnivorum decere esse hominem, quamvis plurimum intersit, cognoscere, quid in omni morbo singulis conveniat, in cuius rei gratiam saluberrimarum rerum exempla ubertim adjiciuntur.

*MUSÆ, QUÆ JAVANENSIBUS PYSANG,
politissimæ & inter congeneres principis Plantæ, De-
scriptio & Icon, ex horto CASPAR-BOSIANO;
Lipsiensi, quem proventu suo beavit, nobis
cum communicata.*

Infigne horto *Caspar-Bosiano*, plantarum rariorum cultura jam dudum celebri, ornamentum, nec leviozem spectantibus jucunditatem, attulit planta, superiori seculo nostris terris incognita, & quam culturæ nostræ assuescere fecit industria, *Musa*, nobilissima terræ soboles, quam staturæ proceritas, foliorum venustas, & singularis prorsus crescendi fructumque moliendi consuetudo, commendabilem reddunt. Jam sæpius aliquot retro annis spem adolescendi fecerat planta, casu aut soli sterilitate negotium impediante, cum superiori demum anno, mense Septembri, ex pluribus unum exemplar magno conatu, & insueta celeritate, sex & dimidium pedem altum, ad fructus ferendi negotium sese accingeret. Sparsis ad latera foliis, ad sensum fere incrementa sumere dixisses plantam; ea erat vegetationis virtus & efficacia, donec, stirpe decem pedes, toto habitu sedecim, alto, folioque maximo ejusdem cum stemmate longitudinis existente, & duos pedes lato, frugiferum caulem, qui, uti solent bulbosæ, radicis & totius plantæ centrum est, moliri inciperet. Magna fuit omnium admiratio, nec minor eruditorum floris fructusque indolem cognoscendi cupiditas, fueruntque, qui publicæ utilitatis rem fore, si exacte describeretur uterque, qualis apud nos observata

TAB. III.

sit ejus conditio, judicarent. Factum id est felici successu, nec minori fiducia, æquum laturam de conatu, compendiarium rei historiam condendi, judicium, literariam rempublicam. Antiquioribus notissima temporibus planta Asiæ saltim Africæque terras incoluit. Inde *Plinii* industriam subterfugere non potuit, a quo sic satis bene descripta habetur (*) Arbor Pala, pomio & suavitatē præcellentior, quo sapientes Indorum vivunt. Folium alas avium imitatur, longitudine trium cubitorum, latitudine duum. Fructum cortice emittit, admirabilem succi dulcedine, ut uno quaternos satiet. Arbori nomen Palæ, pomio, Arienz. Plurima est in Sydracis, expeditionum *Alexandri M.* termino. Est & alia similis huic, dulcior pomio, sed interaneorum valetudini infesta. Edixerat *Alexander*, ne quis militum suorum id pomum attingeret. Explicat de Musa locum *Alpinus*, & post eundem *Horti Malabarici* Autores, quamvis dubium cuidam esse possit, cur alas avium imitari dicantur folia, nisi, quod a costa rigida folium dividente, pennarum æmulo ordine, nervi aut trachæ ad marginem excurrant. Eadem ab avium pennis desumpta similitudine negotium explicat *Hans Sloane* in Historia naturali Jamaicæ Tom. II p. 141: *The leaves, when they first come out, are whole, but afterwards by the wind are crack'd and cut into very narrow parts, imitating somewhat the feathers of birds, as far as the middle is, to which they stick, looking as if they were pinna.* Folia, quo tempore primum prodeunt, integra sunt, verum postea, ventis dissecta, in tenuissimas partes dissecantur, imitata tantisper avium pennas, ad mediam usque costam, cui inhzrent fibræ, non aliter, ac si pinnae essent. *Theophrastus Eresius* eandem plantam haud obscure innuit, a quo in palmarum genere recensetur, folio ceteris ampliore, & fructu longe majori, magnitudine mali punici & figura oblonga, quæ descriptio cum altera Musæ specie, quæ fructu est ad rotunditatem accedente, non male convenit. Sequuntur hanc sententiam *Gesnerus* & *Caspar Bauhinus* in Pinace, & palmis accensent nostram, utpote qui methodi minus studiosi fuerint, sufficere, quo palma sit, arbitrati, quod florem fructumque, in theca latentem, ante-

(*) *Nat. Hist. Lib. XII Cap. 6.*

eruptionem racemi inflar gerat, & quod stirpe gaudeat foliorum stratis constante, indigni propterea, qui male habeantur a Neotericis. Arabum maxime tempore inclaruít planta, inde ab *Avicenna*, *Rhafi*, *Serapone*, inter medicinas relata, cujus fructus thoracis pulmonum renumque cruciatibus solatium asferre crediti sunt. Mirum sane esse nemini potest, quod familiaris admodum Arabibus medicis fructus hic Ægypti Afizque incola, fuerit, utpote qui peritiam artis vel ex alexandrinæ vel bagdadensis scholæ penetralibus hauserant. Inde plurium Autorum industria, quotquot speciosissimam plantam patrio solo nascentem viderant, vel relata ab aliis acceperant, descripta & penitus evoluta fuit, a quibus varits hinc inde nominibus insinuita deprehenditur. Antiquius, post Pala *Plinii*, Musæ nomen nullum est, Arabicæ originis, nec latinæ, uti videtur *Franciscano* cui dam, quem ridet *Clusius* in *Exot. Hist. Lib. II p. 229*, quod Musis dignissima sit, & in earundem honorem sic appellata. Inter exotica nomina Sinensium, Javanensium, Malabarorum, quibus hanc plantam appellant, prout leguntur apud *Horti Malabarici* Autores *Tom. I p. 20*, *Tala*, *Quelli*, *Kely*, *Pa-cyao*, obtinuit apud nostrates & communis usus est appellatio *Pisang*, quamvis & alia passim habeantur apud Autores. Sic enim legitur: Musa caudice viridi fructu longiore falcato, anguloso. *Hans Sloane Cat. Jam. p. 189* Musa, *Muntingii* Phyt. F. 4 & 5 Banana, Banantes, Ficus Judica, *Munting*, p. 26 & 83 Ficus Indica & Sinica Boym Flor. Sinensi, Lit. B. Dudaim Ludolphi. Obtinet apud Anglos nomen *Plantain-Trees*, autoritate *Dampieri* & *Sloane*; reddit laudatus *Sloane* denominationis rationem. *It is called plain from the largeness of the leaf*, a latitudine foliorum nomen obtinuit. Plura scire cupientibus de nomenclatura plantæ supellestem dabunt, præter *Hortum Malabaricum*, lococitato, *Jonstonius Hist. Nat. de Arboribus Lib. II p. 140*, *Dalechampii Hist. gen. omnium plantarum Lib. XVIII Cap. 74*, *Guilielmi Piso* de Indiæ utriusque re naturali & medica. Ea est plantæ venustas & foliorum maxime pulchritudo, ut mirum esse nemini debeat, quod omnium fere vel itinerariorum

vel botanographorum oculos animosque attraxerit, utpote quam præstantia corporis primo inter vegetabilia loco stare posse nemo facile inficiabitur. Indigena est Asiæ Africæque provinciis, inde ab *Alpino* per *Ægyptum*, a *Rauvolfio* per *Syriam*, a *Mandelslo* p. 216 apud Congenses, & p. 219 in Capitulis viridis Insulis, a *Linschotto* & *P. Labbat* apud Guineenses, detecta & descripta, & si *Sloanio* fides est, ex Canariis Insulis & Guineæ regionibus ad Insulas Oceani, utriusque Indiæ terras, ob fructus dignitatem delata, siquidem apud Amboinenses in Insula Madagascar Maldivenfibus etiam & Antilibus Insulis, a *Rocheport*, *Purgar*, *Dampier*, aliisque, quorum Catalogum vide apud *Sloane* p. 147, ita abundat, ut & victui hominum & brutorum & aliis quamplurimis usibus æconomicis inservire soleat, siquidem pani conficiendo aut aliis ex arte culinari, deliciis destinari fructus, itemque pabulum elephantibus præbere, aut utensilium variorum, mapparum, linteolorum, pannorum etiam sepulchralium, loco adhiberi folia penes Africæ aut Indiarum populos, probatissimorum Autorum testimonio constat. Quæ si tantopere prædicantur in planta, quæ vulgaris est in natali loco, quid nobis agendum, quibus felicitatis loco æstimandum, peregrinum hospitem in horto nostro ad singularis staturæ, quam majorem in patria vix indipiscitur, majestatem, & singularem fertilitatem, educasse. Postquam enim in horto Viennensi Serenissimi Principis *Eugenii* A. 1731, inde in celeberrimo horto Carollsruhano Serenissimi Principis Baden-Durlacensis, quem Statorem & Vindicem veneratur Botanica, A. 1712 floruisse, fructusque maturasse, deprehensa est planta, tertio loco nos ejusdem honoris compotes factos gloriamur, dubii forte, an nostra prædictis proceritate foliorumque mensura superior non extiterit. Equidem, cognita jam indole plantæ, dubium non est, alias juvenes, quæ adultæ, jam decrepitæ, & ablato fructu morti vicinæ proles sunt, simili successu florituras, sicut & aliæ quamplurimæ rariores plantæ, sua, qua proveniunt, facilitate fere contemptum sui pepererunt. Interim nostræ, quæ prima, postquam aliæ plures industriam culturæ eluserant, Floram Lipsiensem

ensem proventu suo ornavit, statuendum est æternitatis monumentum, recensitis, quæ a prima juventute ad ævum usque observari in Mula feliciter succrescente soleant. Utrum arbor, an frutex, an herba sit, si durationem & ætatem plantæ consideres, dubium quibusdam esse poterat, promiscue certe ab Autoribus inter herbas recensetur. Nostro tamen judicio, cum non tam staturæ, quo arbor aliquod vegetabile existat, sed fibrarum lignearum in stirpe, habenda sit ratio, brevitæ etiam vitæ, quam vivit, vix per ænium classi interesse permittat hanc plantam, annua habenda erit planta testimonio *Sloane*, qui sic pronuntiat: *Every three cut down dies and others always are coming out from the Roots as Suckers and grow up in a years time to the due bignes, have fruit and then die, others succeeding.* Singula arbor abscissa moritur, aliis semper ex radice succedentibus. Nostra autem, quam impatienter fert, terra, quam magna etiam cura ejus culturæ suscipiatur, altero demum anno adolescit. Si radicem intuearis, ad tuberosarum classeni tantisper inclinat. Est ea, plurimis laminarum stratis composita, uti solent bulbosæ, satis ampla pro magnitudine plantæ & fibris ad basin donata, pulpa constans alba succoque viscido prægnante, quam rubella undique lamina, in primum folium sese explicans, ambit. Inde totius stirpis, quæ radici proxima est basis, eundem in modum rubicunda apparet. Accedente incremento motuque vegetabili intrinseco, folia, quæ sese mutuo ambiunt, non aliter, ac chartæ convolutæ, explicantur, unumque ex altero procedit, quo ipso totus trunci habitus arundinaceus & foliosus est, nec, proprie loquendo, vel corticis, vel ligni, vestigia apparent. Cumque tota plantæ statura non sit nisi folium ex folio excrescens, quo singuli folii terminus statuatur, sapienti instituto factum est, quod singulo folio membranacea reticularis textura intersit, non aliter ac in palmis, quarum textura itidem mere foliosa est, contingere solet. Centrum stirpis, quod ex media radice inter volumina foliorum adscendit, est canlis florum fructuumque ferax, tracheis venisque succo vegetabili quam maxime plenis constans, qui extra stirpem suam denique promi-

nens,

nens, & a pondere fructuum deorsum inclinans, racemum format, qui per internodia &, uti Botanicis loquendi mos est, per verticillos, pulcherrimam prolem emittit. Sicut singula folia abscissa, aut ferro saltim faucia vegetabilem succum ubertim plorant, ita, qui magnæ arteriæ instar est caulis, abscissus animam quasi corporis sui, cum uberrimo profuente humore, effundit, qui liquor acidus est, acris, adstringens, & cultrum qui immergitur, vitriolica nigredine inficiens. Manifestum id est indicium, vim & efficaciam vegetationis & incrementi omnem ad fructus faciendi negotium tendere, dicam plura, fructum jam effictum, sicut embryo est in ovulo materno, in centro radicis, quod a caule frugifero constituitur, præexistit. Quid mirum adeo, si tota plantæ radix hinc in fructum, inde in folia mutata, prorsus interciderat. Singularis prorsus est in hac planta succum terræ attrahendi facultas, peculiaris etiam radicularum, seu fibrarum, quæ ex bulbo pro-pendent, conformatio, quod, quo aridiores relinquuntur per intervalla, eo avidius liquorem assusum per irrorationem deglutiant, imo vero experientia constat, humidius habitas plantas prorsus interciderisse; inde siccitas omnino radices plantæ, in Angliam transmissas, succrevisse testis, est sæpius laudatus *Sloane*. Ratio etiam existit, cur cineribus ubertim misceatur in patrio solo terra incremento Musæ inservitura. Est in aere, fervente etiam maxime cælo, humidum, quod bibula salium corpora sponte intrat, mollique suo nec præcipiti ad radicularum ostia appulsu plus efficit, quam crudior copiosius affusa aqua, cujus flumen ineptum prorsus est, quod a plus quam capillaribus vasibus intus suscipiatur. Mirati sæpe sumus, cur planta Musæ in juventute sua, si vitium contraxerit, mutilari impune præscindi quoad summities suas possit, tantum etiam & abesse, ut damnum exinde suboriat, ut majores potius incrementi vires acquirat, & denique ratiocinando deprehendimus, eo tempore, quo mutilatur, & putrescente sui parte privatur planta, non attingi, aut male haberi frugiferum caulem, imo vero, quo minus succi vegetabilis in folia emittitur, eo plus incrementi futurum in centro plantæ, quod omnium

omnium stratorum foliaciorum, quibus constat, ultimum, emergit. Singularis prorsus est foliorum per intervalla proventus, priusquam ultimum adolescentiæ terminum planta attingat. Quamprimum ex radice novum germen prorumpit, quo tempore abscedente a majore radice novo bulbo, tumor excitatur embryonem in sinu suo fovens; duo vel tria foliola apparent, nonnihil crispa, inde, uti solent gramina & cannæ, medium folium, convolutum hæcenus, impetrata libertate, expanditur, donec, ubi mediæ ætatis fuerit, duodecim fere pulcherrima folia conspiciantur. Exarescunt autem inferiora, & vel sponte emaciantur, inde est, quod foliis deciduis hanc plantam *Mathiolus* describat, vel artifice manu exsecantur, quo stirpi elegantia quædam & venustas concilietur. Insignem, accepto vulnere, austeri succi quantitatem plorat; illa enim est vegetabilis humoris copia, ut, ne vasa crepent, aut extra debitas vias contingat illuvies, transpirationi sensibiles in margine foliorum poros destinaverit natura, siquidem guttulæ subadstringentes & mucaginossæ, fere semper exudant; accedit, quod folium unumquodque recens, seri quantitatem, ubi exerescit, effundat. Mirum sane non est, cur tantus sit fructuum proventus in patrio solo, ut victui hominum & brutorum sufficiat, si vis atque impetus circuli humorum omnis per caulem frugiferum, qui vas est cellulis innumeris, sed ad sensum patentibus, pervium, ad summitatem tendit, nec definit folia hinc inde spargere arbor, donec flos cum fructu cauli frugifero inhærens appareat; quo tempore, uti in palmarum genere, quæ res etiam occasionem palmis annumerandi hanc nostram dedit, spathæ in conspectum prodeunt florem fructumque continentes. Constant illæ binis semper foliis rubicundis, quorum singula singulum fructum continent, cum e contrario in palmarum genere omnis racemus unica spatha, (liceat termino *Sloanii*, rem apte exprimente, uti,) concludatur. Racemus ille floris & fructus speciosissimus est, & in summitate sua plurimis foliolis rubicundis ornatur, qui cum pondus fructuum vix suslineat, declinat, ita ut fracturam sui minari videtur. Gloriatum sumus tre-

decim maturos, & duodecim immaturos obtinuisse fructus, cujus spectaculi jucunditate, ad insignem, qua in patria terra luxuriare describitur fertilitatem animum advertimus. Plures uno racemos ad inuentem *Parkinsoni* efflorescere, nec Autorum nec nostra avtopsia comprobatur. Duo certe nobis hic agenda restant, nempe curatio floris fructusque consideratio; quamprimum spathæ illæ rubicundæ defluvium patiuntur, flos super fructum existens conspicitur, ipso fructu jam satis adulto & sex pollicum latitudinem æquante, quo clarum est, florem tempore priorem fructu non existere, sed, uti mos est plerumque illis, quibus calyx mutatur in fructum, supernascei, siquidem ejus pistillum & stamina sic alte in substantiam fructus radices agunt, ut hoc ipso evadant non decidua. Ipse flos fructus causa & comes, nobis idem visus est, quem *Sloane*, quo nemo alius plantam nostram curatius descripsit, optime explicat. Tribus aut duobus petalis constat, deciduis & perianthio suo inclusis. Structura eorundem tenerrima est, membranaceæ texturæ, quam ex luteo rufescentes striæ ad longitudinem perambulant, & cum magnitudine inter se convenient petala, situs tamen ratione, quem irregularem admodum obtinuerunt, anomalis sunt accensenda. (A) Danda sane est opera, ne cum petalis confundatur perianthium, (B) quod regulari quidem laciniarum suarum positu ab anomalia recedit, singulare tamen hoc habet, quod ex cortice fructus emergat adeoque nec defluvium patiat, quod calycis ipsius foliosa sit expansio. Non desuerunt ex Autoribus, qui a *Plumierio* inducti pro flore estimaverunt perianthium, negligentiores petalorum, diversæ prorsus structuræ, quæ intra pomœria hujus primi foliolorum ordinis conspiciuntur. Ino, si magnitudinem, figuram, colorem, qui sanguineus fere est in perianthio, maxime vero defluvium consideres, dubium supererit nullum, eam quæ immota & non decidua per omne fructificationis tempus ad maturitatem usque, superest, floris partem, pro involuero saltem floris non pro flore ipsa habendam esse, quod constantis sit observationis in plantis quarum calyx mutatur in fructum, perianthium tanquam calycis partem

TAB. IV.

TAB. IV

rem, non decidere. Ipse adeo flos potissimum considerandus est, maxime notabilis, quod alternatim, modo perianthio antedescritto gaudere, modo eodem carere, deprehendatur. Accedit, quod flos, qui perianthio destitui visus est ab observatore (C), non nisi dipetalus & prorsus anomalus sit, heterogeneis etiam figura petalis constet, cum alter intra perianthium latens tria petala subrotunda, excavata & in summitate uniformia (D) obtinuerit. Præter autem, quod flos alter dipetalos situ foliolorum insigniter discrepat, ipsorum petalorum diversa a se invicem existit forma, cum alterum fere rotundum sit & minus cuspidatum, (E) alterum, vero longum & tribus apicibus, quibus duæ cuspidēs breviores subsunt, exornatum (F). Nihil impedit insignis illa florum super eandem plantam differentia, quo minus idem omnino fructus futurus sit, id quod rarum est & in paucioribus generibus reperiundum. Eadem porro est in utriusque generis flore pistilli staminumque conditio. Singularis est pistilli indoles, eo, quod ex fundo totius fructus, quo loco verticillatim petiolo communi adhærent cum aliis vicinis, exsurgat, totumque fructum medium ad summitatem usque perambulet (G); quandoquidem non nisi per vim separari a fundo, cui inhæret, potest (H). Eadem prorsus est ratio staminum, quæ quaternaria, aliquando quina esse solent, quorum rudimenta profundius jacent. Si enim segmentum fructus, quod perianthio floris vicinum est, accurate consideres, (I) deprehendes, ordines fibrarum duriuscularum pedetentim in stamina ipsa definire, quæ clavorum instar summitati fructus infixæ sunt, (K) adeoque immota remanent, nec desluunt, quantum in nostro exemplari observare licuit, quamvis diversa fructuum figura sit in Icone Malabarico. Fructus ipse jam satis adultus est, quo tempore apparet, siquidem coævus cum flore existit, duodecim vero pollicibus major esse deprehensus non est, quadrangularis figuræ, & omnino cucumeris instar incurvus, quæ ratio est, cur *Musa fructu cucumerino* ab Autoribus dicatur. Dictum jam alibi est, plures ex eodem petiolo fructus subnasci; fieri etiam solet, ut monstrosa plantæ fecunditate, gemelli

melli fructus & coaliti observentur, ob nimiam corporum contiguitatem. Mira sane est arboris fertilitas ususque æconomicus: prorsus, singularis. Si enim proventus est, qualis ab orto Malabarico loco citato depingitur, mirum non est, cur singulari industria ab Æthiopiz, Guinez, Indiarumque populis excolatur, ita, ut sylvas Mularum obvias undique deprehendere Autorum testimonio, liceat. Fructus per medium sectus varias exhibet meditando commoditates; cortex per maturitatem sua sponte dehiscit (L), qui non tantum omni, qua patet, ambitu separatus est a pulpa, seu fructus visceribus, sed & sapore adstringente ab interna partium dulcedine plurimum differt. Vasa vegetabilem succum vehentia ad oculum in eodem apparent, maturitatis etiam signa haud obscura deprehenduntur in fructu, si flavum colorem induxisse deprehenditur. Animadvertit *Sloanius* in patria terra virides fructus ab incolis domum auferri, & maturitatem judicari, si flavi facti fuerint. Nobis, qui, nisi re prorsus declarata, pronuntiare noluimus, visi sunt maturi esse, cum flavedine gauderent citri fructuum æmula, quo tempore pulpam gustavimus dulcem, pomorum Porstorianorum instar. Solliciti maxime fuimus de inveniendo semine, quod tantæ tamque magnæ plantæ par esset, &, si dicendum, quod res est, nullum invenimus. Sentit nobiscum *Muntingius*, dissentiunt *Boerhaave*, alique. In quatuor segmenta (M) pulpa dehiscit, sicut staminum numerus quaternarius esse solet; inde est, quod inter Lusitanos ob crucis venerationem cautum sit, ne quis cultro fructum dissecet, verum in omni fructus ambitu semina, quæ tantam plantam decerent, invenire non potuimus. Fallunt oculum in recenti, pulpæ divisiones, reticulari modo factæ, quo ipso cucumerina semina inesse credi possent. Verum evanescit cum maturitate omnis semina deprehendendi fiducia. Hoc unicum largimur, esse in pulpa punctulorum nigricantium minimorum ordines, qui semina minuta mentiuntur (N), sed quotusquisque est, qui nesciat, pro statura uniuscujusque plantæ conveniens esse debere seminis volumen, quod, respectu ad tam parvula semina habito, nullum est in nostra? Inde definire contra fide

de dignissimorum Antorum sententiam non audemus. Gloriamur obtinuisse literas a Magnifico *Heuchero*, Archiatro & Consiliario Augustissimi Regis nostri & Professore Vitembergenfi, quibus oculatissimus ille Botanicus in *fructu Musa Viennensi*, a Principe *Eugenio* transmissio, nigriuscula sed minuta semina vidisse se profitetur. Eadem est *Sloani* sententia. Poterunt, quarum nobis expectatio est, plurimum plantarum proventus rem obscuram planiorem reddere. Hoc unicum profitemur, sicut dantur plantæ, quæ, quod radice luxurient, uti hæc nostra, feminibus carere possunt, ita parum interesse, utrum, prout in ficu, perfecta sint semina plantæ, cujus radix stolones copiosissimas, bulbosarum instar, emittens, seminis defectum supplere possit. Magnum collaturi sunt in communem scientiam beneficium curiosi, quibus uberiora de hoc negotio meditando occasio subnascitur, si observationes nostras suis vel corrigere vel corroborare, non dedignabuntur. Liceat nobis, exemplo *Jacobi Bontii* inductis, qui plantarum suarum, quas singulas descripsit, memoriam carmine condidit, hæc de elegantissima planta, Musa, tum ea, quæ fructu est cucumerino, tum ea, quæ rotundiore existit & caule maculato, describente *Pluckenetio Alm. p. 245*, hæc corollarii loco addere:

*Æthiopum terris fabulo nutrita calente
Transsit ad populos Indum Gangemque colentes;
Desine mirari Lector: jam frigidus Arctus,
Proceram gignit, flores fructusque ferentem,
Quos dapibus Regum dignoi dijudicat orbis.*

WILH. ERN. EWALDI, V. D. M. ALTONA-
viensis, *Emblemata sacra miscellanea.*

Lipsiæ & Altonaviz, apud Jonam Korte, 1752, 4.

Alph. 1 pl. 16, cum fig. æn. 1.

Ad Scripturæ Sacræ cognitionem apprime est utile, metaphoras ac allegorias, in prophetiis sæpius adhibitæ, rite intelligi. Quare sacrorum Emblematum expositio labor est suis utique laudibus condecorandus. Ad eum autem dextre ac feliciter

citer perficiendum, non tantum linguarum & antiquitatum peritia requiritur, sed adfit etiam necesse est acumen ingenii in excogitando acre, & excogitata aptis coloribus exornandi dexteritas, nec non vehemens quædam mentis vis, de iis, quæ nobis constant, verissime judicandi. His omnibus egregie instructum esse Cl. Autorem, hæc testantur Emblemata, in quibus ipsum satis erudite ac feliciter versatum esse, Lector facile animadvertet. Non enim, quod Reformatorum multi solent, typos ac sensus mysticos pro arbitrio fabricandos, sed in sacris his mysteriis versandum caute ac circumspècte, putavit. Ea de causâ viginti quatuor selegit loca Scripturæ, ex quibus non illatum, sed innatum, & ab ipso Spiritu Sancto adhibitum Emblemata accuratiori pervestigatione comprehendere studuit. Non dubitat quidem, fore nonnullos, qui in his quædam ex antiquitatibus sacris & profanis longius petita existiment, quam ut ad locum præfixum quadrarent, sperat tamen, si non hujus, aliorum certe Scripturæ locorum, in quibus idem occurrat Emblemata, & ad idem alludatur, illustrationi ejusmodi prolixiorẽ Symboli enucleationem inservituram. Divisit autem Emblemata sua in duos Libros, quorum uterque duodecim continet Exercitationes.

- Pag. 1-13. *Libri primi* Exercitatio I agit de Clypeo Symbolo Dei, ad illustrandum locum *Gen. XV, 1*, ubi clypeorum qualitates & varios usus ex Scriptura & Antiquitatibus sacris & profanis deducens, ad nostræ salutis sponforem applicat. Exercitatio II de anima in pulvere mystico respicit locum *Pf. CXIX, 25: Agglutinata est pulveri anima mea*. Ubi docetur, hære in pulvere, esse Symbolum 1) fragilitatis vitæ; 2) corruptionis peccaminosæ; 3) judiciorum divinorum & angustiarum; 4) contentus & ignominiarum; 5) luctus & doloris; 6) pœnitentium, & 7) supplicantium; imo tam victos, quam luctatores, & mortuos, in pulvere hære dici, & sic vario sensu animam pulveri agglutinatam sistit. Nos quidem unius dicti non nisi unicuique admittimus sensum literalem, & hic, suffragante totius versus contextu, sermo est de mortalitate nostra, cui opponitur speranda secundum verbum Dei vivificatio alia: *Licet adhæreat pulveri vita mea, me tamen vivifica secundum verbum*

verbum tuum. Minime tamen in Cl. Autore operosiorē pulveris Symboli illustrationē improbamus. Exercitatio III de vexillo, Messia Symbolo, est ad *Cant. V, 10: Candidus & rubicundus est dilectus meus, constitutus in vexillum a myriadibus.* In his verbis allusionē ad columnam nubis & ignis Cl. Autor deprehendit, de qua non minus, quam de veterum vexillorum qualitate & usu, copiose disserit, eleganterque omnia ad Christum applicat. Exercitatio IV de luna, Ecclesiae Symbolo, ad *Cant. VI, 9*, respicit, ubi luna plena est pulchritudinis Ecclesiae Symbolum, quando Spiritus Sancti donis est plenissime collustrata. Exercitatione V de Sepulchris dealbatis, hypocritarum Symbolo, ad *Matth. XXIII, 27*, Cl. Autor animadvertit, duplex inesse mysterium, primo, Phariseos ob hypocrisin & mores perfonatos comparandos esse parieti dealbato, deinde hos fore publicum in Ecclesia Christi scandalum, quod Apostoli, ut Sacerdotibus N. T. non minus cavendum esset, quam Sacerdotibus V. T. cavendum erat sepulchrum. Exercitatio VI est de Aquilis ad cadaver congregatis, Symbolo Romanorum, Judaeos, ac barbararum gentium Anti-Christum devastatorum, ad *Matth. XXIV, 28*. Exercitatione VII de Stridore dentium, Symbolo poenarum infernalium, ad *Matth. XXIV, 51*, Cl. Autor illud agit, ut ostendat, non respici in loco illo ad famelicum, aut frigus ingens, sed ad Tophet, seu vallem Hinnon, ubi Molochi cultus olim celebrabatur, & liberi in fornace candente huic idolo immolabantur. Nititur autem contextus circumstantiis. Stridor dentium conjungitur cum tenebris exterioribus & camino ignis *Matth. XIII, 42*. Jam vero Tophet erat vallis 1) extra Hierosolymas; 2) tenebrosa; 3) in qua ad comburenda cadavera & inquinamenta perpetuus erat ignis. Damnatorum itaque stridor dentium est Emblemata desperationis, livoris & invide, irae & indignationis, horroris ac metus, murmurationis & impatientiae, conviciorum denique ac blasphemiarum in gehenna. Exercitatione VIII de tenebris exterioribus, Symbolo poenarum infernalium, ad *Matth. XXV, 30*, iterum putat ad Tophet alludi. Exteriores enim vocari tenebras, quia locus ille horridus extra Hierosolymas prope vallem Kidron situs fuerit, ubi cada-

Page 25-39.

221 - 222

223 - 224

40 - 59.

60 - 70.

81 - 82

71 - 84.

85 - 99.

94 - 103.

vera

- ra projiciebantur. insepulta, & omnia impura comburebantur.
- 104 - 111. Exercitatione IX de sputo in faciem Christi coniecto, ut illusionis Symbolo, ad *Matth. XXV, 30*, docetur, sputum in aliquem missum denotare summam ignominiam, contemptum & fastidium, quod
- 112 - 122. Christum ut regem præcipue illulissent. Exercitatio X de cornu salutis, Symbolo Messie, ad *Luc. I, 69*, demonstrat, alludi ad cornu altaris, ad quæ timentes vitæ suæ confugiebant. Exercitatio XI de securi ad arborum radicem posita, Symbolo judicii divini in Judæos per Romanos exercendi, ad *Luc. III, 9*, sic agit, ut securum materiam, præparationem, qualitates, & varios usus in re domestica, militari, forensi, ac victimarum cæsiōe, ostendat. Exercitatio XII de potu sanguinis Christi mystico & symbolico, ad *Jo. VI, 55*, eruit analogias typicas inter merita Christi & sanguinem sacrificiorum V. T. qui per Sacerdotes in vase excipiendus, varie spargendus, & ad fundum altaris effundendus erat. Potum vero sanguinis Christi de viva meritorum Christi perfidem applicatione explicat.
- 149 - 159. In Emblematum *Libro secundo* Exercitatio I est de Somno, mortis Symbolo, ad *Jo. XI, 11*. Elegans est locus, quem ex *Augustino* adducit: *Mortuos dormientes appellare Scriptura veracissima est consuetudo, ut, cum dormientes audiamus, evigilatos minime desperemus.* Exercitatio II de primogenito ex mortuis, Symbolo Christi, ad *Col. I, 18*, docet, alludi ad primogenitos V. T. qui erant typus Messie, cui competeat principatus & sacerdotium, & qui se pro fratribus sua morte sanctificabat. In explicatione phrasæ *ἐκ νεκρῶν* historiam trucidatorum ex Aegyptiis & servatorum ex Israelitis primogenitorum in subsidium
- 169 - 177. vocat. Exercitatione III de α & ω , nomine Christi mystico, ad *Apoc. I, 8*, putat Autor, his literis præcipue ad Scripturam Sacram
- 178 - 188. respici, cujus α & ω , i.e. totum argumentum sit Christus. Exercitatione IV de lachrymarum abstersione mystica, ad *Apoc. XII, 17*, Cl. Autor supponit, nullum lachrymis & quæ illas provocant, miseriis locum relictum iri in ultimis Ecclesie militantis temporibus, post toleratas gravissimas Anti-Christi persecutiones, & post conversionem Judæorum ac gentium ultimam. Sed tali restrictione ad ultima Ecclesie militantis hælyconia nobis non opus videtur,

detur, cum ea nondum necessariis evicta dentur argumentis, & Cl. Autor ipse concedat, Deum in emphasi post hanc vitam in paradiso celestis gloriæ omnes lachrymas abstersurum. Exercitatione V de Iride circa caput angeli, ex *Apoc. X*, 2, ostendit, Symbolum majestatis esse iridem, quam Diis & Deabus veteres tribuerint. Comparationem etiam instituit inter *Mosen* ex Sinai caput radians deportantem, & inter Christum N. T. mediatorem. Exercitatione VI de Serpente, antiquo Symbolo Diaboli, ad *Apoc. XII, 9*, docet, sic pravissimam diaboli naturam, ejusque pessimas qualitates, optime exprimi. Exercitatione VII de quiete mortuorum a laboribus mysticis, ad *Apoc. XIV, 13*, sic disserit, ut, amplissimam laborum significationem meditando, etiam ad peccata, pœnas, ærumnas, defatigationes animi & corporis, ipsumque agonem, respiciat. Exercitatione VIII de montibus in Babylone mysticis, ad *Apoc. XVI, 20*, observat, montes esse rerum publicarum ac regnorum Symbolum. Quod si itaque dicatur, insulas fugisse, & montes non fuisse repertos, tunc alludi ad terræ motus, quibus sæpe montes corruant, & sic pervertenda Anti-Christi regna depingi. Exercitatione IX de navibus Babylonis mysticis, ad *Apoc. XVIII, 17*, quæ Cl. Autor proponit, redeunt ad allegorias, ex re navica desumptas, quibus status Anti-Christi Ecclesiasticus adumbrari potest. Exercitatione X de fluviio chrySTALLINO, donorum Spiritus S. Symbolo, ex *Apoc. XXII, 1*, suffragante contextu, allusionem ad paradisum terrestrem observat. Nec in genere tantum docet, fluviium esse Symbolum Spiritus S. sed speciales etiam rationes ex aquarum in fluviis abundantia, earumque multiplici fecundandi, potandi, purificandique virtute, adducit. Exercitatione XI de visione faciei divinæ symbolica, ad *Apoc. XXII, 4*, metaphoram illustrat a more Regum orientalium, quorum majestas manifestabatur tantum servis, coram ipsorum thronum constitutis. Id igitur hic innui ostendit, servos Dei tandem in cognitione, amore, cultu, honore, & communione Dei intimioris fore admissionis. Exercitatione XII de nomine Dei in frontibus servorum Dei mystico, ad *Apoc. XXII, 4*, observandum existimat, servis olim nomina dominorum in frontibus fuisse inscripta, militibus quoque ducum nomina, & sacerdotibus nomina

Pag. 189 - 193.

194 - 211.

212 - 222.

223 - 238.

239 - 259.

260 - 273.

273 - 286.

286 - 293.

Deorum; & sic ex inscriptione nominis Dei servos Jehovah seu Dei in æternum viventis intelli. Cum Cl. Autor spem fecerit hunc laborem continuandi, exoptatissimos ipsi successus apprecamur.

NOVA LITERARIA.

Londini publici juris facta est scheda, inscripta: *Proposals for printing by subscription D. Engelbert Kämpfers Travels into Moscow, Persia, and the East-Indies: published from his original Manuscripts, now in the possession of Sir Hanns Sloane, By Cromwell Mortimer, M. D. Secretary of the Royal Society, and Fellow of the College of Physicians.* De hac Descriptione Itinerum D. Engelberti Kämpferi Subscriptionum ope typis committenda inibi sequentia nuntiantur. Constabit Opus hoc præstantissimum tribus Partibus, quarum prima iter Moscoviam, indeque in regna Casanum & Astracanum per mare Caspium in Persiam usque, atque in hoc regno ad usque urbem regiam, Aspahanum (*Isaphan*), susceptum ordine enarrabit; secunda curationem utilissimamque descriptionem historicam Persici regni aulæque sub regimine imperantis Schach *Solymani*, patris Schach *Hussien*, exhibebit, tertia denique professionem Aspahano Schirasium, urbem ex propinquis rudibus Persopolis, ob *Alexandri M.* spurcum amorem exulz, potissimum clarum, adque loca alia non minus celebrata, Gamron, seu Bendarabassi, Mascatti, oras Malabaricas, Ceylanum & Javam Insulas, inque hac Bataviam, celebre Batavorum emporium, feliciter peractam renuntiabit. Annectetur huic tertiz Parti Appendix, itineris rationem traditura, quo revertebatur *Kämpferus* Batavia Amstelodamum. Si adeo tres hi libri conjungantur cum descriptione itinerum, ab eodem *Kämpfero* in Siamenſe regnum atque Japonenses Insulas factorum, a D. *Scheuchzero* edita, quæ ab harum rerum peritis communes undique tulit plausus; plena atque omnibus numeris perfecta enumeratio narratioque fide dignissima omnium peregrinationum solertissimi hujus Viri tenebitur, cujus egregia doctrina, de qua inter omnes abunde constat, non finit nos dubitare, fore, ut non nisi notatu inaxime digna, & quæ cum utilitate omnis eruditionis

tionis conjuncta sunt, in ejus Diariis memoriz prodita legantur. Quam spem insigniter confirmat studium Viri perspicacissimi ac celeberrimi, *Mortimeri*, quod hisce Diariis in lucem publicam & dias reipublice literariz auras proferendis impendere laudabiliter secum constituit. Neque enim ab eo ipso nisi optima quæque expectare licet iis, qui ejus merita paulo norunt penitius. Seriem narrationis *Kampferiana* is quidem non interturbabit suas admiscendo meditationes, nec illi quidquam interferet, nisi quod ex ipsis *Kampferi* MSis Annotationibus depromptum sit; tamen, ne quid e silentio Editoris capiat detrimenti respublica erudita, eo provisum est, ut peculiaribus & a textu *Kampferiano* separatis Annotationibus suam sententiam de rebus gravissimi momenti edicturus sit, sicque auctario insigni huic eximium librum ornaturus. Tomis duobus in forma non complicata constabunt tres hujus Operis Partes, quibus ducentæ plagulæ, cum quinquaginta foliis figurarum æri insculptarum, continebuntur. Nitore chartæ & typorum elegantia liber hic non erit deterior, nuper quæ prodiit, *Historia Japonica*: quæ, quod ad externum attinet habitum, cum placuerit omnibus, constitutum est, eosdem huic impressioni adhibere typos, & chartam æque puram. Exemplar formæ consuetæ duabus, formæ vero regiz quatuor Guineis constabit subscribentibus.

Pergratum eruditis nuntium fore non dubitamus, ineunte hoc ipso mense Aprili venum ivisse apud *Perachon & Cramer*, Bibliopolas Genevenses, Tomum primum *Maximæ Scriptorum Ecclesiasticorum Bibliothecæ*, jam dudum publicis votis expetitz. Ea hunc titulum præfert: *Magna Bibliotheca Ecclesiastica, sive Notitia Scriptorum sacrorum & Ecclesiasticorum veterum ac recentiorum; in qua ordine Alphabetico continentur cujuscunque religionis ac sectæ Scriptores, qui Christiana religioni vel patrocinati sunt, vel adversati; simul & Concilia omnia; Pontifices Romani, eorumque Vita, Scripta & Bullæ; Religiosorum Ordinum Fundatores, &c.* Omnia ab orbe condito ad nostra usque tempora, Coloniz, 1734, fol. Qui primum huncce Tomum, totius Operis velut specimen, lustrare voluerint, his ad ipsos Bibliopolas, aliosque in præcipuis Europæ urbibus celebriores, aditus

patet. Interea pergunt in cæpto labore operæ, ut Tomi ceteri, quamprimum fieri potuerit, bono publico in lucem proferantur. Iidem Typographi Genevenses habent sub prelo, intra paucos menses proditutum, *Jo. a Kabl*, sive *Calvini*, Lexicon Juridicum, cum Additionibus, nec non *Jo. Petri Fontanella* Decisiones Senatus Cathalonix, cum Additionibus, item *Petri Garcia* Tractatum de Beneficiis, cum Additionibus, & *Franc. Cardin. Mantica* Tractatum de Conjecturis ultimarum voluntatum. Paucis vero abhinc mensibus ediderunt *Caroli Mustani* Opera medica, cum Additionibus, *Ludovici Posti* Tractatum de Subhastatione, cum Additionibus, & *Feliciani de Oliva* de Foro Ecclesiæ Opus magnum.

Quod huc usque tot votis, tantoque desiderio, nequicquam expetitur novimus, *Systema Chronologia, scrupulis temporum Sacra Scriptura eximendis, nodisque expediendis, vel omnibus, vel plerisque, sufficiens*, hoc tandem aliquando paratum preloque proximum esse, Reipublicæ Literariæ, non sine singulari animi voluptate, nunc publice annuntiamus. Autor *Systematis, Alphonsus des Vignoles*, Academix Regiæ Scientiarum Berolinensis, ex illius institutione, Socius, & Classis Mathematicæ Director, jam dudum inter doctos celeberrimum nomen, Vir non minus propter ætatem venerabilis, (nam quartum & octogesimum annum superavit,) quam propter profundam & solidam in rebus Chronologicis scientiam maximopere suspiciendus videtur. Hic tantus Vir Opus eximium, flore ætate in Gallia inchoatum, annis triginta deinde intermissum, & tandem quasi postliminio resumtum, per annos duodecim circiter continuis laboribus & meditationibus absolvit, adeoque, cum nullis subsidiis destituitur, perspicacique ingenio, & tenacissima gaudeat memoria, vastum pelagus, multis scopulis horridum, & voraginibus periculosum, bono omine ingressus, ac felicissimo successu emensus est: quod & ipsi Autori, & omnibus literarum særarum studiosis, jure merito gratulamur. Scripsit Opus sermone Gallico, fecitque ei titulum: *Chronologie de l'Histoire Sainte & des Histoires etrangeres, qui la concernent, depuis la Societé d'Egypte jusqu'a la Captivité de Babylone, par Alphonse Des-Vignoles*. Sæpenumero evenit, ut libri longo intervallo desiderati votis

minus satisfaciant, & cum magna minentur, extricent nihil; sed de hoc præclaro Chronologiæ sacræ Opere nihil satis magnificum prædicare possumus, quippe quod omnem expectationem longissime vincet. Ejus recensionem prolixam a nobis Lectores hic non expectent: tum quia ab instituto nostro, qui tantum Operis promulgationem in nos suscepimus, illud alienum arbitramur, tum quia ipse Cæl. Autor aliqualem *Ichnographiam Bibliotheca Germanica T. III Artic. IV* inferendam curavit. Brevissimis tamen, ut Lectorum aviditatem accendamus; argumenta Capitum indicabimus, pauca deinde de methodo, & rebus curiosissimis, per totum Opus sparsis, disseremus. Sex omnino *Partibus* absolvitur hæc *Chronologia Historia Sacra*, quarum quælibet in *minores Sectiones & Paragraphos* pro discrimine argumentorum dispefcitur. In *Præfatione*, quæ *Parti I* præfigitur, occasionem Operis, rationem, institutum, methodum, ac fata, Autor enumerat. Deinde *Parte I* rem ipsam aggressus, non in *Anno mundi conditi*, tanquam vago & nullis characteribus determinato, sed in *Anno Exodi*, uti certo & indubitato, principium numerandi figit; & ab hoc, continuo vestigia Sacræ Scripturæ premeus, sensum progreditur, & annos claris verbis expressos colligit, annos videlicet *Mosis, Josue, Seniorum, Servitutum, Judicum, Heli, Arca, Samuelis* solius, *Samuelis & Saulis, Saulis* solius, *Davidis, Salomonis*. Difficultates qualescunque obvias propius contemplatur, & collatis Chronologorum solutionibus, optimam vel novis argumentis stabilit, vel ex suo ingenio dubiis satisfacit. Colligit autem ab *Exodo* usque ad jacta *Templi* fundamenta annos 648, qui numerus cum dissentiat a loco vexatissimo i *Reg. VI, 1*, ubi scribitur, anno ab *Exodo* 480 Templum ceptum esse construi, Autor difficultatem summa cura ponderat, & tandem singulari conjectura nodum solvit, quæ multis quidem audacior videbitur, sed quam existimamus ab Autore ipso derelictum iri, si majori verisimilitudinis specie aliquis *hæreticorum* sustulerit. *Parte II* exactissima *Tabula Harmonica Regum Judæ, Israelis, Babylonie, & Persiæ* ad *Darium Hystaspis* præmittitur, in qua anni Regum cum annis Periodi Julianæ, *Exodi, Eræ Nabonassareæ, Olympiadibus, & Annis ante Christum*, continua serie exquisita & accurata diligentia combinantur. Quæ ipsa *Tabula* faciem toti huic *Parti* præfert, in qua Autor Regum Judæ ac Israelis tempora ordine & sigillatim perlustrat, & minimos etiam scrupulos Lecto-

rum animis evellere conatur. Itaque in exordio certas regulas constituit, inter quas hæc sane maximi momenti haberi debet: *Annum postremum, sive mortualem, Regis & Annum primum Successoris in unum eundemque Annum incidere.* Per quam regulam, quam Scripturæ S. constanter observari Autor ostendit, plus quam centum difficultates, quæ mirifice torserunt Chronologos, nebulae instar evanescent. Omnes enim menses superflui hac ratione absorbentur, & calculus annis integris per totam hanc periodum perficitur. Habes itaque hac Parte seriem Regum Judæ & Israelis penitus evolutam & extricatam, habes tempora Vaticiniorum *Ezechielis*, elucidationem *Dierum 390*, & *Dierum 40*, quibus idem Propheta *iniquitatem domus Israelis & domus Juda ferre* debebat; Historiam obsidionis *Hierosolyma* ad dies suos & menses redactam, *Excidium* ejusdem urbis, & *Captivitatem Babylonicam.* Parte III Ven. Autor Chronologiam suam per *Characteres Chronologicos*, a Sacra Scriptura supeditatos, confirmat. His characteribus, sive notis, quibus diversa tempora a se invicem distinguimus, accensentur *Novilunia*, *Plenilunia*, *Eclipses*, *Æquinoctia*, *Cycli*, *Periodi*, *Æra*, sive *Eposha.* Itaque Autor in principio demonstrat, *Annum*, quem fixerat, *Exodi*, respondere *Anno Per. Jul. 3069*, qui est *Annus ante Christum 1645.* Hoc admirabili ratione ex *Historia Paschatis*, ex *Principio Anni Judæici & Egyptiaci*, ex *Plenilunio*, & *Æquinoctio* ejusdem anni, ex *Sabbato & itinere* Israelitarum, ostendit: nec existimamus, annum alium repertum iri, in quo tot characteres concurrere possint. Ibidem evincit, diem non *vesperi* olim, sed *mane*, incepisse, mutationem *Calendario* Judæorum inductam exponit, agit de *Annis Sabbaticis & Jubilæis*, & clarissime monstrat, suæ Chronologiæ omnes Sabbaticos & Jubilæos, quotquot huc usque observati sint, exactissime convenire. Parte IV *Historiam exoticam*, videlicet *Tyriorum*, *Syrorum*, *Egyptiorum*, & *Assyriorum*, cum Historia sacra confert, quatenus videlicet huic a rebus exoticis lux aliqua affundi potest. In limine *Tabula Chronologica* reperitur, in qua Regum *Tyri*, *Syria*, *Egypti*, *Mediæ* item ac *Assyriæ*, anni cum annis *Periodi Julianæ* & Regum Judæ comparantur. In Capite de *Tyro* hujus celeberrimæ urbis originem, antiquitatem, & conditionem, Autor describit, ac litem diremisse videtur, quam Viri doctissimi de *Tyro* ac *Palætyro* moverunt. Deinde duos *Catalogos Regum Tyri*, ex *Josepho* excerptos, examini subjicit, & cum Historia sacra conciliat. Reges Syriæ ab *Adadezero* ad *Rezinem* ex Historicis sacris ordine disponit, ostenditque, obscuram hanc esse partem Historiæ, cui ex fragmento *Nicolai Damasceni* parum vel nihil lucis affulgeat. Ex Historia *Egyptiaca*, omnium confusissima, nihil

nihil depromsit hoc loco præter *Dynastiam* XXI ad XXVI, easque beneficio Regum in Sacris memoratorum, *Sefaci, Zerachi, Soi, Tbearonis, Nechonis, & Hophra*, illustrat, & cum annis *Periodi Julianæ* conjungit. Prolixior est in Historia *Affyriorum & Medorum* enucleanda, ubi, recensitis veterum ac recentiorum sententiis, huic Monarchiæ, quam propter difficultatem pauci, præter *Nicolaum Abramum*, tetigerant, præclaram lucem affundit. *Pars V* tota *Babylonii* ac *Persæ* ad finem Captivitatis Babylonice destinatur, itaque statim ab initio *Æram Nabonassaream* prolixè declarat Autor doctissimus; deinde de *Canone Ptolemai*, quo Catalogus Regum Babylonice exhibetur, eorumque anni ad *Æram Nabonassari* applicantur, data opera disceptat, de ejus editionibus, autore, & methodo, disquir, ejusque auctoritatem ab omnibus objectionibus vindicat. Reges deinceps in Sacris obvios exsequitur, & præcipue res gestas *Nebucadnezaris* ad tempora sua reducit, de illius successoribus, quantum satis est, monet, inprimis de *Dario Medo*, quem *Astyagis*, ultimi *Medorum* Regis, fratrem fuisse ostendit. Occasione autem *Cyri* auctoritatem *Herodoti*, in ejus Historia, *Xenophonti* præfert: & in *Dario Hytaspis* filio finem Captivitatis & finem hujus Partis constituit. *Pars VI*, quæ inscribitur de *Anni veteris forma*, continet examen traditionum Chronologicarum, ex ultima antiquitate repetitarum. Hic ergo differitur de *Diei, Mensum, & Anni* origine, de *Annorum* ratione ante *Diluvium*; diluvium serie Chronologica disponitur, ejusque annum dierum 360 æquevis fuisse, demonstratur; anni *Chaldaeorum* antiquissimi ex *Callisthene, Beroso, Diodoro, Hipparcho, Cicero*ne, evolvuntur; *Ægyptiorum* tempora & antiquissima dynastie obscuritate liberantur; *Periodi Sothiacæ* sive *Canicularis* origo docetur; Bellum *Trojanum, Olympiades, Annus Romanus, Romuli* natiuitas, & *Annus Roma condita*, suis annis per certos characteres assignantur; & hac ratione Autor vastum illud temporum intervallum, tot tricus impeditum, felicissime superavit. Multi quidem mallerent hunc præstantissimum librum Latino, quam Gallico, idiomate legere; sed Autori visum est vernacula lingua uti, tum ut facilius & felicius mentem suam exprimeret, tum quoniam existimavit, vix esse aliquem eruditum, qui sermonem Gallicum ignoraret. Methodum ubique sequitur planam, stiloque utitur tam perspicuo & claro, ut, modo quis leviter tinctus sit primis Chronologicæ principiiis, & in *Periodo Julianæ* non plane hospes, Autorem assequi, ejusque argumenta intelligere valeat. Cum autem ad hunc scopum unice collineat, ut ex profundissimis tenebris, quibus immersa erant, tempora & Epochas, in Sacris memoratas, extraheret, lucique meridianæ exponeret, fundamentum toti Chronologicæ substernit Historiam Sacram, & cum illa res exoticas conciliat, quod egregie in toto Opere præstitit. Ne autem in sterili hoc, ut videretur, labore Lectoribus tædium obreperet, doctis excursionibus, observationibus criticis & historicis, defessum Lectorem singulis fere paragraphis recreat & permulcet. Insignem denique hujus Chronologicæ sacræ utilitatem spectemus. Principio innumera fere loca S. S. obscuriora dilucide explanat, non solum quibus anni vel tempora indicantur, sed & alia huc usque minus commodè ad interpretibus intellecta. Huc pertinent e. g. quæ Autor disputat de *Minere & via Israelitarum per mare rubrum, de Institutione*

Paschatis, de Principio anni apud Judeos, de mutatione Calendarii, de Anno Jubileo, de Fefso Jerobeami, de Ezechielis diebus 390 & 40, de urbe Tyro, de Captivitate Babylonica, de rebus gefsis Nebucadnezaris. Porro aliis plurimis Scriptoribus, præcipue Chronologicis, errores evelluntur, corruptis locis medela affertur, defectus supplentur & restituntur; *Josephi, Eusebii, Syncelli, Scaligeri, Petavii, Marshami, Usserii, Pezronii,* & celebriorum nostri ævi Chronologorum, hypotheses sub incudem vocantur, & vel confirmantur, vel solidis argumentis refutantur. Porro hujus ope Chronologicæ facultas datur *Annales Sacra Historia* quam accuratissimos construendi. Multis tantum nequicquam Opus nulli quidem melius successit magno *Usserio*, sed, quam sæpe lectores destituat, Ven. *Vignolius* exemplis plurimis clarissime demonstravit. His autem jactis fundamentis, & remotis tot obstaculis, ædificium facillime superstruitur. Tandem hæc *Sacra Chronologia Historiam Sanctam Veteris Testamenti* extra omnem dubitationis aleam constituit. Hinc enim discimus, admirabilem intercedere Sacris Scripturis cum profanis conspirationem. Quicquid *Herodorus, Xenophon, Diodorus Siculus, Ptolemaus*, alii plures, de rebus Babyloniorum, Assyriorum, Tyriorum, gentium exterarum, veri scripserunt, illud consentit cum eo, quod Scriptura de iisdem gentibus commemorat, adeo quidem, ut ex hoc Volumine mirifica lux Historiis gentium affulgeat. Sacrum Codicem si auferas Historiæ, Cimmeriæ tenebræ in rebus priscorum relinquantur. Itaque, si Cel. *Vignolius* tantummodo in hunc finem laborasset, ut veritatem sacræ Historiæ novis argumentis doceret, satis amplum diuturni laboris & longarum lucubrationum præmium retulisset censendum est. Et hæc quidem de laudatissimo hoc Chronologicæ sacræ Opere generatim nunc dicta sufficiant. Quemadmodum itaque Reipublicæ literariæ interest, ne ejusmodi thesaurus ulterius intra parietes privatos delitescat, sed, ut factus, cui fingendo & formando tot annos tantumque olei impendit Cel. Autor, quantocyus, superstite Parente, in lucem prodeat, laudandum maximopere censemus consilium *Ambrosii Haude*, celebris Regiæ Berolinensis urbis *Bibliopola*, qui æquissimis conditionibus, lege subscriptionis, ejus publicandi in se laborem & operam suscepit. Pollicetur adeo, se curaturum, 1) ut totum Opus literis novis & elegantissimis Typographiæ *Breitkopfsiana*, quæ Lipsiæ est, in charta purissima & nitidissima, forma, quam vocant, *quarta majori*, duobus Tomis, excudatur. Specimen typorum & chartæ folio sigillatim excuso exhibetur. 2) Ut *Tabula Chronographica & Geographica* una cum Autoris *effigie* xri pulchre incisæ Operi adjiciantur. 3) Ut illud omnibus numeris absolutum autumno Anni hujus 1734 ad nundinas Lipsienses tradi possit. 4) Ab altera parte *Bibliopola* postulat a quovis subscribentium pretium totius Operis *quatuor imperiales*, pro Germanis, aut octo florenos Hollandicos pro extraneis, quibus solutis, Syngrapham quilibet accipit, cujus ope promisso tempore exemplar a *Bibliopola* repetere possit. 5) Si quis exemplar desideret chartæ majoris, sive augustæ, is quinque imperiales cum dividio præstet, aut undecim florenos Hollandicos. Terminum autem subscriptionum sunt ab initio hujus anni ad Hebdomadem Paschatis proxime instantis. 6) Pecunia absque sumtu *Bibliopola* transmittenda est, utque nulli deo opportunitas subscribendi, celebriores per Europam *Bibliopola*, quorum nomina indicare supervacaneum ducimus, hanc in se operam suscipient.



NOVA ACTA ERUDITORUM,

publicata Lipsiæ

Calendis Maji Anno MDCCXXXIV.

THE NATURAL HISTORY OF CAROLINA,
Florida, and the Bahama Islands, &c.
HISTOIRE NATURELLE DE LA CAROLINA,
la Florida, & les Isles Bahama, &c.

h. e.

*HISTORIA NATURALIS CAROLINÆ,
Floridæ, & Insularum Bahama, qua Icones avium,
animalium, piscium, serpentum, insectorum, & plan-
tarum, speciatim vero arborum sylvestrium, fruticum,
aliarumque plantarum, nondum descriptarum, vel male
apud Autores delineatarum, continentur, cum descri-
ptionibus, Anglico Gallicoque idiomate. Accesserunt
Observationes de aere, aqua, & locis; cum annotatis
de agricultura frumenti, leguminum, radicum, &c.
Omnibus præfixa est nova & correctæ Charta Geogra-
phica regionum, de quibus agitur. Per MARCUM
CATESBY, Regiæ Societatis Socium.*

Tomus I.

Londini, sumptibus Autoris, 1731, fol. ch. reg.

Alph. 4 pl. 8, cum æn. fig. 100.

Magnam oculis jucunditatem Iconum elegantia, quæ colori-
bus ad vivum illustrantur, nec minorem animo oblectatio-

B b

nem

nem parit regię formę & ad luxuriem usque elegans Liber, qui floridissimarum Americę Orientalis regionum historiam condere exorsus est. Ipse Autor, ex quo peragrandi hæc Britannorum ditiones commoditatem nactus est, ipse delineandi peritia probe imbutus, sedulam navavit operam, ne quidquam omitteret eorum, quæ Operi suo venustatem conciliare possent. Equidem ultro fatetur, primo, quod susceperat, itinere parum negotii peractum fuisse, quod voluptati saltem suæ, non vero utilitati publicæ, studere tunc suscepit. Verum reducis in Angliam amici, inter quos immortalis *Sberardus*, amici applausibus ita excitavit industriam, ut serio, easdem terras revisurus, proposuerit sibi, Historiam naturalem locorum condere. Quo successu usus sit in negotio, titulus Libri declarat; plura enim illis, quæ observata sunt, & quorum partem saltem præsens Volumen exhibet, exigi aut expectari a rerum naturalium studio vix poterunt. Sicut illi, qui animo observandi proficiscuntur, acutiores habere solent oculos, ita, cum altera vice magno æquore veheretur Autor, plura fortasse, quam cum primum diversa mente Carolinam peteret, detexit; jucundissima enim sunt, quæ de piscatu delphinorum, quo piscibus volantibus insidiari solent, de lusu phocarum, belloque cum carchariis gesto, enarrat, negari etiam nequit, mirari neminem satis posse, quod medio fere inter Africam & Americam loco terrestres aves aquas circumvolitare deprehensæ sint. Multo magis ex voto cessit labor, cum per Carolinæ planities, montesque, qui orbis terminum figunt, vagaretur felicissimus plantarum maxime volucrumque indagator, quarum insimul historiam sic pepigit, ut eadem pagina planta elegans cum volucris, aliquando etiam cum pisce volucris, aut cum planta marina avis conjuncta, prout analogia id postulaverat, conspiciatur. Redux in Angliam Autor propriis sumptibus, quamvis benevolentiam eorum, qui conatus adjuverunt, non reticeat, magnum Opus condere suscepit, quod ipse artis chalcographiæ peritissimus esset, eo felicior, quod splendidissimis coloribus difficilem alioquin rerum cognitionem insigniter sublevaverit, fassus tamen, viriditatem, ruborem, aliosque colores, in debito gradu, quo in planta vel volucris deprehensi fuerant, imitari se non potuisset.

potuisse, imo vero necessarium non esse, dummodo de charactere aliquis dubius esse non possit. Methodo equidem nulla neque in volucris, neque in plantis, ordinandis usus est; interim nihil omisit eorum, quæ plenissimam cognitionem in mente Lectoris gignere possunt, ita, ut in declaratione avium, ponderis naturalis, latitudinis, quæ expansis alis est, longitudinis, rostri, oculorum iridis, pedum, plumarumque, exactissimam mentionem fecerit; quid? quod & singulæ avis mores, vivendi rationes, prædamque, descriperit quam plenissime. Nomina avium ex convenientia cum nostris imposita sunt, retentis aliquando patronymicis, si prorsus novum esse genus intellexerit. In plantarum declaratione, prout ingenue fatetur, usus est studio *Sherardi*, quo exponente, ex *Bannistero*, *Plumierio*, *Pluckenetto*, convenientia nomina data sunt, vera, ubi de flore & fructu simul constitit, probabilia saltem, ubi fructus tantum aut floris habitus perspicui potuit. Minus cognitæ stirpes a similitudine cum nostratibus definiuntur, ut *Alni folia*, *Prunus buxi folio cordato*: *Quercuum* & *Bignoniarum* insignis est diversitas: *Acacia Abrue folio* prorsus singularis est: *Smilacæ* varii generis exhibentur, nec desunt vulgatiores nostrates, *Ornithogalum minus flore luteo*, quas mireris apud Americanos inveniri. Magnopere delectantur curiosi *Elemi* arbore, quæ terebinthinæ species est, & *Sassafras*, cujus utriusque Icon ingenue exhibetur. *Tulipifera*, quæ jam nostris etiam in hortis feliciter succrescit, sic delineata est, ut elegantius non possit. Quid plura? Gratulamur Autori, gratulamur genti, quæ tanto cive gloriatur, de felici laborum successu, eidem vitæ, valetudinis & indefessi studii perennitatem, ne spe tanta, quam de eo concepit, orbis literatus decadat, apprecati.

EXPEDITIO HISPANICA APOSTOLI S.
Jacobi Majoris asserta; Autore EMMANUELE CA-
JETANO SOUSA, Clerico Regulari, Regiæ Majestati a
Consiliis, Bullæ Sanctæ Cruciatæ Pro-Commissario Genera-
li Apostolico, & Regalis Academiæ Quinquéviro Censore.

Tomus II;

*Complectens tres Appendices ad priorem Tomum, quibus
accessere Indices IV utriusque Tomi.*

Ulyssipone Occid. ex prelo Joseph. Ant. a Sylva, 1732, fol.
Alph. 8 pl. 8.

Pag. 917.

Denuo hic Tomus Regi Augustissimo, Joanni V, inscriptus fuit. In Appendice Ven. Autor rem asserere aggreditur, per septendecim Secula constantem, nempe sacram ædem a S. Jacobo Majore ad ripam Iberi fluminis constructam, & sub nomine Augustissimæ Virginis ad Hispaniam adventantis, ipsius jussu, Numini æterno dedicatam: ædem, non a gentilibus, non ab Hæreticis, non a Mauris unquam impetitam, a maximis Pontificibus, magnis Regibus, populisque plurimis cultam per longissimam annorum seriem, sed tandem hac ferrea ætate a morosis Criticis oppugnatam. Verba recensemus Autoris ipsa. Index Appendicis est: *Mater admirabilis*. Hoc enim cognomen *Mariam Jacobo* revelasse, ipse credit. Præmisit *Tomo II Propyleum*, quo expeditioni Hispanicæ *Jacobi* robur addere, eamque ex S. Apostolo *Paulo* confirmare contendit. Editio enim *Tomo priori*, neoterico Adversario placuit in Opere, Lusitanice scripto, argumenta Ven. *Sousa* convellere. Opus fuit inscriptum: *Voz da Verdade*, i. e. *Vox veritatis*. Respondet *Sousa* unum & alterum. Primo contendit, nil attulisse novi Adversarium, sed repetiisse argumenta, jam ante in Dissertatione Historica, Latine scripta, allata, quæ in *Tomo I* sint diluta. Secundo confecit *Indicem Harmonico-generalem*, Indici universali præmissum, ut pateat, quantum Adversarii Dissertatio Latina & Opusculum Lusitanicum consonent. Laudat inter hæc Jesuitæ Rev. *Guilhelmi Cuperi*, Antwerpiensis, unius e Continuatoribus Operis Bolandiani de Actis Sanctorum, librum, cui titulus: *Vindicie breves pro Hispanica S. Jacobi predicatione*, sibi gratulatur de extranei consensione, ac summam Operis *Cuperiani* recenset. *Cuperus* quoque in neotericum Adversarium sua direxit tela, Contra *Vocem Veritatis*, emissa quoque est scriptiuncula Hispanica: *Crisis de las proposiciones del Opusculo intitulado Voz de la Verdad en lengua Portuguesa*. Credimus nihilominus, litem hanc ad Historiam Ecclesiasticam planius introspi-

spiciendam, & acumen criticum in dies exercendum, esse accommodatissimam. Ita enim digladiantur dissentientes, ut humanitate & argumentis invicem certent. Quæ certamina nunquam non fructuosa fuerunt. Sed redimus ad Appendicem primam. *Ædem Marianam Cæsaraugustæ*, a Columna dictam, ab Apostolo *Jacobo Majore* fundatam esse ad ripam Iberi fluminis, est res tanta, ut altissimo silentio prematur non solum a Sacra Scriptura, sed etiam ab Autoribus antiquis in iis Voluminibus, quæ nunc sincera & non interpolata exstant. Quare Autor facile prævidet, traditiones, sera ætate demum credi cœptas, a peritis rei historicæ haud immerito explodi, præcipue si ex ab hominibus fuerint exortæ, qui examine caruerunt veritatis, ac hypothesibus domesticis, ex errore inanantibus, laborarunt. *Tertullianus* ad traditionem, per ætatem unius Seculi continuatam, cur non provocaret? At, ubi *Hieronymus* ex traditione ad terebinthum Abrahami, Chebro-ne positam, provocat, merito fides ei denegatur. Absesse omnino debent Critici, ubi fidem iis rebus conciliare nitimur, quibus certum & stabile deest testimonii fundamentum. Negari equidem non potest, ædem illam gloriosæ Virginis Mariæ Cæsaraugustanam esse vetustissimam & celebritate maxime spectabilem. Sunt, qui eam reputant pro prima Ecclesia in Hispania. Inde colligunt porro alii, constructionem ejus ad tempora Apostoli *Jacobi* esse referendam. Dolendum est, templa exeunte demum Seculo tertio a Christianis fuisse constructa, idque ab Historicis firmissime esse evictum. Traditionibus esse habendam fidem, docet Autor exemplo vestigiorum Christi, in monte Oliveti ab eodem impressorum, quæ vindicare conatur contra *Georgium Hornium*, quem vocat *Hæreticum Lutheranum*, cum nemo facile ignoret, illum fuisse Doctorem publicum Ecclesiæ Reformatorem. Quantum accessionis veritas ex appellationibus molestis, & criminibus in Autores defunctos congestis, accipiat, satis est exploratum. Exstat Cæsaraugustæ columna jaspidea in sacra æde, in qua dicitur gloriosa Deipara *Jacobum* allocuta. Ad eam Autor provocat, tanquam monumentum fide dignissimum. Adsciscitur traditioni pondus ex copia conchyliorum bivalvium, quæ

Pag. 920.

922 seq.

929 seq.

933 seq.

- vocantur *cape santo di Santo Giacomo* Italice. Sed, ea alibi quoque existere, quis negabit? Cum iis ibi inventi sunt baculi, *S. Jacobi* insignia. Omitimus argumenta alia allata, quæ malumus apud Autorem legi ipsum, & ab Hispanis examinari, si iis fuerit licitum. *Buluzius* certe nonnulla vidit in contrarium. *Natalis Alexander Tom. I p. 159 Hist. Eccles.* traditioni fidem denegavit, cui assensit nuper Criticus politissimus, mutuatus vim a silentio undecim Seculorum, a morte *Mariæ* paulo post adscensionem Christi in celos facta, quam veteres dixerunt *assumptionem*, a forma imaginis *Mariæ*, quæ super columnam colitur, ad prototypum non quadrantis, a forma calceamentorum, Ebræis non congruentium, a paupertate *Jacobi*, ab humilitate *Mariæ*, coronatum caput indubie averlatæ. Reponit Autor ea, quæ popularibus maxima ex parte satisficient suis. Succedit Appendix secunda, complectens *Syntagma*
1113. Pag. 1113.
- 1123 seq. de *gravissima autoritate Breviarii Romani, novissime recogniti jussu Urbani VIII*, quo traditio de *Jacobi Majoris* expeditione Hispanica continetur. Regeruntur diversa in dissentientes, & Breviarii fidem sollicitantes. Est tamen extra dubitationis aleam positum, *Nicolaum Antonium*, Scriptorem Hispanorum gravissimum, in *Bibliotheca veteri Hispana Tom. I Lib. V Cap. 1 n. 16*, fateri, certam fidem historicam Breviariis non inesse. *Antonius* laudat consentientes *Ludovicum Vivem*, *Melchiorem Canum*, *Papyrium Massonum*, & *Ambrosium Morales*, Viros summos, & judicio non prorsus destitutos. Breviarius porro Romanum sæpius est immutatum, sæpius est expurgatum & recoctum. *Urbanus VIII* jussit inde historiam de causa secessus *S. Brunonis* in eremum tolli, quam egregie perscripsit *Joannes Launojus* in Libro de *vera causa secessus S. Brunonis*, quem refutare contendit *Joannes Columbus*, Jesuita, in *Diff. de Carthusianorum initiis*. Credit Autor, causam illam e Breviario fuisse expunctam, instante Capitulo Ecclesiæ Parisiensis, quia extiterit, qui suspicaretur, illum infelicem accusatum, judicatum, & damnatum, fuisse Doctorem illius Academiæ, vel Canonicum in eo Capitulo. Octo peccata exprobrantur Breviario *Urbani VIII*, inprimis Baptis-
- 1214.
- mus

mus *Constantino M. a Sylvestro Romæ collatus*, de quo jam ipsi Pontificii partim dubitant. Ad singula respondet Autor & docte & copiose. Ad argumentum negativum infirmandum iterum iterumque excurrit. *Papebrochium* morosis annumerat Criticis. Appendix III repræsentat Syllogen Autorum omnium gentium omniumque Ordinum, qui Expeditionem *S. Jacobi Majoris* asseruerunt. *Bartholomæus Laurentius* recensuit ejusmodi Autores 70, *Ferdinandus de Oxea* 80, alii plures. Sunt, qui 470 & 480 protulerunt. Insignem nubem hic quoque communicatam, merito stupemus. Vere igitur Abbas Gallus, *Langlet du Fresnoy*, in *Methodo studendi Historia Tom. IV Art. 134 p. 336* dixit, Hispanos versari circa duos magni momenti Articulos, unum de expeditione *S. Jacobi*, alterum de Apparitione Matris Admirabilis. Syllogen Autorum excipit Index locupletissimus. Celebranda est Ven. Autoris indefessa lectio, industria adamantina, & ardoris summa vis in propugnandis iis, quæ genti suæ perquam probantur.

Pag. 1220.
1233 seq.

JOANNIS LAUNOJI, CONSTANTIENSIS,
Parisiensis Theologi, Socii Navarrai, Opera omnia,
in quinque Tomos & decem Volumina di-
tributa.

Tomi IV. Pars I & II.

Coloniz Allobrogum, sumtibus Fabri & Barrillot, Sociorum,
& Marci-Michaelis Rousquet & Sociorum, 1732, fol.

Alph. 13 pl. 14.

Primo loco in *Tomi quarti Parte prima* comparet liber *de Scholis celebrioribus, seu a Carolo Magno, seu post eundem Carolum, per Occidentem instauratis.* Notum est, *Launojorum* id sibi in hoc libro propositum habuisse, ut varios Autorum locos, qui de scholis Galliz, Italiz, Angliz, Germaniz, Belgii, egerunt, illustraret, & originem scholæ Parisiensis cum primis investigaret. Deinde vero in id incubuit, ut fabulas, per speci-

Pag. 1 seq.

Pag. II.
Præf.
pag. I.

speciem amplificandæ atque illustrandæ *Caroli M.* gloriæ confectas, annotaret. Ipse tamen *Launojus*, his fabulis deceptus, *Danielem*, Regem Angliæ, nobis tradit, ita, ut Cl. Editor in subiecta Annotatione recte miretur, eum non animadvertisse, *Carolus Magnus* ibi *Davidem* appellari. Atque inter has fabulas de *Carolo M.* referenda sine dubio videtur Cl. Editori narratio in *Danielis Hist. Gall. Tom. I p. 435*, ubi refert, *Alcuini* consilio *Carolus Magnus* Academiam quandam instituisse, in quam ingeniosissimis & eruditissimis Aulicis allectus fuisset, & in quibus Academicis congressibus cum aliis communicasset, quæ ex lectione veterum Scriptorum hausisset: quin etiam Academicos antiquorum scriptorum, quibus potissimum delectarentur, aut Heroum nomine se decorasse, & *Alcuinum*, qui in Epistolis suis hæc singularia doceat, *Flacci* nomen, quod erat nomen, *Horatii*, usurpasse, nobilem quandam, *Angilbertum* nomine *Homerum*, *Adelardum*, Corbejensem Abbatem, *Augustinum*, *Riculphum*, Moguntinum Episcopum, *Dametam*, *Carolus* ipsum *Davidem*, appellari voluisse. Hæc ingeniose excogitasse *Danielem*, judicat Editor, & somnia hominis, qui res antiquas ad recentes exigit, propterea quod in *Alcuini* Epistolis hac de re nulla fiat mentio. Alterum locum in hac Parte occupat liber de varia *Aristotelis* fortuna in *Academia Parisensi*, extraneis hinc inde adornata præfidiis, A. 1653 primum editus; de quo quidem libro, omnibus noto, multa dicere supervacaneum foret. Hunc sequuntur *Considerationes occasione approbationis, concessæ ad edendam Historiam Hospitalium Ordinis S. Spiritus, Gallice editæ*, aliaque Opuscula, quæ ad notam, quam Parisiensis Facultas duabus propositionibus, ab *Ant. Arnaldo* prolatis, inussit, spectant, 289 seq. & in quibus de *Jansenii* doctrina agitur. Sequitur *Regiæ Navarrae Gymnasii Parisiensis Historia*, quæ in tres Partes distributa est, primaque in libros tres, qui complectuntur *Gymnasii* originem, statuta, disciplinam, variis temporibus inductam, studiorum ordinem, Theologiæ cathedrarum fundamentum, nomina Grammaticorum, Artistarum, & Theologorum, ab A. 1342 usque ad A. 1640. In secunda Parte Elogia Regiæ Navarrae habentur, in tertia denique centum & triginta quatuor

tuor Scriptores, Scriptorumque vitæ & Operum Indices recensentur. Primum Scriptores Navarrici Socii exhibentur ab A. 1300 usque ad A. 1676, inter quos eminent *Gerſo*, *Clemangius*, *Almainus*, *Spencæus*, atque *Sanctesius*. Deinde vitæ expouuntur Navarricorum Sociorum, qui bene acta vita potius, quam scriptis, inclaruerunt.

In *Parte secunda* bujus *Tomi* primo loco legitur *Disserta-* Pag. 7 seq.
tio, continens judicium de Autore librorum de imitatione
Christi. Rogatus A. 1649 a *Roberto Quatremario*, Benedictino,
Launojus, quid ipsi videretur de Autore librorum de imitatio-
 ne Christi, ad eum misit argumenta, quibus probari posse cre-
 debat, *Thomam a Kempis* eorum Autorem non esse, eosque
 melius vindicari *Joanni Gersoni*. Quam *Launoji* Dissertatio-
 nem eodem anno edidit *Quatremarius*, eamque confutandam
 suscepit A. 1650 *Joannes Fronto*, Canonicus Regularis Sange-
 novefanus. *Launoji* rationes præcipuè eo redeunt, voca-
 re Autorem in exemplum *Mohachos*, nominatim *Cister-*
cienſes, & *Moniales*, cum tamen tempore, quo *Thomas Kem-*
penſis vixit, omnes prorsus *Monachi* & *Moniales* a vitæ reli-
 giosæ rigore deflexissent. Deinde *Thomam Kempensem*, qui
 fuit Clericus, in aliis suis Operibus in exemplum adducere Cle-
 ricos Regulares, quod non æque factum sit in libris de imita-
 tione Christi. His adjiciuntur aliâ monumenta, nullo ordine
 servato, quia sero in typographorum manus pervenerunt; quæ
 denique excipiunt quædam selectæ scriptiones tam pro *Launo-*
jo, quam contra *Launojum* editæ. In his legitur in librum 149.
Magistri Joannis Launoji, Theologi Parisiensis, qui inscribi-
tur, regia in matrimonium potestas, Observationes, Autore
Theologo Parisensi, editæ Lovani, sive Parisiis, A. 1678, 4.
 Autorem harum esse *Observationum Jacobum Leullerium*,
 Facultatis Parisiensis Theologum, etiam nunc viventem, *Sancti*
Ludovici in insula Parisiensi parochum, ex adjecta Editoris An-
 notatione discimus. Apparet hic porro *Tractatus de impedimen-* 302.
tis matrimonii, cujus Autorem *Jacobum Bolaum*, Doctorem &
 Socium Sorbonicum, Ecclesiæ Metropolitanæ Decanum, tradit
 nota Editoris subjecta. His denique subjiciuntur *Launojana*, seu 337.
 Collectio eorum omnium, quæ ad *Launojum* ipsiusque scri-

pta pertinent, concinnata a Doctiss. Editore. In tres Partes hæc *Launojana* divisa sunt, quarum prima complectitur Commentarium de vita *Launoji*, Epitaphium ejusdem & testamentum; altera agit de varia *Launoji* librorum fortuna; tertia denique comprehendit varia, eaque rariora, de eodem hoc argumento Opuscula, e.g. Elogium *Joannis Lannoji*, Londini A. 1685, 12, editum: *Rolandi Marassi* Epistolam ad *Joannem Launojum*, censuram Facultatis Theologice Aquensis in librum *Joannis Lannoji*, qui inscribitur Disquisitio disquisitionis de *Magdalena Masiliensi* advena, & Edictum Senatus Aquensis contra hanc ipsam Disquisitionem: Epistolas & Scripta Apologetica *Norberti Cailieu*, in Facultate Parisiensi Doctoris Theologi, nec non Archimonsasterii Præmonstratensis Prioris: *Ecdicum Gregorii*, Papæ, adversus *Joannem Launojum*, *Ludovico Nubleo*, Doctori utriusque Juris, & Advocato in Senatu Parisiensi: *F. Richardi* Epistolam, continentem notas in margine libri sub titulo Assumptionis Mariæ Virginis vindicatæ, in initio efformatas, Duaci apud Cornelium Vanbookh, 1672, 12, p. 32: *Joannis Lannoji* Epistolas aliquot, ab *Georgio Serpelio* editas, in Præfatione, quam attexit Dissertationi *Launojana*, de vera causa secessus *S. Brunonis* in eremum, editæ Francofurti A. 1720, 4: *Georgii Serpeli* Invitationem ad rarissimorum *Launoji* Opusculorum editionem nitidissimam, subscriptionibus promovendam, Ratisponæ, impensis *Joannis Zacharia Seidelii*.

OPERE FISICO-MEDICHE, &c.

h. e.

OPERA PHYSICO-MEDICA, IMPRESSA
& manuscripta, Equitis ANTONII VALLIS-
NERII, collecta ab ANTONIO,

Filio.

Tomus III & ultimus.

Venetis, apud Sebastianum Coleti, 1733, fol.

Alph. 5, cum Tabb. aliquot æneis.

Cum nuper præclarissimorum horum Operum priora duo Volumina recensuimus, tum nec tertium, idemque ultimum,

mtum, quod novissime prodiit, sicco pede prætereundum videtur. Complectitur illud primo loco *Lectiorem Academicam* Cel. *Vallisnerii super origine fontium*, quam cum Annotationibus ipsius Autoris, variorumque doctorum hominum literis, Dissertationibus, atque Observationibus, A. 1726 in lucem edidit *Gaston Josephus Georgius*. De cujus scripti argumento & præstantia cum in *Actis* nostris *Mense Novembr. A. 1726* jam satis ampla facta sit mentio, in præsentia nihil addendum arbitramur. Sequitur *Collectio variarum Observationum, ad Historiam medicam & naturalem spectantium*; quæ pleræque ex *Actis* Academiæ Naturæ curiosorum, atque ex *Diariis* Eruditorum Italicis, in hunc locum translatae sunt. Quædam, antea non editæ nunc primum comparent. Nonnullæ etiam aliud argumentum habent, quam medicum aut physicum. Agitur enim, exempli causa, de patria & rebus Cardinalis, *Sebastiani Pighini*, Regienfis; de vita Com. *Beatricis Papafave Cittadella*, quæ mortua est *Patavii* A. 1729, annum agens ætatis tertium supra centesimum; de inscriptionibus quibusdam sepulchralibus, aliisque rebus oppidi *Scandiani*, & Domini ejus, Comitis *Matthæi Mariæ Bojardi*; de Planisphærologio novo, invento a Dom. *Facini*; de serie Regum *Mogol*; de eo, quod Scriptores Itali lingua Italica uti debeant. Pergimus ad *Tentamen Historiæ medicæ & naturalis*, quod nihil aliud est, quam *Lexicon Reale Medico-Physicum*, a Cel. *Vallisnerio* inchoatum, sed non perfectum. Augere tamen illud aliquando in animo habet Cl. horum Operum Editor, *Antonius Vallisnerius*, *Antonii* nostri filius. Idemque Præfationem huic Operi satis amplam præmisit, in qua de præstantia & variis argumentis historiæ naturalis disserit. Hujus tres potissimum sive ætates, sive status, distinguit: quorum uno antiquos Scriptores Græcos & Latinos ad *Plinium* usque complectitur: alterum ad *Baconem de Verulamio* extendit: tertium denique a *Gedartio* & *Suammerdamio* exorditur, hanc suam divisionem exemplo historiæ insectorum maxime illustrans. Reliqua sunt quatuor Opuscula, quorum satis erit hoc loco inscriptiones commemorare. Primum *consilia quædam me-*

dica exhibet, quorum longe major foret numerus, si univērſa colligere Doctiſſ. Editor voluiſſet ac potuiſſet: alterum *Epiſtolas* varii argumenti comprehendit: tertium inſcribitur: *Correc-tiones quarundam Obſervationum Cl. Redi*: ultimum de-nique locum occupant *Concluſiones Phyſico-Medicæ, quas ſub auspiciis Illuſtriſſ. D. ac Viri Cl. Antonii Valliſneri &c. expoſuit, & coram almo Philoſophiæ ac Medicinæ Doctōrum Col-legio defendit, Senis in Aula Comitiorum, A. 1725 Leo Bernar-dus Pagliai, Senenſis Academicus Phyſiocriticus.*

AN ESSAY CONCERNING THE EFFECTS OF AIR
on human bodies, &c.

h. e.

TENTAMEN CIRCA EFFECTUS AERIS IN
corpore humano; per JO. ARBUTHTHNOT, M.
D. Collegii Regii Medicorum Londinenſis & Edinbur-
genſis, & Regiæ Societatis, Socium.

Londini, typis J. Tonſon, 1733, 8.

Plag. 15.

Magna ingenii felicitate uſus eſt Autor in declarandis aeris, cauſarum non naturalium principis, in corpus humanum effectibus. Aerem appellat fluidum ſubtiliſſimum, terram undique ambiens principale inſtrumentum poſt magnetiſmum & gravitatem ſpecificam generationis, accretionis, reſolutionis, cujus legibus vegetabilia, mineralia, terreſtria, aquatilia, ſuſtineantur. Aer terræ vicinior ejus effluviis, maxime vero aquæ, imprægnatur. Inde eſt, quod corpora bibula aeris aquam attrahant. Sic calculum ſuppeditat, ex uncia ſalis tartari uncias quatuor olei tartari per deliquium fieri, quod augmentum aquæ ex aere acceſſioni debeat: quod ſi ſuperior aeris regio nebulosa fuerit, quæ nos cingit athmoſphæra, reſpectu corporum noſtrorum ſiccior dicenda erit, innubilo vero aere, humidiores particulæ nos propius ex opinione Autoris ambiunt, atque ef-
fluviis

fluviis terrestribus vario modo miscentur, id quod clarum est ex diversa roris indole, pro differentia locorum, siquidem observationibus chymicis constat, eundem modo volatilem esse, ita, ut vasa vitrea, quibus incarceratus fuerat, disruperit, modo fixiorem, & cujus salia iridis in modum resplendeant, modo instar gelatinæ glutinosum, aut foetidum: accedit, quod vegetabilia transpirando aere in effluviis suis adimpleant, nec mineralia suis vinculis ita contineantur, ut non aliquid transpiret, quo ipso fit, ut varia salium, acidi, aluminosi, aliorumve, partes in aere oberrare deprehendantur, imo etiam animalium corpora exhalationes suas aeri communicent. Quid? quod ovula insectorum, aut insecta ipsa, nobis imperceptibilia in aere oberrant. Horum effluviis in aere ut moderata sit temperies, phaenomena aerea, pluvia, nives, gelu, æstus, venti, tonitrua, efficiunt, quibus omnibus accommodata corporibus nostris atmosphaera redditur. Interim, cum pro locorum conditione, ob effluviis & accidentium, quibus aer alterari solet, diversitatem, varia esse debeat aeris mixtura, inde, pro hac differentia vario modo corpora ab aere hic vel alibi afficiantur, oportet. Inde non tantum ab insectorum e. g. locustarum illuvie, & cadaveroso post mortem earundem odore, pestifera mala excitata fuisse, infert, sed & declarat, etiam secundum naturam, si tranquillus semper nec ventis agitatus esset aer, ab effluviis trium millium hominum insimul viventium pestem oboriri posse. Non autem a miscela saltem aeris vario modo afficiuntur corpora, sed & ejusdem elasticitas, quæ in singula bullula aerea totius aeris atmosphaeræ æqualis densitatis gravitati resistere posse prædicatur, non uno modo in corpus agit. Aer in respiratione, latenti intra vasa humani corporis aeri, æquilibrante modo, resistit, & ab eodem afficitur, nec minus efficaciz habent qualitates aeris, maxime calor, qui si esset æqualis, aut superior calori vitali, qui ad 92 & 94 gradus in homine sano æstimatur, cum in calidissimis regionibus eo usque caliditatis aer non perveniat, vivere in eodem humanæ corpora non possent; interim, pro varia caloris elevatione, corpus vario modo patitur, maxime vero in

transpiratione auctiore vel imminuta, prout aeris conditione pori affecti fuerint, accidit, ut per poros patentes aer ipse intus suscipiatur, de quo dubitare nemo potest, cum densiora aere corpora, mercurius, cantharides, subire massam sanguinis conspiciantur, comprobatum etiam sit *Keilii* experimentis, octodecim unciiis graviora facta fuisse corpora, saltem ab aere poros subeunte. Aeris ipsius, pro altitudine sui, lubilitas, corporibus humanis gravis est, siquidem testimonio *Josephi d'Acosta* constat, in quodam Peruano monte, a frigoris insolentia vomitu corripri corpora, mortua etiam a putredine praeservari. Ut vero theoreticæ, quas passim hoc eleganti Opusculo tradit, regulæ experimentis suis consent, variarum regionum aerem examinat, ejusdemque in corpora subiecta operandi efficaciam exponit. Exempli loco ipsi est aer Ægyptiorum, qui, quamvis ob putridarum exhalationum, stagnantibus hinc inde Nili paludibus, effluvia noxius esse debeat, a duplicis æstatis efficacia sic corrigitur, ut ad provectionem ætatem homines regionis pervenireprehendantur.

VARIOLARUM ANTIQUITATES, NUNC PRIMUM e Græcis erute a JOANNE GOTHOFREDO HAHN, *Philos. & Med. D. & Natur. Curios. Socio.*
Accedit de MESUÆ SYRI Scriptis ad Cel. FABRICIUM Epistola.

Brigæ, imprimebat Gothofr. Trampusius, 1733, 4.
Plag. 19.

Cl. *Habnium*, alibi jam in his *Actis* cum laude nobis commemoratum, non obstante copiosa, eaque felicissima, qua in urbe patria inclaruit, praxi, evolvendis curatius antiquorum monumentis aliquid impendere temporis, fructusque lucubrationum suarum publico impertire, voluptati sibi ducere, elegans hæc, cujus jam summam exhibere studemus, de antiquitatibus variolarum disquisitio abunde testatur. Argumentum sibi, uti a multis tentatum, ita a nemine adhuc perfectum, delegit, neque

neque magno dissentientium numero a consilio se avocari passus, manifestis rem omnem documentis comprobavit. Communis erat Medicorum, primi etiam ordinis, opinio, primam variolarum mentionem ab Arabicis artis salutaris Scriptoribus injectam esse, indeque novam hanc labein illorum demum temporibus exortam esse arguebant, vix alias a Græcis, in delineandis morborum characteribus perquam accuratis, omittendam. Ii etiam, qui aliqua se deprehendisse hujus morbi apud Græcos vestigia putabant, per exanthemata & phymata, frequentius ab iis memorata, variolas quoque denotari asseriebant. Uti vero, generalia hæc nomina pluribus morbis, aliquam in cute excretionem molientibus, competere, variisque adjectis epithetis determinata, interdum etiam de variolis intelligenda esse, non negat, ita his tamen solis tribui non posse facile patet; cumque variolarum historiz in febribus omnino querendæ sint, sub initium secundi morborum epidemiorum libri tandem variolas nomine ἀνθράκων seu carbunculorum ab Hippocrate descriptas deprehendit. Locus, quem fundamenti loco reliquæ tractationi præmisit Cl. Autor, hic est: Ἀνθράκες ἐν κρανῶνι θεινόν; ὅτε ἐν κάμασιν ὕδατι λάνρω δι ὅλου. Ἐγένετο δὲ μάλλον νόσος. Καὶ ὑπεγίνοντο μὲν ἐν τῷ δέρματι ἰχῶρες, κηισμὸν ἐνεπείεον. Ἐῖτα φλυκταίνοντες ὥσπερ πυρίκαυστοι διανίσταντο, καὶ ὑπὸ τὸ δέρμα καίεσθαι ἐδόκειον. Hunc omnino locum de nullo alio, quam varioloso, interpretandum esse morbo, defendit, siquidem hoc ipso libri principio de febribus agat Hippocrates, interque hos carbunculos, tanquam morbum ordinarium referat, in specie etiam exanthematicas hic recenset, pustulæ etiam variolarum vesiculis, ab aqua fervida excitatis, egregie respondeant, & quæ mox subjicit de abscessibus confertim uno impetu erumpentibus, depressis, declivibus, non sufficienter ad corporis habitum propulsis, differentiam inter distinctas & confluentes satis ante oculos ponant. Cum vero huic explicationi potissimum obstat, quod carbunculorum nomine audito, pestem denotari censeant plerique, secundo Capite hoc tollere præjudicium laborat. Neque enim ulibi carbunculos pro pestis signo ab Hippocrate habitos, sed omnem

Cap. I.

§. 4 seq.

II.

Cap. II.

- §. 19 seq. omnem morbum, quam primum communis factus est omnibus, pestem illi dictum, monet: quod e tertio epidemiorum libro, ubi pestis Atheniensis describitur, illustrat; ubi simul Cel. Freindii sententiam, quod hic neutiquam de peste sermo sit, refellit, collatisque Hippocratis de hoc morbo, & Thucydidis de peste Atheniensi, relationibus, eas sibi exacte convenire docet. Et si vero eodem libro carbunculorum mentionem injiciat, eos tamen satis a peste distinguit. Ita enim pergit: *Alia insuper etiam febres viguerunt. Carbunculi, astate multi &c.* ubi pariter carbunculorum descriptio variolis per omnia quadrat. Quod si plures quis ex Hippocrate variolosorum historias desideret, eas sub generali phlyctenarum nomine Lib. IV §. 23 & Lib. VII §. 114 seq. satis perspicuas reperiri, ostendit. His ex Hippocrate, tanquam antiquissimo artis salutaris Scriptore, stabilitis, reliquorum Græcorum ad Galenum usque consensum demonstrat, atque Aretæum carbunculum nulli pro pestilenti ulcere habere, sed inter reliqua cutis vitia & ulcera crustosa, quales sunt variolæ in declinatione, referre, innuit. Qua pariter ratione Dioscorides de iisdem agit; ubi simul monet Cl. Autor, malignas inprimis & confluentes carbunculorum nomine Græcis venire, distinctas vero generali pustularum nomine indicari. Inprimis vero in sententia confirmatus est eleganti descriptione, quam Herodotus, Lycienfis, Medicus primo & secundo Seculo florens, dedit, quam vel nostris temporibus magis exactam vix exhiberi posse, censet. Inde ad Galenum accedit, atque ejus descriptionem, quam in methodo medendi de carbunculis exhibet, per omnia membra excutit, eandemque ad variolas spectare docet; eos enim ad tumores ulcerosos refert, atque in benignos & malignos dividit, prout nunc variolas solemus. Imo varia morbi stadia a Galeno indicata egregie conveniunt; in primo enim pustulam adesse, eaque rupta, ulcus fieri, quod in tertio stadio crustosum evadat, ostendit; confluentes etiam, imo tertiam quandam speciem, his pejorem, ubi tota cutis in unam veluti bullam, absque ullis interstitiis, elevetur, notat; atque circumjectam cutem inflammarî monet. Ea quoque, quæ de colore
- Cap. III.
- 30.
- Cap. IV
§. 34 seq.

lore carbuncolorum rubente, nigricante, & splendente, nec non de febre, inseparabili carbuncolorum comite, habet *Galenus*, optimo jure variolis applicari, evincit Cl. Autor. Inde ad Arabes, apud quos variolarum nomen primum auditum, accedit, qui tamen de iisdem neutrquam tanquam morbo novo agunt, sed pleraque a Græcis desumserunt. Uti enim præcipuis eorum Scriptoribus plagii nota ita adhæret, ut, si vel ea, quæ ex superstitibus Græcorum libris hausta apparet, demas, pauca illis propria remaneant; ita in hoc pariter variolarum argumento idem observari, aliquos etiam, quod Græcis sua debeant, fateri, ostendit. Sic enim *Aaronem*, antiquissimum Arabum Scriptorem, de variolis, tanquam morbo recepto, loqui, & nunc anthracum, nunc variolarum, nomen adhibere, neque, quæ de variolis nigris & viridibus addit, a Græcorum colore λευκῶ & ὑποπλευῶ differre, docet. Inprimis vero *Mesuen Syrum* & *Joan-nem Serapionem* totam *Galen*i descriptionem ad verbum fere suis scriptis inseruisse patet, addito solum variolarum nomine. *Rhazes* vero, Arabum *Galenus*, in Tractatione de variolis sæpius *Galenum* citat, atque *Haly Abbas*, aperte dicit: Variolam antiqui carbones dixerunt ambustos, Græci filias ignis vocant. Denique, ut parallelismum historiarum variolarum apud Arabas & carbuncolorum apud Græcos eo magis reddat inane, *Avicenna* descriptionem, quæ inter reliquas maxime perfecta videtur, appositis ad latus Græcorum huic respondentibus locis, subjungit Cl. Autor. Et si hic acquiescere potuisset, declarato Græcorum & Arabum in historia morbi consensu, ad confirmandam tamen ulterius sententiam, eadem methodo Græcos in sanandis carbunculis, & Arabes in medela variolarum, per omnia earum stadia usos esse, evincit. Venæsectionem ante eruptionem *Galenus* & *Paulus* inter Græcos commendant ad lipothymiam usque, quos imitantur inter Arabes *Rhazes*, *Haly Abbas*, & *Avicenna*; inde regimen frigidius utrique suadent, alvique subductionem, ad præcavendum, si fieri possit, malum; ad quam intentionem nostris etiam temporibus dirigendum animum præcipit Cel. *Barbaave*, cum maxime consultum sit, in incunabulis veluti jugulari hostem, tantas

Cap. VI.

§. 55.

59.

63, 65.

66.

Cap. VII.

§. 70 seq.

- §. 73 seq. sæpius strages edentem. Si vero eruptio vitari non possit, maturationem promovere student Græci, partim remediis, quæ modice reprimendo etiam digerant, quod ex *Galeno* repetunt *Scrapius* & *Mesue*, partim vapore sive fotu adhibito, quod consilium ex *Dioscoride* desumxisse videtur *Avicenna*. Pari ratione in separandis crustis & aperiendis variolis Græcos imitatos esse Arabes, docte persequitur Cl. Autor. His ita deductis, quid Latini de carbunculis & variolis tradant, disquirît, atque ex antiquioribus *Plinium* & *Celsum* adducit, qui omnino carbunculi nomine pessimum variolarum genus, ustione propterea tollendum, denotare videntur, benignas vero variolas pustularum nomine designat *Celsus*. Post illos sub undecimi demum Seculi finem *Constantinus Africanus*, Arabum Medicinam in Italiam introducens, de hoc morbo aliqua tradidit, qui primus diversis locis nunc de carbunculis, nunc de variolis loquens, errori late postea diffuso, ac si distincti essent bini hi morbi, occasionem dedit; unde postea etiam anthrax & carbunculi pro diversis habiti, sensimque variolæ pro novo morbo venditæ, carbunculi vero Græcorum pestis signum perperam constituti sunt. Detecta sic erroris origine, aliqua etiam de cicatricibus variolarum addit, de quibus antiquos nihil attulisse multi putant, indeque ignotas illis fuisse variolas colligunt: quarum tamen mentionem ab antiquis Græcis æque ac Latinis Scriptoribus injectam esse, adductis pluribus locis, testatur, quorsum inprimis ἐξέχκομενα πρόσωπα *Dioscoridis* referenda putat, Latine per consutas facies exprimenda, atque cicatrices illas malignarum & confluentium variolarum apte denotantia. Uti vero hæcenus allata sollicitam atque cum exacto judicio institutam veterum artis medicæ Scriptorum lectionem abunde testantur, ita non minus in iis, quæ ad notitiam horum historicam pertinent, versatum esse Cl. Autorem, testatur annexa ad Virum Cel. Jo. Alb. Fabricium Epistola de veris *Mesue Syri* scriptis non deperditis, sed sub *Jani Damasceni* nomine conservatis. *Mesues Syrus*, Medicus non infami inter Arabes ordinis, Seculo octavo florens, ab aliis etiam *Jani Damasceni* nomine salutatus est, unde sequentibus temporibus distinctos his nominibus viros designari creditum, atque

que scripta *Mesua Syri*, sub nomine *Jani Damasceni* in vulgus nota, vel pro deperditis habita, vel inter juniorum Medicorum, quorum tres *Mesua* nomine noti, libros perperam quæsitæ sunt. Hunc igitur errorem ut reselleret Cl. Autor, primo bina hæc nomina uni competere *Mesua* evincit, inde vero scripta, *Jani Damasceni* nomine edita, genuinos illius sætus esse probat. Ea enim, quæ de *Mesua* vita apud *Leonem*, & de *Jano Damasceno* ab *Abulpharajo* memorantur, adeo sibi conveniunt, ut ad duos omnino distinctos viros eadem simul omnia pertinere, vix videatur verosimile. Neque leviora sunt, quæ de scriptis *Jani Mesua* assignandis, certiorum reddunt Cl. Autorem argumenta. Omnia enim, quæ *Mesua* tribuuntur encomia, his quoque *Jani* scriptis denegari nequeunt, ut merito pro primo Medicinæ Arabicæ Systemate habeantur; præterea multa in ipsis scriptis de vita Autoris momenta occurrunt, ad *Mesuen* pertinentia; deinde *Rhaser* & *Avicenna* multa ex *Jani* scriptis loca adducunt, illa vero *Mesua* tribuunt; denique par librorum numerus, ad triginta septem excurrunt. utrique assignatur; etsi enim septem solum *Jani* prostant, reliquorum tamen in his ipsis subinde mentio fit, quorum partem forte in *Mesua Junioris* libris quærendam conjicit, etsi nonnulla sequiori ævo his a juniore quodam admixta sint. Sed, dum hæc in summam redigere conamur momenta, ne obscuri fiamus, merito veremur. Quare Lectores harum disquisitionum amantes ad ipsum elegans Cl. Autoris Schediasma remittimus.

TAVOLE GNOMONICHE PER DELINEARE ORO-
logj a Sole, &c.

h. e.

TABULÆ GNOMONICÆ, DELINEATIONI
Horologiorum Sciaticorum inservientes, quæ consentiant cum Horologiis Italicis, sonitu campanæ pulsæ
horas indicantibus, una cum aliis Tabulis, eidem fini &
aliis

Dd 2

aliis

*aliis usibus destinatis, quarum calculos subduxit JO-
ANNES LUDOVICUS QUADRI, Academiæ In-
stituti Scientiarum Bononiensis
Adscriptus.*

Bononiæ, ex officina typographica Lælii a Vulpe, 1733, 4.
Alph. 1 pl. 5, cum Tabb. xn. 6.

Quoniam methodus delineandi Horologia Sciaterica, quæ e
principiis Trigonometricis petita est, multis modis an-
tecellit methodum nude Geometricam, propterea quod in
hac multæ lineæ ducendæ sunt, quæ post Horologii descriptio-
nem nullius usus & delendæ sunt, quibus in illa commode ca-
rere possumus, illaque ob præceptorum simplicitatem, Tabu-
lis, quarum calculus jam ante ductus fuit, facile adjuvandam,
minus hac erroribus, inter operandum ob linearum ducenda-
rum grandem numerum subrepere solitis, exposita, &, quæ a
Geometriæ penitioris ignaro dextre exerceatur, aptior est;
consilium cepit Autor exantlandi semel tædiofi calculi labores,
quo aliis talia Horologia descripturis ea tædia identidem de-
vorasse necesse non esset. Similem jamjam laborem, qui in
se susceperit, habent Itali *P. Colombum*, sed, præter difficulta-
tem potiundi Tabulis, ab illo exputatis, quæ, quia communi
plausu exceptæ sunt, citius, quam æquo animo ferre possunt
hujus scientiæ amatores, se Bibliopolarum tabernis subduxe-
runt, institutum, quod secutus ille est, a nostri Autoris scopo
in eo dissidet, quod ille indicationi horarum solarium servie-
rit, quæ Italarum more inde a solis occasu numerari per diem
consueverunt: hic vero Horologia, campanæ sono horas ela-
psas significantia, respexerit, quæ ex usu Italiæ dimidii horæ
intervallo post quotidianum solis occasum computari incipiunt,
vulgares ideo dictæ. Sunt quidem solum ad Bononiensem
Poli altitudinem $44^{\circ}30'$ comparatæ Autoris computationes,
verum & locis aliis adhiberi tuto possunt, quorum altitudines
Poli non adeo multum differunt a Bononiensi. Præcepta,
quibus

quibus innitur Tabularum supputatio, ipse Autor ex aliis Scriptoribus de arte Gnomonica repeti debere inouet ab iis, qui a theoria non satis instructi fuerint. Hinc, quæ ab initio hujus libri præcipiuntur, theoriam supponunt; praxi iuvandæ fere solum conducunt; & expeditiorem Tabularum, ab Autore operose computatarum, usum in describendis Horologiis quibuscunque commonstrant, qui nitore planorum conservando, in quibus descriptio confieri debet, securitati in operando & ab erroribus immunitati, facilitati denique jucunditatique, haud parum consulit. Exposito adeo signorum, quibus in Tabulis suis compendii sectandi spatiique chartæ lucrandi causa uti necesse habuit Autor, significatu, ope illarum horizontalia Horologia describere docet, deque variis modis ducendi in plano horizontali lineam meridianam, altero communiter noto, altero ope ephemeridum solarium atque per Tabulas altitudinum & azimuthorum solis, unica intercedente observata longitudine umbræ gnomonis, perficiendo, de Horologiis verticalibus per Tabulas suas facilius designandis, de exploratione declinationis muri ejusdam a linea meridianæ, tum ope acus magneticæ, tum ope semicirculi in gradus suos divisi instituenda, de stilo, umbram projecturo, Horologiis descriptis commode & rite insigendo exponit. Tandem Tabulæ ipsæ sequuntur, libri maximam partem occupantes, de quibus quoniam, quod ad ipsum institutum attinet, cum Tabulis, a *Jo. Gauppio* in *Gnomonica Mechanica* universalis, Augustæ Vindelicorum A. 1711, 4, typis excusa, & a *P. Bernardo Grubero* in *Horographia Trigonometrica*, A. 1718 Pragæ prelo impressa, suppeditatis, conveniunt, nisi quod hi alias, quam Italicas, horas, locaque, quorum altitudo Poli a Bononiensi differt, respexerint, plura in medium adducendi labore superfedere possumus: id unicum adhuc monuisse satis habentes, præfixas *Francisci Mariae Zanotti*, Secretarii Academiz Scientiarum Bononiensis, ad Autorem literas abunde consensum plausumque tum singulorum, tum universæ Academiz, hisce Tabulis attributum, confirmare, ob quas communi suffragio earum supputatori, quasi in laboris suscepti & perlati solatium, concessum fuit Privilegium, utendi in posterum titulo Socii hujus Academiz.

Pag. 1-19.

25-220.

ORATIO DOMINICA CHALMYCCICE VERSA,
quam, cum pronuntiatione & interpretatione verbali,
Petropoli Lipsiam ad Collectores Actorum Eruditorum
transmisit GERHARDUS FRIDERICUS MÜL-
LERUS, Academicus Imperatorius Petropolitanus,
& Regius Londinensis.

TAB. V.

Non dubitamus, quin eorum futuri sint multi, qui grato animo accipiant lectissimum hoc linguæ peregrinæ, nec adeo in his terris cognitæ, specimen, unde cognoscere quodammodo linguæ hujus, barbaræ genti propriæ, rationem possint, nec non pronuntiandi modos, & literarum, quibus utuntur Septentrionales illi Tataři, characteres intelligere. Est hæc scire & in Tabula contemplari jucundum, etsi molestum forsitan addiscere, & scribendo, vel pronuntiando, exprimere. Clarissimo Müllero, cujus factum est liberalitate, ut hæc ad nos venerint, gratulamur familiarem linguæ vel aspectu ipso tam horridæ usum, speramusque, fore, ut hujus ope præstantissimas multas Antiquitatum Septentrionalium reliquias, suis huc usque tenebris sepultas, in lucem aliquando revocet, & in orbem eruditi, illarum cupidissimi, proferat conspectum.

MEMOIRES POUR SERVIR A L'HISTOIRE, &c.

h. e.

COMMENTARII, HISTORIÆ CELEBR-
rimorum in Republica literaria Virorum inservientes.
Accedunt Catalogi librorum, a singulis scriptorum,
de iisque judiciorum.

Tomus XVII & XVIII.

Lutetiæ Paris. apud Briassonium, 1732, 8.
 Tomus quisque habet plag. 18, & totidem plag. dim.

Per-

TAB. Vad. Nov. Act. Erud.
A. 1734 M. Majo. p. 214.



introducatur

Pergit Vir Doctissimus magna industria contexere Virorum ingenio clarorum historiam. Et prior quidem *Tomus* cum vitam, tum Indicem scriptorum habet *Henrici Corn. Agrippa*, m. A. 1535; *Christophori Longolii*, m. A. 1532 d. 11 Sept. *Gilberti Longolii*, m. A. 1543 d. 13 Maji; *Dionysii Gothofredi*, m. A. 1622 d. 7 Sept. *Theodori Gothofredi*, qui, prioris filius, deserta, quam a patre acceperat, religione, Romano-Catholica in castra transgressus, beate vixit in Gallia, magnis a Rege affectus beneficiis ac honoribus, mortuus in Germania Monasterii, quo missus erat ad negotium pacificationis adjuvandum, A. 1648 d. 30 Octobris; *Jacobi Gothofredi*, (qui *Theodori* fuit frater,) de cujus vita perparum proditum est posteritatis memoriz, m. A. 1652 d. 24 Junii; *Dionysii Gothofredi*, (qui fuit filius *Theodori*, æque, ut hic, functus Regii Historiographi munere,) m. A. 1681 d. 9 Junii; *Joannis Savaronis*, m. A. 1622; *Joannis Chapeavilli*, cujus potissimum Historia Ecclesie Tungrensis, Trajectensis, & Leodiensis, vel potius Sylloge monumentorum veterum illuc pertinentium, est memorabilis, m. A. 1940, mense Majo; *Ludovici Guicciardini*, (qui *Franciscum* habuit patrum,) m. A. 1589 d. 22 Martii; *Modesta Pozzo*, Latine a *Puteo*, m. A. 1592 d. 2 Novembris. Docta hæc mulier, A. 1555 Venetiis nata, adeo valuit memoria, ut, quod semel audierat, poema, imo totam concionem sacram, repetendo, recitare posset. Fuit præterea & artis pictoriz & Musicz perita. Ac supersunt ejus Poemata Italica. Marito usa est *Philippo de Georgiis*, in urbe Venetiis Advocato generali. Sequitur hinc vita *Caroli Rivierii Dufrenii*, Scriptoris Comici, m. A. 1724 d. 6 Oct. *Jo. Henr. Heideggeri*, m. A. 1698 d. 18 Januarii; *Jacobi Sirmondi*, m. nonagenario majoris A. 1651 d. 7 Oct. *Luca Tozzi*, (cujus Opera Medica Venetiis A. 1721 prodierunt in quinque Voluminibus in 4.) m. A. 1717 d. 11 Martii; *Gentiani Herveti*, m. A. 1584 d. 12 Sept. *Jordani Brunni*, in rogo m. A. 1600 d. 17 Febr. *Jacobi Philippi Bergomensis*, m. A. 1520 d. 15 Junii; *Joannis Baubini*, m. A. 1613; *Casparis Baubini*, qui prioris frater fuit, m. A. 1624 d. 5 Dec. *Caroli Paschalii*, m. A. 1625 d. 25 Dec. *Joannis Bodini*, m. A.

1596; *Hieronymi Fracastorii*, m. A. 1553 d. 6 Aug. de quo uber-
rimam Commentationem *Frid. Ott. Menckeni*, Collegæ nostri,
recensuimus in his *Actis* A. 1731 p. 198 seq. *Guilielmi Barclaji*,
m. A. 1605; *Joannis Barclaji*, m. A. 1621 d. 12 Aug. *Erycii*
Puteani, m. A. 1646 d. 17 Sept. *Hilarionis de Costa*, m. A. 1661
d. 22 Aug. *Petri Erodii*, m. A. 1601 d. 21 Julii; *Conradi Ges-
neri*, m. A. 1565 d. 13 Dec. *Claudii Pocqueti*, m. A. 1726 d. 31
Maji; ac denique *Andrea Dudithii*, m. A. 1589 d. 23 Februarii.

Alterius Tomi primum locum occupat Vita *Joannis Ra-
cinii*, Poetæ dramatici clarissimi, m. A. 1699 d. 22 Aprilis. O-
perum ejus, duobus in Voluminibus sæpius editorum, editio-
nes Parisinas, etiam illam, quæ A. 1728 prodiit, sordas & men-
dosas esse, docet Cl. Autor: Amstelodamensem vero anni 1722,
& Londinensem anni 1723, quavis laude dignas pronuntiat. Se-
quitur Vita *Michaelis Pocchianti*, Monachi Servitæ Florentini,
m. A. 1576 d. 6 Junii. Scripta ejus ex Cl. Autoris judicio non
sunt magni pretii: inter quæ cum notissimus sit *Catalogus*
Scriptorum patriæ Florentinorum, etiam in hoc multorum
omissam esse mentionem, docet, de iis vero, qui laudantur, af-
ferri perpauca. Succedit Vita *Richardi Stanybursti*, Hiber-
ni, m. A. 1618; *Joannis Baptista Gellii*, sartoris (non suto-
ris) Florentini, tam simul imbuti literis, ut & receptus sit in A-
cademiam *Humidorum*, & libros plures bonæ notæ ediderit, m.
A. 1563, (errant quippe, qui anno 1568 ejus mortem adscribunt,)
mense Julio; *Augustini Niphi*, cujus emortualis annus incer-
tus est; *Antonii Godelli*, Episcopi Grassensis, cujus *Historia*
Ecclesiastica, quinque Tomis constans, excidit inanibus docto-
rum, ex quo *Fleurii* prodiit labor similis, m. A. 1672 d. 21 A-
prilis; *Petri Casanova*, m. A. 1652 d. 31 Oct. *Francisci*
Michaelis Janissonii, m. A. 1730 d. 18 Aug. *Jani Breuk-
busii*, m. A. 1707 d. 15 Dec. *Galtierii Charletoni*, vel
potius *Charletoni*, m. post annum 1695; *Isaaci Casauboni*, m.
A. 1614 d. 1 Julii; *Merici Casauboni*, m. A. 1671 d. 14 Julii;
Andrea Villaderii, m. A. 1638 d. 3 Augusti; *Christiani* (non
Christophori) *Longemontani*, m. A. 1647 d. 8 Oct. *Eduar-
di Herberti*, Baronis Cherburii, m. A. 1648 d. 20 Aug. *Ro-
berti*

berti Morisoni, m. A. 1683 d. 10 Nov. *Ludovici Cousini*, m. A. 1707 d. 26 Febr. *Jani Doufa*, m. A. 1604 d. 8 Oct. & filii cognominis, m. A. 1597 d. 21 Dec. ac ceterorum filiorum, qui libros ediderunt, *Georgii*, *Francisci*, & *Theodori*; *Guilielmi Burtoni*, m. A. 1657 d. 27 Dec. *Leonardi Fuchsi*, m. A. 1566 d. 10 Maji; *Samuelis Pufendorfsi*, m. A. 1694 d. 26 Octobris: in cujus vita quæ Cl. Autor vel omisit, vel erravit cum Germano Biographo, quem se profitetur seculum esse, unde emendari queant, indicavimus in his *Actis* A 1727 p. 522. Vita hinc sequitur *Joannis Alphonsi Borelli*, m. A. 1679 d. 31 Dec. *Mauritii Hylaretti*, m. A. 1591; *Claudii Francisci Fraguierii*, m. A. 1728 d. 3 Maji; *Hieronymi Magii*, m. A. 1572 d. 27 Martii; *Bilibaldi Pirckheimeri*, m. A. 1530 d. 22 Dec. *Joannis Jacobi Boissardi*, m. A. 1602 d. 30 Oct. *Joannis de la Fontaine*, de quo paulo post plura dicemus; *Severini Pinelli*, Chirurgi Regii, m. A. 1619 d. 29 Nov. *Luca Tanfilli*, militis ejusdem, & Poetæ Comici, m. A. 1571; *Jacobi Warai*, Hiberni, & rerum Hibernicarum Historici copiosissimi, m. A. 1666 d. 1 Dec. *Henrici Meibomii*, mortui A. 1700 d. 26 Martii; & ultimo loco *Joannis de Labadie*, singularis sectæ conditoris, cujus & *υπομνημα* hic recensentur, m. A. 1674.

Non veremur, ne Lectoribus nostris ingratum sit futurum, videre hic descripta sermone Latino, quæ patrio Cl. Autor memorizæ prodidit de Galliz Æsopo, (nam non ingenio solum, sed moribus etiam, fuit alter Æsopus,) *Joanne de la Fontaine*. Natus is A. 1621 d. 8 Julii in Castro Theodorici, quod Campaniz oppidum est, patre sylvarum præfecto, annum agens undevigesimum adscriptus est Congregationi Oratorii, sed, adversante genio, (libertatis enim amans erat, & certas vivendi leges fugiebat,) nondum elapso biennio, rursus inde excessit. Quo facto, pater suo se munere abdicavit, successorem nactus hunc filium: qui quidem eo viginti amplius annos functus est, sed ita negligenter, ut appareret, nec hoc vitæ genus esse naturæ ipsius conveniens. Ducta uxore, alienam potius, quam suam, voluntatem sequens, cum ea, quippe quæ pulchritudini

junctam habebat asperitatem morum & continuaciam, minus
 commode vixit. Quare sæpius ab ea discessit, dissimulata ta-
 men ægritudine animi, donec tandem plane deserta ea Lute-
 tiam se contulit, totosque ibi annos consumens, non rediit, nisi
 cum aliquid vendere vellet suorum bonorum, ut haberet, unde
 viveret. - Etsi enim bona patria ipsius vitæ sustentandæ pote-
 rant sufficere, tamen nec ipse, nec uxor, uterque scilicet ca-
 rens æconomica prudentia, iis recte utebantur. Facultas ipsi-
 us poetica postero tempore ipsi comparabat & vitæ subsidia,
 & magnos Patronos. Etsi enim ad annum vitæ vigesimum
 secundum proventus nihil dum tenebat artis poeticæ, tum ta-
 men, prælecta sibi sorte Oda quadam *Malberbii*, ita captus est
 ejus dulcedine, statim ut animum adjiceret leclitandis hujus
 Poetæ carminibus, eaque memoriz mandaret, & per sylvam
 ambulans jucunde recitaret, imo & sui ingenii vires experire-
 tur imitando. Admonitus inter hæc ab amico quopiam, ut
Horatium quoque, *Virgilium*, ac *Terentium*, assidue legat,
 non solum paruit consilio, sed etiam tam bonos deprehendit
 hosce triumviros, ut nativum eorum candorem in affectatam-
 que simplicitatem longe anteferebat *Malberbianis* ornamentis.
 Factus hinc Poeta, nominisque consecutus celebritatem, bene-
 ficiis subinde affici cœpit a Viris principibus. Ceterum, cum
 nec inde satis suppeteret ad honeste vivendum, accedit, ut ma-
 trona quædam, nomine *Sablieria*, domum suam eum recipe-
 ret, perque viginti annos, quæcunque opus erant, ipsi large
 suppeditaret. Amabat ea non solum Philosophiam, verum
 etiam Poesin, & cum videret, Poetam nostrum non esse ido-
 neum ad curandam rem suam familiarem, matris loco ei es-
 se statuit. Aucta ipsius gloria, cum illustris ille *Colbertus* ex-
 cessisset vita, Gallica Academica eum cooptandum duxit in
 suum Collegium, & dandum *Colberto* successorem. Impedi-
 mento vero fuerunt aliquot ipsius carmina minus verecunda,
 quo minus totum illud clarissimum Collegium huic assentire-
 tur consilio. Et, quanquam plurium suffragiis eligeretur, mi-
 nor tamen Collegarum pars avertit ab ipso Regis, cujus est,
 assensu suo electionem confirmare, benevolentiam. Nec ve-

ro hic sibi defuit Noster. Per aulicam enim matronam quandam, suam patronam, ad Regem misit Poemation, cujus postremus versus hanc habet sententiam: *Esse, quæso, Rex, qui es. Ita non vereor, ne aliter, quam opto, res eveniat.* Dissulit tamen Rex sententiam suam in illud tempus, quo, alio loco vacuofacto, *Boilaus* ipsi offerebatur in idem Collegium adsciscendus. Tum enim Rex ita fatus est ad Academicum illum, qui *Boilaum* totius illius Academicæ nomine Regi commendabat: *Recte elegistis Boilaum, sed & Fontanum volo a vobis recipi. Is enim (ita certe promissit,) in posterum sapiet.* Ita d. 2 Maji A. 1684 Noster factus est Academicus. Defuncta, quam supra laudavimus, *Sablieria*, *Sanctevremontius* ei suavit, ut veniret in Angliam, a proceribus nonnullis liberalissime sustentandus. At, cum nec in Gallia deessent ipsi nutritores, permansit in patria, quæ, dimisso tanto Viro, & dolorem & ignominiam erat acceptura haud mediocrem. A. 1692 Decembri mense cum gravem incidisset in morbum, *Poujetus* quidam, sacri ordinis vir, ad ipsum, suæ quippe diocesi subiectum, venit, & de religione pietateque ad ipsum verba fecit. Fuerat adhuc *Fontanus* nec impius, nec pius, hoc est, non fovebat pravas de religione sententias, sed nec majorem, quam ceterarum rerum omnium, religionis ac virtutis Christianæ habuerat rationem. Dicit enim vix potest, quam vacuus omni cura fuerit. Nunc vero iussus a *Poujeto* dicere suam de religione sententiam, hæc verba edidit: *Non ita pridem legere cepi Novum Testamentum, ac deprehendi, esse hunc optime nota librum. Optimus, inquam, sane liber est. At uni ejus doctrinæ de aternitate penarum infernarum assentiri nondum potui. Neque enim consistere mihi posse videtur cum ista doctrina bonitas Dei infinita.* Duodecim tamen dies cum consumsisset sacerdos oppugnandæ huic Poetæ dubitationi, victor evasit, eique persuasit, omnia sacri Codicis dogmata esse verissima. Præterea fidem dedit *Fontanus*, se posthac ex præscripto sacri Codicis victurum, & ut pie moriatur, annisurum esse. Facta deinde peccatorum universæ suæ vitæ confessione, cum *Poujetus* exigeret, ut Comordiam, quam brevi

editurus erat, in ignem conjiceret, simulque promitteret, se publico scripto detestaturum fabulas suas, ad corrumpendos lectorum animas idoneas, utrumque quidem fecit, sed nonnullam postea agens hujus pœnitentiæ pœnitentiam. Interim invalescente eum in modum morbo, ut salus ipsius desperaretur, impertitum ei est sacrum viaticum, quod vocant, d. 12 Februarii A. 1693. Quod antequam acciperet, hunc habebat sermonem ad Poujetum, & ad aliquot Academicæ Collegas, quos vocari jusserat: *Domine Poujete, rogavi Academicam Francicam, ut e suo Collegio mitteret huc aliquot, qui testes essent ejus, quod nunc facturus sum. Satis constat, compositum esse a me libellum fabularum turpium. Equidem cum conscribens non sensi, tam esse eum noxium. At postea edoctus veriora, nunc agnosco, librum istum esse detestandum. Pœnitet proinde me scripsisse eum, rogoque & Deum & Ecclesiam & te, Reverende Poujete, & vos, Collegæ Academici, & quotquot præterea hic estis, ut mihi ignoscatis. Vellem, Opusculum hoc nunquam a me contextum esse: vellem, id eripere possem e manibus hominum. Illud promitto sancte in præsentia Dei, os meum nunc intraturi, nunquam me consensurum, id ut vendatur typisque exscribatur. Abdico etiam fructum, quem percipere possem e nova ejus editione, quam quidem nunc adornari in Hollandia passus sum. Quod si Dei beneficio convaluero, publice, quod nunc facio, faciam, & quod reliquum est mihi vitæ, inter exercitia pœnitentiæ consumam, quantum quidem per vires corporis licebit, & artem poeticam non exercebo, nisi componendis carminibus pitis.* Ipso hoc die Dux Burgundiæ sua sponte, nullius instinctu, (id quod in puero duodecenni permirum,) Poetæ nostro muneri misit quinquaginta (Louis d'or) Ludovicianos, dicens, sibi perplacere promissum Fontani ante meridiem factum; iniquum vero sibi videri, ipsam eo promisso reddi pauperiorem: hac igitur ratione se cavere, ne damnum ipsi sua promissio afferat. Nec tamen ultimus hic fuit ejus morbus, sed ex eo tempore vixit biennium, redditusque sanitati, quam sanctam privatim fecerat promissionem, eam publice repetiit in confesso Academicæ, simul

præle-

prælegens versus Gallicos, quos tum confecerat de morte, deque extremo judicio. Reliquum suæ vitæ curriculum confecit in domo *Herwartia*, spectatæ probitatis matronæ, quæ non minoribus eum, quam antea *Sablieria*, affecit beneficiis. Cum in eo esset, ut hymnos Ecclesiasticos Latinos redderet versibus Gallicis, novo correptus morbo, vitæ finem imposuit d. 13 Martii A. 1695 septuagenario major. Ipse sibi scripserat dudum Epitaphium, quod e Gallico ita transtulimus:

*Fontanus hic jaces, Poeta nobilis,
Curis carens, & omnibus bonis carens,
Quæ non futuri providus consumserat.
Bona illa scilicet esse semper censuit
Pretii bona haud magni. Egerit quid, scire vis?
Partem alteram vitæ peregit dormiens,
Parte altera otiosus exegit nihil.*

Reliquit unum filium imparis ingenii, postea admotum vihi culpam munerî in oppido Tricastium. Superest, ut naturam hominis describamus. Per omnem vitam e moribus ejus eluxit simplicitas, & ea quidem, quæ propè accederet ad infantiam. Into vere dixeris, eum toto vitæ suæ tractu mansisse infantem. Candidus erat, credulus, tractabilis, & facilis, carens ambitione, carens iracundia, carens avaritia, semper aliud ex alio agens, nulli rei diutius inhzrens, solam sequens voluptatem, vel potius otium. Si faciem vidisses, non judicasses, magni hominem ingenii esse. Præ se enim ferebat speciem hominis ridiculi & stupidi, oculos gerebat pæne semper contractos, nullam habebat morum elegantiam. In conversatione erat pisce magis mutus, & mentem in omnia alia convertens, haud attendebat iis, quæ dicebantur. Invitatus aliquando ad convivium a quodam, qui clarum hunc Virum petitiuè nosse, & colloquio ejus frui cupiebat, statim condixit, & statuto tempore adfuit. Verum inter prandium altum tenebat silentium, totus intentus cibo & potui, tantum capiens cibi tantumque potus, quantum suffecisset quatuor aliis. Facile igitur patiebantur convivæ, eum sermone abstinere, cum os ejus alio labore esset occupatissimum. At, cum sperarent, ipsum, finitô

prandio, verba facturum esse, præter opinionem tam alto capiébatur somno, ut vix ante finitam horam expergilceretur. Sed nec tum respondebat expectationi convivarum. Totus enim meditationi nescio cui immerfus, corpus videbatur habere inanimatum, cunctis admirantibus, & *Fontanum* in *Fontano* requirentibus. Interdum tamen, cum esset inter sodales suos, disertus satis erat, leporisque ostendebat plurimum. Subinde etiam hominibus misero versantibus in statu consilia dabat salutaria, ipse suus consiliarius pessimus. Inter Scriptores superioris ævi maximi faciebat *Rabelasum* & *Marotum*, ac priorem contendebat ingeniosorem fuisse *S. Augustino*. Veteres vero inter Scriptores ipsi in deliciis erant *Plato* & *Plutarchus*, quos legebat assidue. Ipsius inter Opera primum locum tenent *Fabule Æsopiæ*, plenæ facilitatis, leporis, ingenii, simplicitatisque. *Facetiæ* quoque ejus tam sunt probatz Viris doctissimis, ut earum elegantiam assequi nemo credatur posse. Edidit *Eunuchum*, Comœdiam, A. 1654; *Narrationunculas metricas*, quarum duo Volumina prodierunt Amstelodami A. 1685, 8, & A. 1700, & Lutetiz A. 1695 & 1721; *Fabulas in versus redactas*, quarum optima editio Hagensis A. 1700, quinque constans minoris formæ Voluminibus; & alia Opera, conjunctim edita, licet titulus præferat Antwerpianam, Lutetiz A. 1726 in tribus formæ quadratz Voluminibus, nitidissime exscriptis.

JOANNIS CHRISTOPHORI HARENBER-

GI *Disquisitio conjecturalis de Colore Argevan,*

Argeman, Argevana.

§. I. **Q**ui olim ad solem orientem fixerant fortunarum sedes, mirifico in id ferebantur studio, ut magnificentiam & oculis fulgore colorum vario proderent pascereque. Reges & summates illam præcipue delectationem splendidam cordi habebant. In conjugē Regis illius Babylonii, qui hortos pendulos in aera eduxit, cupiditas illa tanti erat roboris, ut virides variosque sylvestrium deliciarum honores, quibus ipsa
assue-

assueta erat ab incunte ætate, averet continuo oculis habere subjectos. *Dejocis* opus, *Ecbatana*, caput *Mediæ*, huic pronuntiatio exemplum præbet luculentissimum. Ut enim nunc ea omittam, quæ de exstructione hujus oppidi copiose scribit *Herodotus*, & ut paucula pro testimonio ex *Lib. I Cap. 134* afferam, varietas colorum in pinnis murorum, duataxat jam in censum veniens, efficit. De hac Autor ille laudatissimus: *Singule minæ suis atque hunc in modum distinctis fulgent coloribus. Nempe primi ambitus pinna colore sunt albicanti, secundi nigro, tertii purpureo, quarti casto, quinti sandaracino.*

§. II. Color Sandaracinus a purpureo distinguitur, quia dilutior & perlucidior. De *Sandaraca* *Plinius Lib. XXXIV Cap. 18*: *Invenitur & in aurariis & in argentariis metallis, melior, quo magis rufa, quoque magis virus redolens, ac pura friabilisque.* Idem sandaracham ad colores nativos factosque refert. Sandaracinus nativus fit ex sandaracha illa fossili; factitius seu adulterinus ex cerussa paratur. *Plinius Lib. XXXV Cap. 6*: *Fit & adulterina sandaracha ex cerussa in fornace cocta. Color debet esse flammeus. Pretium in libras asses quini.* Hac si torreatur, aqua parte rubrica admista, sandycem facit. Pretium in libras dimidium ejus, quod sandarache. Nec sunt alii majoris ponderis. Inter factitios est & Scyricum, quo minium sublini diximus. Fit autem sinopide & sandyce mistis. Intexere hæc loco *Herodoti* enodando placuit, ut innotesceret simul, quid sit שֵׁרִי Scyricum *Jer. XXII, 14*. De quo *Plinius* alibi *Lib. XXXIII Cap. 7* jam disseruerat, subjiciens suæ de minio tractationi: Hoc ergo adulteratur minium in officinis sociorum: item Scyrico. Quonam modo Scyricum fiat, suo loco dicemus. Sublini autem Scyrico minium, compendii ratio demonstrat. Voci שֵׁרִי substituitur כַּרְמִיל *carmil*, fossile minium, ex כֶּרֶם & מִלֵּט *milos*. Confer *Exod. XXVIII, 5, 6, 8, XXXIX, 2, 5, 22, 23, 28, 29, XXXVI, 8*, cum 2 *Par. II, 6, 13, III, 14*. Quid igitur est שֵׁרִי מִשְׁרָי? Est byssinum Scyrico infectum. Quando etiam Scyricum שֵׁרִי inunctioni ac picturæ ædium tribuitur *Jer.*

Jer. XXII, 14. Ez. XXIII, 14. tunc *minium Scyrico sublitum* intelligitur. Mos ille inducendi parietes & facies ædium variis coloribus, uti vel ex *Dejocis* exemplo constat, fuit regius & Orienti peramicus. Conf. *Prov. XXXI, 21, & Musei Bremensis P. I Diff. 8.*

§. III. In vestimentis exornandis populi Orientales variegatis coloribus fuerunt usi, imo abusi sæpius. Vestes *Josephi & Thamaris* id ipsum loquuntur. Vide *Gen. XXXVII, 3, & Sam. XIII, 18.* Utriusque horum amicula superiora vocantur *כִּתְּמוֹת הַחֹמֶת*. Vox *כֶּסֶף* particulam, portionem, frustum, fragmentum, notat. Buxtorfius in *Lexico Talmudico* p. 1772: *כֶּסֶף* est dissipari, in partes comminui, *Ps. XII, 2.* Syrus Interpres, quem ad quartum rejicio Seculum, *portionem, κληρον*, sic vocat *Matth. XXVII, 35:*
 וְהָיוּ כְּחֵץ מִן הַחֵץ וְכֵץ מִן הַחֵץ וְכֵץ מִן הַחֵץ וְכֵץ מִן הַחֵץ

Et, cum in crucem suffixissent illum, diviserunt vestimenta ejus pro parte, pro rata portione. Si partes vestimenti sunt ejusdem coloris, & apte satis consutæ, apparent illæ tamen instar continui. At, ubi striz diversi coloris in eodem texto insunt, repræsentatio oculis partes ingerit, & apparentem continui separationem. Vestis igitur partium est eadem ac versicolor, *πολυμίτες, ποικίλος.* Applaudit Joannes Christophorus Wichmannsbauten in *Philologematis octo selectioribus* §. I, ubi sic disserit: *Talares ejusmodi & manicatas vestes more priscarum gentium, ad solem orientem incolentium, fere versicolores fuisse, hoc minus est, quod dubitemus, quo clarius avi prioris monumenta testantur, variegatas pictasque vestes ab istis populis esse in deliciis ac honore, prorsus ut principum virorum magnatumque propria, nec plebejæ licita, crederentur.* Huc refero auream spiram, cujus apud Juvenalem *Sat. VIII v. 207* fit mentio. Hæc enitebat in veste saliarum & variegata. Confer *Octavii Ferrarii Elef. II, 16.*

§. IV. Suceurrit alius locus ex libro primo *Democriti Ephefi* de Templo *Ephefiæ Dianaæ.* Locum debemus *Athenæo*, custodi scriptorum veterum fidelissimo, *Lib. XII Cap. 25, p. 525.* Tradit autem *Democritus* hæc: *Τὸ τῶν ἱερῶν ὑποβάθριον*

καὶ πορφύρα, καὶ κροκίναι ῥομβοῖς ὑφάντια. Αἱ δὲ κεφαλαὶ κατ' ἰσὰ διεκλινόμεναι ζώοις (a). Καὶ Σαραπίαις μῆλιναι καὶ πορφύραι, καὶ λευκοί, οἱ δὲ αἰθεργεῖς καὶ Καλασίρειες Κορινθίαι. Εἰσι δὲ αἱ μὲν πορφύραι τέτων, αἱ δὲ ὑβιαφαί, αἱ δὲ ὑακινθοί. Λαῖβοι δ' ἂν τις καὶ φλογίνας καὶ θαλασσοειδεῖς. Ὑπαρχοῦσι δὲ καὶ Περσικαὶ Καλασίρειες, αἵ περ ἐστὶ καλίσται πάσων. Ἰδοὶ δ' ἂν τις Φῖσι καὶ τὰς καλῆμενας Ἀκταίας, ὅπερ ἐστὶ καὶ πολυτελεστάτον ἐν τοῖς Περσικοῖς περιβλημασί. Ἐστὶ δὲ τὸτο σπαθητόν ἰσχυρὸς καὶ κεφότητος χάριν. Καταπεπλοῦται δὲ χρυσοῖς καὶ γυρσοῖς. Οἱ δὲ καὶ γυρσοὶ νηματί πορφύρῳ πάντες εἰς τὴν ἐσῶ μοῖραν ἀμμοῖ ἐχούσιν ἀνα μέσον. Dalechampius, passim emendandus, hæc ita reddidit: *Vestes Ionum sunt purpurei coloris & violacei* (b); *tum etiam crocea, rhombis intextis: capita vero distincta animalibus, aequaliter collocatis.* *Sarape sunt lutea* (c), *& purpurea, & candida; caerulea vero & Calasires Corinthi tincta.* *Sunt quidem inter eas alia purpurea, alia violacea* (d), *alia hyacinthina.* *Interdum flammea, interdum glauca* (e). *Sunt etiam (nempe Ephesiis) Persica Calasires omnium elegantissima: & inter ea vestium genera conspicuntur etiam, quas vocant littorales.* *Hoc est indumentum maximi pretii apud Persas, summa impensa textile, ut firmitus sit & laevius, aureis milii granis conspersum, quæ versus interiorem vestem media sui parte filo purpureo aptata vincuntur.*

§. V. Sarapes dicuntur μῆλιναι ex μῆλῃ, malo. Medi vero per malum intelligebant excellentiori significatu malum citreum,

(a) Casaubonus pro ζώοις mavult legere ζώονες, striis, seu zenis.

(b) Verte: *Sunt erugine tincta & purpurea.*

(c) Ex malo Medico.

(d) Coloris æruginei.

(e) Reputaverit illas sane aliquis & flammeas & marino colori similes.

trum, quod erat Medix frequentissimum. Videatur *Virgilius* in *Georg. II* v. 126 seq. & *Athenaeus* *Dipnol. Lib. III* Cap. 43 p. 83 seq. Locum *Virgilii* egregie exponit *Leopardus* Cap. 6, 8. Conf. *Plinius* H. N. *Lib. XII* Cap. 3. *Thyen* vocari citrum, tradit *Oppius* apud *Macrobius* *Saturn. Lib. III* Cap. 14. Hoc ipsum quoque probatur *Plinio* *Lib. XIII* Cap. 16. Color malis citreis est ex viridi flavus seu luteus. Quare. μηλων est flavum viridi admixtum: & μηλινον est reddere colorem flavum viridi mixtum. Σαραπεις Pollux vocat Σαραγας. Ipse enim in *Onomastico Lib. VII* Cap. 13 p. 340 in hunc modum: 'Ο δὲ Σαραγῆς Μηδων τὴ φορημα, πορφύρεος, μεσολευκος χιτῶν. *Sarages* est Medorum amictus purpureus, & tunica albo colore in medio distincta. Calasires Persicæ ac vestes Ionum fuerunt variegatæ, in quibus figuræ animantium eminuerunt. Similiter *Cherubim*, seu כרובים, in aulæis sacris Mosais fuerunt animalium fortissimorum figuræ, quibus tutela ac robur angelorum, populum Dei cingentium, significabatur. Ipsæ hæ figuræ per rhombum poni solebant, ideoque *Kyrbim*, seu axem quadrangularem, representabant. *Casaubonus*, qui in loco *Athenai* pro *Zonais* mavult legere *Zonais*, fide Codicum ac ratione solida destituitur. Sed ritus gentium & exempla ipsa lectionem receptam vacillare haud sinunt. *Calasiris* videtur dicta ab Ægyptiorum militibus, ex equo pugnantibus, quibus *Calasrum* cognomen ad hæserat. *Hesychius*: Καλασις, χιτῶν, πλατυσιμος ἢ ἡνιοχος καὶ ἱππικος χιτῶν. *Enioi* δὲ λινὸν καὶ ποδῆρη χιτῶνιον. *Calasiris* est toga laxissima, aut aurigarum, aut equestris. Nonnulli sic vocant lineam ac talarem togulam. Idem *Hesychius* de *Sarapi*: Σαραπεις, περικος χιτῶν, μεσολευκος, ὡς Κτήσιας. *Sarapis*, toga Persicæ, in medio albus, ut *Ctesias* docet. Descriptio convenit cum *Sarage* Pollucis. In utro mendum scripturæ est statuendum? Malim *Athenai* in hære lectioni vulgatæ, siquidem eam confirmat *Hesychius*. De vestibus Actæis meditantibus occurrit locus *Julii Pollucis* de *Candy*, *Lib. VII* Cap. 13 p. 339: Περσῶν μὲν ἰδία, Κοινὸς καὶ Ἀναξυρις, καὶ ἡν πυρρῶσιαν, καὶ κιδάειν; καὶ πιδὼν κιδάειν. 'Ο δὲ

Ὁ δὲ Κανδὺς ὁ μὲν βασιλεὺς, ἀλιπορφύρος. Ὁ δὲ τῶν ἀλλῶν, πορφύρεος. *Perfarum gestamina propria sunt Candys & caliga, & ea, quam cyrbasiam vocant, & cidarim, & pileum.* Cyrbasiam vocari קַרְבַּסִּיָּה, patet ex *Dan. III. 21. Hefychius: Κυρβάσια, ὁρμη τιερα, ταυτη δὲ ἐν Περσῶν βασιλεὺς μόνος ἐχρῶτο καὶ κορυφὴ ἀλεκτορος.* Cum igitur tres illi, in furore Babylonico illæti, confessores vincirentur in cyrbasis, sarapibus, & pileis, ac ita in fornacem conjicerentur ardentem; facile patebat, eos pro rebellibus ac novatoribus rei summæ fuisse habitos, eamque ob causam in aliorum ludibrium ornatu regio circumdatus. Candys ἀλιπορφύρος videtur esse Ἀλκίαια, siquidem marinus color ad littora est ex viridi cœruleoque mixtus, quem nostri vocant *Seegrün, Meergrün.* Candys ex communi purpura erat militum gestamen. *Hefychius: Κανδὺς, χιτῶν περσικός, ἐν ἐκπορπῶνται οἱ στρατιῶται.* Candys sane non semper fuit purpurea, siquidem *Xenophon* Candys a togis purpureis distinguit. Vestitus *Darii Codomanni* ita a *Curtio Lib. III Cap. 3* delineatur: *Cultus Regis inter omnia luxuria notabatur. Purpurea tunica medium albo intextum erat. Cidarim Persæ regum capitis vocabant insigne; hoc cœrulea fascia, albo distincta, circuibat.* Tunica illa purpurea est illa *Sarapis*, seu *Sarages*, siquidem utrique illud μέσο-λευκόν, seu medium albo intextum, tribuitur. Hæc fuit illa vestis Medica, quam *Cyrus* sumisit. Ea vero fuit μελανή, i. e. referens colorem ex viridi flavoque mixtum (§. 5).

§. VI. Rex Macedoniæ, *Alexander Magnus*, imperio Persico potitus, ritus Medicos Persicosque vestliarios imitabatur. *Arrianus Lib. IV p. 163* autor est, ipsum, mutato patrio habitu, vestem Persicam cidarimque regiam summisit. At quis ille fuit habitus Persicus, a Medis impetratus? *Xenophon* in *Cyriæ pedia Lib. VIII p. 257* de *Cyro*, primo Persarum Rege: *Elegit stolam Medicam & ipse ferre, & ut familiares ea induerentur, persuasit.* Hæc enim visa est ei occultare, si quis defectum aliquem haberet in corpore, præterea ea indutos & pulcherrimos & maximos ostendebat. Togæ hæc dictæ sunt *Sarapes*, ni *Sarages*. Talares fuisse eas & promissas, ex loco

Xenophontis intelligitur. *Democritus* ostendit, eas non unius fuisse coloris; fuisse eas *μηνδρες*, i. e. ex viridi flavoque conflatas, plerumque, idem docet. An vox *argevan* sit eadem ac *sarages* seu *saraphes*, & *saragues*, judicent alii. *Byssus* certe *amorgina* fuit viridis, trahens aliquid ex flavo: & appellatio Orientalis *אֲרָגָן שֵׁשׁ* i. e. *byssus amorgina*, videtur contracta in vocem unam *sarages* seu *saraphes*.

§. VII. Vox *אֲרָגָן* redditur a *Targumista Onkeloso* per *אֲרָגָנָא*. In libris Paralipomenorum, & Mose constanter *Targumista* unam vocem, illam priorem, substituant illi alteri. Unde apparet, non differre vocis utriusque potestatem. *Hesychius*: *Ἀμοργίς, καλαμὴ τις, ἐξ ἧς ἐνδυμα- γίνονται, ἢ ὕφαντα, ἢ χιτῶν.* *Amorgis* est caulis quidam, ex quo vestis fit, aut textum, aut tunica. *Julius Pollux Lib. VII. Cap. 17. p. 242. & Cap. 13. p. 339* *Hesychio* congruit. *Stephanus de Urbibus & Populis* docet, *Amorginam tunicam* sic dici ab *Amorgo* insula, prope Cretam sita, & colorem per eam designari certum. *Eustathius in Comment. ad Dionysii Periegesin p. 76* addit, colorem illum fuisse *ελαμοχορρον, oleaceum*, i. e. viridem ex flavo. *Amurca, αμοργή*, notat fecem olivæ viridem. Unde patet, voce ipsa denotari colorem viridem.

§. VIII. Pro voce *אֲרָגָן* legitur *אֲרָגָן* 2 *Par. II, 6*, addunturque colores *Carmil* & *Tcheleth*. Interpreti futuro *Nebucadnezaris* insomnii promittitur vestis regia, conflata ex *אֲרָגָנָא* *Dan. V, 7*, & *מניכָא, μανικης, monile, torques*. Exinde apparet, stolam ex colore viridi, qualem præbebat *byssus amorgina*, fuisse gestamen regium penes Medos, Babylonios, & Persas. Color variegatus in æconomia Mosaica Deo fuit probatus. Vestes Aaronidarum erant quatuor coloribus insignes *Exod. XXVIII, 5, 6, 8, XXXIX, 2, 5, 22, 23, 28, 29*, nec non aulæ decem *XXXVI, 8*, imo velum interius ac exterius *v. 35, 37*. Velum utrumque *Salomo* similiter fieri curabat 2 *Par. II, 6, III, 14*. In baltheo summi Sacerdotis iidem elucebant colores, qui symbolum erant Christi, lumbos trida cincti, *Ezech. I, 27, 28, Apoc. IV, 3*. Quare patet, regios ministros summi Regis, Dei, regio colore fuisse ornatos.

tos. In œconomia enim Mosaica repræsentatur Theocratia; in Christi satisfactione, tanquam gratiæ omnis divini fundamento, fundata.

§. IX. At cui usui hæc inserviunt? Quodnam emolumentum propositum est harum vocum enodationi? Quis finis harum tricarum? Nonne nostrum est, tantopere scrutari Codicem sacrum, ut vocum quoque singulares significatus sint obvii & in potestate? Succurrit tamen usus nobilior. Videtur quibusdam abuisse œconomia Christi ab œconomia cultus divini Mosaici. Prætexitur errori ratio ex silentio *Mosis*, quippe qui dicere ac docere omiserit, quod sacrificia & sacerdotium Leviticum sint typus Christi, & salutis per sanguinem Christi obtinendæ. Sed typus ipse coloribus quatuor spectabilibus expressus est. Ipsi enim *iridem* repræsentabant, signum clementissimi solii Messiani, *Ezech. I, 27, 28, Apoc. IV, 3*. Si *argeman* notat colorem viridem ex flavo, cetera sunt in expedito. Nam colores, cæruleus, seu glastinus, amorginus, sinopicus, ac miniaceus, seu profunde rubicundus, delineant speciem iridis. Iridem posuit Deus in signum gratiæ, a *Noacho* impetratæ per sacrificium. Num Deus delectatur sola bestiarum destructione & jugulatione? Vultne eas conservari omnino, (ni sint noxiæ,) aut usibus humanis cedere? At qualis quantusque usus ad hominem profuit ex jugulatione & concrematione bestiarum? Subfuit videlicet ratio altior, nempe typus sacrificii Christi, quod animam nostram conservat. Hoc ipsum clarissimo Symbolo fuit expressum, dum *iris* delineata in Oeconomia Mosaica toties fuit obvia totiesque repetita. Quod ipsum si a veritate non abhorret, usu suo hanc tractationem non carere, existimo.

JOSEPHI ANTONII SAXII, SS. AMBROSII ET
Caroli Oblati Collegio & Bibliothecæ Ambrosianæ Præ-
fecti, Epistola ad Amicum, pro vindicanda Formula in
Ambrosiano Canone ad Missæ sacrum præscripta:

Corpus tuum frangitur, Christe.

Mediolani, ex ædibus Palatinis, 1731, 8.

Plag. 1½.

Formula illa cum Pontificio dogmati de integro ac non fracto Christi corpore, in quibuslibet scissæ hostiæ particulis residente, repugnare videatur; Autori e re sacra visum est, eam exponere, & cum veritate, quam ipse pro tali habet, conciliare. Ritus enim hic nonnullis *Ambrosianorum Hæresis* per jocum appellatur. At ipse cupientibus abrogationem formulæ regerit, morem eum inductum & servatum esse a Viris doctis, integris, sanctis, & catholicis, & a quavis eam censura curiæ Romanæ perstitisse immunem. Monet, de consecrato Christi corpore vocem *fractionis* adhibitam fuisse a *Paulo 1 Cor. X, 16*, *Chrysostomo Homil. 24* in hunc locum, Christo, & Concilio A. 1059 contra *Berengarium* coacto. Concilio huic morem gestura Mediolanensis Ecclesia formulam illam videtur liturgiæ suæ inseruisse. Missale enim *Ambrosianum*, 700 habens annos, *fractionis* illa caret formula. Inducta eodem tempore allevatio hostiæ & calicis statim post prolata consecrationis verba. Fractionem hanc cum integritate corporis Christi ita Autor conciliat, ut eam referat cum *S. Thoma* ad species Sacramentales, quæ per consecrationem non sint amplius species panis, sed corporis Christi, ob Concilium Tridentinum Sess. XIII. Post *Berengarium* damnatum in ipsa Ecclesia ferbuerunt lites, utrum in Symbolo & specie tantum, an in ipso Christi corpore fiat fractio, uti patet ex *J. Mabillonii Tom. III Analectorum veterum p. 450*. Adduntur plura loca, quibus illa fractio dominici corporis comprobatur, inprimis ritus Romanus, Græcus, & antiquus Gallicanus. Ut adeo telorum acies sit hebetata, quibus formula illa fuit attentata & collabefacta.

NOVA LITERARIA.

Mediolani haud ita pridem opera Viri diligentissimi, *Philippi Argelati*, Societati Palatinæ a Secretis, prodiit *Operum Sigonii Tomus tertius*, de quo optime cognoscent Lectores ex Programmate, quod idem *Argelatus* nuper publicavit,

vit, & liberaliter ad nos transmissit, dignum utique, quod huc transcribatur integrum:

Tertius clarissimi Caroli Sigonii Operum Tomus, nuper inter horrendos bellicorum tormentorum strepitus absolutus, e typis Mediolanensibus in vulgus prodit, vixque mihi persuadco, potuisse me per justam animi trepidationem datam fidem absolvere. Sed, quacunque sit fortunarum mearum alea in hac temporum difficultate, id prae ceteris toto virium nisu studiisque omnibus curabo, ne cuiquam nomen meum minus aliquando gratum sit futurum. Quae itaque in hujus editionis causam jam ante promiscram, praestiturus bodie, fortasse praeter expectationem hominum, in literaria Republica sisto, & quae fuerit in concinnando eo Tomo diligentia, eruditis Lectoribus paucis exponam. Majorem ipsius partem occupant res inclita patria mea, Bononia, quas Carolus ipse Sigonius ex mandato publico collegerat, & aureo suo stilo descriptas aternitati consignavit. Expetebat a me caritas erga parentem, & obsequii perpetui cultus, imo vero proprius propemodum amor id sibi quarebat, ut, cum recudendi essent Sigoniani libri, eos prae ceteris exornarem, quibus Respublica Bononiensis est argumentum; cumque ob imbecillitatem ingenii mei non liceret, per antiquitatis tenebras, ut ita dicam, inoffenso pede incedere, quod mihi impossibile cognovi, per alios agendum curavi. Cives itaque Bononienses ad capeendam hanc operam excitandos mihi proposui, quibus frequentior earum rerum notitia, & commodior veterum monumentorum apparatus, sine quo vix aliquid utilitatis expectandum erat a studiis literatissimi cujusque viri. Nec multis mihi opus fuit cum duobus Clariss. Viris, pari mecum studio erga communem patriam affectis. Hi sunt Alexander Macchiavellus, in Bononiensi foro Advocatus, J. U. D. Colleg. Publicus in patrio Archi-Gymnasio divini Juris Interpres, & Academia, quam Institutum Scientiarum vocant, Socius, atque admodum Rev. P. D. Carolus Constantius Rabbius, ex Augustiniana Congregatione, Lombardia appellata, Lector eximius, quorum primus Historiam, alter Libros de Episcopis Bononiensibus exornandi laborem

rem in se suscepit, & uterque ita feliciter opus implevit, ut vix in posterum ceteris relictum putes aliqua in parte huius argumenti spicilegium. Et sane, quod ad Cl. Macchiavellum attinet, is Notis perpetuis librorum sex Historiarum Sigonii est profectus, quas pro more nostro in calce cujuscunque pagellae impressimus, atque ita in Sigonium is animadvertit, ut nihil ad adstruendam ei fidem e synchronis documentis pratermiserit, vel, si aliquando cum in chronicis notis peccasse contendat, id, quam fieri potuit, modestissime, productis testibus, evincat. It tandem, occasione veterum factorum, recentiorum Bononiensium rerum narrationem inseruit opportunis locis, ea diligentia, ut optime de patria sit meritus, & perennem sui memoriam cum ipso Sigonio sit inter cives habiturus. Præterea, quod pluribus in regnis, ne dicam urbibus, anxie desideratum, frustra non raro tentatum est, is apprime perfecit. Monetarium scilicet Bononiensium exegesis, e vetustis Historicorum monumentis collectam, primo a maioribus suis, mox ab eo ad nostra usque tempora productam, eamque data occasione ad calcem Libri III Sigonianæ Historiæ, Appendicis loco, posuit. Tandem, quia Sigonius decennii quidem spatium ab anno scilicet 1257 ad 1267, saltu quodam nimis celeri, silentio præterivit, Macchiavellus ex aliorum Scriptorum, ac publicorum Actorum, fide lacunam implevit, & Supplementum addidit, quo rerum narratio continua sit & absoluta. Quanti fuerit vetustiora scriptoria perlustrasse, in tanta potissimum patriæ nostræ calamitate, quæ variis bellorum fluctibus, & factionum intestina discordia, sæpe sæpius agitata, variisque dominis parere assueta, fortunarum suarum Scriptores repetitis rapinis & incendiis amisit: quanti, inquam, fuerit, rudera in arena semisepulta collegisse, atque in primævum decus restituisse, ii bene norint, quos antiquitatis amor ad similia impellit investiganda, atque ii me melius debitas Cl. Macchiavello laudes præstabunt. Hoc unum significabo, quod specimen industria ipsius exhibeat. Usus est ut plurimum Calendario honorifico perpetuo Archi-Gymnasis Bononiensis, ejusque Academiæ, A. 1280 edito, & ad nostra tempo-

ra deducto, in quo res ab anno usque 1000 referuntur, ob eamque rem apprime quadrat continuanda Sigonianæ Historiæ, cui finis in A. 1267, atque illud etiam in tui, Lector humanissime, gratiam, Appendicis loco, post Sigonianam Historiam impressum volebat. Sed, cum ex Ambrosiana Bibliotheca dono Cl. ac Doctiss. Saxii, Præfetti, Dissertationem habuerim, ab eodem Sigonio scriptam, cui titulus de Studiis Bononiensibus, editionem dicti Calendaris post eam Dissertationem, additis ejusdem Macchiavelli Annotationibus, Deo dante, inter alia inedita nostri Autoris Opera, concinniore atque opportuniore ad locum amandatam volui. Et, quoniam in recudendis Bononiensium Historiarum libris, a Sigonio scriptis, uti sumus non prima editione, quæ vivo adhuc Autore ex Bononiensibus typis in lucem publicam venit, sed altera Hanoviana, (constat enim, Sigonium expoliendis iis libris accuratiorem limam adhibuisse, novamque illorum editionem preparasse,) causas novi consilii, ni fallor, investigasse me puto, indicium monstrante fortuna, quæ censuras in editos eo tempore memoratarum Historiarum libros facile perituras obtulit, dono ornatissimi Viri, qui ad humanitatis eximia officium hoc etiam addidit, ut ab eo nominando abstinere, ne videatur laudationem quasivisse. Censores habuit Sigonius Eminentiss. Hugonem, Cardinalem S. Xisti, qui, ad fastigium Romani Pontificatus evectus, Georgius XIII est appellatus, ex Excellentissima Boncompagnorum gente, ac Eminentiss. Sirletum, & eruditissimum Amaltheum. Istorum Virorum censuras post exemplum Bononiense descripsit manu sua Sigonius aliquot in foliis, quibus etiam responsiones notaverat, exemplumque illud pluribus in locis correxerat. Hæc omnia erudito Viro communicata, is tanti fecit, ut digna publica luce judicaverit, atque in ordinem redegerit, quo novæ huic editioni responderent. Hæc itaque censuras, & subjectas cuique responsiones, coronidis loco ad eam Historiam apposuimus, nonnulla præfati, quæ hic repetere minime vacat. Sed juvat me adversus insurgentes aliquorum voces, quas propemodum auribus accipio, hoc loco retundere. Ille namque vitio mihi vertent, quod Bononiensis homo de Arbi-Gymnasio nostri

præstantia servanda non satis curaverim, postquam in hisce Sigonii responsis evulgandis non animadverterim, aliquid ab ejus calamo excidisse, quod sit dignitati ejus aliquando detracturum. Imo vero animadverſi, ac, serio perpensa re, in eam veni sententiam, ut, quæ Sigonius obiter olim pronuntiaverat, libere profferrem, quo lucidius appareret, eum, quando ex proposito causam exegit, quod in recitata Dissertatione de Sudiis Bononiensibus procul dubio fecisse dicendus est, pro antiquitate ac præstantia celebratissimi Archi-Gymnastii nostri viriliter pugnasse. Præterea, utcunque acre fuerit Sigonii judicium, & doctissimi hominis nomen aliquibus imponere potuisset, non est ejusmodi causa nostra, quæ soli inhaeret Historiæ, ut ab opinione hominum ladi possit. Præstabat itaque instituto meo, quod Sigoniana scripta prosequitur, in communem literatorum hominum utilitatem ea omnia, quæ invenire potui, sincera fide in medium asferre, quam per inhonestam fraudem meo civiumque Bononiensium desiderio inutiliter assentiri. Verum satis de me, atque aliorum opinione. Ad censuras eas redô, de quarum origine nihil habeo, quod dicam. Frustra enim Sigonii & aliorum varias Epistolas perlegi, ut rei gesta narrationem cognoscere possem. Quod ex conjectura certum asseverare posse mihi videor, id est, quod ex earum occasione Sigonius repetita lectionis historiam nobis tradiderit, ut initio dicebam; & sane primam editionem atque censuras cum nupera conferenti, conjectura nostra probabitur. Atque his novis omnibus ornamentis patriam historiam auxi; sed, quoniam ad eam præcipue spectabant etiam Sigoniani alii libri de Episcopis Bononiensibus, pari cura de iis bene mereri volui, neque me melius posse credidi, quam si Cl. Virum Adm. Rev. P. Lectorem, Carolum Rabbium, quem honoris gratia nominavi, ad eum laborem invitarem. Noverant enim literati homines, quam sit in Ecclesiastica Historia exercitatus, in scribendo politissimus, quodque in hujusmodi studiorum specie plurimi faciendum, quantum ei splendeat lucerna Criticæ, ac bona littera oleant. Is itaque libror eos perpetuis Notis, brevibus quidem, sed succo plenis atque utilitate, pari modo expol-

vit, plura ad exactiorem Chronologia rationem revocans, plura vero ex probatis quibusque Scriptoribus ac monumentis patriis de suo supplens, ac demum alia, qua ad ritus moresque Bononiensis Ecclesia spectant, distinctius explicanti, quam a Sigonio, ad alia properanti, sic factum. Quo novo ipsius labore satis Ecclesia nostra dignitati consultum puto, accedente potissimum editioni huic nostra serie vitarum ceterorum Archiepiscoporum a Gabriele Palzoto, in quo Sigonius scribendi finem fecit, ad Eminentiss. usque Prosperum Lambertinum, qui hodie nostram Ecclesiam, virtutum cumulo, severitate Christiane disciplina, ac bonarum literarum cultu florentem, feliciter moderatur, & in longum ævum esse moderaturum ex corde precor. Habent hæc vitæ, Sigoniano stilo & judicio proxima, eundem Autorem Rabbium, quem Sigonius ipse laborum socium probasset. Ad Ecclesiasticam pariter Historiam spectabant vitæ Sanctorum plurium Bononiensium, a Sigonio scriptæ, earque diligentissime collectas opportunis locis atteximus, quod & fecimus de Vita Laurentii Campegi, S.R.E. Cardinalis, ab eodem Sigonio fusiori calamo scripta, ne quid aliunde petendum esset. Atque his Bononiensibus rebus nostris in hoc Tomo finem fecimus, post quas locum dedi Scholiis iis, quibus Autor noster Livianam Historiam maximo cum renascentis Latina lingua emolumento emendavit. Quæ Scholia, nemo negaverit, faciem ceteris omnibus pratulisse, qui in illustrandis Livianis libris insudarunt. Textum Livii consulto prætermisi, ne in vastam nimis molem excresceret editio nostra, superfluamque duxi novam ejus Historici editionem iis, quibus ubique alia præsto sunt. Sola itaque Scholia exhibui per ordinem digesta, indicatis ad singulos libros diverso charactere Livianis verbis, ad quæ referuntur. Cumque non ignorarem, ea Scholia causam dedisse literariis jurgiis, quæ Sigonium inter & Glareanum acta sunt, nihil, quod ad eas controversias cognoscendas attinet, omittendum duxi, proptereaque Scholiis iis præmissi ejusdem Caroli Sigonii Epistolam, qua Bernardino Lauredano consilium suum aperuit,

cum primum ea Scholia vulgavit, & alteram Glareani, quæ de Sigonio queritur, cetera, ut mox referam, appositurus. Interea locus dandus erat Consulari Chronologiæ, ab ipso Autore nostro incredibili studiorum commodo composita, unde præcipua contentionum capita oborta sunt, eaque rei species me ad Doctiss. P. D. Josephum Mariam Stampam ab editis Operibus literariæ Reipublicæ commendatissimum, revocavit; utpote qui plurimum polleat in ratione temporum emendanda, ob exquisitam sacra ac profana antiquitatis notitiam, ut si liti dirimenda profuturum aliquod invenire possit. Nec mea me fefellit opinio. Is enim, collatis inter se Fastis Consularibus, a Sigonio editis, tam ex Livio, quam ex Fastis Capitolinis, iisque in septem Tabulas relatis, imprimendas eas curavit ea forma, ut una columna Livianos Consules, altera Capitolinos, in eadem linea descriptos comparatosque, sub oculos ponat, nonnullis opportunis in locis ab eo notatis; atque ita cognovit, se Caroli Sigonii causâ plurimum profuisse, additis præcipue Vindiciis ejusdem adversus Detractorum suorum argumenta, quas dictis Tabulis subjecit, cum suis Observationibus, quæ propugnanda Sigonianæ Chronologiæ optime profunt. Eandemque industriam adhibuit in recensendis Livianorum Scholiorum Defensionibus, a Sigonio editis, adversus dictum Glareanum & Robortellum, quibus clauditur Sigoniana hæc circa Livianos libros disceptatio. Erant hæc equidem jam ante vulgata, sed, præterquam quod variis in locis dispersa legebantur, tot tantisque scatebant erroribus, ut ea restituere potius, quam emendasse, necesse fuerit P. Stampæ doctissimo. Quæ, in unum hodie collata, novaque luce aspersa, gratissima tibi, Lector humanissime, futura non dubito. Continet præterea Tomus iste primum Sigonianum fatum, vitam nempe P. Scipionis Æmilianæ, editam quidem ipso inter vivos agente, sed raram ætate nostra, imo rarissimam. Cui Operi nonnulla præfari volui, quod sciam, idem argumentum ab Antonio Bendinello tractatum, qui per summam injuriam adolescenti doctissimo gloriam præripere nixus est, primusque invidia stimulos in eum convertit, quæ mox

apud

apud alios in apertam rabiem descivit. Ea de causa Bendi-
nellum cum Sigonio contuli, & locos principales exegi, meaque
tenuitatis conscius, eruditus Viris Observationes meas perlegi,
quos inter praefatus P. Stampa, qua non animadverteram, sup-
plevit, quaeque minus ei probata sunt, ad libellam revocavit.
Alii me melius rem cognoscent; id certe unum, quod praeter
ceteris optabam, satis monstrasse puto, nempe quae fuerit Sigo-
nio iudicii acies ab ipso aetatis flore ac studiorum initio. Li-
brum claudit Vita Andreae Dorae, sive ab Auria, Melpbia Prin-
cipis, ab eodem Sigonio scripta, quae typis impressa circum-
fertur. Cumque in ea perlegenda notassem, Autorem nostrum,
qui fere par aetate Andreae fuit, & plura oculis atque auri-
bus accepit, rationem temporum non adeo exacte servasse, ac
ferme nullibi expressisse, gratum Lectoribus futurum credidi,
si a Scriptoribus ejusdem aevi annos & rei gesta rationes re-
peterem, quod ex libris Uberti Folietae & Jacobi Bonfadii, a-
liisque rerum Genuensium Scriptoribus, abunde hausi; atque,
ut novi aliquid ad eam Historiam exornandam producerem,
hac ex Tabulis publicis Genuensibus, & ex Bibliotheca Am-
brosiana, annuente humanissimo atque doctissimo Saxio, habui:
1) Pacta conventa, a Carolo V, Imperatore, obsignata A. 1528
d. 11 Aug. 2) Pactorum prorogatio, & additio A. 1530 d.
10 Martii. 3) Sponsalium contractus inter Marcum Anto-
nium de Carreto, Andreae Dorae privignum, & Dominam Jo-
annam, Antonii de Leyva, Principis Aesculani, filiam; & do-
natio Principatus Melphitani, ab eodem Andrea memorato
privigno suo facta, cum Approbatione Caroli V, Imperatoris.
4) Animadversiones quaedam, ad historiam conjurationis Eli-
scorum spectantes, Anonymo Autore, ex MSto Codice Biblio-
thecae Ambrosianae, signato f. R. n. 95. 5) Ultimae Tabulae
Principis, Andreae Dorae, una cum Codicillis ejusdem. 6)
Reipublicae Decretum pro erectione Statuae Jo. Andreae Do-
rae. Indicem postremo summa cum diligentia composui, non
rerum tantum notatu dignarum, sed familiarum Italicarum
omnium, quarum in hoc Tomo facta est mentio quacunque
in parte libri, nec non Urbium, Pagorum, Montium, Flumi-
num,

cipis, Libri duo, quos *Philippus Argelatus*, Bononiensis, nonnullis Animadversionibus & Documentis, adhuc ineditis, ad eandem Historiam pertinentibus, illustravit.

Prodiit in Belgio, quod chartarum typorumque ratio suadet, libellus ita inscriptus: *Sapientia Hyperborealis, seu Specimina literaturæ Barbaro-Scythicæ, quam nostro tempore Viri quidam illuminatissimi voce ac scriptis certatim illustratum eunt, Auctore Alexandro Agricola; cum Notis Anonymi; edente Alexicaco Philomuso, qui & Præfationem adjecit.* A. 1733, 8, pl. 6. Satyra docta illa sane, & ab ingenio non mediocri, ut videtur, profecta, sed eadem mordacissima, qua perstringuntur Viri aliquot in Belgio viventes, quorum unus Dominicas perpeſſiones *Diatribæ Etymologico-Philologico-Criticæ*, alius *Senecam Tragicum*, *Terentium* alius, ipsum alius *Ciceronem*, cum Notis ediderunt: quorum commissa pariter & omiſſa, ea inprimis, quæ in legem Pediam peccata sunt, ex carminibus, apud nos vix cognitis, nunc serio, nunc per ironiam, nunc Latina puraque oratione, nunc ad obscurorum virorum exemplum efficta, nunc versu libero, nunc parodia, nunc soluta denique oratione, exagitantur. Ita sane exceptit, quisquis Autor est Satyræ, Viros, in quos strinxit calammum, uti nemo forte, qui eam legerit, arbitraturus sit in posterum, injuriam uni alterique illorum factam, qui ab his *Actis* nostris non ea, quæ expectaverant fortasse, præconia retulerunt: sed modestiam potius horum *Actorum* agniture sint ipsi, de quorum fama literaria hic luditur, qua sibi satisfieri tum non patiebantur. Moderatius hic dici quædam potuisse, fatebitur forte ipse Autor; sed forte occinet nobis illud vulgare: *Aliter hæc sacra non constant.* Virtutis amabilissimæ admonere illum potest ignoratus illi & exprobratus ob eam causam *Verburgio Bartholomæus Merula*, a quo editum *Ovidium* Venetiis A. 1516, fol. Amici alicujus nostri Bibliotheca servat; & quædam forte alia. Ingeniosum nobis videtur, quod in ipso titulo libelli pestinis, seu strigilem dici malis, imago, inter carduorum frutices posita, hæc adscripta verba habet: *Purgat & ornât.*

Certiores facimus Lectores nostros, his ipsis diebus prelo nostro emississe *Tomi I Supplementorum ad Nova Acta Eruditorum Sessiones I, II, & III.*

NOVA ACTA ERUDITORUM,

publicata Lipsiæ

Calendis Junii Anno MDCCXXXIV.

MUSEUM FLORENTINUM, EXHIBENS
insigniora vetustatis Monumenta, quæ Florentiæ sunt,
cum Observationibus ANTONII FRANCISCI
GORII, Publici Historiarum Professoris.

Tomus I & II.

Florentiæ, ex Typographia Mich. Nesteni & Franc. Moücke;
1731 & 1732, fol. maj.

Tom. I Alph. 2 pl. 18, fig. æn. 100, Tom. II Alph. 2
pl. 9, fig. æn. 100.

Præstantissimi hujus Operis, *Joanni Gastoni*, Etruriæ Magni
Duci, dedicati, Autores Editoresque esse aliquot Florentinos
Equites, avito generis splendore nobilissimos, juvandisque opti-
mis artibus maxime deditos, ipse Cel. *Antonius Franciscus Go-*
rius in Præfatione, *Tomo I* præmissa, verbis luculentissimis fa-
tetur. Et, quemadmodum illi huic antiquitatum Syntagmati
titulum fecerunt *Museum Florentinum*, quod insigniora vete-
rum artificum opera; quæ in celebrioribus Florentinis Cime-
liothecis, ac præsertim in Mediceo Thesauro, asservantur, in
unum collecta exhibeat, & Observationibus illustrata, ita
Doctiss. *Gorius* totum hoc Musei Florentini Opus decem Volu-
minibus absolvere decrevit, ita tamen, ut singulis nullus assigna-
retur numerus, etsi unumquodque Volumen incisis æri Ta-
bulis centum, vel etiam pluribus, ubi necesse erit, constabit. Primo
Volumini addixit Cel. Antor Gemmas antiquas, opificio & e-
ruditione insignes, Virorum illustrium & Deorum imagines

Hh

exhi-

exhibentes, & in secundum Volumen conjecit geminas item perinfignes, & quidem tum, quæ Scalptorum nomine, vel Græca vel Latina epigraphæ, ornatae sunt, tum, quæ religionis, pacis, & belli, studia veteremque Historiam & Mythologiam, illustrent. Volumen III marmorea signa, sive statuas, Deorum, Dearumque, & hominum illustrium, producet, quæ maximam partem eximia sunt veterum Sculptorum magni nominis opera. Volumen IV nunquam antea juris publici factas complectetur Cæsarum Augustorum, Augustarumque, & Virorum illustrium, protomas, ex quibus absoluta eorum effigies spirantesque vultus animo facilius concipi poterunt. Volumen V proferet athenæa omnia Deorum, Dearumque, simulacra & sigilla elegantiora, compluribus symbolis peculiaribus ornata, aliæque hujus generis ex ære sculpta opera. Volumina VI, VII & VIII selectiora & præstantiora depromunt numismata, adhuc inedita, eaque inprimis, quæ in Mediceo Gazophylacio reperiuntur, servato ordine & magnitudinum forma. Tandem Volumen IX & X Pictorum, toto orbe celebriorum, qui se ipsi pinxerunt, artemque pingendi ad summum gloriæ fastigium evexerunt, iconas exhibebit. Desumentur hæc omnia non solum ex Mediceo Cimeliarchio, de cujus origine, progressu ac præstantia, paulo agit copiosius in Præfatione Tomi primi *Cel. Gorius*, verum etiam ex aliis dactyliotheccis Florentinis, inter quas eminent *Strozii* Forani Principis, Marchionum *Riccardiorum*, *Niccoliniorum* Comitum ex *Gherardesca*, Nobilium *Cerretaniorum*, Senatoris *Philippi Bonarroti*, Nobilium *Gaddiorum*, & Marchionis *Guadagni*. &c. Atque hæc quidem generatim de *Museo Florentino* sufficiant. Accedimus nunc ad *Volumen I & II*, quæ jam ad manus sunt, propius.

Volumen I Tabulis æri incisæ absolvitur centum, quæ in quatuor sunt Classes digestæ, ut ordo, quoad fieri posset, observaretur. Classis I exhibet Tabulis XXIV imagines Imperatorum, Cæsarum, Augustorum, Augustarumque, & Virorum illustrium. Classis II profert imagines Regum, Reginarum, & Heroum, Tabulis XVI incisæ. Classis III Philosophorum, Oratorum,

torum, Poetarum, Musarumque, imagines, Tabulis XI expressas, continet. Classis denique IV imagines Deorum, Dearumque, Tabulis XLIX diligenter delineatas exponit, ex quibus magna omnino lux accedit Historiæ veterique gentium Mythologiæ, multique antiqui Autores earundem gemmarum eruditione, quam continent, mire illustrantur.

Volumen II itidem Tabulas xxi incisas habet centum, quarum iterum in quatuor Classes distributæ sunt, quarum I exhibet Tabulis XXIII antiquas Gemmas, nomine insignes Sculptorum, qui sunt *Agathopus, Allion, Amphoterus, Aspasius, Aulus, Carpus, Cnaus, Epitynchanus, Hyllus, Onesas, Pigmon, Plotarchus, Quintus Alexa, Scylax, Seleucus, Solon, Teucrus*. Has sequuntur illæ Gemmæ, quæ præter aposphragisina incisas præferunt aliquot literas, vel Græcas, vel Latinas, vel etiam peregrinas, quæ ut plurimum nomen ejus viri, qui Gemmam anulo insertam gestavit, per compendium indicant, vel epigraphen boni ominis, vel occultas Notas continent, quibus pro amuleto ad avertendum fascinum usi fuerunt. Atque in his non paucæ etiam Gemmæ proferuntur, Diis donatæ, vel claris viris, vel athleticis victoribus in certaminibus, vel aurigis, qui palmam obtinuerant in Circensibus, præmio datæ, vel etiam ad amicos missæ in Saturnalibus, aut natali die, aut in nuptiis. Classis II Tabulis XXIX primum refert Gemmas, quæ a *Cel. Gorio Homerica* dicuntur, quod res gestas heroum repræsentant, qui ab *Homero* laudantur, & Poetarum principem non illustant magis, quam ab ipso illustrantur. Deinde comparant Deorum, Dearumque, imagines, ex quibus complures ad *Homeri* mentem procul dubio scalptas esse, arbitratu Autor. Classis III Tabulis XXXIV expressas Gemmas complectitur, quæ præsertim Romanam Historiam exornant. Unde Romæ primordia, Viri illustres, milites, sacrificia, ludi Circenses, Gymnici, Scenici, intelliguntur. Classis IV Tabulis XIV continet signa cœlestia & Gemmas symbolicas, quibus ethnicæ superstitionis cultores, vel fausti ominis causa, vel ad declarandum memorandunque horoscopum suum, vel pro amuletis, aut ludicris celaturis, usi fuerunt.

Gemmarum, quæ in his *duobus Tomis* habentur, omnium antiquarum seriem, ordinem, & dispositionem, fecit *Sebastianus Blanchius*, Præfectus Reg. Cimeliarchii Magni Ducis Etruriæ, qui in Classibus, modo recensitis, nihil sibi fecisse reliqui videtur adornandis & accurate disponendis. In subjecta singulis Gemmis tessera, ut ab Autore vocatur, primum annotatum est genus sculpturæ ejusdem Gemmæ. Nam, si anaglyphum est, *exscalptum* appellatur gemmæ opus, pervulgato sermone, *Cammeo*. Sin vero cavis ductibus incisum est, *inscalptum* dicitur, hoc est, *in taglio cavo*, quibus Gemmis veteres ad obsignandum ut plurimum usi sunt. Deinde in eadem tessera notatur qualitas Gemmæ, utrum scilicet imago exscalpta, vel inscalpta sit Chalcedonio, an Jaspidi, an Sardæ, an Achatæ, &c. Tum etiam per singulas notas apparet nomen Dactyliothecæ, unde gemmæ singulæ productæ sunt. Subjecta denique lineæ ejusdem Gemmæ figuram, altitudinem nempe & latitudinem, indicat. Ubi vero lineæ deest, indicio id est, allatum iconisimum magnitudine & forma sua prototypam sculpturam æquare. Cum autem per loci brevitatem & angustiam commode fieri non posset, ut in eadem subjecta tessera prolata imago, cujusnam sit, & quid referat, describeretur; Observationes paulo copiosiores Doctiss. *Gorius*, statuit post Tabulas æri incisas, singulis Voluminibus rejectas, exhibere. In his Observationibus non solum judicium fert imaginum, sed & earum exhibet descriptionem, Virorumque illustrium mores ac res gestas ex Historiæ penu brevissimis describit. Singulis Tomis, quo Lectorum commoditati consuleretur, subjectus est Index rerum, quæ in antiquis Gemmis observantur.

JOANNIS LAUNOJI, CONSTANTIENSIS,
Parisiensis Theologi, Socii Navarræi, Opera omnia, in
quinque Tomos & decem Volumina distributa
Tomi V Pars I & II.

Coloniz Allobrogum, sumtibus Fabri & Barrillot, Sociorum,
 & Marci-Michaelis Bousquet & Sociorum, 1731, fol.

Alph. 16 pl. 8.

Inte-

Integer hic *Tomus quintus*,isque ultimus, Epistolis *Launoji* dicatus est, quæ una cum Præfatione D. *Guiljelmi Saywell*, ex editione Cantabrigienſi, A. 1689 evulgata, hic exhibentur. De quibus igitur hoc minus dicendum nobis eſſe exiſtimamus, quod jam copioſius de his iſſis Epistolis Cl. Editor egit in Præfatione ſatis longa, huic Tomo præmiſſa. Scipius hic diſcedit a *Launojo*, eumque notat. Sic eum non bene philoſophatum ait in Epistola ſeptima p. 60, quando non Capuenſis modo Concilii, ſed etiam Delegatorum a Concilio iudicium, auctoritatem Romani Pontificis auctoritate ſuperiorem exhibitam, ac *Siricium* respondentem tanquam privatum Theologum ſcripſit. Sic demiratur, *Launojum* ſuffragatum fuiſſe Decreto *Alexandri VII* ad Lovanienſes, in quo inconcuſſa tutiſſimaque dicuntur *Auguſtini* dogmata, quippe qui ſibi perſuadet, nunquam *Launojo* probatam fuiſſe doctrinam de prædeſtinatione & gratia, quia cauſæ *Auguſtiniana* de componendis per Episcopos aut Concilia Eccleſiaſticis negotiis favebat. Interim tamen operæ pretium nos facturos ſperamus, ſi quædam de iis *Launoji* Epistolis, quæ nunc primum editæ ſunt, quæque in huius Tomi Parte ſecunda leguntur, dixerimus. Prima Epistola e Mſto Codice, quem Editori commodaſcit R. P. de *Latenay*, Carmelita, qui olim fuit a ſacris Confessionibus Eminentiſſimi Cardinalis d'Eftrées, exhibetur, in qua *Launojus* Tridentini Concilii utilitatem prædicat, collatis inter ſe Nicæna & Tridentina Synodis, oſtendit, longe plura in Eccleſia commoda ex ſecunda, quam ex prima, eveniſſe, & *Marcum Antonium de Dominis*, & fratrem, *Paulum*, acriter perſtringit. Secunda, quæ ex eodem Codice Mſto vulgatur, probat, tempore Concilii Conſtantienſis nullum fuiſſe indubitatum Papam, & ex Actis Concilii inferitur, *Gregorium XII* notioreſſe Pontificem, quam *Joannem XXIII*, aut *Benedictum XIII*. Tertia e Mſto Codice S. Germani a Pratis ſiſtitur, qua *Launojus* inveſtigat, quænam ſit Facultatis Theologicæ Pariſienſis ſententia de contritione, confeſſione & ſatisfactione, variosque affert textus librorum, quos hæc Facultas approbavit, qui tamen in damnandis *P. Seguenotii* quibusdam

Pag. 9:

31,

777 ſeq.

783.

789.

- Pag. 806. propositionibus secum pugnant. Quarta, quæ ex Bibliotheca Ducis de Coislin, Episcopi Metensis, Regii Ordinis Commendatoris, repetita est, ad *Ludovicum Bailium*, Parisensem Theologum, data est, qua contra hunc *Bailium*, qui ex *Innocentio III* quadam Epistola concluderat, a Pontifice vetitum esse, ne Scriptura in Gallicum idioma verteretur, demonstrat, ibi tantum edici, ne Laici prædicent, occulta conventicula faciant, & Sacerdotes reprehendant. Quinta ad *Nicolaum Nigrum*, Theologum Parisiensem, e Codice ipsius Autoris MSto, quem Editori Vir eruditus ea lege commodavit, ut nomen ejus non appellaretur, desumpta est. In ea *Launojus*, recensitis quibusdam Criticæ legibus, probare nititur, in duobus Tridentinæ Synodi Canonibus, ubi facultas constituendi impedimenta, matrimonium dirimentia, Ecclesiæ tribuitur, Ecclesiam sumendam esse non pro Ecclesiasticarum personarum cœtu, sed pro collectione fidelium, idque contendit, ut Christianis Principibus vindicet constituendorum impedimentorum, matrimonium dirimentium potestatem. Sexta, ex eodem MSto descripta, ad *Ludovicum Cusinum*, Numanorum Judicum Præsidem, data est, qua, variis allatis exemplis, ostenditur, Romanos Pontifices acrius tuitos esse *Theodosianam* legem de non jungendis matrimonio consobrinis, quam ipsi seculares Principes propugnarent, varixque adduntur Observationes de quibusdam sacris illustribus, ubi modo laudantur, modo vituperantur, Romani quidam Pontifices. Septima, ex eodem MSto Codice, demonstrat, secum pugnare *Bellarminum*, dum hinc affirmet, *Gregorium I* dispensasse cum Anglis circa matrimonia in gradibus prohibitis, & illinc fateatur, non posse Papam condere legem civilem, vel confirmare, vel infirmare leges Principum, cum non sit ipse Ecclesiæ princeps politicus. Octava, ad *Franciscum Bonum*, e Bibliotheca *Ludovici d'Aquin*, Forojulienensis primum, postea Sagienensis, Episcopi prodit, in qua *Launojus* ostendit, multa, quæ traduntur a Tridentina Synodo *Seff. XXIV Cap. I* de reformatione matrimonii, pertinere ad matrimonium, non quatenus Sacramentum, sed quatenus est contractus civilis. Nona, ex eadem Bibliotheca, ad *Hieronimum Sambonivium*,

zium, probatur, *Clementem IV* in Diplomate, quo *Henrico*, Regis Navarræ fratri, dat vacationem gradus quarti consanguinitatis, pro sacris canonibus allegare, quæ non sint, nisi Edicta Principum, cum hæc re vera ad civilem magis, quam ad Ecclesiasticam, potestatem pertineant. Tomum hunc non solum, ut reliquos, Index rerum & verborum memorabilium claudit, sed accessit etiam Index locorum Scripturæ Sacræ, quæ in hisce duobus Epistolarum Voluminibus vel illustrantur & explicantur, vel rei notæ accommodantur.

HISTORIE VAN CORSICA &c.

h. e.

HISTORIA CORSICÆ, IN QUA SITUS ET indoles Insulæ hujus, ejusque incolarum, una cum variis status publici mutationibus, ac rebus, vel in Insula hac, vel occasione ejus, ab antiquis inde temporibus usque ad hæc nostra gestis, accurate describuntur.

Amstelodami, apud R. & J. Wetstenium & W. Smith, 1732, 8.

Alph. 1 pl. 10½.

De Corsica, Insula Italiæ notissima, non reperitur vulgo in doctorum hominum Bibliothecis, nisi *Philippi Cluverii*, de Sardinia & Corsica antiqua libellus, Italiæ ejus antiquæ subjunctus, sed & postea separatim excusus, & magnis quoque Corporibus Scriptorum Italiæ insertus, sed in quo præter Geographicam, qua de situ & ratione illius ex vetustis Scriptoribus exponitur, descriptionem, in qua hodiernam ejus faciem ægre agnoscas, frustra alia requiras. Rarius invenitur *Antonii Petri Filippini*, Archi-Diaconi Marianæ, (coloniz, quondam a Mario deductæ, cujus hodie non nisi rudera supersunt,) de rebus Corforum Historia, qua, quæ *Joannes delta Gressa*, *Petrus Antonius Monteggiani*, & *Marcus Antonius Ceccaldi*, memoriæ prodidere, novem libris in lucem protulit, quatuor addi-

additis, quibus filum narrationis eorum ad sua usque tempora produxit. Typis impressa est in Gallia, Turnonii ad Rhodanum, A. 1594. Ex hac potissimum sua hausit *Anonymus*, cui librum hunc debemus, qui nec alios tamen, sive veteres, sive recentiores, Scriptores, qui aliud agendo, res Corforum attingere, neglexit, ut sitim civium suorum, Historiæ Corforum, de quibus toties in tabulis novarum rerum publicis legerunt, penitus cognoscendæ cupidorum, levare posset.

Tractationem suam ordiendam haud immerito duxit a brevi Insulæ totius descriptione, qua faciem ejus, regionumque & locorum omnium situm, naturam, commoda ac proventus, incolarum indolem, linguam atque ingenium, statum item Ecclesiasticum civilemque, generatim explicat. Mirum est, Chorographiam non stipasse eum mappa Geographica accuratiori, qualem in Præfatione haud immerito desiderat, & vel ex *Filippino*, de quo diximus, facili negotio peti posse agnoscit. Quod ad incolas attinet, inter cetera observat, lingua eos uti nec Græca, nec Latina, nec Itala, sed ex tribus his aliisque mixta, minime tamen infœcunda, aut significandis cum emphasi conceptionibus animi inepta. In ipsa Historia *Anonymi* nostri Corforum vox *cala*, quod est, *occide*, reperitur, quæ cujus originis sit, vix satis patet. Eruditioni linguarumve externarum studio parum eos tribuere observat, ipsosque adeo ordinis Ecclesiastici viros tanta laborare imperitia, ut in monasteriis viginti quinque ac pluribus, quæ Insula alit, vix unum & alterum reperias qualicumque literarum tiuctura imbutum. Ignorantiæ hujus filiam, superstitionem, tantam vulgo deprehendi, ut, cum divinationi in universum studeant magnopere, tum id genus illius, quæ ex intestinis pecorum abdita rinatur, etiamnum sectari nihil vereantur. Ceterum, si, quod *Anonymus* noster notat, Corsi hoc tempore, quo, Genuensium imperii pertæsi, novis rebus studuere, inter alia, quæ, ut arma ponerent, postularunt, petiere, ut Academia, de qua condenda jam superioribus temporibus agitari consilia cœperint, in Corsica conderetur, patet sane, erectiora iis non deesse ingenia, atque aliis longe causis, quam indoli eorum, deberi, qui vitio iis datur, litera.

Pag. 301.

457.

terarum doctrinæque politionis neglectum. Sed, ut ignorantia Corforum excusari fortasse potest quodammodo, ita non æque ferenda in illis segnitie, rapacitas, perjuria, odia æterna, quæ exercent, atque ad seros posteros transmittunt, quamquam hæc ipsa videntur ex uno illo fonte ignorantie manare, qua, ut vidimus, laborant. Utcunque sit, fortitudinis iis laudem nemo abjudicaverit, quam & Doctiss. Autor iis in ipsa Historia relinquit, tametsi nullam ejus hoc loco mentionem putavit faciendam. Nam & Genuenses Corsica pro seminario, unde milites, quibus patriam tutarentur, desumerent, usos observat, & notum aliunde est, quam strenue Corsi non tantum in patria sua, sed & alibi conducti stipendiis, ut in Gallia, rem gesserint. Pag. 440.

Sed ad Historiam ipsam progredimur, ab antiquissimis inde temporibus usque ad hæc nostra laudabili studio contextam, & lacunis quidem suis non carentem, sed tamen lectu jucundam, & rerum varietate grata Lectorum animos disponentem. De primis Corsicæ incolis nil certi constat; coloniam eo quingentis sexaginta vel septuaginta ante Christum natum annis deduxere Phocenses, conditores urbis Alalæ quondam, postea Aleriæ, sed, cum depredationibus maritimis omnia infesta redderent, sedem rursus mutare coacti. Succedere, qui eos solum vertere coegerunt, Hetrusci & Carthaginenses, maritimas Insulæ hujus partes sibi potissimum vindicantes, montana atque interiora incolis nativis obtinentibus. Carthaginenses, quos vicinos ferre non poterant, duce *L. Cornelio Scipione* aggressi Romani, Aleriam, atque alia quædam loca, quæ illi tenebant, sibi una cum Nicæa, Hetruscorum urbe, subjecerunt. Missis inde Roma *Tiberio Graccho*, *Spurio Carvilio*, aliisque, in Provinciam demum una cum Sardinia redacta est Corsica, quam & frustra Insulas has altero bello Punico sollicitantibus Carthaginensibus, missis Prætoribus rexere, seditiones ac turbas, subinde ortas, mature comprimentes. Coloniam inde novæ, Marianam atque Aleriam, autoribus Mario, unde & Marianæ nomen, & Sulla deductæ, pacatiora omnia reddidere, paruitque Corsica, sedes plerumque exulium Romanorum, atque

26 seq.

38.

39 seq.

41 seq.

inter alios & *Seneca*, Philosophi, una cum Sardinia sub uno rectore Romanis, dum, *Constantino Magno* Imperii gubernacula tenente, Corsis peculiares dari cœpissent, qui eam Insulam usque ad sexcentesium circiter annum post Christum natum Romano Imperio servarunt.

- Pag. 47. Floruit eo temporis intervallo apud Corsos Christiana religio, de cujus initio tamen & progressu altum in hoc libro silentium, dum *Lanza Ancisa*, præpotens Maurus, ex Hispania una cum *Halvo*, doctore Mahumedano, Corsicam ingressus, incolas non tantum in potestatem suam redegit, sed & Mahumedana imbuït superstitione, regioque titulo usus, regnum ad posteros transmisit, ex quibus quintus & postremus, *Nugulo*, tempora *Caroli M.* attigit. Eam partem Historiæ, quæ ducentos prope annos complectitur, vix leviter perstringit Auctor, ad sequentia tempora progressus, quibus *Hugo Columna* & *Guido Savellus*, notissimi Romanorum, Corsicam Christianis Christianæque religioni, ejecto *Nugulo*, restituere, supremum ejus dominium Pontifici Romano, cui & decimam partem non tantum fructuum, sed & liberorum, Corsi aliquandiu persolvere, asserentes. *Hugo Columna* ex iis Comes inde Sardinia salutari cœptus, qui exturbandis Saracenis & revocandæ postliminio Christianæ fidei triginta sex annos infumfit. Dignitatem eandem obtinuit filius, *Blancus*, rebus adversus *Nugulum*, de quo diximus, *Abdallam*que, filium ejus, prospere gestis inclutus, eamque ad posteros transmisit, ex quibus non nisi *Henricum* Autor brevissimis commemorat. Quo violenta morte extincto, turbisque inde coortis, Corsi a *Gregorio VI* auxilium petiere, a quo *Marchio Massa di Maremma* missus, quam non sine multo labore pacaverat, Insulam septem annis rexit. Sub filio imperium, recens partum, quod Insulam omnem complectebatur, ad angustos terminos redactum est, potioribus ejus partibus distractis, quas peculiares sibi domini vindicarunt: residua portiuncula *Marchionatus* titulo ad posteros utcunque pervenit. Inter hæc Genueses, bellum cum Pisanis gerentes, Bonifacium, urbem maritimam freti, quod Sardiniam a Corsica dirimit, a *Bonifacio* quodam, navarcho *Pilano-*

Pisanorum, conditam, assu cepere; insulani vero, perpetuis turbis exagitati, denno ad sedem Romanam confugerunt, quæ, cum varios iis rectores misisset, Corsis parum probatos, denique pertæsa gentis, Corsicam, tanquam feudum Ecclesiæ Romanæ, Pisanis obtulit sub *Urbano II*, cujus Diploma ea de re Florentiæ hodie asservatur. Pisani eam non integro Seculi spatio tenere, cum insulani, atque ipse ille, qui Pisanorum nomine patriæ præerat, *Giudiceus della Rocca*, summam rerum Genuensibus, quibus Bonifacium ac tractus Vallenfis parebat, detulerunt. Sed Pontifex Romanus, *Urbanus IV*, cui, quod tueri non poterant, jus suum in Corsicam pariter ac Sardiniam Pisani reddiderant, utramque Insulam *Alphonso*, Regi Aragoniæ, feudi nomine concessit. Is, Sardinia potitus, Corsicam non æque vindicare sibi potuit, Genuensibus ibi sua tuentibus, qui inter turbas, subinde ortas, rem vario successu gessere. Ab Republica imperium ad privatos rediit, *Mabona* nomine notos, quorum quinque cum essent numero, *Leonellus Lomellinus* postea ex iis solus Comitibus dignitate Corsicæ præesse cepit. Sed & alios ea tempestate Comites hæc Insula habuit, ut *Vincentellum Istriensem*, Arragoniæ Regis auspiciis & nomine Corsis imperitantem, *Simonem de la Mare*, *Paulum della Rocca*, *Giudicem Istriensem*, qui dum turbas daret, ad obsequium Pontificis Romani, *Eugenii IV*, rediere Corsi, Genuenses dominos denno agnoscere iussi a *Nicolao V*, sed vario nihilominus imperio districti. Quo statu rerum, ut olim *Mabona*, ita nunc *Mensariorum S. Georgii*, tum florentissimæ Societati, se suaque submiserunt, quæ cum ab A. 1453 usque ad 1562 Corsis, quos & Mediolanenses interea, post *Tomasinus Fregosus*, ac denique Galli, tota prope Insula capta, obnoxios habuere, utcumque imperitasset, dominationem postliminio sibi Republica vindicavit anno, quo diximus, eamque strenue defendit adversus *Sampieri*, filiique, *Alphonso*, molitiones, usque ad A. 1560, quo *Alphonso* Corsica excessit, Gallis militaturus, inter quos virtus eum sua usque ad præfecti summi castrorum, quem *Marescallum* vocant, dignitatem evexit.

pag. 63.

71, 77 seq.

87.

97.

102.

122.

134 seq.

137, 145.

154.

169, 176.

263.

384.

Pag. 435.

vexit. Quod dum memorat Autor noster, mirum est, retinuisse eum novissima illius fata, pœnas quippe perduellionis luituri haud dubie sub Rege, *Ludovico XIII.*, nisi mors opportuna eum fortunæ ludibrio subtraxisset. Insequenti tempore, ab anno inde 1582 ad 1725, quid gestum in Corsica sit, frustra hic quæras; nihil enim accidit, quod Scriptoribus externis memoratu dignum magnopere videretur, quos unos hac ex parte consulere in tanta Historicorum domesticorum penuria Autor noster potuit. Quod ad recentissima tempora attinet, veretur ipse in Præfatione, ut, quæ de turbis, in Corsica ortis, ac postremo ope Cæsarianorum milium compositis, in medium attulit, Lectoribus per omnia satisfaciant. Potius existimat, in posterum certiora nos de iis rescituros: adhuc enim qui de iis memoriæ prodiderint, nec statum Insulæ, nec nomina locorum, mire quippe nonnunquam depravata, perspecta satis habuisse.

Johann Heinrichs von Falkenstein Nordgauische Alterthümer &c.
h. e.

JO. HENR. FALCKENSTEINII ANTIQUITATES Nordgavienses, in quibus de primi Nordgaviensis Episcopatus, Aureatensis, originibus, & Episcopali successione, usque ad nostra tempora agitur.

Tomus I.

Francofurti & Lipsiæ, apud Jo. Georg. Lochnerum, 1733, fol. Alph. 3 pl. 15, cum fig. æn. pluribus textui inspersis, & Tabb. 10, & Mappa Geographica.

Qui nuper Codicem Diplomaticum Antiquitatum Nordgaviensium, cujus recensum in *Actis M. Nov. A.* 1733 p. 489 instituvimus, in lucem emisit Ill. *Falkensteinius*, idem nunc ad ipsas scribendas Antiquitates Nordgavienses, bonis avibus, accessit. Vere atque ex animo gratulamur Historiæ studiosis honorificum illud, quod de præstabili Autoris doctrina

Strina tulit, testimonium æquus & peritus ingeniorum æstimator, Divus *Jo. Antonius*, Aureatensis Ecclesiæ Antistes. Is enim, cognitis exploratisque egregiis *Falkensteini* dotibus, cum A. 1718, nihil tale cogitantem, inter Aulæ Consiliarios sponte sua recepit, amplissimi beneficii auxit, & gravissimis negotiis adhibuit. Noster, cum, neminem quemquam Episcopatus Aureatensis historiam exposuisse, illaque, quæ vel *Philippus*, undequadragessimus Aichstatiensis Ecclesiæ Præsul, de vita *S. Wilibaldi* literis consignaverat, vel *Bruschius* & *Gretserus* in commentaria retulerant, ad justam Historiam minime sufficere, animadverteret, ipse manus admovit operi longo atque difficili, nullo subsidiorum auxilio adjutus. Sciagraphiam igitur Operis universi confecit, eandemque censuræ *Jo. Antonii*, cujus supra mentionem fecimus, tradidit. Annuit voluntati *Falkensteinii* Clementissimus Princeps, & ad perficiendum utilissimum opus illum graviter sapienterque cohortatus est. Verum in medio operis progressu vita excedebat A. 1725 *Jo. Antonius*, & luctuosissima morte sua mirifice perturbabat Autoris animum. Is nihilominus, cum lachrymarum satis dedisset piis Principis manibus, ipsa operis difficultate alacrior factus, vehementissime in opere cæpto permansit, & pertinaci industria eo rem redegit, ut jam primam Operis Partem in manus emtorum, feliciter superatis difficultatibus, quæ ipsi objiciebantur, omnibus tradere potnerit. Capitibus LXV vitas Episcoporum accuratissime descripsit, & præcipua notatuque digniora eorundem fata exposuit. Primus Episcopus fuit *S. Wilibaldus*. Is in Anglia, patre *Richardo*, ineunte Seculo octavo natus, cum in tenera juventute morbo lethali correptus, omnisque longioris vitæ spes præcisa esset, sanctæ crucis aspectu pristinae lanitati restitutus, Deoque in tam ingentis beneficii memoriam a parentibus dicatus consecratusque fuit. Mox in monasterium Waltheimense ad capessendum literarum cultum delatus, libris sacris evolendis se dedit, præcipue cælestis vatis, *Davidis*, cantibus adeo delectatus fuit, ut omnes memoriter recitare valeret. Omnia præterea Christianæ pietatis opera diligentissime exercuit. Ob

Pag. 2.

3.

4.

Pag. 7.

9.

10.

11.

12.

13.

quæ singularia insignis vitæ sanctimoniz exempla Abbas Monachique in summo honore habuerunt eundem, & exquisita veneratione prosecuti fuerunt. Ut itaque hisce illecebris sese subduceret, & in crucis schola se bene exerceret, molestum iter Romam suscepit, & patrem, *Richardum*, & *Wunibaldum*, fratrem, ut cum ipso in viam sese darent, gravissima oratione permovit. Sed, patre mortalium erepto rebus, & fratre, cum adversa valetudine conflictante, Romæ relicto, cum paucis comitibus Hierosolymam contendit. Dura & minus secunda in hoc itinere fata expertus est. Saraceni, crudelissimi & insensibilissimi Christianorum hostes, Emessæ in iniquissimam servitutem abduxerunt illum, in qua pereundum fuisset ipsi, nisi Hispani mercatoris precibus adjutus, in libertatem rediisset. Recepit se postea in monasterium, in monte Cassino situm, cujus Monachi *S. Bernardi*, quam ante suum ex patria discessum assumerat, regulam sequebantur, & per integrum decennium & literarum studia excoluit, & per plurima virtutis experimenta in hoc monasterio edidit. Suasu Sacerdotis, Romam repetiit, ubi humaniter exceptus a Pontifice, *Gregorio III*, & ab illo in Germaniam ad *S. Bonifacium* missus fuit, ut in paganis ad puriora sacra convertendis salutarem operam ipsi navaret. A. 739 *Swiggero*, Comiti Hirschbergensi, persuasit, ut, volente & consentiente *Utilone*, Bojoriæ Duce, illam terræ partem, quæ hodie nomine Episcopatus Aureatensis venit, *S. Bonifacio* in redemptionem animæ traderet, quam *Wilibaldo* confessim cessit *Bonifacius*. Sed, cum via arboribus, frondibus & virgultis inclusa esset, funditus illas evertit, & monasterium ibi ædificavit. Undique ab omnibus Germaniæ angulis confluebant homines, qui, *Wilibaldina* fama excitati, non ita procul a monasterio domos exstruebant, quorum diligentia civitas paulatim condebatur, quæ a succisis quercubus Aichstadii nomen accepit. Nondum eo tempore Clericus initiatus erat *Wilibaldus*. Quapropter ordines ipsi dedit *S. Bonifacius*, quo anno vero, res dubia & incerta est. Si conjecturis credimus, anno 740 eum ordines recepisse, & anno sequente Episcopum consecratum fuisse, verosimile videtur.

detur. Multum illius judicio tribuit *S. Bonifacius*, & in conferendis beneficiis Ecclesiasticis, in judiciis habendis, in templorum consecrationibus, & functionibus ceteris, ejus potissimum consilio operaque usus est. Inde invidendum illud privilegium ipsi concessit, ut, sede Moguntina vacante, vicem Archi-Episcopi gererent Episcopi Aichstadtienfes, in celebratione Synodi aut Concilii a dextra Archi-Episcopi sederent, & in absentia ejus Præsidis munere fungerentur. Tandem A. 786, uti probabile est, ad plures abiit *Wilibaldus*, quem postea in Sanctorum receperunt numerum Pontifices. Sequitur *Caput II*, quod de parentibus, fratribus, agnatis, cognatisque *Wilibaldinis Sectionibus* novem agit. In Sectione I *S. Richardus*, in II *S. Wunibaldus*, in III *S. Walburga*, in IV *S. Bonifacius*, in V *S. Deocharus*, in VI *S. Sola*, in VII *S. Sebal- dus*, in VIII *S. Stilla*, in IX ceteri Episcopatus Aureatenfis Divi tutelares comparent. Oppido, dum hæc legimus, & facinora illa, quæ contra omnem fidem illis Aichstättiensibus tutelaribus, quos pie, integre & illibate vitam transegisse facile credimus, Autor tribuit, attoniti miramur, in mentem veniunt verba, quibus *Mariana Lib. VI Rerum Hispanicarum Cap. VII Tom. I p. 211 edit. nov.* in ejusmodi insolitorum miraculorum fabricatores invehitur: *Quid inanius, quam fabulosis commentis velle Sanctorum Virorum laudes vitamque illustrare? Quid religionis sinceritati mendacio exitius?* Sed redeamus in viam. In reliquis quatuor & sexaginta Capitibus ceterorum Episcoporum vitam tradit Autor. Sequemur eundem, & si quid memoratu dignum perpetraverit unus ex Episcopis, in rem convertemus nostram. Post *Wilibaldum* ad gubernacula Aureatenfis Ecclesiæ accessit *Gerochus*, *Aganus*, *Adalungus*, *Altunus*, *Orkarius*, *Godesbaldus*, *Erchanboldus*, *Udalfridus*, *Starchandus*, *Reginoldus*. Hic vir doctissimus, trium linguarum peritissimus, Musicus excellentissimus, & tribus *Ottonibus*, Imperatoribus, carissimus fuit, a quibus insignia Privilegia in Episcopatus sui emolumentum consecutus est. Vitam *S. Wilibaldi*, *Nicolai* & *Blassi*, nitidissime scriptam posteritati reliquit. Excipit *Reginoldum Megenzochus*,

Gun-

Pag. 14.

15.

16.

86.

Pag. 102.

109.

III.

115.

132, 133.

139.

148.

Gundakar I, *Waltherus*, *Heribertus*, qui, nobilis genere, nobilior moribus, egregie literatus fuit, & in pangendis versibus nullum parem suo tempore habuit. Exstant adhuc sex Hymni Ecclesiastici, mira carminis elegantia compositi. Successit *Gosmannus*, *Gebhardus* I, qui incredibili fortunæ beneficio ipsam Pontificalem insulam impetravit, & *Victoris* II nomine adscito, per tres annos Ecclesiam Romanam gubernavit. *Henricus* III, Imperator, tanto amore illum ob raram in rebus Civilibus & Ecclesiasticis pertractandis dexteritatem complexus est, ut nullum arduum atque difficile negotium sine ejus arbitrio susciperet, & nulla nisi sola nominis Imperatorii prærogativa *Gebhardum* præcederet. Pontifex creatus, saluberrimas contra detestandum Simoniz crimen, (res enim eo pervenerat, ut ipsa Pontificia dignitas venalis esset,) & bona Ecclesiastica alienantes, leges promulgavit. Concilium Florentiæ congregavit, & per plurima bona & jura, quæ nimia priorum Pontificum locordia sedi Romanæ erepta fuerant, sibi strenue postliminio quasi vindicavit. Venimus nunc ad *Gundackarum* II, qui Antecessorum vitam resque gestas literis consignavit, illorumque imagines depingendas, & in Ecclesia Capitulari Aureateni collocandas curavit. Humiliter & demisse de se sensit, seque miserum peccatorem & minimum fratrum *S. Wilibaldi* vocavit. Post hunc locum occupant *Udalricus* I, *Eberhardus* I, *Udalricus* II, *Gebhardus* II, *Burchardus*, homo simplex, negligens, ignavus, a *Conrado* I, Imperatore, Ecclesiæ per vim atque potentiam obtrusus, & ob scelerata facinora post quatuor annorum regimen Episcopali dignitate exutus, uno verbo, immanissimum & scdissimum Ecclesiæ Aureatenis monstrum, *Conradus* I, *Egilolphus*, *Otto*, ad cujus laudem pertinet, quod singularem in ministerio Deo præstando zelum ostenderit, & primus & ultimus in Ecclesia fuerit, *Hertwicus*, *Fridericus* I, *Henricus* I, *Henricus* II, *Henricus* III, *Fridericus* II. Sapientissimus hic Princeps præclaras in literis, sigillatim in Juris prudentia, progressiones fecit. Jus Cancellariatus sedis Moguntinæ, & jus sedendi a dextra Archi-Episcopi, quod ipsi denegare audebant Ecclesiæ Hil-

desien-

desiensis, Paderbornensis, & Wormatiensis, Episcopi masculine si-
bi asseruit, quod jus *Marquardo I* A. 1323, & *Friderico IV* A.
1401, ab Archi-Episcopis Moguntinis denuo confirmatum fuit.
Sequitur *Henricus IV*, post cujus obitum Capitulum articulos
quosdam constituit, quos novo Episcopo præscriberent, *Engel-
bardus, Hilebrandus*, qui A. 1268 Synodum convocavit, in qua
contra illos pronuntiavit, qui jus Advocatiæ in Episcopatu præ-
tendebant exercebantque, *Reymbotus, Conradus I, Joannes I,
Philippus*, Princeps solide doctus, qui non solum ingenti cum
applausu verba ad populum ex suggestu fecit, Theologiam in
monasterio suo docuit, verum etiam ad summos in Theolo-
gia honores, rem tunc temporis pæne inauditam, & miraculo
comparandam, adspiravit. Sedem Episcopalem post illum tenuerunt
*Gebhardus III, Fridericus III, Henricus V, Albertus I,
Berchtoldus*. Prava & impia tunc consuetudo regnabat, ut,
quando Clerici vita fungerentur, aut in lecto emortuali, morti
vicini, decumberent, illi, qui aderant, illius res mobiles & bo-
na, tanquam res derelictas, occuparent, ea quidem impudentia,
ut ægroto etiam agentique animam Clerico lectos subtrahe-
rent, & vix tantundem relinquerent, ut honestæ sepulturæ tra-
di posset. Ortum debebat hæc nefaria consuetudo legibus
sacris, quæ Clericos intestabiles reddiderant. Horum illicitis
importunissimorum hæredipetarum artibus frenum iniecit
Berchtoldus, & singulare statutum A. 1364 condidit, ut Cleri-
ci liberam nullisque regionibus circumscriptam de rebus suis
inter vivos & mortis causa per testamentum legata, fideicom-
missa, aut aliam quancunque voluntatem, disponendi vim pote-
statemque in posterum haberent, illorumque voluntas rata, firma
inviolataque esset, neque ullis juris subtilitatibus subverteretur.
Accedimus ad *Rabnonem*, sive *Rabanum, Fridericum IV, Joan-
nem II, Albertum II, Joannem* denique *III*, vivum spiransque abso-
lutissimæ perfectissimæque virtutis exemplar. Ingenio excellen-
tissimo, eloquentia incredibili, fuit. Juris utriusque Doctoris ju-
ra & privilegia merens obtinuit, & Decretorum canones studio-
sè juventuti Viennæ, publico stipendio conductus, explicuit.
Imperatoris, *Alberti*, Cancellarius fuit, & Imperatoris nomine

Pag. 175.

185.

192.

188.

171.

189.

203.

in Concilio Basileensi, stupentibus omnibus, peroravit. Omnia vigilantis Episcopi munia fideliter atque solícite explevit. Civium supplices querelas clementissime audivit. Erga pauperes & sortis acerbitate aliqua oppressos se vere munificum atque liberalem exhibuit, & neminem quemquam tristem a se dimisit. Si equo animi recreandi causa vereretur, & e longinquo aliquem ad se advolantem conspiceret, etiam in mediis imbribus nivibusque sistebat gradum, donec miseri (ad eum accederent, quos amplo viatico adjutos benignissime recreabat. Parca tenuique mensa utebantur, &, quoties cibum sumeret, librum aliquem sacrum sibi prælegendum curabat. Voluptati ebrietatique deditos internecino odio prosequabatur. Veritatem adeo amabat, ut ea, quæ aliis promiserat, tam sancte servaret, ac si jurejurando confirmasset. Nunquam in tota vita vel jocum, vel mendacium, vel obscenum verbum aliquod, dixit. Singulis binis annis Synodos diocæsanas habuit, in quibus ipse præsidebat, & Clericorum monita lubens volensque admisit. Judæos ex universo Episcopatu ejecit, severeque edixit, ne subditi ejus pecuniam, aut aliam quamlibet rem, a Judæis mutuo acciperent. Ludos, & omnem sumtum, & luxuriam, in conviviis graviter prohibuit. Ordinem processus judicarii conficere in animum induxerat; sed mors tam egregia salutariaque consilia prævertit. Libros *de Comparatione vitæ activæ & contemplativæ, de Constantia ad virginem S. Walburgæ*, edidit; *Vitus* quoque *Ammerpachius* duo Epistolas ejus publici juris fecit. *Aeneas Sylvius*, qui inter Pontifices Romanos sub *Pii II* nomine inclaruit, proluxa elegantique Epistola Episcopalem dignitatem ipsi gratulatus est, eidemque, antequam huic muneri præficeretur, librum *de Curialium miseriis* inscripsit. Per plurima Decreta Synodalia promulgavit, quorum unum de abrogatione abusum in Ecclesia, alterum de anniversaria confessione, salutares præceptiones continet. Progredimur ad *Wilhelmum, Gabrielem, Christophorum, Mauritium, Eberhardum II, Martinum*. Hic luculentum boni Pastoris elogium reportavit. Cum enim gravis pestilentia per urbem Aichstättensem incideret, domosque funeribus repletet, parochum, qui infectos adibat ipse

Pag. 205.

207.

227.

infectus, sæpe ad se advocavit, & tum consilio, tum solatio, ipsi præsto fuit. Atque, cum Aulæ Proceres ipsum ab imminente periculo dehortarentur, ita illis respondit: se non mercenarium esse, sed cum suis & vivere, & mori, velle. Collegium *Wilibaldinum* ædificavit, & quinque Professoribus tredecimque Alumnis stipendia & alimenta assignavit. Primus hujus Collegii Præses fuit *Robertus Turnerus*, Vir. multifaria doctrina clarum atque illustre nomen consecutus. Hoc Collegium, *Turneri* morte penitus collapsum, *Jo. Christophorus*, undeselegimus Episcopus, restituit, & humaniores literas, Dialecticam, & Theologiam moralem, in eo doceri jussit, qui quoque Gymnasium instituit, & de necessariis sumtibus ipsi liberalissime prospexit. Claudunt Episcoporum Aureatenfium numerum *Casparus*, *Jo. Conradus*, *Jo. Christophorus*, *Marquardus II.*, *Jo. Eucharis*, *Jo. Martinus*, *Jo. Antonius*, quem exquisitissimis selectissimisque elogiis ornat Autor, &, qui ad hunc usque diem Ecclesiam Aureatensem regit, *Franciscus Ludovicus*. Ultimum Operis Caput de Pro-Episcopis Aureatenfibus breviter strictimque præcipit. Sed non sola hujus Operis dos est, ut vitas Episcoporum tradat, verum etiam singulas Synodos, Concilia, & res in Germania commemoratu dignas, recenset, ut facile unicuique pateat, quam vario vastæ & diffusæ lectionis apparatu accesserit Ill. Autor ad hoc Opus scribendum, & quam bene omnibus diligentis & accurati Historiarum Scriptoris partibus defunctus fuerit. In fine locupletissimi copiosissimique Indices comparent.

Pag. 24.

COMMENTARII ACADEMIÆ SCIENTIARUM
Imperialis Petropolitane. Tomus III,
ad Annum 1728.

Petropoli, typis Academiæ, 1732, 4 maj.

Alph. 2 pl. 13, Tabb. zn. 24.

In Classe Mathematica novam proponit *Hermannus* rationem deducendi regulam, jam passim traditam, pro centro oscillationis penduli cujusque compositi. Deducit autem eandem

dem ex natura motus gravium in arcibus circularibus, adeoque ex principiis maxime genuinis. Inventam regulam generalem, quæ eadem est cum *Hugeniana*, applicat ad oscillationes linearum curvarum, tam in planum, quam in latus, agitatarum, superficierum atque solidorum, sed ita, ut in formulis generalibus subsistat, nec ad exempla descendat. Addit deinde nonnulla de centro oscillationis aquæ in siphone oscillantis, atque sic demonstrat, quæ absque demonstratione proposuerat. *Joannes Bernoulli* in Tomo II Commentariorum, virium vivarum conservationem demonstraturus. Secundo loco comparent *Joannis Bernoulli* Meditationes de chordis vibrantibus, cum pondusculis æquali intervallo a se invicem distitis, ubi nimirum ex principio virium vivarum queritur, numerus vibrationum chordæ pro una oscillatione penduli datæ longitudinis. *Maierus* novam quandam proponit Arithmeticam figuratam. Considerat enim naturam serierum numericarum possibilium omnium, quæ eodem modo generantur, quo series numerorum figuratorum generari solent, ita, ut vulgo sic dicti numeri figurati sub istis, tanquam species sub genere, comprehendantur. Vocat autem series istas collectivæ. Sit series numerorum æqualium 3, 3, 3, 3, 3, &c. -- Assumatur numerus quicumque, veluti 5, continua additione terminorum primæ seriei formetur series 5, 8, 11, 14, 17, &c. -- erit series assumpta numerorum æqualium series primi ordinis, altera inde formata series secundi ordinis. Assumatur jam alius quicumque terminus primus 5, & continua additione, ut ante, formetur nova series 5, 13, 24, 38, 55, &c. -- initio facto ab additione termini secundi seriei antecedentis ad primum assumptum; erit ea series tertii ordinis. Et hoc pacto progredi licet in infinitum. Natura illarum serierum explicata, earundem summationem docet; unde etiam summationes potentiarum, tanquam casus specialis, deducuntur. Ceterum, cum communis Arithmetica figurata sterilis sit, nec usum aliquem hactenus repperit; Noster novæ suæ Arithmeticæ usus non contemnendos docet. Etenim, si æquationes Algebraicæ contineant radices integris numeris æquales, ope serierum collectivæ

clivæ

clivarum eas detegi posse, monstrat: si vero fuerint numeri irrationales, eorum limites eorundem auxilio investigari posse, monet: sed, quoniam labor nimis molestus est, ab hoc usu explicando abstinet. Alterum illarum serierum usum in theorematibus universalibus adornandis ostendit, quando scilicet ex pluribus formulis specialibus universalis conficienda, numeris, qui quantitativis indefinitis adhærent, difficulter ad universalitatem revocandis. Tertium denique usum in interpolationibus accuratius faciendis monstrat. Usum secundum illustraturus, propositiones aliquot cyclometricas, partim novas, partim nova methodo elicatas, exhibet. Dat nimirum generale theorema chordarum pro arcubus multiplis & submultiplis. Ex hoc deducit æquationem generalem pro lateribus figurarum regularium. Tandem rectificationem circuli novam ex præjactis fundamentis colligit. Nimirum, si radius circuli fuerit r , & p denotet terminum quemlibet præcedentem, erit series

$$\text{pro peripheria circuli } 6r + \frac{1^2 p}{2.3.4} + \frac{3^2 p}{4.5.4} + \frac{5^2 p}{6.7.4} + \frac{7^2 r}{8.9.4} \\ + \frac{9^2 p}{10.11.4} \text{ \&c.} \dots \text{ Hæc series ita appropinquat, ut quilibet termi-}$$

nus numerum prodeuntem una nota augeat. E. g. si quinque termini summentur, & sit $r=1$; erit peripheria = 6.2830. *Daniel Bernoulli* methodum universalem proponit determinandi curvaturam fili, a potentiis, quamcunque legem inter se servantibus, extensi, atque ita promovit theoriam, qua olim catenaria, velaria, lintearia, elastica, aliarque curvæ, e-rutæ fuerunt. Cum *Jacobus Bernoulli* curvam laminæ elasticæ incurvatæ primus determinaret, eam gravitatis expertem supponebat. Nec aliam hypothesein assumere, qui postea idem argumentum tractarunt. Sed in rerum natura non existunt nisi laminæ elasticæ graves. *Eulerus* itaque solvit Problema de inveniendâ curvâ, quâ format lamina utcunque elastica, in singulis punctis a potentiis quibuscunque sollicitata. *Daniel Bernoulli*, cum Venetiis ageret, formulas quasdam universales pro summis numerorum integrorum inveniendis

communicaverat cum Nobili quodam Veneto, qui eas deinde cum aliis ipsius meditationibus sub titulo Exercitationum Mathematicarum ediderat, quemadmodum constat ex *Actis A. 1725 p. 113*. Ignorabat tunc temporis, series istas jam adhibitae fuisse a *Keplero*, ac deinde a *Dominico Cassini* imo eas a *Montmortio*, *Moiurao*, *Goldbachio*, & *Nicolao Bernoulli*, patrueli suo, sub facie multo generaliori exhibitae, eaque ab ipsis praelata fuisse, quae fieri posse, ipsemet tunc nondum putabat. Monitus itaque a patrueli suo, earum ope solvi problema sectionum angularium sine infinite parvis, aut seriebus indefinitis, argumentum ruminando incidit in nova theoremata, quae sub titulo Observationum de seriebus, quae formantur ex additione vel subtractione quacunque terminorum, se mutuo consequentium, exhibet. Usus doctrinae monstrat in methodo nova inveniendi radices omnes cujuscunque æquationis affectus, tam numericæ, quam algebraicæ. *Krafftius* curvas quasdam altioris generis considerat, quae facile describi possunt. Prodeunt autem istæ curvæ eodem modo, quo sectiones conicæ motu continuo apud *Hospitalium* describuntur, si directricium loco fumantur lineæ curvæ pro lubitu. Nemo ignorat, viam brevissimam ab uno puncto ad alterum in plano esse lineam rectam; in superficie sphaerica esse circuli maximi arcum, jam olim demonstravit *Theodosius*. Cum ex literis *Joannis Bernoulli* intellexisset *Eulerus*, ipsum invenisse universalem æquationem, quæ ad lineam brevissimam determinandam cuique superficiei accommodari possit; ipse quoque hoc Problema solvit, quamque reperit, solutionem *Actis* hisce inseri curavit. Idem novam proponit methodum innumerabiles æquationes differentiales secundi gradus reducendi ad æquationes differentiales primi gradus. Consistit ea in idonea substitutione quantitatum exponentialium pro indeterminatis. Hoc enim artificio eas reducit ad alias secundi gradus, in quibus, vel utraque, vel saltem alterutra, indeterminata deficit: quas deinde per methodos, Geometris jam exploratas, ad differentiales æquationes primi gradus reducere licet. *Leutmannus* explicat, quomodo theoria de pondere argenti cupro mixti investigando

ad

ad praxin deduci possit ope suæ bilancis, quam a loco inventionis *Petersburgicam* appellat, & in Tomo II Commentariorum descripsit. Singularibus exemplis praxin confirmat, monstrato usu in nummis argenteis examinandis, præsertim antiquis e Museo Imperatorio. Constat, tubos scelopetorum cochleis intus excavari, ut globus quoad directionem a recta parum deflectat, quoad vim corpus resistens fortius feriat. Ut finis obtineatur, necesse est, helices æquabili plane gyro tubo induci, gyrumque exacte parallelum servare. Docet itaque *Leutmannus*, quomodo sulci cochleati ad datam distantiam tubis scelopetorum recte inducantur. *Goldbachius* tandem de terminis generalibus serierum agit. Intelligit autem per terminum generalem seriei formulam, quæ per quantitatem quandam variabilem X , æqualem exponenti termini quæsitæ, exhibet ipsum terminum quæsitum seriei, ut, si terminus generalis sit $X^2 + X + 1$, & quærat terminus decimus seriei, habebitur $100 + 10 + 1 =$ termino quæsito *III*. Usus ejus præcipuum esse monet in interpolandis serierum terminis, sive in exprimendis per seriem terminorum valoribus, qui exponenti cuivis non integro respondent.

In *Classe Physica* monstrum Casanense & Petropolitanum describit *Duvernoi*. Illud erat monocephalum bicorporeum. Caput duabus cervicibus insidebat, vultus versus humerum prospiciebat, duæ conspiciebantur auriculæ in situ ordinario, duæ in occipite, sed mutuo coalitæ & cæcæ, in medio ventre perfecta concretio pectorum apparebat, & in imo ventre consimilis junctio observabatur ad umbilicum usque. Hoc erat bicephalo-monocorporeum, in quo defectuum excessumque admirabilis permixtio oculos spectantium animumque haud parum afficiebat. Utrumque cultro Anatomico subjecit, & ad structuram internam spectantia annotavit, ex quibus haud obscure colligitur, monstra ista generata fuisse ex concretionem duorum foetuum in unum. *Bülfingerus* Dissertationem de Thermometris, eorumque emendatione conscripsit, quæ hic legitur. Id autem potissimum agit, ut ostendat, quomodo Thermometrum *Drebbelianum* ope barometri ad eum statum reducat,

TAB. VI
Fig. 6.

ducat, quo calor hodiernus ad hesternum, vel alium quemcunque, referri potest, ut recta ad rectam. Jubet nimirum tubum tenuem & phiala instructum $ABCD$ dividi in partes capacitate æquales, & cum capacitate phialæ comparatas: quod quomodo fieri possit, in adjecta nota declarat. Ex A in B esse debet aer, sed in Bb Mercurius, in b per c usque ad D aer, cum atmosphæra communicans. Jam, cum supponat, manente eodem impedimento, volumina esse elateribus sensibilibus proportionalia, & elaterem augeri in ratione caloris; effectus dicto modo inter se comparabiles se reperisse confidit, ubi ope barometri effectum a gravitate atmosphære pendentem separavit ab eo, qui a calore profiscitur. Ad calculum absque difficultate instituentium demonstrat theorema, effectus caloris esse in ratione composita directa voluminum aeris & gravitatis atmosphære. Cum thermometer Autoris simul manometrum esse videatur; hac data occasione monet, vulgaria manometra hoc laborare defectu, quod lubricus sit transitus a densitate aeris conclusi ad densitatem extremi. Existimat enim, aerem, vaporibus inquinatum, mutare densitatem, cum eadem maneat inclusi, ubi in eodem statu barometrum & thermometer vulgaria persistunt, vaporibus trans vitrum non patente via. In Supplemento ostendit, quomodo idem instrumentum usui barometrico inservire possit, si Mercurius in situ tubuli horizontali occupat spatium aliquot pollicum. *Daniel Bernoulli* Dissertationem suam de actione fluidorum in corpora solida & motu solidorum in fluidis continuat. Agit autem de motu corporum horizontali in mediis resistentibus perfecte fluidis, & generales quasdam de resistentia fluidorum commentationes adjicit. *Mery* in Commentariis Academiæ Regiæ Scientiarum Parisinæ asserit, aerem sanguini, pulmones transeunti, misceri. *Bülfingerus* vero ex quibusdam experimentis, ope æulæ pneumaticæ in pulmonibus a se factis, colligit, aeri in tracheam ingresso, nullas in venam patere vias, neque illum sanguineæ pulmones transeunti massæ permisceri in bullulis; experimenta vero *Meriana* admixtas habuisse bullulas ex accidente, quod & in suis aliquibus factum. Idem *Bülfingerus* experimentis con-

confirmat effectum caloris vel frigoris subitaneum in expansionem, vel contractionem vitrorum. Constat nimirum, si bulbula vitrea thermometri Florentini immergatur aquæ calidiori, primo instanti descendere in tubulo liquorem, & deinceps demum ascendere. Illud phænomenon ex aucta vitri capacitate deduci solet. Atque hanc causam genuinam tuetur experimenter. *Gmelin* describit radios articulatos lapideos, quos in confiniis templi cujusdam Finnici prope pagum *Slowianka*, 29 leuc. Russ. Petropoli distantem, reperit. Istiusmodi radios quoque exhibet *Volkmanus* in Silesia subterranea, itemque *Helwingius* in Lithographia Angerburgica. *Buxbaumius* docet, multos fungos propagari per radices, atque adeo esse plantas perennes. Idem describit periclymenum humile Norwegicum, & Observationes nonnullas circa quasdam plantas Ingricas communicat. Tandem Observationes quasdam Anatomicas excipiunt Disquisitiones Physicæ de Tubulis Capillaribus, a *Jacobo Jurino* ad Academiam transmissæ, ut ejusdem Commentariis infererentur. *Bülffingerus* nimirum, cum in Tomo secundo sententiam de hypothelibus, quibus adscensus spontaneus fluidorum in Tubulis Capillaribus explicatur, diceret; suam quoque de *Jurini*ana ferebat sententiam. *Jurinus* itaque suas eidem opponit exceptiones, ad quas in Notis adjectis respondet *Bülffingerus*. Inter Observationes Astronomicas primo loco occurrunt Observationes eclipsium Satellitum Jovis A. 1729, 1730 & 1731, a Cl. de *L'Isle* factæ ope telescopii Anglicani catadioptrici. Speculum ejus metallicum majus diametrum fere quinque cum dimidio digitorum habet, & focus quatuor pedibus, decem digitis pedis Paris. distat. Lens ocularis vitrea quoad focum quartam digiti partem non superat, ita, ut telescopium res objectas ducentes, & quod excurrit, augeat. Sæpiissime Jovi integram speculi majoris aperturam concessit & percepit, quod intimus Jovis satelles spatio quartæ partis unius minuti primi circiter prius emerferit in hoc telescopio, quam in alio communi 13 vel 15 pedum longitudine. Secus accidit in immersionibus, quas 15 minutorum secundorum spatio & amplius tubo hoc reflectente prosequi poterat, cum in telescopiis ceteris eas videre non amplius posset. Si-

mille propinodum ipsi evenit in Observatione eclipses satel-
litis secundi; in tertio autem differentiam longe majorem ad-
esse animadvertit. Frater ejusdem exhibet Observationes pri-
mi Satellitis Jovis, habitas Archangelopoli, ac inde deducit dif-
ferentiam longitudinis inter Archangelopolin & Petropolin,
octo graduum cum semisse, differentia horaria minimum exi-
sistente 34 scrupulorum primorum. Idem ex altitudinibus me-
ridianis solis atque fixarum determinat latitudines variorum
locorum Imperii Ruthenici. Latitudines, quas determinat ex
iteratis sæpius Observationibus, sequenti laterculo inclusas vi-
dere licet.

Nomina locorum :	Latitudo :	Nomina locorum :	Latitudo :
Archangelopolis	64° 34'	Somma	64° 16'
Cola	68 54	Colmogorod	64 15
Kildunum	69 22	Ostliouga	60 46
Candalax	67 10	Nova Totma	60 9
Koveda	66 43	Vologda	59 20
Kieritte	66 18	Caryapolium	61 29
Klemi	64 58	Nova Ladoga	60 7

MEDITATIONES THEORETICO-PRACTICÆ
de Furore Hemorrhoidum internarum, methodice con-
scriptæ a JUSTO ARNOLDO GULICH,
Medicinæ Doctore. Editio altera,
priori auctior.

Lugduni Batavorum, apud Conradum Wishoff, 1733, 8 maj.
Plag. 14.

Quam olim in Academia Lugdunenfi inauguralem habuit
Dissertationem Cl. Autor, eandem, mutata paulisper
forma, quodammodo auctiorem, nunc denuo publicæ luci ex-
ponit. Neque nos dubitamus, gratum hoc Opusculum perque
acceptum iis fore, qui Medicinam *Boerhaavianam* amant, ve-
ritatesque etiam medicas ex confirmatis principiis demonstra-
ri,

ri, & concatenata serie tradi, cupiunt. Non infelix enim Cl. Autoris in demonstrando argumento suo fuit periculum, quando methodum vere naturalem, quam vulgo Mathematicam vocant, consecratur, ita tamen, ut, prætermisissis externis, interiora tantum ejus methodi retinenda putarit. Qua de causa, cum sæpius, demonstrationis leges expleturus, ad prima cognitionis humanæ principia, Logicas nimirum & Ontologicas doctrinas, recurrere necesse habuerit, notiones atque propositiones *Wolfianas* semper in usum vocat, hujusque Philosophiæ præstantiam, atque in Medicina quoque, ad majorem certitudinem evehenda usum, novo exemplo ostendit. Quas vero ab aliis mutuatur experientias, propositionesque medicas, jam factis demonstratas, eas tantum non omnes Illustri debet *Berhaavio*, cujus etiam libros frequenter allegat. Et, quanquam, ne quid jam de medicationis ratione dicamus, in qua omnino non cum Autore peræque consentimus, adversus nonnulla ipsius demonstrationis momenta censor aliquantum acrior quædam moniturus esset, hæc tamen ipse prævidit satis, atque propterea ab idoneis atque sinceris rerum æstimatoribus veniam sibi pollicetur, quod rigori severæ demonstrationis non in omnibus exacte satisfecerit; quam, iniquus admodum esset, qui non ipsi impertiretur. Utinam vero plures ejus imitarentur diligentiam, eoque conjunctis viribus laborarent, quæ Medicina, in salutem hominum nata, definitionibus vagis & non determinatis, experientiis dubiis, si non plane falsis, propositionibus incertis, nec demonstratis, parum præterea inter se coherentibus, tandem aliquando liberaretur. Sed videamus argumentum ipsius libelli, *quinque Capitibus* circumscripti. *Primum* eorum historiam morbi sistit, omnia nimirum morbi nascentis perfectique symptomata, observationes in cadaveribus eo demortuorum, quæve salutaria in eo, & quæ exitiosa esse solent. Quorum omnium causas perquisiturus, methodo analytica procedit; secundum quam effectus, sive phænomena, assumuntur, ex quibus, cum aliis veritatibus, in subsidium vocatis, si phænomena sola non sufficerent, in causas horum effectuum inquiritur, ac proinde *Cap. 2.* quod *Ætiologicum*

inscribitur, demonstraturus, quidnam sit illud, quod contineat rationem sufficientem, cur phænomena ad actum deducantur, cum hæc sola non suffecerint, opus esse existimavit, ut principia adhuc alia in medium advocentur, definitiones nimirum, axiomata, experientiz indubitatz, propositionesque ab aliis jam demonstratz, eoque consilio varia ex Physica, Mathesi, Logica, Metaphysica, Philosophia etiam Morali, & Medicina, repetit, ex iisque, convenienter connexis, theoriam morbi explanat. Nemo, ut opinamur, rerum intelligens, id a nobis requireret, ut ex his, perpetuo, nexu inter se colligatis, & strictius propofitis, nonnulla excerpamus. Summa tamen omnium eo redit. Quando in subjectis strictioris corporis habitus, fluxus hæmorrhoidalis internus instat, primum oritur in vasis aliqua obstructio, præcipue extremis arteriæ hæmorrhoidalis internæ finibus. Quoniam, nata hac obstructione, præsentique renifu, vis cordis, sanguinem projiciens, statim major non fit, hinc eadem ab initio sensum minor, hinc systole & diastole arteriarum, atque pulsus etiam debilior redditur, vis vitæ magis minuitur, atque, depressa ea, calor etiam decrescit, & extrema refrigerant. Propter hanc refrigerationem sanguis arteriosus & venosus circa cor accumulatur; unde vis cordis, adeoque etiam vis vitæ, antea jam depressa, magis adhuc minuitur. Inde pulsus arteriarum crebrius intermittit, debilitasque & gravitas magis persentiscitur; & quoniam pulsus arteriarum crebrius per totum corpus intermittit, inde æger sæpius tremorem sentit; & quoniam simul friget, frigus verocum tremore junctum horripilationem absolvit, hinc horripilatione infestatur. Quoniam per congestiones sanguinis ad cor hoc ipsum ad crebriores motus irritatur, hinc pulsus deinceps celerior observatur, & in febrem incidit ægrotus. Cum vero hac ratione sanguis majori impetu ad arterias crebri, minus resistentes, propulsetur, is liquidum nerveum in cerebro secretum per nervos cardiacos majori vi in cor urgendo, fortiolem cordis systolen, pulsumque majorem, debiliori succedentem, & vim vitæ ante depressam sensum resuscitat. Et, quoniam vis vitæ resurgit, etiam frigori sensum

sim imminuto calor succedit, eandemque ob causam sanguis etiam celerius movetur, hincque vis vitæ magis adhuc augetur, atque ob hanc causam iterum celeritas sanguinis successive intenditur, tum in toto corpore, tum inprimis per vasa extremis arteriæ hæmorrhoidalis internæ sinibus obstructis vicina, hincque etiam calor tum in toto corpore, tum precipue circa os sacrum & in ano augeri debet. Quoniam sanguis contra tubulos obstructos majori celeritate, hinc & majori impetu impingit, exinde in ano levis dolor, sive pruritus sentitur, & a perpetua hac irritatione tenesmus oritur, impetusque sanguinis, quo fertur ad hæc vasa obstructa, naturalem excedit, pulsusque pedetentim fit fortior & velocior. Inde intestinum rectum inflammari debet, & febricula abit in febrem inflammatoriam. Inflammatio enim Nostro appellatur obstructio canalis convergentis circa finem, cum impetu sanguinis arteriosi rubri in canalem obstructum, naturali majore. Et, quoniam rectum & colon ab una eademque arteria, nempe mesenterica inferiori, arterias suas recipiunt, inflammatio quoque per magnam coli partem proserpit. Quoniam in parte inflammata rubor est & pulsatio, hinc intestina dicta rubra sæpius post mortem comparuerunt, & pulsatio circa os sacrum percipi solet. Quia, quo magis in febribus inflammatoriis vis vitæ increseit, sanguis ad subeundum coagulum proclivis, sive, ut Nostri verbis utar, compingibilis & concrescibilis, eo viscosior evadit, patet ratio, quare sanguis, ejusque serum, in hoc morbi stadio eam indolem induat, ut e vena missum, durum, crassam, rigidamque pellem effingat. Quia pulsus in arteria durus est, in quam e corde sanguis inflammatorius magna vi evibratur, in hoc morbo pulsus major & fortior in durum tandem degenerat. Ob auctam quoque vim vitæ calor in toto corpore in æstum transit. Ob auctam vero simul inflammationem circa os sacrum magis sentiri solet, ubi pruritus quoque in acutissimum fixum & ardentem dolorem mutatur. Quoniam vis vitæ assiduo augetur, hinc urina sensum parcior, acrior, rubicundior, foetidior, redditur, sitis etiam augetur. Ob inflammationem cavitatis duorum intestinorum insigniter mi-

auitur. Et, quoniam ob eandem inflammationem secretio muci intestinalis impeditur, hinc excrementa exsiccantur & indurantur, alvus obstruitur, fecibusque & flatibus exitus præcluditur. Quia muscoli abdominis convelluntur, intestinum vero rectum fortiter constringitur, ut nec fecibus, nec flatibus, exitus pateat, contenta intestinorum, quæ a superioribus ad inferiora progredi debebant, jam ab imis versus summa retrogrado motu moventur, hinc borborygmi & tormina oriuntur, & tandem, ubi exitum superne non inveniunt, vomitus, ructusque. Ob auctum dolorem sitimque vigiliæ perpetuæ affligunt. Cum ob tractum arteriolarum, membranz tympani interservientium, circa centrum insertum dilatatio ab impetu sanguinis vi irruentis, circa centrum omnium maxime vigeat, consequens est, ut manubrio mallei, cum eodem centro archæ coherenti, sub quavis arteriæ diastole tremor sonorus imprimatur, per reliqua auditus ossicula in scalam vestibuli, indeque ope chordularum in concentum harmonicum tensorum, ad sensorium commune deferendus. Et, quia systole atque diastole arteriarum in membrana tympani celeriter se invicem excipit, etiam compressioni aeris in tympano subita ejus expansio succedit. Sed, si aer compressus subito expanditur, iterum comprimitur, iterumque expanditur, motus ejusdem oritur tremulus, hic vero constituit sonum. Ergo in ægroto nostro sonus nascitur, qui per foramen rotundum in scalam tympani delatus, & cum priori, in scalam vestibuli delato, confusus, sensorio communi tinnientem fremitum offert. Ob crebriorem vomitum vertigo etiam accedit. Et, quia æger objecta videt in gyrum rotari, quæ immota quiescunt, & sonum audit, extra aures suas non existentem, in eodem perceptiones generantur, quibus objecta externa non respondent, indeque judicia & ratiocinia nequit, quæ objectis externis pariter non respondent. Hinc delirare dicitur. Quæ tamen causa, a vertigine & sonorum aurium repetita, an sufficiat generando delirio, nos quidem neutiquam videmus. *Caput III.* semioticum, signa expromit, ex quibus morbus præsens cognoscitur, tum & futura ejus resolutio, gangræna, suppuratio, scirrhus, cancer & carcinoma.

phre-

phrenitis & apoplexia, & ex his mors, prælagiri queat. *Caput IV.* Therapeutikum, tam contra obstructionem, quam contra auctum sanguinis impetum, pugnandum esse, præcipit. Hinc 1) impetum sanguinis ita moderari decet, ut naturalem non multum excedat, atque eundem 2) infra naturalem minvere necesse est, ubi signa phrenitidis, vel apoplexiæ futuræ, vel jam præsentis, adliint; 3) si inflammatio adhuc est recens, expedit etiam, impetum sanguinis infra sanitatem subito deprimere. Et 4) Obstructio, & auctus sanguinis impetus simul tollantur, nec licet horum alterutrum tantum auferre, intacto altero. Quæ qua ratione perficienda esse putet, fufius persequitur. Totam autem medendi methodum ipse brevissime p. 187 contraxit, quæ, ipsius Autoris verbis repetita, hoc modo se habet: Sumo ægrum, qualem phænomenographia exhibet. Huic 1) ante omnia legitimo modo mittatur sanguis; tum 2) sedeat in acre humido & subfrigido reddito, quietus, & quamdiu fieri potest, erectus, artubus interea, si opus id fuerit, leviter ligatis; 3) ter de die sedeat per semiboram nudatis clunibus in sella, ad modum latrina perforata, cui suppositum est vas capaciusculum, ut vapor lata superficie exhalare queat, repletum decocto ex aqua & mollientibus parato, & cum subquadrupla aceti calidi portione mixto, cujus vapor exhalans ad nudatos clunes accedat, ut extremum intestini recti inflammatum successive laxetur, & inflammatione resoluta, minus constrictum eidem vaporì etiam ad reliquam partem inflammatam ad eundem ibi effectum præstandum accessum concedat; 4) si, sanguinem nimio impetu gaudere, ex signis nimis auctis deprehenditur, fiat eodem tempore pediluvium ex eodem decocto, cujus vapor simul accedat ad totum corpus nudatum, ut vasis laxatis per oscula venarum absorhentium in superficie epidermidis bibula ipsi sanguini communicatus sanguinem viscosum diluat, & specificè graviore aquosorem substituat. Ut igitur omnis vapor corpori applicatus retineatur, corpus linteo cerato ita tegatur, ut corpus ægri cum sella, cui infidet, & utroque vase intra idem linteum bareat, nec extra illud, nisi caput, emineat, Attamen 5) idem vapor,

vapor, vel si similis, inspiratur, mediante infundibulo, clausis naribus, in pulmones, ut vasa ibidem relaxet. & per radicales vena pulmonalis in cavas bronchiorum vesiculas patentes absorptus sanguini admisceatur; 6) intermedio tempore utatur somno, quamdiu possibile est, protracto, cibo, potu, utroque sapius, & pauca copia simul, ne magna quantitate assumi, febrem augeant, sed parva sanguini admixti connubium ejus felicius incant. Medicamenta vero propinentur ex iisdem, ut vasa laxentur, & sanguis viscosus diluatur & resolvatur. Symptomata, si qua urgent, particulariter curanda sunt. Atque horum compescendorum rationem Caput denique quintum, palliativum, indicat. Affectus animi igitur vel ratiocinando, vel animum ægroti divertendo, vel somno, per opiata prudenter excitato, sopiuntur. Dolori occurritur per remedia diluentia, lubricantia, emollientia, evacuantia, præcipue balneum vaporis, aut cataplasma ex herbis emollientissimis in lacte coctis, cui infidet ægrotus, vel venesectionem, vel opiata interna. Ad vomitum compescendum itidem opiata exhibeantur. Siti medetur omnis ea curandi ratio superius ex Autore adducta, inprimis potus, & balneum vaporis. Ad vigilias eadem remedia profunt, quæ sitim exstinguunt, dolorem mitigant, affectus animi sedant, vomitum compescunt, & impetum humorum a cerebro avertunt. Denique cautiones quasdam de recto opiatorum usu subnectit. De inflammatione autem in suppurationem versa nihil Autor commemorat, quod de hæmorrhoidibus furentibus tantum tractare instituit. Si vero hæmorrhoids furens in suppuratam abiit, non amplius furit, adeoque ad hanc Commentationem non pertinet.

COMMERCIIUM LITERARIUM, AD REI MEDICÆ & Scientiæ Naturalis incrementum institutum, quo, quicquid novissime observatum, agitaturn, scriptum, vel peractum est, succinctè dilucideque exponitur.

Norim.

TAB.

Fig. I



Norimbergæ, sumtibus Societatis, 1731 & 1732, 4.

Alph. 3, Tabb. æn. 3.

Quanquam de utilissimi hujus Commericii consultationibus, & Semestri priori A. 1731, jam tum in his *Actis* nostris partim *Mense Januario*, partim *Decembri* ejusdem *Anni* nonnulla commemoravimus; non ingratum tamen Lectoribus fore putamus, si, cum reliquis, quæ per alterum Semestre, annumque proxime consecutum, prodierunt, prius etiam Semestre nova nunc opera recognoscatur. Tantum vero abest, ut, quæ olim de instituti hujus conditione & scopo, omnibusque, quæ ad intelligendas ejus rationes pertinent, quantum satis erat, retulimus, non sine tædio repetere nobis sit animus, ut potius, momenta quædam præstantiora ex eodem expromere, constitutum habeamus. Tria vero cumprimis inibi aguntur, ut cum nova, quæ ad res Medicas, Physicas, & Technicas, virosque iis scientiis cumprimis deditos, aliquo modo attinent, enarrentur, tum ejusdem argumenti Librorum & Dissertationum Academicarum conspectus & summa exhibeatur, denique variae Observationes Medicæ & Physicæ afferantur. De illis nihil jam dicemus, quoniam plerorumque librorum mentio in his Commentariis nostris jam extat; neque etiam de istis, quoniam nunc novitatis gratiam exuisse videntur, & fortassis aliunde jam constant, neque in tanta etiam copia commode aliquis selectus habetur. Has itaque solas brevibus indicare operæ pretium erit. Anni itaque prioris digniores has notamus Observationes ex Historia naturali, de experimentis, quibus pulverem pyrophorum, alias phosphorum *Homborgii* dictum, eadem ratione ignescere, qua calx viva in defacta incalescit, luculenter evincitur *p. 213*, de mirabili fulminis effectu *p. 258*, de insolita erucarum ex luteo viridescentium multitudine *p. 265*, de duobus phaenomenis lunaribus, hoc anno observatis, ut & de acus magneticæ declinatione, præsentî anno immutata, *p. 308 seq.* de adamantibus Westphalensibus, & terra bituminosa tractus Hanoverani, *p. 315*, de Halone Solis *p. 325*, de turffis *p. 348*, de aurora boreali *p. 353, 365, 386, 403*; ex Botanica,

Mm

dq

de pseodoorchide & dracunculo palustri, five radice arundinacea *Plinii*, p. 60, de aloe Africana caulescente perfoliata, glauca, & non spinosa, p. 91, de morfu ranæ *Dod.* & *Strat.* æquat. *Lugd.* p. 164, de Cereo peruviano in *Consult.* p. 14, & in *Commerc.* p. 202 & 393, de Androsace alpina minima p. 380, de Xeranthemo *Valesiaco* fl. clauso p. 395; ex *Anatomia*, de tegumento peculiari membranæ tympani fœtuum p. 13, de ovario novo *Nabothiano* *ib.* de methodo præparata *Anatomica* in liquoribus asservandi p. 68, de tribus fœtibus leporinis extra uterum repertis, sine ulla connexione membranarum, & funiculi umbilicalis vestigiis, p. 211, de nervorum quorundam situ, eorundemque mutuo nexu, p. 234, de anatome gemellorum, anteriori corporum parte concretorum, p. 337; e *Physiologia*, de experimento fortuito duplici, ortum pinguedinis & œdematis illustraturo, p. 35, de partu trigeminorum p. 117, de habitu castratorum p. 236, de graviditate putatitia p. 241, de fœmina per integrum lustrum adhuc gravida p. 316, de digestionem ventriculi succo quodam dissolvente absoluta p. 323; ex *materia Medica*, de olei *Cajeput* historia & viribus p. 3, de aquarum salubrium *Heilsbron-* *nensium* effectu p. 99, de effectu medicinz cujusdam antipodagricæ p. 172, 179, de *Dippelii* medicina lithontriptica p. 179, de sale amaro fontis, cui nomen est *Wilhelms Glücks-Brunnen*, aliisque fonte vicino, p. 250, de usu sedativi liquoris antispasmodici & confortativi a *Carlio* inventi, & usu pilularum polychrestarum in pulveribus, pulvere antiquartanario *Mederi*, p. 257, de effectu *Solani* furiosi *S. Belladonna* p. 332, de effectibus herbæ *Solani* officinarum acinis nigricantibus in cibum incaute assumptæ p. 372, de *Mercurii* dulcis efficacia & usu p. 410; e *Chymia*, de oleo *Talci* vero p. 21, & animadversione in hanc *Observationem* p. 84, ejusque dilucidatione p. 273 & 387, de regno antimonii medicinali compendiosissime parando p. 74, de monitis ad hanc *Observationem* p. 132, de reguli antimonii medicinalis, ejusque tincturæ, usu, p. 233, 306, de novo phosphoro *Morini* p. 242, 282, de usu tincturæ sulphuris, & de sulphure *Gmelini* p. 305, de tinctura antimonii ex tempore conficienda p. 322, de spiritu & sale ex *anthropotero* p. 324, de binis exemplis, transmutationis metallo-

tallorum possibilitatem confirmantibus, *p. 339, 348*, de antihedico
 poterii albiſſimo *p. 355*; ex Pathologia, de epileſia morſu
 propagata, *p. 29*, de hæmorrhagia narium menſtrua, partu tan-
 dem emendata, *p. 59*, de polypoſo concreto in vena iliaca dextra,
 ſedematis cauſa, *p. 75*, de carbonum exhalationibus noxiis *p. 108*,
 de morbo intricato, dolorificis ſymptomatibus complicato, cum
 hiſtoria ſectionis, a inorte inſtituta, *p. 125*, de ſætu ſeptem me-
 ſium avtochire, *p. 155*, de cordis mala confirmatione in puella, fri-
 goris vehementia exſtincta, *p. 188*, de varicibus *p. 196*, de urina
 verminofa *p. 211*, de effectibus ſpiritus vini nimium aſſumti, *p. 218*,
 de nimia abſtinentia ab omni alimento humido, durante gravidita-
 te, *p. 222*, de rheumatismo brevi tempore ſublato, enatis puſtulis,
 ſero acri repletis, *p. 245*, de peculiari morbo epidemico Uffenhei-
 menſi, *p. 265*, de hæmorrhagia enormi dentium *p. 266*, de febribus
 pleuriticis, & intermittentibus epidemicis, *p. 281*, de utero oſſeam
 naturam adepto, item pilis repleto, *p. 238*, de ægro cataleptico,
 paralytico, ejusque anatome, *p. 330*, de morſu canis rabidi *p. 356*,
 de anatome juvenis phthiſi exſtincti, & exemplo infelici venæſe-
 ctionis, *p. 366*, de puero cataleptico ex vermibus, *p. 385*, de tremore
 peculiari totius corporis *p. 395*, de calculoſis concretionibus, per
 alvum excretis, *p. 401*; ex Therapia, de optimo & probatiſſimo
 præſervativo a lipothymiis, quæ a venæſectione oriri ſolent,
p. 149, de cura aſthmatis peculiaris *p. 347*; ex Chirurgia, de ex-
 creſcentia ſquamoloſo-carnoſa ex ulcere dyſenterico in inteſtino
 recto *p. 28*, de ulcere ſcirrhoſo in pudendis ſceminæ cujuſdam
 feliciter curato *p. 43*, de miranda vulneratione a tormenti ma-
 nuarii improvifa exploſione *p. 219*, de ſætu perfectò mortuo, in
 partu caput & brachium dextrum antevertente, *p. 252*, de cura vul-
 nerati per medium ſternum, & de ſectione cujuſdam ſceminæ,
 quæ unica percuffione, ſuper coſtas recepta, illico exſpiravit, *p.*
281, de fiſtulæ in collo curatione *p. 365*, de cura veſicæ, urinariz in
 fundo vulneratæ *p. 323*, de polypo narium *p. 355*, de infelici even-
 tu curationis ſympatheticæ, in hernia ſcrotali tentatæ, *p. 356*.
 Idem vero poſterioris Anni variz exſtant, eandemque com-
 memorabiles, Obſervationes, & quidem ex Hiſtoria naturali, de
 tempeſtatibus ſingulorum menſium A. 1732, Autore Doppel-

matre, ad finem cuiusvis mensis relata, de anatome & structura vegetabilium p. 73 & 268, de frigore hiemis A. 1731 p. 137, plantis sanguifugis p. 161, de corona lunari p. 185, de arboribus annosis p. 211, de terræ motu Parmensi p. 226, de meteoro quodam p. 289, de ebore fossili vero p. 405, de terebrine marina Belgica p. 409; ex Botanica, de Aloe Americana Juccæ folio *Commelini* p. 65, de Saxifraga Alpina habitu *Androsaces villosæ* p. 96, de Veronica Alpina Bugulæ facie, calice villoso, p. 300; ex Anatomia, de variis rebus Anatomicis p. 259, de ovario novo Nabothiano p. 284; ex Physiologia, de puella recens nata, mensium fluori obnoxia, p. 84, de partu gemellorum inæqualis perfectionis p. 123, de fœtu vivo post alium mortuum quarto die excluso p. 165, de dentibus renascentibus, & mensibus in vetulis, p. 211, de partu gemellorum diverso tempore subsecuto p. 211 & 276, de hermaphroditis p. 283, de quinquagenaria gemellas parturiente p. 307; ex materia medica, de analeptis euphoris p. 50, de ambræ gryfæ ortu p. 116, 293, de experimentis cum succo Belladonnæ p. 121, de antipodagricis & anthartritidis p. 133, de Antimonii crudi usu interno p. 179, de Mercurii sublimati efficacia in movenda salivatione p. 245, de antihydropicis p. 322; e Chymia, de oleo Talci p. 35 & 370, de eodem oleo Anglic. p. 395, de tinctura antimonii *Schneideri* p. 100, 307 & 315, de methodo præparandi sperma antimonii & turpethum minerale p. 185, de spiritu ardente ex lacte e quorum p. 162, de tinctura magnesiæ Opalinæ p. 178 & 195, de phosphoro p. 189, de tinctura coralliorum dulci p. 234, de eadem perlata p. 20 & 370, de cadmia fossili p. 297, de salis communis diversitate *ibid.* de ferro ex carbonibus fossilibus parando p. 298, de gypso ex glacie Mariæ parando, & ad infusiones Anatomicas adhibendo *ibid.* de vitriolo antepileptico *Strisseri* p. 334, de menstruo Beeriano & Agricolæ p. 372; ex Pathologia, de morbis epidemicis Coburgensibus & Norimbergensibus variis locis, de ægroto ex colicâ & cephalalgia subito cæco facto, atque curato, p. 10, de febre epidemica quartana hyemis A. 1730 p. 29, de sudore particulari, mediam abdominis regionem instar zonæ ad palmæ latitudinem perfundente, p. 43, de morbis epidemicis Neostadii ad Ayslum p. 52, de asthmatica ab aere frigido suffocata p.

63, de pinguedine in ventriculo a potu frigido congrumata p. 65, de exulceratione vesicæ urinariæ & uteri p. 69, de Vampyrismo p. 82, 139, 170, 219, 234, 250, 291, de fœtus monstrosi a placenta uterina scirrhecentia præmatura exclusione, sive abortu, p. 155, de fluxu aquarum in gravidis p. 182, de febribus epidemicis Jenensibus p. 162 & 299, item Isenacensibus p. 193, de morbo quodam epidemico Uffenheimensi p. 204, de foemina aquis suffocata p. 206, de sceletto fœtus viis insolitis excluso, & morbillis, Guelpherbyti epidemicæ grassantibus, p. 212, de febre purpurata epidemica Kauffbyriana p. 332, de acu incurvata ex improviso sine ullo inde secuto damno deglutita p. 228, de sectione in corpore Serenissimi Ducis Solisbaco Palatini instituta p. 276, de labio leporino p. 242, de nævis maternis, & gravidarum imaginationis vi, p. 298, de hæmorrhagiis vetularum ex neglecta venæ sectione p. 324, de causa cæcitatis fixæ, & periodicæ, ut & visus dimidiati, p. 333, de morte subita ex alapa inflata p. 340, de apoplexia febribus intermitentibus senum superveniente, & apoplexiis in genere, p. 345, de phthisicorum urina p. 346, de morte subitanea ex aperta per incisionem paronychia suppurata p. 347, de causa plicæ Polonicæ p. 363, de nephritide, morbo endemio Viennensi, & fistula renali, p. 364, de tremore totius corporis universalis ex febre male curata p. 365, de morbo spasmodico & convulsivo cum deliriis & veternositate ex inordinato fluxu mensium p. 373, de calculo sublinguali p. 386, de causis epilepsiæ p. 416; ex Therapia, de scabiei humidæ curatione a potu Thee nimio impedita, p. 11, de cura lactea, & podagricis hæreditariis sinistre & dextre tractatis, p. 28, de quartanarii, incongrue tractati, morte p. 30, de damnis pellentium in partu difficili p. 78, de spontanea sanguinis ventilatione p. 137, de podagræ cura p. 244; ex Chirurgia, de horrenda & lethali calvarię fissura salvis ad sensum capitis integumentis p. 269, de sphacelo intestini coli per abscissionem curato p. 364. Ne vero plane ἀσύμβολοι hinc discedamus, nonnulla speciminis loco afferre placet. In prioris Anni Semestri primo p. 4, ex fide Viri cujusdam honesti, & in India Orientali per aliquot annos versati, de oleo Cajeputi refertur, derivari nomen ejus a *Kaie*, quod album, & *Pur*, quod lignum significet; destil-

latione enim ex tali ligno elici; inventum autem esse Germani cujusdam, *Wittneben* dicti, qui Concionator olim Aulicus Ducis Guelpherbytani, *Rudolphi Augusti*, fuerit, post hujus autem obitum, incertum, quo fato, ad Bataviam Indiæ delatus, sedem ibi constituerit, viri integerrimi, rerumque Physicarum & Chymicarum studiosissimi, quique cum viris eruditis per omnem Indiam atque Chinam commercium literarum frequentissimum colat. Quæ si ita se habent, refellitur vulgaris nostratum persuasio, quod ex semine oleum hoc fiat, quod alia etiam ex ratione improbabile videtur. Oleum odorem præ se fert aromaticum fortem, fragrantem, initio gratum, pædetentim subterebinthinatum, tandem sabinæ digitis contritæ similem, quam diutissime durantem. Sapor aromaticus ad roris marini oleum quam proxime accedit, aut ad aromaticum camphoræ oleum, quod e radice cinamomi in India paratur. Limpidum est, & aliquantulum subflavescens, utique in vitro non omnino repleto, nec accurate obturato, diutius servatum. Ceterum sinceri ac genuini olei ea est virtus, ut a guttula unica, temporibus illita, morficatio in oculi cantho interiori lachrymarumque proventus oriatur. Insignes illas facultates, ab aliis jam collaudatas, utique in eo quærendas esse asseruit, præterea in somno abigendo, ebrietate præcavenda, febribus pestilentialibus avertendis, lepra Indorum, Lazaryn appellata, quæ generi hominum, quod Mestices vocatur, propria est, percuranda, colica, hydropè, multum collaudavit. Si secunda vice vomitu rejiciatur, rem ægroti conclamata esse, Indi existimant. Ex sua Collegarumque Observatione memorat *Cl. Gazius*, in convulsionibus capitis particularibus, epilepsia vehementiori a morfu canis rabidi, catalepsi, & externe in odontalgia serosa, mirificam virtutem exseruisse. Eodem in Semestri traditur Observatio *Cel. Schulzii* de regulo antimonii medicinali compendiosissime præparando. Scilicet antimonii partes quatuor, tenuissime pulverisatæ, misceantur, nitri optimi crystallini probe depurati, & in pulverem redacti, parti uni. Crucibulo frigido indita hæc mixtura, prunis imponatur. Mox, ubi mediocrem calorem persensit, deslagrare incipiet. Sponte desi-

deficiente deflagratione, crucibulum jam refrigeratum, frange, & exime materiam pumicis instar spongiosam, atro-rubentem, fragilem, ac levem, quæque tritura facili in pulverem tenuissimum abit; ejus drachmam dimidiam & amplius sine ullo metu exhibere licet. Si vero, finita deflagratione, materiam igne fortiori ad fluorem urgeas & effundas, minus porosam, & regulo medicinali sine sale communi facto similem, nancisceris. Eodem Semestri p. 52 Cl. *Trew* memorat, sibi, cum in ovarium Nabothianum inquireret, elegantissimum sulcorum ordinem duplicem in parte postica prædictæ cervicis in conspectum venisse, sic, ut interjecta per medium longitudinis parva quasi columella sulci frequenter in utroque latere oblique ascendere, prætereaque in sinu cujusvis plura ostiola, setam facile ad lineam circiter admittentia, apparerent. Atque hæc in omnibus, qui ad manus erant, uteris, in spirituosolo liquore asservatis, apparebant. Anno autem 1732 p. 28, ita idem de his sulcis: Uterus cingaræ post diurnam in spiritu frumenti rectificato macerationem denuo examinatus, tantum quidem expectationi satisfecit, quantum ad utrumque columellæ, sive eminentis lineæ longitudinalis, in parte postica cervicis sitæ, latus complures omnino sulcos nudo conspiciendos præbuerat oculo, ex transverso oblique ascendentes, sed qui profunditate pariter, ac longitudine sua, valde exigui erant, etsi ostiola ductuum excretoriorum copiosa satis paterent. Eodem tempore alius uterus vetulæ sexagenaria majoris eodem in loco, eademque directione, sed in ipso jam recenti statu, tractus sulcorum, ductuumque excretoriorum hiatus, quam clarissime ostentabat. Ipsa horum ductuum ratio ex Figuris erit clarius, quibus autor eosdem illustravit, a nobis eam ob causam hic repetitis. Sed sufficiant hæc speciminis loco ex hoc Commercio, quod neminem legisse forsitan pœnitebit. Varia quidem varii circa hoc institutum monuerunt, quæ Autores ipsi in Præfationibus suis passim adducunt, atque ita respondent, ut vel locum iis relinquant, vel modesta confutatione satisfaciunt. Ipsi etiam quam maxime exoptant, ut Viri docti atque experientes ad talia maxime conferenda moveantur, quæ praxi

Medicæ

Medicæ lucem clariorem subinde affundere queant; deinde ut in commemorandis chronicorum morborum casibus historia cujusque morbi cum symptomatibus diligentissime conscribatur, utilesque adjungantur indicationes & remedia, atque ea omnia enumerentur, quæ ad cognoscendum morbum ratio & experientia tribuere valeant; ut vero eadem hæc & alii Medici præsent, eodemque in casu, quid sentiant, quidve consilii habeant, quidve curationis instituendum putent, aperiant, & ad usus omnia publicos accommodent; tertio ut Medicina & Historia naturalis Observationibus illustretur solidis atque utilibus, sive plane novis, sive olim jam cognitis, at obsoletis, aut perperam descriptis, nunc vero correctis; ut nimirum, præter rariora illa, Observationes etiam recenscantur frequentiori experientia confirmatæ, & sua se utilitate commendantes, & in aphorismos, vel monita generalia, facile mutandæ. Et, quoniam eorum, quæ mittuntur, numerus quotidie augeatur, decretum est, si ita placeat Lectoribus, per singula Trimestria, vel Semestria, vel quotannis, Supplementorum Tomum addere. Ita in paginis per hebdomadam evulgandis unice, ceteris omissis, nova propria exhibebuntur; relationes vaiz, utiles quidem per se, verum aliis, plus necessariis, locum præripiantes, vitæque curricula, Tabulæ Meteorologicæ, Observationes fusiores, recensiones Diariorum, in Supplementa rejiciuntur, simulque etiam tales librorum recensiones expromuntur quæ alias intermittendæ fuerant; nec minus etiam, quæ ad illustrandam supplendamque Medicinæ & Physicæ Historiam cujuslibet anni post longum temporis intervallum ad notitiam ipsorum venient, hac ratione repetentur; ac denique spatium supererit, pluribus Diariis & novis literariis copiosius recensendis, ut ita minori temporis, sumtuum, & laboris, impendio, quicquid ad rem Medicam & Naturalem pertinet, simul intelligatur, quam si ejus causa integræ Ephemerides pervolvendæ essent. Quod quidem consilium æquis Lectoribus maxime probatum iri, plane non dubitamus.

Explicatio Figurarum:

AB. VI Fig. 1 exhibet iconem uteri muliebris in vegeta adhuc ætate constitutæ, antica sua parte longitudinaliter dissecti, atque in
recen-

recenti suo statu considerati, utpote in quo absterfo nullo copioso, hic obvio, præter exiguas rimulas, nullæ proflus conspiciebantur excavationes. In ipsa tamen substantia dissecta hinc inde occurrebant corpuscula globosa solida variz, magnitudinis, *aa* glandulis persimilia.

Fig. 2 uterum pari modo dissectum, sed aliquandiu jam spiritui frumenti rectificato commissum, sistit, qui columellam *bb* & sulcos *cc* eleganti manifestant ordine. TAB. VI
Fig. 2.

Fig. 3 alium uterum, eadem ratione præparatum, refert, in quo non solum, columella & fulci, verum etiam ductuum ostiola, omnium optime discerni queunt. Fig. 3.

Angenehme, curieuse und nützliche Nachrichten von Physikal- und Medicinischen, auch dahin gehöri gen Kunst- und Literatur-Geschichten, ic.

h. e.

MISCELLANEORUM PHYSICO - MEDICO - MATHEMATICORUM, editorum a D. ANDREA ELIA BÜCHNERO, Instit. Med. P.P. Facult. Med. Affectore, & S. R. I. Med. Nat. Curios. Collega, integer

Annus 1729.

Erffordiz, apud Carol. Frid. Jungnicol, 1733, 4.

Alph. 4 pl. 8, Tabb. æn. 2.

Cel. Büchnerus, cui collatum ex merito, post B. Estmülleri nostri obitum, Actorum Nat. Cur. directorium gratulamur, in his quoque Miscellaneis Physico - Medico - Mathematicis colligendis edendisque strenue pergit, ex quibus, ad A. 1729 spectantibus, aliqua, more nobis recepto, specimina repetere visum est. Inter Observationes Meteorologicas, præter consuetam Diaria, tempestatum mutationes indicantia, præ ceteris eminent Observationes Barometricæ, in monte S. Gothardi, supremo Europæ apice, institutz, a Cel. Scheuchzero, communicatz, & cum iis, quas Tiguri fecit, per totum annum collatz; cumque mons hic limitaneus regionum cis, & trans, Alpinarum, imo & ventorum, ac tempestatum, dici mereatur, experimenta, pro

Nu

vera

vera ejus altitudine determinanda ab eodem suscepta, p. 46 recensentur. Ab eodem Cel. Viro communicata legitur p. 43 relatio horrendi terræ motus, in Helvetia Mense Januario contingens: neque minorem attentionem meretur p. 479 descriptio tempestatis, Trecentæ in Italia Mense Augusto obortæ, ubi, post fulgura grandinemque insigni copia cælo delapsam, fumus terra elevatus, atque sub specie ignis volantis per regiones adjacentes dispersus, omnia obvia partim evertit, partim incendio vastavit. Quicquid mutationis in cælo contigit, ex acutissimorum Astronomorum Observationibus hic relatum legitur, quorsum eclipsis lunæ totalis p. 103 & 501, eclipses Satellitum Jovis p. 368, parhelia p. 201 & 435, corona lunaris p. 101, paraselinæ p. 102, iris noctu visa p. 301, conjunctio Jovis & Martis p. 508, spectant. Cumque his temporibus phænomenon illud, quod auroræ borealis nomine insignitur, frequentius, quam olim, apparuerit, occasione insignis illius, quod d. 16 Nov. conspectum est, *Christfriedi Kirchii*, Astronomi Berolinensis, *Jo. Frid. Weidleri*, Prof. Mathem. Witteb. *Jo. Gottlieb Kraussi*, Prof. Histor. Witteb. aliorumque Astronomorum celeberrimorum, accuratæ non solum relationes, sed & doctæ de hujus phænomeni causis disquisitiones, integræ adductæ sunt. Frigus hoc anno insigne variæ testantur undique concurrentes querelæ, hancque hiemem illo, qui A. 1709 frigore omnia adurebat, nihil mitiorem fuisse, Observationes, thermometro utroque anno a Cl. *Jo. Adamo Kulmo* Dantisci factæ, atque hiæ uno conspectu exhibitæ, comprobant: unde non mirandum, inter morbos, a tempestatis injuriis ortos, varios a frigoris noxa, uti febres catarrhales inflammatorias p. 37, hæmorrhagarum anomalias p. 152, similesque, inductos commemorari. Frigore inde remittente, glacieque ac nive copiosa liquidis fluviorum inundationes multis locis novas dedisse turbas, p. 253 legimus. Inde, procedente æstate, magna cicadarum caterva Silesiam peragravit, ut patet ex p. 441. Multæ quoque crucæ, similiaque insecta magnam, agris arboribusque passim noxam intulerunt, quorum tota familia, tempus modusque generationis, varius color & figura, accurate annotata, p. 624 recensentur. In Botanicis attendenda relatio de diversis arboribus exoticis san-

sanguinem draconis officinarum exhibentibus, occasione draconis arboris, Viennæ in. Celsissimi Principis *Eugenii* horto florentis, composita p. 445, nec non curiosa Observatio de plantis meteorophytis, quæ tempestates nunc totius anni, nunc dierum proxime insequentium, certis signis indicare perhibentur p. 562. Inprimis vero notabilis vilus est naturæ lusus in regno minerali, cujus p. 369 mentio injicitur, de silice, formam cranii humani exacte referente, ita, ut futuræ etiam & foramina, in illis conspicua, hic appareant, cujus propterea ætÿpum Lectoribus nostris exhibere operæ pretium duximus. Fig. IV monstrat ossa cranii a latere dextro. A os frontis, B os bregmaticum, C os occipitis, D processus mammillaris, E os temporis a naturali situ aberrans, F futura coronalis, G sagittalis, H Lambdoidea, I squamosa, K foramen in orbitæ medio, per quod nervus opticus exit, L introitus meatus auditorii, M orbita oculi, N ossis jugalis pars, O os nasi, P sinus pro articulatione maxillæ inferioris, Q os quarti paris maxillæ superioris quasi mutilatæ. Fig. V exhibet cranium vertici incumbens. A os occipitis, B foramen, per quod medulla oblongata cedit in spinalem, C pars inferior ossis temporum, D os basilare, EE os jugale, quod deficit usque ad lineam utrinque ductam, F processus mammillaris, GG foramen pro sinu laterali duræ meningis, HH sinus ossis temporum pro articulatione maxillæ inferioris, II foramen, per quod arteria carotis intrat specum osseum. Observationum Medico-practicarum magna copia singulis Mensibus exhibetur. Præter enim morbos epidemicos, ab aere derivandos, variis in locis annotatos, casus etiam singulares recensentur rariores, p. 53 de mania periodica cum epilepsia & vomitu, p. 58 de carcinomate oculi sectione curato, p. 176 de sudore cadaveris, ejusque causis, p. 316 de mola glandulosa membranacea, p. 486 de morbis, ex terrore ortis, p. 512 de vera tabe dorsali a nimia venere; variz etiam sectiones nunc fœtum monstrosorum p. 116 & 773, nunc morbis defunctorum, ut pleurifici p. 49, morte subita exincti p. 775, inseruntur.

TAB. VI
Fig. 4.

Fig. 5

tur. Ut alia nunc silentio prætereamus, quæ Lectoribus non minus jucunda ac utilia fore speramus.

JOANNIS LAURENTII MOSHEMII DISSERTATIONUM SACRARUM SYNTAGMA.

Lipsiæ & Gorkizii, apud March, 4, 1733.

Alph. 4 pl. 16.

- Cum multæ eruditorum Virorum Dissertationes, variis temporibus scriptæ, peculiaribus Voluminibus comprehensæ fuerint, præsentium quoque Collectio inter eas merito locum habet, quia non celeberrimo solum S. R. Autoris nomine, ac singulari doctrina, se commendant, sed & multis modis emendatæ, nec paucis accessionibus locupletatæ & illustratæ, produnt.
- Pag. 7-132. Harum *prima tres* Theologum non contentiosum sunt, quæ de prudentia in controversiis Theologicis adhibenda, egregias omnino Observationes, circa phrasas & locutiones, circa methodum, ac disputandi rationem, circa hæ-
- 134-332. resin, & errores aliis imputandos, complectuntur. *Quarta* magni momenti argumentum, prolixè & selecto cum eruditionis apparatu pertractat, nempe de eo, quod justum est circa sacrorum librorum ex profanis Scriptoribus interpretationem & emendationem, cui, præter Supplementa, in nova hac editione Vindiciæ contra malevolos Censores adjectæ sunt. *Quinta* recentioris Sociniani, *Artemonii*, seu *Samuelis Crellii*, opinio de raptu Christi in cælos refellitur, ac in ea varia, tam ad vitam & scripta hujus Adversarii, quam dogma ipsum, pertinentia, adduntur ac confirmantur. *Sexta*, de pœnis Hæreticorum, nec ex S. Literis, nec sana ratione, nec antiquis doctoribus, probandis, contra *Stephanum Javorskium*, Archiepiscopum Rezaniensem & Muromiensem, inclytum inter Ruthenos virum, gravibus ac ponderosis argumentis agit.
- 335-403. *Septima*, de vi argumenti, quod a tuto ducitur, in controversiis sacris, doctè & ingeniose disquiri, idque nihil in hominis intelligentiam, plus voluntatem magis commovendam, ad accuratius examen religionis instituendum, posse asseritur. His
- 407-514. Dissertationibus S. Rev. Autoris venusta Oratio, de Christo
- 520-573. Theo-
- 580-620.

Theologo unice imitando, cum munus Theologiam publice docendi susciperet, recitata, subjungitur, & finis, per disceptationes *Kingii & Moylii*, de legione Fulminatrice, Latine ver-
 sas, ac Notis slipatas, imponitur. Optamus autem, ut *se-*
cunda ejus Dissertationum Ecclesiasticarum *Parti* lucem adspi-
 ciat, qua fusius de controverso admodum hoc miraculo, &
 ad Christianam religionem firmandam idoneo, commen-
 tabitur.

Pag. 623.
894

Kurze Einleitung zur Wappen-Kunst, &c.
 h. e.

BREVIS INTRODUCTIO AD HERALDICAM
 scientiam, & modum insignia Familiarum Illustrium in-
 terpretandi, qua exemplis perspicuis illustrantur omnia,
 tribusque idiomatibus, vernaculo, Gallico, &
 Latino, explanantur.

Petropoli, apud Cæsaream Academiam Scientiarum, 1731, 4.
 Plag. 16½, cum Tabb. æn. 37.

Liber hic, Augustissimi *Petri II*, dum viveret, usibus, quem-
 ladmodum ex Dedicatione ad Illustriss. Comitem, *Ernest.*
Jo. Bironium, supremum Cubicularium Magnæ Imperatricis
 Russorum, Ordinumque Andree, albæ Aquilæ, & Alexandri, E-
 quitum, præmissa, patet, destinatus, præcepta Heraldices scientiæ
 generalia complectitur, quæ insignibus rite cognoscendis inter-
 pretandisque viam sternunt. Divisus est in *duas Partes*, qua-
 rum *prior* undecim, *posterior* duodecim Capitibus constat, ta-
 meti illa una serie omnia connumerantur. Inferendæ suis
 locis accedunt Tabulæ triginta septem ænæ, quibus uno se
 obtutu sistit, quod sine plurimis verborum ambagibus de-
 scribi non potest. Laborem hunc perutilem summa per-
 spicuitas commendat, quæ tanta est, ut tirores etiam, nulla hu-
 jus artis notitia imbuti adhuc, præcepta ejus nullo inde nego-
 tio haurire possint. Provehiores, præter concinnam, quæ e-
 rotematica est, methodum, allicient ad evolvendam hanc Intro-
 ductionem notæ, quæstionibus subjectæ, quibus fusius nonnulla

& curatius Autor Consultissimus, Jo. Simon Beckenstern, J. U. D. persequitur.

NOVA LITERARIA.

Amstelodami in officina J. Weissenii & Guil. Smith, nec non Janssonio-Waesbergiorum, primi sublellii librariorum, Opus paratur, omni ex parte illustre & magnificum, rerumque naturalium divitiis instructissimum, de quo satis sit dixisse, simile in hoc doctrinarum genere, sive corticem, sive nucleum spectes, nihil unquam prodiisse. Ejus en rubrum: *Locupletissimi rerum naturalium Thesauri accurata Descriptio, & Iconibus artificiosissimis Expressio, per universam Physices Historiam; Opus, cui, in hoc rerum genere nullum par existit. Ex toto terrarum orbe collegit, digessit, descripsit, & depingendum curavit Albertus Seba, Etzela-Oostfrisius, Academia Casarea Leopoldino-Carolinae Natura Curiosorum Collega, Xenocrates dictus, Societatis Regiae Anglicanae, & Instituti Bononiensis, Societatis. Opus univertum quatuor constabit Tomis, in folio, ut ajunt; quorum primus exquisitissimam dabit Collectionem Foliorum, Fructuum, Radicum, &c. arte singulari praepratarum, & in Sceletis redactarum; tum Plantarum peregrinarum, non vulgarium; dein & Animantium rarissimorum, inter quae eminent cum primis Volatilia; & praeterea Canes, Feles, Glires, Mures, Sciuri, &c. alati; atque Aves, tam Orientalis, quam Occidentalis Indiae, longe rarissimae, una cum suis pleraque nidis, mira varietate conspicuis. Accedent & inusitata nobiles pictura Serpentes, Lacertae, Crocodili, Iguanae, Chamaeleontes, Dracones volantes, Salamandrae, Gekko animalia, Glires, Mures, Bufones varii, majores & minores, alienigeni, hosque inter & qui Pipal vocantur; Ranæ, partim prægrandes, partim minuscule, quarum generatio, & inaudita hæcenus metamorphosis retrograda e Ranis denuo in Pisces, &c. ad oculum ostenditur. Tomus secundus & numero & varietate stupendas comprehendet species Serpentium, Viperarum, Lacertarum, & variis orbis terrarum partibus conquisitas, majores, & mi-*

no-

nores, quarum & gignendi modus & Anatome adjungetur. Intermista simul plurima Vegetantia exotica, & multa Lapidum, Animalium, Medicamentorum, specimina, &c. jucundum utili ibi pulchre sociabunt. *Tertius Tomus* amplissimas, Maris potissimum, divitias pandet, Conchyliorum nempe, Echinorum, Stellarum, Fruticumque marinorum, Coralliorum, Muscorum, Fucorum, & aliorum, quæ mare profert, spongiosorum corporum, exempla & rarissima & numerosissima. Mineræ dein, nativis gravidæ metallis, hic sistuntur pretiosissimæ, & erutorum de telluris gremio Lignorum, atque Conchyliorum, &c. in lapides mutatorum, & Lapidum, tam terrestrium, quam marinorum, species singulares. Ad *quartum* denique *Tomum* reservabitur congeries sane splendidissima Insectorum omnis generis rarissimorum, industria & sumptibus immensis e quibusvis regionibus collectorum, quæ & numero rursus & varietate quemque delectabunt. Singula autem, hæcenus recensita, præter alia plurima, quæ speciatim enumerare nimis longum foret, iconibus artificiosissimis, nativam cujusque magnitudinem & habitum exprimuntibus, secundum specimina, quæ Autor possidet, accuratissime descriptis & æri incis, tam vivida ob oculos ponentur, ut vel Celeberrimus in Academia Lugduno-Batava Professor, *Hermannus Barbaave*, nullum huic Operi unquam hoc in rerum genere per exstitisse, non dedignatus sit publice testari. Quin & sua singulis historia, & quæ de indole eorum, tam propria observatione, quam ex indicio fide dignorum hominum, didicit Autor, nova plurima, scitu dignissima, adjicientur, Latino & Gallico idiomate, in eadem simul pagina, exposita. Ne vero & Belgarum illi, qui neutram harum linguarum callent, incomparabili hocce Opere careant, pauca quædam exemplaria Latino simul & Belgico sermone imprimenda curabuntur. Charta, qua universum Opus typis describetur, Librarii utentur tali, qua non est vel forma major, vel aspectu elegantior; ejusque partim integris, partim dimidiis, ut vocant, foliis Tabulæ constabunt. Textus vero literarum typis selectissimis, & qui oculis sint gratissimi, describetur. Nec eorum

rum porro, quæ Operi exornando requiruntur, quidquam prætermittetur. Editioni maturandæ obstat nihil; cum Tabulæ æneæ omnes paratæ sint, & integer jam Tomus primus prelo exierit. Quod tanto majori his, qui talia amant, incitamento esse poterit, ut conditionibus, statim enarrandis, nomina subscribant. Tomus quilibet ultra centum fere continebit Tabulas æneas, cum dimidiis, tum integris, foliis impressas; ipse vero textus quinquaginta circiter phyliras implebit. Accedent dein & tituli & ornamenta necessaria. In constituendo Operi pretio æquitatis se studiosissimos præbent Bibliopolæ, & unumquemque Tomum, figuris abundantem elegantissimis & magnifice exsculptis, *Florenis Belg. 40* vendent, sed iis saltem, qui nomina sua dederint intra præfinitum tempus, hacque simul conditione superaddita, si forte contingat, (uti haud adeo exacte id determinari hæcenus potest,) tres Tomos posteriores singulos, vel Tabulas æneas, vel phyliras, typo literarum impressas, aut plures, aut pauciores, continere, quam modo in Tomo primo designavimus, pretium modo statutum cujusvis Tomi, plus, aut minus, continentis, ad normam computi, supra dati, auctum, vel diminutum iri. Subscriptentes præter *Flor. 40*, pro primo Tomo exsolvendos, insuper *Flor. 10* pro secuturis simul numerabunt; pro reliquorum vero singulis deinceps *Flor. 40* persolvent, excepto ultimo, a cujus pretio prænumeratis *Flor. 10* subtractis, non nisi *Flor. 30* solvendi supererunt. Subscriptio fieri poterit ad Calendas usque Septembres hujus Anni 1734, apud celebriores quoscunque, tam in Belgio, quam exteris in regionibus, Bibliopolas, & Lipliæ quidem apud *Casparum Fritschium*, & *Jacobum Schusterum*. Tomus primus, utpote jam paratus, subscriptentibus illico, soluto pretio, 50 nimirum *Florenorum*, tradetur: alter vero Cal. Februarii sequentis Anni 1735, & sic deinceps eodem mense, singulis annis, unus Tomus certissime prodibit. Illi vero, qui nomina sua non dedere, & tamen post tempus, subscriptioni præfinitum, elapsum Opus sibi comparare volent, pro Opere integro *Flor. 225*, sive pro singulis Tomis *Flor. 56*, absque ulla deductione, numerare tenebuntur.



NOVA ACTA ERUDITORUM,

publicata Lipsiæ

Calendis Julii Anno MDCCXXXIV.

THESAURUS JURIS ROMANI, CONTI-
nens rariora meliorum Interpretum Opuscula, cum
Præfatione EVERARDI OTTONIS, Juri, &
Antecessoris. Editio secunda.

Tomi IV.

Trajecti ad Rhenum, apud Jo. Brodelet, 1733, fol. maj.
Tom. I Alph. 9 pl. 1, Tom. II Alph. 9 pl. 6, Tom. III
Alph. 10 pl. 13½, Tom. IV Alph. 9 pl. 20.

Et olim aliquando ab omnium temporum nationumque
Jctis diu expectata, ardentissimisque votis expetita, præ-
stantissimorum quorumcunque, quæ in Juris arte heroes re-
liquerunt, Opusculorum συλλογή. Et, cum non ita dudum
auspiciis & providentia Ill. *Bynckeriackii*, cura & vigiliis
Cl. *Everardi Ottonis*, in vulgus exiret præstans ille Juris Ci-
vilis Romani Thesaurus, eo, quo nunquam liber quisquam,
plausu exceptus, communia omnium suffragia tulit, adeoque
se omnibus probavit, ut a prima Editione ne unum quidem
lustrum integrum effluerit, cum ejus exemplaria in libra-
riorum tabernis nequicquam quæri, & sicubi offenderentur, im-
modico pretio venire cœperint. Quæ si ita sunt, quam
gratiam ab earum rerum intelligentibus iniisse censendi sunt
Viri Clarissimi, & sua quisque laude non defraudandi, quo-
rum non modo consilio, opera, & sumptibus, effectum est, ut
Oo Opus

Opus aureum nunc rursus venale prodest, sed qui etiam id sibi negotium dederunt, ut nova hæc Thesauri *exdos* tantæ chartæ characterumque nitore priori nihil cederet, quam iis, quibus bonus liber censeretur, dotibus & prærogativis illam multo anteiret, atque elegantior utique, & emaculatio, & integrior, imo auctior quoque & locupletior, in dias luminis aures prodiret. Quod ut ne quis ex eorum, qui repetitam quamcunque editionem auctiorem correctioremque non salutare piaculum habent, more & consuetudine dictum, aut dicis gratia a nobis prolatum, existimet, age, in rem præsentem veniemus. Qui enim *Tomum primum* Thesauri huius *A. 1726 p. 107, alterum A. 1727 p. 55, tertium A. 1728 p. 38, quartum A. 1730 p. 224*, plenius nos recensere meminimus, officio nunc nostro satis defuncti erimus, si nova potissimum libri auctaria, & quibus hæc se ad posteros commendet editio, accessiones, aut ex iis, quæ nos antea forte prætermisimus, potiora, latius persecuti fuerimus. Et, quod ad chartæ quidem splendorem, formarum, quibus Opus exscriptum est, æqualitatem & elegantiam, externasque alias ejus virtutes, pertinet, ea nunc latius a nobis commemorari, nihil opus est, propterea quod vel primum intuenti sua sponte occurrant, neminique, nisi cœcutienti forte, aut invito, obscura esse, aut displicere possunt, sed, quod non nisi cum cura inspicienti apparet, in eo fidem haberi æquum est Cl. Editori, qui non tantum ex iis, quæ in prima Editione solite sublata erant, labeculis, nullas denuo irrepsisse, sed & sexcentas forte, quæ illam adhuc inquinaverant, alias nunc a medicante manu exemptas sublatasque esse, idque cum maxime in *Fornerii, Suerinii, Marcilii, Perrenonii, Zoannetti, Prateji, Froberi, Catharini, Ossii Aurelii, Godofredi* etiam, in scriptis factum fuisse, affirmat. Sed, quæ prima Editionis novæ dos est, JCtus Celeberrimus, *Erhardus Otto*, quibus quemque Tomum instruxit, bonæ frugis, multiplicisque doctrinæ plenas Præfationes, hinc inde emendavit, atque auxit, libros plenius recensuit, suum cuique statuit pretium, & non tam, quæ de singulorum argumentis ab otioso homine dici poterant, quam quæ post aliorum curas dicenda superesse videbantur, annotavit.

Quod speciatim ad *Tomum primum* attinet, præter alia, quæ minoris momenti sunt, & duobus verbis, aut totidem verbis, constant, prioris Præfationis Supplementa, ad *l. 18 de acquir. & om. hered.* observat Vir Cl. verba: *Libro singulari regularum Pomponio Marcellus probat*, ita esse accipienda, non ut *Ulpius Marcellus* a *Pomponio* in hoc loco laudatus allegatusque sit, sed ut hic in *Pomponii* Librum Notas scripsisse intelligatur, quod & temporum rationi ex æsse convenit, & tanto propius ad verum accedit, cum, in *Julianum* quoque ejusmodi Notas eum scripsisse, ex aliis legibus constet. Quæ paulo post in priorè Præfatione de *Servio Sulpicio* monita erant, ea nunc pleraque hoc loco sustulit Cl. *Otto*, fallimur, aut ideo, quod professa opera *Sulpitii* Vitam concinnavit, & *Tommo* Thesauri quinto exhibebit Vir eximius. *Vindii* tamen, vel, ut alii, meliorum Codicum ope adjuti, nomen restituere, *Ummidii Quadrati*, Jcti, nomen & memoriam ex tenebris eruit, & plurima luce collustrat. Et cum maxime laudabili fructuosaque, qui his sacris operantur, omnibus opera, Consultatus nonnullorum maxime controversos, *Quartini*, puta, *Ostorii*, *Scapulae*, *Seneca*, *Juventii Celsi*, aliorumque, latius, verum cuique Consuli nomen, calculoque cum cura posito, quantum ob monumentorum penuriam, Fastorumque incertitudinem, fieri potuit, suum cuique annum assignat. Quæ cum omnia, occasione ab *Augustini* de nominibus propriis & II. Florentini Capitibus prioribus sumpta, attulerit, iis largum omnino diverforum, quæ in *Augustini* Cap. V occurrunt, & olim pleraque intacta relicta sunt, nominum spicilegium subnectit, idque variis ex interioris literaturæ penu depromtis Observationibus illustrat. Impudenti viragini, quæ suo coram Præatore latratu effecit, ut prætorio Edicto illa, & advocatorio munere foeminae ad unum omnes, interdicerentur, ut Noster docte monstrat, *C. Afrania* omnino nomen fuit, &, cum Viri quidam celebres, *Afraniam* huic Edicto causam dedisse, adversus *Ulpianum* negent, propterea quod pro se, non æque pro aliis, postulaverit, mulierem potius impudentiæ & impolitiarum ream esse, quam *Ulpianum* nescio cujus oscitantæ, arguen-

Pag. 18.

24.

26.

27.

32.

35.

Pag. 40.

8.

40.

42

70

70

13.

72

74

14.

guendum esse, doctus Editor existimat. Non progressa olim ultra quintum *Augustini* Caput Præfatio, reliqua ipsius, ac ceteros hujus Tomi Libros, sicco pede præterierat, nunc vero simul ficta illa technica nomina, *nova ovipara* nostri vocant, quibus cives peregrini, servi, fœminæ omnes, quarum nomen verum incertum est, vel ignoratur, compellari solent, ad *Cap. VI* enarrat omnia, & ad *Cap. VII* provinciarum, regionum, urbium, quarum est in Pandectarum libris mentio, nomina summo digito attingit, & simul, quo loco aut numero reliqua, quæ in Sylloges hujus volumen migraverunt, Opera habenda & æstimanda sint, sigillatim recenset. Quorum cum nos recensum antea egisse meminerimus, id nunc solum addimus, *Catharini* Librum Observationum, qui conjecturarum quarundam sine ordine & numero farraginem olim exhibuit, nunc, id quod & in *Ferrandi Adduensis* duobus Explicationum Libris factum est, Capitulum numeris distinctum atque Lectorum usui magis accommodatum esse.

Accedimus nunc ad *Tomum secundum*, curiose illustraturi, quid opis adjumentique inde sperare queat melior Jurisprudentia. Ad *Lib. I Cap. 25 Selectionum Gulelmi Fornerii* observat Eruditiss. *Otto*, falli peregrine *Fornerium*, quando apud *Alfenum* in *l. 15 de publican.* legem *Censoriam*, i.e. decretum Censorum, & conditionem, in locatione vectigalis propositam, intelligit, pro *Cesar* legens *Censor*. Sed hic omnino præferenda est communis lectio, propterea, quod *Cesar* in ordinatione insulæ, a *Cacilio Metello* jam expugnata, ejus vectigalia locaverit, & Censoris more præscripserit, ne quis præter redemptorem post Idus Martias cotein ibi fodere aut eximere auderet. *Lib. II Cap. 2 Fornerius l. 12 §. 1 de Usu & Tab.* quam inter damnatas recte utique retulerunt veteres, illustrat. Quoniam enim usufructuario pomis, fœno, olera, & lignis, uti permittitur, ineptum videbatur, usum foliorum caducorum a *Nerva* ei denegari. Ut itaque dirimeret litem, arbitriumque præstaret *Fornerius*, folia, quorum mentionem *Nerva* injicit, inguenta maximi pretii, ex foliis confecta, interpretatur. Quid ad hæc *Cl. Otto*? Loqui ipsi videtur *Nerva* de usu fundi vulgari,

gari, adeoque de fructibus communibus, pomis, oleribus, frumento, oleo, vino, quæ tantum distant a foliis barbaricis & foliatis, quantum Roma, ubi *Nerva* scribebat, ab infelicibus Novæ Zemblæ Insulis. Proinde in *Galvani*, *Broci*, *Jani a Costa*, *Merillii*, & *Ravardi*, sententiam discedit, qui Græcos Φύλαξις, i. e. foliis, legere contendunt. Hæc enim ad pastum pecoris æstivum, vel hybernium, eximebantur, & magis usui boum erant, quam hominum. Atque hæc ratio est, cur, usui servitute plene nondum descripta, *Nerva*, usufruarii foliis non usurum, putaverit, quamvis in foro *Cassii*, *Sabini*, *Labronis*, & *Proculi*, sententia prævaluit, maxime si testamento usus fundi relictus esset. Unde Græci in Basilicis foliorum usum concedunt, licet *Justinianus* in §. 4 I. de Usu & hab. improbatam *Nerva* sententiam tantum retulerit, cetera vero ex *Ulpiano* nobis supplenda reliquerit. Parentis, *Gulclmi*, vivam spirantemque imaginem in scriptis suis exprimit *Radulphus Fornerius*, in quem illius singulares & eximie ingenii animique dotes auspicata atque fortunata μετεμψυχοῦσι commigraverant. Male, si *Ottonem* audimus, Lib. II Cap. 12 Rerum quotidianarum motum arboris in l. 7 de Serv. urb. præd. per transplantationem, translationem & ademptionem arboris explicat, ut idem sit, ac dicinius, movere Senatu, ordine, & quemadmodum sylvæ moveri dicuntur. Optime rem definiverunt *Zoannettus*, *Baldutius*, & *Cujacius*, qui ad vegetationem crescentis arboris motum istum retulerunt. Etenim circulatio liquoris vitalis efficit, ut quotidie nova veluti arbor sit, & quæ olim luminibus non offecerat, nunc, mutato statu, officiat, qua significatione, præter l. 26 §. 2 de Acq. rerum dom. & l. 76 de Jud. præstantissimi quivis ex Græcis Latinisque Scriptoribus utuntur. Lib. II Cap. 13 ex vero exponit *Fornerius*, qua ratione fundi, vel ædium, usufructus pars domini censeatur, ut *Juliani* & *Modestini* in l. 6 de Usufr. ear. rer. & l. 19 de Usu & usufr. leg. opinionem defendat, qui, legato uni fundo, alteri ejus fundi usufructu, ambo illos in usufructu concurrere, recte statuerunt, quam veritatem Cl. *Otto* contra iniquam *Cbrysothomi*, *Autumni*, *Grænewegenii*, &

Pag. 16.

17.

Pag. 18.

Leuvenii, censuram fortiter tuetur. Eodem *Lib. II. Cap. 22* illam maxime arduam atque perdifficilem quæstionem de ordine causarum in judicio tractandarum attingit, in qua explicanda perplurimi Viri docti frustra laborarunt. *Radulphus*, voculam *ita* in *l. 1 C. de Appell.* non comparationis & similitudinis vim habere, sed ordinem temporis notare, cum Græcis existimat, ut idem sit *post, postea, deinde*. *Otto* nosse, *Jacobi Gotthofredi* conjecturæ subscribit, qui particulam *ita* per illico & consequenter interpretatur. Dissidium, quod inter *l. 1 § 37 C. de Appell.* est, ut tolleret *Radulphus*, monet, possessionem notare proprietatem, idque verba finalia indicare. Sed fortius argumentum *l. 5 §. 1 ad L. Jul. de vi publ.* præbet. *Lib. III. Cap. 11* *Juliani* verba, binis locis ab *Ulpiano* recitata, sub examen revocat. Suspecta videntur *Fornerio* in *l. 5 §. 3 ad L. Aquiliam* verba: *ut oculus ei persunderetur*, itidemque in *l. 13 §. 4 Loc. ut ei oculus effunderetur*. Illa enim nativæ sermonis Romani castitati pulchritudinique repugnare censet, & usitatore vocabulo *effunderetur* legendum decernit. Alia longe sententia sedet *Cl. Ottoni*, qui hunc in modum pronuntiat. Si *Ulpianus* utroque loco cetera *Juliani* verba nobis integra dedisset, siue mora in *l. 13 Loc.* vocabulum *persunderetur* pro *effunderetur* substituisset, quoniam hoc *Julianum* in *l. 5 ad L. Aquil.* usum fuisse constat. Nunc, cum in *l. 13* magis sententiam *Juliani*, quam verba, retulerit *Ulpianus*, nihil temere mutandum, sed *Julianum* improprie, effundere oculum, pro *elucere, visu orbare*, scripsisse censet. Quod si durior videtur phrasis oculos effundit, mavult *Cl. Otto* *effunderetur*, unica litera mutata, quam effoderetur, *Livii*, *Taciti*, & ceterorum optimæ notæ Scriptorum adjutus testimonio, qui hanc vocem de oculis semper usurpant. *Lib. III. Cap. 28* illam *Jcto-*rum crucem, *l. 69 pro Socio*, explicat, & Parentis, *Gulelmi*, conjecturam, qui pro *epulis* substituerat *empolas*, vel *empulas*, docte atque prolixè confirmat. Neque hanc conjecturam penitus probat *Cel. Otto*, sed, post allatam perplurimorum Juris Autorum ad hanc legem medicinam, *Ulpianum*, nundinarum significatum obscuriorem, quo Socii mercatores

uli

nisi fuerant, aliis vocibus Latinis clarius exposuisse, opinatur. Aliquam laudem merentur, qui *Radulphum* excipiunt, *Josephi Nerii* Analectorum libri. Majori forsitan digni, si ipsius conjecturæ firmidri stabiliorique fundamento nonnunquam inniterentur. Sic enim sat infelicius *Lib. I Cap. 27* verba Pag. 29.
 apud *Cajum*, in circulo manumittere; in univcrsum omnes, nullo nominatim appellato, libertate donare, explicat. Posteaquam enim *Lege Fusia* Caninia modus positus esset nimis & profusæ morientium inprimis liberalitati, intra certum numerum continebatur manu mittendi licentia. Si quis igitur intra numerum quorundam nomina circulo inscripserat, omnes liberi siebant, ast, si numerum excefferat, nullus liber erat, quia nesciebatur, quis primus sit. Eodem *Libro Cap. 31*, vix ferri posse, contendit, ab iis, qui jus Quiritium tractant, quod *Plinius* in *Panegyri. Cap. 38* scribit: *Vim legemque naturæ semper in ditione parentum esse liberos jubere.* Singulare enim id jus fuisse Civium Romanorum, quod nulla alia gens habuerit, *l. 3 de his, qui sui.* Sed, ex *Ottonis* judicio, *Plinius* voce ditionis intelligit speciem imperii, quæ magis sit autoritas, quam potestas & ἐξουσία, quod conductis probatæ fidei Autoribus late copioseque confirmat. De ceteris, qui hanc Syllogen constituunt, Scriptoribus, cum jam olim sententiam abunde dixerimus, nihil proferre attinet, sed paucis ad *Totum tertium* pedem promovemus; in cujus fronte comparent *Jacobi Gothofredi* Quatuor fontes Juris Civilis, nobile & perenne felicissimi ingenii *Gothofrediani* monumentum. Et quis est vel leviter imbutus a literis, qui ignoret *Gothofredum*, & immortalia ejus in literas elegantiores, & masculam præcipue Jurisprudentiam, merita? cujus incredibili beneficio magis pulchram atque decoram faciem nacta est illa, & ornator, splendidior, emendatior, magnificentior exstitit. Neque repertus est quisquam, qui loco suo movere ausus fuisset illas, quas ex amplissima vastæ eruditionis diffusæque lectionis suppellectile, ad melioris Jurisprudentiæ incrementum, protulerat, sententias, præter *Ill. Bynckersbeckium*, & *Cl. Ottonem*, qui quasi nati factique esse videntur ad id, ut meritissimæ *Gothofredi* laudi conjecturis suis detrahant, & errores le-
22.
vissi

vissimos ipsi exprobrando, laureolam studiose affectent. Luculenta hujus rei vestigia reperies in elaboratissima hujus Tomi Præfatione, in qua propositum sibi habuit Cl. Editor, recalci-
trare *Gothofredo*, & divortium facere a sententiis ejus, sive bene, sive male, prolatis. Fatemur ingenue, hominem fuisse *Gothofredum*, errasse nonnunquam, & in illa Critices parte, quæ emendandis Autoribus occupatur, plerumque infelicitè esse versatum. Id tamen vix tolerari poterit, omnem occasionem te quærere avide, ut officias Viri summi gloriæ, eundemque de principe, quem, suffragantibus applaudentibusque supremæ cavæ JCtis, meruerat, loco deturbes atque dejicias. Decem Capitibus de Legibus XII Tabularum, de earundem dotibus atque nãvis, de Decemvirosum æquitatè & prudentia, sigillatim disputaverat Cl. Editor, quibus in hac repetitæ prælectionis Editione duo de novo adjecit, primum nimirum & octavum Caput, in quibus tum ea, quæ ad Historiam duodecim Tabularum pertinent, persequitur, tum præcipua harum Legum capita pererudite illustrat. Sed adeo breviter strictimque, ut, si quædam in medium asserre vellemus, integra *Ottonis* verba nobis adscribenda essent. Nec est, quod aliquid, post ea, quæ olim diximus, moneamus de reliquis hujus Tomi Autoribus; sed potius læti, & portum jam anhelantes, ad quartum incomparabilis hujus Collectionis Tomum nos convertimus. Singularis *Muresi* opinio est, quando, legem Regiam ab *Ulpiano* in l. 1. de const. princ. eam vocari existimat, quam *L. Flaccus*, Interrex, tulit de *Sulla*, Dictatore perpetuo, qua ei summam plane & regiam potestatem permisit, ut omnia, quæcunque fecisset ille, rata essent. Renovatam eam postea esse in *C. Julio Casare*, cum Dictator perpetuus fieret, deinde in *Augusto*, & sequentibus, cum Imperatores perpetui crearentur, donec, extincta Senatus ac populi autoritate, sine illo instrumento Princeps posset omnia. Cl. *Otto Jo. Frid. Gronovii* sententiam amplectitur, qui legem Regiam fuisse dicit instrumentum Imperii, quod sub *Augusto* natum, & sub singulis Principibus deinde repetitum auctumque sit, donec illud, firmata magis Principum potestate, & odio Regii

Pag. 7 seq.

nomi-

nominis cessante, sub *Antoninis* Lex Regia palam appellaretur. Quam opinionem tum aliorum Scriptorum, tum novo, & ante ipsum nemini viso, *Dionis Cassii* loco comprobat Cl. *Otto*, illumque contra acerbam & immitem *Gravii* censuram, qui *Dionem*, quid sit legibus solvere, ignorasse, nimis confidenter atque audacter decernit, mascule tuetur. In *Theodori Marcelli Collectis & Interpretamentis Legis XII Tabularum* multa improbat Doctiss. *Otto* p. 257. Caput Legis Decemviralis ex *Ciceronis Philipp. II* Cap. 28 profert: *Illam suam suas res sibi habere jussit ex XII Tabulis, claves ademit, foras exegit*, quam lectionem etsi *Victorius*, *Muretus*, *Charondas*, *Hostomannus*, *Cujacius*, & *Contius*, probent, nihilominus. novum Caput de divortiis non videri propositum fuisse Lege XII Tabb. *Otto* noster arbitratur. Pag. 263 *Marcilius* conjicit, Decemviros de perpetua fœminarum tutela Caput tulisse, quia *Cicero* & *Livius* ad instituta majorum referunt, quod fœminis ne privatam quidem rem agere sine autore licuit, propter sexus imbecillitatem, & rerum forensium ignorantiam. Cl. *Otto* tempora illa majorum sub Regibus quærit, quorum complura instituta deinde, mutata Reipublicæ forma, in mores abierunt, licet in Leges XII Tabb. non essent relata; qua occasione vexatæ & obscuræ legi 9 de *L. Pomp. de Parricid.* lucem affundit clarissimam. Quando *Marcilius* p. 301 ex lege Decemvirali mutuatiuiam esse censet legem apud *Ciceronem Lib. II de LL. Perjurii pena divina exitium, humana dedecus esto*, quia idem *Tullius Lib. III de Off. Cap. 31* ait, leges in XII Tabb. indicare, majores nullum vinculum ad adstringendam fidem jurejurando arctius esse voluisse; *Otto* noster illius natales ex moribus populi Romani sapienter ingenioseque repetit. Plura non addimus, propterea quod unicuique ex luculentis hisce, quæ dedimus, speciminibus facile patet, quam præclare munere suo denuo defunctus sit Cl. *Otto*, & quam singularem gratiam inierit ab harum literarum studiosis. Nos vere atque ex animo gratulamur Ampliss. *Ottoni* decus illud, quod indefessa industria, & elegantissimis ornatissimisque Præstationibus sibi peperit, eundemque per publica commoda ro-

Pag. 10.

11.

12.

14.

gamus, obtestamurque, ut quintum præstantissimæ hujus Collectionis, cujus spem nobis fecit lætissimam, Tomum in lucem conspectumque omnium propediem proferat, & novo hoc & insigni beneficio sibi mirifice obstringat masculæ elegantioris-que Jurisprudentiæ cultores.

SACROSANCTA CONCILIA, AD REGIAM
Editionem exacta, quæ olim quarta parte prodiit au-
thor studio PHILIPPI LABBEI & GABR.
COSSARTII, Soc. Jesu Presbyterorum, nunc ve-
ro, integre insertis STEPHANI BALUZII &
JOANNIS HARDUINI Additamentis; plurimis
præterea undecunque conquestis Monumentis, Notis in-
super ac Observationibus, firmiori fundamento Concilio-
rum epochas præcipue fulcientibus, longe locupletior &
emendatior exhibetur, curante NICOLAO COLE-
TI, Ecclesiæ S. Moysis Venetiarum Sacer-
dote Alumno.

Tomus XIV, XV, XVI, XVII, XVIII,
XIX, XX, & XXI.

Venetis, apud Sebastianum Coleti & Jo. Baptistam Albrizzi,
 Hieron. Fil. fol.

Tomus XIV ab A. MCCXLIII ad A. MCCCX, 1731.
 Alph. 8 pl. 8.

Tomus XV ab A. MCCCXI ad A. MCCCCXIII, 1731.
 Alph. 7 pl. 22.

Tomus XVI ab A. MCCCCXIV ad A. MCCCCXVIII, 1731.
 Alph. 8 pl. 1.

Tomus XVII ab A. MCCCCXIX ad A. MCCCCXXXIX, 1731.
 Alph. 7 pl. 21.

Tomus XVIII ab A. MCCCCXXXVIII ad A. MCCCCXXXIX,
 1732, Alph. 8 pl. 5.

Tomus XIX ab A. MCCCCXXXVIII ad A. MDXLIX, 1732.
 Alph. 7 pl. 22.

Tomus

Tomus XX ab A. MDXLV ad A. MDLXV, 1733.

Alph. 8 pl. 2.

Tomus XXI ab A. MDLXV ad A. MDCCXXVII, 1733.

Alph. 10 pl. 13.

Cum inter Tomos horum Conciliorum nuper recensitos ultimus fuerit XIII, ordo omnino postulat, ut nunc fiat a XIV initium. Ab eo igitur incepturi, reliquos, qui prodierunt, omnes conjungemus, atque adeo totius Operis præstantissimi recensitionem tandem absolvemus.

Tomus XIV ad A. 1244 ex *Aguirre* sufficitur Concilium Tar- Pag. 37.
raconense præfide *Petro Albalatio*, Archi-Episcopo, hoc ipso
anno celebratum; ex quo pariter refertur ad A. 1246 Concilium 107.
Ilerdense, eodem præfide celebratum. A. 1247 memoratur 109.
Concilium Colonienſe, pro electione Imperatoris agitatum.
A. 1249 ex *Hansizio* affertur Concilium Muldorſenſe, a *Philip-* 121.
po, Archi-Episcopo Salisburgensi, celebratum. A. 1250 & 1251 123.
interjicitur Concilium Eboracenſe, de ornamentis Eccleſiæ a
Waltero Gray incerto anno celebratum, quemadmodum il-
lud ex MSto Codice Bibliothecæ *Cotton*. ediderat Collector
Anglicanus. A. 1255 leguntur Constitutiones Synodales Va- 209.
lentinæ Diœceſis ſub *Andrea de Allalato*, Episcopo Valentino,
primum ab *Aguirre* editæ. A. 1260 narratur Synodus Cy- 249.
pria ſub *Germano*, Amathuntis Episcopo, & ſummo Græco-
rum in Inſula Cyprio Antiſtite, ab *Allatio* laudata. A. 1267 ex 371.
Martene Statuta dudum edita per bonæ memoriæ D. *Jaco-*
bum, Ebredunenſis Eccleſiæ quondam Archi-Episcopum, &
ceteros Archi-Episcopos Comitatus Provinciæ, quæ inter alia,
voluerunt & præceperunt infra ſuam civitatem Dignienſem
& Diœceſin ab omnibus obſervari, ſufficiuntur. A. 1268 nunc 375.
primum Statuta Synodalia Claromontenſis Eccleſiæ ſub *Gui-*
done de Turre, Episcopo Claromontenſi, ex vetuſto Codice
MSto Bibliothecæ Collegii Pariſienſis Societatis Jeſu, qui Co-
dex, ex ſententia peritorum ejusdem, atque hæc ipſa Synodus,
ætatis eſt, in lucem eduntur. A. 1268 Concilium Londinenſe, 401 ſeq.
ab *Oſhebono*, Card. Sedis Apoſtol. Legato, celebratum, reſtitui-

- Pag. 444. tur, quod perperam A. 1269 Parisiensis Continuator, Collector
 675. vero Anglicanus A. 1248. attribuit, docente id in nota ad hoc
 Concilium *Gabr. Cossartio*. A. 1279. affertur ex *Lunigii Spicleg.*
 793. *Eccles.* Synodus Vratislaviensis a *Thoma*, Vratislaviensi Episco-
 po, celebrata. A. 1284 ex *Hansfizio* adducitur Synodus Pata-
 896. viensis, a *Godefrido*, Episcopo, in Monachos quosdam Alta-
 897. henfes, celebrata. A. 1286 ex *Martene* Concilio Bituricensi non
 1107. addenda solum, verum etiam ejusdam Statuta contra exemptos
 1185 seq. subjiuntur. A. 1287 sufficiuntur Constitutiones Domini *Cæ-*
lestini, Legati in Lombardia, quibus præmissa est brevis Obser-
 vatio *Ludovici Antonii Muratorii*. A. 1290 nunc primum
 affertur ex amplissima Bibliotheca Illustrissimi Archi-Episcopi
 Reimorum Coadjutoris, *Mauritii Tellerii*, Concilium Nugaro-
 liense, ab Aufcitanæ Provinciæ Episcopis, præside *Amano de*
Armaniaco hujus nominis secundo, hoc ipso anno celebratum,
 1192. cui adjecta est Observatio *Gabr. Cossartii*. A. 1294 Concili-
 1211. um Salmurienfe, jam editum in metropoli Turonensi, & ite-
 1247. rum collatum cum MStis, exhibetur. A. 1296 legitur ex *Ugel-*
li Italia sacra Concilium Gradense, in quo plura tum ad di-
 sciplinam Ecclesiasticam, tum ad divinorum officiorum ritus
 & Clerici mores pertinentia, sancita sunt, & Synodus Torcella-
 na, in qua prædicti Gradensis Concilii Constitutiones promul-
 1419. gatæ sunt. A. 1310 refertur Concilium Trevirense ex tribus
 MStis Codicibus, uno Ecclesiæ Metensis, altero Collegii So-
 cietatis Jesu Metensis, & tertio Conventus Cœlestinorum Me-
 tensis.
 III. Tomo XV. A. 1312 duplex ex *Aguirre* inemoratur Concilium,
 113. alterum Tarraconense, præside *Guilermo*, Archi-Episcopo in
 causa Templariorum, alterum Salmaticense, præside Archi-
 Episcopo Compostellano celebratum, quibus ad A. 1313 subjun-
 gitur Concilium apud B. Mariam de Prato, quod ex duplici
 211. MSto *Bigotiano* primum edidit *P. Bessin*. A. 1320 traduntur
 Acta Concilii Adanensis Armeni, jussu *Constantini*, Patriarchæ,
 & *Oscini*, Regis Armeniæ, propter unionem Ecclesiæ Armenæ
 273. cum Romapæ celebrati. A. 1323 habetur Concilium Parien-
 se, a *Guillelmo de Meloduno*, Senonensi Archi-Episcopo, & suf-
 fraga-

fraganeis pro Jurisdictione Ecclesiastica & disciplina celebra-
tum, ex Codice MSto Victorino antea a *Ludov. Bail* editum,
nunc denuo cum MSto collatum. A. 1326 ex Synodalibus Remensis Ecclesie MStis affertur Concilium Silvanense, a *Guillelmo de Bria*, Archi-Episcopo Remensi, & ejusdem Provincie Coepiscopis, celebratum. A. 1327 ex MStis duobus Collegii Parisiensis Societatis Jesu nunc primum editum habetur Concilium Rosiacense, ab *Arnaldo*, Burdegalensi Archi-Episcopo, cum suffraganeis hoc ipso anno die Mercurii post Festum B. Hilarii hiemalis celebratum. A. 1336 Concilium apud castrum Gonterii a *Petro*, Turonensi Archi-Episcopo, & suffraganeis, actum iterum ex MSto Collegii Paris. Soc. Jesu affertur. Inter A. 1336 & 1337 legitur Concilium Avenionense, a trium Provinciarum Episcopis in Monasterio S. Rufi celebratum, nunc primum editum ex MSto Codice Ill. Archi-Episcopi Remensis Coadjutoris, *Mauritii Tellerii*. A. 1363 refertur Concilium Andegavense, a *Simone*, Turonensi Archi-Episcopo, cum suffraganeis celebratum, ex metropoli Turonensi & MSto Viri Cl. *Agid. Menagii*. A. 1368 Concilium Vaurense, a trium Provinciarum Episcopis celebratum, ex Codice MSto Illustriss. *Franc. Bosqueti*, Montpelienfis Episcopi, editum, reperitur. A. 1398 sistuntur Acta tertii Concilii Regis & Ecclesie Gallicane, Parisiis celebrati, in quo decreta subtractio obedientie *Benedicto XIII*, quemadmodum illa edidit *Cbasteret* ex MSto Victorino. A. 1409 Concilio Aquilejensi in Austria, pro tollendo Schismate per *Gregorium XII*, Papam, celebrato, adjiciuntur Animadversiones *F. Jo. Franc. Bernardi Mariae de Rubei*, Ordinis Prædicatorum. A. 1410 ex *Aguirre* repetitur Concilium Salmaticense, & A. 1412 ex eodem Concilium Hispalense, præside Patriarcha Ecclesie Hispalensis Administratore, coactum. In Appendice ad hunc Tomum invenitur duplex Concilium Beneventanum, quorum alterum habitum est A. 1331 a *Monaldo*, Archi-Episcopo, alterum vero A. 1378 ab *Hugone II Guidardo*, Archi-Episcopo, utrumque ex Card. *Ursini Synodic. Benevent.* arcessitum.

Pag. 333.

41.

499.

511.

791.

833.

1003.

1103.

1110.

1379.

1387.

1423.

- Pag. 9. *Tomo XVI* continetur celeberrimum Concilium Constantiense, ita suppletum, ut nulla facile sit ejus sessio, cui non accessio quædam facta sit. Nec ei solum præmittitur Præfatio ex prima Editione, *Hagenoæ* A. 1500 facta, sed etiam Scheda quædam ex MSto Vindobonensi, quæ *Joanni XXIII.* Pontifici, in generali Congregatione, die Jovis 14 Novembr. A. 1514 eodem Papa præside habita, proximo die ante sessionem publicam fuit proposita. Sessioni I accesserunt ex MSto Vindobonensi de duobus Pontificibus, *Gregorio XI.* & *Benedicto XIII.*, blande invitandis ad spontaneam cessionem Scheda, præsentata per *Petrum de Alliaco*, Cardinalem Cameracensem, Cardinalibus, deinde *Joanni XXIII.* Papæ, in generali Congregatione, conclusiones Cardinalis Cameracensis cum quibusdam Additionibus, & declaratio in principio proposita, absentiam duorum Pontificum, *Gregorii* & *Benedicti*, non obstare Tractatibus Concilii, Legatosque eorum ad Concilium esse admittendos, ac in eo audiendos a Cæsare, Scheda, oblata per Legatos pro *Gregorio XII* Papatu abituro, Scheda de cessione oblata *Joanni*, Papæ, per Concilium, & Avilamenta denique, oblata in natione Germanica in Constantiensi Concilio, quando fuit via cessionis contententium omnium de Papatu tractata. Sessio II aucta est nonnullis ex MSto Victorino, quibus continentur petita Concilii, & ad ea Responsiones d. 16 Martii factæ per os Papæ, & prius per os D. Cardinalis Florentini in palatio Apostolico, & Epistolis *Joannis*, Papæ, tum ad *Sigismundum*, tum ad Regem Franciæ, ex MSto Vindobonensi. Sessioni III addita quædam sunt ex MStis duobus D. 64 seq. *a Schelstrate*; Sessioni IV ex Codice MSto Lipsiensi, ex 69 seq. MStis D. *a Schelstrate*; Sessioni V iterum ex MStis D. *a Schelstrate*, & ex MSto Brunsvicensi. Sessioni VI accessit ex 86. MSto Brunsvicensi Epistola Academix Parisiensis ad *Sigismundum*, Cæsarem, in Concilio existentem, & Epistola Legatorum 100. Universitatis Parisiensis, Constantiæ existentium, ad *Carolus VI.*, Regem Francorum, & quædam ex MSto Victorino. 101. Sessio VII aucta est nonnullis ex MSto Brunsvicensi, & ex 104 seq. MStis quatuor D. *a Schelstrate*. Sessio VIII quibusdam ex MSto

MSto Victorino. Sessioni IX adjecta est ex MSto Brunsvicensi Epistola Universitatis Parisiensis ad Cæsarem *Sigismundum*; Sessioni X ex MStis quatuor *D. a Schelstrate* quædam; Sessioni XI ex MSto Victorino nonnulla, ex quo etiam aucta est Sess. XIII. Sessioni XVII addita est ex MSto Codice Helmsladienſi Epistola Concilii ad Bohemos, & ex eodem Sessioni XVIII accessit Epistola Concilii Constantiensis ad *Sigismundum*, Cæsarem, de rebus Hussitarum, & ex MSto Cæsareo de salvo conductu *Huffonis*; Sessioni XX ex duobus MStis *D. a Schelstrate* Epistola *Francisci*, Narbonensis Episcopi, ad quinque Cardinales de unione inita cum obedientia *Benedicti XIII*, & ex MSto Cæsareo libellus novem assertionum *Joannis Parvi*; Sessioni XXI ex MSto Cæsareo Vindobonensi Dorr. circa hoc tempus in Concilio explicata quæstio, quid fuerit realis obedientia *Gregorii XII*, Papæ; Sessioni XXXVIII protestatio Cardinalium contra reformationem, electioni Pontificis præmittendam, d. 9 Sept. A. 1717 edita a *D. a Schelstrate* ex MStis Romanis; Sessioni XLII quædam ex MSto Brunsvicensi accesserunt; Sessioni XLIII ex MSto Parisiensi Bibliothecæ *S. Victoris* copia certarum Constitutionum, in Concilio generali Constantiensis factarum, quæ fuerunt præsentatæ in Curia Parlamenti Regii Parisiensis per Dominum *Martinum*, Episcopum Atrebatensem, A. 1418 d. 10 Junii, sed non acceptatæ per eandem curiam. Ipsi Concilio generali Constantiensis subjicitur Appendix, ubi, quæ suis locis supra inserta non sunt, exhibentur.

Tomo XVII A. 1415 sufficitur ex *Bollando* Concilium Novagradense in Lituania, in quo *Phociej*, Metropolita Kijovienſium, depositus est. A. 1416 quædam dubia proposita in Comitibus Ecclesiasticis Provinciæ Tolosanæ circa quædam puncta, tractata in Concilio Cleri Gallicani, Parisiis hoc anno habito, afferuntur ex *Martene*. A. 1422 ex *Bessin* in memoratur Concilium Provinciale, apud Vernonium exeunte Januario, vel ineunte Febuario, A. 1422 de mandato Regis celebratum, ad deputandum ad Concilium Papiense, Senas postmodum translatum. A. 1430 ex *Martene* repetitur Concilium Narbonense, hoc ipso anno

Pag. 136.
145.
206 seq.
221.
280 seq.
286.
291.
330.
392.
464 seq.
690.
717.
729 seq.
793 seq.
II.
15.
83.
189 seq.

- Pag. 277 seq. anno habitum. A. 1431 incipit Concilium Basiliense œcumenicum, sub *Eugenio IV* celebratum, cujus quidem Sessionibus ipsis hic accessit novi nihil, in Appendice tamen nova, eaque altera, non spernenda leguntur additamenta, quæ in *Labbeana* Editione frustra quæsieris. Nam ibi ex *Martene* afferuntur Oratio *Philippi*, Archi-Episcopi Turonensis, habita in Concilio Basileensi; literæ Synodi Basileensis ad *Joannem*, Abbatem Bonævallis, apud Ruthenos; Bulla *Eugenii IV*, lecta in Congregatione generali d. 17 Sept. A. 1434; litera Regis Aragonum, missa in Concilio, lectaque in Congregatione generali die Veneris; Epistola *Henrici*, Anglorum Regis, ad Concilium Basileense; Oratio Reverendi in Christo Patris, D. *Ambrōsii*, Generalis Ordinis Camaldulensis, in Concilio Basileensi habita d. 7 Cal. Septembris, cum ab *Eugenio IV*, Rom. Pontif. ad Concilium missus esset Orator A. 1435, nunc primum eruta ex Codice MSto num. 55 Bibliothecæ præstantissimi Viri, *Jo. Baptista Recanati*, Veneti Patricii; Exhortatio Cardinalis Salinensis Legati, qui fuit *Jordanus Urfinus Romanus*, eruta ex MSto Bibliothecæ Augustinianorum Patavii per Fratrem, *Sylvestrum Meranum*, nunc primum typis vulgata munere laudati modo *Recanati*; Epistola Concilii ad *Joannem*, Episcopum Salzburgensem, ex *Hansizio*; Oratio præambula Responsionibus Deputatorum, sive hujus Concilii ad Articulos Bohemorum per Dominum Abbatem Cisterciensem ex *Hommey Supplem. Patrum*. A. 1438 exhibetur Synodicon Venetum *S. Laurentii Justiniani*, Proto-Patriarchæ Veneti, jussu ex vetustis prædecessorum ejus & Patriarcharum Gradenſium Constitutionibus A. 1438 confarcinatum, quo ipso Tomus hic concluditur.

- Tomus XVIII* complectitur Historiam & Acta generalis Florentinæ Synodi omnia, nec huic Editioni hoc in Tomo quidquam accessit præter Græcorum Confessionem de verbis consecrationis & transubstantiatione, a *Bessarione* expositam in Concilio Florentino, ex *Mabillonio* repetitam, cujus accedunt in illam Observationes.

21. *Tomus XIX* hæc maxime accessere, in aliis non obvia. A. 1440 Concilium Aschaffenburgense a *Theodorico*, Archi-Episcopo Mogun-

Moguntino, hoc anno, mense Augusto, celebratum, ex *Schmidii Diff. de Conciliis Moguntinis*. A. 1451 Concilium Moguntinum ex *Lunigio*. A. 1456 Concilium Salisburgense, a *Sigismundo*, Archi-Episcopo, hoc anno celebratum, ex *Hansfizio*, cui præmittuntur conquestiones variz, postulationes, interrogationes, informationes, a Diccæfibus Salisburgensis Provinciæ Concilio prohibitz, ad Acta ejusdem Concilii quodammodo exhibenda. A. 1457 Concilium Avenionense a *Petro Albanensi*, & *Alano S. Prædixis*, Cardinalibus, Apostolicæ Sedis Legatis, celebratum, ex *Martene*. E quo etiam adducuntur antiqua Statuta Synodalia Ecclesiæ Aduensis A. 1467. A. 1470 Concilium Beneventanum, d. 24 Aug. a *Corrado Capycio*, Archi-Episcopo, habitum sufficitur, quemadmodum illud ex exemplari, in Archivo metropolitano asservato, edidit Card. *Ursinus* in *Synodico Beneventano*. A. 1473 Concilium Madritense, præfide D. *Roderico de Borgia*, Cardin. Legato, celebratum, ex *Aguirre* refertur. A. 1489 Concilium Magdeburgense ab *Alberto*, Archi-Episcopo, celebratum, in quo etiam Provincialia prædecessorum suorum Statuta reformat, ex *Lunigio* habetur, & ex eodem A. 1490 Concilium Salisburgense, ab *Henrico*, Archi-Episcopo, celebratum. A. 1509 Concilium Avenionense ex *Martene*. A. 1511 Convocatio Conciliabuli Pisani, tam per Cardinales schismaticos, quam nomine *Maximiliani*, Imperatoris, & *Ludovici*, Galliarum Regis, edita, memoratur. A. 1512 Concilium Hispalense, præfide Archi-Episcopo, D. *Didaco Deza*, celebratum, ex *Aguirre*. Literæ Maronitarum ad *Leonem X*, ex Bibliotheca *Latini Latini* Viterbii, in Ecclesia Cathedrali a *Dominico Magno*, Melitenfi, Roma transmissæ. A. 1522 Concilium Rotomagense, a *Georgio II*, cum suffraganeis, celebratum, ex *Bessin* offertur. A. 1527 ex *Martine* repetitur Concilium Lugdunense, celebratum ad imponendum subsidium pro liberandis regiis liberis, ab Imperatoræ detentis, ad reprimendam hæresin *Lutheranam*, & reformandos Cleri mores. A. 1528 Concilium Bituricense Provinciale, præfide *Francisco Turnonio*, Archi-Episcopo, d. 21 Mart. in quadagesima adversus dogma *Lutheri* ejusque sequacium.

Pag. 113.

163.

183 seq.

287.

367.

381.

433.

495.

539.

563.

565.

579.

1003.

1071.

1095 seq.

1146.

ad reformationem morum, nec non pro decimarum solutio-
ne, habitum, sufficitur, ex veteribus chartis, pæne situ obfistis, de-
scriptum.

- Tomi XX* maximam partem efficit Tridentinum Concilium
Oecumenicum, quod ex Editione Lovanienſi repetitum hic
exhibetur. Accedit vero Appendix, ea continens, quæ nec in
hac ipſa Editione, nec in Collectione Puteanorum fratrum,
exſtant, *Pauli III*, Papæ, Bullam, quæ ſupplicationes, ſeu proceſ-
ſiones, pro celebratione Concilii indicit, ad jejunia adhortatur,
ac plenariam indulgentiam largitur: ejusdem Epistolam tam
ad Episcopos & Abbates aliquot Helvetiæ, quæ monet, ne diu-
tius differant proficiſci ad Concilium, quam ad Helvetios, quæ
hortatur, ut religionem retineant, & promovendo Concilio al-
laborent; concionem R. P. Fratris *Bartholomei Carranza de*
Miranda, Hiſpani, Ordinis Prædicatorum, habitam ad Syno-
dum Tridentinam prima a Dominica Quadrageſima A. 1546:
Orationem *Alphonſi Salmeronis*, Theologi de Societate Jeſu,
in Concilio Tridentino die feſtivitatis Divi *Joannis*, Evange-
liſtæ, A. 1546 habitam: Orationem ad idem Concilium *Joan-
nis Baptiſta Campeſii*, Bononiensis, Majoricenſium Episcop-
i, de religione tuenda: Orationem *Ludovici Majorani*, Gravi-
natis, Canonici Ordinis Lateranenſis, de optimo Reipublicæ
ſtatu, ad Patres in Concilio Tridentino miſſam, una cum ejus-
dem Epistola, qua hanc Orationem *Herculi Gonzaga*, Concilii
Tridentini Præſidi, nuncupavit, & Gonzagæ reſponſione ad il-
lam: Apologiam indiſtionis Concilii Tridentini, factæ a *Pio*
IV, Pontifice, adverſus *Joannem Fabricium Montanum*, Auto-
re *Gaſparo Cardillo Villalpando*, Hiſpano Segobienſe, Docto-
re Theologo: Orationem Fr. *Antonii Pagani*, Veneti, Mi-
nor. Obſervant. ad Tridentini Concilii Patres pro Eccleſiæ re-
formatione: Orationem *Jacobi Ferrauſii*, Valentini Docto-
ris Theologi, in feſto aſſumptionis ſacræ Dei genitricis *Mariæ*
ad Patres in hoc Concilio habitam. Habentur tamen in hoc
quoque Tomo nonnulla, huc nunc primum relata. Sic A.
1557 ſufficitur Concilium Viennenſe ex *Martene*. Eadem ra-
tione adduntur Orationes in Concilio Cameracenſi ad Patres
habitæ,

habitz, quæ in Editione Parisiensi *Ludovici Odespuni*, Turonensis, desiderantur, e. g. Oratio per *Franciscum Ricardotum*, Episcopum Atrebatensem, per *Rogerum Varlerium*, Sacræ Theologiz Doctorem, per *Joannem Carbenium*, Carmelitam, Theologiz Professore, per *Matthæum Galenum Vestcappelium* habita. Pag. 1456.
1468.
1474.

Tomo XXI quæ præcipue memorari merentur, sequentia ferre sunt. A. 1570 affertur ex *Harduino Gregorii III*, Papæ, Bulla contra propositiones *Michaelis Baji*. A. 1581 exhibentur Decreta Synodi Provincialis, habitæ Rothomagi sub *Carolo*, Cardinale Borbonio, civitatis Avenionensis & S. R. E. de latere Legato, Archi-Episcopo Rothomagensi, Primate Normaniz. A. 1582 Synodus Memphitica ex *Tomo II* Apparatus sacri ad Bibliothecam selectam *Antonii Possévini*, atque ex Annalibus Ecclesiasticis *Henrici Spondani*, refertur. A. 1583 Decreta Synodi Provincialis Turonensis, partim Turoni mense Majo, partim Andegavi mense Septembri, hoc anno habitæ, a sede Apostolica correctæ & approbata, adducuntur. A. 1585 celebratum Mexici Concilium præsidente *Petro Moya de Contreras*, Archi-Episcopo Mexicano, Romæ confirmatum d. 27 Octobris A. 1589, narratur. A. 1590 legitur Concilium Provinciale Tolosanum, quod *Franciscus de Jeyosa*, S. R. E. tituli Sanctissimæ Trinitatis in monte Pincio Presbyter Cardinalis, habuit. A. 1599 Diamperienſe Concilium Provinciale, ab Archi-Episcopo Goensi in oppido Diamper, quod est in Asia prope civitatem, quæ dicitur Sancti Thomæ, habitum, recensetur. A. 1624 Concilium Provinciale Burdigalense, a *Francisco*, Cardinale de Sourdis, Archi-Episcopo Burdigalensi, Aquitaniz Primate, mense hujus anni Septembri habitum, refertur. A. 1642 Concilium Constantinopolitanum hoc ipso anno contra *Calvini* dogmata Græce & Latine reperitur. A. 1672 Synodus Hierosolymitana, sub Patriarcha *Dositheo* adversus Calvinistas celebrata, Græce iterum & Latine exhibetur. Universæ huic Collectioni splendidissimæ colophonem imponit Concilium Provinciale, Ebredui mensibus Augusto & Septembri A. 1727 habitum. 610.
617.

681.
805.
1015.

1269.
1427.
1539.

1629.
1657.
1909.

Johann Heinrichs von Falckenstein Nordgauische Al-
terthümer 1c.

h. e.

JO. HENR. A FALCKENSTEIN ANTIQUI-
tates Nordgavienses, in quibus de vera Episcopatus
Aureatensis facie exponitur.

Tomus II.

Frankofurti & Lipsiæ, apud Jo. Georg. Lochnerum, 1733, fol.
Alph. 5 pl. 10.

Pag. 4.

5 - 8.

9 - 18.

18 - 285.

Aggredimur nunc alterum *Falckensteiniani* Operis Tomum, in quo veram Episcopatus Aureatensis faciem scite atque eleganter delineat atque repræsentat Autor. *Sex Capita* hunc Tomum constituunt. *Caput I de Capitulo Aichstättiensis Ecclesie Cathedralis, & Principum, Comitum, Baronum, & Nobilium, qui locum aliquem inter Canonicos obtinere possunt, familiis, præcipit.* Varia hic affert Ill. Autor de voce Capituli, Canonicorum, Præpositorum, cetera. Inter alia, Canonicos olim *Gottesjunker*n vocatos fuisse, observat. Longa & operosa probatione gentilitæ nobilitatis defungi debent, qui ad Canonicatum Templi Cathedralis Aichstättiensis adspirant. Non solum enim sedecim majorum, qui nullo vago & illicito concubitu sese contaminarunt, & intra decimum gradum Juris Civilis neque cives fuerunt, neque civitatis jus exercuerunt, imagines ostendere, verum etiam quatuor vetusta progenie nobiles hoc sacra jurisjurandi religione confirmare debent. Jucundum erit antiquitatum patronis legere nomina & monumenta sepulchralia Præpositorum, Decanorum, Scholasticorum, Cantorum, Custodum, Cellariorum, & Canonicorum hodiernorum, quorum memoriam ex mediis vetustatis parietinis eruit *Falckensteinius*. Inprimis Genealogiam familiarum, quæ Canonicatum Aichstättiensium capaces sunt, laudabili industria confecit, & summa, quam adhibuit, accurratione Antecessores suos longissime superavit. De *Rixmro*, celebri il-

lo torneamentorum Scriptore, annotat, & illos fallere, qui omnem plane fidem ipsi abjudicant, & inter nugatores doctosque impostores referunt, & illos suaviter errare, qui nimium tribuunt ipsi, ejusque dicta, tanquam divina oracula, venerantur. Mediam itaque opinionem amplectitur, & non plano contempndum esse *Rixnerum*, sed non temere credendum esse illius assertis statuit, & hunc canonem ponit: Quamcunque familiam, cujus *Rixnerus* meminit, fundatam habere intentionem, usque dum aliquis contrarium probet, & eandem illo, quo *Rixnerus* librum suum edidit, tempore nondum existisse, solide evincat. *Albrechtum de Eib Margaritam Poeticam, librum de re uxoria, de mortis preparatione, & Epistolarum*, posteritati reliquisse, commemorat. *Georgius de Gemmingen*, vir in sacris & elegantioribus literis mirifice doctus, Doctor & Professor Juris utriusque, Philosophus & Rhetor clarissimus fuit, atque, conscriptis *Orationibus de machinis bellicis, de ratione duelli, de cura militum, & Annotatiunculis pro Confessoribus*, quæ Opera *Eucharius Hennerus* Spira typis imprimenda curavit, insignem nominis famam sibi peperit. Quantum poesi valuerit, versus, quibus *Jacobi Wimpbelingii Elegiacum de immaculata conceptione B. M. Virginis* assensione sua comprobatur, luculenter testantur, quos in Lectorum gratiam apponere haud pigrabimur:

*Qui cecinit Christi genitam sine crimine Matrem,
Illius in labiis mella fuisse putet.*

Ut numeris cunctos, ita vincit carmine vates,

Qui procul a vitio Virginis ossa probat.

Ex eadem Gemmingensi prosapia prodiit *Julius Henricus de Gemmingen*, Orator eloquentissimus, & libro, cui titulus: *Fasciculus Myrrha & Aromatum, ex passione Domini collectus*, celebris. *Christophorus Franciscus de Hutten*, Episcopus Wurceburgensis, antiquissimos aliquos libros ex Bibliotheca Capituli Wurceburgici, quos rustici belli tempore majores abdiderant, ex latebris suis in lucem protraxit, & incredibili hoc beneficio doctos viros sibi immortaliter devinxit. Inter hos erant *Codex Theodosianus*, pulchre eleganterque scriptus, ipsi-

Pag. 109.

153.

222.

286-294.

295-317.

318-410.

321.

que Tusco Pandectarum volumini æquiparaendus, cujus collationem novis Codicis *Theodosiani* Editoribus minime negligendam esse arbitramur, *Ecclesiastes*, literis quadratis exaratus, *Pauli Epistola*, literis Longobardicis veteribus cursoriis, in quibus literarum initiales singularem plane figuram repræsentant, *Dialogi & Homilia Divi Gregorii*, *Liber Bedæ de temporibus*, cum marginalibus historicis; ejusdem *Martyrologium*, *Soliloquia Augustini*, *Juvenalis*, perbelle scriptus, & per plures alii Codices, raritate sua commendabiles. De *Jo. Egolpbo de Kneringen*, Episcopo Augustano, eum prudentia, singularique eloquentia & doctrina floruisse, libros nonnullos ex Latino in vernaculum idioma transfuisse, literas & literatos mirifico amore fovisse, Bibliothecam Ingolstadiensem condidisse, & in majus illius incrementum *Glareani* Bibliothecam suo ære redemptam illi donasse, observat. *Matthæus, Comes de Pappenheim*, *Chronicon Australe* apud *Freberum Tom. I Script. Mogunt.* & de origine familiz suæ Commentarium, composuit. Misera Seculo XVI Germaniz erat conditio, ubi potatores & helluones immane regnum exercebant. Permovit hoc *Joannem de Seckendorf*, ut filium *Casimirum* sese obligare cogeret, se intra proximos sex annos nulli neque plenos, 286-294. neque semiplenos, cantharos, velle præbire. *Caput II de Capitulis collegiatis Episcopatus Aureatensis* agit. *Caput III Decanatus rurales, in Episcopatus Aureatensis Diocesis sitos*, 295-317. sistit. *Caput IV Cænobia, Monachis & Virginibus sanctimonialibus alendis destinata*, complectitur. Inter doctas mulieres insignem locum meretur *Rilindis*, Abbatissa Monasterii Bergensis, quæ sæpe carmine lussit. Recitabimus versus, quos virgini vestali cænobii sui dicavit:

Vos, quos includit, frangit, gravat, attrahit, urit

Hic carcer mæstus, labor, exilium, dolor, æstus,

Me, lucem, requiem, patriam, medicamen & umbram,

Quarite, sperate, scitote, tenete, vocate,

Alio tempore sequentes versiculos composuit:

O pie grex, cui calica lex, est nulla doli sex:

Ipse Sion mons, ad patriam ponti, atque boni fons,

Qui

Qui via, qui lux, hic tibi sit dux, alma tegat crux.

Qui placidus ros, qui stabilis dos, virgineus flos,

Ille regat te, commiserans me, semper ubique.

Refert quoque Autor, Episcopum Aureatensem perpetuum Pag. 410.

Academix Ingolstadiensis esse Cancellarium. *Caput V Geographice* describit *Episcopatum Aureatensem*. In Bibliotheca Episcopali, quemadmodum docet Autor, inter alios Codices reperitur Codex Biblicus, figuris exornatus, & pergamenus, in quo Monachus Dominicanus conspicitur, qui aqua lustrali *Salomonis* templum inaugurat. Egregium & novum errorum a pictoribus commissorum exemplum! *Capite VI Vassallos Episcopatus Aureatenfis* breviter atque consule recenset, & simul universo Operi finem latissimum imponit, de quo, si *Delineationem* veteris Nordgaviz & Codicem Diplomaticum computaveris, nullum in tota Germania Episcopatum tam insigni curâ sollicitudineque elaboratum existare, præter Aureatensem, Ill. Autor vere gloriari potuit.

418.

VINDICIÆ ARBORIS GENEALOGICÆ AUGUSTÆ Gentis Carolino-Boicæ ab ipso Autore vindicatæ contra Satyram PALIGNESII, cum Appendice succincti Responsi ad Autorem OTTONIS FRISINGENSIS defensi.

Monachii, typis Mariz Magdalenz Riedlin, viduz, 1732, fol. Alph. 4.

Illustris Autor ante triennium, & quod excurrit, hodiernorum Bavariz Principum ab *Arnulfi*, Imperatoris, filio, *Arnulfo Malo*, derivationem vindicare aggressus est. Inde nactus adversarium *Palignesium*, qui non sine eruditionis apparatu demonstrandum putavit, familiam *Carolingicam* Ducum Bavariz in *Ludovico*, filio *Arnulfi*, Imperatoris, defecisse, hodiernæque conditorem esse *Luitpoldum*. Jam in eo est Ill. de *Wilhelm*, ut tot annorum laborumque partum suum, id est, Vindicias arboris suæ, vindicet, & falsitatis errorisque gravissimi in multis convincat *Palignesium*. Minimus more nostro alterius in alterum

27.

alterum dicacitatem, tunc etiam; cum modestiæ speciem induit, satis vehementem & acerbam, ea solum, quæ ad causam pertinent, attingentes. *Primis octo Capitis* negat Autor, noviter a se in gratiam Principum inventum hoc Schema Genealogicum, quippe quod jam dudum receptum, & ab Autoribus gravissimis fuerit approbatum, nempe a *Trithemio*, quem *Vindiciarum* suarum inter alios pæne antesignanum vocat; a *Cuspiniano*, a Chronicis Schirensibus, & ab *Onuphrio Panvino*. Singulorum in genere autoritatem contra *Palignesum* multis testimoniis probat, & de Chronicis Schirensibus ait, scripta esse A. 1283, quo superslites adhuc Duces Schirenses ignorare non potuerint, utrum a *Lutspoldo*, an ab *Arnulfo*, Imperatore, duxerint genus. Inde a *Cap. IX* regulas *Palignesii* de autoritate testimonii examinat. Primum ille autoritatis locum tribuerat cævis, præsentibus oculatisque testibus. Addit Noster: modo scripta eorum sint genuina, non interpolata, modo testes sint bonæ fidei, non creduli, non cupiditate aliqua permoti. *Palignesius*, quæcunque a recentioribus sine antiquiorum testimonio citraque eorum tam inter se, quam cum rerum natura & serie, consensum afferuntur, fide indigna & fabulosa esse, censuerat. Respondet Autor, ita eum evertere omnem recentiorum autoritatem, qui non semper sua firmare soleant antiquis testimoniis. Porro *Palignesii* regulam: *Traditio rei gesta tempore, cujus nullus exstat Scriptor, pro non facta vel incerta habenda*, Noster plane ex cerebro confictam pronuntiat, & contrariam opponit: *Traditio rei gesta tempore, cujus nullum certam habemus Scriptorem, si tamen post CC vel CCC annos graves Auctores, & unus saltem, aliis etiam refragantibus, rem ita factam asseveranter asserant, fidem omni jure meretur*. De loco *Reginonis*, quem primarium suæ sententiæ adduxit *Palignesius*, monetur, incertum esse, ubi finierit *Regino*, & quinam Continuatores, quonam tempore, locum adjoecerit. *Osso Frisingensis* in hac causa pro teste iniquo & suspecto habetur, & verba ejus: *ad tempus*, ita explicantur: defecit *ad tempus* gens Carolina in dignitate Imperatoria, non perpetuo in sua stirpe. Id quod jam in *Vindiciis*. Carpitur Defensio *Arndtæ*.

Pag. 43 seq.

Cap. 10.

II.

12, 13.

P. I p. 27.

Arenbeckii, & hujus occasione pluribus ostenditur, Hungaros ab initio Seculi X habuisse Reges. Castigator *Palignesius*, qui Genealogiam hanc spe prænii, aut per adulationem, in lucem protractam dixerat, simulque nova testimonia in rem suam cumulat Cl. Autor, nempe ex *Diesbelmi Zelleri* Vitis Imperatorum, & Regum, Tiguri A. 1558 editis, & quam latissime ex *Khevenbilleri* Annalibus. Porro Autor, testimonium Chronici Schirensis defensorum, has regulas suppeditat & firmat: 1) *Scriptores Seculi XIII, XIV & XV, plerumque in suis Genealogiis non docent gradum, sed tantum lineam successione, ideoque unam aut subinde plures personas intermedias transfiliunt; 2) Scriptores coevi & solertes saepe nepotes cum filiis, filios cum nepotibus, confundunt; 3) Tantum fidei Scriptoribus, etiam imperitis, adhibetur, quantum non gravantur suspitione falsitatis.* Quod ad tabulas Schirenses attinet, fatetur Autor, eas nonnihil posterioris ævi esse, ita tamen, ut rem ipsam, ex antiquioribus scriptis & traditionibus desumtam, coloribus sua ætate usitatis depictam exhibeant. Insignium usum in clypeis jam ante Sec. XI apud Germanos viguisse, ostendit variis argumentis. Inter alia probat, antiquissimos Germanos scuta coloribus distinxisse, ut gentem a gente, familiam a familia, discernere. Ergo memorari scuta nigra Ariorum, ergo familiarum & propinquitatum turinas & cuneos: scuta item iis fuisse jure quodam gentilitia, ex quo summx infamix & piaculi, scutum in prælio perdidisse. Ex Decreto electionis *Ludovici IV* in Regem Romanorum, quod Autor Vindiciis inseruit, verba: *de alto & generoso sanguine Divorum Regum natum*, intelligenda statuit, non ratione maternæ originis, sed quod *Ludovicus* certa omnium Principum opinione inter posteros *Caroli M.* referretur. Ceterum *Palignesius* traditionem de hoc stemmate cum iis comparaverat traditionibus, quæ olim fidem merebantur, nunc vero jam pridem explosæ sunt, e. g. de *Cyriaco* Pontifice, de Baptismo *Constantini M.* ejusque donatione, de Trojæ excidio, &c. Et, sicut ille copiosior iis in rebus fuerat, ita respondendum sibi accuratius ad singula putavit Ill. *de Wilhelm*, & totus est

Cap. 14. seq.

17.

18.

19.

Pag. 129.

Cap. 20.

P. II p. 130.

Cap. 21. in infirmenda hujus argumenti negativi efficacia. Hinc do-
22, 23, 24. natio *Constantini* videtur ei minimum corrupta & interpola-
25, 26. ta, non omnino falsa. Hinc Trojam vere excisam docet.
27, 28, 29. Hinc *Homeri* fidem defendit. Hinc verum situm Trojæ su-
31, 32, 33. sius demonstrat, aliasque *Palignesi* objectiones, ex Historiæ
dubiz momentis desumptas, refellit.

Quibus ita præmissis, incipit Ill. Autor progredi ad id,
in quo cardo rei vertitur, & confutare *Palignesi* argumenta
de Imperatoris *Arnulfi* filiis, *Arnulfo Malo*, & *Wernbero*, nullis.
33. Probat enim, potuisse eos existere, etiamsi nulla eorum habita sit
mentio in Conventu Forcheimensi, quia forte pater iis pro-
viderat jam antea in Conventu aliquo Procerum Bavarix, ra-

Conf. Vind. dione Provinciarum in Regno Orientali. Item fuisse eos ab
P. II p. 124. *Arnulfo* genitos, adhuc Duce, nondum Rege, ideoque in Con-
seq. ventu Forcheimensi non habitos legales & idoneos ad succes-
sionem regni, ubi spes erat accipiendi heredis regii ex altera
uxore, jam Regina. *Agnatem* fuisse uxorem legitimam *Ar-
nulfi*, sed non legalem, quod eam clanculum duxisset, ne sibi
hoc matrimonio, propter similitudines Francorum cum Græcis,
viam ad Imperium præcluderet. Eleganter docet, pro lege
olim a Proceribus Imperii tam Orientalis, quam Occidentis,
fuisse observatum, ut filii in purpura, patre, jam Rege, & ma-
tre Regina nati, jure successionis potiores haberentur illis, qui

Conf. Vind. ante regnum in lucem prodissent. Atque hanc ob causam
P. I p. 50. *Arnulfo Malo* & *Wernbero*, natu majoribus, prælatum fuisse
Ludovicum Parvulum. Denique *Palignesus* verum Ducat-
um *Luitpoldi* probaverat ex eo, quod æquales Scriptores te-
stentur, *Arnulfum*, Ducem, fuisse filium *Luitpoldi*, ejusque in

Cap. 37. Ducatu successorem. Respondet, *Luitpoldum* fuisse quidem Du-
cem Bavarix, sed limitaneum atque militare, non feudatari-
um, idque his potissimum rationibus evincit: 1) quia *Luitpol-
dus* suscepisse dicitur Ducatum superstite adhuc Imperatore *Luo-
dovico*, Principe indubio Bavarix, quippe quam *Carolus M.* &
Successores, *Arnulfus* præcipue, metu Ducum, per se regere
soliti erant. Ergo *Luitpoldum* non nisi nomine Regis, tanquam
Ducem militare, præfuisse; 2) quia non exstant tabulæ con-
cessio-

cessionis Regiæ, vel electionis, a Proceribus factæ; 3) quia *Luitpoldus* obiit A. 907, *Ludovicus* autem deimur A. 911 vel 913, adeoque vivo legitimo herede non potuit ille, fieri Bavarorum Princeps; 4) quoniam in monumentis habetur, *Arnulfum* successisse patri *Luitpoldo* in Ducatu, nempe militari illo, non in Ducatu Bavarix, & præterea hic *Luitpoldus* filius accurate ab *Arnulfo Malo* distinguitur. Hæc fere habuit Ill. Autor, quæ *Palignefio* responderet, si qua ulterius contra se in publicum protrudantur, omnia, tanquam responso indigna, silentio damnaturus. Pag. 281.

Jam excusserat Autor, ut ait, arma *Palignefio*, ex arena profugo, cum alius athleta, qui se *Baronem de Bransdorf* nominat, stantem adhuc in armis & strenuum invasit. Huic dicam scribit, & Epistolam ejus examinat, in qua denuo incisam voluit arborem Genealogicam Carolino-Boicam. Carpit primo affectatam ab eo elegantiam linguæ Latinæ, &, adjecto Catalogo barbarismorum, ostendere studet, cum obscurorum virorum zinnulum oppido felicem. Probat inde, quod jam in Vindiciis instituerat, 1) *Ottonem Frisingensem* amoris & odio indulgisse nimium, cum de familia Principum Bojorum commemorat. In æstu enim animi concitati narrare ad A. 955 ea de Comitibus Schirensibus, quæ manifestæ tunc veritati repugnabant, scilicet plerisque omnes, *latrociniiis inservientes, miseram vitam mendicando transgisse*, cum tot opulenta Monasteria fundarint, & virtutibus nobilitati sint. Affert ex *Pithæi* editione *Ottonis Frisingensis* locum longe diversissimum, & secundum rei veritatem jussu ipsius Præsulis moribundi commutatum. 2) Ait, lacunam, in *Reginone* expletam, a *Bransdorfio* non satis intelligi; & tandem 3) *Bransdorfium* male fingere aliena manu in *Andrea*, Presbyteri, Chronicon inserta, quæ ille de *Arnulfo Malo* & *Wernhero* tradidit. 286, 317 seq. 296 seq. Conf. Vind. P. I p. 18 seq. Pag. 311 seq.

OBSERVATIONES DE FEBRIBUS, PRÆcipue intermittentibus, & ex earum genere continuis, deque earum periculis ac reversionibus prænoscentis,

Et præcavendis, per medelam tempestivam, efficacem, adequatam, candide Et perspicue propositam; ad Viros clarissimos Et experientissimos, Autores Commercii Literarii Norimbergensis, occasione Problematis de febribus intermittentibus soporosis Et apoplecticis, scribebat PAULVS GOTTLIEB WERLHOFF, D.

Magnæ Britanniae Regis Medicus
Aulicus.

Hannoveræ, typis & impensis Jo. Christoph. Ludolph. Schulze,
1732, 4.

Alph. I pl. 21.

Merito quodam suo, nec sine animi voluptate, in Annales nostros referimus elogium *Werlhoffiani* Operis, externa quidem mole non magni admodum, rerum tamen præstantia doctrinæque copia gravis. Pridem jam Cl. Autor constitutum habuit, Observationes meditationesque suas de febribus intermittentibus, morbisque inde generatis, in Systema aliquod theoretico-practicum colligere, & doctrinam de hoc febrium genere, illarumque medelis, prout eam quidem animo complexus est, ordine pertractare. Sed, cum partim ob argumenti gravitatem, partim negotiorum multitudinem, Opus hoc post aliquod demum tempus in lucem proditurum esse videatur, nonnulla etiam ipse observaverit, in quibus alienam experientiam ad confirmandam illustrandamque propriam exquirere dudum exoptavit, nuper autem peropportune contigerit, ut in Commercio Literario, Norimbergensi Problema aliquod de observandis, prænoscentis, curandisque febribus quibusdam intermittentibus, post quartum, quintum, vel sextum paroxysmum ex apoplexia subito exiis, proponeretur, hanc occasionem non dimittendam ratus, breviorē Epistolam de hoc argumento ad Cl. Collectores dare instituit, ipsis Speciminibus inferendam. At vero cœptum semel Opusculum in hanc, quam nunc præ se fert, molem, ultra eorum Schediafinatum spatium, invitante sensum argumenti ubertate, excrevit. Et, quam-

quamvis initio, nomen suum alieno velo tegere, Cl. Autori constitutum, eoque consilio tota jam Opella scriptione & typis absoluta esset, amicorum tamen monitis, aliisque rationibus, victus, consilium postea mutavit. Nec videmus nos quidem, quare id non mutaturus fuisset, quandoquidem, id ipsum Opus *Werlhossiano* nomini singulari fore decori & ornamento, quilibet intelligentes, & ab invidia præconceptisque opinionibus alieni Lectores ingenue fatebuntur. Tractat enim argumentum generi humano utilissimum, idque tanta diligentia & doctrina, quanta nos quidem omnes libellos medicos scriptos esse, quam maxime cuperemus. Certe, si observationes accuratissimas, easque complures, plane novas, de hoc februm genere, aliisque, cogites, Cl. Autorem ad candorem fidemque in observando veterum quam proxime accedere, lætus videbis, sed, ultra hanc laudem, quanquam ea maxima omnino est, progredi ipsum, initio vix putabis. At, si theoreticas simul veritates cum de rebus aliis, tum de periodis typisque februm, hic propositas, animo contuearis, ipsum thecæ ejusmodi additum plane, & philosophari potius domi, quam multum temporis observationibus dare clini. i. tibi persuadebis. Adeo ubique excellit, sui semper similis. Ne quid de varia illa & amplissima lectione, nec de amœnitatibus, ex omni humaniori literatura condimenti instar repetitis, dicamus. Observationes potissimum generaliores, nempe quæ in plerisque, similiter laborantibus, æque responderunt, annotavit, sexcentorum narratione exemplorum, nisi ea supervacanea esse & nauseosa videretur, roboranda. Particulares passim observationes immiscuit, sed eas solum, in quibus singulare aliquid a ceteris notatum est. Regulas ex observationibus repetitis, & generatim similiter succedentibus, constituit, distincteque inculcavit, additisque exceptionibus circumscripsit. Inprimis vero etiam corticem peruvianum, gravibus non inter Medicos tantum, sed abjectissimam quoque plebem, cavillationibus & injuriis expositum, tam egregie ab ejusmodi calumniis vindicavit, idque remedium divinum omnino & ex communi Medicorum, vere experientissimorum, a longo inde tempore per regiones

constitutionesque plurimas stabilito, iis in rebus consensu, suisque observationibus, sub legitimo usu cum ad curandos morbos alios, tum ad sanandas febres, certissimum æque ac tutissimum & innocentissimum esse, tam doctè accurateque ostendit, ut patronus Quinquinz, qui causam ejus oret, & adversarios tam feliciter profiget, magis idoneus obtingere vix posse videatur. Si qui vero adhuc divinum illud beneficium calumniari, & suspectum reddere, & Medicos ægrotosque, quantum fieri potest, ab usu ejus absterre amant, veretur, ne isti tandem Deo, medicinæ datori, difficulter rationem redditori sint, vel vanæ timiditatis, vel præfractæ in morborum impetu permittendo temeritatis, immitisque in omittendo miserorum ægotantium levamine pertinaciæ, ni abunde moniti, meliora acceptare, aut acceptata candide profiteri, aut saltem, donec usum multiplicem ab abusu distinguere cognoverint, tacere, discant. Addidit, quæ majorem fere Operis partem efficiunt, ubique Annotationes, textui subjunctas, quibus judicia, experimenta, & amœnitates, ex aliis Autoribus conquissitas, admiscuit, varias etiam hic illic, data occasione, alienas quidem aliquo modo a proprio tractationis argumento, sed præstantissimas tamen, & experientia confirmatas, veritates medicas per digressionem explicuit, sententias & conjecturas theoreticas, pro sentiendi libertate, omnibus permissa, interspersit, Illustrisque *Stahlii*, & plurium ejus affectuum, placita, ea tamen, qua in ejusmodi controversiis decet, modestia, confutavit. Et, quamquam ipsemet stili negligenter labentis nervos sua pro modestia excusat, is tamen tantum a barbarie, quæ plerisque nostrorum temporum Medicis in arte sua placet, abest, ut potius dictionis nitore hoc Opusculum longe commendabilius reddiderit. Postquam hæc generatim de hoc Opere præfati sumus, nunc quoque potiora ejus momenta hic repetamus. Cumque in *sex* abeat *Sectiones*, *prima* earum affectus notitiam, pericula, signa, causas, exponit. Perniciosus ille, qui febribus nonnunquam inopinato supervenire solet, & de quo hoc libro præcipue agitur, affectus, sopor nimirum ille profundissimus, apoplexiæ nomine vocatus, carus dici meretur, ut ex da-

Sect. I

§. I.

ta hujus morbi definitione satis patet. Quauquam vero tam a veteribus, quam recentioribus, Medicis, inagno numero recensitis, ejusmodi febres jam commemorantur; Cel. Autor tamen inprimis in statu epidemio novissimo inde ab A. 1726 & 1727, quibus omnium generum febres tam frequentes habuerunt circuitus, in intermittentium verarum paroxysmis, venternum annotavit profundissimum, haud raro, ubi invasit, perniciosum, & veræ apoplexiæ immedicabilis nomine dignum. Unde quidem perspicuum est, de laudibus febris, ejusque indole perpetuo tuta, & quasi sacrosancta, nostro hoc ævo tam operose decantatis, non adeo magnifice sentiendum, meritoque iis, qui de noxis & imposturis febrifugorum vociferantur, noxas earum februm & imposturas ad animum esse revocandas, quas Autor, cundo per omnes intermittentium classes, comonstrat, *Hippocratis*que sententiam, qua niti vulgo solent salubritatis patroni, vindicat, & egregie illustrat. Oritur autem ille sopor utplurimum in tertianis, vel quartanis, inciditque in tertium primariæ accessionis paroxysmum, sive in diem morbi quintum, aut ubi accessiones valde anticiparunt, quartum. Pulsus in plerisque frequens est, in quibusdam rarus & tardus, exantlato paroxysmi tempore naturalis, in multis durus & intermittens animadvertitur. Ceterum caro hoc correpti, sine omni sensu & motu jacent, ut nec digitum moveant, & sola respiratione, ore hiant, singultim, & cum stertore facta, a mortuis distinguantur. Nonnullis prima statim vel altera talis accessio exitio fuit. In aliis, quando desinebat paroxysmus, solvebatur, ita tamen, ut obtusiores tum quoque sensus viderentur, neque plane integri, & quodam quasi stupore preoccupati. At sub ingressum novi paroxysmi, iterum sopore plerumque, sæpe apoplexia insanabili, affecti, sub iis ipsis rarius post aliquot demum dies expirarunt, nonnullis, advocato mature satis Medico, ab instante paroxysmo & mortis periculo vindicatis. Unica enim, cum morbo diu conflictata, sine medicamentis cum sanitate rediit in gratiam. Signa autem, e quibus tam grave malum iostans prænoscur, a Nostro hæc recensentur: 1) in primo vel secundo paroxysmo, vel, ubi

serius

§. 2.

3.

4.

5.

6.

serius malum invadit, præcedentium accessionum aliqua, profundior naturali somnus, 2) urina crassa, coloris intensi, subfusci, lixivii, in quibusdam ad nigrorem vergentis, cum innatante quasi pinguedine aliqua, valde etiam scetens, & præsertim cum frequenti micturitione, & dysuria, aut stranguria, prodians, 3) sanguis vena secta floridus plerumque, & satis æquabilis, sed copiosissimo sero viridescente perfusus; interdum variegatos colores ostendit; aliquando feri pars viscidior superius in liquamen gelatinæ instar coierat, in fornecem quasi elevata, pars autem feri cum intermixtis grumis sanguinis, patellæ adhaerentibus, inferius fluctuavit; 4) dolor hypochondriorum; 5) cardialgia gravis; 6) ex causis antecedentibus medicamenti purgantis, etiam lenioris, usus, sine expectata aut præstita coctione, & non bene judicatis organismi & vergentis naturæ indicationibus; 7) potus & remedia spirituosæ & calidæ; 8) corpus senile cholero-melancholicum, scorbuto calido affectum, biliosum, & succis crassis, acris, & ad putredinem vaporiferam pronis, plenum, nervis & visceribus, cerebro inprimis, ac hepate, debilioribus instructum, mensium & hæmorrhoidum, aut aliorum excrementorum, capiti minantium, turbis anomalis obnoxium, scabie & ulceribus male sanatis corruptum, & gravibus dietæ vitiis, ex quibus succi crassi, & vaporibus sulphureis mixti, generantur, bilis anomalæ fovetur, & robur viscerum enervatur, afflictum. In tertianis ejusmodi epidemiis cum ex aliis signis, tum ipsa etiam sectione, patuit, bilis præcipue officinam, crasin, & directionem, valde fuisse vitiatam. *Sectio secunda* curationem remedio certo & opportuno tempestivam indicat. Id vero remedii certi tutique genus corticem chinæ esse monet. Quippe ex aliorum æque, ac suis, multiplicibus experimentis, tam persuasum habet Cel. Autor, quam quod in toto artis medicæ ambitu maxime, hujus medicamenti particulas humano corpori sano, æque ac innocentissimum quodvis medicamentum vegetabile, moderate amarum, & aromaticum, subadstringens, innocuas esse, neutiquam autem per se nocivas, aut venenatas. Hinc totus est in eo, ut probet corticis innocentiam, & ab ob-

jectio-

Sect. II.

3.

jectionibus, suspicionibus, & injuriis aliorum, vindicet. Sed & alia simul remedia febrifuga secuta enumerat, morbosque, quibus convenit cortex, quibusve minus congruit, exponit. *§. 4.*
5 seq.
Sect. III.
§. 1.
2.
3.
4.
Hic tertia medicinam, tum habitu & preparatione corporis, tum electione, dosi, continuatione, efficacem, exhibet. Quamquam, in tempore parandam esse medicinam, Cl. Autor recte inculcat, nihil tamen in paroxysmo non admodum soporoso moliri decet, nisi ut febris pro circumstantiarum ratione consueto modo tractetur. Ubi ægrum sopore jam aut spoplexia oppressum reperit, apoplectici instar affectus, sed cum febre juncti, curavit morbum vesicatoriis pluribus, ad carpos, nucham, & ipsi capiti raso admotis, venesectione justa, scarificatione, hirudinibus, sternutamentis ex elleboro albo, vel turpetho minerali, frictionibus, aliisque notis excitantibus & epispasticis, exeuntis maxime paroxysmi tempore. Postquam conducit, quomodo cortex eligendus comparatus esse debeat, & notitiam ejus externam copiosam atque exquisitam tradidit, ubi ille locum habet, exeunte, & in intermissione, imo vel remissionem satis notabilem, terminato paroxysmo, facta vel omissa pro indicationibus evacuatione, drachmam integram ejus in pulverem redacti tertia vel altera quavis hora exhibitam abs se esse, commemorat, quocunque modo minus nauseoso deglutiri commode potuit, ut uncia una aut etiam amplius in accessionum intervallis assumpta, vel penitus instantia symptomata averteret, vel minueret certe, & periculum amoliretur. Ubi deinceps larga copia, & sine correctione, dandum esse corticem disputavit, singularem exhibendi medicaminis methodum ita enarrat: Datum pro re nata felicissime est medicamentum, vel solum, vel additis, aut interpositis succo nasturtii aquatici, & inde paratis, potu Thee, Cafe, spiritibus & salibus volatilibus acidis, alcalinis, mediis, qui & venenis soporiferis adversantur, & corticis virtutem intendere creduntur *Ra-jo, Piscario, Hoffmanno, Mangetto, Cohauso, & aliis.* Redeunte forsan paroxysmo, qui, si recte fiunt omnia, teste multoties repetita experientia, levior & periculi expers futurus est, non nisi quæ temperant & reficiunt, dare licebit, omisso

tantis per cortice, donec accedat declinatio. Regimen & *diæta* *Diæta*, quæ æque ac *diæta* & aliæ excretiones naturæ corroboratæ viribus expeditius a cortice succedere solet, iusto in moderamine servari debet. Paroxysmo & sudore penitus exantlati, removenda sunt lintea, halitu febriculoso inquinata, quæ mutatio deinde etiam ad plenam usque sanitatem eo tempore repeti debet, ea cum cautione, ut lintea probe siccata, & alii forte hominifano per noctem adhibita, usurpentur. Declinante accessione, repetendus est statim cortex, nullaque alia

5. medicina, nisi quid urgeat, interpolatus, in notabiliorum paroxysmorum intervallis tertia vel quarta quavis hora dandus, neque desistendum est prius, quam paroxysmi fugati sint penitus, & æger cum sanitate in gratiam rediisse videatur, adjuvante optima diæta, & quamprimum fieri potest, moderato motu in aere liberiori puriorique. Quæ porro deinceps conveniant, persequitur, simulque symptomatum, a febriculosi protei reliquiis, & ægri constitutione, dum sit medicatio, exortorum, e.g. hæmorrhoidum cæcarum, tenesmi, alvi adstrictionis, aurium tinnitus, surditatis, temulentie, rheumatismi, tussis, dolorum, diarrhæarum, passionum hypochondriacarum, scorbuti, febris lentæ, &c. curationem explanat, exempla simul aliquot abs se curatarum febrium soporosarum refert, & ad
- 6.
- 7.
- 8.

Sect. IV.

§. I.

imposturam tribuere non verentur. *Sectio quarta* de prænoscentis & præcavendis febribus recidivis agit, & medelam ostendit ordine & repetitione adæquatam. Quanquam certum est & indubitatum, febres, china curatas, nonnunquam reverti; redeunt tamen ex ingenio suo, redieruntque semper ante usum chinæ introductum, quod probatissimis omnis ævi observationibus constat, ut nunc etiam alia quacunque via tractatæ facile post aliquot tempus vires recipiunt; e contrario autem aliquando vel chinæ usu, vel alia methodo, depulsi penitus cessant, nunquam reversuræ. Cumque febres recidivæ in veras, ubi ad integritatem actionum redierat æger, vel nothas, ubi morbidi motus non penitus cessant, dividantur;

hæ

hæ a qualibet naturæ vel artis ope imperfecta frequentissimè contingunt, illæ vero fiunt vel post febres sua indole recidivas, quacunque ex curatione desiverint, vel post eas, quæ diuturniores futuræ remedio interceptæ fuerant, quod materiam profundius latentem & immaturam, sed sponte deinde renascentem, attingere uno curationis filo non potuerit; quamvis, si id iusto tempore repetatur, reversio certo præpediri possit. Vulgaris igitur est, sed manifestus, error, quo ipsi remedio recidivæ febres, quasi ipsi aquæ incandescens incendium, imputantur. Quam febrem recidivam postquam ab ipsa febre sæpius oriri ulterius deduxit Cl. Autor; non esse præstantiorem ad hos reditus præcavendos medicinam contendit, quam ut prima febris primo quoque tempore, ubi tuto id fieri potest, usu corticis fugetur; eoque continuato, ad omnium functionum integritatem æger perducatur. Quamvis vero etiam post febres soporosas novus insultus aliquando redierit, is tamen fuit cari & apoplexiæ metu vacuus, & sat facile sanabilis, ac longe plerumque priori mitior. Tempus reditus ex causis extraordinariis est incertum. Cum vero post integræ restitutæ corporis œconomiam a medelis plane abstinuit æger, neque fontica quadam causa præmature morbum revocavit, multiplici experientia cognitum est Cl. Autori, febres ex tertianarum genere recidivas longe plurimas aliquo secundæ hebdomadis die, sive post quartam lunaris mensis partem ab ommissa remedii assumptione, contigisse, atque, si ope naturæ aut artis rursus evanuerint, semel, vel aliquoties sæpe, præterea pro morbi statusque epidemii ingenio alternis semper hebdomadibus, reversas esse, vel molimina saltim satis manifesta ostendisse. Imo id ipsum sub aliis interdum circumstantiis contigit, suo etiam modo in quartanis & quotidianis veris ita se habet. Quæ omnia aliarum quoque observationum, quamvis ea obscurius significant, consensu confirmantur. Idcirco, quando cortex id efficit, ut ad delendam febrem nihil superesse videatur, desinit Cl. Autor illum exhibere, & libenter quidem circa phæcos alicujus lunaris tempus. Inde vero omittitur omnis medicatio per hebdomadem accurate unam,

sive ad proximam circiter lunæ phasim, quod tunc superflua foret. Octavo autem die, ubi sensus febris adhuc abest, omnibusque per totam hebdomadem consecutis, corticis usus continuatur, non prohibente mensium hæmorrhoidumque fluore. Securius ad primum vel secundum usque posterioris hebdomadis diem medicatio portenditur, quam ante statutum tempus ab ea abstinetur. Si qua fuerit febris tertiana simplex, vel duplex vulgaris magis chronica, & quæ typum adsciverit constantem, sufficit dosis ad scrupulum unum, aut drachmam dimidiam, aut integram, aut duas, pro morbi indole, singulis, aut alternis, pro typi ratione, diebus, per totum octiduum exhibita, bihorio forte ante illud tempus, vel eo ipso tempore, quo paroxysmus expectari debuisset, si perdurasset febris. In istis vero morbi præcavendis reversionibus, ubi periculi instantis causa, & typo ad tertianæ duplicis, vel multiplicis, & instabilis, naturam prono, propinatur cortex, non semel aut bis solum minutis maxime dosibus tractari debet febris reditura, ni supprimatur ex suo ingenio, sed potius quinquies aut sexies scrupulus unus, aut drachma media, aut ter in die, vel bis certe, integra drachma exhibeatur, aut robore fere par alicujus decocti, infusi, vel extracti, dosis. Eodem deinceps modo, si morbus præsertim pertinax & chronicus, ex sui ingenii vel corporis ratione, futurus fuisse videtur, & regimen haud omnino exquisitum sperare licet, & constitutio epidemica vel contagium ad inducendas febres inclinat, iterum iterumque per hebdomadem conquiescere, & per alteram vel octiduum medicamento uti, oportet. Tunc autem, victo subiti periculi & soporis, inflammationisque, & continuæ febris, periculo, infusum etiam vinosum, ad *Talbotii* vel *Sydenhamii* saltem mentem paratum, egregie conducit. Quodsi sub hoc usu repetito motus quidam febriculosi cooriantur, qui tamen non aliud remedium, quam continuatum ejus ad exitum usque hebdomadis usum, postulant, necesse est, ut, postquam rursus per hebdomadem unam intermissa fuit medicina, altera insequenti eadem repetatur, neque ab ejusmodi alternis vicibus cessetur prius, quam alternæ morbidorum motuum vices per suas hebdoma-

domades redire penitus desinant. Atque hæ regulæ ceteris etiam, quæ febrem domant, remediis, salibus præcipue amar-
 ris, conveniunt, & in præservandis quoque recidivis quotidia-
 nis, quartanisque, locum habent, modo non alterna, sed ter-
 tia quavis hebdomade repetatur medela prophylactica, quod
 Noster pluribus declarat. *Sectio quinta* nonnulla de constan-
 tia effectuum, & securitate methodi, subnectit. Quippè hanc
 adeo securam reperit Cl. Autor, ut, paucissimos ex plurimis
 hac methodo absoluta perfanatis sub gravibus etiam causis fe-
 brem denuo passos esse, observarit, dum alii innumerabiles,
 quos natura, vel ars minus certa, sanitati restituit, sub hoc statu
 epidemio novos insultus frequentes, graves, difficiles imo sæ-
 pius sine cortice vix tollendos, sustinuerunt, etiamsi causa gra-
 vior allegari vix potuit. Hæcque securitas & salubritas
 per nubem testium Medicorum, scilicet ex omnibus Provinciis
 præstantissimorum, corroboratur, atque apparens quorundam
 dissensus, & incongrua doseos censura, itemque præparationis
 & expectationis laudatio, & opinio de motibus sine materia
 demum sistendis, sub examen revocantur. Cumque de quo-
 rundam dissensione vera & hæsitazione, variis ex causis orta,
 melior spes supersit, nasutuli & artis medicæ ignari monentur,
 ne sua sapientia, & de corticis damno persuasionem, alios a sa-
 lutari usu detineant, experientia nonnullorum experientia ve-
 ri nominis recte convellitur, absoluta cura, reliquias neque a
 febre, neque a remedio, metuendas esse, sed sanitatem potius,
 & robur viscerum, egregie augeri, docetur, & medicamenti
 denuo innocentia permultis exemplis, ex propria experientia
 desuntis, declaratur. *Sectio denique sexta* observationes &
 conjecturas ætiologicas de modo, quo operatur remedium, ty-
 pisque, & periodis, proponit. Recte inculcatur, perperam illi
 vim mere adstringentem tribui, sed multa potius ante excu-
 tendam esse, quam virtus ejus eruatur. Putat vero Doctiss.
 Autor, remedium hoc particulis leniter adstringentibus, tonum
 fibrarum atque nervorum, inprimis ventriculi, intestino-
 rum, ductuumque, & glandularum, eo pertinentium, & eviden-
 tissime quidem vasorum biliariorum, quin imo latius disse-
 minata virtute, reliquorum etiam vasorum & viscerum

§. 7.

Sect. V.

§. 1.

2.

3.

4.

5.

6.

7.

8.

9.

Sect. VI.

§. 1.

totius corporis roborare, eademque vi tonica & balsamica crassum chyli, sanguinis, & humorum, inde derivatorum, biliosi maxime, pancreatici, & similibus, nimis exsolutam coercere, particulis temperate amaris, saponaceis & aromaticis digerere, abstergere, & quasi bilis vices gerere, & hanc inertem vel vapore corruptam, ac alios humores, similiter viciatos, chylumque inprimis corrigere, earundem vero particularum sulphure leniter anodyno, quod amara & aromata & balsamica habere solent, fibras & nervos demulceri, minores præsertim, & a contactu terreæ & salinæ fixioris substantiæ remotiores, & qui neque insigni spasmo actu constringantur, neque nisu, vim remediî superante, ad eum proxime inclinant; tonum pariter sensumque nervosiorum partium alicubi, in ventriculo præcipue, & ubi salium excretiones peraguntur, stimulari sale earundem particularum medio fixiori, &, quod in sinu ferunt, volatili oleoso, quamvis id haud omnino corpore eliciatur; iisdem quoque salibus, & ipsa laxiori partium vasorumque majusculorum, & exquisitori sensu pollentium tonica adstrictione, leniter deinde aperiri obstructas vias, relaxari vasa minora remotiora, & minus sensu prædita, & succos aliquantum viscidiores incidi, atteri, promoveri, fluidioresque reddi. Ex his forsitan explicari debet potentia remediî manifesta in curandis febribus aliisque morbis. Si cui vero hæc non sufficiant, omne erit perfugium in virtute illa celebratissima febrifuga specifica, cujus ope materia febrilis certissime, si reliqua recte se habent, corrigatur & subjugetur, & ista plerumque, qua naturæ nisus est, via exterminetur; pro varia vero & imperfectiori medicatione afficiatur plerumque, sed diverso & imperfectiori effectu. Illud vero mirabile est, quod natura humana in febribus seu typis & periodis diurnis, septimanis, si-ve octonis, mensstruis, annuis, quasi ad legem naturæ universi ita adstringat, ut in horographicos astronomicosque calculos jurasse videatur, quod latius elegantiusque deducit Noster & probat. Causæ hujus rei obscurissimæ, nec dum detectæ, habentur. Novas Cl. Autor conjecturas hic affert, dignas utique, quas non prætereamus. In ipsa, quæ humano generi communis

munis est, crasi sanguinis, aut etiam in fibris morleicibus, est aliquod connatum, & perpetua cum externo aere communi-
 catione sustentatum, elementum, ubique fere simile, aereum,
 elasticum, quod arcte intextum est texturæ naturali fluidarum
 solidarumque corporis partium, earumque compage coer-
 cetur, ne oscillatione sua & nisu elastico alios, nisi salubres
 & naturales, motus, aut fervores, facile cieat. illud ipsum,
 si qua de causa expandatur nimium, & sui juris plus iusto
 fiat, ultra craseos humorum æquilibrium, si præsertim
 inquinetur a particulis peregrinis, vel male moveatur, e-
 um orgasmum inducere valet, qui fervorem hunc typicum re-
 præsentet, hanc naturæ luctam, cum eo, quod alienum est, quam
 febrem vocamus. Illa ipsa materia elastica humani corporis
 ob intimam inmixtionem pars, pars tamen etiam est purioris
 & subtilioris atmosphæræ aeræ, & hujus motus naturales &
 adventitios sequi amat per mechanicam homogeneous &
 connexorum rationem. Eosdem forte magis minusque ac-
 curate sub statu febrili sequitur, & oscillante suo motu perio-
 dos & typos regulares qua tales inducit, sed qui diversi eva-
 dant, necesse est, pro admixtæ materiæ alienæ, pro aucti, immi-
 nuti, pressi, relaxati, elateris diversa ratione, & proportionem
 ad humores fibrasque corporis, quæ itidem singula mechanico
 motu & nisu nativo gaudent. Hi typi, hæ periodi servant ea-
 propter plerumque suo modo respectum ad naturalem illum,
 & secundum solis & lunæ periodos, ad horas, dies, hebdoma-
 des, menses, annique tempora, ordinatum atmosphæræ totius,
 præsertim qua purioris, motum perpetuum, fluxumque & re-
 fluxum, quem tot ac tanta effluvia terraquea, inferiori aeri im-
 mixta, turbare penitus non possunt, licet diverso modo affi-
 ciant, & mutant, uti etiam aer nostro corpori intus admixtus
 varias mutationes a partibus ipsius corporis, & a peregrinis
 sæpe inquinamentis, paritur. Quod vero aliæ atque aliæ fe-
 bres alios atque alios typos, sibi accurate respondentes, habeant,
 causa est materialis, & corporea, non moralis, quæ motum
 febris ejuslibet natu. ali consecutione ciet, eaque materia cra-
 sia & elasticam vim habere debet singularis generis, quamdiu
 typum

typum sibi peculiarem excitat. Nascitur illa forsitan a peregrina impuritate aquosa & aerea, ex aquis in variam, lixivam, sulphuream, & vaporosam, fortassis etiam verminosam, putredinem stagnatione & elateris expansione, & motu partium intestino, resolutis, hausta infelicitur vel in cibis sumta, vel ex pariter corruptis alicubi ipsius corporis succis, aut ipsius partibus solidis, oriunda. Talis materies pro diversa sui & corporis, & ambientis aeris, constitutione ad orgasmum diverse febrilem excitandum prona fieri potuerit, si certis tum visceribus & fibris, tum sanguinis, ceterorumque humorum partibus se profundius insinuet, atque partes quidem solidas in obscuro munere turbet, humores vero varia ratione corrumpat, & aerem internum æquilibrio moveat. Ex hac deinde motus & mixtionis & æquilibrationis turbatione, atque ita ex conjunctione & proportionem specifica præternaturalis illius humoris cum aliquo naturali, qui ex sua indole jam ad motus quotidianos, tertianos, quartanos, magis aptus sit, & ex motu præter naturam hinc necessario mechanice consequente, continentem cuiusque febris paroxysmi symptomatum, periodi causam oriri, probabile esse videtur. Neque enim vana omnino veterum est sententia, a bile tertianas, a parte sanguinis magis terrea & salsa quartanas, quotidianas ab hac ac pituita simul fieri, & serosos salinosque humores moveri solere quotidie, bilem saponaceam flavam & amaram fervidiorem tertio, atram salsam & austeram graviorem quarto die, sicubi inquinantur maxime, & restagnant, & incitantur. Fieri autem illa cuncta videntur ad Mechanices & Hydrostatices regulas, ad quarum normam contingit tum generatio cuiusvis materis febrilis, tum quies ejus typica, nisi tunc motus potius insensibilis est, & commotio denuo notabilis, exaltatio, & orgasmus accessioni excitandæ sufficiens, & reliqua, quibus febriles motus absolvuntur. Causæ autem illorum intervallo, quatenus siderum periodis diurnis, septimanis mensibus, annuis respondere, & horas, dies, hebdomades, menses, numerare videntur, querenda forsitan est in proportionem materis febrilis, aerisque elastici, qui illius, ut omnium in corpore humorum, partem

tem constituit, ad aerem atmosphæricum. Atqui hic non solum vaporibus terraqueis tempestatibusque mutatur, verum etiam oceani instar regulares siderum circuitus sequitur, & ventum exinde generalem ab Oriente in Occidentem excitat, ut quotidiana solis maxime periodus fert, imo ipsos fluxus & refluxus ordinatos, quamvis sensibus haud obvios, patiatur, necesse est, per dierum, mensium, & anni, mutationes mutandos, ad mechanicum solis, vel terræ potius, & lunæ, motum, quæ sidera ætherem inter & terrarum orbem per ordinatas periodos quotidie per singula puncta semel sua corpora interponunt. Ne quid dicatur de effectibus hanc in rem ceteris manifestioribus quotidianæ annuæque solis periodi in aerem corpusque nostrum. Ut adeo non solum subtilior aer constanter ita typice moveatur, sed & venti & tempestates, aliæque meteora, aliquem semper suo modo respectum ad hanc generalem motionem servant. Qualis respectus in corpore etiam humano, pro diversis ejus partibus, quarum motus per structuram & texturam longe magis exquisitè regulares sunt, & quæ aerem subtiliorem includunt, iusta proportionè servari debere videtur. Et, postquam objectiones forte excogitandas diluit Cl. Autor, plures deinde periodos & circuitus in statu sano & morbofo sine febre attingit, imprimisque ad periodi menstruæ naturalis in fœminis rationes explicandas multa, eaque egregia, subministrat, quæ tamen hic, ne iusto longiores simus, repetere non vacat. Deinde, ubi consensum practicum cum theoria mechanica & organica, quas leviter diversas esse ostendit, indicavit, egregie explicat, quid per naturam humanam conservantem, sanantem, errantem, indicantem, intelligi debeat. In epistolâ monet, has suas observationes non ad hujus theoriz, sed experientiz, tribunal esse vocandas, multaque de vitæ studiorumque rationibus subjungit. In Addendis denique agit de præstantissima corticis virtute in sphacelo curando, sæpius jam in hoc libello tradita, nunc vero pluribus exemplis confirmata. Quod superest, vitam, bonamque valetudinem, & imprimis honestum otium, Cl. Autori comprecamur, ut non solum affectum de febribus intermittentibus Opus

§. 6.

8.

9.

systematicum ad colophonem perducere, sed pluribus etiam limatissimis libris gloriam artis medicæ asserere & tueri, queat.

MEMOIRES POUR SERVIR A L'HISTOIRE &c.
h. e.

COMMENTARII, HISTORIÆ CELEBERRIMO-
rum in Republica literaria Virorum inservientes. Ac-
cedunt Catalogi librorum, a singulis scripto-
rum, de iisque judicia.

Tomus XIX.

Lutetiæ, apud Briassonium, 1732, 8.

Plag. 18, & totidem pl. dim.

Satis hic sit eorum desiderio, quibus cognoscere volupe est vitam & scripta *Ambrosii Camaldulensis*, qui, *Emanuelis Chrysoloræ* discipulus, Latina multorum librorum, a Græcis Ecclesiæ doctoribus scriptorum, versione, imprimis Latina interpretatione *Diogenis Laertii*, clarum consecutus nomen est, factus etiam Ordinis sacri Camaldulensis Generalis, m. A. 1439 d. 21 Octobris; *Helene Lucretiæ Cornara*, m. A. 1684 d. 2 Julii; *Jo. Petri de Valbonnays*, scriptoris *Historia Delphinatus*, m. A. 1730 d. 2 Martii; *Olai Borrichii*, m. A. 1690 d. 30 Oct. *Marci Battaglini*, m. A. 1717 d. 15 Sept. Episcopi Cæsenatis; *Thoma Jamesii*, m. A. 1629 mense Augusto; *Jani Cordeſii*, cujus nomen sua Bibliotheca fecit nobile, m. A. 1642; *Joach. Camerarii*, m. A. 1574 d. 17 April. *Franc. Mothæi Vayerii*, m. A. 1682, anno ætatis octogesimo quarto superato; *Petri Guillebaldis*, sive *Romualdi*, m. A. 1667 d. 29 Martii; *Petri Danessii*, m. A. 1577 d. 23 April. *Degorei Wbeari*, m. A. 1647 d. 11 Aug. *Hippolyti Julii Pileti Mesnardierii*, m. A. 1663 d. 4 Junii; *Bernardini Ocbini*, qui falso traditur esse conditor Ordinis Capucinorum, m. A. 1564; *Martini Lipenii*, m. A. 1692 d. 6 Nov. *Joannis Bruyerii*, Scriptoris *Characterum moralium*, m. A. 1696 d. 10 Maji; *Nicodemi Frischlini*, m. A. 1590 d. 29 Nov. de cujus vita scriptisque non ita pridem prodixit Cl. *Car. Henr. Langii*, Gymnasii

mnasi Lubecensis nunc Sub-Rectoris, Commentarium luculentissimum, addimus; *Christiani Hugenii*, m. A. 1695 d. 8 Junii; *Joach. Frid. Felleri*, Lipsiensis, m. A. 1726 d. 15 Febr. *Engelberti Kampferi*, m. A. 1716 d. 2 Nov. cujus *Historia Japonensis*, e Germanico in Anglicum & Belgicum sermonem traducta, prodiit A. 1727 & 1729; *Hermani Conringii*, m. A. 1681 d. 12 Dec. *Antonii Fabri*, m. A. 1624 d. 1 Martii; *Claudii Fabri Vaugelasii*, m. A. 1650 mense Februario; *Q. Marrii Corradi*, m. A. 1575; *Sebastiani Corradi*, m. A. 1556; *Hugonis Grotii*, m. A. 1645 d. 28 Aug. *Jacobi Goari*, m. A. 1653 d. 23 Sept. *Jo. Isaaci Pontani*, m. A. 1640, & *Guil. Xylandri*, m. A. 1576 d. 10 Februarii.

Libet paucis hinc repetere vitam *Petri Danesii*. Natus is A. 1497 Lutetiae, totum se juvenis dedit literis humanioribus, nactusque Graecis in literis magistros *Jo. Lascarem*, & *Guil. Budaum*, usque adeo profecit, ut A. 1530 a Rege, *Francisco I*, crearetur Professor linguae Graecae: quo in munere discipulos habuit *Amiotum*, *Billium*, *Briffonium*, & *Auratum*. A. 1546 Legatus missus est ad Tridentinum illud Concilium: ad quod & Orationem habuit, paulo post editam. Hinc factus est praceptor *Francisci II*, ejusdemque deinde Confessarius: tum A. 1557 Episcopus Vaurenensis. A. 1562 iterum abiit Tridentinum, in eoque Concilio Episcopo cuidam Italo, Galli cujusdam Episcopi querelas de curiae Romanae abusibus hac voce excipienti, *Gallus cantat*, hunc in modum nervose respondit: *Utinam ad hujus Galli cantum excitaretur Petrus, & sciret amare!* Ibidem urfit concessionem calicis in sacra Coena: quanquam nullo successu. Oratione eum funebri laudavit *Gilbertus Genebrardus*. A. 1533, alieno adscito nomine, emisit *Plinium majorem*, & quidem diligenter emendatum. Opuscula ejus A. 1731 conjuncte sunt edita Lutetiae. Addimus nos, vitam *Danesii* etiam persecutum esse *Amelotum de la Houssaie* in *Commentariis historicis & literariis*, Amstelodami A. 1722 editis, & quidem in *Tomi secundi* p. 189 - 208. Nec praetermittendum nobis videtur Elogium *Jul. Caf. Scaligeri*, ita *Exerc. 307 Sect. 15* differentis: *Pe-*

trus Danesius, modestissima prudentia, summo iudicio, maximis operibus, ea molitur, qua presentis seculi fidem, posteritatis omnem superent expectationem.

ALBUM BAVARLÆ IATRICÆ, SEU CATALOGUS
celebriorum Medicorum Bavariz, ab Anno 1450
in hodiernam usque lucem continuatus, studio
& labore FRANC. JOS. GRIEN-
WALDT, Med. Doct.

Monachii, typis Riedlinianis, 1733. 8.

Plag. 10½.

Ex Prefatione discimus, in *Bibliothecis Medicis*, quas concinnarunt Schenckius, Spachius, Lindenius, Lipenius, Beugbemijs, Mangerus, alii, perraram esse mentionem Medicorum Bavariz; in *Melch. Adams* vero *Vitis Germanorum Medicorum* vix unum e Bavariz Medicis produci, *Laurentium Gryllum*. Quæ res Cl. Autorem permovit, ut eorum scripta, quotquot reperire potuit, (vitas enim eorum describendas permittit alijs,) referret hunc in *Catalogum*, eumque publicæ luci exponeret. Quod insigni futurum esse credimus laudi Cl. Autori, præsertim cum, ut ipsemet docet, Bavaris adhuc non fuerit moris, vitas civium suorum ingenio clarorum describere, ac *Valentinus Rotmarns*, ejus *Vita Theologorum & Jctorum Ingolstadiensium* A. 1581 prodierunt, successorem in hoc scripturæ genere habuerit neminem. Instare vero nunc non exiguan Historiæ literariæ messem in Bavaria, inde conjicimus, quod (& hoc ex Prefatione hac didicimus,) inde ab A. 1722 usque ad A. 1728 edita fuerunt Monachii *Nova Literaria Bavarica*, ita inscripta; *Parnassus Boicus, oder Neucraeffnetter Musenberg, worauf verschiedene Denck- und Leswürdigkeiten aus der gelehrten Welt, zumahlen aber aus den Landen*

den zu Bayrn, abgehandelt werden. Ceterum Catalogus hic, Alphabeticò contextus ordine, subinde adjectas gerit Annotationes Biographicas. Nos clariores (certe in Bavaria clarissimos) Medicos Bavariz inde producemus in medium, quorum nonnulli sunt adscribendi polygraphis. Sunt ii *Jo. Agricola*, Professor Ingolstadiensis, m. A. 1570; *Jo. Joach. Becherus*, m. A. 1685, cujus tantum illi libri hic loci nominantur, quos edidit Monachii; *Jo. Lonsus Boscius*, m. A. 1585; *Leonardus Fuchsius*, ob Lutheranam religionem delatus Tubingam; *Malachias Geigerus*; *Laurentius Gryllus*, m. A. 1560, cujus vita, ab ipsomet luculenter exposita, p. 41-61 exhibetur; *Wolfgangus Haverus*, m. A. 1647; *Edmundus Holtyngus*, m. A. 1612; *Cyriacus Lutzius*, qui in captivitate (fuit enim a Turcis captus,) libros conscripsit aliquot; *Jo. Jacobus de Maphais*, m. A. 1676; *Albertus Menzelius*, m. A. 1632; *Thomas Mermannus*, m. A. 1612; *Raymundus Mindererus*, m. A. 1621; *Jo. Adamus Moraschius*, adhuc Professor Ingolstadiensis, isque περὶ ὕγιος; *Jo. Bapt. Neeff*, ejus adhuc Collega; *Ferdinandus Sagittarius*, m. A. 1647, quo (ut ait Poeta *Jac. Baldius*,) non major in orbe sabaci belino, & cujus in cadavere non cerebrum exsiccatum, uti Ulmenensis quidam Medicus scripsit, sed eor ex toto tabidum, deprehensum fuit; *Phil. Jac. Schanfelderus*, m. A. 1685; *Franciscus Ignatius Thiermairius*, (quod nomen & *Aventino* fuit, illi Bojorum Historico celebratissimo,) Professor Ingolstadiensis, cujus plurima scripta, partim edita, partim ad prelium subeundum parata, hic memorantur; *Jo. Jac. Treylingus*, adhuc Professor Ingolstadiensis, *Carolus Ferdinandus Vacchierius*, m. A. 1729; *Jo. Menradus de Vorwaltern*, m. A. 1724; *Jo. Albertus Wimpineus*. Noster in exitu libri hujus pollicetur, se libellum, nondum editum, *F. I. Thiermairii de Ortu & progressu Facultatis Medicæ Ingolstadiensis*, brevi editurum, eumque non modo illustraturum esse Annotationibus, verum etiam ad hanc nostram ætatem continuaturum: simul indicans, se nunc versari in elaborando libro singulari *de aquis medicatis Bavariæ*.

NOVA LITERARIA.

Collecta magna labore Concilia in lucem proferre curarunt Eruditi quamplurimi; eorum vero industria tam felices exitus non habuit, ut omnia eruere atque explorare potuerint. E cujusque Collectoris spicilegio crevit postremi amplissima seges. *Merlinus* provinciam illam primus suscepit, cui postea, successit *Crabbus*, decessorisque Collectionem auctiorem fecit. *Crabbum* secutus est *Surius*, majore opum vi beatus, quem tamen superavit *Binius*. *Labbeus* autem eos omnes Collectores vicit, obscuravitque, edita Conciliorum amplissima Collectione. Præter ea, quæ Marte suo investigavit, Synodos in lucro appopuit, quas in Opera sua inducere *Ugbellus*, *Marca*, alii que. Ab A. 1671 Scriptores aliquot, *Cotelerius* nempe, *Bollandus*, alii que, Ecclesiastica monumenta in lucem edidere, atque inter ea Synodos locum vindicarunt. Ceteri singularia quædam Concilia in unum corpus abire jussere. *Baluzius* non modo *Gallia Narbonensis* Concilia A. 1668, novæque Collectionis Conciliorum Tomum primum A. 1683 juris publici fecit, verum etiam nonnulla Miscellaneis attexit. Cardinalis *Saens d' Aguirre* Conciliorum Hispaniæ longe curiosam maximamque Collectionem vulgavit. *Bessinus* Normanniæ Concilia congescit. Tanta opum accessione, non magnæ difficultatis fuit *Harduino*, ampliorem conficere editionem Conciliorum, quam absolutam magis fecisset, si, acceptis e variis Europæ regionibus Conciliis, atque iis, quæ a Collectoribus modo memoratis mutuatus fuerat, latentes apud diversos Ecclesiasticos Scriptores Synodos adjunxisset, tritum a *Labbeo* iter emensus. *Coletus* denique Venetiis Conciliorum amplissimam Collectionem in lucem protulit; *Labbeanam* merito adoptavit, edita ab *Harduino* Concilia addidit, doctas Scriptoris celebris observationes in rem suam convertit, nec non Concilia, Synodaliaque Statuta, descripsit, quæ *Martenus*, ceterique id genus eruditi, in monumentorum Collectiones invexere. Quamvis Conciliorum varii Collectores laborem non contemnendum perfecerint; additamenta tamen multa superesse, certissimum est. In Gallia Vir quidam eruditus, cujus nomen adhuc ignoramus, præ manibus habet quamplurima Concilia, Synodosque, aut hætenus ignotas, aut inedi-

ineditas, vel in Conciliorum Collectionibus desideratas. Quantum ad Synodos attinet, eas solum repræsentabit, quæ ante A. 1300 habitæ fuere, *Labbei* vestigia secutus. E gravissimis illis Additamentis ortum illi est Supplementum edendi consilium. Cum vero *Labbeana* Conciliorum editio vulgatior sit, eruditiorumque manibus tritior, constitutum est ipsi, ab *Harduino*, *Coletoque*, juris publici facta Concilia adungere iis, quæ ipse primus exploravit. Hæc omnia monumenta Notis illustrabuntur, quibus orationis obscuritas depellatur, atque lectionibus variis, quas e manu scriptis, aut editis, Codicibus libavit. Ex iis omnibus efflorescet Supplementi Pars prima, rerum accurato Indice locupletata. Verum, Collectionis *Labbeana* Conciliorum Supplementum imperfectum confecturum fuisse se, existimasset, si monumentis iis colligendis duntaxat studuisset. In animo ergo habuit, illud multo utilius efficere, Collectionem integram accurando atque emendando. Quamobrem, deposito censoris supercilio adversus omnes Conciliorum Collectores, laude sua non fraudandos, nihil ipsi antiquius fuit, quam orationis contextum castigare, plures interpretationum locos ad genuinum sensum revocare, omisos supplere, qui nempe in manuscriptis, aut primum editis, Codicibus reperiuntur, locutiones denique proprias restituere, quarum loco intrusæ fuere peregrinæ. Eam ob causam editos Codices contulit MSis, quos consulere licuit. Eo etiam diligentia ejus spectavit, ut typographici errores emendarentur, qui, ut notum est, orationis sensum obscurum, atque menti impervium, efficiunt. Hæc una via genuinam reperias *textuum* lectionem, atque monumentorum constat utilitas. Præter laboriosum illum conatum, in loca difficiliora Notas composuit, quas plerisque Conciliorum Collectores promississe satis fuit. Vix ullæ unquam *Labbei* Notæ lucem adspexere, quamvis ad eas Lectorem nonnunquam remittat. *Sirmondus*, egregiis Notis concinnandis par atque idoneus, si quis unquam fuit, iis carere non est passus Concilia Galliæ, quas *Labbeus* postea *Harduinusque* in Collectiones suas transulere. Ceteri vero Conciliorum Synodorumque Editores Notas pauciores inseruerunt. *Harduinus*, Observationes, quarum necessi-

necessitatem bene callebat, supplere se posse, judicavit, si rerum accuratum Indicem conficeret, in quo ad minuta quique descenderet: at ex eo Indice natum est Notarum desiderium. Hæc autem inprimis enodanda sibi proposuit novus Editor, quæ pertinent ad Conciliorum epochas, ad regiones, ubi habitz fuere, eorum cogendorum occasionem, ac difficultates, in Canonibus observas, quæ peritorum critice exercuere. Eorum labore profecisse se fatetur, propriasque adjunxit Observationes. Ut virili pro parte difficultates omnes enuclearet, Indicem quandam adornavit barbarorum, obscurorum, ignotorumque verborum, quæ in authenticis Conciliorum tabulis occurrunt, indicatis variarum collectionum paginis. Certus autem redditur verborum sensus, interpretatione, vel e penu ipsius, vel e Doctorum Commentariis, hausta. Id sedulo curarunt primi Editores, ut in Præfationibus, aut paginarum oris, annotarent Archiva, Bibliothecasque, e quibus depromserant, quæ in lucem jam tum proferebant. Hinc eorum vis autoritasque constabat, lectorique copia fiebat ad fontes recurrendi, e quibus hauserant; successores autem notulas illas, quamvis necessarias, sprevere; cui incommode occurrere cupiens, eorum omnium Conciliorum, quæ in Collectionibus diversis continentur, Indicem confecit, additis Archivorum & Bibliothecarum nominibus, e quibus descripta fuere. Correctionem alteram absolvet. Quanquam in iis disponendis ad *Labbeanam* Collectionem respexerit, atque eam ob rem diversas Observationes exegerit ad ordinem Tomorum paginarumque Collectionis eruditi Jesuitæ; interea, ut Supplementi utilitas etiam in eos redundaret, penes quos est alia quæcunque Conciliorum Collectio, *Crabbi* nempe, *Suarezii*, *Nicolini*, *Binii*, *Harduini*, &c. illud etiam ipsi curæ fuit, ut cujuscunque Collectionis paginas indicaret, ad quas Concilia, ac proinde Notæ, Correctiones, Lectionesque diversæ respondere debent. Multum eruditus debere se profitebitur, si Observationes suas impertiri ipsi venerit *Fabri* & *Barillori*, qui Supplemento edendo sumtus impendunt. Ne autem bis emanent peculiare Conciliorum Collectiones, in Gallia editæ, cavebunt Bibliopolæ, ne in Supplementum inducatur *Saluzii* Volumen inscriptum: *Nova Collectio Conciliorum*. Si tamen aliter videatur eruditus, eorum sententiz facile Bibliopolæ accedent. Supplementum autem edetur iisdem typis, eadem forma, ac magnitudine, quam *Labbeana* Collectio; atque exemplarium paucior erit numerus, quæ minori pretio ab iis ementur, qui ea mature sibi reservata volunt. Nullum autem exemplar charta magna edetur, nisi expresse postulatum. Ut Supplementi utilitas melius dignoscatur, accuratus illius prodromus quamprimum juris publici fiet.



NOVA ACTA ERUDITORUM,

publicata Lipsiæ

Calendis Augusti Anno MDCCXXXIV.

LOCUPLETISSIMI RERUM NATURALIUM
Theſauri accurata Descriptio, & Iconibus artificiosissimis
Expressio, per universam Physices Historiam; Opus, cui
in hoc rerum genere nullum par existit, ex toto ter-
rarum orbe collegit, digessit, descripsit, & depingen-
dum curavit ALBERTUS SEBA, Erzela-
Oostfrisius, Academiæ Cæsareæ Leopoldino-Carolinæ
Curiosorum Collegæ, Xenocrates dictus, Societatis
Regiæ Anglicanæ, & Instituti
Bononiensis, Sodalis.

Tomus I.

Amstelodami, apud J. Wetſtenium & Guil. Smith & Janſonio-
 Waesbergios, 1734, fol. maj.

Alph. 2, Tabb. 211. III.

Majorne fit felicitas, qua terræ marisque conventum in Mu-
 ſeo ſuo indixit Cl. Autor, an animus major, quo tan-
 tum Opus condere aggreſſus eſt, imo vero an amplior inge-

U u

nii

nii fertilitas, quæ historiæ rerum naturalium uberrimam tradit, dubitare omnino fas est visurum & lustraturum hæc naturæ spectacula, prodigia, monstra etiam & portenta, quæ in orbis eruditi conspectum producuntur. Solent quidem in Bibliothecis aservari, magnoque pretio haberi, *Oligeri Jacobæi, Olai Wormii, Kircheri, Calceolarii, Valentini*, aliorumque, Musea, splendida fortasse illa ætate, quæ vixerant, visa, & amplius Tabularum *Vincentianarum* Elenchus; verum parum abest, quin credamus, sicut certum est, ad hanc gloriam neminem hactenus adspirasse, ita simile vix futurum, ubi feliciter ad finem perductum fuerit, id quod non speramus, sed confidimus, splendore & apparatu Opus. Sufficit libro, quod *Boerhavia* placere meruit, nec alia, quo vendibilis fiat, indiget hedera; ex tamen futura erat veritatis, etiam si hunc clypeum non tulisset, sicut, ferre posse, gloriæ cedit, apud omnes efficacia, ut calumniarum, laudis vero, nisi penes amulos, rerumque, quæ tractantur, ignaros, plurimum, inventurus sit, etiam in Deorum conviviis prælegendus, liber. Non desunt, quibus cum Autore intercedit necessitas, & quibus, amicitia ejus frui posse, magno in pretio est, quorum scilicet ocularis inspectio, sicut vere *Xenocrates*, quod ipsi nomen est, id est, hospitalitatis strenuus cultor, esse prædicatur, de rerum, quæ depictæ jam animo admirationem pariunt, copia, ordine, & quam contra annorum injuriam salvam obtinuerunt, integritate, nos certissimos fecerunt. Exsuperat omnem, quam conceperamus de edendo libro, expectationem rei successus, merenturque præter lucrum, quod ipsis opulentissimum auguramur, nominis famam Editores, quorum prætorii sumptibus effectum est, ne diutius languesceret spe, votorum impatiens, orbis eruditus. De methodo rerum suarum instituenda nec cogitavit, nec cogitare poterat Autor, evitaturus rixas vanasque contentiones, quæ ex præoptata quadam ordinum classiumque instruendarum ratione plerumque suboriri solent. Aliter *Jonssonus* sentit, aliter *Rajus*, aliter de plantis pronuntiat *Barbæ*, aliter Gallorum, aut Germanorum, Italo-

Italorumve, scholæ. Quid faceret? Classicum caneret, potumque Veneri adjudicaret, videretque suam decennali obsidione cingi Trojam? Acquievit, quam casus tulerat, ordinis digestionem, sicut solent, qui alex jactu, aut sorte, non judicio, controvertentium lites componunt. Idem est Cel. *Barbavii* de hac re in Præfamine judicium. Rerum ipsarum elegantia, descriptionis industriz, hoc ipso, quod vegetabilia animalibus mixta eadem Tabula conspiciantur, nihil decedit, invertuntur plerumque, qui nimis ordinantur, rerum conceptus, maximamque inivit undique gratiam Cl. *Seba*, dato nobis prompte Thesauo, quem, priusquam in classes redactus fuisset, decennium forte expectassemus. Interim, quantum ejus fieri potuit, similia similibus adjudicata esse, deprehendimus. Magnus ipsi est foliorum, radicum, fructuumque, arte *Russchiana* evisceratorum, numerus, quorum Catalogum Tabula I-VI tradit, felix auspiciis laboris regni vegetabilis evolutione factururus. Ipse hujus Sceletopæiz vegetabilis insignis est artifex, & qua enchiresi illuc deveniri possit, in Schediasmate ad Academiam Leopoldinam, cujus meritissimus est Socius, peroravit. Succedunt plantæ integræ, exoticæ æque ac indigenæ, rariores, quas, affabre exsculptas, ad mentem *Horti Batavi* denominatas tradit, studiosus antiquæ veritatis cultor, quo factum, ut in descriptione Ficoidum, nomine *Mesembryanthemi* ad mentem neotericorum, utpote præter necessitatem allato, minus delectatus, illud prorsus omiserit. Ericas, quas Tab. XX exhibet, capenses, acutissime ex flore urceolaris figuræ quadrifido, calyce etiam tot segmentis diviso, judicavit. Eadem est in ceteris judicii maturitas, siquidem *Breynei*, *Commelini*, *Pluckenetii*, aliorumque, nomina solertissime apponit, probe gnarus, nomina, ex autoritate majorum imposita, in re herbaria plus valere illis, quæ nimia sui fiducia a novaturientibus excogitantur. Sequitur glirum muriumque familia, inter quos eminent, qui agrii, seu sylvestres, ex descriptione *Meriana*, apud Americanos appellantur, quorum *σορύν* & impensus catulorum amor prædicatur, quos scilicet, dorso matris adherentes, in fugam secum

abripiunt, qui, ne ex genere *Philandri*, seu *Opassi*, esse viderentur, quamvis non levis utrinque intercedere deprehendatur differentia, sedulo ab ejusdem societate divelluntur, cujus scilicet Tabulæ XXXVI explicatione singularem nutriendorum catulorum industriam prædicat, quos singulari, in abdominis cute existente, sacculo secum aufert, intra quem soboles, fugiente matre, se recipit, ita fabrefactum, ut claudi atque recludi commode possit, donec grandiore factam mater abigat. *Myrmico Leonis*, seu *Myrmicophagi*, gliris, rapina fornicarum viventis, non minus curata est descriptio, cujus variæ Icones cum descriptione ex *Marggasio* exhibentur. *Ichnomones*, seu *Vulpecula*, quas varias filit, non male loco, quem obtinuerunt, conveniunt, cum ex gliris familia esse manifeste deprehendantur. Eminent de cetero inter quadrupedia curiosa Musei *Sebani* tres simiolarum species, *tardigrada* ipsi dicta, *Cynocephala*, & quam *caput mortuum* appellat, &, sicut quadrupedium volantium studiosissimus fuit Collector, ita, præter Vespertilionum Americanarum varias species, etiam Glirem volentem Tab. LVI, duas Sciuri volantis species, canem etiam Ternatanam volentem Tab. LVII, exhibet, quæ utrum male a nostratibus Felis volans appelletur, eo nomine dubium esse poterat, quod fortasse neutrum sit animal; parum sane est differentię inter selem canemque volentem, qui eadem Tabula LVIII exhibentur, Vespertilionum ordini eo magis accensenda animalia, quo certius apparet, ex mammellarum, superiore in loco existentium, protuberantia, perinde esse cum Vespertilionibus. Apri Indiæ Orientalis, quem Apro-Cervum appellat, integram figuram Tab. L apponit, cujus capita sceleta facta in plurimis curiosorum Muscis observantur. Asmodilus ipsi alius est scutifer, alius squamatus, quem diabolum Javanicum appellat. Inter serpentes, variis in locis exsculptos, eminent Ammodites Tab. XXXVI, qui serpens idololatrarum, aut ejus species, est, *Abgott-Schlange* vulgo, serpentibus phyticis, Tab. LXII recensitis, forte annumerandus; Nintipolonga Tabulæ XXXVII, quæ, cum dentibus armata deprehendatur, utrum ad

vipe-

viperas referenda, dubium fecit; Cobræ de Capello species Tab. XLIII, ad cuius familiam colubros vittatos, qui perspicilli figuram in cervice gerunt, refert. Serpens Americæ arborea, (quorsum etiam dryina Tab. LXXXIV referenda,) quæ Tabula LIII existit, cum socio Asmodillo squammato, seu Diabolo Tojavonico, quandoquidem ejus pullis vescitur, magni æstimanda est. Dubium superest nullum, prodituros sequentibus Tomis vel serpentum, vel viperarum, ordines, suis descriptionibus illustres, quandoquidem illa Historiæ naturalis pars curiosos cumprimis exercet. Tabula LIX ad LXVIII avium Icones exhibet e Manucodiatarum, Plittacorum, Ardearum, Merularum, Picarum, Fringillarum, aliarumque, familia. Phœnicopterus Tabulæ LXVII ille idem est, quem *Caterby* delineatum dedit. Nidi avium cum Colubridis & Aranei Surinamensis ex recensione *Merianæ* ultimo inter avium ordines loco adducuntur, ex quo scilicet aquatilium, amphibiorum, & insectorum, seriem orditur. Prolixus est in recensenda Ranarum, quarum fortasse rariores adhuc species ipsi supersunt, & Bufonum historia. Perplacet Bufo cornutus *Virginianus*, Tabula LXXII exhibitus, cum rana maxima *Virginiana*, certo persuasus, ob nominis saltem analogiam ranarum piscatricium Icones admixtas esse, utpote quæ ex aquatilium pinnigerorum, seu piscium, sunt familia. Curiosa omnino sunt, quæ de transmutatione piscium in ranas, harumque retrograda in pisces metamorphosi, edisserit, sicut omnes hujus mutationis ætates, vel in Amboinensibus, vel nostratibus, ranis ad normam modumque *Merianæ de insectis Surinamensibus* sedulo collegit. Equidem vulgare illud est experimentum, quo exuviis suis caudiformibus prodire ranulas constat, sicut etiam id ipsum in Amboinensibus usu venit; verum, ranas denuo in pisces abire, prout hujus rei rationem in Americanarum ranarum ichthyometamorphosi Tabula LXXVIII reddit, id sane curiosum est, & ulteriore scrutinio dignum. Elegans est Laceratarum series, quas coronidis loco Tomo hoc primo recenset, ita quidem, ut agmen ducant lacertæ macrocephalæ arboreæ,

Chamæleontes, quarum muscas aucupandi, lingua ejaculata, ratio clare & perspicue adducitur. Succedunt Cordyli caudatæ & caudiverberæ; inde strumosi cum cristatis, Lequani dictæ, seu ophiomachi, *Streit-Schlangen*, subsequuntur, quarum elegantissimæ depinguntur species. Eminent inter omnes caudiverbera Tab. CI, quamvis dubium adhuc esse possit, genuinane sit Hydra Hamburgensium Lernæa, quæ Tabula CII Eptacephalus depingitur. Plurimum valent ingenium & naturæ æmuli artifices, qui ex Raja dracones volantes effingunt, cur ex capitibus catulorum maris affabre junctis, nam dentes capitisque forma optime conveniunt, superinducta pelle Crocodili, appensisque serpentis exuviis, Hydram efficere non tentarent? Crocodilorum genesis ex ovo, exacte descriptam, magni facimus, nec dubium est, Crocodili Ægyptiaci & Americani differentiam in rostri forma consistere, quod his productius, illi compressius est. Commendatissimum cupimus Opus illis, qui Museorum Collectores sunt, quorum apparatus Catalogi loco inservire Liber poterit, & quam magno pretio etiam consistare videri possit, etiamsi splendor ille regius non esset, deliberato tamen animo, male parci sumtibus, si quis eundem sibi comparare nolit, vitam, sanitatem, laboris constantiam, CI, Autori insimul comprecati, pronuntiamus.

RERUM ITALICARUM SCRIPTORES AB
Anno Æræ Christianæ D ad MD. LUDOVICUS
ANTONIUS MURATORIUS, *Serenissimi Ducis Mutinæ Bibliothecæ Præfectus, collegit, ordinavit, & Præfationibus auxit.*

Tomus XXII.

Mediolani, ex Typographia Societatis Palatinæ, 1733, fol.
Alph. 7, Fig. 2.

Fervent in medio bellorum æstu Societatis Palatinæ prela;
nec adhuc ipsam hanc urbem, quæ omnium maxime
Gal-

Gallorum nuper invasionibus patuit, suus Apollo reliquit. Aug-
 get id maxime famam Sociorum, qui, cum minime videan-
 tur a calamitate publica integras servasse fortunas suas, haud
 quidquam tamen animum remiserunt ab amplificando, quan-
 tum in ipsis esset, patriæ honore. Adjuvit laudatissimos co-
 natus *Muratoriana* industria, impatiens moræ omnis, & *Ar-
 chimedeæ* illi similis, inter medios hostes circulis suis exturba-
 ri nescit. Suscepit præsentis *Tomi* patrocinium Eminētiss.
 Ecclesiæ Purpuratus, *Annibal Albanus*, cui & dedicatus est a
Philippo Argelato, primum inter Socios Palatinos locum te-
 nente. Quos hic legis Scriptores, etsi numero non multi,
 tamen selecti sunt, &, qui posteris innotescant, dignissimi.
 Primum hic locum Socii dederunt *Tristani Caraccioli*, *Pa-
 tricii Neapolitani*, *Opusculis historicis*. Pertinent hæc ad il-
 lustrandam Neapolitanæ Reipublicæ Historiam, nec, post com-
 plures alios, qui regionis hujus fata exposuere, Scriptorem
 hunc absque fructu leges. Opuscula numero octo habes,
 quorum 1) exhibet *Vitam Joanna I, Regina Apulia*; 2)
Vitam Serzanis Caraccioli, magni Seneschalli; 3) *Joannis
 Baptista Spinelli, Cariatæ Comitæ, Vitam, ad Ferdinandum, il-
 litus filium*; 4) *de Varietate fortune libellum*; 5) *de In-
 quisitione Epistolam*; 6) *Genealogiam Caroli I, Sicilia Re-
 gis*; 7) *Ferdinandi, qui postea Rex Aragonum fuit, His-
 toriam, ejusque Genealogiam*; denique 8) *Nobilitatis Neapo-
 litana Defensionem, ad Legatum Reipublicæ Venetæ*. Trans-
 scripta hæc ex Codice Illustriss. Principis *Torelli*, ex ipsa *Ca-
 racciolorum* gente oriundi, cum Cel. *Muratorio* communica-
 vit Cl. *Constantinus Grimaldus*, Augustissimæ Imperatori in
 Neapolitana ditione a Consiliis, vir in omni doctrinarum ge-
 nere eruditissimus. Non conjungenda cum his Doctiss. Edi-
 tor putavit scripta hujus *Tristani* reliqua, docte quidem sa-
 tis & eleganter scripta, quin ita comparata partem maximam,
 ut Neapolitanis rebus scænerari aliquam lucem possint, at
 tædio futura Lectori, magnum jam scriptorum *Caraccioli* cu-
 mulum ante oculos habenti. Scripsit autem, præter hæc ipsa,
 quæ modo nominatum indicavimus, *Tristanus Disceptionem*
 quan-

quandam priscorum cum junioribus de motibus suorum temporum; Orationem ad Alphonsum juniorem; de Inconstantia; de cujusque vanitate in loquendo; Epistolam de statu Civitatis Neapolis; Plura bene vivendi praecepta ad Filium; de Funere Ferdinandi I Epistolam; de Vita Autoris pauca quadam; Joviani Pontani Vitam brevem; Didonis Regina Vitam; Penelope castitatem & perseverantiam; Quid sit in tot variis artibus junioribus amplectendum; Opusculum ad Marchionem Atella; de Sororis obitu; de Concordia, & de incundo conjugio; Ordinem servandum a militibus Hierosolymitanis in electione magni Militiae Magistri. Cel. Editori magno labore constitit Opusculorum, quae primum hic luce donantur, editio, propterea quod Codex ille *Torellianus* loco non uno multum esset corruptus, & Lectorem posceret ingeniosum, artisque Criticae peritum, nec ex ceteris Codicibus, eadem quippe labe infectis, quidquam peti melius posset. Emendanda igitur hic multa fuerunt *Muratorii* partim, partim *Grimaldi*, ingenio, multa etiam, quae desperata prorsus videbantur, suis sordibus relinquenda. Quod vero ad Autorem ipsum, hunc gravem Editor, & sermonis Latini elegantia amabilem, prudentem etiam, & virtutibus, quae decent Historicum, instructum, dicit. Sed fore nonnullos suspicatur, qui assentationi nimium dedisse dicant *Tristanum* in illa *Joanna I Apologia*, foeminae quippe plurimorum Scriptorum testimonio in scelestissimis habendae, & turpissimis criminibus notatae. Sed meminisse hos jubet, non temere negandam fidem esse. Scriptori, etati *Joanna* proxime viventi, & illarum rerum probe gnaro, multa etiam non tam negari a *Tristano*, quam excusari saltem. Prodiit Autor Seculo XV illustrissima *Caracciolorum* gente, ad hoc usque tempus antiquum servante decus suum, Neapoli annum circiter 1439 natus. Incidit ejus pueritia in illa tempora, quibus Neapolis in ditionem cessit *Alphonso I*, Aragonum Siciliaeque Regis. Patrem habuit *Joannem*, in Regia Camera *Summaria* munere functum, sed tenuis fortunae hominem, etsi prolis admodum secundae, quippe natorum quatuor, pluriumque filiarum, parentem. Quae causa fuit, cur

Trista.

Trifano adhuc juveni major rei domesticæ, quam studiorum equestrium, aut literarum, cura fuerit. Non enim nisi maturæ satis ætate ad elegantiores artes animum convertit, & quæ pueri in scholis addiscere solent, prima Grammaticæ elementa jam fere senex cœpit memoriæ mandare. Ubi faventem satis Apollinem expertus, intra breve tempus gradum ad altiora fecit, & diligenti partim veterum Autorum lectione, partim propria ingenii exercitatione, nullius ductu magistri, tantam nactus est sermonis Latini copiam, ut inter *avvoti- dantes* omnium felicissimos suo jure sit numerandus. Uxor eâ *Cicella Piscicella* fuit, ex qua filiam genuit, nomine *Liviam*, nuptam *Joanni Baptista Spinello, Cariatæ Comiti*, cujus hic vita, a *Trifano* descripta, legitur. Sed, uxore hac præmatura morte extincta, novas *Caracciolo* cum fœmina ignoti nominis nuptias contraxit, quæ filiorum quatuor totidemque filiarum parentem fecit. Superflites filios non nisi duos habuit, quorum natu major, vivente patre, ex gente *Caracciolorum* uxorem duxit. Annum, quo ex hac vita excessit *Trifianus*, non indicant illius Seculi Scriptores, colligit tamen ex ipsius *Vita Spinelli Muratorii*, non ultra annum 1517 ipsi ætatem productam. *Opusculis Trifiani* adjunctos vides *Annales Forolivienses ab A. 1275 ad A. 1473*, Autore scriptos *Anonymo*, nec antehac unquam editos. Hos ut nunc primum in lucem proferret Cel. Editor, factum est singulari humanitate Comitæ *Brandolini de Brandolinis*, Patricii Foroliviensis, qui Codicem horum Annalium pervetustum *Muratorio* liberaliter utendum concessit. Noluit Autor, inolescere posteritati nomen suum, sed, *famam suam in obscuro versari*, ipse nos in Præfatione docet; vixit tamen, si quid valet *Muratoriana* conjectura, circa annum 1485, & confarcinasse potius, quam scripsisse, historias videtur. Nam diversa prorsus eorum, quæ hic leguntur, facies est, & quæ usque ad A. 1300 gesta in Romandiola, ac præsertim Forolivii, narrantur, facile deprompta putes ex antiquiore quodam Chronico, cujus & in margine Codicis fœpissime fit mentio; quæ vero inde ab initio Sec. XIV ad annum usque 1375 commemorantur, non nisi ex Scriptioribus

Bononiensibus congeſta ſunt, ſcatentque adeo erroribus multis, aut obſcura ſunt partem maximam; tum curatius ediſſeruntur rerum ab A. 1375 ad 1473 geſtarum momenta, eſſi ſub ipſam Operis calce ſtili aliquantum immutati veſtigia appareant. Ab ipſo Opere reſecare ea, quæ partim ad antiquiſſima Foroliviensis civitatis tempora ſpectabant, utpote incerta ac fabuloſa, partim aliunde melius cognosci poterant, conſultum duxit Editor, ut adeo, quæ publicantur hic, ſelecta ſint diligenter, & ſuum Lectori uſum ſpondeant. Ceterum animadvertit *Muratorius*, idem, quod aliis Scriptoribus uſu veniat, ut neſciant accurate ſatis Forum Livii a Foro Julii diſtinguere, ipſi horum Annalium Autori accidiſſe, idque exemplo *Cornelii Galli*, Poetæ, oſtendit, quem Noſter cum pauciſſimis Foroliviensem, plerique alii Forojuliensem dicunt. *Annales Forolivienses Anonymi* ſubſequitur *Anonymi Diarium Parmense ab A. 1477 ad A. 1482*, mutuo acceptum olim Cel. Editori ex Bibliotheca Comitum *Franciſci Torelli*, jam A. 1731 ex hac vita egreſſi. De Autore hujus *Diarii* certi nihil conſtat; conjicit tamen Doctiſſ. *Muratorius*, fuiſſe hunc *Jacobum Cavi- ceum*, Virum illius ætatis non ineruditum, firmans conjecturam ſuam argumentis non omnino ſpernendis. Quisquis fuerit Autor, illud ex lectione *Diarii* apparet, virum honeſtum fuiſſe, ac prudentem, gnarumque rerum. Si ex titulo rem æſtumes, levia hic & minuta quæque expectes, quæ prætermitti ſolent ab Hiſtoricis, exhibentibus Hiſtoriarum elaboratiores Commentarios. Sed ex hoc *Diario* meliora longe & locupletiora petas. Utitur enim ſermone Autor, qui delectare facile Lectores poſſit, & omiſſis, quæ ſunt momenti levioris, res notatu digniſſimas commemorat. Sed dolendum, in ſerie narrationis lacunam animadverti, quam cum aliunde ſupplere non licuerit Editori, vel mutila hæc grato animo ex manu ejus accipi, fas putamus. Finem huic Tomo impo-
nunt *Vita Ducum Venetorum, Italice ſcripta, ab origine urbis, ſive ab A. 421, ad A. 1493; Autore Marino Sanuto, Leonardi filio, Patricio Veneto*. Petita hæc ſunt Cel. Editori ex Codice perantiquo, quem ſervat Ducum Eſſenſium Bibliotheca.

Et

Et suo jure hæc *Vita* publica donandæ luce videbantur, cum ad supplenda *Andrea Danduli & Raphayni Carefini Chronica* nihil his ipsis aptius veniri posset. Nam, post *Danduli* laborem, omni laude dignissimum, huic Historiæ præ ceteris omnibus, quibus Venetorum res gestæ sunt conservatæ, palma præcipua debetur. In narrando usus est Autor fide monumento-
rum, partim quæ omnibus patent, & vulgo æstimantur plurimi, partim quæ adhuc in tenebris latent, & singularia multa, parum huc usque nota, continent. Horum insignem copiam in Præfatione collegit Editor, ut Scriptori suo famam & auctoritatem conciliaret. Inprimis quæ ab A. 1100 ad 1493 commemorantur, magnam Autoris industriam testantur, cum antiquiora non careant fabulis suis. Si de tempore quæras, quo scripsit hos Commentarios *Sanutus*, ex *Jacobi Philippi Bergomatis Supplemento Chronicorum* apparet, saltem ante annum 1503 compositos. Præterea mentionem facit Cel. Editor Epistolæ, ab *Aldo Manutio* ad hunc *Sanutum* datæ, & in fronte editionis *Operum Ang. Politiani*, quam curavit *Aldus*, collocatæ, ubi de *Vitis his Ducum Venetorum* scriptum sit honorifice. Sed addit *Muratorius*, incertum esse annum, quo *Aldina* hæc *Operum Politiani* editio in lucem exierit. Nos vero miramur, hæc tam confidenter ab eo affirmari, cum vulgo notum sit, & ultima libri pagina, *Registrum* antecedens, sat clare doceat, Venetiis A. 1498 editum. Credat id uni ex nobis αὐτόπτη *Muratorius*. Ex quo patet, jam ante A. 1498 Opus hoc cura *Sanuti* absolutum. De vita & doctrina Autoris, reliquisque ejus scriptis, diligenter tradidere *Vossius*, *Sanfovinus*, & ille ipse, quem modo diximus, *Bergomas*. Vixit Seculo XV & XVI, anno, ut videtur, 1522 adhuc superstes. Fuit & alius quidam *Marinus Sanutus*, cognomento *Torsellus*, sub initia Sec. XIV clarus, quem *Seniorem* dicere possis, & ex libro, quem scripsit de *Secretis fidelium crucis*, A. 1611 Hanoviz typis *Wechselianis* edito, omnibus notum putamus.

LA BOLLA D'ORO DE'FANCIULLI NOBILI

Romani, &c.

X x 2

i. c.

i. e.

BULLA AUREA INFANTUM NOBILIIUM,
Et alia libertinorum, apud Romanos; variae item
Animadversiones de priscis Mausoleis, nuper demum
detectis, duplici Commentatione breviter propositae ac di-
lucidatae, Autore FRANCISCO DE FICORO,
NI, Academico Regio Parisiensi Et
Messanenſi, &c.

Romæ, apud Antonium de Rossi, 1732, 4.
 Plag. 10, cum aliquot Fig. æn.

Nobilissimus ſcriptionis hujus Conditor non tantum ex pe-
 nitiori exquisitorique antiquarum rerum intelligentia, ſed
 & præſertim ex inſtruſtiſſimo præſæ ſupelleſtilis Muſeo, quod
 miris ſumtibus ſagacique induſtria pridem ſibi comparavit, in-
 ſigni nominis fama claret inter ſuos. Jam & inter externos
 amplius inclareſcet duplici hoc, quem manibus tenemus, Com-
 mentariolo, ubi utriusque ſumman & ſuccum, licet ſtriſtim;
 more noſtro, tradiderimus harum deliciarum ſtudioſis. *Prior*
Diſquiſitio argumentum diſcutit, cujus quam frequens exſtat
apud veteres Scriptores commemoratio, tam rara apud
recentiores illorum explanatores declaratio reperitur; ut ope-
ram adeo atque oleum in illo enarrando haud perdidiffe di-
ſendus ſit jure doctiſſimus Ficoronus. Bulla eſt, de quo agit;
ornamentum infantile quondam apud Romanos, ſed diver-
ſum pro diverſa geſtantium conditione. Hi illius uſum,
uti plura alia, ab Etruſcis mutuati eſſe deprehenduntur, au-
tore eodem, qui & urbis perhibetur, Romulo. Is primus fi-
lium ex Herſilia, Sabina virgine, ſibi conceptum, Hoſtilium
nomine, bulla aurea & prætexa cohoneſtaſſe legitur
apud Macrobium Saturn. Lib. I Cap. 6. Et, quemadmodum,
eodem teſte, inſecutiſ temporibus Bulla facta fuit geſtamen
triumpphantium, ita Tarquiniuſ Præſcus Rex gnatum ſuum,
quarto decimo anno inimicum occidentem, eadem donavit li-
bera-

beraliter. Idem instituisse proditur, ut *Patricii duntaxat*, hoc est, Senatorum filii, *Bulla aurea uterentur, quorum patres Cuiuslibet Magistratum gessissent, aut meruissent equo*. Egregium hoc certe incentivum fuerat pueris nobili loco natis, ut imitarentur virtutem patriam, armisque in patriæ commodum strenue gerendis mature adsuescerent; ubi viderent nobili illo, quod *Statius* vocat, *pectoris auro* se vulgo exemptos, atque a plebe secretos. Singulare est similis generis exemplum *M. Emilii Lepidi*, de quo refert *Valerius Maximus Lib. III. Cap. I.*, quod etiam tum puer, *progressus in aciem, hostem interemisisset, servasset civem, ejusque tam memorabilis operis index suo tempore adhuc persisterit in Capitolio statua bullata, & incincta prætexta, Senatusconsulto posita*. Prodidit nummum in suo de Familiis Consularibus Opere *Vaillantius*, in memoriam gestæ hujus rei olim procusum, & *Lepidi* honori dedicatum, sed *Bulla aurea* carentem, aliisque reportatæ præclaræ victoriæ insignibus. Servat verò alium similem argentum, eundemque rarissimum, Cl. *Ficcoroni* Museum, his omnibus instructum, cujus & iconem, ænea tabula expressam, dedit Autor, unde decerptam curate nos quoque hic repræsentare pretium operæ existimamus. In facie nummi adversa appareret caput fœminæ diademate cinctum, palmæ ramo retro collum posito; quam fœminam vel *Clementiam Deam*, quæ in alio idem *Emilia gentis* nummo conspicitur manifeste, vel *Venerem*, ex ingenio *Vaillantii*, interpretari possis, nisi malis dicere, *Victoriam* significari, palmamque esse tantum artificis, qui procudit nummum, insignis, cujus generis plura subinde periti deprehendunt. Aversa Pars intuentium oculis offert spectiem equestrem *Lepidi triumphantis*, capite ad Heroum morem denudato, induti prætexta ad talos defluente, & gestantis *Bullam auream*, de collo dependentem, regentisque sinistra freno equum, dextera autem portantis hastam longam, innixam humero, in cujus apice galea hæret & scutum, spolia inimici in prælio occisi, hac addita Epigraphe:

M. LEPIDVS AN. XV. PR. H. O. C. S. id est:
Marcus Lepidus annorum quindecim, prætextatus, hostem occi-

X x 3

TAB. VII
 Fig. I.

occidit, civem servavit. Servantur & hodiernum istiusmodi *statuæ bullatæ*, molis licet haud admodum ingentis, Romæ in Virorum illustrium palatiis atque hortis. Primus, quod exilimat Autor, talis *Bulla infantilis* imaginem ære delineatam vulgavit *Causeus* in *Museo*, quod inscripsit, *Romano*; alteram vero, haud ita pridem in tumba quadam casu detectam in via Prænestina, quarto ab Urbe lapide, propriam sibi acquisivit Noster, eandemque & hic affabre depictam legentium stitit curiositati, addita explicatione eruditissima. Deponere illam consueverunt pueri nobiles Romani una cum prætexta, quando sumebant virilem togam; unde *Propertius Lib. IV Eleg. 1.*

Mox, ubi Bulla rudi dimissa est aurea collo

Matris, & ante Deos libera sumta toga;

& *Persius Satir. V:*

Cum primum pavidæ Custos mihi purpura cessit,

Bullaque succinctis laribus donata pependit;

& postea Diis, vel Laribus, consecrare: quemadmodum, *Bullas aureas Tiberii Imp.* Bajis adhuc in fano quodam asservatas suo tempore exstitisse, memorat *Suetonius*. Duravit ille mos integer stante Imperio Romano nobiles pueri ita *bullator* incedere, quod *Cicero* & *Juvenalis* dicunt, donec, illius viribus sensum sensimque attritis, & tantum non exhaustis, in auri locum, quo purissimo constabant illæ veteres, argentum, immo & aliud metallum ignobilius, succederet, forma etiam minor longe prisca adoptaretur, & quod veri Nostro videtur simillimum, *Zenone* imperante, penitus exspiraret. Finito demum bello Punico secundo, concessum quoque est, teste *Macrobio*, loco citato, ut *Libertinorum etiam filii, qui ex iusta duntaxat matrefamilias nati essent, togam prætextam & lorum in collo pro Bullæ decore gestarent*; cum quo conspirat *Asconius* in tertiam *Verrinam Ciceronis*, *Bullam*, scribens, *suspendi in collo infantibus ingenuis solere aurcam, libertinit scorteam*. Exhibet similiter Autor noster typis æneis figuram ejusmodi infantis *libertini* nudi, soloque collo *Bullam coriaceam, sive pelliceam*, ostentantis, qua & nos *Annales nostros*

exor-

TAB. VII ad Not.



... ~~.....~~ que a nos amigos honrosos
exor.

exornari volumus. Animadvertis enimvero *Lector Tab. VII Fig. 2 statuam pueri*, si calceolos demseris, toto corpore plane nudi, insidentis modo situque valde gratioſo baſi rotunda, tenentisque una manu aviculam, ſive columbulam, altera pilam luſoriam, ex corio, quod juncturae produnt, conſutam, ac præferentis vultum pueriliter hilarem. De collo ipſi pendet globulus paulo aliena, quam qui ex auro compoſiti ſolent, forma elaboratus, & uti videtur, ex *pelle coriove* contextus, qualem deſcripſit *Juvenalis Satir. V v. 165*, verbis:

*Quis enim tam nudus, ut illum
Bis ſerat, Hetruſcum puero ſi contigit aurum,
Vel nodus tantum, & ſignum de paupere loro?*

Obſervat denique ſub finem Noſter, ſæminas quoque Romanas *Bullis* collum exornare ſolitas fuiſſe, ſed minoribus illis, unaque pluribus, nec ex auro, vel corio, elaboratis, ſed ex varia materia, interdum & gemmis conſtantibus; coronidisque loco hanc in rem apponit Inſcriptionem ex *Boiffardo* ſæminæ, *Bullam* ſuam Divæ dedicantis, ſequentem:

IVNONI. PLACIDAE
CONSERVATRICI. AVGVSTAE
CLAVDIA. SABBATIS
BVLLAM. DD

ADDIT. ET. SCYPHVM. ET
TRIPODEM. FORTVNAE. AVG.

Jam & poſterioris Diſſertationis rationem vel paucis habeamus, quæ non minus anteriori delectis Obſervationibus abundat. Tangunt illæ potiſſimum *Mauſolea*, quæ priſci ingentibus ſumtibus, numeroque fere infinito, ad latera viarum publicarum, ab urbe Roma ad omnes mundi plagas deducentium, ſuorum deſunctorum honori & quieti exſtrui curaverunt. Equidem & hoc argumentum non intactum plane reliquerunt in ſcriptis ſuis antiquitatis conſulti; Noſtrum tamen, qui aliquot abhinc anni deſectionis ſimilium monumentorum plurium præſens ac curioſus interfuit ſpectator, quorundam poſtea & redditus poſſeſſor, plura de *Mauſoleorum* vera conſtitutione ocularis edocuit contemplatio, quam tritum fuerat hæte-

nus

TAB. VII
Fig. 2.

nus atque doctorum hominum calaminis celebratum. Jucunde hinc de eorundem structura ac mole admirabili, ut plurimum & pretiosa, (marmor enim & porphyrys nonnunquam adhibebantur,) si quidem illustrium virorum reliquias conderent, multa docet; de *Cameris sepulchralibus, urnarum receptaculis*, inibi positis, haud proletaria affert in medium; deque *urnis* ipsis, tum combustorum corporum cineribus, tum varia monilium, annulorum, inaurium, &c. suppellectili aurea onustis, disserit. Inter alia, non semper cineres, sed quandoque & cadavera demortuorum integra abs se reperta, confirmat, simulque promittit, editum iri aliquando aliquam suam Comimentationem de *antiqua lucerna sepulchrali ex metallo materiam continente incombustibilem*, quam Græci ἀσβεστον. Romani autem *linum vivum* dixerint; itemque aliam de *personis scenicis & figuris comicis*. Utramque ut propediem absolutam publicis usibus ne invidet Vir eruditissimus, ingenio ipsius & doctrina capti, seriso illum obtestamur.

COMMENTARII ACADEMIÆ SCIENTIARUM Petropolitanae.

Tomus III.

Conf. *Nova Acta Erud. Anni præsentis Mens. Jun. p. 259.*

De his, quæ ad Classẽ Mathematicam & Physicam pertinent, nuper vidimus; superest, ut, quæ ad Historiam Pag. 295 seq. & Criticam spectant, expediamus breviter. Apparet primo 351 seq. loco Viri Cel. T. S. Bayeri *Chronologia Scythica vetus*, demor- 389 seq. sos sapiens unguet. Succedunt ei *Memoria Scythica, ad Alexandri M. ætatem deducta*, eodem Autore concinnatæ. Idem subjecit *Elementa literaturæ Brahmanicæ Tangutanae Mungalicæ*. 428 seq. Additæ sunt ultimo loco *Observationes Astronomicæ*, Autore J. N. de L'Isle in specula Petropolitana Astronomica factæ. De singulis paucula pro ratione instituti nostri dabimus. *Herodoti* auctoritatem Cel. Bayerus secutus, ponit, majo-

maiores Scytharum a Caucaſo Armeniæ, primo aſtrum, poſtea orientem, petiſſe, ita, ut a ſiniſtris haberent littora Caſpia, denique deſſeſſiſſe borapelioten, & in orientalibus Volgæ regionibus conſeſiſſe: hic vero illam inconditam & diſperſam multitudinem, mille annis ante *Darii Hyſſaſpida* expeditionem Scythicam, anno periodi Julianæ 3200 in unam rempublicam coiſſe, duce *Targiſao*, dictos Scolotos, i. e. rerum dominos, diſiſos autem in populum Paralatarum, Auchatarum, & Catiorum, ſeu Traſpium. Tum, Cimmerios tenuiſſe oras Ciſvol-
 296. ganas ad Boryſthenem uſque & Tiram, addit: Scolotos vero, vexatos ab Iſſedonibus, trajeciſſe Volgam, & pulſis Cimmeriis, non modo has terras, ab Iſſedonibus relictas, occupari, ſed inſaſſe etiam ſuperiorem Aſiam, & a fama artis ſagittandi a Græcis dictos eſſe Scythas, i. e. Sagittarios. Obiter notamus, eos vocari a *Jeremia* מִסְכִּי Cap. I, 11. Indicatur, *Μαυρις* apud *Theocritum* Idyll. XIII v. 55 eſſe idem ac Σκυθῖς. *Juſtinus*, ex *Trogo Pompejo* ſua componens, falſa prodidit de gentis Scytharum prodigioſa antiquitate. Scythæ enim ipſi gentem ſuam dixerunt omnium noviſſimam, teſte *Herodoto* Lib. IV Cap. 5. De *Hercule*, gentis autore, inſulſa procuderunt coloniæ Græcorum, circa Pontum habitantium, qui *Herculem* & *Hyllum*, filium ejus, colebant religioſo. *Diodorus Siculus*, partim *Herodotum*, partim alios, ſecutus, monſtrum peperit, invicem repugnans. Tempore *Ardyi*, Lydorum Regis, Cimmerii, a Scythiſ pulſi, per Caucaſea clauſtra Cherrhoneſum magnam, ſeu Aſiam minorem, petierunt, Sardes occuparunt, & Cherrhoneſum Sinopicam tenuerunt. *Alyattes*, *Ardyi* nepos, Cimmerios omni expulſi Aſia, teſte *Herodoto* Lib. I Cap. 6, 15. Lib. IV Cap. 12. *Cæſar* ad Halyn uſque arma victricia protulit. *Cyaxares*, Medorum Rex, armis Scythicis ſuccubuit. Scythæ regionem ultra Ephraten occuparunt, Palæſtinam inſaſerunt, & ibi a *Pſammiticho*, Ægyptiorum Rege, muneriſus mitigati ſunt. *Cyaxares* hoſpites vaſtatores ruſus eſcit. Hæc & cohærentia ex *Herodoto* Noſter copioſe ediſſerit. Porro ſucceſſionem Regum Mediæ, Lydiæ, & Ægypti, ex *Herodoto* idem explicat; *Diodorum Siculum*,
 297.
 299.
 301.
 316.
 517.
 318.
 320 ſeq.

- ejus βασιλικὰς διφθέρας *Josephus Scaliger* venditat, rejiciendum putat, testimonio ejusdem *Scaligeri* in *Fragmenta* p. 42 adjutus. Docet idem, *Pblegontis Tralliani* satis magnam partem exsare, quam *Josephus Scaliger* inter Græca *Eusebii*, ab *Isaaco Casaubono* acceptam, ediderit. Qua de causa provocatur ad *Scaligeri* Epistolas p. 251 seq. & 261. Liber dictus fuit Ολυμπιάδων ἀναγραφή. Si cum libro hoc conferas *Photii* fragmenta, ex *Pblegonte* desumpta, *Cod. CXVII*, id facile patet. *Pblegon* videtur in hoc suo libro *Olympionicas Erastostenis Cyrenæi* continuasse ad *Hadrianum* usque: inde ad *Antoninum Elagabalum* Supplementa addidit *Julius Africanus*. Sic *Cyri* regnum eruitur, cœptum *Olympiade* 55. *Xenophontis* *Cyropædiam* Noster appellat *fabulam scitam & lepidam, scriptam delectandi populi causa, quo victum sibi quareret Xenophon ad levandam esuriem*. Sextus annus belli inter *Cyaxarem*, *Medum*, & *Alyatten*, *Lydum*, insignis exstitit eclipsi maxima intra *Asiam* circa *Halyn* fluvium, quam *Thales* prædixit. Eam *Astronomicarum rerum peritiam Thaleti* quidem abnuit *Henricus Dodwellus*, quem scite confutat Noster. De *Thalete* magnificentius sensu *Appulejus Madurensis*. *Riccioli* porro ævus circa illam eclipsin notatur. Alii hic senserunt alia. Consuluit igitur Noster Collegam suum, *Fridericum Christianum Meierum*, qui, pro singulari in calculis *Astronomicis* doctrina & exercitatione, omnes eclipses, quæ inter annum periodi *Julianæ* 4106 usque ad 4158 in *Asia* minori contingere potuerunt, investigavit, omniumque examinavit sententias. Veteres mirifice discrepant ob errorem unum & alterum historicum admissum. *Meierus* unam deprehendit eclipsin solis totalem, a nemine pro ea agnitam, quæ *Bayeri* rationibus unice convenit, anno P. J. 4111 d. 17 mensis Maji ante meridiem 8. 18., sub meridiano *Vranoburgi*, factam. *Usserius*, non in cœlo, sed terra, hallucinatus congruit *Meiero*. Cœpit igitur bellum ob *Scythas* transfugas, A. P. J. 4106 ineunte. Unde probabile est, anno periodi *Julianæ* 4075 *Cimmerios*, a *Scythis* pulsos, ultra *Borysthenem* concessisse, & per *Caucasæa* claustra in *Asiam*

fiam fugisse. *Homerus* Scythas silet. *Hesiodus* nil edidit præter *Egyæ*. *Θεογονία* a vetustate filii nimium discrepat. Anti-
 quissima Tanai expeditio Scythica, *Iustino* quæ autore ex-
 stat, *absfona* est, & *extra modum absurda*. Suspiciatur No-
 ster, *Cyri* expeditionem non modo in *Massagetæ*, sed etiam
 Scythas, fuisse susceptam, licet caliginosa nocte pressam. Spem
 facit tandem, Scythicarum rerum sub *Mithridatica* tempora
 gestarum memoriam se alibi explicaturum una cum annexis.
 Adspiret Deus tanto promisso! Succedunt *Memoria Scythi-
 cæ ad Alexandrum Magnum*. De magnitudine populi a for-
 ma imperii ducuntur initia. Primus regni formam instituit
Targitæus. A cuius filiis tribus exortum regnum tripartitum
 ad *Darium* usque perstitit, cuius ætate *Idantbyrsus* floruit.
 Adduntur ceteri, sed ita, ut nonnunquam conjecturis locus sit
 datus, certioribus monumentis Autori negatis. Bellum Scy-
 thicum, a *Dario Hytaspide* excitatum, hic fuscè commemoratur.
Tyr, Scytharum Deus, pro Marte habetur. De ritibus
 aliis diserte & solide proferuntur non contemnenda. *Θήλειæ
 ὕστος*, Scythiis immissa, teste *Herodoto Lib. I Cap. 105 & Lib. IV Cap.
 65*, exponitur de debilitate scæmineæ. Persæ Scythas vocarunt
Sacas a vinolentia. Hisce enim *ساقى sakai* est belluo &
potor. Saxones a *Sactis* non dicti vel deducti, sed vel ex *Sat-
 ten*, *Sitten*, vel, uti *Witechindus Corbejensis* est autor, ex
Sabr, i. e. cultello, pugione. Veteres mirifice errarunt cir-
 ca situm ponti Euxini & Balthici, quem propinquum invicem
 esse admodum existimabant. Omittimus cetera, ex fonte ipso
 haurienda. Vocant nos *Elementa Literatura Brahmanica,
 Tangutana, Mungalica*. *Daniel Messerschmidius*, Gedanen-
 sis, Medicinæ Doctor, A. 1727 ex Siberia rediit Petropolin,
 quæ a *Petro Magno* missus fuerat ad naturæ artisque investi-
 ganda arcana. Redux multa observata Academiæ Imperato-
 riz tradidit. In his fuit libellus longus, foliis octo solutis,
 charta, ut Nostro videtur, Coreana, haud multum bombyci-
 næ dissimili, & densitatem quod attinet, & si paululum teras,
 scabritiem. Utraque cujusvis folii pagina ita est scripta, ut,
 quo loco prioris paginæ linea est extrema, ibi, si veritas, poste-
 rio.

Pag. 393.

421.

rioris sit caput. Qui mos obtinet apud omnes populos, qui foliis arborum eogitata inscribunt. Id in chartis deinde etiam observatum. Singulis in hisce paginis duo sunt ordines, ita, ut unusquisque prima in linea *Brahmanicas* literas exhibeat, in altera *Tangutanar*, in tertia *Mungalicar*. Liber fuit non scriptus, sed typis excusus. Nam & *Tangutani* & *Mungali* artem typographicam a Sinis acceperunt. Formæ ejusdem lignæ typographicæ exstant apud Principem *Alexium*, *Mischaelis* filium, *Czerkaskium*. Hic liber, a *Messerschmidio* acceptus, a Sinis fuit excusus. Preces *Tangusanorum* sunt vulgarissimæ: *Miserere mei Deus*. Quare eam formulam in vexillis sepulchrorum vel decies repetitam inscribunt. De charta, de peculiari editione *itineris Marci Pauli Veneti*, de cominatibus, punctis, vocalibus & syllabis literaturæ *Brahmanica*, *Tangutana*, & *Mungalica*, singularia hic proferuntur. De gemina editione libri *Vitsenii* nonnulla subjici placuit, alioquin incognita. Liber & A. 1692 & 1705 Amstelodami prodiiit foris descriptus publicis. Inscriptio: *Nord en Oost Tartarye of te bondig Ontwerp van eeniger dier Landen en Volken door Niclas Witsen*. Octo illa folia hic comparent, æri incisa. Plura eo fine proferentur *Tomo V Comment. Acad. Scient. Petropol.*

OBSERVATIO ECLIPSEOS TELLURIS,
Romæ habita in ædibus Eminentissimi De-Via d. 3 Maji
A. 1734 a DIDACO DE REVILLAS, Abbate S. Hiero-
nymi, & ANDREA CELSIO, Astron. Prof.

Upsal.

Instituta est hæc Observatio duobus notæ optimæ telescopiis palm. Rom. circiter VI, altero Solis imaginem directe ad oculum, opacato vitro munitum, transmittente, quo eclipses præsertim initium & finem observabant, altero in

adver-

adversa tabella, ut moris est, solarem speciem depingente, phases intermedias intuebantur.

Observationes:	Temp. verum.			Quantitas obscuratio- nis digit.
	P.M. diei 2.			
	H.	M.	S.	
I	22	22	35 ⁹ .	-- Initium aliquantum
II		27	1.	0½ præcessisse trans
III		34	0.	1 nubem videbatur
IV		42	6.	1½
V	23	0	52.	2
VI		3	16.	2 -- vel paulo plus, & ma-
VII		10	31.	2 xima obscuratio
VIII		28	16.	1½ imminens cense-
IX		45	11.	0½ batur.
X		52	1.	0 -- Fisis.

Ex IV & VIII Observat. maxima obscuratio circa *h.* 23. *m.* 5 colligitur. Phases intermedie certissimæ. Horologium & ex appulsu ad meridianam, & ex altitudinibus solis æqualibus, eodem observationis die & pridie notatis, sæpius correctum est.

EXCERPTA E LITERIS CEL. GODINI,
Socii Academiæ Scientiarum Regiæ Parisiensis,
dati die 23 Maji Anni 1734.

Certiore te reddo de Observatione quadam Astronomica nova, & quantum judicare possum, magni momenti, non semel solum atque iterum a me instituta, sed per sex mensium intervallum continuata. Credebatur huc usque luna corpus esse sphaericum, & ad globi formam, quantum per Observationes detegere liceret, rotundum. Astronomi certe hanc illi figuram constanter attribuerunt. Verum accuratiores Observationes apparentium ejus diametrorum, sedulo institutæ, solerterque repetitæ, me conducere, esse illam sphæroi-

des oblongum aut depressum, ita, ut hujus sphæroidis diametri sint inæqualis magnitudinis. Maximam differentiam harum duarum diametrorum inæqualium superare 45 minuta secunda gradus, deprehendere huc usque non potui, nec minimam ultra 16 talia minuta descendere. Constat enim, augeri modo, modo minui diametrorum apparentium rationem, unde demum cunque illa mutatio pendeat, sive a lunæ ipsius motu libratorio, sive a diversis ejus supra horizontem altitudinibus, in transitu ejus per meridianum circulum dimetiendis, sive aliunde. Major diameter verticalis est, luna in meridiano constituta, minor vero horizonti parallela. Quid Ill. *Newtonus* de lunæ figura senserit, patet ex Problemate XIX Propositione XXXVIII Libri III Principiorum ejus Mathematicorum Philosophiæ Naturalis pag. 432, secundum editionem Amstelodamensem de A. 1723 & pag. 470 secundum editionem Londinensem tertiam de A. 1726, ubi vi principiorum suorum horizontalem diametrum majorem verticali eruit. Verum Observationes meæ cum illius sententia non videntur conciliari posse. Expectemus, quæso, donec Observationum solers continuatio veritatem prodat,

THE TRADITIONS OF THE JEWS WITH THE
exposition and doctrines of the Rabbins, &c,

h, c,

TRADITIONES JUDÆORUM, CUM EXPLICATIONE
doctorum Hebræorum, comprehensæ in Talmude,
aliisque Scriptis Rabbinicis.

Partes III.

Londini, sumptibus G. Smith & Steph. Austen, 1732, 8.

Pars I plag. 4½, Pars II pl. 4½, Pars III pl. 12.

Constituerat sibi Autor Traditiones Judæorum ex Talmude
& Scriptis Rabbinicis ita recensere, ut mensibus singulis
Pars

Pars relationis hujus ederetur. Quo consilio edidit *Partem primam & secundam*. Sed, cum id institutum suis laboraret incommodis, mutavit consilium, & Voluminibus spissioribus laborem hunc persequi, commodius judicavit esse. Quare *Partem tertiam* excerptis prolixioribus instruitur, quam præcedentes duæ. Desumfit illa ex interpretatione Talmudis Germanica, quod ipse libere proficitur. Noluit ergo, ne literis quidem Hebraicis in Tractuum titulis servatis, avocare Lectorem, harum rerum imperitum, a libelli hujus lectione, sed Autorem secutus Germanum, characterem Latinum retinuit. Multa itaque excerptis de adscensu *Mosis* in cælum, de statura procera *Adami*, de modo videndi diabolos, deque aliis, quæ stultitiam & absurditatem Judæorum clare ostendunt. Sed, an in excerptis excerptis, multa ridicula & absurda continentibus, hæere consultum sit, merito dubitamus. Mirabitur Lector, ipsos hos Tomos evolvens, excerpta, ipsa absurditate sua notabilia.

DE RITU VARIANDI GHORALE INDUMENTUM, in solennitate Paschali apud Clerum Basilicæ urbis usitato, Disceptatio Epistolaris, Autore PETRO MORETTO, Basilicæ B. Mariæ trans Tyberim Canonico. Accedit ejusdem Supplementum Dissertationi de ritu ostensionis sacrarum Reliquiarum, divulgatæ A. 1721.

Romæ, ex Typographia Rochi Bernabò, 1732, 4.

Plag. 19.

Romanus Paschalis ritus, olim usu totius fere orbis Ecclesiastici receptus, sensim ad angustias redactus, vix Romæ sese tueri potuit, quod ipsum Ven. Autor ad *Binetum*, & quæ Canonicum & Collegam, exponit in hoc libello. Clerus Romæ, ineunte Paschali tempore, variat habitum choralem. Queritur, an ritus ille sit permissus, an improbandus, an mysticæ significationis quid habeat? Ubi inter Missarum solennia in Sabbato sanctioris hebdomadis ex ore Episcopi vel Presbyteri Cano-

- Canonici auditur vox *Alleluja*, Canonici plerique nobiliores, vel omnes, pergunt ad sacrarium, depositisque vestibus violaceis laneisque cappas iterum accipiunt ante vespervas. Auctori ea sedet sententia, subesse ritui quid mystici. Nam violaceæ togæ permutantur candidis indumentis. Patres monent, in Paschate locum esse lætitiæ & gratulationi ob redemptionis Christi consummatæ, & victoriæ ab inferis reportatæ, memoriam, convivium nuptiasque agni cœlestis, imaginem vitæ æternæ, transitum a culpis & tenebris ad remissionem & lumen gratiæ, ac a servitute ad libertatem & pacem, renovationem morum & innocentiam. Adduntur quædam de neophytorum stola alba, & Clericis albatis in Paschate. De *Albulo Paschali* differitur. Color obscurus notat statum luctuosum.
23. 47 seq. Tempus, Paschati & Pentecostæ interjectum, lætitiis dicatum; præcedens luctui. Pertextitur historia ritus per ceremonias variarum regionum. Cappæ hic distinguuntur in extrachorales & canonicas contra *Grancolasium*, nec non Clerico-Monachi a Canonicis regularibus & secularibus. Sed posterior distinctio quadrat ad tempora Seculo XII recentiora, haudquaquam ad antiquiora. Auctor deinde eos refellit, qui in hoc ritu nil, vel parum, mystici agnoscunt. Supplementum haud adeo est copiosum, & superaddit exempla ostensionis reliquiarum sacrarum complura. Promittit Auctor Historiam Basilicæ ad S. Mariam trans Tiberim, in qua de imaginibus ibi cultis multus erit sermo. Opus magna ex parte jam ad umbilicos fuit adductum. Idem editurum sese pollicetur *Ritum Presbyterii explanatum*, Libros VI de *Hierarchia Cleri Urbis*, *sacro Cardinalium Collegio*, & *Scholis Palatinis*, de *Origine & Usu Manti Papalis* *Diff.* nec non *Thesaurum Scriptorum ritualium*. Quod Deus bene vertat!
94. 5.

DE ROMANO PONTIFICE IN FERENDO

de Fide Moribusque judicio falli & fallere nescio, eodemque Conciliis Oecumenicis autoritate, potestate, jurisdictione, superiori, Dissertatio duplex. Accedit Appendix de Mente Ecclesiæ Gallicanæ & Academiæ Parisien-

*rissensis circa illa duo Sedis Apostolicæ privilegia. Au-
tore F. JACOBO HYACINTHO SERRY, Ord. Præd.*

*S. T. M. & in Academia Patavina Prima-
rio S. Theologiæ Professore.*

Patavii, typis Seminarii, apud Jo. Mansfrè, 1732, 8.

Plag. 20.

Librum non adeo magnæ molis indicamus, sed scriptum
exquisitissime, omniumque eorum, quos multos de eo-
dem argumento his temporibus concinnatos legimus, princî-
patu facile triumphantem. Scopus accurate a quæstionibus
annexis separatus, distinctiones exacte diductæ, methodus so-
lida, & mascula eloquentia, hic utramque faciunt paginam.
Fundamenta equidem gubernationis Ecclesiarum si ab instituto
Christi, jure fidelium singulorum, & scopo Dei, repetimus,
ad politicum Ecclesiæ conservandæ schemata tuendum haud fa-
cile delabimur. At, ex quo doctores Ecclesiæ principatum
doctrinarum exponendarum salubriorum & sanctiorum ad se-
se traxerunt, & primo unitatem ab Episcoporum consensione
derivarunt, deinde ob ordinem servandum ad dignitatem uni
largiendam primariam deflexerunt, quo potestas sua in Cleri-
cos minores & Laicos foret adstrictior & speciosior, non
potuerunt, quin vel Aristocratiam, vel Monarchiam, Ecclesia-
sticam stabilirent. *Cyprianus*, & alii, schema Judaici Sacerdo-
tii eum in finem crebro urserunt. Observantia auditorum
in doctores pios summa permisit, ut sensum abique a prima
æqualitate & gratia divina, quæ doctoribus impertiebatur pri-
mis singulares dotes spirituales, declinaretur, & consilia con-
verterentur in leges, & ordo libere adscitus abiret in cumulum
formularum & rituum. Si qui fortius obloquerentur, ii vel
non auditi, vel repudiati, vel oppressi. Hominibus vero ob-
dormiscentibus & in formularum syrmate acquiescentibus, ob-
repsit inimicus, & zizania insperfit tritico. At, hisce missis,
S. Rev. Viri institutas disputationes fideliter significabi-
mus, super sedentes quacunq; censura, interrogatiunculis po-
tius

tius suspiciones nostras proposituri paucas. Humanissima libri Dedicatione ad Illustriss. & Reverendiss. *Joannem* Archi-Episcopum *Minottum Orzobonum*, Episcopum Patavinum, Comitem Saccensem, fuit directa. Ad originem Operis quod attinet, hæc enata est ex interpretatione, quæ A. 1731 Auctori pro ornanda Theologiae muneri professione in Archi-Gymnasio Patavino ad Distinctionem 23 Libri III Sententiarum erat suscipienda. Susceptam & in literas relatum Opellam tuiturus, suarum postea duxit esse partium, adornare simul vindicias Romanorum Pontificum supra viginti, qui vel de violata fide, vel de solutis lato-judicio morum regulis, perperam accusantur, non minus eos perstringens, & argumentis refellens, qui auctoritatem summi Pontificis Romani infra Concilia œcumenica demisisse perhibentur. Quo sine conciliare sanctæ Sedi, uti vocat, contendit Ecclesiam Gallicanam & Parisiensem Academiam, quæ de gemina illa solii Romani prærogativa minus benigne sentiunt, ad superiora provocans Secula. Jusserunt Proceres Romanæ curiæ, ut liber in chartas conjectus publice exstaret. Autor paucis multa constrinxit, & uti testatur ipse, Aliadem nuce conclusit, objectiones porro, magnis multisque adversariorum voluminibus sparsas, omisissis pigmentis, summatim diluit, & concisa oratione enodare aggreditur. Hac arte voluit Adversarios ludere, qui & olim, & in præsens, magna librorum mole hyperaspistas throni Pontificum obruere moliantur. Tantum de libri origine & scopo. Nunc ad ejus summam. *Cap. I* exponitur status controversiæ. Largitur, Pontificem, uti doctorem privatum & hominem, falli posse & fallere. Id contendit, in materia fidei & morum, non rituum, non rerum historicarum, ex cathedra, solenni ritu debitisque jurium formulis servatis, pronuntiantem, errare non posse. Ritus ille solennis complectitur solennes preces ad veritatis Spiritum advocandum, præmissio serio rei totius examine, præhabita consultatione Ecclesiæ suæ Romanæ, intra urbis ambitum constitutz, i. e. adhibitis ad consultationem Cardinalibus. Interrogamus, an loco determinato Spiritus veritatis sit promissus & alligatus? Querimus, an in Schismate plurimum Pon-

Pontificum, iisdem observatis solennitatibus, singuli, dissiden-
tes decretis, eodem privilegio sint instructi? Quæritur, an,
sede vacante, capitis ejusmodi ab errore immunitas existat?
Quæritur, an omnibus liceat decreta pastoris defugere, ubi suspi-
cio existat verisimillima, veritati divinæ, in literas sacras reda-
ctæ, fuisse detractum? Quæritur, an nunquam solenniter de-
creta contraria, & rursus sublata, sint promulgata? Quæri-
tur, an Concilio nunquam Papæ ad finiendum Schisma diver-
sorum Pontificum sese submiserint? Quæritur, an non major
aliquando pars Cardinalium a Decreto Pontificis discederit?
Maimburgius produxit exempla Pontificibus admissorum, Pag 5.
Nostro minus arridentia, ob solennitatis defectum. An Roma-
na Ecclesia constituit universalem, una omnes? Nonne cujus-
que nationis Ecclesia sola est errori obnoxia? An nunquam
omnes Ecclesiæ externæ & conspicuæ a doctrina vera defec-
runt? An Ecclesia Avenionensis potuit falli, Pontifice Romanum
egresso? An tunc Ecclesia Romana querenda fuit penes Gal-
los? Num ideo Romana falli non potest, quia jam præmitti-
tur, eam errare non posse? An hæc est petitio principii?
An Romanæ Ecclesiæ alligata est infallibilitas; ni firmissime, o-
stendatur, Petrum ibi fuisse Episcopum, & Romanam omnium
Ecclesiarum existisse antiquissimam? Num in Apostolatu dan-
tur perpetui Successores? An primi Ecclesiæ Patres præter
prærogativam ordinis Romano Pontifici quidquam concesser-
unt? Nonne Paulus omnium Ecclesiarum gessit curam?
An illi, qui doctrinis Pauli accedunt, easque mordicus tenent,
errare possunt? An ii, qui Paulum non ubique audiunt?
An S. Cyprianus & Firmilianus crediderunt, Pontificem Ro-
manum respectu baptizandorum hæreticorum non errare?
Nonne igitur hæretici materiales possunt cœlitibus adscribi, æ-
ternumque beari? Quo criterio constat, eos esse hæreticos ma-
teriales, qui ab Autore dissentiunt? Num licet, ob monitum
Jeremiæ VI, 16, antiquissimam Christi doctrinam præferre iis,
quæ Seculis posterioribus accesserunt? Quæstionum harum
summas e scriptis Pontificiorum selegimus. Verum pergamus
ad alia. Alterum pro Romani Pontificis infallibilitate argu-
men-

- mentum desumitur ex Christi pro *Petro* deprecatione *Luc. XXII.* Adduntur testimonia Patrum benigniora. Quæritur, an *Petrus* tum lapsus non fuerit? Respondetur *p. 15.* lapsum fuisse, non intrinsicè, sed externis verbis. At, si successores *Petri* per externa verba decretorum laberentur similiter? Respondetur secundo, *Petrum* labentem nondum existisse Episcopum. Apostolus tamen, qui excellebat Episcopo. At quomodo dictum id trahi potest ad successores Episcopi, quod de indole Episcopi factisque haud agit? Tertium arcessitur argumentum ex *Matth. XVI.* idque more solito. Non una veterum de eo locus est expositio. Quæritur, an numero suffragantium veritas hic sit metiendâ? Quæritur, an constet, Scriptorum deperditorum suffragia Autori potius fuisse, quam parti contrariâ? Quartum argumentum ex cura pastoralis, *Petro* demandata *Jo. XXI.* depromitur. Quintum argumentum arcessitur ex *Clementis VI* formula fidei, Armenis exhibita ad A. 1346 & 1351. *Natalis Alexander* in omnia alia ivit, inductus, uti præ se fert, hac formula, inprimis cum idem *Clementis* fateatur in Diplomate ad A. 1351, se ex carnis fragilitate peccare, & nonnulla fortassis contra catholicam veritatem & fidem & bonos mores ex lapsu linguæ præcipitanter protulisse. Autor hæc ad privatam Pontificis conditionem restringit. Succedunt argumenta alia. Asseritur, postremum in causis fidei tribunal ab errore immune esse. Quærimus, an hoc congruat criterio divinitus, suppeditato *Jo. VII. 17. 1 Cor. II. 12-15, X. 15, 1 Jo. V. 6. II. 24. 27, 28 &c.* Quærimus, an stipulæ & fœnum, id est, falsæ & viles doctrinæ, iustificari possint unico fundamento Ecclesiæ doctrinali & personali Christo? Quæritur, an doctores in Ecclesia queant obdormiscere, dum interea *Satanas* & *zizania* misceat tritico? Ad duntur testimonia Patrum inde ab *Augustini* ætate, & a Papa ad Concilium appellari haud posse; statuitur. Diluuntur porro objectiones, ab errantium Pontificum exemplis petita, *Petri, cuius* errata a Christo ac Paulo reprehensa, *Victoris I., Stephani I., Marcellini, Melchisedæ, Liberii, Zosimi, Hormisdæ, Vigiliæ I., Pelagii & Bonifacii IX., Honorii I., Gregorii III., Stephani II., Nicolai I., Formosi, Stephani VII., Sergii III., Alexan-*

Alexandri III. Celestini III. Innocentii III. Bonifacii VIII & IX. Joannis XXII. Sixti V. Clementis XI. Quæstionem de rebaptizandis hæreticis duntaxat ad disciplinam ex *Cypriani* sensu spectasse, Autori vix largiri possumus, qui ex scriptis *Cypriani* exillimamus constare longe aliud quidpiam. A *Cypriani* parte stant Synodus sub *Agrippina* diu ante *Cyprianum* habita, Canones Apostolici 46, 47, ac Constitutiones Apostol. *Lib. VI Cap. 15 p. 344.* *Cyprianus* certe in eo erravit, quod putabat, *Stephanum I* approbare baptismationem, ab hæretico susceptam, citra mentionem Trinitatis. Verum est, Pag. 54 seq. quod *Cyprianus* censuerit, *Stephanum I*, e cathedra licet pronuntiantem, errasse, & causam de baptismatione hæreticorum habuerit pro parte doctrinæ. Noster hic regerit: *Harco, fa- 36.* teor, nec melius habeo, quod reponam, nisi quod *Cyprianus humani quid passus sit.* Quærimus, an *Cyprianus*, talia propugnare ausus post Seculum XI, Sanctorum numero adscriptus fuisset? Si Diplomata & Decreta Pontificum invicem repugnant, 95- decurritur hic ad materiam utrinque probabilem, quæ non sit de fide. *Clementem XI* errorum convincere laboravit *Joannes Frickius* in libro A. 1714 edito: *Clementis inclementia examinata.* Lis est de Constitutione Unigenitus. Propositiones *Quesnellianas* damnatas Noster exponit, ut appareat, *Frickium* hic refutari. Sed *Frickius* hic vocatur *Frickius & Calvinianus Minister p. 100, 110,* nec Libri *Frickiani* ulla excitatur pagina. Si libros contuleris, videbis, an diligenter satis Autor *Frickii*, Lutherani, seu Evangelicæ, Ecclesiæ, librum legerit. Exponit idem Responsiones suas ad Paparum verba, qui ipsimet errores suos significarunt. Deinde exponit argumenta, quibus inductus sibi persuadet, Pontificem Conciliorum autoritate esse superiorem, ratus, idem olim statuisse Gallos, 117. qui receptioni demum ætate secus sentire cœperint. 235 seq.

ANNUS POLITICUS. PER DUODECIM DIS-
cursus, tum Critico-Politicos, tum Politico-Historicos,
evolutus, quibus explicantur principia Principi re-

gnum auspiciaturo necessaria, in usum Serenissimi Principis Electoralis, MAXIMILIANI JOSEPHI, utriusque Bavarie & Superioris Palatinatus Ducis, Comitis Palatini Rheni, Landgravi Leuchtenbergensis Autore, IGNATIO FRANC. XAVERIO DE WILHELM, Serenissimi Elect. Bav. Consiliario intimo actuali, & Liberi Comitatus Hagensis Administratore.

Monachii, typis Mariæ Magd. Riedlin Viduz, 1731, fol.

Alph. 6. pl. 4. Tabb. xii. 13.

Veraboni regionis principia Serenissimo Principi Electorali commoda quadam, & dulci ratione traditurus Ill. Autor, amico consortio sibi conjungendas putavit Politicam & Historiam. Itaque ex antiquis pariter & recentioribus scriptis exempla colligit & præcepta virtutum, quæ Principem Catholicum ornant, & decet; simul exemplum aliquem Principem Bavaricum proponit, cujus exemplo & quasi viva imagine appareant artes bene administrandi Rempublicam, quæ longa assuetudine Principibus Domus Boicæ familiares fuerunt semper & amplius. Accedunt, pro delectatione, multa ornamenta Operi, imprimis Tabulæ æneæ, Principis alicujus imaginem cum figuris, symbolicis ingeniose exhibentes, quas ipse Ill. Autor invenit, & Augustiani artifices quam elegantissime sculperunt. Inscriptio *Anni Politici* facta est inde, quoniam per duosdecim *Discursus* totidem mensium spatio studium Operis hujus absolvitur. Et quidem *Disc. I Parte I* summum Principis bonum in sola religione & propugnanda & propaganda ponitur, idque *Parte II* exemplo *Caroli M.* Simul *Alberti*, Ducis, præstat in sedem Romanam exiit commendatur, quippe qui A. 1562 duos Legatos ad Concilium Tridentinum cum plenissima misit potestate, & a Patribus Concilii hanc laudem tulit, tantam fidem & constantiam religionem Catholicam, a majoribus tradi-

traditam, conservare, ut illis temporibus in tota Germania fir-
missimum S. Apostolicæ Ecclesiæ propugnaculum jure optimo
haberetur. Idem decreto Patrum de communione sub utra-
que, quam prius in terris suis concedendam putaverat, melio-
ra scilicet edoctus, tam constanter in hæsit, ut nec a *Ferdinando*,
Cæsare, nec ab alijs Principibus, dimoveri a proposito potuis-
set. Præterea ex suis Provinciis statim proscripsit novam for-
mulam novorum rituum, quæ Viennæ prodierat, quod *P. Hier.*
Torrensis, S. I. eam in plurimis erroneam & detortæ pravi-
tatis pronuntiasset. Celebratur felicitas *Maximiliani I*, Elect.
Bav. cujus inopita paternæ hic & passim commemorantur, qui
legem tulit, ne quis in suis terris a vera religione alienus stabili-
le domicilium habeat, omnesque, qui in divinis aliquid inno-
varint, fugari & coerceri jussit. Interuntur *Pauli V* literæ, ad
eum A. 1620. post victoriam Prageniensem datæ, summis plenz
laudibus ob Ecclesiæ tutelam, ibi tam strenque susceptam; inter
alia hæc: *Gratulamur, quod res adeo præclaras tam fortiter.*
tam brevi tempore, gesseris, ut, quemadmodum scribis, vene-
neris, videris, &, Deo Duce, viceris perfidos Christi hostes, &
Romano Imperio rebelles. Disc. II P. I quæstio tractatur: An
Princeps se debeat exponere belli periculis? & P. II exem-
plum *Ottonis V* Wintelspachii proponitur. Disc. III P. I de
prospera sui memoria Principi paranda, idque P. II declara-
tur exemplo *Ludovici, Ottonis M.* filii. Disc. IV P. I de ju-
re regni causa neutrquam violando, ubi Ill. Autor incertum ac
periculosum pronuntiat emolumentum ex regno, per nuptias
quæsito, successionem sanguinis præfert electioni, & felicitatem
Domus Boicæ extollit, quæ per sex Secula in recta successio-
ne propagaverit Principatum, nec in obliquam deflexerit.
P. II *Ludovicus Severus* proponitur, qui, accepto arbitrio Re-
gem Romanum legendi, non semet, ut *Joannes XXII*, sed *Ru-*
dolphum, Habsburgensem, elegit. Docetur exemplis, regiam
dignitatem, nimis incommotis oneratam; *Ludovicum IV*,
Imperatorem, qui coronam acceperat, toto regni tempore mi-
sere agitatam, & insidiis appetitum, longeque feliciorum *Al-*
bertum Pium fuisse, qui delatum a Proceribus Bohemæ re-

Pag. 10.

7.
68, 70.
302.

20 seq.

148.

154.

160.

Pag. 237.

248.

391.

397 seq.

407 seq.

gnum, in injuriam *Ladislaus Possbuni* noluisse accipere. *Disc. V P. I.* ad questionem: utrum vindicare conveniat Principi, an ignoscere? Resp. non omnes injurias Principi dissimulandas, nec omnes vindicandas, more leonis, qui cum lemmate sistitur: *Et nulli & parcere cunctis. P. II* exemplo est *Ludovicus*, Imperator, ubi, dum recenset Ill. Autor, quæ ille passus a Pontificibus, exclamat: *Quantum probo dolor! hæc aversa sunt a prisca temporibus! Carolus M. videbatur, ut modestè loquar, concurrere electioni Pontificis; hic disponis de Imperatore Pontifex: Pietate prohibemur examinare hanc pontificiam potestatem.* In dubio relinquit, utrum *Ludovicus* modestia laudari magis, quam vituperari mereatur Papæ *Clementis* acerba sententia & odium immortale. *Disc. VI P. I* damnatur carnificum potius & tyrannorum illa vox, quam Principum: *Oderint, dum metuant.* Neminem, ait Ill. Autor, in terris Dominum absolutum, quia nemo inter homines Deus. *P. II* clementiæ exemplum offertur *Ernestus*, Dux, qui moderatione usus est in ipso rigore justitiæ, contra suos provinciales exercendæ. *Disc. VII P. I* docetur, illum Principem bonum esse æconomum, qui bonum publicum privato præfert compendio. Sic *P. II Albertum Pium* optime consuluisse Provinciis suis per Judæorum expulsiōnem. *Disc. VIII P. I* de moderatione affectuum & constantia Principis agit. *P. II* exemplo est *Albertus Sapiens.* *Disc. IX P. I* disserit de cultu pietatis ad omnia utili, ubi refertur inter alia dictum, quod crebro in ore fuit *Maximiliano Emanueli*, Electori, se in omni bellica expeditione expertum esse, nullos audacius in hostem progredi, quam qui pie vivere consueverent. *P. II* pro exemplo *Guilielmus Religiosus* ostenditur, cujus regia liberalitas in ædem Lauretanam & pietas in *S. Benonis* reliquias celebratur, itemque conservatio aviæ religionis in Bavaria per illas fidei columnas, sive salutis Boicæ, uti tum vocabant, *quadragesimæ, Christophorum, Dynastain Schwarzenbergium, Leonb. Eckium, Augustinum Læschium, & Franc. Burcardum.* Idem sua pietate gloriam Ecclesiæ Colonienfis concessisse dicitur, quippe cui *Gregorius*, Papa, A. 1583 d. 1 Jan. curam religionis, periclitantis ex defectione *Gebhardi*, commiserat.

rat. *Disc. X P. I* tractatur, quznam sit eminentia togæ, quznam sagi; ubi de ministrorum virtutibus & delectu. Ait Ill. *de Wilhelm*, non male judicare viros magnos, lethalem esse Reipublicæ promiscuum scientiarum usum, commercia interire, ubi quilibet ex populo sectetur literas, nimis invaluisse pessimum nostris temporibus morem, ut, qui literis imbuitur, procul habeatur armis. *P. II Maximilianus V*, Elector, in utroque Cæsar fuisse dicitur, & eruditione, & fortitudine, & plura utriusque virtutis specimina referuntur. *Disc. XI P. I* agitur de fide religiosissime a Principe servanda. In *P. II* exemplum eximium posterisque commendandum præbuisse *Maximilianus Emanuel*, Elector, legitur his verbis: *Primo religio-* Pag. 472.
*siissime servavit fidem Cæsari: inde, mutata causa, de qua hic agere meum non est, cum eandem fidem Regi Christianissimo addixisset, in eadem pari stetit integritate. Hac enim Electorum ac Principum Imperii libertatisque Germanica privilegia sunt, accedere fœderibus Regum exterorum, prout, salvis tamen Imperii legibus, convenientius putaverint. In unius semper verba jurare, subditorum est. Exemplo fuisse dicitur Maximilianus, avus, qui, salva fide in Imperatorem & Imperium, cum Gallo fœdus iniit, pro Electoratu sibi & Domui suæ conservando. Exemplum etiam Ferdinandi Patris allegatur. Adhæc recensetur Epistola Caroli XII, Regis Sueciz, qui post pacem Trajectinam eximie in hoc Electore collaudavit fidei integritatem, cuique fœderato nunquam non gloriosam & utilissimam. In tabula cernitur effigies Electoris, imposita columnæ, quam hinc fors volubilis, inde invidia, convellere nituntur, ingruente simul fulminis terrore. Inscriptio columnæ: *Data fidei integritas*. Id omnibus persuasum esse cupit Ill. Autor, nihil a se datum hic adulationi, omnia veritati. Denique *Disc. XII* sistitur *Carolus Albertus*, Elector hodiernus, Ordinis Equestris S. Georgii instaurator. Primo multis agitur in genere de more creandi Equites, deinde de Ordine S. Georgii, quem, a *Friderico III*, Cæsare, institutum, cum in fine Seculi XVI intercidisset, Elector Serenissimus instauravit.*

445.

474.

473.

MEMOIRES POUR SERVIR A L'HISTOIRE, &c.

h e.

COMMENTARII, HISTORIÆ CELEBR-
rimorum in Republica Literaria Virorum inservientes.*Accedunt Catalogi Librorum, a singulis scri-
ptorum, de iisque judicia.*

Tomus XX.

Lutetiz, apud Briassonium, 1732, 8.

Plag. 14, & totidem plag. dimid.

Cum Cl. Autor *decimum* quemque *Tomum* implere consti-
tuerit Supplementis & Correctionibus, partim suis, partim
amicorum suorum, hisque annectere tres Indices in *novem*
superiores *Tomos*, & *primum* quidem rerum, *alterum* illo-
rum, quorum vitæ sunt expositæ, *tertium* necrologicum, in
quo Autores, a se descriptos, eo ordine nominatim producit,
quo vita excedere iis contigit; idem etiam præstitit in *To-
mo* hoc *vigesimo*. E quo ne nihil plane delibemus, scire vo-
lumus Lectores nostros, primo statim loco hic occurrere exi-
mيا quædam de *Joanne Viterbiensi*, deque libris, & antago-
nistiis, itemque patronis ejus. Exhibendam quoque Cl. Au-
tor p. 26-29 censuit *Petri Varignonii Demonstrationem ma-
thematicam possibilitatis presentia realis corporis Christi in
S. Cæna*. Singularia de *Isaaco Peyrerio* proferuntur p. 42
seq. quem nunc denum certo docetur extinctum esse d. 30
Januarii A. 1676. Qua occasione commemorandum ducimus,
Polyhistorum illum Bremensem, *Theodorum Haseum*, scribe-
re aggressum fuisse locupletissimum de *Peyrerio* illo Com-
mentarium, qui, si forte in scriniis hæredum jam latet perfe-
ctus, magnopere optamus, ut emittatur in publicum. Redi-
mus ad Nostrum, qui p. 81 *seq.* longe perfectiorem, quam an-
tea, atque accuratiorem sistit notitiam *Alberici Gentilis*. Am-
plissimum vero Supplementum reperire est p. 140-169, ubi de
vita

vita hæresiarchæ notissimi, *Joannis Labadii*, ex Autoribus fide dignis depromuntur, quæ & augeant ipsius historiani, & multos, qui de eo circumferuntur, rumores falsos resellant.

FRIDERICUS PULCHER AUSTRIACUS INTER Imperatores Romano-Germanicos adhuc stat ; quod hisce pagellis probatum it RAYMUNDUS DUELLIUS, Can. Reg. & Bibliothecarius Sand-Hippolytensis.

Norimbergæ, sumtibus Jo. Adami Schmidii, 1733. 4.

Plag. 13½.

Cl. Duellius nobile atque egregium argumentum sibi pertractandum suscepit, quando, *Fridericum Pulchrum* Imperatoris Romanorum titulo non minus, quam potestate, usum esse, hoc ipso libro satis clare atque aperte ostendit. Arque accessit ad hoc Opus pulcherrimis adjunctis subsidiis, & Augustissimi Imperatoris, *Caroli VI*, autoritate clementissime excitatus. Quapropter ingentem veterum Diplomatum, Chartarum, & Chronicorum manu exaratorum numerum conduxit, quandoque Scriptores tum coævus, tum recentiores, in partes suas vocavit, sed illos solum, qui neque nimis negligentes fuerunt in veritate indaganda, neque partium studio se suspectos reddiderunt. Quinque argumentis utitur Cl. Autor, quæ per lancem saturam recensebimus. Primum atque præcipuum argumentum est, quia *Fridericus Pulcher* hoc jus ex electione habuerit, sacra Imperii signa atque ornamenta penes se custodiverit, per plurimæ Provinciæ ipsius nutui voluntatique paruerint, omnia Imperatoris majestatis jura exercuerit, & diu satis adversario suo resistit, deinde quod jus illud sibi armis præliisque repetitis, esse non semper æquo Marte, sibi vindicaverit ; tum porro, quod post funestam captivitatem & passionem cum *Ludovico Bava-*

ro æquale & indivisum Imperii consortium, antiquo Divorum fratrum exemplo, obtinuerit: præterea quod & ante captivitatem, & post illam se, nemine, & ne quidem *Ludovico Bavaro*, contradicente, ita gesserit, seque *Regem Romanorum semper Augustum* scripserit; denique quoniam tum summus Pontifex in literis *Charissimum in Christo filium in Regem Romanorum electum*, tum *Ludovicus Bavarus*, illiusque in imperio successor, *Carolus IV*, aliique, sigillatim, cujus testimonium in hac arena omni exceptione majus est, *Bertholdus*, Comes *de Henneberg*, *Ludovici Bavari* Consiliarius Aulicus, *Fridericum Regem Romanorum semper Augustum* appellaverint. Utramque paginam in hoc libello faciunt antiquissima probatissimaque Diplomata, quibus sententiam suam tam solide doctæque evictam dedit *Duellius*, ut omnibus, qui ad libri hujus lectionem animum ingenuum, candidum, & a partium studio alienum, afferent, causa *Friderici Pulchri* satis perorata videri queat.

· **ELOGIUM MICHAELIS HENRICI GRIBNERI,**
Ætorum Lipsiensium Principis.

Postulant insignia atque præclara *Michaelis Henrici Gribneri*, Jcti incomparabilis, in Jurisprudentiam & Rempublicam Literariam merita, ut digno a nobis condecorentur celebrenturque Elogio. Hic præcellenti Vir iugentii Lipsiæ anno superioris Seculi secundo octogesimo lucem adspexit. Patrem habuit *Danielem Gribnerum*, Sanctorum Literarum Licentiarum, & Sacerdotio, Diaconatum nos vocare solemus, ad *D. Nicolai* ædem summa integerrimæ Sanctimoniz laude functum, & libris de pœnitentia & mortis cogitatione scriptis clarum. Matrem coluit *Rosam Elisabetham*, spectati pudoris scēminam, ex Celeberrima *Horniana* gente oriundam. Vix secundum ætatis annum expleverat *Gribnerus*, cum Patens optimus mortalitatem exueret, in cœle-

cœlestem patriam se reciperet, Nostriumque paterno præsidio destitutum relinqueret. Hic vero præsentem immortalis Numinis opem, & divinum, quod parentibus orbis adesse solet, auxilium expertus est. Etenim *Lüderus Menckenius*, JCtus excellentissimus, & in tantum laudandus, in quantum pietas, doctrina, & humanitas, laudari debent, qui matrem *Gribneri* salutarî connubii fœdere sibi junxerat, tam incredibili & inusitato amore complexus privignum est, ut is non tam parentem amisisse, quam alterum invenisse, videretur. Sapientissimi nimirum *Menckenius* ingenii circumspexit provide doctos viros, qui non solum liberalibus artibus *Gribneri* animum mirifico discendi ardore flagrantem, solide instruerent, verum etiam exemplo suo fidem facerent, se neque ruri natos, neque alienos esse a sanctioribus Christi, quæ in divino Codice nobis mandavit, præceptis. Neque sic officio suo sese functum satis esse judicabat *Menckenius*, sed ipse quoque in partem curarum veniebat, & inquirebat quotidie magna sollicitudine in privigni profectus, & animum ejus ad laudis gloriæque connitentem materiam saluberrimis confirmabat monitis. Non ita multo post magis amplum spatiosumque spectatissimæ *Gribneri* virtuti theatrum aperuit, eundemque in Scholam D. *Nicolao* sacram maturo ablegavit consilio. Doctoris partes eo tempore administrabant *Jo. Godofredus Herrichenius*, *Christianus Ludovicus Crellius*, & *Dietericus Dreslerus*, adjutores ingeniorum probatissimi. His cum familiarius uteretur, & inprimis *Crellii Dreslerique*, quorum duorum insignem dexteritatem publice collaudavit, consuetudine delectaretur, tam expeditas in melioribus artibus progressiones fecit, ut in illarum abditos reconditosque recessus intimaque penetralia perveniret. His præsidii instructus, anno ætatis decimo septimo Academix patriæ nomen dedit, & cum, sine accurata Philosophiæ cognitione neminem quemquam magnum atque excellentem JCtum evasisse, perspectum haberet atque exploratum, *Ostone Menckenio*, peritissimo nobilissimæ Scientiæ Doctore, sapientiæ præceptis animum contra cunctos

vitz casus probe munivit. Historiam, illam veritatis nuntiam, interprete *Jo. Burchardo Menckenio*, didicit. Ad Theologi decus ferebatur *Gribnerus*. Quapropter *Starckium*, Hebrææ lioguz sacraria aperientem, & *Godofredum Olearium*, & *Jo. Benedictum Carpozium*, divinorum oraculorum mysteria tradentes, adiit, & obsequio & diligentia sua sibi conciliavit. Verum enim vero, suasu hortatuque viatici, aliam studiorum viam iniiit, & ad Jurisprudentiam animum, mentem, Studium denique omne suum, transulit. Consecit quoque, qua erat ingenii promptitudine, intra brevissimum tempus amplissimum vastissimumque artis præstantissimæ iter sub auspiciis Jctorum exercitissimorum, *Lüderi Menckeni*, *Jacobi Bornii*, & *Theophili Gerardi Titii*. Neque nullum pertinacis & indefessi laboris fructum tulit. Posteaquam enim, consiliatus moderatore *Christophoro Godofredo Marlino*. Quæstionem: *An & quatenus filiisfamilias Scito Macedoniano tuti sint in conscientia?* ingenti cunctorum, qui aderant, plausu contra secus sentientes defenderat, A. 1702 Magistri Philosophiæ nomen dignitatemque reportavit. Adscendit itaque semel iterumque cathedram, & victor inde rediens, magna Auditorum frequentia, *Johis Naturalis* præcepta facili expeditaque ratione explicuit. Sic cum se gereret *Gribnerus*, & expectationem illam, quam de se concitaverat, non solum egregie exple-
ret, verum etiam mirifice superaret, non dubitarunt Jcti Lipsienses civi bene merenti, nondum viginti & unum annum nato, A. 1703 Doctoris jura privilegiaque tribuere. Ab illo tempore non forensibus bellis turbisque sese addixit excelli *Gribnerus* animi, sed sceleras plerorumque, qui inquieto & misero huic vivendi generi sese manciparunt, exosus fraudes, tranquilliorē & ad immortalitatem nominis consequendam magis compositam vitam elegit, & recitationes in præcipuas Juris partes instituit, & crebris Disputationibus publice privatimque habitis exercuit selectissimorum Auditorum ingenia, & in *Adis* nostris condendis nobilem collocavit operam. Vitebergæ, urbs pluribus ornamentis celebris, quæ Lipsiensium civium

civium fortunam meliorem curæ cordique semper habuit, ut tutissimum Lipsiensium in patria improbe neglectorum receptaculum merito dici possit, irretortis oculis respiciebat *Gribnerum*, &, suffragante Rege Augustissimo, publici Doctoris munus A. 1707 ipsi benignissime demandabat. Non renuit, uti delicatuli quidam solent, *Gribnerus* divinæ voluntati, sed læto hilarique animo patriam egressus, locum, in posterum vigiliis lucubrationibusque suis ornandum, sibi a Vitebergensibus oblatum accepit, & sub novi exordium muneris Programma *de Incrementis Jurisprudentiæ* proposuit, Orationemque *de Officio & prudentia Legum interpretis circa ferendum de Legibus, quibus adstringimur, judicium*, recitavit. Hic omnia cordati & industrii Jcti munia cumulatissime explevit, & omnibus carus, omnibus acceptus fuit, ut non sine ingenti acerbissimi motoris sensu dimitterent desideratissimum Virum, cum Divus *Fridericus Augustus*, sagacissimus magnorum ingeniorum æstimator, eum A. 1717 in Regiam Saxonum evocaret, ipsique gravissimam Sanctioris Tabularii curam concrederet, & Aulæ Consiliariis clementissime adscriberet. Quod arduum atque difficile munus, dici vix potest, quanta animi religione, fide, integritate, circumspectioneque gesserit, multaque, diligens antiquitatis patriæ explorator, eruit ex vetustissimis chartis, eaque ad tuenda Principis patriæque jura in communem utilitatem salutemque protulit. Post funestam *Lüderi Menckenii* mortem A. 1726 in patriam, cunctorum expetitus voluntate, rediit, & Jctorum Ordinis Præsidium, & cetera, quæ hinc conjuncta esse solent, munera Oratione solenni *de Usu Diplomatum & antiquarum literarum in Jurisprudentia* auspiciatus est. Hinc, ut mos est in Academiis, Promotoris & Præcancellarii officia & villarum veterum Academicarum & templi Paulini Præfecturam, sæpius cum laude administravit, & præclare factorum conscientia fructum laborum suorum percepit amplissimum. Rectoris Magnifici dignitatem, semel iterumque sponte sibi oblatam, qua incredibili *Gribnerus* erat continentia, generose atque constanter respuit, clarior hono-

honore spreto, quam accepto. Ceterum *Gribnerus* pia castaque mente divinum Numen coluit, religiosissimos illius voluntatis nuntios singulari quadam veneratione dignos censuit, illorum sermonibus sacris frequenter interfuit, & vita innocenter illibateque transacta, quantum fructum cepit ex illorum concionibus, ostendit. Principi fidem integram præstitit; Academiarum, in quibus docuit, salute nihil prius, nihil antiquius, habuit, cum Collegis suis nunquam in gratiam rediit, studiosam juventutem tenero & vere paterno amore complexus est, nemini gravis, omnibus utilis fuit. Pauperes & sortis quadam acerbitate oppressos liberalissime juvit, neque ullum quemquam tristem a se abire passus est. Ipsi jucundum & amœnum hoc spectaculum vidimus, quando singulis Saturni diebus miseri calamitosique homines *Gribneri* ædes catervatim obsidebant, & amplissime recreati, & acceptorum beneficiorum inemores, inter ardentissima vota pro perpetua *Gribneri* incolumitate facta, discedebant. Neque in ipsa morte gloriosum hoc propositum, bene de egenis, Christi fratribus, merendi, deposuit, sed testamento, verissimo sanctissimorum morum ejus speculo, quod sex ante suum ex hac vita excessum diebus conscripserat, eorum necessitati sapienter prospexit. Cum enim per omnem vitam cælebs vixerat, & suavissimos illos cum libris suis congressus centenis conjugii molestiis prætulera, Jctorum & Professorum Lipsiensium viduis, Bibliothecæ Paulinæ, & uni Juris Studio, amplissima legata liberali & munifica manu reliquit, & hac Christiana memorabilique pietate memoriam suam ipsi æternitati consecravat. Quæ cum omnia rite perfecisset, & conclamata esse diuturnioris vitæ spem intelligeret, nuntium misit terrenis caducisque negotiis, atque salutari epulo semel iterumque subrefectus, & cœlestium gaudiorum percupidus, die 19 Februarii, in fastis atro in posterum insigniendo nomine, in illustrem beatissimarum mentium sedem, placidissima & somno simillima morte,

NON.

nondum unum & quinquaginta annos natus, felicissime commigravit. Diligentiz incredibilis plura, eademque selectissima, monumenta exstant. Etepm, præter legem novissimam rei judiciariæ Saxonicæ, aureum Opus, & vel ipsi Edicto perpetuo, quod infans laudibus affecerunt præci Scriptores, anteponendum, quod *Gribneri* vigiliis fere unice debemus, conscripsit infinitæ Vir industriz *Principia Processus judicarii*, *Principia Jurisprudentiæ Naturalis*, sæpius recusa. *Specimen Juris Germanici*, a *Georgia Beyero* conscriptum, post immatura hujus Viri facta typis exscribendum curavit, & Præfatione nitidissima ornavit, *Dissertationes* quoque suas, materiz gravitate & rerum delectu commendabiles, in unum corpus coegit, & *Hala A. 1722* edidit. Præter hos, quos commemoravimus, libros, sequentes *Dissertationes* relatu dignas judicamus. *Dissertationem* nempe *de Equitate legum Romanarum circa periculum rei commodata*, *de eo, quod aquum circa feras ex custodia dilapsas*, *de Fidejussore mulieris apud Saxones sine curatore contrahentis*, *de Præjudicio tertii ex hypotheca rei immobilis extrajudicialis*, *de Usufructu legitima patri non adimendo*, *de Exheredatione liberorum, sine parentum consensu sponsalia, nuptiarve contrahentium*, *Observationes miscellaneas ad literas Caroli V, Imperatoris*, quibus res a *Ludovico, Comite Palatino Rheni*, Inter-Rege gestas habuit, *Centuriam Observationum fori Ecclesiastici*, *de Directorio*, quod, *Archi-Cancellaria mortuo, absente, vel impedito, Imperii Archi-Mareschalle competit*, *de Conditione indebiti contra rem judicatam*, *de Imputatione gerade in legitimam*, *de his, quæ ex jure Protestantium matrimoniali ad reliquias Sacramenti perperam referuntur*, *de Jure territorii subordinati*, *de Caroli IV Bulla Saxonica*, *de Subfeudorum Imperii*, quæ olim feuda fuerunt, *prærogativa*, *de Præcipuis differentiis Juris Saxonici Elector. & Lusat. Superioris*, *de Lustratione fundi sub hasta venditi*, *de Feudis Imperii masculinis, non femininis*, *de Probatione domini per juramenti delationem*. Inter Programinata hæc fere emi-

nent, de *Diffensu inter Authenticas & Nouellas conciliationibus* Pagenstecheri minime sublato, de *Necessaria Jurisprudencia Civilis cum notitia diuinarum ac naturalium Legum conjunctione*, & *sententia Grotii: furiosos rerum suarum habere dominium*; utrum *filius*, a *patre in iudicio Procurator constitutus*, *opposita ab Adversario exceptione*, tanquam *inhabilis possit removeri*, de *Directorio in causis Evangelicorum Electori Saxonia competente*, de *Titulis Landgravi, Comitis Palatini Saxonici*, ab *Henrico, Misnia Marchione & illius filio, Alberto, usurpatis*, de *ultimarum voluntatum interpretatione dubia*, de *Memoria magnorum virorum ad posteritatem propaganda, juncta Oratione*, qua *manibus Menckeniensis parentavit*, de *Wenceslai, Regis Bohemia, S. R. I. per terras Misnensem Orientalem & Pleisnensem Vicariatu generali*; num *ad Privilegia piarum causarum pertineat*, ut, *quicquid iis ex quacunque causa solvitur, indebiti, aut erroris, prætexitur repeti nequeat*, de *filiis patris, aut matris, simultanee investito*, de *Legatis, ad pias causas relictis, in alios usus non convertendis*, de *Titulis veterum Jctorum, cum Juris Auctores, conditores, nominantur*, de *Incommodis Hypothecarum tacitarum*; an *origo Hypothecarum tacitarum ex Jure Attico repeti queat?* de *primo Academia Lipsiensis Cancellario*, de *Argumentis, quæ pro hypothecis tacitis afferuntur*, de *Fundatione stipendii Borniani*, de *Incommodis Hypothecarum tacitarum in re pupillari*.

NOVA LITERARIA.

De patria sua præclare meriturus, Jo. Conradus Fueslinus, Vir in Helvetiis eruditissimus, in animo habet, optima quæque ac rarissima Historiæ Helveticæ monumenta, Scriptores, siue jam olim editos, siue adhuc in tenebris latentes, in unum corpus colligere, & conjunctos exponere ante oculos eruditorum. Publicavit huc institutum Programmata singulari, quo Scriptores eos omnes, quos ad prelum paratos habet, nomi-

na-

natum indicat. Sunt illi bonæ notæ singuli, neque adeo indigni, quibus nova a Cl. Editore lux accendatur. Dabimus horum, præeunte *Fueslino*, indicem: 1) *Joannis de Ordine Fratrum minorum de oppido Winterthur acta & gestu suorum temporum, præsertim in Allamannia partibus*. Quodnam Autori gentilitium nomen fuerit, ignoratur. Vixit autem initio Seculi decimi quarti. Chronicum hunc librum integrum reddet Editor secundum Autoris autographum, nonaginta tribus constans foliis in quarta forma, quod in publica Tigurinorum Bibliotheca servatur. In hoc Chronico multas res levioris argumenti contineri, ab obscuro & a politicis negotiis segregato homine conscriptas, non diffitemur, sunt tamen etiam aliæ plurimæ in eo proditæ, propterea maximi æstimandæ, quia aliunde hauriri non possunt. 2) *Felicis Hæmmerlin, Canonici & Cantoris Thuricensis, Decretorum Doctoris valde inutilis, nonnulla ex Tractatu de Nobilitate, de Suitsensium ortu, nomine, confederatione, moribus, & quibusdam, utinam bene, gestis*. Quanquam hic liber typis jam olim, nempe ante A. 1500, fuerit excusus; rarissime tamen prostat. In Helvetia profecto ac visinis Helvetiæ urbibus, utut assidue requisitus fuerit, reperiri non potuit. Post longas demum ambages in media Germania inventum, & ab illius possessore doctissimo, *Jo. Ernest. Vockerodio*, Mulhusæ Thuringorum rerum divinarum interprete, impetratum est. Tractatus integer de Nobilitate volumen efficit nonaginta duabus constans chartis, forma, quam in folio dicunt, typis barbariem temporis redolentibus. Nec Editoris, nec Typographi, nomen adscriptum est, ex quibusdam tamen indicibus conjicit Editor, Argentorati, curante *Sebastiano Brandio*, typis subjectum esse. Claruit *Malleolus* A. 1440. Nonnulla vero hujus Autoris, quæ nigrum succum loliginis æruginemque meram sapiunt, merito supprimenda ducit Editor. 3) *Bilibaldi Pircheimeri Historia belli Suitsensis, sive Helvetici, duobus libris descripta*. Dabitur hic libellus secundum *Melchioris Goldasti* editionem, raram illam optimamque, Francofurti A. 1610 procuratam, quæ illustris viri omnia habet Opera a *Goldasto* re-

cenſita & digeſta. Conſtat hujus belli hiſtoria foliis ſeptem & parte folii dimidia, in forma maxima, typis valde minutis. 4) Henrici Loriti Glareani *Deſcriptio de ſitu Helvetia & vicinis gentibus*. Idem de quatuor Helvetiorum pagis. Ejusdem pro-
juſtiſſimo Helvetiorum ſedere Panegyricon, cum Commentariis
 Oswaldi Myconii, *Lucernani*, juxta editionem Baſileenſem, apud Jo. Frobenium A. 1619 factam; novem ea foliis in quarto abſolvitur; quæ vero in altera editione, quam *Glareanus* ipſe ibidem A. 1554 curavit, vel addita, vel mutata fuerunt, ſub finem Editor adjuncta dabit. 5) *Ægidii Tſchudii, Glaronenſis, Viri apud Helvetios clariffimi, de priſca ac vera Alpina Rhezia, cum cetero Alpinarum gentium tractu, nobilis ac erudita ex optimis quibuſque ac probatiſſimis Scriptoribus Deſcriptio; per Sebaſtianum Munſterum Latine reddita*. Editionem ſequitur Cl. *Fueſlinus*, Baſileæ apud *Michaelem Ifengruntum* A. 1538 emiſſam, quæ folia habet octodecim in quarta forma. Hunc libellum mira antiquitatis obſervatione, locis illis peragratis, & optimis quibuſque in hoc genere Autoribus, & vetuſtis ubique literarum ac instrumentorum, ut vocant, monumentis perlectis, compoſitum perhibet *Conradus Geſnerus* in Bibliotheca. 6) *Oswaldi Myconii, Lucernani, de Tumultu Bernenſium inſeſtino Commentarius*. Ex apographo, in Bibliotheca civica conſervato, quod novendecim conſtat foliis in quarto, nunc primum exhibetur. Haſtenus ita ignoratus fuit, ut nullum meminerimus Catalogum, vel ſcriptum, vel impreſſum, in quo ejus facta fuerit mentio. Apographum illud ſphalmatum plenum eſt, ut, ab imperito amanuenſi ſcriptum eſſe, facile appareat. Nonnullibi reperiuntur lacunæ, ubi actorum nomina erant designanda. Ceterum luce & Autore libellus digniſſimus videtur. Sub modèſta enim inſcriptione partem belli Capellani primam complectitur, in qua Bernenſes ſociique rem felicibus auspiciis geſſerunt, deſinit autem cum A. 1530, quo belli fortuna mutata eſt. 7) *Ejusdem Oswaldi Myconii Narratio veriſſima civilis Helvetiorum belli, per modum Dialogi congeſta*. Et hoc *Myconis* Opusculum omnium haſtenus oculos & memorias effugerat. Autographon aliquis literarum ſtudiis expoliſſimus juvenis, bonis li-
 briſ

bris ubique inhians, e paupere quadam domo extractum, veluti ex naufragio servavit. *Myconii* Chirographum esse, nemo dubitabit, qui scripturam cum Epistolis *Myconii*, ad nostrum *Bullingerum* missis, comparaverit, quæ in Bibliotheca publica in MSto reperiuntur. Imperfectum nec dum finitum Opus Autorem reliquisse, vel ex eo sit verisimile, quod postrema pagella, in adversa duntaxat facie perscripta, a tergo candida sit. Hic, Dialogus quatuor complet folia. Duros autem & iniquos posterioris belli Capellani casus depingit; sub finem plura de *Zwinglii* vita, moribus, & studiis, scitu non inutilia sunt commemorata.

8) *Josæ Simleri de Valesia libri duo*; juxta editionem *Froschauerianam*, A. 1574 per ipsum adornatam, in octavo, foliis septem. In hoc libello regionis situs, populi mores, Reipublicæ fortuna, & præterea *Valesianorum* res gestæ, describuntur.

9) *Ejusdem de Alpibus Commentarius*; ad eandem *Froschauerianam*, foliis undecim.

10) *Ejusdem Respublica Helvetiorum*, h. e. *exacta tum communis Helvetia, tum rerum ab inito sedere gestarum, Descriptio*; ad editionem *Wolfianam* A. 1608, cum *Froschaueriana* recognitam, in octavo, foliis septem & viginti.

11) *Ejusdem Processus tumultuosus Consulis Waldmanni* A. 1489; ex apographo MSto nunc primum in lucem editur, duobus foliis. *Simleri* scripta exteris omnium sunt notissima. Eum enim Autorem in præcipuis sequuntur, quando de Helvetiorum rebus quidquam literis consignant.

12) *Christiani Ursisii*, Mathematicarum in Gymnasio Basileensi Professoris, *Epitome Historiæ Basileensis*, præter totius Rauricæ descriptionem, urbis primordia, antiquitates, res memorandas, clarorum civium monumenta, ceteraque his similia, completens, una cum Episcoporum Basileensium Catalogo; ad editionem Basileensem, *Sebastiano Henric-Petro*, Typographo, per ipsum Autorem curatam A. 1577.

13) *Francisci Guillelmanni*, Friburgi Aventicorum nobili genere nati, *de rebus Helvetiorum, sive Antiquitatum, libri quinque*, ex variis scriptis, tabulis, monumentis, lapidibus, optimis plurium linguarum Autoribus. Hos typis describendos curabit Editor secundum unicam Friburgensem apud *M. Wilb. Mass*, ab ipso

Autore procuratam editionem, in forma quarta, A. 1598. Quæ enim exemplaria Amiterni urbis & *Camilleti* librarii nomina simulant, annumque 1623 mentiuntur, si sex pagellas a primo limine, in quibus Rubrica, Dedicatio, & Capitum Index, redduntur, exceperis, ab illa ne apice quidem diversa sunt. Sunt folia sexaginta. 14) *Ejusdem Habspurgiaca*, sive de antiqua & vera origine Domus Austriacæ, viæ & rebus gestis Comitum Vindonillensium, sive Altenburgensium, inprimis Habspurgicorum. libri septem; secundum editionem Mediolanensem, in officina Regia *Pandulphi & Marci Tullii Malatesta* A. 1605 sumtu liberalissimo adornatam. Constat ea forma quarta, foliis quadraginta & quatuor. De libertatis Helveticæ initiis vix exstat Scriptor, qui eruditius, plenius, & simul certius, scripserit. 15) *Joannis Henrici Suiceri*, in agro Tigurino apud Rikenbachenses Pastoris, *Chronologia Helvetica*, res gestas Helvetiorum ad initium usque Seculi XVII indicans ordine, & brevissimo complectens; secundum editionem Hanoviensem, typis *Wechselianis* A. 1607 factam. Constat foliis 16. *Suicerum* compendiosi & accurati Scriptoris encomio ornat *Jo. Henricus Hottingerus*. 16) *Jo. Baptiste Plantini*, Lausanensis, & apud Castrodunenses Helvetios V.D.M. *Helvetia antiqua & nova*, seu Opus, describens I) Helvetiam quoad adjuncta, & partes, & Helvetiorum antiquitatem & originem, nomina, mores, antiquam linguam, religionem, politiam, virtutem bellicam; II) Antiquiora Helvetiæ loca; III) Populos Helvetiæ finitimos; secundum editionem Bernensem A. 1656 in octavo, foliis quatuor & viginti. Qui Autor & magnam industriam & judicium singulare comprobatur. 17) Peregrini Simplicii Amerini *Bellum civile Helveticum*, A. 1656 in 12, tribus foliis. Sub hac persona *Walthærum Schnorffium*, Badensem, *Caspari Ludovici*, Equitis, & apud Aqueensem civitatem Prætoris & Vexilliferi, meritis incliti viri, patrem latere voluisse, prodiderunt Basileenses in Supplementis ad *Buddei* Lexicon Historicum. At certioribus indicibus compertum habet Editor, non *Schnorffium*, sed

Pappum quendam, e Canonicis Capituli Constantiensis, non ignobilis fœtus genuinum esse parentem. 18) *Jo. Henrici Hottingeri Speculum Historico-Tigurinum πεντάγωνον*, quo breviter & succincte de Helvetiorum, Tigurinorum cunprimis, agitur statu I) Politico, II) Ecclesiastico, III) Militari, IV) Eventuali; accedit V) Compendium Chronologicum de rebus Tigurinorum. Secundum editionem unicam Tigurinam A. 1664 in 12, foliis sex & viginti. Hoc Opusculum totum loco, ex antiquis Monumentis Diplomaticisque summa diligentia decerpta, & erudito cum judicio exquisita, conficiunt absolvuntque. 19) *Ejusdem Irenicum Helveticum*, sive axiomata, quæ Helvetiis pacis & concordiz studium excitare queant, in octavo, A. 1654, tribus foliis. 20) *Ejusdem Methodus legendi Historiam Helveticam*, sive Canones, in lectione Historiz domesticæ observati. Accedit urbis Thuricensis ex vetustis monumentis *συναγχαφία*, in octavo, fol. 27. Canones illi sunt arbitrarii, ex diversis observationibus, quas Historia Helvetica magno numero suppeditare potest, derivati. Habes, amice Lector, Scriptorum Catalogum, qui de Helvetiorum rebus gestis omnium optime meruerunt, sed sunt, ut vides, numero plures, quam ut unus Tomus cunctos capiat, nisi eum ad informis molis magnitudinem succrescere velit Editor. Propterea necessitatem sibi injectam videt, unum alterumque Autorem in alium Tomum conservandi. Sufficit enim ipsi materia, quæ secundum Tomum possit implere. Nam, qui de Rhetorum rebus scripserunt, & Historici & Politici generis libri alii magno numero, graves quidem, sed argumento graves, & sane digni, qui ab interitu vindicentur, quem sua illis tenuitas adducere videtur. Verum de altero Tomo succenturiando suum consilium aperiet plenius, ubi tempus hoc Opus maturaverit. In primo adornando fervent nunc operæ, jamque ad diudiviam partem editio processit, alteram vero partem intra octo mensium spatium expeditum iri spes est. Ceterum Typographi, *Conradus Orellius & Socii*, qui pro sua de bonis literis patriaque bene merendi volun-

voluntate in laboris partem cum Editore venire, impensasque haud mediocres subire, non reformidarunt, illis, qui Opus universum sibi comparare animum induxerunt, hanc offerunt conditionem, ut in praesentiarum duos ipsis florenos eum dimidio solvant, fidemque faciunt, totidem praeterea se Opere finito dinumeraturos esse. Pro hoc argento folia ducenta se exhibituros spondent, quorum partem, jam prelo dimissam, protinus, ubi, jusserint, extradituri sunt. Si qui sint, qui hanc partem statim perlegero, gestiant, his consilium dant, ut eam leviter tantum compingendam curent, donec Operis residuum ad finem perductum fuerit, ubi singulis Autoribus suis locis designabitur. De charta, typorumque forma, & concinna dispositione, de correctione, & ceteris, quae ad artem typographicam spectant, ita prospectum est, ut dubitandum non sit, quia fiat satis Lectoribus. Praemit- tet huic Operi Editor Prolegomena quaedam, quibus de Scriptorum eruditione, indole, fide, librorum editionibus ac satis, & si quae alia sunt, quae scire Lectorum interfit, cer- tiores fiant. Denique, ne quid Operis hujus utilitati & orna- mento desit, Indicem generalem parabit, qui Lectorum me- moriam sublevet. Quilibet videt, magnum Operis, absque no- stra commendatione, pretium esse, meritamque Editorem ae- que, ac Typographos, utilissimo hoc instituto ab Helvetiis suis, quin ab eruditis ad unum omnibus, gratiam inituros.

Trajecti ad Rhenum hoc ipso anno denno prodiit *Rituum Romanorum succincta Explicatio*, Autore G. H. Nieupoort. Est haec quarta libri editio, typis Jo. Bradelet, eadem forma octava, qua olim, expressa, sed correctior. Indice copiosiore & Appendice locupletior, Notisque & Scriptorum testimo- niis aucta a G. O. Reitzio.

Pl. Reverendus Hildesienfis Ecclesiae Pastor, *Gabriel Wil- helmus Gattenius*, unam nuper publicavit plagulam, in qua docet, se in eo esse, ut librum emittat de Viris eruditis hao nostra aetate in omni Europa viventibus, deque eorum scriptis. Ut igitur undique mittant ad ipsum copias auxi- liares Viri doctissimi e singulis Europae partibus, ipsius rogatu a nobis rogantur etiam atque etiam.



NOVA ACTA ERUDITORUM,

publicata Lipsiæ

Calendis Septembris Anno MDCCXXXIV.

MAGNA BIBLIOTHECA ECCLESIASTICA,
sive Notitia Scriptorum Ecclesiasticorum veterum ac recentiorum ; in qua ordine Alphabetico continetur Auctorum sacrorum Veteris & Novi Testamenti , Auctorum Apostolicorum, & S. S. Patrum, vitæ compendium, & eorum Scripta enumerantur, S. S. Scripturæ Interpretes, Paraphrasæ, Commentatores, Critici, nec non S. S. Evangelii Concionatores, Historiæ Ecclesiasticæ, S. Theologiæ Dogmaticæ, Scholasticæ, & Moralis, Casuum Conscientiæ, Juris Canonici, Polemici, Mystici &c. cujuscunque Religionis ac Sectæ Scriptores, simul & Conciliorum omnium, tam generalium, quam particularium, historia & Decreta exhibentur, Pontifices Romani, eorumque Vitæ, Scripta & Bullæ indicantur, tum quæ in Bullario, tum quæ extra Bullarium habentur, Fundatores Ordinum religiosorum referuntur, Scriptorum ortus, ætas, doctrina, præcipuæ res gestæ &c. eorum Opera genuina, spuria, dubia, supposititia, illorumque Editiones, accurate recensentur, deperdita præterea, atque inedita, notantur; additis ut plurimum de singulorum doctrina ac stilo
 Ccc eru-

*eruditorum judiciis, cum Indice Autorum & Concilio-
rum; omnia ab orbe condito ad nostra usque tempora.*

*Opera & studio ** Jur. Canon. Doctoris,
& aliorum.*

Tomus I.

Coloniz Allobrogum, sumtibus Perachon & Cramer, 1734, fol.
Alph. 9 pl. II.

Mirifica & plane singularis Seculi nostri est felicitas, quod doctissimi præstantissimique Viri Historiam Literariam strenue atque solícite excolant, eandemque ad summam, quantum fieri potest, perfectionem perducant. Non ultimum inter illos locum occupant Cl. Editores splendidissimi & utilissimi hujus Operis, cujus titulum integrum hic in gratiam Lectorum adscripsimus, qui accuratam & infinito labore confectam Scriptorum Ecclesiasticorum Bibliothecam eruditorum oculis subjiciunt. Inter veteres *S. Hieronymus*, inter recentiores *Dupinius*, *Ceillierius*, *Caveus*, & *Oudinus*, in hoc genere eminent. Poterant hi celeberrimi Viri avocare a proposito Editores, nisi, multa adhuc desiderari in prædictis Bibliothecis, illi sapienter animadvertissent. *Dupinii & Ceillerii* Bibliothecz Gallico idiomate conscriptæ sunt, ordine Chronologico dispositos Scriptores exhibent, librorum editiones non accurate annotant, plurimasque omittunt, quibus omnibus nævis medelam adhibuerunt exoptatissimam Cl. Editores. Præterea enim, quod Latino, hoc est, eruditis proprio quasi atque peculiari, sermone Bibliothecam suam exaraverint, & ordinem Alphabeticum tenacissime observaverint, nullum Scriptorum, qui Ecclesiasticorum nomine veniunt, facile præteritum deprehendet Lector. Neque saltem viros, verum etiam fœminas, literarum sacrarum scientia perbelle instructas, commemorant. Quid? quod ipsos illos nostræ ætatis homines de literis sacris & Historia Ecclesiastica meritis- simos, adhuc superstites, inseruerunt Bibliothecz, illosque hu-
manif-

manissime rogant, ut vitæ suæ Commentarios ad Autores mittant, alias, se ex eorum vita & scriptis, quod illi inviderunt orbi erudito, suppleturos esse, graviter minantur. Tum Scriptorum vitam tradunt, indicatis diligenter fontibus, ex quibus rivulos suos irrigarunt. Postea Catalogum Operum cujuslibet Scriptoris, notatis diversis uniuscujusque Operis editionibus, apponunt. Præcipuis celebriorum Autorum Operibus Libri analysin & Epitomen, non admodum quidem prolixam & diffusam, sed accuratam & sufficientem, adjiciunt. Ubi dubia & spuria quædam Opera Autori cuidam tribuuntur, ea, addita eruditorum censura, in calce articuli annotant. De Scriptorum ingenio & dignitate non ipsi judicant, sed ea, quæ a doctis Viris, sive in Bibliothecis præcedentibus, sive in variis Ephemeridibus, sive alibi, prolata sunt, bona fide referunt. A libris, quos Scriptores Ecclesiastici quidem composuerunt, sed qui ad religionem, vel Theologiam, non pertinent, recensendis studiose abstinuerunt. Concilia quoque, resque ibidem gestas, sed eas saltem memoratu dignas magna sollicitudine enumerarunt. Præstantissimos selectissimosque Scriptores, quos in fronte hujus Operis laudarunt, in subsidium advocarunt, & spem expectationemque, quam de hoc Opere jam dudum eruditi conceperant, egregie atque feliciter impleverunt. Multæ atque præclaræ hujus libri dotes sunt, omnium tamen suprema est, quod Cl. Editores sine partium studio ad scribendam hancce Bibliothecam accesserint, & Lutheranz, Reformatæ, aliique Sectæ addictis Viris doctis, quemadmodum Romano. Catholicis, justas & condignas meritis suis laudes tribuerint, & ubique summam accuratorem, & pertinacem diligentiam, ostenderint, ut non possimus non, quin continuationem fructuosissimam hujus Operis cum omnibus bonis atque intelligentibus Viris animatus voveamus.

ΔΙΟΝΥΣΟΥ ΛΟΓΓΙΝΟΥ, κ. τ. λ.

h. e.

DIONYSII LONGINI DE SUBLIMITA-

Ccc 2

10

te Libellus, Grace conscriptus; Latino, Italico, & Gallico sermone redditus, additis Annotationibus.

Veronæ, ex typographia Jo. Alberti Tumermani, 1733, 4 maj.
Alph. 1 pl. 20.

Persequitur institutum suum Typographus nobilissimus, splendidis libris atque emendate editis Rempublicam literarum augendi. Merebatur cultum istum *Longinus*, qui, nescimus, an ita felix futurus erat, si totus, vel pluribus certe suis quasi membris servatis, ad nos pervenisset. Jam in parvulo corpusculo, quasi Palladio quodam, expoliendo, servando, in arce ac templo Vestæ, hoc est, Perpetuitatis, ponendo, certatim elaborarunt eruditi, & cummaxime elaborant. Et quid ni agerent, si verum dixit *Ant. Maria Salvinus*, quem nondum eluxerunt Musæ, verbis, quæ ipsius lingua proponemus, ut sunt a *Cel. Gorio* in Præfatione suæ interpretationis ex ore Viri, quem præceptorem colit, prolata: *Che questo pregiatissimo Trattato cotanto stimato, e letto, e riletto da tutte le nazioni piu culte, è necessario ai giovani studiosi come il pane; affinché leggendo acquistino il buon gusto, la critica, il discernimento de' buoni Autori; perchè in somma diventino grand' uomini, nelle belle lettere.* Nihil igitur peccatum, quod dantur hic juventuti tetrapla quasi quædam *Longiniana*. Quo consilio autem factum sit, uti nusquam indicaretur, unde quæque columna, præter Italicam, desumpta sit & huc translata, nescimus: certe defectum, qui videri poterat, in quorundam Lectorum gratiam supplevimus. Græca igitur, cum Latina versione, & Notis omnibus, Indice item utroque, & Vita *Longini*, repetita ad verbum, & sine ulla, quam observavimus, mutatione revocata sunt ex editione, quam *Edm. Hudsonus* primum dedit Oxoniæ A. 1710, 8, repetita deinde A. 1718 & 1730, quæ cum notissima sit & commendatissima omnibus, nihil necesse est, de ea re plura commemorare. Neque de Gallica vel interpretatione, vel annotationibus, opus est aliud dicere, quam

quam hoc, esse eas *Nic. Boilat*, quales cum *Boivini Dacerii*.
que Observationibus habentur, v. g. *Tomo III Operum Amst.*
1717, 8, omiffis tamen, quæ alteram illius Tomi Par-
tem implent, cogitationibus criticis. Nihil itaque superest,
quam ut Italicæ versionis rationem reddamus, quæ nunc no-
va prodiit. Habet ea Autorem, cui majora jam debet orbis
literatus, *Anton. Franciscum Gorium*, qui, dum fervet sub pre-
lo altera Pars Musei Florentini, retractavit hanc ipsam inter-
pretationem, olim a se sub oculis & lima Præceptoris sui,
Anton. Mariae Salvini, confectam, & post varie tum ab ipso
Autore, tum ab aliis, relectam politamque, uti jam inter præ-
stantia hoc genus Opera numerari suo jure possit. Illud præ-
sertim nobis videtur observasse, non aliorum interpretatio-
nes, quod vulgo fieri constat, sed ipsa Græca Autoris verba in
consilio habuisse *Cel. Gorium*. Specimina versionis dare nihil at-
tinet, ubi nihil deprehendas animadvertendum. Itaque potius ex
Dedicatione Viri *Cel. ad Virum Cl. Anton. Franciscum Marmì*,
Ordinis S. Stephani Equitem, excerpemus quædam Literariæ Hi-
storiæ studiosis non ingrata, credimus, futura, cum de iis, quan-
tum recordamur, non satis aliunde constet. Vir Illustris, quem
modo laudavimus, præfectus est Bibliothecæ, quam *Anton.*
Magliabechius testamento publicaverat, quibus Tabulis, &
Ill. *Marmio*, una cum *Laurentio Comparino*, Jcto excellen-
tissimo, cura illius ordinandæ, in Catalogos referendæ, & bi-
nis per singulas hebdomadas diebus aperiendæ, data est. Du-
navit paulo post locum Bibliothecæ *Cosmus III*, Magnus Dux
Etruriæ, qui Theatrum ad eum diem fuerat, contiguum ipsi
Mediceis porticibus. Hunc exornandum deinde & instru-
endum curavit *Marmius* ad eum modum, ut jam illustre habi-
taculum præbeat triginta millibus librorum, qua typis eulorum,
qua exaratorum calamo, *Magliabechianis*. Hos confusus
antea & disiectos eleganter jam disposuit *Marmius* industria, &
jam ita strenuo in conficiendis Indicibus occupatur, ut spei sit
futurum, ut non ita multo post ex destinatione magni testa-
toris aperiri possit & publicari.

THEATRUM GRÆCORUM, AUTORE R.
P. BRUMOY, e Societate Jesu.
Tomus I, II, & III.Parisiis, apud Rollinum, patrem, Jo. Bapt. Coignardum, filium,
& Rolliaum, filium, 1730, 4 maj.

Alph. 10 pl. 12, Tabb. 21. 3.

Pag. 7.

8.

12.

Cum in magna luce atque claritate versentur vetusti Scriptores reliqui, neglecti fere jacuerunt ad hunc diem Tragicæ veteres; hos in lucem & judicium producere Autor constituit, ut cum causâ cognitione aut laudari possint, aut condemnari. In illo bello de comparatione veterum & recentiorum (ad quod lepide transfert Autor noster, quod alii de religione, alii de Gallia dixere, *sæpe oppugnatam esse antiquitatem, male interdum defensam, semper tamen superiorem discessisse*;) primo illud ponendum contendit, *veritatem & pulchritudinem esse unam*, quo nomine in operibus ingenio perfectis intelligit *imitationem naturæ conformem sententiis in gente polita receptis*. Ita pulchra erit *Alcestis Euripidea*, si affectum conjugis, mori pro conjuge cupientis, ita exprimat, ut Atheniensium moribus & sententiis imbuta bene expressus videatur, neque ulla illius culpa est, si stupeat rideatve Gallus ad ea, quæ a consuetudine atque sententiis suæ gentis atque ætatis remota sunt: quemadmodum in *Racini* fabula *Alcestide* ipse *Euripides* inter præclara multa reperitur etiam videtur, quæ ab omni decore abhorrere ipse arbitretur. Injustum ergo fuerit, accusare Tragicos veteres, cum tales nobis pinxere suos heroes, quales fuere, nisi forte pictorem quis accuset, qui suam rebus non amœnis magis, quam horribilibus, imaginem reddat. Quæ cum ita sint, negat Autor, se viri omnis expertes putare veteres: illud postulat merito, ne judicentur ex moribus & sententiis nostris. De Theatro igitur &

fabulis, tum Tragicis, tum Comicis, Græcorum, ut judicari melius possit, in Dissertationibus Operi præmissis originem & historiam Tragædiæ veteris explicat, eamque cum nostræ ætatis inventis comparat. Tum, quicquid superest Tragædiæ veteris, enarrat, comparat tum inter se veteres, tum hos cum recentioribus, bonam etiam partem veterum Gallice vertit: qua in re vitiosam præsertim diligentiam a se evitatum cupit, qua sit, ut, dum epitheta omnia & formulas consecrantur aliqui, in languorem quendam & frigus orationis incidant, Quod a quibusdam studio factum, ut risui veteres exponerent. Cum fieri non possit, ut Gallice transferantur pleræque Tragædiæ Græcæ integræ, ita quidem, ut legi sine fastidio ab elegantioribus hominibus, Græcarum rerum rudibus, possint; aliam viam ingressus Autor, æconomiam nobis & argumentum ipsis prope Poetarum verbis Gallice conversis proposuit ita copiose, ut non minus fere, quam ex integra interpretatione, cognosci possit. In *Æschylo* quidem brevior esse coactus est, quod is omnium minime ferre interpretem videatur. Huic ipsi Poetarum enarrationi inseruit etiam, quicquid argumento convenire videbatur aliunde petitum, Historias, aliorum Poetarum sententias, imitationes. Itaque etiam *Seneca* quæ feruntur nomine, Tragædias non neglexit, a quo & *Lucano* Tragædiæ Gallicæ arcessit originem, ut scilicet ex parvis rivulis magni etiam nonnunquam fluvii oriuntur. Non minus etiam recentiorum Tragædias, quarum argumentum a Græcis petitum est, cum exemplis suis comparat. Hoc argumentum duarum Partium priorum. Tertia Comœdiæ destinata est. Hic, post Dissertationem bene longam de Comœdia Græca, habetur enarratio satis ampla undecim *Aristophanis* fabularum, temporis ordine collocatarum, cum conclusione totius Operis. Dissertatio agit de vita & operibus *Aristophanis*, de admiratoribus illius, reprehensoribusque, de Comœdia Romana, utrum facilius sit Tragædiam scribere, an Comœdiam. Sequuntur Observationes legendo *Aristophani* necessariæ, *Fæsti* item belli Peloponnesiaci. In ipsa deinde fabularum enarratione historię lux ubique adhibetur, vertunturque Galli-

T. III
pag. 304.

305.

Gallice quæ possunt, (non possunt etiam, quæcunque pudorem offendunt,) ita quidem, ut quatuor præsertim summorum capitum habeatur ratio. Ea sunt 1) Reipublicæ forma allegoriis Poetæ, tanquam velis quibusdam, hic evoluta; 2) veteris Comædiæ ingenium & interior conditio; 3) parodiarum Tragicorum, ubi bene observat Autor, non contentus causa eas adhibitas, sed simpliciter risus quærendi, cum ita sit ingenium hominum, ut oblectetur, si res maxime seriæ ad risus materiam rapiantur; 4) ludibria & joci in ipsos Deos, quæ res cum magnam difficultatem habere videatur, qui factum sit, ut *Socrati, Diagora, Alcibiadi*, invidiosum fuerit, ita Deos dicere, non item *Aristophani*. Hic Autor non incommode distinguit religionem atque Theologiam poeticam a Civili & publica, illam impune ludi potuisse, hanc non item. Hoc igitur modo cum conduxerit Autor, quicquid Tragædiæ & Comædiæ veteris superest, cum apte omnia inter se devinixerit, interpretationes, enarrationes, judicia, disputationes, comparationes, exsistit inde Tragici quædam generis Historia, quæ *Theatri Græci* nomen suo jure sustinet; liber lectu profecto dignissimus, & non tantum iis profuturus, qui literarum Græcarum rudes non ignorare cupiunt, quid boni sit in antiquis illis de scena Philosophis, sed iis etiam, qui, per hoc quasi atrium introducti, ad intimiorem familiaritatem admitti cupiunt. Neque enim voluptatis quidquam habere potest grammatica sola *Euripidis* & reliquorum interpretatio; & quotusquisque est, qui lectas a se omnes ævi istius reliquias gloriarî possit? Quas nunc uno quasi obtutu conspiceret, & inde ad attentam singulorum membrorum considerationem accedere licet. Nisi quis putet, parum prodesse, antequam ad legendum librum veterem, lingua & sermone difficili scriptum, accedat, æconomiam illius, genium, majorem etiam partem sententiarum, habere cognita. Qui igitur de bona parte versionum Gallicarum, quæ hodie sunt, non nimis egregie sentimus, hunc librum Seculo nostro gratulamur, & gaudemus, viam munitam esse his, qui legere in posterum *Æschylum, Sophoclem, Euripidem, Aristophanem*, voluerint, ut multo facilius jucun-

jucundiusque in difficili alioquin & aspero labore versari queant. Quanquam & illud prævidemus, fore, ut tanto minus accedant ad ipsos fontes quidam, quo paratiorem jam habent gloriandi & jactandi magna nomina occasionem, quæ per interpretem compilare ipsis erit facile. Haud persuaſorie commemorandæ erant, si nobis longis esse liceret, Dissertationes Operi præmissæ; quarum prima argumentum & institutum Operis totius copiose enarrat; secunda de Tragœdiæ origine agit, quam *Homeri* & epici carminis imitatione ab *Æschylæ* inventam, non modo universum, sed eundo etiam per partes illas, protasin, epitasin, catastrophem, demonstrat. Hinc etiam unitatem illam temporis, loci, actionis; hinc inventionis majestatem derivat. De choro veterum plura habet, eumque adversus recentiorum quorundam reprehensiones defendit. Dissertatio III comparat inter se scenam antiquam & hodiernam, propositaque forma Reipublicæ illius temporis, quo floruerunt *Æschylus*, *Sophocles*, *Euripides*, ostendit, populum fuisse lenem, inconstantem, libertatis, novitatis, sermonum, jocorum, avidissimum; maximos Reipublicæ homines, cultu parum distantes ab infimis, infimos elegantiae ejusdam opinione tumentis, & contemtores barbarorum. Hinc Reges populo supplicantes, hinc laudes Athenarum invidendæ, hinc scommatum, & Satyræ licentia. Tum ipsorum Poetarum characteres quosdam ponit, *Æschylum* militem, & alti spiritus virum, *Sophoclem* dulcem, *Euripidem* aliquantum Scholasticum, & scholam *Anaxagoræ* olentem. Nostorum temporum faciem notam nobis cum ponat Autor, statim ad comparationem accedit. Græca igitur Tragœdia argumentum petit ex historia solius Græciæ: Gallica in prius ex Græcia & Italia; etiam aliunde, sed ex patria vix unquam. Personæ utrinque Reges & Heroes. Sed, qui Regem cogitabant Pag. 140. Græci illius temporis, hominem cogitabant parum ultra communem sortem elatum, mediocris sæpe urbis primum civem, & hunc tamen exorsum aliis, quem proinde deprimi spectator gaudeat, a qua Regis imagine, immensum est, quantum Gallus spectator abhorreat. Eadem fere herois ratio. Græcis he-

ros erat homo aliquantum præstans ceteris & corporis & animi viribus: qui heroem nunc audiunt, divinum virum intelligunt, & supra conditionem reliquorum longissime eminentem, & ab omni vitio, nisi ab amore, remotum. Quid mirum igitur, si mirifice inter se distant hodiernorum hominum & eorum, qui cum *Sophocle*, ut hoc utamur, vixere, de illius fabulis judicia. Antiqua Græcorum Tragedia unitatem loci, temporis, actionis, conservat diligentissime; hoc tardum nimis videbatur vividis & calidis horum hominum ingeniis, qui malebant magna rerum varietate oblectari, quam exacta artis observatione, hoc est, imitatione naturæ, teneri. Neque enim ignoratunt *Cornelii* & *Racini*, quod natura negotii postularet, sed maluerunt placere populo, quam *Aristoteleis* doctoribus probari. Hæc eadem causa fuit, quæ chorum exulare e Tragedia Gallica jussit. Diversitas auditorum etiam hanc introduxit differentiam, ut Gallicæ fabulæ vix placere possint, nisi bonam partem dominetur in illis amor, cum apud Græcos Republicæ conversiones, & quæ facta aliquod ad illas momentum haberent, utramque facerent paginam, qui scilicet non id agerent, mulierculis ut placerent, quas fecissent fabulas. Græci Poetæ Græcorum hominum mores pingebant felicius. Nunc *Achillem* Gallus, Anglus, Hispanus, si pingant, vix potest fieri; quin sua illum, ex aliqua certe parte, civitate donent: nec injuria; totum enim Græcum si faciant, non poterit puncta ferre spectatorum. Ministeria Deorum in fabulis Græcorum Tragicis decent, sapienter ab hodiernis exulant. Plus splendoris, dignitatis, magnificentiæ, habet hodierna Gallorum Tragedia: sed vetus illa plus simplicitatis, ordinis, veritatis, quæ nudam quasi & simplicem hominum naturam tanto majore nobis arte exhibet, quo minus videtur artis habere, statum antiquæ eo nomine comparanda, cujus vestitus quasi madidus, & corpori adhærescens, minus implet oculos, quam hodiernæ, quæ plus dignitatis habere videntur, sed minus eadem veritatis. Non possumus omnia huc tranferre. Sed illud non prætermittendum. Magna illa Græcæ Tragediæ prærogativa est, quam ultimo loco illi tribuit. Quo plus, inquit, ad re-

Pag. 151.

159.

160.

et rationis examen revoces antiquam Græcorum Tragœdiam,
 tanto plus illa superabit, quo magis hodiernam, tanto minus
 poterit se tueri. Neque tamen putandum est, displicere No-
 stro suæ ætatis Poetas, aut in universum homines. Non ita
 est. Ita certe caute, ita moderate, loquitur ubique, ut facile
 appareat, nolle ipsum quemquam eorum, quibus nova tantum
 placent, sibi offensum. Moderationis illius insigne specimen
 etiam est in ea, quam perorationem totius Operis voluit, quam
 in hanc sententiam concludit. Satis se magnum operæ pre-
 tium habiturum, si efficere possit, ut renascatur bonus ille an-
 tiquitatis sensus, quem *gustum* sere vocant hodie, quem a cœ-
 ca omnium, quæ antiqua sunt, admiratione distinguit. Hic,
 inquit, sensus eadem alit ingenia atque polit; hic auget illa
 divitiis alienis initio, sed quæ paulatim fiant propriæ; hic læcun-
 ditatem illorum naturalem aperit, & fructus inde producit ex-
 quisitissimos; huic debent, quod fuere, quod erunt, *Racini*,
Bolei, *Fontani*, *Patruvii*, *Pelissonii*, & magnæ superioris Se-
 culi animæ; hic immortalitatis quasi sigillo ea obsignat Ope-
 ra, in quibus deprehenditur; hoc denique sanæ antiquitatis
 sensu si careant quantæcunque dotes, multum ab eo fastigio
 aberunt, ad quod poterant illo adjunctæ pervenire. Plura ibi
 sunt in hanc sententiam. Sed finis nullus erit, si, quæ pla-
 cent, huc referre velimus omnia. Et, superest quasi coralla-
 rium Operis *Cyclops Euripideæ*, fabula Satyrica, cui locum ex-
 tra Opus quasi assignavit Autor, & Dissertationem de hac ipsa
 fabula, & universum de spectaculis Satyricis, præmisit. Hæc
 nihil cum Romana Satyra commune habent, sed medium
 quoddam inter Tragœdiam Comœdiamque Dramatis genus
 fuere, ejusdem originis, in quo risus inprimis & jocus specta-
 retur, in personis etiam grandibus. Credibile est, severiobus
 ea ludis Tragœdiarum ad recreandos spectatores subjuncta, &
Atellanis Romanorum fuisse affinia; peperisse autem apud
 Italos recentiores ea, quæ vocantur *pastoricia*. Facilis sane
 a Satyris ad pastores transitus fuisse videtur. Sed ista quidem
 copiosius & exquisitius tractata ab *J. Casaubono* in egregio li-
 bro de Satyrica Græcorum Poesi, & Satyra Romanorum, quo

Pag. 318.

327.

usum esse Nostrium apparet, cuique ex parte aliqua contradixit Cl. *Heinsius* duobus de Satyra Horationa libris. Illud unum subijcimus, quod ad Historiam Literariam pertinet, DISS. II Doctiss. *Brumoius* nostrum Autorem etiam esse carminis Latini in XII Libros divisi, de perturbationibus animi. pag. 53.

GREGORII MAJANSII, GENEROSI, ET
Antecessoris Valentini, Epistolarum
Libri sex.

Valentiz Edetanorum, typis Anton. Bordazàr de Artàzu, 1732, 4
Alph. 2 pl. II.

Eminentissimo Cardinali *Florido* inscripsit Generosus Autor, cujus nomen Hispanice scribitur *Majans & Siscàr*, Epistolarum hos libros, & miraturum ait, Latine conscriptos ab Hispano, nec omnino barbare, imo, quod nos addimus, emendate, suaviter, & erudite. In eadem adolescentem se vocat, (natus est A. 1699,) & ob literarum amorem, quas inter paucos suos populares colat, Ostracismo aliquibus infami, sibi vero gloriosissimo, notatum, progressus literarios nullo neque duce, neque auspice, a se factos, commemorat, totum se Illustriss. Cardinali dedit. In Præfatione, de generibus Epistolarum, de multis, quorum Epistolas habemus, Viris eruditissimis judicat, ac deinde ad suam Collectionem accedit. Neque enim solas a se scriptas publicat, sed etiam virorum, quos nunc habet Hispania, doctissimorum ad se, vel de se ad alios, literas, inprimis multas *Emmanuelis Martini*, Dec. ni Alonensis, quem præter ceteros laudat, sibi autorem ad ingrediendam & persequendam rationem optimorum studiorum fuisse. Commendat tres Epistolarum centurias ab illo ad doctissimos Europæ Viros missas, neque desperat, futurum, ut illæ edi a se possint. In fine testatur Deum hominesque, laudes omnes, quas aliquibus heterodoxis attribuerit, eo solum spectare, ut agnoscantur ipsorum dotes naturales moralesque, quarum cognitio nos, inquit, veræ religionis cultores, potest debetque meliores facere: eorundem

rundem vero perfidiam ac pervicaciam detestatur, abominatur, melioremque eis optat mentem. Quorsum hæc pertineant, iis apparebit, qui reliqua recensitionis nostræ cognoverint. Habentur hic Epistolæ *Majansii* & amicorum, non ex tantum, quas ad ipsum dedere, sed aliæ etiam nonnullæ, e quibus, æge, ἀξιωμακέως quædam proferamus. Cum viginti annos natus esset, Noster habuit Oratiunculam, quæ hic inferitur, ad Salmanticensis Academix Senatam, pro *Josephi Borrullii*, primarii Juris Civilis Antecessoris, in eum ordinem allectione. Summam ita ipse explicat: *Gratulandum est vobis de summa vestra equitate, iustitia, religiosoque more, quo non nisi Collegio nostro dignissimos in Doctorum numerum adsciscitis. Præcipue vero gratulandum de maxima cura & studio, quo eximium hunc Antecessorem in sapientissimum vestrum ordinem ingredi decernitis.* Laudat hanc ipsius Oratiunculam *Martinus*, & illum incitat, ut exemplo *Budei, Petiti, Eabrotti, Brissonii, Fabri, Cujacii, Gutherii*, Græca cum Latinis conjungat & sectetur: *Non hanc sordidam & prostitutam Jurisprudentiam, fuco & fallaciis deformem, cujus tricis & involucris miseri cives importunissimis litibus implicantur. Hinc tot causidicorum ventosa crepitacula, tot blaterones ac rabule & nugivenduli, qui inanum & futilium verborum nundinatione ignari popelli crumenas mulgentes, sibi hac arte divitias pariunt, & aliena patrimonia funditus evertunt.* Gravina Origines Juris, a *Martino* sibi commendatas, diligenter a se lectas, atque in læcum & sanguinem pene conversas, prædicat *Majansius*. Græca discere vult, ubi primum *Valentii* Doctoris insignia induerit. Scribit suavissime *Martinus* de secessu suo: *Vin' scire, quam me geram luxuriose? Unum etiam scurram mecum attuli, qui me oblectaret, Plautum. Di boni, quantum morionem! Si quando frigus opacum capto, lepidissimos illius jocos arcesso.* Laudat *Majansius* sapientissimi *Tosca* libellos de Philosophia. Vocat hominem vere natum ad Reipublicæ Literariæ incrementum, qui si paulo ante scribere cœpisset, libris suis Bibliothecas omnes impleffet. Adscriptus est, instar annotationis titulus libri, quem hic etiam

Pag. 3.

10.

12.

14.

27.

29.

- legi par est: *Compendium Philosophicum, præcipuas Philosophiæ partes complectens, nempe rationalem, naturalem & transnaturalem, sive Logicam, Physicam, & Metaphysicam, Autore Thoma Vinc. Tosca, Valentino, S. Th. D. ejusdemque Archi-Episcopatus Synodali Examinatore, &c. 1721, 8, Voll. V.*
- Pag. 32 & 70. Eundem etiam Mathematicarum artium Compendium patriæ lingua & alia quædam edidisse docet. Amantissime monet *Majansium* suus, ne nimis mature scribat, & præposteris illis studiis implicitus atque irretitus, naturæ impetum retardet, atque divino ingenio suo securim infligat. Utitur hac in re versiculis etiam Græcis, quos Latinis tantum literis, ut Græca cetera, exprimi curavit *Majansius*, unde intelligas, quæ sit Græcæ literaturæ inopia, si in Academia nobili ne typi quidem Græci haberi queant. En specimen, unde de pronuntiatione constet: *Ereten dei prota geneftbai Prin pedaliois epicheiroin. Nihil, addit, est adolescentibus æque perniciosum ac prematura scribendi libido &c.* Servatque illud institutum & frenis strenue utitur apud *Majansium* suum. En vobis egregiam rabulæ descriptionem, *Martini* verbis conceptam: *Faciant hoc rabulæ, quorum hoc institutum est, quisquilias atque affanias deblaterare, nugæ vendere, crepitaculi more sonare βαρβαρικὸς, inbiare alienæ pecuniæ, & verborum sterquiliniis stultorum crumenas emungere, prostituta mancipia, non homines, & speciei honoris ignavissima prostibula; ac simulata Jurisprudentiæ persona ad decipiendos incautos parata monstra. Fædissima humani generis lues, qui sordibus, Juris inficitia, ac eruscandi libidine, barpyiarum vita, quicquid tangunt, conspurcant. Te veneror, sanctissima Themis, abige hæc propudia.* Docet *Martinus*, missas a se ad *Massejum*, *Veronæ* suæ, quin Italiæ decus, Inscriptiones antiquas 418, cum quibusdam Annotationibus. Simili occasione docet *Majansium*, Tribus notam in Inscriptionibus Romanis locum semper habere inter nomen atque cognomen, ita, ut, si secus occurrat, vel barbara ea habeatur Inscriptio, vel spuria. Inter ceteras lectu dignissima est Epistola, ad ipsum *Massejum* scripta, e qua delibare quædam eo minus gravabimur, quo pauciorum

ciorum forte in manus liber ipse perveniet. Dixerat, Hispaniam plenam esse monumentis Romanis. Pergit: *Quorum magnam partem nostratum potius, quam seculorum, injuria diruit atque delet.* Ea est Hispanorum natura atque indoles, ut, Etruricorum (ita Romanos appellant) monumenta evertere, pietatem appellent. — Sed qui aliter accidere potest in regno — —! A — — monitis vel latum unguem discedere, nefas ducunt. Quicquid illi effutiant, tanquam ex Apollinis tripode edita oracula venerantur, si vel ad aliquod vetustum simulacrum oculos vertant. Itaque simul ac ejusmodi aliquid effosum fuerit, sceleratas illi manus injiciunt, discerpunt, detruncant. Neve sol ipse ejus aspectu polluat, disiecta illa membra vel in adificiorum fundamenta demergunt, vel pro cemento in interiores partes detrudunt. &c. Enarrat deinde triste Saguntini Theatri fatum, cui ipse tamen aliquo modo intercessit. Extorsit enim a Saguntinis publicum Decretum, ne cui in posterum violare illud liceat: ac descriptionem illius misit ad *Montefalconium*, qui illam antiquitati a se explicataz inseruit. Vix sine lachrymis legi potest ab antiquitatis studioso, quid Italicensi Amphitheatro factum sit ab Hispanensibus, cujus itidem descriptionem Noster cum *Montefalconio* communicavit. Lepide deinde narrat, quid sibi semel iterumque in describendis literatis monumentis contigerit, non admodum dissimilia iis, quæ *Wagenseilio* usu venerunt, cum is in tabellis nigris stilo itidem nigricante albas literas ducere visus esset. Per superiora bella e Tarraconensi agro a quibusdam Anglis eruditissimos literatos lapides, quibus duæ naves onerarentur, avectos enarrat. Hic enim, itemque apud Edetanos, in agro Saguntino, atque universa Bætica, magna vis talium monumentorum. Enarrantur deinde varia genera lapidis ad ea adhibiti. *Morali & Rerum* impoluerunt sæpe Inscriptiones illæ subventaneæ & hypanemix, quibus veritati bellum indixerunt *Cyriacus Anconitanus, Janus Camers, Annus Viterbiensis, &c.* Paulo post, *Quid impollutum*, inquit, *reliquerunt impudentissimi illi nebulones, qui personam sibi imposuerunt Flavii Dextri, M. Maximi, Luitprandi, Heleæ, Auberti Hispanensis,*

Pag. 60.

sis, A. Hali, alique hujus fursuris, qui — Inscriptionum monstra commentis sunt? — Ego tamen pertinaci meo studio ac labore ultra quadringentas colligere potui, partim ex ipsis autoglyphis a me exscriptas αὐτογλυφῶν, partim ex idoneis Autoribus, qui post Gruterum eas in lucem ediderunt. Quippe ego ad illustrandas res patrias & spem & animos aliquando crexeram. Sed fregit acrem illum impetum malus quidam Hispania genius. Post commemorata impedimenta, Ergo, inquit, dormiamus in utramque, & altum stertamus, quando ad id unum aliena ope non indigemus. Lepide nimis leges sunt, quas Martinus in Bibliotheca sua tulit, ut ab iis describendis abstinere possimus. *Leges Volumina ex Bibliotheca nostra commodato accepta lecturis. Secundum auspicia lata liſtor lege agito in legirupionem. Mas vel femina suas, hac tibi lege codicis istius usu non interdiximus.* I) Hunc ne mancipium ducito, Liber est, ne igitur notis compungito; II) Ne caſim punctimve ferito, baſtis non est; III) Lineolis intus, forisve, quaquoverſum, ducendis abſtineto; IV) Folium ne ſubigito, ne complicato, neve in rugas cogito; V) Ad oram conſcribillare caveto; VI) Atramentum ultra primum exreſſo, mori mavult, quam ſedari; VII) Pura tantum papyri philuram interſerito; VIII) Alteri clanculum palamve ne commodato; IX) Murem tineam, blattam, muſcam, ſurunculum, abſterreto; X) Ab aqua, oleo, igne, ſitu, & illuvie, arceſto; XI) Eodem utitor, non abutor; XII) Legere & quaerere excerpere ſas eſto; XIII) Perlectum apud te perennare ne finito; XIV) Sartum teſtumque, prout tollis, reddito; XV) Qui ſuxis, vel ignotus amicorum albo adſcribitor; qui ſecur, vel notus, tradetor. Has ſibi, has aliis preſcribit leger, Emmanuel Martinus. Quoi placent, annue: quoi minus, quid tibi noſtra tactio eſt? faceſſe. Phil. Bulipbo, Jctus Alonenſis, autor eſt Noſtro, ut poſt Græcam etiam Gallicæ linguæ operam aliquot menſium impendat, vel propter ſolum Jo. Domatii Opus (*les Loix Civiles dans leur ordre naturel*), cujus lectio laborem illum penſare poſſit. Laudatur magnum Ety-mologicon, a Martino ſcriptum. Doct̃or Don Mathias Chæ-
freonius

98.

100.

114.

reonijs de Disputationum Juridicarum libro *Majansii* sancte dejerat, *visas sibi esse miracula*. Lectu digna est etiam Epistola ad P. M. nomine Archi-Episcopi Valentini scripta, qua petit *Don Jo. Riberam* in Beatorum matricula scribi: itemque alia, ad eundem de eadem re scripta nomine Collegii Corporis Christi Valentini. Habuit Noster etiam *Orationem in laudem immaculati conceptus Sanctissime Mariae, Dei hominumque matris*, quam cum obtulisset Archi-Episcopo Valentiae & Senatus Gubernatori, ille jussit, ut *meritorum suorum indicem* conficeret *Majansius*, quem ipse posset ostendere primariis Consiliariis Regiis. Signata etiam est Epistolis aliquot amicitia Nostri cum Generosiss. Equite Saxonico, *Jo. Bapt. de Schæmberg*, qui 1730 in Hispania peregrinabatur. Inter alia gratulatur illi entas Madriti *Petri Rbuæ Epistolae*, de quo viro, nemo, inquit, *vidit acutius, nemo detexit eruditius atque modestius Anton. Guevaræ, Mindoniensis Episcopi, pudenda mendacia*. Valde miror, ejus Epistolae a nemine conversas esse in linguam Latinam. Cum eodem communicat Inscriptiones, quæ hodie Sagunti extant, ad quinquaginta. En unam Speciminis causa, dignam forte, in qua ingenium experiantur eruditi:

IMP. M. AVRELIO CLARINO

NOVILISSIMO

CAESARI. §. PIO FELICI

INVICTO. AVG.

PONTIFI. MAXIMO

TRIBV. §. D. D. COS. §.

PROCOS

Et sunt fere plenissimæ notitiæ veterum per Hispaniæ illam partem monumentorum Epistolæ ad Generosissimum hunc Virum, cui etiam hæc Acta debent, quæ ab aliquo inde tempore de literarum per Hispaniam conditione docere potuerunt. Habetur hic etiam Descriptio Theatri Saguntini, quam Epistola ad *Zanedarium*, Legatum ad Regem Hispaniæ Apostolicum, complexus est *Emm. Martinus*, consentiens fere cum illa altera, quam *Montefalconiano* Operi insertam diximus. Lepido vocabulo *μεθοδιστικαίαις* exprimit; qui alias *Licen-*

Ecc

tia

- Pag. 191 seq. *tia* honores in Academiis vocantur. Accurata disputatio, quæ probatum it *Majansius*, Christianos non fuisse. *Cajum, Tertullianum, Licinnium Rufinum, & Arcadium Charisum*, JCos. Bene est quod hanc statim cum eruditis communicare placuit Viro Generoso, nec, ut alia multa, rejicere in Disputationes, quas pollicetur, Epistolicas. In febri maligna velicatoria adhiberi copiosissima a Medicis Hispanis, ut vix locus plagæ relinqueretur, obiter discimus. Mortem fratris sui piam ita describit, ut nihil admisceat, quod injurium in Jesu Christi merita esse videatur. Neque facile aliquis sine magna animi commotione legat descriptionem mortis ipsius matris, quanquam illa plura habeat religionis in Divos ex hominibus vestigia. Docet *Camusatus Majansium*, parari a se *Diodorum Siculum*, cum octo MStis jam collatum, mira adhuc promittentibus Italis, cum optima jam communicaverint Batavi & Germani. Si quis forte Græcus liber in Hispania deferatur in librariam tabernam, exinde confectum amandatur in nitrati pulveris officinam aliquam (scilicet ut luceat hoc saltem modo) aut in tabernam vilissimam. Præterea, si Græcum, sive Latinum MStum aliquod elegans in membranis deferatur ad bractearios, qui merces hujusmodi pluris, quam ceteri, faciunt, nemine præterea licitante. Non satis assecutus videtur manum *Camusati Majansius*, vel hujus scripturam typographus, cum *Barnaud* vocatur juvenis variarum lectionum scriptor, qui d' *Arnaud* nominandus erat. Intextus est Catalogus Bibliothecæ *Majansianæ*, (quæ ultra MD libros non habet, sed bonos plerisque & utiles,) quem rogatu *Camusati* conscripsit, adjectis ad unumquemque librum suis de illo sententiis. Non ultima pars hujus Operis est hic Catalogus, v.g. de *Leuveniana* Editione C. J. C. *Anselmus & Leuvenius fecissent opera pretium, si nullam operam adhibuissent his libris*. Huberi *Prælectiones sunt doctissima atque perspicua: Additiones Thomasi plerumque ineptissima, obscura, sustidiosa: quod judicium stomacho Hispano adscribent forte quidam, & deliciis circa linguam Latinam cujus vir ille negligens admodum erat; unde hoc ipsi accidit, ut contemnatur externis, quia non intelligitur*

gitur. *Henr. Brenemannus de Evrematicis — Agnoscat hic pra-* Pag. 289.
clarissimum ingenium, judicium maturefcens, stilumque juve-
niliter luxuriantem. Ej. Hist. Pandectarum: Partus est
indessca lectionis: judicium Autoris maturimum, eruditio
vastissima, pressus stilus, absolutissimum opus &c. Guil. Besti
Ratio emendandi leges: Autor est non indoctus nec inerudi-
tus. Verum ejus libello hic conveniebat titulus: Ratio cor-
rumpendi leges. Argumentum, quod suscepit Bestius, judicium
acrius postulabat. Gravina Origines Juris: Solidissima est
hujus Viri doctrina, eruditio minime vulgaris, judicium re-
ctum, politissimus stilus. Sed, si ab hac cornicula Anton. Au-
gustinus, Jac. Godofredus, & praeterea duo tresve alii, suas
plumas repetant, omnino nuda manebit; eruditio certe move- 290.
bit risum. Averanii Interpretationum Juris Libri duo: Hoc
scribendi genere superat omnes ante se interpretes. In Dispu-
tationibus istis, dubium est, utrum majus ingenium, an judi-
cium, expeditio, an elegantia. De Bynckerhœckii Observa-
tionibus edit. Hal. Heineccii Praefatio elegantissima est. Ipse
Observationes Bynckershœckii sagacissima, eruditio non vulga-
ris, minimeque affectata, judicium acerrimum, Autor utriusque
Jacobo, Cujacio, & Godofredo, plerumque insensus, & salcem
criticam, quam iis jure merito adimit, cum ea utuntur non
exigente necessitate, ipse denuo acuit, ut in venerandam ve-
tustatem eam inclementer immittat. Etiam de Jo. van de
Water Observationibus pronuntiat, cum falce critica potius 291.
abuti solere, quam uti. Suorum etiam scriptorum Catalogum
textit, quem huc referemus: Ad Veterum Jctorum Fragmenta
Commentarii, & ad legem si fuerit 5 de Leg. 3 Recitatio
extemporalis, Valentiz, 1723, 8. Jcti sunt P. Rutilius Ru-
fus, Q. Corneliu Maximus, Rutilius Maximus, Campanus, &
Tarruntenu Paternus. Illustravit etiam simili modo, sed non-
dum edidit, Fragmenta Sexti Papisii, Cinna, Julii Aquila,
& Granii Flacci, itemque Catonis, Manlii, Galli Aquillii,
Servilii, Sexti Aetii, Pacontii, Puteolani, Ariani, Cartilii, Pa-
lumeji Clementis, Tertulliani. Hæc omnia edet titulo adscri-
pto, Jctorum Decades. Etiam Centuriam suarum Dispu-
tatio-

Pag. 252.

182.

302.

307.

309.

312.

tationum expectari jubet jam evigilatam. Adjiciamus & hoc, qui ætatis anno 24 Cathedram Justiniani Codicis inter sex competitores summo cum applausu acceperat, (sed e qua non nisi duz unciz auri redeunt,) ille sex annis post, cum interim præclare de suo munere meritus esset, repulsam tulit indignissimam, quo facto competitionibus omnibus lætum se lubentemque ait valedixisse. Inter ea, quæ præterea promittit Vir Generosus, inprimis est *Œtus, sive de Jurisprudencia Romanorum illustranda liber singularis*. Qui alias de se suisque modestè loquitur Autor, hoc ingenii sui maximum monumentum vocat: quo magis optandum, ut cum ceteris Viri doctissimi scriptis non typis excudatur modo, sed etiam ad nos & in communem usum perveniat. Similia optamus de *Emmanuelis Martini* monumentis, in quibus miris laudibus prædicat plus semel *Majansius* Elegiam dulcissimam hoc titulo: *Apasterosis, in qua Arcam, vicennalium peregrinationum comitem, itinerum attritu ac vetustate fatiscentem, quadam veluti consecratione inter astra collocat*. Epistolæ ejus promittit, quantivis sane pretii, si iis, quæ in hoc Syntagmate dantur, sunt similes, de quo non est quod dubitemus. Mirum est, pervenisse in Hispaniam *Menckenii* nostri, quem nondum eluximus, de *Charlataneria Declamationes*, quod literis ad Autorem datis proficitur; quanquam ipse pro sua modestia, indicta omnia se malle, respondet. Causam cur his *Actis* nostris volitare per Hispaniam non liceat, hanc aperit *Majansius*: Procul dubio in his multi laudabuntur, qui in Romanis Hispanicisque Indicibus prohibitorum librorum proscripti sunt. Itaque, antequam *Acta* vendi possent, prius examianda essent; postea forsitan prohibenda. Quare usui esse non possunt, nisi paucissimis, qui ab Inquisitore Generali veniam habent legendi quoslibet libros, ut ego habeo. Est etiam hic Epistola una alteraque ad Virum Excellentiss. qui *Oropesa* nomine inter nos notus est, cujus vel totum nomen hinc cognosci non insuave fuerit. Ita igitur inscripta Epistola: *Excellentiss. Viro, D. Joanni (Basilio) Cervellioni, Casselvinio, Coloma, Alagonio, & Borgia, Comiti Cervellionis, Marchioni Villa Torca, Baro-*

Baroni Oropefa, Hispania Magnati, Imperatoris Caroli VI a Conſiliis & a Cubiculo. Eſt etiam hujus Epiftola, quæ prodit virum non leviter literis, etiam humanioribus, tinctum. *Critici Magni* Autoreus eſſe *Balibaſarem Gratianum*, Jeſuitam, hic argumentis oſtenditur. De *Rhetorica* etiam *Caſtellana* Autore, *Quixoti* item & *Amadiſi*, & *Lazarilli*, jucunda forte quibusdam erunt, quæ hic diſputantur. Elegantiffime ſcriptum, ut pleraque, a *Majanzo* judicium, vel laus potius, Orationis, quam de cauſis corrupta Latinitatis, & de illius remediis, ſcripſit *Joſephus Joachimus Lorga*, Latinæ linguæ in Academia Valentinæ Profeſſor. Memoratu digna quoque Epiftola ad Lectorem, præfixa Tractatibus Academicis *Joannis Puga*, Jcti Salmanticenſis, in qua vita illius enarratur. Elogium, quod matri ſux ſcripſit, inter elegantiffima monumenta referri meretur. Mittuntur *Majanzo Cbirimoya* nuclei, e Peruviano regno nuper allati. Eſt illud inter novi orbis poma nobiliſſimum, orbi veteri novum prorſus, tribus unum ſenſibus mirifice blandum. Specie oculos, odore nares, ſapore palatum, quam ſuaviſſimo demulcet. Suadetur deinde *Majanzo*, ut eos nucleos (*offula* etiam vocantur & *officula*,) conſerat, cauſa adjecta, quod nulla tota Hispania regio Peruvianæ cognatio fertiliorque. Habet proxima *Majanzſi* Epiftola pluſcula de fructibus Americanis. Sed deſinendum eſt, cum præter morem noſtrum longiuſculi fuerimus in libro non nimis magno. Invitavit ſcilicet novitas, jucunditasque; & nunc perleſtum jam librum ægre e manibus dimittimus: cujus ſuavitas ut cum pluribus communicari poſſit, recudi illum ab aliquo noſtrum optamus.

Pag. 322.

329.

335.

531. 356.

366.

384.

NEDERLANDS DISPLEGTIGHEDEN &c.

i. e.

CONSUEITUDINES CONVIVALES BEL-
gii, tum in ipſis inſtituendis epulis, tum in libandis
aliorum ſaluti poculis, apud Batavos veteres, eorumque
Principes, Comites, Virosque nobiles, & cives alios Bel-
gii

gii olim usurpatæ, cum origine earum, & consensu gentium aliarum, Autore K. VAN ALKEMADE & P. VAN DER SCHELLING.

Pars I & II.

Roterodami, apud Phil. Lofel, 1732, 8.

Pars I Alph. 1 pl. 20, Pars II Alph. 1 pl. 17 Tabb. 21. 3.

Pag. 55.

Conscriptum a Socero suo librum, ut *Pars altera* esset O-
peris, quod *de sepeliendi ritu apud Batavos* A. 1713 Del-
phis ediderat, & communi *libri consuetudinum (het Ceremo-
nieel)* nomine contineretur, Cl. Autor inultum auxit, & præ
novum effecit, ita tamen, uti sua a Soceri observatis diligenter
distinxerit. Præfatio apologiam habet bene longam consilii
hujus & laboris, in re, ut videri possit, neque gravi, neque ni-
mis necessaria impensæ, qua nihil opus videbatur his, qui fa-
cile ad conspectum primum libri animadvertent, hic agi de
multis rebus, quas non ignorare optant, qui studio aliquo hu-
maniore sciendi tenentur. Age videamus nonnulla, e quibus
constat, gratiam omnino a curiosis rerum antiquarum Auto-
rem iniisse. Ita satis copiose disputat de more salei admi-
scendi potui vel eorum, qui ænigmata proposita solvere non
possent, (qua re indicatum ibant, sale illum opus habere,) vel
ceteroquin liberalius potantium. Memorabile exemplum pro-
fert Autor ex *J. A. Leidis Annal. Egmond. Cap. 89 de Domino
Nicolao de Adrichem*, Abbate Heemondensi, qui in epulis
nuptialibus *Domini de Veris in Zelandia, cum ceteris nobili-
bus vino æstuanter salinaria, ceu cithos plenos, sale & vino, ut
dicitur, mixtos, sibi mutuo biberunt, & Dn. Nicolaus, Abbas,
post potum surgens, secretum locum ad corpus evacuandum
petiit, & post paucas horas in eodem loco secreto sedens mor-
tuus inventus est.* De Græcorum ratione, quam Romani
imitati sunt, muria vel aqua marina condiendi vinum, quod
deinde, etsi in Italia natum, Græcum diceretur, non tacet Au-
tor; sed plura addere facile erat, si hoc ageremus, ex rei
rusticæ

rullicæ Græcis pariter ac Latinis Scriptoribus. Meminit *offa judicialis*, hoc est, frustri panis cum exiguo sale, certis execrationum carminibus paratæ, & innocentæ explorandæ causa accusatis dari solitæ. Derivat hinc proverbium Belgarum, qui, cum abhorrere se ab aliqua re testantur, dicant, *se prius salem cum pane comesturos*. Habent idem proverbium etiam superioris Germaniæ incolæ; sed apud hos inopiz potius & summe paupertatis ista *πρωτοφωγας* est, cum dicant, *se potius pane & sale victuros*, quam v. g. parasitatum aut adulatum veniant aliis. Cum diversum sonent Latinæ formulæ, utramque eodem modo Germanice & Belgice verti, (*Satz und Brod essen*, *Zout en Brood eten*,) norunt linguarum periti. 92.

Cap. XI destinatum est etymologiæ vocabulorum, quibus ad epulas signandas utuntur Belgæ, *gastmaalen*, *maalteden*, *maaltijden*, quorum primum & ultimum, levi immutatione facta, etiam superioris Germaniæ est, (quod etiam de *middagmaal*, *avond-maal*, constat,) putat autem a *molendi* dicta, vel *tempore*, vel *loco*, hoc est, edendi, cum molæ similitudinem habeat os cum dentibus. Cumque vox *maal* vel *mahl* etiam numerandi & ordinis quandam vim habeat, (ut Gallorum *fois*, Italicorum *volta*, *times* Anglorum,) primam vocem notare posse conditum tempus amicis vel hospitibus. Sed ista quidem, ut nobis videtur, longe plenius, accuratius, certius, in quantum certum quid hic esse potest, disputantur a Doctiss. *Wachters* nostro in Glossario Germanico, quod sitim majoris Operis, quod molitur Vir in hoc studiorum genere incomparabilis, auget, quoties illud in manus sumunt, intelligentibus. 294. *Cap. XXII* agitur de epulis jocosis, & Saturnalium Romanorum similibus, quales in *Warmondiorum* familia, quotannis celebratas observatur, ut heri habitu etiam servili suæ familiæ cui ludus & lascivia permissa erat, ministrarent. Huc refert etiam *societatem & ordinem stultorum*, *het Gekken-Gezelschap*, ipso S. Cuniberti die A. 1381 ab *Adolpho*, Clivenfi Comite, & 35 nobilibus viris institutum, in quorum legibus erat, non habitu modo morionum ut convenirent quotannis, sed nihil etiam toto illo die serius & non pro stultis agerent. Diploma esse dicitur

- Pag. 299. dicitur in *Th. de Roux* Fetiali Belgico. De Teneramundæ (*Dendermond*) pago *Marzeke*, ejusque veteri sacello, quod *altum Castellum* appellant, ex *Mastertii* descriptione refert solennia quædam ludicra, in quibus præter epularum hilaritatem quasi aula quædam stultorum constituitur, & si quem notare volunt, v. g. prodigum hominem & decoctorem, illum *Quæstorem alti Castelli* constituunt, *Consiliarium* vero, cujus stultitia ita consilia volunt ridere. Tum elocant venatum cicadarum, piscatusque alti Castelli, in arido colle siti videlicet. Eodem ordine habet Calendariorum fratrum epulas. *Cap. XXX*, ubi de Agapis Christianorum absentium agitur, *literarum* etiam *Festaliū* mentionem faciunt Nostri, varique illarum usus, cujus in Belgio reliquæ sunt *Paschales literæ* puerorum, quibus sui in scribendi arte profectus specimina offerre parentibus aliisque consuevere. De encæniis imprimis diligenter agunt *Cap. XXXI & XXXII*, nimirum de eorum origine, de causis celebritatis, quomodo mercatores ad ea paulatim se adjunxerint, de annua memoria encæniorum, an solennibus illis occasionem dederint natalia martyrum, de abusu vario, ejusque per leges castigatio, & id genus alia. *Cap. XXXVI* peculiare erat genus epularum apud Frisios veteres, quod ipsi vocant *Horispil in de patene*, quasi tu dicas *frenum in patina*, ubi post epulas solennes inferri solebat cum pompa quadam patina tecta, in qua essent *frusta funis*, quo ligatus fuerat bos, de cujus carnibus epulati fuerant. Symbolum illud tuendæ libertatis interpretatur *Alkemadiur*. *Cap. XXXIX* habet descriptionem epularum, quibus excepit Belgarum Republica *Carolus II*, Britannicæ Regem, d. 30 Maji A. 1660, & Caput proximum similes præbitas Arausionensi Principi, Gubernatori Belgico, d. 24 Febr. A. 1672. Commemorabilis ex *priori Parte* adhuc videtur locus *Lamberti*, Ultrajectini, quem huc ponemus: *Per id tempus* (A. 998) *Pipinus Princeps in Jopiliam villam advenit; venit etiam eo vir sanctus. Apparatur convivium. Princeps oblatum sibi a pincerna poculum innuit Episcopo offerendum, benedictionis loco habiturus, si a*
confe-

consecrata manu ipse poculum acciperet, quod Maximum Imperatorem olim noverat a beatissimo Martino expectasse.

Altera Pars Operis speciatim ad bibendi consuetudinem pertinet, e qua more nostro nonnulla delibabimus. Cap. V Pag. 68 seq.

ex Ethnicorum consuetudine ante explicata derivat morem Christianorum quorundam, bibendi in honorem Dei, Chrilli inprimis, tum matris ipsius. Ex Actis SS. Ord. S. Bened. Sect.

IV Parte II locum laudat, ubi narrat aliquis, se in Bulgavorum regione ab homine gentili, nobili, rogatum esse, uti bibat in honorem ejus Dei, qui vinum fecerit sanguinem suum. Ex

Duca antem Histor. Cap. 36: In honorem imaginis Deiparae exhaustis poculis eam invocabant, ut urbi praesesset & auxiliaretur. Sardus V. Abbas Curiae Mariae (Marienhof) in Frisia,

ut computationibus Monachorum frena injiceret, jussit, ne sapius, quam ter, in cibo biberent, idque honori SS. Trinitatis. Ostenditur, jam Augustini temporibus morem fuisse bibendi

honoris SS. Martyrum causa: angelorum etiam mentionem ad pocula factam, ex Casarii, Arelatensis Episcopi, Homilia VI p. 45 ostenditur. Notatu dignus est locus ex Vita S. Ul-

rici Cap. 2: Vas, quod illi porrigebatur, accepit, dicendo, istam ficeram bibere charitate S. Udalrici, per cujus adjutorium de maximis angustiis liberatus sum, volo. Cumque poculum

hausisset, & vas cum manu deorsum verteret, dixit: Cum illa charitate signatus, certus sum, quia nullius adversitatis pravitatis mihi hodie poterit nocere, sed neque gladius corpus meum vulnerare. Ita honori & memoriae antiquorum Re-

gum atque Heroum apud Septentrionales bibi solitum; adjectis etiam minnis, hoc est, Carminibus solennibus honorem illum & amorem indicantibus. Apud Belgas in hoc genere

nihil celebrius Minna S. Gertrudis, quod etiam poculum Nivel-la vocatur, quo in solennioribus omnibus epulis utebantur. Fuit S. Gertrudis, contempto natalium splendore & commodis

vitz, tandem Abbatisa Cœnobii Nivellensis vel Nigivellensis in Brabantia: autor ordinis puellarum nobilium, cujus memoriam tum alia, tum Gertrudiburgum urbs servat. Hujus virginis ipsum nomen, quod parum abhorret ab altero Gaartruw,

quasi

quasi tu totam, quantaquanta est, fidelem dixeris, occasionem dedisse videtur nostro *Alkemadio*, ut homines fidem inter pocula ipsius interposito nomine ac numine sancire instituerint. Neque enim novum, ex appellativis fieri propria, ut *Vera icon* peperit *Veronicam*, ut *S. Ontkommers* nata est, cum quidam se liberatos esse dicerent periculis, quod Belgis est *ontkommen*. Cum porro *Gertrudia* contrahant Belgæ in *Geerte*, *Minna* autem tum amorem notet, ut vidimus, tum poculi genus, tum eos, qui poculum tale exhaustiunt, intelligitur, quid sibi velit nobilis illa *sint Geerte Minne*: quam declarat etiam Epigrammata *Jani Doufa*, seu *Memoria S. Gertrudis propinandi formula*:

Pag. 208.

*Ecce scyphum hunc, comitemque scyphi, Gertrudis amorem,
Propino (& prosis!) voce manuque tibi.*

210. Poculum antiqui operis, cui nomen *Minna S. Gertrudis*, hæret, in ære sculptum per hanc occasionein exhibetur ex Cl. *Alkemadii* ipsius supellectile. Potum ipsum solennem *Nigivellensem* etiam *pateram* (*de Schaal van Nivelles*) vocant. Successit hoc poculum *Gertrudis* antiquo *amicitia poculo*, per Septentrionem usurpato jam ante Christiani nominis in eo adventum, quod Capitis XIV argumentum est. Habet hæc altera *Pars* plurima scita digna, multa, quæ cum Lectoribus nostris communicare nobis volupe esset, nisi amœnitas Opusculi jam nos ultra fere terminos proleclasset. Quæ ad morum & Juris doctrinam pertinent, ea in tertiam *Partem* conjecta forte seorsim prodibunt.

SELECTA JURIS ET HISTORIARUM
rum anecdota, tum jam edita, sed rariora, quorum
Tomus I civitatem Imperialem Francofurtum ad Mœ-
num concernit; cum Præfatione de ratione instituti &
Scriptoribus Rerum Francofurtensium, nec non Indici-
bus necessariis; cura HENR. CHRIST. SENCKEN-
BERG, Jcti, & Consiliarii Rhin-
gravici.

Fran-

Francofurti ad Mœnum, apud Jo. Frid. Fleischer, 1734, 8.

Alph. 2 pl. 6.

Non ingrata sunt publice, quæ Cl. Autor per hos annos continuo labore, indefessaque industria, & (ut ita dicamus) uno fudore, protulit. Neque improbatur prudentibus institutum præsens utilissimum, edendi in lucem, quæ olim selegit, monumenta veteris ævi, aliaque Opuscula rariora, non minus ad Historiarum scientiam, quam ad Juris Publici disciplinam, pertinentia. Itaque expectamus in his Tomis, fide ejus, id est, proxime ac certissime, Anecdota & edita rariora Comititalia Imperii Romani Austriaca, Silesiaca, Saxonica, Thuringica, Hassiaca, Megapolitana, Magdeburgensia, Halberstadensia, cum nummis & sigillis; quin etiam, quæ ad Comitum Baronumque familias, quæ ad Imperiales civitates, vel ad municipia, referuntur, itemque Juridica optimæ notæ, & si otium fuerit, Annales Literarios Juridico-Politico-Historicos. Primas dare placuit civitati patris, non solum pietatis ergo, sed etiam ob defectum, qui adhuc insignis est in rebus Francofurtensibus. Mirum profecto, civitatem nobilissimam pariter ac vetustissimam, per tot Secula, si *Entrandum*, Diaconum, excipias, ne unicum quidem alicujus notæ Scriptorem usque ad A. 1500 nactam fuisse. In Præfatione Cl. Editor scripta, vel visa sibi, vel audita, quæ simul historiam, simul statum publicum, civitatis illustrant, breviter, addito judicio, recenset. Ex MStis præcipue commendat Jo. Maximiliani zum Jungen Tomos V in fol. satis spissos de Rebus Francofurtensibus, ab A. Chr. 172 ad A. 1634, optima quæque exhibentes, quæ apud heredes latent. Honorificam quoque facit mentionem Cl. *Lersneri*, Consilarii Kirchbergensis, qui ad parentis nuper defuncti Chronicon Tomum Additionum meditatur. Ceterum, ut paucis repetamus, quæ in præsentii offert Cl. *Senckenbergius*, hæc habentur: 1) *Codex Statutorum Francofurtensium antiquissimus, A. 1352 captus*, quem Commentario illustraturus est Editor, quoniam ibi bene multa ad antiquitates Juridicas pariter & Historicas civitatis, imo Germaniæ, pertinentia deprehendisse sibi visus est. Sed, si res spectemus, Codex hic longissime cedit

dit aliarum civitatum Imperialium Statutis, qualia sunt Gosla-
riensia, Spirensia, Argentoratensia, &c. quæ copiosam messem
antiquitatum fori Germanici suppeditant: hic vero aliena mul-
ta, quæ non attinent, occurrunt, & plerumque opificum descri-
bitur disciplina. Singulare est & ulterius inquirendum, qui
factum, ut illis temporibus, quibus alibi favor maximus erat
opificum, Senatus Francofurtanus jam tum licentiam horum
Pag. 15, 23. Collegiorum coercere cœperit: forte usu magistro citius edo-
ctus, quod aliæ civitates majoribus malis suis sero nimis didice-
re. II) *Diplomata XXV Monasterii S. Catharina Francof.*
155. magnam partem Cæsarea. In quibus eminet Diploma *Wen-*
ceslai, quo claustrum eximit a precibus Imperatorum prima-
riis. III) *Manipulus Documentorum XL* magni momenti,
192 seq. quibus res Francofurtenses & vicinæ regionis præclare illu-
strantur. Inter alia *Ludovicus IV*, Imperator, A. 1333 scribit
quatuor civitatibus Wetteravicis, se omnes ex Imperio sulsu-
lisse *Pfalburgeros*. Æstimamus merito B. *Wenckeri* hoc in
argumento curas, sed novum hoc Diploma novam lucem ac-
cendit obscuræ adhuc rei. Discimus inde sine ambagibus, &
quid fuerint *Pfalburgeri*, & quænam vera origo vocabuli, cu-
jus ineptæ ac prope ridiculæ adhuc exstant derivationes. Quid
si in posterum dicamus, vocem descendere ab antiquo *pfeh-*
len, hodie *befehlen* sive *empfehlen*, quod est *in clientelam*
& fidem se commendare? Certe hoc naturæ rei propinquum
est maximeque consentaneum. Porro brevitatis nostra non
debet prætermittere laudum illud memorabile, inter *Jac. &*
Jo. Faustos, fratres, cives Moguntinos, ex una, & *Jo. Gutt-*
enbergium ex altera parte A. 1455 pronuntiatum. *Jo. Faust* ex
pacto postulabat a *Gutenbergio* summam 800 florenorum,
damis er das Werck volnbringen solt. Unde patet, quanto
studio quantisque sumptibus moliri fuerint loci nobilissimæ
artis primordia. IV) *Accessiones ad vitam Melch. Goldasti*,
nuper editam. Promiserat Cl. Editor vitam hujus Jcti Fran-
cofurtensis copiosius describere, sed mutata vivendi & studio-
rum ratio mutare consilium coegit. Quare supplementa po-
tius nonnulla hic dare instituit, & simul *Epistolæ ineditæ Golda-*
sti

fit ad Frid. Hortlederum, numero XXXIII, bonæ frugis plenas, quibus historia præcipue Operum utriusque Viri continetur. Accedunt duæ Epistolæ ad *Goldastum*. V) *Nic. Christoph. Lynckeri Diss. de Acquisitione conjugali ad P. V. tit. V Ref. Francof. Jenæ A. 1695 habita.* VI) *Historia Juris Statutarii Francofurtensis*, ex monumentis, tam editis, quam MStis, ubi de ejus fontibus, subsidiis & Commentatoribus. Cl. Autoris inter alia hæc est doctrina: Imperatores Suevici certa jura huic vel illi civitati vel donarunt, vel confirmarunt, sicut *Fridericus I Lubecensis*. Augusta Vindelicorum jussu & autoritate *Rudolphi I* sententias, seu jura quædam, pro communi omnium utilitate in unum collegit & literis consignavit, quæ prima mentio Codicis Statutarii, a civitate ipsa confecti, cum consensu tamen Imperatoris. Hoc ævo & circiter aliæ plures, quæ recensentur, civitates aut privilegia in vim Statutorum, aut potestatem condendi Statuta, impetrarunt. Inseritur Diploma, civitati Wismariz A. 1266 datum, adhuc ineditum ac desideratissimum, ubi civibus datur *optio augmentandi & minuendi ipsum arbitrium*, eaque formula pro singulari haberetur. Maxime autem est verisimile, Francofurtanam civitatem, Imperatoribus semper longe charissimam, idem jus idemque arbitrium circa Statuta condenda aut habuisse jam olim, aut his temporibus ex gratia Imperatorum obtinuisse. Et merito quidem cum Cl. Autore suspicamur, in privatorum scriptis adhuc latere Statuta Imperialia civitatis hujus, antiquiora illis, quæ supra numero I sunt proposita. Lectu digna sunt, quæ de commutatione Statutorum ad normam Juris Civilis allegantur, cum inde appareat, quibus gradibus leges Romanorum vim auctoritatemque in Germania acceperint. Denique VII *varia de Judæis Francofurtanis & Fridbergensibus*. Quod si hoc institutum Editoris placuerit, proximis nundinis Francofurtanis & successuris deinde singuli prodibunt Tomi Selectorum, alius alium excipientes. Et nuperrime prodit *Tomus II*, de quo mox. Publico nomine precamur Viro Cl. honestum otium firmamque valetudinem, & ut *Historiam Rbingravicam*, Tomis duobus in fol. constantem, quam

Pag. 518.

523 seq.

quam magno nisu parturit, cujusque hic inferuit delineationem, proxime ac felicissime in lucem edat, magno cum desiderio efflagitamus.

MEDICAL ESSAYS AND OBSERVATIONS, REVISED
and published, by a Society in Edimburgh.
h. e.

EXPERIMENTA ET OBSERVATIONES MEDICÆ,
revise & publicatæ opera Societatis Edimburgensis.

Volumen I.

Edimburgi, impensis William Monro, 1733, 8.

Alph. I. pl. I, cum Figg. aliquot.

Nova illa, cujus primos impetus, diu multumque expectatos orbis eruditus applaudens excipit, Societas Medicorum Edimburgensium, eo majorem utilissimorum laborum fiduciam esse jubet, quo illustre magis, quod imitetur, exemplum ob oculos sibi posuit. Ad normam legesque Societatis Regiæ Londinensis, quæ præside Cel. *Hans Sloane* florentissima est, consuetudines moresque se composuisse proficitur, &, sicut magni animi indicium est, ad tantam famam adspirare, sic non levioris fortunæ meritique prorsus singularis res est, primicerios conatus tam affabre edidisse, ut de successu & ad omnes Naturalis Scientiæ, maxime vero Medicinæ, partes, redundante commoditate, nemo sit, qui dubitare audeat. Cur susceperint negotium, uberrimas rationes suppeditant Collectores. Altera est, quod omnes omnium temporum Observationes Medicæ decursu Seculorum sic immutatæ deprehendantur, ut nostra, qua vivimus, ætate parum suffecturæ sint, nisi vel novis experimentis, utrum firmiter adhuc talo nitantur, declaretur, vel ratio constet, cur iisdem fidere quis non possit, quandoquidem vel nova invalerint morborum genera, vel nomina morborum diversam induxerint faciem, vel more etiam Seculi, quod varietate

rietate delectatur, factum sit, ut alia aliaque sit Medicinam vel docendi, vel faciendi, ratio, quam superioribus unquam temporibus exstitit. Magnopere vero interesse declarant Britannis, ut suæ ætatis, qua jam degunt, historia morborum luci admoveatur propius, quod & climatis & ratio dicitur, aut formulas etiam præscribendi methodus, penes eosdem jam sit diversissima ab omnium gentium consuetudine. Inde est, quod, minus placere sibi Observationum Medicarum Collectores Germanicos, profiteantur, cum primis autem Bero-linenses Vratislaviensesque taxant, quod illi unius saltem Collectoris arbitrio consent, hi vero Germanico, quod Britanni, sicut sunt strenui peregrinarum rerum contemptores, aver-santur, idiomate conscripti sint. Id quod utrum sufficiat, quo labores optimorum quorumque & exercitatisimorum in arte Virorum contentui habeantur, judicabunt alii. Nobis, quibus, nimia forte modestia, peregrina nostris magis probantur, quamvis Observationes Edimburgenses indigenis saltem scriptæ esse videantur, nihilominus visum est, plurima ex iisdem, ob experimentorum dexteritatem, subtilem controversiarum evolutionem, sagacissimamque causarum indagatorem, ad usum nostrum pertrahi posse. Singulum Volumen eorum, quæ post hoc primum proditura sunt, quintuplicis argumenti materias continebit, nempe barometricas, thermometricas, hygrometricas atmosphæræ Edimburgensis declarationes, morborum epidemicorum apud Edimburgenses, quales singulis anni ætatibus grassati fuerint, historiam, miscellaneas etiam de simplicibus, galenicis, chymicisque medicamentis, itidemque Anatomicas, Physiologicas, Theoreticas, Præcticasque, tum Medicas, tum Chirurgicas Observationes, inde icones, quales pro illustranda instrumentorum descriptionumve cognitione necessariæ judicabuntur, noviter quoque inventa, aut experimentis per nonnec Medicinæ ambitum comprobata, addentur, quibus ad calcem adjicietur locupletissimus contentorum Index, librorumque, quotquot hoc anno, cujus historia singulo volumine traditur, vel in Anglia, vel extra, eandem, prodierint, catalogus, plurimumque novorum literariorum fidelis relatio. In eo vero maxime operam collocabunt Colle-

Collectores, ut cadáverum sectione causarum partiumque male affectarum plenissima reddatur cognitio. Singularis, sed vera eorum est sententia, *sinistros casus, dummodo indoles eorundem cognoscatur, plus utilitatis afferre Medicina, quam felicissimos quosque eventus, cum sint admonitio, ne quis in hunc lapidem denuo impingat.* Inde, ne quis ea, quæ sibi sinistre successerunt, reticeat, sed in commoditatem publicam profiteatur, admonenti, & celato nomine se rem promulgaturos, promittunt. Primi Anni, quod Mense Junio, post vernalium morborum decursum, exordiantur, messis uberrima est, dignæque visæ Observationes, quæ summo saltem nomine & obiter enumerentur. Describitur Edimburgum, ejusdemque aer ad normam regulasque meteorologicas, quibus quotidie mutationibus totius anni decursu obnoxius ille fuerit, reducitur, quod multum intersit sciri, quo epidemiarum constitutionum indoles clarior evadat, cui terræ quis aer competat, cum & Hippocrates & Sydenhamius, diverso tamen tantisper sensu, in hoc non levi morbos describendi commoditatem & certa causarum indicia invenerint. Succedit epidemicorum morborum hujus anni series, qua, tumores in facie glandulisque salivalibus cum febre & rubore, *Mense Junio*, iidem tumores, sed erysipelaceæ naturæ, cum ophthalmiis, doloribus dentium febribusque acutis, *Mense Julio*, observatæ fuerunt. Variolæ spuræ crystallinæ infantes, dysentericæ vero adultos *Mense Augusto* excruciarunt. *Septembris* tranquille peractum est tempus, parumque lucrati sunt Medici, nam nulla epidemici cujusdam mali mentio sit, *Octobris* vero pleuritidem perfectam febre acutissima junctam generi humano induxit. *Novembri* febribus malignis, agrypnia & delirio junctis, adultiore, juniores vero vermibus abdominis, male habiti fuerunt. Eadem fuit *Decembris* & *Januarii* mortalitas, ita tamen, ut & plures diarrhœa ob accedentem febrem, si venæsectiones & vomitiones negligentius adhibitæ fuissent, interciderent. Pleuritis *Mense Martio* recrudescere cœpit, variisque infantilibus morbis male habita est tenera ætas. *Aprilis* Majusque pleuritides, febres malignas, diarrhœas, erysypelas ætomatodes, ophthal-

ophthalmias, aliaque mala, produxerunt. Succedit morte ex-
 stinctorum hoc anno catalogus. Curiosa satis est sulphuris
 aurati antimonii descriptio, quod, affusione aquæ Regiæ, elui-
 tione, inde affusione aceti destillati, præcipatione, & filtra-
 tione, quo pulvis remaneat, præparari edocetur, a *Tachenio* &
Helmontio jam, sed obscure, descriptum, quo tenacissimi mor-
 bi, maxime vero tympanitis, compesci possint. Aquarum *Mos-*
fatenfium indoles describitur ab odore putidi ovi æmulo, quales
 etiam in Germania observantur, præsentissima in malis cutaneis
 remedia, quæ & in ulceribus, scrophulis, colica flatulenta,
 aut nephritica, potu aut balneo applicata ab Observatore
 plurimum prædicantur. Eadem aquæ paulo post analysi
 chymicæ subjectæ, nec martis cujusdam, nec acidi, aut alcali-
 ni, suspicionem fecit, nam omnium experimentorum indu-
 striam elusit, lactescentia autem sua, quæ excitabatur in-
 fuso acido, sulphureas se esse, satis superque edocue-
 runt, pulvere præcipitati forma fundum petente. Cl.
Monro, Professor Edimburgensis, & Anatomix peritissi-
 mus, de artificiali vasorum repletione egregie perorat, insuffi-
 cientem ceracæ materiæ injectionem, præstantiorem vero,
 quæ fit glutine soluto, declarans; sibi vero solennem esse olei
 therebinthinæ colorati injectionem pro replendis tenuissimis
 vasculis inde ceracæ materiæ pro truncorum majorum im-
 pletionem, sibi usum esse, ultro proficitur. Jucundissima lectu
 est Cl. *Porterfeld* mechanica demonstratio, ossa transversim
 difficillime rumpi. Nec minori felicitate usus est sæpe lauda-
 tus *Monro* in declarando articulationis & luxationis maxillæ
 inferioris modo, in cujus rei gratiam addita est figura
 glinoidæ, quæ condylum suscipit inferioris maxillæ, qua
 occasione mentem suam de ortu chordæ tympani, quod
 a portione dura septimi paris unita cum quinti furculo, pro-
 grediatur, exponit. Post *Swammerdamii*, *Borrelli*, *Bellini*,
 aliorumque conatus, de respirationis forma & alterno thora-
 cis pulmonumque motu Cl. *Martine* commentationem ad-
 dit, modestamque cum Cl. *Boerbavio* controversiam agit,
 utrum ab impedito sanguinis ad sinistram cordis auriculam

Gg g

motu,

motu, tempore, quo inspiramus, negotium hoc sit definiendum. De nutritione factus quæstionem movet Cl. *Gibson*, obstetricæ artis peritus, & allatis de hac re variorum Autorum, antiquiorum æque, ac recentiorum, sententiis, argumenta, quod nulla sit per os nutritio, quodque tantum per umbilicum nutriatur embryo, subruere tentat, *Hippocratica* opinioni inhærens, quod utrinque, & ore, absorpto liquore amnii, & umbilico, accepto sanguine materno, nutriatur fœtus. De pravo intestinorum situ a præternaturali conformatione, curiosissima duo exempla inducuntur infantum, quorum alter majorem tenuium partem extra integumenta abdominis sita habuerit, alteri vero, cum induratione pylori, intestinum duodenum duplex exstiterit, observante Cl. *Calder*, Chirurgus. Variæ subsequuntur variorum Autorum Observationes, de vulnere collo accepti mirabili in brachium manumque extremam effectu, cujus dolores aquis Bathensibus levati fuerint: de extractione ossis ex intima œsophagi parte, singulari instrumento peracta, quod delineatur: de singulari tumore pectoris tunicato: de paracentheseos exercendæ enchiresi, partim in debiti loci, medii inter umbilicum & ilii processum exteriorem, selectu, partim in aquarum educendarum mensura, partim in artificio omnes aquas exprimendi, cui bono ligatura delineatur, consistente: de vermibus ex ulcere protractis: de intestinorum sphacelo ab hernia incarcerata feliciter curato: de impossibili, quam de *Marchettis* adhibuisse dicitur nephrotomiz exercitio, occasione lapidum in rene inventorum: de tumore cruris male curato, quo loco Autoris nomen ob confessionis ingenuitatem reticetur: de extracta tibiz ossis parte, cujus locum callus repleverit. Perplacet inter omnia doctissimi illius Viri, cujus nomen imminerenter reticetur, vindicta, quam ab impudente Gallo, cujus summo Cel. *Freindii* ossa confpurcata fuerant, sumit. Diversa Medicinæ fata, principiorumque in scholis revolutiones, docte recententur, sequentibus legitimo ordine doctissimorum Autorum quæstionibus motis: de ulcere pulmonum per diaphragma ad hepar transeunte; de tumore œsophagi apostematode: de spalmis œsophagi;

de

de inflammatione stomachi cum hydrophobia aliisque singularibus prorsus symptomatibus: de atrophia ob ventriculum situ motum, pyloro a dextro hypochondrio ad umbilicalem regionem, propius retrogresso: de tympanitidis cujusdam rarioris, indole: de colica sexenni a lapide in intestinis concreto: de ictri pathognomoniam ab inflammatione, scirrhus aut pituita infarcta: de scirrhus vesicæ in pus mutato ob imprudentem caustici adhibitionem in loco perinzi, ubi quondam Lithotomia exercita fuerat: de retentione seminis in coitu: de sphacelo artuum inferiorum. Et, ne quid utilitatis deesset observationum thesaurum, additæ sunt novarum rerum literarum, quæ a principio A. 1731 successerunt, recensiones, de Contrayerva, & Simarouba plantis, de sale feri lactis, de spiritu frumenti rectificato ad asservandas animalium partes præstantiore; de vasibus tumoris crystallini detectis; de cera rubra, relicto colore, integumenta venarum subeunte, aliisque. Agmen laborum claudunt nova literaria, ex variis orbis eruditi partibus in Scotiam translata. Quo ipso spes est, successu non carituros doctissimorum Virorum conatus, quibus salvas corporis animique vires, & uberrimam rerum, quo beari iisdem cupidus Lector possit, messem, apprecamur.

EPITOME OPERIS PASCHALIS JACOBI BETTAZZI, Pratenfis, Plebani S. Hippolyti in Piazzanese Diocesis Pistoriensis, proferens in Proæmio necessitatem emendandi Correctionem Gregorianam, deinde opportunam ejusdem Gregorianæ emendationem sine Calendarii & Martyrologii variatione: atque exhibens Dissertationes quatuor, & Appendices duas, ad materiam de cycli Paschalis constitutione enucleandam. Accedit sententia, quam de Paschali Opere tulit Vir Cl. **EUSTACHIUS MANFREDI**, in Bononiensi Academia Mathematicos Professor, nec non Instituti Scientiarum Astronomus Celeberrimus.

Florentiæ, apud Bernard. Paperinium, 1733. 4.
 Alph. I pl. 10, cum Tabb. Chronol. 6.

Correctionem Calendarii *Gregorianam*, per cyclum epactarum, quantumvis ingeniosam, multis modis peccare, atque a præceptis antiquæ Ecclesiæ, inprimis Concilii Nicæni, identidem aberrare, non nostri solum homines norunt, sed & ii ipsi perspiciunt ac fatentur, qui Romanæ Ecclesiæ sunt addicti, rerumque Astronomicarum & Chronologicarum periti. Ex his nuper ortus est Autor præsentis Operis doctissimus, *Jacobus Bettazzi*, qui studio plane singulari id agit, ut non solum necessitatem emendandi correctionem *Gregorianam*, statim in Proæmio, sed methodum quoque id perficiendi optimam, simplicissimam, atque ab exteris etiam nationibus, ut sperat, approbandam, in ipso libro, quam luculentissime exponat: quanquam non integrum suum Opus Paschale nunc in lucem edidit, sed illius partem duntaxat atque epitomen: cui adjunctum est Schediasma V. C. *Eustachii Manfredi*, qui Autoris institutum perspicue & succincte persequitur, ejusdemque operam omnino collaudare, & maximam partem approbare, non dubitat. Ut totam rem paucissimis complectamur, duo potissimum sunt fundamenta, quibus emendatio Cl. Autoris nititur. Horum alterum in eo positum est, ut epactæ annorum centesimorum, a quibus deinde reliquæ dependent, aliter, & aptius, quam huc usque fieri consuevit, determinentur; alterum, ut diei subtractio, quæ vocatur *saltus luna*, id est, progressio epactarum per additionem duodecimi unitatum, quæ alias undecim esse debent, non semper fiat post aureum numerum 19, sed singulis *Seculis* post alium atque alium aureum numerum, nova methodo inveniendum. Itaque, secundum placita Autoris nostri, Anno 1700 competit epacta X, & toto hoc Seculo saltus lunæ fieri debet post aureum numerum 3. Anno 1800 competit epacta IV, & toto illo Seculo saltus lunæ fieri debet post aureum numerum 19. A. 1900 competit epacta XXIX, & totò illo Seculo saltus lunæ fieri debet post aureum numerum 14. Atque ita porro; ut videri potest in adjecta Tabula, ex libro Autoris huc translata, & ad A. 4000 extensa:

Tabula

MENSIS SEPTEMBRIS A. MDCCXXXIV. 423

Tabula novi cycli 38 annorum aureæ columnæ, exhibens Epactas annorum centesimorum, & aureos numeros, post quos singulis Seculis facienda est dici subtractio, appellata Saltus Lunæ.

<i>Anni centesimi.</i>	<i>Epacta annorum centesimorum, qua in decursu singulorum Seculorum progreditur per additionem 11 unitatum; per additionem vero 12 unitatum, quando faciendus est Saltus Lunæ.</i>	<i>Aureus numerus, post quem in decursu singulorum Seculorum faciendus est dici subtractio, appellata Saltus Lunæ, id est, progressio Epactarum per additionem 12 unitatum.</i>
1700	X	3
1800	IV	19
1900	XXIX	14
Bis. 2000	XXIV	6
2100	XIX	19
2200	XIII	17
2300	VIII	6
Bis. 2400	IV	3
2500	XXVIII	17
2600	XXIII	8
2700	XVIII	18
Bis. 2800	XIII	14
2900	VIII	9
3000	II	19
3100	XXVII	14
Bis. 3200	XXII	11
3300	XVII	2
3400	XII	17
3500	VI	12
Bis. 3600	II	3
3700	XXVI	17
3800	XXI	14
3900	XVI	4
Bis. 4000	XI	1

Scilicet id sibi vel maxime propositum habuit Autor, ut non solum sine Martyrologii variatione, sed etiam sine notabili totius Calendarii *Gregoriani* mutatione, emendationem suam perficeret. Jam, quod attinet ad epactas annorum centesimorum, eas vix aliter, quam tentando, elicuisse Doctiss. Autor videtur. Proponit tamen ingentes quasdam annorum periodos, quibus absolutis, easdem annorum centesimorum epactas reddituras docet. Sed non satis hoc institutum probatur Cl. *Manfredio*, quippe qui consilium judicat, de medioctri futurorum Seculorum numero, quam de tam immenso tempore, posterorum, si qui erunt, curæ ac sollicitudini relinquendo, laborare. Tacemus, quod idem Vir Cel. monet, de interrumpendo ordine anteorum numerorum, ad restituendas epactas. Nec multa sunt, quæ de cyclis afferre possumus, ab Autore nostro, pro inveniendis potissimum saltibus lunæ, excogitatis, quippe quos nec ipse in hac Epitome sui Operis satis exponit. Tres sunt hujusmodi cycli, quorum tertium, quem reliquis præfert, vocat *cyclum triginta octo annorum aurea columna*. Ad hunc quodammodo intelligendum, concipe Tabulam, lineis rectis parallelis deorsum ductis, in 38 columnas, & deinde aliis lineis transversim ductis, in complures cellulas divisam. In latere sinistro deorsum adscripti sunt numeri annorum centesimorum, ab A. 1700 ad 5000. In ipsis cellulis epactæ ignoto adhuc artificio sunt distributæ. In fronte vero singularum columnarum aurei numeri exstant, ita, ut in prima columna ad sinistram numerus 11 locum habeat, in altera 12, in tertia 13, atque ita porro usque ad 19: proxima columna, a prioribus per lineam auream distincta, in fronte exhibet aureum numerum 1, deinde 2, 3, 4, usque ad 19: sequitur rursus linea aurea, deinde 1, 2, 3, usque ad 10. Spatium, inter duas lineas aureas comprehensum, vocatur *aurea columna*, cujus ope saltus lunares inprimis determinantur, talesque reperiuntur, quales in adjecta Tabula exstant. Et hæc tenus quidem præcipua capita ex Opere Autoris nostri afferre conati sumus. Nunc referemus nos ad ordinem, totiusque libri dispositionem succincte exhibebimus. Primo loco

memo-

memorat Autor, (nam in hac Epitome contenta saltem majoris Operis recenset,) se de Calendario tractare, atque id agere, ut genuina epactarum æquatio *Gregoriana*, a qua Calendaria non pauca, inter ipsos Catholicos nuper edita, recesserint, in pristinam suam integritatem restituantur. Pergit deinde ad argumentum de anno solari tropico ac civili, & de regula intercalationum, a *Gregorio* stabilita: variasque huc pertinentes quæstiones, Capitibus decem & octo persequitur. Negat absolute opus esse, ad minimum hoc & proximis Seculis, ut æquatio anni solaris *Gregoriana* mutetur. Sub finem tamen libri, ubi hunc locum denuo tractat, ipse mutationem aliquam levem proponit, in eo consistentem, ut pro annis centesimis, quos numerus metitur quaternarius, 2000, 2400, 2800, & ita porro, ii potius, qui hos sequuntur, 2100, 2500, 2900, sicut bissextiles: atque hanc suam sententiam in peculiari Appendice a *Cl. Manfredi* objectionibus defendere conatur. Accedimus ad præcipuam totius libri tractationem, quæ versatur circa materiam Paschalem, Capitibusque duobus & triginta ab Autore in majori Opere absolvitur. Singularem plane diligentiam hoc loco adhibuit Vir doctissimus, ut verum mensem ac diem celebrandi Paschæ quam accuratissime definiret. Inprimis hæc tria docere contendit: 1) pleniluniam media d. 21 Martii, post meridiem, ante solis occasum, non esse Paschalia, illa vero d. 19 Aprilis, similiter post meridiem, ante solis occasum, esse Paschalia: 2) ad constituendum Paschale medium plenilunium, non æquinoctium cæleste attendi debere, sed solum civile, sive Ecclesiasticum: 3) lunam XIV hoc modo definiendam esse, ut sit dies civilis, quæ proxime præcedit diem iidem civilem, in qua contingit medium plenilunium, salvo usu Gnomicæ. Quatuor deinde Dissertationes integras Compendio suo inserit, ad hoc argumentum magis illustrandum. In prima demonstrare conatur, dies civiles lunares, in materia Paschæ, & consequenter in cyclorum Paschalium dispositione & judicatione, non a media nocte, sed a solis occasu, incipere. In altera negat, lunam XIV civilem primi mensis, cui respondere debet luna XIV cyclaris, recte definiri, illam esse, in qua

qua contingit major pars lunaris diei XIV Astronomicæ, quæ incipit a momento, in quo advenit medium plenilunium. In tertia similiter negat, lunam XIV civilem primi mensis recte definiri, illam esse, quæ aliquo modo participat de die XIV Astronomico, e. g. de ejus initio, vel fine. In quarta denique de eo disputat, utrum gravius sit cyli peccatum, si is lunam XV die citius, an si eandem die tardius, quam par est, designet? Post Dissertationes commemoratas redit Autor ad suam Epitomen Operis Paschalis, docetque, Ecclesiam Romanam neque ab Alexandrina in celebratione Paschæ olim discrepasse, nec vetustissimos sacros canones unquam neglexisse. Deinde enumerat comparatque singula peccata, quibus cyclus peccare potest contra sacros canones, tum quoad mensē, tum quoad hebdomadem. Atque ita ad tractationem de Anno Lunari progreditur. Ubi primo agit de magnitudine mensis synodici, ac de vitiis cycli Judæorum, deinde de progressibus lunæ annis centesimis, & de methodo computandi media novilunia & plenilunia. Quibus constitutis procedit ad examen *Gregoriani* epactarum cycli, æquationis *Liliane*, & cycli *Cassiniani*: notatisque eorum peccatis, novos suos cyclos ac periodos proponit, quos, quanquam ab omnibus peccatis haudquaquam immunes, tales tamen esse contendit, ut perfectiores inveniri nequeant. Diximus de instituto Cl. Autoris, quantum satis visum fuit. Judicium cuique liberum sit. Nostræ hæc est sententia: miram planeque collaudandam esse Viri docti ingenuitatem, diligentiam, atque in subducendis infinitis, iisque laboriosissimis, calculis patientiam, nec fas esse, de ejus accuratatione dubitare: de cetero, ut omnia ita sint, quemadmodum vult, nullam tamen rationem adhuc suppetere satis gravem, quæ nos, in computando genuino Paschæ tempore, publica autoritate, ad calculos Astronomicos amandatos, nunc denovo ad cyclos, perfectiores fortasse præcedentibus, sed cyclos tamen, peccatis non carentes, revocare possit. Sancitum est antiquissimæ Ecclesiæ Decretis, quæ peccata in definiendo Paschatis festo cavere debeamus: ut cyclis ad id utamur, sancitum non est. Satiuse vero sit, ad conservandos cyclos, peccata

cata, quantumvis pauca, consulto admittere, quam, ut hæc omnino evitentur, a cyclis abstinere? Ipse *Leo X.* Pontifex Maximus, cujus verba Autor in Proœmio affert, *consultius videri*, pronuntiavit, *ad Paschalem lunam indagandam, tabulis duntaxat Astronomicis uti*: imo diserte ab eodem constitutum est, ut, admissis etiam cyclis, *quandocunque in cyclo & tabulis, circa lunam Paschalem, discordia intercefferit, præcisiore tabularum supputationi ab omnibus stari debeat*. Cycli inventi sunt ab hominibus, qui, cum eorum imperfectionem ignorarent, calculos reddere expeditores voluerunt. At Noster, cyclorum vitia penitus perspicuens, postquam calculis subtilissimis omnia invenit, ex his ipsis inventis fornavit novos cyclos, quibus nihil aliud, quam quod jam inventum est, inveniri denuo, interdum vero etiam errari, possit. Postremo docti & calculorum Astronomicorum periti cyclis opus non habent: reliquis, nec calculos nec cyclos rite intelligentibus, satis est, si festorum, vel certe æquinoctiorum & pleniluniorum Paschali-um, tempora ipsis simpliciter ac mature indicentur. Nam, quod ad evitandum nostri Paschatis cum Paschate Judaico concursum attinet, in ea re neque ad calculos Astronomicos, neque ad cyclos *Gregorianos* aut *Bettazzianos*, sed ad cyclos & arbitrium Judæorum, nos accommodare debemus. Quod an indignius sit, quam concursum memoratum minus sollicitè evitare, nec, Judæorum causa, nostra differre solennia, quæstio est, quam nobis neutiquam dijudicare licet. Illud vehementer optamus, ut pacem & concordiam in celebrandis suis sacris universus deinceps conservet orbis Christianus.

GEORGII D'ARNAUD DE DIIS ΠΑΡΕΔΡΟΙΣ,
sive Affessoribus & conjunctis, Commentarius.

Hagæ Comitum, apud Petrum de Hondt, 1732, 8.

Alph. I pl. 6.

Pergit Vir Doctiss. bene mereri de scriptoribus Græcis, qui cum sæpissime Θεῶν παρέδρων mentionem faciant, operæ pretium illi visum est, conjunctim de iis exponere. Igitur primo ostendit, ab hominum vel epulis, vel conciliis, tractam similia de Diis fingendi occasionem. Quem enim mensæ so-

Cap. I.

2.

H h h

cio-

Cap. 2.

4.

Pag. 15.

Cap. 5.

Pag. 21.

cietate dignantur, vel in consilio habent homines, illi fastigii sui aliquantum impertiunt. Hinc, epulis Jovis, aut concilio, qui adhibentur, eosdem in Deorum censum relatos apparet. Observat hic post alios Autor, Deos *Homericos assidere* mensis, non *accumbere*, quo magis *παῖδες* dicantur. Proxime autem sibi invicem collocabantur Dii, qui ejusdem ordinis, & æqualis fere essent potestatis, ut Jupiter & sua Juno, Apollo ac Diana, ut *Romulo* assidere jubet *Seneca Claudium*. Hinc Patres Ecclesiæ Christum Deum *σύνθετον* atque *σύνθετον* Dei Patris faciunt. Hic ostendit Autor, rationem fugisse Viros summos, *Gisbertum Cuperum*, atque *Ez. Spanhemium*, qui *παῖδες* inferioris tantum ordinis Deos faciunt, cum etiam æquales hoc nomine dicti sint, v. g. Ceres & Bacchus a *Pindaro Isthm. VII, 3*, a *Phurnuto* autem *p. 197* Mercurius & Venus. Interim tamen & ipse demonstrat, honoris causa non inferiores tantum Deos assidere dici majoribus, aut prope thronum v. g. Jovis esse, sed defunctorum etiam manibus hunc honorem tribui in Epigrammatis, quorum unum ex *Sponii Misc. erud. antiq. S. X p. 368* per hanc occasionem emendat. Nimirum ibi legitur:

ΣΩΜΑ. ΜΕΝ. ΗΔΕ. ΚΟΝΙΣ. ΚΕΤΘΕΙ. ΘΕΟ-
ΜΗΣΤΟΡΟΣ. ΑΝΔΡΟΣ.

ΝΑΡΚΙΣΣΕΙΩΝΟΣ. ΗΙΝΥΠΠΟΥ. ΕΥΧΗ. ΔΕ.
ΣΥΝΕΔΡΟΣ.

ΑΘΑΝΑΤΩΝ — —

Cap. 6 & 7.

Noster autem ingeniose quidem, & quantum ad posteriorem certe vocem, etiam vere, ex *ΗΙΝΥΠΠΟΥ* facit *ΠΙΝΤ-ΤΟΥ*, & *ΕΥΧΗ* mutat in *ΨΥΧΗ*, atque interpretatur: *Hic pulvis quidem occultat corpus viri religiosi, Narcissionis sapientis; anima autem assidet Diis immortalibus.* De XII Diis nobilibus Græcorum & Romanorum affert plusscula, ubi desiderare Lector poterat accuratiorem disquisitionem, qui fuerint octo primi Ægyptiorum Dii, qui orti ex his XII, qui denique tertii ab his prognati, quæ fuerit diversitas apud Græcos non tantum ab Ægyptiis, sed etiam inter se? De quibus rebus ipsa, quæ laudat, *Herodoti* & aliorum loca satis amplam disputandi materiam præbent, ac redarguendi, quod obiter monemus,

nemus, versus *Kircherianor*, quibus *Oedip. Ægypt. Tom. III Synt. II Cap. 3* Deos Ægyptiorum XII complexus est, qui cum *Herodoto* satis aperte pugnant:

Juno, Vesta, Minerva, Ceres, Diana, Venusque

Mars, Hermes, Neptun, Vulcanus, Osiris, Apollo.

Laudat de his Diis Scholiasten *Pindari ad Ol. X, 58*, sed ita

Pag. 68.

laudat, ut non videatur ipsum locum accurate inspexisse. Poeta de *Hercule*, Τιμάσας, inquit, πόρον Ἀλφειῦ· Μετὰ δὲ δώδεκ' ἀνάκτων θεῶν, quod ita interpretatur Scholiastes: Ἀλφειῷ ἐκόςτας ὡς ἐγχωρίῳ ἔδυσσε ποταμῷ, μετὰ δὲ δώδεκα θεῶν τὲς βωμὲς ἐποίησε. βωμὲς γὰρ ἦδυσσε διδυμὸς ἔξ.

Verba a μετὰ inde ita interpretatur Noster: *Postea duodecim Deorum aras exstruxit; aras enim sex geminas statuit.* Sententia postulat, inter XII Deorum aras sex fuisse etiam unam *Alphæi*: τὴν μετὰ paulo post scholia per εὐν interpretantur. Postulat hanc interpretationem alter locus

Scholiorum *Pindari*, quem prætermittere tanto minus debebat Vir Cl. quod laudatus jam est *Casaubono ad Lampridii Alexandrum Cap. XXXVI*, e cuius & *Salmasii* ad eum locum Notis aliqui videri potest profecisse, quamquam id hic non indicavit; sed apparet tamen ex p. 187, ubi refutandi causa laudatur *Salmasius*. Quale quid etiam de *Spanhemio* & *Cupero* p. 15 factum, & iterum p. 19 de *Spanhemio* ad *Callim. Hym. Apoll. v. 29* suspiciacior aliquis dixerit. Nimirum ad illud *Pindari Ol. 2. 10*, βωμὲς ἔξ διδυμῶς ἐγέγραπεν ista Scholiastes, quæ ob enumerationem Deorum plane prætereunda non sunt: Ὀλυμπιάδι βωμοὶ εἰσιν ἔξ διδυμοὶ τοῖς δώδεκα θεοῖς ἀνιδρυμένοι. Ἐνὸς ἐκάσθ βωμῷ δύο θεοὶ καθίστασθαι. Πρῶτος Διὸς καὶ Ποσειδῶνος· Δεύτερος Ἡρῆος καὶ Ἀθηναῖς· Τρίτος Ἑρμῆος καὶ Ἀπόλλωνος· Τέταρτος Χαρίτων καὶ Διονύσου· Πέμπτος Ἀρτέμιδος καὶ Ἀλφειῦ· Ἑκτὸς Κρόνου καὶ Ῥέας, ὡς φησὶν Ἡρόδοτος.

Quæ de Diana & *Alphæo* in eodem altari cultis dicuntur, & ad superiore locum *Pindari* declarandum faciunt maxime, ea confirmat *Pausanias Elia. 1, p. 161, 39* *Wech.* ut & ipse ad *Pindarum* provocat, & causam ejus rei a se proferri ἐν τοῖς Λατινικοῖς λόγοις, dicat. Verum amemus potius diligentiam Viri doctissimi, qui reliquo decursu Operis, tum qui Dii, tum quas ob causas sociari consueverint, altaribus, templis,

adorationibus, studiose persecutus est, cujus enixa opera, si nihil aliud, certe hyle ingens locorum veterum conductæ est, in quibus *πρόσπον Θεῶν* sit mentio, qua suo quisque modo atque ingenio uti deinceps possit. Mala profecto & illiberalis consuetudo doctorum quorundam Virorum est, insultare omni occasione iis, qui non dedignentur molestum colligendæ materiæ laborem subire, qua ipsi tamen illi Heroes uti interdum minime detrectant, & ne videantur opus habuisse, maledicunt illorum diligentæ, qui, ut aliis tanto ampliores thesauros corradant, ipsi famæ periculum subire non detrectant.

ALPHABETI EX DIPLOMATIBUS ET CODICIBUS Thuricensibus Specimen, publicatum a JO. JACOBO SCHEUCHZER, Med. Doct. Math. Prof. Academ. Imper. Carolinæ Adjuncto, & Soc. Reg. Angl. & Prussicæ Membro, & JOANNE LOCHMANNO, Cbal-
cographo Tigurino.

Tiguri, typis Gesnerianis, 1730, fol.

Plag. 3½, Tabb. æn. 24.

Dudum agnoverunt eruditi utilitatem artis Diplomaticæ, nostra ætate ad certas regulas redactæ, quibus & falsa de veris monumentis judicia examinari, & de falsis conjecturæ haud inanes capi possint. Nobilis ergo Cel. *Scheuchzeri* est industria, qui characteres & sigilla rarissimorum Diplomatum civitatis Tigurinæ cum monogrammatibus signisque Notariorum exhibuit, & manu *Jo. Lochmanni* in Tabulis æneis quam elegantissime describi curavit, Tab. I & II sistit characteres ex *Ludovici Germanici* Diplomate, quo Abbatiam Thuricensem A. 853 fundavit. Tab. III & IV est *Lotharii & Caroli Crassi*. Tab. V est *Ottonis M. de A. 952*. Tab. VI *Henrici S.* Tab. VII *Henrici V.* Tab. VIII *Lotharii III.* Tab. IX *Bertholdis*, Ducis Burgund. & Advocati Thuric. de A. 1177. Tab. X *Friderici II.*, Imp. Tab. XI *Henrici VI.*, filii ejus, Regis Rom. cum contra-sigillo, in quo Eques cadaverosus cum vexillo. Tab. XII *Innocentii IV.* Tab. XIII & XIV *Henrici*, Episcopi Constant. & *Sixti IV.*, Papæ. Tab. XV *Eduardi VI.*, Reg. Angl. Tab. XVI habetur initium ex vetustissimo Codice Bibliorum Latino Bibliothecæ Carolinæ in membrana

brana Regali nitidissime scripto, quem *Carolus M.* Capitulo Thuricensi donasse dicitur. Conveniunt literæ cum Codice Epistolarum *Pauli*, cujus fragmentum dedit *Mabillonius de re Diplom.* p. 346 Tab. XVII & XVIII sunt characteres e Græco Codice Psalmorum Bibliothecæ Tigurinæ, qui certare potest cum pretiosissimis ultimæ vetustatis reliquiis, quippe *Hieronimi* ævo haud sane inferior. Uberius eum descripsit Vir Rev. *Jo. Bapt. Ottius*, Templi Cathedr. Tigur. Archi-Diac. Est autem membrana coccinea, literæ unciales argento scriptæ, quod solum forte fuit additione aquæ fortis, cujus acrimonia integras lineas corripit & exedit. Tab. XIX usque ad XXII habentur Alphabeta Diplomatum *Caroli M.* & *Ludovici Pii*. Quamvis autem Specimen hoc ad usum artis Diplomaticæ præcipue sit accommodatum, nec nucleum, sed corticem, exhibeat, (quæ verba sunt *Cel. Scheuchzeri*,) multa tamen ibi & in Annotationibus Criticis utilissima continentur, quæ Historiam non parum suppleant & illustrent. Ne quid de Cancellariis Imperatorum dicamus, ignorarunt adhuc Scriptores, & nominatim diligentissimus familiæ Carolingicæ scrutator, *Jo. Dav. Kalerus*, *Hildegardam*, *Ludovici Germ.* filiam, quam pater fundatæ a se Abbatiæ Thuricensi præfecit: quo loco *Cel. Scheuchzerus* perperam corrigit *Reginonem*, quippe qui ad A. 894 non de filia, sed nepti, *Ludovici Germ.* ex filio *Ludovico II* loquitur. Nullibi etiam memorata est filia Germanici, *Bertha*. altera Abbatissa Thuricensis: neque etiam soror *Lotharii Junioris*, *Bertuna*.

NOVA LITERARIA.

Cum hæcenus nemo fuerit, qui omnia veterum numismata junctim complexus sit, & tale opus multorum votis jam diu exoptatissimum fuerit, atque, post alios aliorum labores, multa proferri ex præstantissimis Museis possint, quæ ad consummandum & ornandum Thesaurum universalem numismatum Græcorum & Latinorum facerent; existimavit Vir Cl. *Jo. Jac. Gessnerus*, civis Helvetius doctissimus, in commodis Reipublicæ Literariæ futurum, id laboris suscipere, & omnium usibus opus accommodare, quo *universa res nummaria*, vel omnia veterum numismata, quæ comparare licuit, serie historica, vel, quoties id fieri non potuit,

Alphabetica, descripta, illustrata, & in nitidissimis Tabulis æneis summa fide representata, comprehenderentur, maxime cum ipsi in Helvetia, præter magnum numismatum apparatus, ex Bibliothecis Tigurinis, Civica, Canonica, & plurimis privatis, ad manus esset haud exiguus numerus rariorum præstantissimorum librorum, de re nummaria editorum, & non editorum, neque in patria, vel apud externos, defuissent Viri claritate & usu tractatorum numismatum celeberrimi, qui consiliis & opera utilissima conatus hosce foverent & ornarent. Titulum Operi hunc faciet: *Thesaurus universalis omnium Numismatum veterum, Græcorum & Romanorum, inde a temporibus cusi numismatis usque ad Imperii Græci per Turcas destructionem cusorum; quotquot ex Numismatophylaciis Imperatorum, Regum, Ducum, & illustrium Virorum, ac veterum & recentiorum de re nummaria lucubrationibus, comparare licuit, integra serie Tabulis æneis representata, descripsit, edidit, & illustravit Jo. Jac. Gessnerus, Tigurinus.* Qua ratione autem singula facta, vel, Deo juvante, facienda sint, ex sequentibus legibus, quibus hunc laborem Autor edere instituit, Lector intelliget. 1) In hoc Opere dabit Autor descriptionem & delineationem accuratissimam omnium Numismatum Græcorum & Latinorum, quæ apud clarissimos & præstantissimos Numismatographos, Goltzium, Patinum, Spanhemium, Harduinum, Oconem & Mediobarbum, Pedrusum, & Bandurium, in voluminosis, raris, & pretiosissimis Operibus exstant. Delineationem Tabularum conficient artis Sculptorix peritissimi artifices, & singulæ Tabulæ complectentur XL latera Numismatum. II) Omnia Numismata, quæ post illorum Virorum laudatissimos labores descripta in nuperrimis Cl. Virorum Operibus prodierunt, vel aliis modis, ex Museis, Manuscriptis, Epistolis amicorum, vel delineationibus, dum in Gallia, Belgio & alibi, apud externos versaretur Autor, factis, vel deinceps inde ad ipsum transmissis, innotuerunt Autori vel innotescunt, priori seriei intertexta describet, & quoties necesse, vel ex usu Lectorum & Spectatorum futurum est, delineata adjiciet. III) Ad Numismatum Historiam & intelligentiam, singulis nummorum classibus præmittet Observationes ex mente & judicio

Nu.

Numismatographorum maximæ autoritatis, nec paucas ex placitis Actorum Academiæ Regiæ Gallicæ Inscriptionum factas, quibus brevem historiam personarum, vel situm locorum, in quibus Numismata cusa sunt, tradet, dein inscriptionum, typorum, vel figurarum, in Nummis conspicuarum, sensum, scopum & usum indicabit. Quoties autem ad Nummos deventum est, quorum vel eximius usus in Historia vel antiquitate, vel quorum raritas vel pretium celebratur, in Annotationibus ex ore, scriptis, vel literis Virorum rei Nummariæ peritissimorum de singulis exponet. Indicabit etiam, ex quibus Autoribus vel Museis Numismata deprompta sint, & qui Autorum figurarum causas accuratius investigaverint, vel Numismatum usum fufius illustrarint, ut, quibus per tempus vacat, quæ carptim dixit vel addidit Autor, cum aliis comparare, & quoties opus est, ex his & aliis fontibus repetere possint, quæ quisque suo scopo accommodatissima judicabit. Cum vero exquisitum sit, ut *Heideggerorum*, qui sumtus in edendo Opere faciunt, propensa de re Nummaria & Literaria bene merendi voluntas ab aliis juvetur, quorum commodis inserviunt, neque emtoribus alia ratione copia sumtuosissimi Operis exquisito pretio fieri possit, nisi vicissim conatus eorum subleventur pecunia ab emtoribus statim intervallis ante numerata; necesse fuit, hoc Opus subscriptionis lege publicare, quod quidem invitissimi fecerunt, quia subscriptionum fides multum decoxit, quod, qui olim ejusmodi Operibus præficiabantur, variis rationibus ducti, ea sustinuerint, alii vero promissis non steterint. *Heideggeri* vero non solum pollicentur, promissis abunde satisfactum iri, sed & alteri malo, quod frequens posterioris causa erat, medelam adhibuerunt, & exorârunt in plurimis Europæ locis Viros spectatissimæ fidei, quibus curæ cordique est rem Literariam juvare, ut consilii sui rationes aliis significent, & vel ipsi colligant nomina eorum, qui sese ad Operis editionem adstricturi sunt, vel id negotii Bibliopolis, vel aliis probis Viris, de quorum pietate & fide certiores sunt, commendarent. Opus integrum absolvetur 350 foliis, & 220 Tabulis æneis majoris formæ in folio. Cui, quo tanto magis omnium etiam eorum, qui modica fortuna utuntur, usus pateat, pretium

tium viginti Florenorum statuerunt, ita quidem, ut prænum-
rantibus, simul ac nomina dent, solvendi sint 5 Flor. quando
accipiant *primam Partem*, 5 Flor. dum *secundam Partem*, 5
Flor. dum *tertiā Partem* accipiant, 5 Flor. sed *quartam Par-*
tem recipiant absque aliis sumtibus. Fidem vero faciunt cer-
tissimam, quamprimum de 350 eintorum nominibus certiores
fuerint, Operis impressionem inchoaturos, & singulis Se-
mestribus Partem Operis prænumerantibus tradituros esse.
Cl. *Gessnerus* vero omnem lapidem movebit, ut Opus, quam
ornatissime & citissime excusum, emtorum & literatorum vo-
tis & expectationi satisfaciāt. Si sunt, qui Exemplaria chartæ
majori scriptoræ impressa desiderant, iisdem temporis in-
tervallis pretium viginti trium florenorum solvent. Ter-
minus Subscriptionis constitutus est usque ad *Menſem*
Octobrem A. 1734. Qui ante illius temporis exitum no-
mina non proficiuntur, exemplum chartæ vulgari impressum 25 Fl.
quod vero majori chartæ impressum est, 30 Fl. redimere necesse
habebunt. Cum vero dubium non sit, in Europæ gazis multa
Numismata recondita delitescere, ad quorum notitiam omni
labore suo non penetrare liceat Autori, nisi accedat benevolentia
Illustrium & Clarissimorum Virorum, qui tantos tamque insi-
gnes Thesaurus possident, vel eorum curam gerunt; ante Operis
editionem instituti sui rationes & modum publice expo-
suit, & simul omnes rei antiquariæ peritos, & quotquot Numis-
mata rariora possident, vel ejusmodi Thesauris præfunt, majore-
m in modum & per commoda Reipublicæ Literariæ roga-
vit, ut ipsum & Opus tam insigne consiliis & opera sua juvare non
dedignentur, inprimis autem ut de Numismatibus, quæ in The-
sauris suis reperient hætenus incognita vel nondum descripta
fuisse, ipsum moneant, eorumque delineationes vel eclyptomata,
ex ichtyocolla confecta, ad ipsum, data occasione, quam primum
deferenda curent. Pro tantis beneficiis non solum perpetuas gra-
tias habiturus est Autor, sed & præclara tantorum Virorum in
hoc Opus merita omnibus modis tueri & illustrare labo-
rabit, operamque dabit, ut singula hæc summa accuratione
Operi inserta non minus gloriæ eorum, quam Operis consummationi &
ornamento, inserviant. Subscriptiones Lipsiæ accipiant Syngraphasque dabunt B.
Gleditschii filius, & B. *Braunii* hæredes, in aliis civitatibus Typographi
optimi quique.

NOVA ACTA ERUDITORUM,

publicata Lipsiæ

Calendis Octobris Anno MDCCXXXIV.

CAROLI SIGONII, MUTINENSIS, OPERA omnia, edita & inedita, cum Notis variorum illustrum Virorum, & ejusdem Vita, a Cl. Viro, LUD. ANTONIO MURATORIO, conscripta. PHILIPPUS ARGELATUS, Bononiensis, nunc primum collegit, suasque Animadversiones in aliquot ipsius SIGONII Opuscula adjecit, nec non Indicibus locupletissimis exornavit.

Tomus I, II & III.

Mediolani, in ædibus Palatinis, 1732 & 1733, fol. maj.

Tomus I Pars I Alph. 5 pl. 22.

Tomus I Pars II Alph. 4 pl. 16.

Tomus II Alph. 7 pl. 21.

Tomus III Alph. 5 pl. 17.

Paulo tardius mentionem hic facimus præstantissimi muneris, quo Rempublicam literatam afficit Vir immortaliter de ea meritis, & meriturus, quod optamus, diutissime; quod *secundus Tomus*, nescimus, quo fato, nuper demum ad manus nostras pervenit. Gaudemus ante omnia hoc tanto bono, & vota facimus pro pace tum reliqui orbis Christiani, tum Italia; animumque magnum *Argelati* nostri & Sociorum Palatinorum prædicamus, quos neque horribilis armorum strepitus

tns ac tumultus a perpeliendo, & magnis suis, cum sumtibus elaborando, hoc Opere atque munere suo detertere potuit. Jam nostrum erat indicare, quantum præter ipsam collectionis gratiam Operum, ita varie disperforum, novæ huic singulorum editioni ornamenti atque decoris accesserit. Ast illud neque aptius ad institutum nostrum, neque elegantius fieri poterat, quam ipsius doctissimi Collectoris studio jam factum est in Programmatis duobus, quæ nunc in fronte *Tom. I & III* leguntur, & inserta a nobis his ipsis *Actis* sunt, alterum quidem *A. 1732 M. Septembri p. 433 seq.* alterum vero *A. 1733 M. Majo p. 230 seq.* Satis igitur fuerit Lectoribus nostris, fide etiam nostra illis confirmari, non vano promissorem hiatu fuisse nobilissimum *Argelatum*; sed, quæcunque promissa & offensa sunt in utroque Programme, ea hic præstata rebus ipsis exhiberi cumulatissime; illud præsertim, sit in historicis Operibus, quæ a *Sigonii* inde ætate studio atque ingeniis clarorum hominum detecta, aut illustrata, aut re-sutata sunt, ea in Notis subjectis indicentur; quo facto & suus Autori honos integer servatur, & temporis interjecti fructus ad Lectores pervenit. De chartarum typorumque nitore non est, quod multa dicamus, cum nemo sit, quin viderit uno alterove specimine, quam splendida, quam emendata soleant esse, quæ ex Palatina illa officina prodenuit. Sed, ne tam luculenti Operis nimis perfunctoriam iniecisse mentionem videamur, æge, illud inde excerpamus, quod præter cetera ad muneris nostri rationem, hoc est, ad cultum Historiæ Literariæ, pertinet: e vita *Sigonii*, quæ tota elegans, tota lectu dignissima est, summa capita proponamus. Natus est vir Seculi sui & omnium temporum bono natus *A. 1524*, (quod hic probabili ratione contra alios ostenditur,) familia apud Mutinenses plebeja, sed honesta eadem, qui *Sigones* vel de *Sigonibus* in antiquis monumentis vocantur. Patrem ejus non tam lanaria ars, honesta tum Mutinæ, quam concubina, vivæ conjugii inducta, in cuius domo mortuus est, infamavit. Contigit ei, ut post puerilem institutionem præceptorem haberet *Franciscum Portum*, Cretensem illum Græcæ eruditionis eo tem-

porre

pore magistrum, publico stipendio a Mutinensibus conductum: Philosophiæ autem doctores *Magnettum Magnettium*, *Antonium Bernardum*, & *Anton. Franc. Fabium*, in Academia Bononiensi, in qua etiam Medicinæ operam dedit, condiscipulo carissimo & contubernali adeo usus *Hieronymo Oserio*, qui post Episcopus Silvensis inter eruditissimos & politissimos Scriptores refertur. Simili felicitate in amicitiam pervenit *Gabr. Paleoti*, qui post Bononiensi Insula, ipsaque adeo purpura, ornatus magno illi ornamento fuit. Postea in Ticinensi Academia audit *Andream Camusium*, Philosophum. Quod autem *Romulum Anasæum* in præceptoribus *Sigonii* quidam numerant, illud eo incertum videtur *Cel. Muratorio*, quod homo gratissimus nusquam illius rei mentionem facit. Ceterum tardiusculum nactus videbatur Ingenium *Sigonius*: verborum certe parvus, audire, quam loqui, fere maluit: quod genus ingenia post acre studium uberiores fere fructus ferre consueverunt. Ad Medicinam destinatus a patre Noster fuerat: sed ille, seposita ea, in clientelam se & familiam *Marini Grimani*, Cardinalis, contulit: & paulo post campum nactus est animo suo obsequendi, in locum Præceptoris paulo ante sui, *Francisci Porti*, a civibus suis susceptus A. 1546; & biennio post in familiam etiam adscitus a *Lucretia*, *Claudii Rangonis*, Comitis, uxore vidua, cujus fratrem, *Galeottum Picum*, Mirandulanum Comitem, & *Fulvium*, filium, optimis literis institueret. Profuit illi etiam amicitia *Ludovici Castelvetri*, quem grandioreni natu eo tempore in quotidiana consuetudine magistrum quasi habuere tum *Sigonius* noster, tum *Gabr. Faloppus*, magnus ille Medicinæ, Anatomies præsertim, illustrator, quem æqualem Nostri fuisse, hic adversus aliorum sententiam ostenditur. Est hic ille ipse *Castelvetrus*, (ita enim hoc nomen, a *Castello* veteri tractum scribendum est,) cujus nomina pridem vitam *Cel. Muratorius* noster illustravit. Hoc tempore æmulatio quædam intercessit *Sigonio* cum *Anton. Bendi-nello*, ludi Mutinensis magistro, qui, cum audisset, parari aliquid a Nostro de vita *Scipionis Emiliani*, occupavit ipsius consilium, effecitque, ut frustra laborem suscepisse videretur *Sigonius*,

quem tamen postea, limatum scilicet & ornatum diligentius, in lucem protulit. Sed, ut, agrum sibi sterilem non esse, ostenderet, *Fastos Consulares* ac *Triumphos Romanorum* illustrare aggressus, primam ejus Operis editionem protulit A. 1550 Mutinæ, & auctiorem A. 1556 Venetiis, recusam deinde Basileæ A. 1559, & sæpius. Aucta hinc fama *Sigonius* A. 1552 Venetias evocatus est, & successor datus in schola humaniorum literarum *Fr. Robortello*, ante quem *Regius*, *Sabellicus*, *Egnatius*, in ea schola docuerant. Quam placuerit Venetis, inde colligas, quod altero statim anno stipendium CLX Ducatorum ad CCXX illi auctum est. Hic septem illi Orationes natæ sunt, quibus singulis annis scholas eloquentiæ auspicari solebat. Hic evulgavit etiam *de nominibus Romanorum libellum* A. 1553; deinde A. 1555 *Scholia in Livium*, sæpe recusa. Hic posterior liber ansam dedit controversiis, quas molestissimas habuit cum *Fr. Robortello*, viro docto sane, sed invidiæ stimulis nimium quantum agitato, qui ferre non posset, successorem suum, juvenem hominem, sibi veterano non tantum linguæ & eloquentiæ Latinæ, sed etiam maturi judicii, gloria vulgo præferri. Hujus arrogantiam & contumelias ut retunderet, edidit *Sigonius* A. 1557 *duos Emendationum Libros*, in quibus simul sua in *Livium* Scholia adversus *H. Glaræanum* tutatus est. Compositæ videbantur lites cum *Robortello*, cum *Hieronymus* ipse *Scipandus*, Cardinalis, coram forte utrumque nactus Bononiæ, ipsos in gratiam reduxisset; sed mox tanto acrius, *Robortelli*, ut hic confirmatur, culpa, recruduerunt. Inter hæc edidit *Sigonius* *Fragmenta Ciceronis* A. 1559; & anno proximo libros *de antiquo jure civium Romanorum*, *de antiquo jure Italia*, & *de antiquo jure Provinciarum*, quos classici pæne in suo genere haberi constat. Hoc ipso A. 1560 iterum *Robortello*, ad Bononiense Gymnasium duobus ante annis translato, successit Noster in cathedra Rhetorica Patavii; in quam urbem cum rediisset A. 1561 *Robortellus*, ad docendam præter humaniores literas Philosophiam morum, novæ emulationis atque discordiarum facies animis subditæ sunt. *Robortellus* præsertim eo progressus est, ut etiam nata-

natalium obscuritatem & corporis defectus, & si quid in toto
 vitæ actu reprehendendum invenisse sibi videretur, æmulo ob-
 jiceret. *Sigonius* etiam triginta dies in prodenda *Robortelli*
 ignorantia expatiatus est, singulis triduis aliquot ejus errorum
 confutatione typis tradita; ediditque eodem A. 1562 *Libros duos*
Disputationum. Facit hic *Cel. Muratorius* pro ea virtute,
 cujus ipse non autor modo aliis, sed exemplum est, cum
 post ea, quæ pro excusanda etiam acerbitate dici possunt,
 tandem subjicit: *Nihil tamen sectus majorem laudem,*
quantum quidem mihi videtur, Sigonius tulisset, si, uti virum
Philosophum, eoque magis Christianum, decet, mitius ac mo-
deratius in hostem, quamvis improbum, invehitur fuisset.
 Non quiescerunt lites, nisi cum *Robortelli* morte, quæ incidit
 in XV Cal. April. A. 1567. Jam quatuor annis ante *Sigonius*,
 (credit *Muratorius*, quod ipsum & æmulum ipsius ead-
 em mœnia non caperent,) abdicato munere Pataviensi, Bono-
 niam concesserat, ubi duplo stipendio ejus, quod Patavii habue-
 rat ausus, & civitate donatus, eloquentiam per reliquum vitæ
 tempus summa tranquillitate docuit: vulgavitque statim A.
 1564 *libros de Republica Atheniensium*, item *de Athenien-*
sium Lacedæmoniorumque temporibus; Anno autem 1665
Aristotelis Rhetoricorum Libros, Latio a se donatos. Disces-
 serat in libris suis de antiquo jure civium Romanorum a qui-
 busdam sententiis *Nic. Gruchii*, quî paulo ante *Commentarium*
 de comitiis Romanorum ediderat. Hinc certamen ortum no-
 vum, sed in quo nihil modestiæ & urbanitatis desideratum est,
 ut intelligi posset, non sua natura asperum esse & rixosum
Sigonium, sed, si quid in *Robortello* peccaverit, ipsius Adversa-
 rii quasi contagione infectum fecisse. Prodiit A. 1565 *Gruchii*
Responsio ad binas Sigonis Reprehensiones: cui statim hic re-
 posuit *Disputationes duas, de binis comitiis, & lege curiata.*
 A. 1567, Refutatione ad posteriorem *Sigonis* *Disputationem*
 edita, finem certamini imposuit *Gruchius*. Noster vero A.
 1574 *de Judiciis* *libros tres* edidit, præstantissimos illos qui-
 dem, sed in quibus, non credibile est, illum tantam temporibus
 intercap. dinem posuisse. Nimirum ea tempestate uni-
 mum applicuerat ad *Historiam* Italianam a declinatione inde

imperii contexendam : eamque ob causam tabularia omnia perlustravit, Diplomata & monumenta, quorumcunque vel privatorum, vel publicorum fieri copia illi potuit, aut insperxit, aut per anticos consuluit. Hinc natæ illi *Historiæ de Regno Italiae*, quas eodem A. 1574 primum Venetiis divulgavit, res ab A. 565 ad 1199 complexus. Pluribus, quos dignos nactum est hoc Opus, excitatus, A. 1577 sublequi iussit alterum, ab A. 284 ad initia Regni Longobardici & superioris Operis perductum, *de Occidentali Imperio*. Sed etiam a fine continuavit Italix Historiam, eamque ad annum produxit 1286, quæ quidem continuatio post mortem denique Autoris ab *Alex. Caprara* in lucem prolata est. Merito hic reprehenditur eorum negligentia, qui, cum prelo commendarent has de Regno Italix Historias, omiserunt *Catàlogum Historiarum & Archivorum*, quibus usus fuerat *Sigonius*, editum Bononiæ A. 1576, quo tanto magis opus erat, cum ipsa monumenta, varie expilata ac dissipata, quo tandem pervenerint, non constet, quod ipso se usu edoctum profitetur *Cel. Muratorius*, quo nemo unquam diligentius, felicitus, monumenta rerum Italicarum conquisivit. *Sigonius* autem, ut *Bononiensis* sui aliquod ex se ornamentum haberent, ejus *urbis ac Reipublicæ Historiam* scribendam suscepit: cumque primus conatus, antequam exiret, non probaretur civibus (quæ illius rei causæ fuerint, discere volentes ablegat *Muratorius* ad *Vincentii Borghinii* Dissertationem, *An Florentiæ Attilas excidium attulerit?* p. 256,) distulit opus, & aliquanto post eliminatus edidit, cui succenturiavit *Libros V de Episcopis Bononiensibus*, qui A. 1586 primam lucem viderunt, Autore jam fatis functo. Ceterum eam sibi in hoc etiam genere famam paraverat *Sigonius*, ut A. 1578 a *Gregorio XIII.* Pontifice Maximo, invitaretur ad Historiam Ecclesiasticam universam illustrandam, quod negotium *Omphrio* quoque *Panvinio* ante commissum, *Baronio* Cardinali reservatum, videbatur. Prætulit in magno Operi *Sigonius*, publicatis A. 1581 in *Sulpicii Severi Ecclesiasticam Historiam Commentariis*, & *Libris VII de Republica Hebræorum*. De Operis ipsius reliquiis jam dicendum.

Cum est in *Programmate*, quod *Tomo tertio* præmissum, & *Actis* his insertum est. Brixianis ea tempestate se obtulerat *Sigonius* ad Historiam illius Reipublicæ literis tradendam, sed illi elabi eam suæ gloriæ occasionem passi sunt. Ceterum *Sigonius* Bononiæ tum *Palacoti*, Cardinalis, tum aliorum, qui ingenio vel literis eminebant, familiaritatibus atque amicitiiis usus est, & bona pars, si non autor, fuit Societatis illius *Bononiensis*, quam *Academiam* deinde dixerunt: de cuius origine insignem locum & bene longum ex *Friderici Borromæi*, Cardinalis, *Lib. I Cap. 1 de fugienda ostentatione* profert *Cel. Muratorius*. Quæ sub finem vitæ de *Consolatione Ciceronis* illi nata est controversia, ea notior est, quam ut repeti hic debeat. Duo nos docet *Muratorius*, quæ ad refutandas quorundam hac de re narrationes pertinent. Primo falsum esse, quod ajunt, ipsum sub finem vitæ confessum apud amicos, se Autorem libelli: quippe constanter hoc negasse *Sigonium* apud *Antonium Gigantum*, amicum intimum; neque quidquam inter ipsius chartas inventum, unde probabilis alioquin suspicio, ab ingenio, studiis, & facultate viri ducta, confirmari posset. Deinde commentitium esse, & forte in *Jo. Imperialis* demum cerebro ac *Museo Historico* natum A. 1640., *Sigonium* præ mœrore extinctum interceptæ sibi, quam sperasset ex hoc libro, gloriæ, si fucum facere nasutioribus potuisset. Satis gloriæ partum erat *Sigonio*, si Autor fuit Opusculi, cum dignum *Cicerone* factum, expressam certe *Tulliana* orationis imitationem, plerique omnes agnoscerent. Et, quam non viduum se putarit, illud declarat, quod *Oratio tertia contra Riccobonum*, ultimum Operum ipsius mortalium, ipso volente post mortem ipsius edita est. Modestius in hac etiam lite *Sigonium* se gessisse *Riccobono* Adversario, non doctissimus modo vitæ illius Scriptor ipse judicat, sed aliorum etiam sententiis confirmat. Mortuus est *Sigonius* in patria sua, & villa, in quam secedere per ætatem valetudinis & amicorum causa solebat, A. 1584, quem annum ex publicis Mutinensium Annalibus probat *Cel. Muratorius*, funeris quidem amplissimi honorem illi tribuente patria, sed monumento omni publico caruit. Quo
 magis

magis laudandus *Alphonfus Saxius*, Aquarii Comes, ac Patri-
 cius Mutinensis, qui anno demum 1600 imaginem *Sigonii*,
 (qua etiam *primus Tomus* Operum illius in fronte exornatus
 est,) inter depictas effigies aliquot illustrium Cardinalium in
 Sacello gentis suæ dedicavit, testatus inscriptione, *eandem*
promeritum dignitatem, si quam præclare de sacris bonisque
litteris meritus fuerit, inspiciatur. Fuit *Sigonio* vultus libe-
 ralis, lata rugosaque frons, gravis adpectus, statura mediocris.
 Desiderabatur in eo clara jucundaque vox, & expeditum lin-
 guæ obsequium, unde blæsum illum vocat *Robertellus*. Me-
 ditabundus incedebat, in colloquiis tamen amicorum facilis &
 venustus. Lenes illi honestique mores amicitias facile concili-
 abant, quas ille virtute sua & constantia tuebatur. Conju-
 gium suadentibus respondebat, *ne Diis quidem Deabusque*
simul nitentibus contigisse, ut Venerem Palladi conciliarent.
 Scripta Viri nobiliora jam commemoravimus. Omnium etiam
 minorum, Catalogum texit *Cel. Muratorius*, quem hic repe-
 re tanto minus opus est, quod inseruntur his *Actis* singulo-
 rum Tomorum Programmata, titulos & argumentum com-
 plexa. Historiam *de Regno Orientali* per errorem com-
 memorat *Anton. Riceobonus*. *Scholia in Ciceronis Orationes, &*
Commentaria in ejusdem Orationes de re agraria, quæ cir-
 cumferuntur sub nomine *Bernardini Lauredani*, itemque
Commentaria in Ciceronis Epistolas familiares, quæ *Hier. Ra-*
gazzonii nomen adscriptum habent, quæque ab aliis ad *Ma-*
nusium Autorem referuntur, hæc, inquam, omnia ex re-
 citationibus forte *Sigonianis* excepta sunt. — Atque hæc qui-
 dem, incerta fide tradita, neque damnat *Cel. Muratorius*, neque
 probat. Falso autem tributa *Sigonio* arbitratur ista: *de titu-*
lis Regis Hispaniæ Librum, sub *Jac. Mainoldi* nomine edi-
 tum, & *Opus de Senatu*, quod præscriptum habet nomen *Jo.*
Zamoscii. Operibus *Sigonii* A. 1604 Francofurti editis ad-
 jectum est illius *judicium de Romana Historia Scriptoris*,
 quod, si est *Sigonii*, certe non eo consilio ab eo scriptum ap-
 pareret, ut sic ederetur; quod etiam aliis ejus posthumis libris
 contigit. Superesse illud unum videtur, ut, quoniam *Tomi*
secun-

ſecundi Programma non ita, ut reliquorum, hiſ *Actis*, ob eam cauſam, quam initio indicavimus, potuit inferi, illud hic quaſi revocemus :

Viris Eruditis Philippus Argelatus, S. C. C. M. Caroli VI Rom. Imp. *Semper Auguſti à Secretis* S. P. D.

Novam Caroli Sigonii Editionem inſtauraturus, jam ante ſcripſeram, quæ ad ornamentum celebratiſſimi Scriptoris designabam, quæque ſine opera mea veteribus editionibus acceſſura, & Elenchum Tomo primo præpoſui, ut omnes meditantia noſtra præcognoſcerent. Abſolutus ad hunc uſque diem Tomus alter in lucem prodiit, qui continet Libros XX de regno Italia, *Sereniſſ. Principi* Eugenio à Sabaudia dicatos. Atque hoc etiam pacto me de Sigonii manibus, atque univerſo Italico nomine, bene meruiſſe puto, cum patronum cum acclamaverim, qui Auguſtiſſimi Imperatoris Vicario munere fungitur in Italia noſtra, eamque ſuis victoriis ornavit, ac præſentia ſua aliquando bilarem fecit atque beatam. Quod ad literariam operam ſpectat, quam in illuſtrandis Sigonianis Libris adhibuit Vir Cl. Joſephus Antonius Saxius, *Ambroſiane Bibliotheca* Præſectus, paucis reſeram: ſat mihi namque fuit hominem nominari, Literaria Reipublica ex editis libris notiſſimum, ut tuam, Lector humaniſſime, probationem & commendationem inveniam. Libros namque Sigonianoſ perpoliendos tradidi Viro, ob longam Hiſtoriarum lectionem, in omni antiquitate verſatiſſimo, copia Diplomatum, aliorumque veterum monumentorum, optime inſtructo. Plura namque de celebratiſſimo Archivio Monafterii S. Ambroſii ad illuſtrandam Sigonianam Hiſtoriam contulit, quæ communia ſibi diligentiſſimus Autor peroptaſſet. Hinc erit, ut editio noſtra in præſtigio ſit omnibus futura, & Italica Hiſtoria meliorem lucem nanciſci facile poſſit, quod præ ceteris optabam. Sed, ut diſtinctius intelligas, quale fuerit Cl. Saxii ſtudio, accipe, quæ ipſe præſatur. Hac tantum addere liceat; ex collatis poſterioribus quinque Sigonii Libris, qui pluribus aliis in editionibus deſiderabantur, non incurioſa quadam, hac noſtra, emer-

gere, qua literatis viris cognoscere gratissimum sit, meque plurimum curasse, ut Index rerum & verborum amplissimus accederet, expressis oppidis omnibus, castris, viris, villis, urbibus, montibus, & fluminibus, a Sigonio, sive a Saxio, memoratis; atque, ne synonymorum copia Lectorem deciperet, maxime novum, cujuscunque situm, & regionis locum, diversa characterum forma indicavimus, Geographicorum Lexicorum more acceptissimo. Personarum vero uominibus vel gentis originem, vel officium, vel patriam, adjunximus, ut unam ab altera distingueremus. Et, quæ ab Autore & Annotatore, utpote eruditissimis, superflua pro eruditis Lectoribus judicata sunt, ego in Indice, rei Historica minus instructis morem gerens, breviori tamen, ut fieri potuit, stilo, tanquam specificationes addidi. Sed insuper Chronologicus alter, typis unis, jam ante, atque etiam seorsim, vulgatus, ut ad meliorem formam perscreretur, curavi; qui præsidio sit memoriæ commodissimo, & supra veterem editionem copiosior Capitum, rerum autem indicatarum contractior, ne inutiliter in præcitato enuntiata, omnia repeterentur, sed maxima diligentia nitidissime expurgata qualibet serie, additis e conspectu correctionibus, locosque Autoris numero paginarum denotatos appellans. Quorum novorum diligentissimi laboris & maximi tædii Operum intentio, atque abbreviaturarum explicatio, brevissima ad eisdem Indices Præfatione explicabitur. His itaque, Lector humanissime, in tui gratiam paratis, utere feliciter, studiorum tuorum incremento. Vale!

Digna erat Cl. Saxii Præfatio, ad quam provocat Argelæus, quæ tota & ipsa infereretur, adeo plena est bonarum rerum, & bonam partem adhuc incognitarum, sed, cum aliquot illa plagulas occupet, suadeamus potius, ut aliquis separatim eam typis vulgandam curet, quo illi etiam frui possint, quos rationes suæ a toto Opere prohibent; hic modo pauca delibabimus. Exposita difficultate Operis a Sigonio suscepti, & laudibus, quas in eo perficiendo promeritus est, non diffiteur, indefessa accuratissimi Scriptoris diligentia nondum effectum esse,

esse, ut, deterfa prorsus obscuriorum atatum fuligine, integer defacatusque historica veritatis splendor eluceret. Plura enim, inquit, primævis obsita tenebris adhuc in incerto latent: plura e lutulentis fontibus hausta spongiam lituramque merentur; nec raro peccatum est in annorum serie historica digerenda, aut in ipsa rerum per superiora tempora gestarum narratione, locis personisque mendose indicatis. His mereretur vellet Cel. Autor, & iis etiam, quæ a *Baronio*, *Peregrinio*, *Mabillonio*, *Pagio*, *Bachinio*, aliisque, peccata hic sunt, (quorum omnium non minus, quam *Sigonii* sui, laudibus se favere, candidissimo significat,) Historiam universam Langobardicam, mirifice nonnunquam ab uno illius Scriptore, *Paulo Diacono*, turbatam, revolvere aggressus est, studuitque, ut collatis veterum testimoniis, atque attente perlectis chartis publicis privatisque, Langobardicam Italici regni seriem contexeret, si minus labis omnis expertem, certe veritati magis consonam. Deinde specimina subjungit suarum emendationum. V. g. *Paulus* ipse *Diaconus IV, 50 seq.* *Rotharis* usque ad *Grimoaldum* successoribus plures regiminis annos assignat, quam utriusque Legum Edicta patiuntur. Erroris fontem feliciter detexit *Cl. Saxius* in *Rodoaldi* Historia, qui non annis quinque & septem diebus regnasse debet, ut nunc habent libri, sed, ut scribere voluit *Pantus*, mensibus quinque & septem diebus. *Adaloaldum*, *Agilulfi* Regis filium, non A. 603, sed triennio ante, natum contendit: vulgatam sententiam, Epistola *Gregorii M.* ad *Theudolindam* matrem nixam, ita elidit, ut literas Pontificis serius datas dicat; quam rem conjecturis quibusdam facit probabilem. *Desiderium*, Langobardorum Regem postremum, anno, non 756, quod adhuc ab omnibus scriptum est, sed proximo demum, seu 757, ad imperium pervenisse, ex charta illius ætatis demonstrat. In Exarchorum pervenisse, ex charta tum eruditus *Bened. Bachinii* laboribus, libro *Agnelli* Pontificali impensis, usus est, tum ipse primus *Anastasi* testimoniis ostendit, *Eutychium*, qui semel modo adhuc in Exarchis relatus est, bis eam dignitatem obtinuisse. In Galliciis Germani-

cisque Regibus frequenter claudicavit *Sigonius*, destitutus tum aliis monumentis, tum præcipue *Carolini* Codicis Epistolis, quæ *Cel. Saxio* præsto fuere. In hoc igitur intervallo v. g. primus ex veteri charta docet, jam A. 773 Regem Langobardorum acclamatum *Carolum*. *Bernardus*, *Caroli M.* nepos, non A. 813, sed 812, Italiæ regnum cœpit, neque A. 718, sed 717, ob conjurationem excæcatus periit. In qua terrarum parte obiisset *Ludovicus II.*, Imperator, silent fere Scriptores. *Arcanum hoc*, inquit ipse *Cel. Autor*, in *Annotationibus ad A. 875* evolvi. Sed hujus beneficii laus tribuenda est doctissimo Viro, Jo. Burchardo Menckenio, nuper magna literarum jactura defuncto, qui in novâ rerum Germanicarum Collectione *Andree*, Presbyteri, *Chronicon* divulgavit. Scriptor autem iste postrema *Ludovici*, Imperatoris, acta & mortem recenset, seque funeri interfuisse testatur, cum post aliquos ab ejus obitu dies ejusdem cadaver e *Brixia* sepulchro refoffum, atque in feretro collocatum, solenni instituta supplicatione *Mediolanum* deportaretur. *Carolus Crassus* Italicum Regnum non iniit A. 880 demum, quod *Sigonii* ætate credebatur, sed, quod nunc ex *Bertinianis* Annalibus constat, jam 879: nunc docuit *Cel. Saxius* ex charta antiqua, factum id esse, ejus anni mense Octobri. *Arnulphum*, Germaniæ Regem, in Italiæ Regibus non connumerat *Sigonius*, resque ab illo gestas in *Berengarii* modo gratiam putat: alia omnia docet *Cel. Autor*, & sibi quæsisisse regnum in tertium minimum annum productum, (jure, injuria? non disputat,) ostendit. Simili industria versatus est in his, quæ ex *Byzantinis* Historicis ad Græcorum Imperatorum res illustrandas post *Sigonium* proferri potuere: itemque in annis & actis Romanorum Pontificum, ubi *Pagium* præsertim secutus est. Ad *Mediolanensium* vero Præsulum seriem & res gestas multa post *Papebrochium* ipse *Cel. Autor* ex chartis vetustis incognita ante hunc diem, attulit. Inprimis hac in parte conspicua est ipsius industria. Inter alia liberat *Mediolanensem* Ecclesiam ab impacto illi schismate, quo per ducentos annos a Romani Pontificis autoritate dilces-

disceſſerit: ſed contra ea falſam gloriam illi non vult tribui, cum prodidit *Sigonius*, a *Gregorio M.* donatos eſſe Mediolanenſes Archi-Epiſcopos jure creandi Reges Italiz, idque a *Carolo M.* ſancitum eſſe, quod ipſe poſterique Reges ferream coronam Madoetiz ab iſdem acciperent. In Aquilejenſibus & Gradenſibus Patriarchis multa emendavit, multa reſarcienda & expolienda ſupereſſe, fatetur. In Ravennatis Eccleſiæ Archi-Epiſcopis *Bachinii* operam, circa *Agnelli* Pontificale verſatam, ſibi proſuiſſe multum prædicat. Illud minime hic prætereundum eſt, bis editum *Sigonii* Opus ipſo ſuperſtite, primo Venetiis A. 1574: deinde auctius multo atque emendatius Bononiæ A. 1580. Priorem repræſentarunt externi typographi, qui aliquoties recuderant: poſteriore exhibet Cel. *Saxius*, ita tamen, ut non reſuſciteret moleſtum laborem comparandæ etiam prioris Editionis, & quæcunque mutata ſunt a *Sigonio*, in extremo margine indicandi, adjectis etiam rationibus, cur mutatum quodque videatur a *Sigonio*. Illud autem longe maximum præſtint Hiſtoriarum ſtudioſis beneficium, quod Auctores, quos ſecutus eſt *Sigonius*, certe quorum fide firmari poſſunt ipſius dicta, diligentiffime annotavit: quo vel ſolo nomine, quantum Viro Cel. debeat noſtra & poſteriorum ætas, apparet. In fine Præſationis laudat *Laurentium de Georgiis*, Tabulário Mediolanenſi Præfectum, cujus beneficio chartæ omnes ipſi patuerunt numero & pretio antiquitatis inſignes, ex quibus Italicorum Regum & præfulum Mediolanenſium hiſtoria juvari potuit. Hæc fere ad XV priores Hiſtoriz Italiz libros pertinent, *Sigonio* vivo iterum, quod diximus, editos. Acceſſere poſthumi V, quorum Hiſtoriam peculiari Præſatione exponit Cl. *Saxius*. Aſſervatur autographum in Bibliotheca *Ambroſiana*, cui Noſter cum laude ſumma præeſt. Cum Venetiis imprimendum eſſet Opus, venia ejus rei impetrari non potuit, donec quædam immutarentur, quæ illius Reipublicæ gloriæ detrahere viderentur: quæ illa fuerint, hic ex autographo cum fide indicatur: ita, ut poſt tantam temporis intercapedinem nunc demum, qualis de manu ſui Autoris exiit, ea pars Hiſtoriz extet. Nova impedimenta ob-

jecerat Operi Inquisitor Provincie, sed, etiam illa quomodo superata sint, hic ex Epistolis enarratur. Ceterum eadem diligentia etiam hic versatus est Cel. *Saxius*, cujus hoc unum specimen proferamus. Scriptum est in ipso autographo, *Friedericum II*, Imperatorem, promississe *Honorii III*, Pontificis Maximi, Legatis, se *centum milites* in Oriente suo stipendio per duos annos habiturum. Idud festinantis *Sigonii* erratum ex alio ipsius loco emendatur, ubi *mille militum* fit mentio. In ipso autem Oracionis *Sigoniana* contextu nihil mutavit idoneis de causis Cel. *Saxius*. Coronidis loco adjecit Epistolam Clarissimi & Doctissimi Equitis Marchionis, *Josepb Malaspina*, Abbatis S. Martiani, & a Consiliis Augustissimi Cæsaris, quibus tuetur, falsum prorsus esse *Alerami*, (Montisferratensium Marchionum conditoris,) conjugium cum aliqua *Ottonum*, Cæsarem, filia, illumque Marchionis Montisferrati dignitate jam fuisse insignitum, antequam *Otto I* Italiz Regnum iniret.

JACOBI GRETSERI, SOCIETATIS JESU Theologi, Opera omnia, antehac ab ipsomet Autore accurate recognita, Opusculis multis, Notis, & Paralipomenis, pluribus locis in hac Editione insertis, aucta & illustrata, nunc selecto ordine ad certos titulos revocata.

Tomus I & II.

Ratisbonæ, sumptibus Joannis Conradi Peetz & Felicis Bader, Sociorum, 1734, fol.

Tomus I Alph. 6 pl. 10, Tomus II Alph. 6.

Cum nemini inter paulo humaniores *Jacobi Gretseri* nomen ignotum esse potest, tum ejus Opera a Pontificis tanti semper æstimata sunt, ut, quos cum ipso conferant, paucos se habere, profiteantur. Itaque edi denuo universa Viri doctissimi Opera voluerunt, & in XVII Tomos digesta, qui in

in limine nominati fuerunt, Bibliopolæ nobiliſſimi. Nos de duobus Tomis primis, qui ad nos adhuc pervenerunt, pro inſtituti noſtri ratione dicemus. Primo Tomo præmiſſa eſt Commentaſſio de vita, virtute & doctrina *Jacobi Gretſeri*, ex qua cognoscimus, natum illum fuiſſe A. 1562 Marckdorfii in Suevia, & tyrocinio in Societate Jeſu deſoſito, abſolutoque Theologiæ curriculo, Philoſophiam Ingolſtadii primum, deinde Theologiam, docuiſſe, mortuumque tandem A. 1625 eſſe. Maximam vero partem hujus Commentationis conſciunt virorum variorum de *Jacobi Gretſeri* eruditione judicia, in quorum prænominiſus ſæpius dormitarunt Autores, e. g. Cel. *Jacoberum* noſtratem tantummodo appellant *Chriſtianum*, cujus prænomen eſt *Chriſtiani Gottlibii*, & *Baylium*, incertum, quo auctore, vocant *Magnum*.

Ipſe *Tomus I* ea complectitur, quæ *Gretſerus de ſancta cruce* libris ſeptem conſcripſit. In quorum primo, explicatis Pag. 1-177.
generibus crucis, Auctor inquiri, quæ qualiſve illa crux Dominica fuerit, quam tactu, ſanguine, ac morte ſua, Salvator conſecravir, quænam illam crucem vel conitata, vel ſubſecuta, vel antegreſſa fuerint: quonam cultu ſit colenda, & quo in pretio ſemper tam ipſa, quam ejus reliquæ, a Pontificiis ſint habitæ; quibus explicatis, miracula, per crucem Domini facta, recenset, & de reliquis paſſionis Dominicæ inſtrumentis diſſerit. *Libro ſecundo* de imaginibus crucis, quæ ſignum crucis permanens, non tranſiens, appellantur, ſive ſculptis, ſive ſulis, 178-315.
ſive pictis, ſive alia ratione factis agitur, ac primo earum antiquitas, deinde frequens apud Chriſtianos uſus, variis argumentis & exemplis docetur, ac denique pro more miracula quædam adjiciuntur, quibus Deus teſtatus ſit, uſum & cultum talium imaginum ſibi gratum & acceptum, hominibusque utilem & ſolutarem eſſe. *Liber tertius* varias diverſasque crucis apparitiones, variis hominibus factas, ex Hiſtoriarum monumentis repetit, & ſiſtit. *Libro quarto* agit Auctor de ſigno crucis tranſeunte, hoc eſt, de illo, quod, ſimul atque formatum eſt, & ſinit eſſe, forma quidem & ſpecie, non fructu & utilitate. Hinc exponit, quomodo ſignum hoc ſit eſſigendum, & quæ myſteria & commoda contineat, quando ſignum 316-337.
338-437.
hoc

- hoc a Christianis usurpari cœptum sit, & quam frequens ejus
 Pag. 438 seq. usus fuerit inter Christianos, quosnam effectus, & unde illos,
 habeat. *Liber quintus* est de cruce spiritali, ubi disquirat
 Autor, quid & quâ duplex sit, a quibus, quomodo, & quo fru-
 ctu, ferenda, vocatis in subsidium non solum Scripturæ Sacræ,
 1-43. verum etiam Patrum, testimoniis. *Tomo huic primo præter*
Indicem accessit mantissa, in qua habetur *Dissertatio de vino*
myrrhato & vasis myrrhinis, ubi ostenditur, potum illum
 Christo ante crucifixionem oblatum, nec suavem, nec dulcem
 fuisse, nec myrrhatum dictum esse a *vasis myrrhinis*, quæ, licet
 ex lapide pretioso assermentur fuisse, non tamen vel porcella-
 nis, vel ex myrice, vel fictilia, vel ex concretis myrrhæ lachry-
 44-100. mis, fuisse asseruntur. Porro in hac mantissa exhibetur *Apo-*
logia pro cruce, in qua Christus passus, pro imagine & pro si-
gno crucis, contra Franciscum Junium, qui ea, quæ Bellarmi-
 nus de hac ipsa cruce scripserat, aggressus, variis argumentis la-
 101 seq. besectaverat. Clauditur hæc mantissa *Syntagmate de Insi-*
gnibus Imperii, in quo quidem, paucis de Sacri Im-
 perii sacris Cimeliis & Lipsanis præmissis, festum lanceæ in pri-
 mis & clavorum asserit Autor ab *Innocentio VI*, Pontifice, ro-
 gatu *Caroli VI*, Imperatoris, institutum, & a *Martino VI*, Pon-
 tifice, translatione Insignium Imperialium ex Bohemia Norim-
 bergam facta, novis indulgentiis confirmatum esse. Unde
 inquirat, quænam lancea asservetur, vel asservata fuerit inter
 Imperii sacra Lipsana, quomodo & quando sacra lancea post
 cœleste indicium reperta sit; ac de lancea Dominica ex divi-
 na revelatione Antiochiæ reperta, de festo inventæ lanceæ, de
 miris lanceæ repetæ effectibus ceteris, disserit.
- Tomo II* varia Græcorum Autorum encomiastica monumen-
 ta Græco-Latina de sacra cruce exhibet, quæ ex variis Biblio-
 1-44. thecis eruit olim, & in lucem edidit, *Græferus*. Primo igitur
 loco sistitur *Alexander*, Monachus, de *veneranda ac vivifica*
 44-46. *crucis inventione* Græce & Latine, quem excipiunt ea, quæ
 de inventionē sanctæ crucis in *Chronico Georgii Hamortoli*
 leguntur, & quæ de eadem re habet *Ambrosius* in *Oratione* de
 48. *obitu Theodosii*, Imperatoris. Accedunt *S. Paulini* Epistola
 ad

ad Severum, fratrem unanimum, de inventione crucis, & testimonia ex *Sulpicii Severi*, *Ruffini*, *Theodoreti*, *Socratis*, *Sozomeni*, *Nicephori*, scriptis, & ex Epistola *Leonis*, Imperatoris, ad *Umarum*, Saracenorum Regem, repetita, una cum *Petri Damiani* Sermone de inventione sacre crucis. De exaltatione crucis profertur quedam ex Menologio, quod habetur in Typico Sabæ, & *Curpalata*, *Sophronii*, Patriarchæ Constantinopolitani, Oratio de exaltatione venerandæ crucis, & de sancta resurrectione, *Andree*, Archi-Episcopi Cretensis, Orationes duæ de exaltatione venerandæ crucis, *Iosephi*, Archi-Episcopi Thessalonicensis, Oratio, *Theophanis Cerumei*, Archi-Episcopi Tauromeniæ in Sicilia, Orationes duæ, *Leonis*, Imperatoris, *Pantaleonis*, Presbyteri Monasterii Byzantinorum, *Germani*, Patriarchæ Constantinopolitani, *Philothei*, itidem Patriarchæ Constantinopolitani, *Macarii*, Archi-Episcopi Philadelphiensis, *Callisti*, Patriarchæ Constantinopolitani, *Joannis Calleeæ*, Patriarchæ Constantinopolitani, & *Chrysostomi* duæ Orationes, quæ uti omnes de exaltatione crucis differunt, sic singulæ Annotationibus quibusdam, licet brevissimis, illustratæ sunt a *Grotsero*. Pro adoratione crucis media quadragesima, ex Typico S. Sabæ, ex *Triodio* Græcorum, ex *Curpalata*, ex *Chrysostomo*, ex *Sophronio*, Patriarcha Constantinopolitano, ex *Theodoro Studite*, ex *Germano*, Patriarcha Constantinopolitano, ex *Joanne Xiphilino*, ex *Philotheo*, & ex *Theophylacto*, Bulgaricæ Archi-Episcopo, loci a *Grotsero* Notis illustrati exhibentur. De festo vero sacre crucis Calendis Augusti ex typico S. Sabæ & ex *Timotheo*, Presbytero Antiocheno, & de parasceve ex Libro Antiphon. *Gregorii Magni*, ex *Atthanasio*, ex *Chrysostomo*, ex *Leontio*, Presbytero, agitur, quorum vel Orationes, vel testimonia, ubique Annotationibus explicantur. His accedunt alia ad crucem pertinentia, ut homilix, *Ephraem*, *Chrysostomi*, *Severiani*, Episcopi Gabalorum, *Georgii Mytilenæi*, duo fragmenta *Methodii*, &c. quibus annexuntur ea, quæ de signo crucis, quod *Constantino M.* apparuit, *Gelasius* refert, & quæ *Cyrillus* de crucis signo, tempore *Constantii*, Imperatoris, viso, *Procopius* de cruce Apameensi, &

Pag 51 seq.

65 seq.

71 seq.

212 seq.

354 seq.

Theophylactus Simocates de cruce ad templum S. Sergii missa memorant, una cum aliis dubiæ fidei & incertæ autoritatis scriptis de inventione atque apparitione crucis. Coronidis quasi loco acceperunt *Germani*, Patriarchæ Constantinopolitani, Oratio, & *Theophanis Ceramei* Homilia de restitutione imaginum. Subjunguntur Indices tam locorum Scripturæ Sacræ, in Tomo hoc altero ad crucis illustrationem adductorum, quam rerum in hoc ipso Tomo notatu digniorum.

Johann Heinrichs von Falckenstein Nordgauische Alterthümer und Merkwürdigkeiten.

h. e.

JO. HENRICI DE FALCKENSTEIN ANTIQVITATES & MEMORABILIA NORDGAVIÆ VETERIS.

TOMUS I.

Suobaci, apud Jo. Jac. Enderes, 1734, fol.

Alph. 4 pl. 1, cum Tabb. æn. 4.

Nondum desinit bene mereri de Nordgavia Ill. *Falckensteinus*, sed novas illius Antiquitates cum Viris doctis communicat. Diversum hoc, quod nunc molitur, & cujus priorem Partem in manibus habemus, Opus est a priore, cujus recensum in his *Actis M. Nov. A. 1733 p. 489 seq. M. Jun. A. 1734 p. 252 seq. & M. Jul. ejusdem Anni p. 308 seq.* instruimus. In illo enim de una saltem Nordgaviæ parte, nimirum de Episcopis & Episcopatu Aureatensi, egit, & ultra octavi Seculi primordia non adscendit. In nostro vero universæ Nordgaviæ situm, Provincias, & Principes, describit, atque ad antiquissima usque tempora progreditur. Capitibus octo hic Tomus absolvitur.

Pag. 1. 16. Caput I de *Harudis, Sedusis, Hermunduris, Thuringis, Naricis, Armalaufis, Bojis, Francis, & Saxonibus a Carolo M. devictis, & in Nordgaviam missis, vetustissimis Nordgaviæ populis*, disputat, quos omnes, fortes, magnanimos, nobilesque fuisse docet, & Genealogiarum conditores jure reprehendit, qui

quî apud Romanos, aut in Trojano equo, inani ridiculoque conatu, quærent primas Germanicarum familiarum origines. *Capite II varias Virorum doctorum de Idololatriæ initiis* Pag 17-25,
sententias affert. Capite III de Idololatria Germanorum in genere, & sigillatim Nordgaviensum, 27, 28.
agit. Refellit hic Cluveri, Schedii, & Wagemanni, opinionem, qui, Germanos tres Deos coluisse, iisdemque notum fuisse venerandum illud SS. Trinitatis mysterium, asserunt. Poterat mendacii illos convincere vel unus Tacitus, qui Tuisconem, sive Tuislonem, Mannum, Herthen, Mercurium, Herculem, Martem, Alcidem, Isidem, Tansanam, Velledam, tanquam Germanorum Numina, commemorat. Antiquissimis temporibus Germanorum religio puritate integritateque sua sese commendabat. Binas veritates incomparabiles, divinam providentiam, & animæ immortalitatem, crediderunt. Sed illam puram illuminatamque religionem superstitio mirum in modum contaminavit penitusque evertit. Dissertit hac occasione de Saxonum, Soraborum, Cimbrorum, Friesorum, Thuringorum, Hassorum, Francorum, & Suecorum idolis, de Diis Topicis Nordgaviensibus, de Beleno, Cerere, Stifa, Lollo, Mercurio Templo Mecklenbomensi, de Emmenzheimensibus idolorum & Druidum imaginibus, de Dea Hippona, & insigni Bejorum & Nordgaviensum in idolorum cultu pertinacia, quippe qui, non decere religionem Christianam militem; aut belli Ducem, arbitrabantur. Caput IV de Sacerdotibus & mulieribus fatidicis præcipit. In magno atque præcipuo honore erant apud veteres Sacerdotes, sine quorum consilio nullam rem gravem atque arduam facile suscipiebant. Tres illi Classes constituebant. In prima erant Druidæ, sive antiquorum Germanorum Theologi, qui Sacrificia, mysteria, & alia ad religionem pertinentia negotia, interpretabantur, summa prudentia pollebant, judicium partes sustinebant, rem bellicam moderabantur, capitis sententiam ferebant, diris devovebant hostes, & liberi immunesque a bellis erant. Varias hic antiquitatum peritissimorum virorum de etymologia nominis Druidarum, horum vestimentis, doctrina, Auditoriis, scientia in Medici- 49, 50.
51-92.
93-96.
97-99.
100.
101-108.

- na, vaticiniis, de ratione eos sepeliendi, opiniones adducit Ill. *Falkensteinius*. Ad alteram Sacerdotum Classem refert Auspices, qui ex victimarum extis, astris, avium volatu, & equorum hinnitu, futura divinabant. Primum auspiciorum genus per sortes, alterum per avium voces, & volatum, tertium per equitum hinnitas, quartum per judicium *Duellicum*, quintum per sanguinem & intestina hostiarum immolarum, peragebatur. Lucrosæ illi divinandi arti non solum viri se tradebant, verum etiam, ac sigillatim quidem, mulieres, quibus divini quid inesse credebant majores nostri. Mulieres ejusmodi fatidicæ communi matrum familias & Alrunarum nomine veteribus celebrantur, & copiosum illarum catalogum nobis dedit Ill.
- 122-132. Autor. Ad tertiam Sacerdotum Classem pertinebant *Bardi*, qui fortia virorum illustrium facinora heroicis composita versibus cum dulcibus lyræ modulis cantabant. Ab hisce Bardis Phonasci, qui olim Moguntia, postea Argentorati & Norimbergæ, floruerunt, originem suam deducunt. *Capite V de Sacrificiis & humanis, quas Diis immolabant, hostiis commendatur. Capite VI de lucis, memoribus veterum, discepat. Caput VII initia & propagationem religionis Christiana in Nordgavia & regionibus vicinis commemorat.* In eo plerique Historiarum Scriptores consentiunt, jam primo post Christum natum Seculo Laureaci prima sanctioris religionis
- 183-186. fundamenta jacta fuisse. Divum enim *Laurentium*, non quidem illum martyrii gloria celebrem, sed alium ejusdem nominis, a *S. Petro* Aquilejam missum, cum Sociis Nordgaviam quoque intrasse, & illius incolis, Jesum Christum, Dei immortalis filium, carne tectum humano e cælo delapsum esse, mira & inaudita facinora edidisse, pro mortalium admittis criminibus dirissimo crucis supplicio satisfecisse irato patri, denique ruptis sepulchri repagulis in cælum iterum
- 187-189. sese recepisse, annuntiasse ferunt. Quam sententiam alii, *Pezius* imprimis, novam, commentitiam, cerebrinam, vocant, & *S. Syro* & *Juventio* hanc laudem tribuunt. Hinc *Vitas S. Syri, Juventii, Lucii, Maximiliani, Quirini, Floriani, Narcissi, Cassia-*

Cassiani, Valentini, Severini, Maximi, Ruperti, Eustasii, Vitalis, Emmerani, Marini, Aniani, Viſſerpi, Constantii, Corbiniani, Wilibaldi, Wunibaldi, Walburgæ, Bonifacii, Solæ, Deochari, Sebaldi, Gumberti, pluribus fabulis commentisque inquinatas, describit. *Capite VIII de Episcopatibus, in Nordgavia sitis, Ratisbonensi, Aureatenſi, Bambergensi, de Concilio Ratisbonensi I*, (cujus intuitu indiculum superstitionum paganiarum a *Ferdinando*, Episcopo Paderbornensi, e Bibliotheca Vaticana primum publici juris factum Operi suo addidit, Notisque illustravit,) *de Concilio Ratisbonensi II, de Concilio Altheimensi, & Synodo ob Episcopos Villanos Ratisbonæ congregata*, quædam haud proletaria in medium affert. In fine comparat *Capitulare Caroli M. in Partibus Saxonie*, quod Ill. *Falckenſteinus* amplissimo eruditissimoque Commentario instruxit.

Pag. 263 -
265.
267-268.
269-303.
304-319.
320-321.
322-332.

M. Joh. Alex. Döderlein Kurzer, doch gründlicher, Bericht von dem Hendensthum der alten Nordgauer, &c.

h. e.

M. JO. ALEX. DOEDERLINI, LYCEI Weissenburgensis Rectoris, Academiæ Cæsareæ Nat. Curios. & Regiæ Berolinensis Societatis Scientiarum Socii, Antiquitates Gentilissimi Nordgaviensis.

Ratisbonæ, apud Christian. Theoph. Seiffart, 1734, 4.

Plag. 16½.

Uñò eodemque tempore cum Ill. *Falckenſteino* calamum in manus sumit Cl. *Daderleinus*, & in origines & fata idolatriæ apud Nordgavienses accurate diligenterque inquisivit. Vereres Germanos religione motos fuisse, & Diis cultum præstitisse, certum est. Hic, quem Numinibus exhibebant, cultus multo purior, sincerior, simpliciorque ceterarum nationum cultu fuit. Quid? quod *Claverus*, alique, sanctissimum illud

§. 1.
2
3.

6. 4. S.S. Trinitatis mysterium innotuisse Germanis; nobis persuadere cupiunt, a qua tamen opinione cordatiores intelligentioresque merito divortium faciunt. Ab integra ilibataque religione, cum tam numerosam Romanorum Deorum multitudinem oculis cernerent, paulatim desceverunt, & plures Deos colere cœperunt. Quapropter *Soli* primum hebdomadis diem, 7. 8. *Luna* alterum, tertium *Tiuistoni* five *Tuisconi*, quartum *Wodano*, five *Osbano*, quem Romani *Mercurium* esse credebant; 9. quintum Deo *Thor*, five *Jovi tonanti*, sextum *Dez Freya*, 10. 11. five *Frea*, septimum *Saturno*, consecrarunt. Præter hosce 12. 13. 17. Deos terram, ignem, fontes, flumina, tonitrua, fulmina & ventos exquisita veneratione prosecuti fuerunt majores. Ar- 18. 19. bores itidem, quernam inprimis, ejusque viscum, lucos, nemora, montes, in rebus sacris numerarunt. Asinos quoque, equos, 20. hircos, &c. heroes vita functos, & scæminas fatidicas, in Divo, 22. 21. rum retulerunt numerum censumque. Diis topicis, in quibus 23. 24. Norici *Balenum* Suevi & Nordgavienses *Isidem* & *Mannum*, 25. 27. *Cizam*, *Genios*, *Fortunam*, *Lollum*, *Hesum*, & plures alios, co- 28. 29. luerunt, sacrificia obtulerunt. Neque Romanorum Deos plane ignorarunt veteres; id quod nomina *Jovis*, *Dianæ*, &c. in antiquis marmoribus & Inscriptionibus luculenter confirmare possunt. Veretur tamen Cl. Autor, ne illi suaviter errent, qui, primis antiquissimisque temporibus jam Romanorum Deos coluisse Germanos, existimant. Illi enim non prius in- 31. 32. notuerunt Germanis, quam Romani in has terras exercitus suos mitterent, & crudelissima & pæne perpetua bella cum iisdem gererent. Præcipua religionis pars in sacrificiis Diis faciendis consistebat. Sacerdotes in tres Classes, in Druidas, Auspices, & Bardos, dividebantur, quibus accensebantur scæminæ fatidicæ. 33. Sacerdotum officium erat, Numina statis festisque diebus sa- 34. crificiis & humanis hostiis placare. Hi edocebant populum, antiquissimum Deorum vocari omnium Patrem, qui cælum, 35. terram, aerem, & cunctas ejus proprietates, atque, quod ma- 36. ximum esset, hominẽ, creasset, eique vivam & immortalem animam inspirasset; hunc genios bonos & malos produxisse, hunc divina providentia universum terrarum orbem sapienter 37. regere

regere atque gubernare; hunc pro ineffabili iustitia sua bene factorum amplissima præmia tribuere, male facta severe punire. Cum vero illi, qui scelera sceleribus cumulant, vitam fortunatam atque beatam, illi autem, qui incorruptæ sanctitatis laude celebrantur, miseram & infelicem plerumque agunt; hinc consequens esse judicabant, superesse post hanc vitam aliam, in qua pii lætissimos sanctitatis suæ fructus ferant, nefarii atque improbi crimina sua atque delicta æterno supplicio luant. Præcipue se felicissimos reputabant, si in æcie perirent, in lecto mori, turpe atque indecorum arbitrabantur. Mortuos antiquissimis temporibus sepeliebant; postea ritus igne concremandi defunctos invaluit, cujus rei testimonium urnæ in cryptis repertæ perhibent. Fortium atque illustrium virorum tumulos monumentis condecorabant. Porro Druidæ, ut animos civium eo magis ad prælia ineunda incitarent, non interire animas, sed restitui, supremum judicium expectare, omnem denique mundum igne sepultum iri, illius tamen renovationem futuram, illumque ornatorem, rediturum esse, docebant. Compertum quoque habuerunt atque perspectum majores nostrum, primos homines ab impressa illa divinitatis imagine deflexisse, se peccatores esse, & remedia circumspicere debere, quibus a sordibus sese purgarent, & promeritas pœnas a se averruncarent. Inter media sese abluendi a sceleribus referebant aquæ adspersionem & Pædo Baptismum, Cimbris & aliis populis usitatum. Plurimum fiduciæ ponebant in sacrificiis, tanquam voluntaria religionis suæ parte. Heroica excellentiaque facinora perpetrare, pro patria animam gloriose effundere, aliorum necessitatibus cupide subvenire, expeditissimam facillimamque ad beatitatem consequendam viam esse statuebant. Sortilegiis, vaticiniis, & auspiciis futura explorabant. Druidibus unus præerat, qui sacras ceremonias, sacrificia, religionemque ordinabat. Sacerdotes præcipui in populo erant, & omnia sacra civiliaque negotia peragebant. Magistratus pro diversitate nationum diversi, & principes magis nomine, quam re, tales fuerunt. Conjugalem fidem semel datam sanctissime servarunt, & frugalitate, laborum constantia, & sexcentis aliis virtutibus.

§. 38.

39.

40.

41. 42.

43. 44.

45.

46.

47.

48.

49.

50. 51.

52.

53.

54.

55. 56.

- virtutibus, æternam & nunquam intermoriguram laudem gloriamque reportarunt, & in supina illa, in qua versabantur, literarum ignorantia, morum doctrinam vita factisque expresserunt. In hisce gentilismi tenebris permanebant usque ad quinti Seculi finem, quo post cruenta Francorum atque Alemannorum prælia, sexto inprimis Seculo, Franci & complures Alemanni sub *Clodoveo*, Rege suo, Christianæ fidei subscriberent, & paganas reliquias a se amoverent. Non ita multo post *Theodo III*, Bivarie Dux, illecebris uxoris suæ *Reginotrudis* permotus, Christianam religionem amplexus est. Tres itaque Periodos gentilismi constitui posse, decernit Cl. Autor. In prima Periodo religio admodum pura, sincera, integraque fuit. In altera aliorum Græcorumque Philosophorum influentia mirum in modum depravata. In tertia per commixtionem cum Romanorum religione funditus deleta atque eversa fuit.

LE TERME DEL MASINO, &c.

i. e.

THERMÆ MASINENSES IN VALTELLINA, examinatæ a Doctore BUONAFEDE VITALI, Anonymo dicto, id est, Dissertatio Medico-Philosophica, qua de natura & proprietatibus Thermarum prædictarum, itemque de origine fontium, caloris eorum causis, corporumque mineralium, quæ iisdem continentur, natura, agitur, annexa brevi iisdem cum successu utendi methodo.

Mediolani, per Josephum Cairolli, 1734, 8.

Plag. 8.

Plurima quidem lectu digna de Thermis suis, earundemque legitimo usu, commentatus est Cl. Autor, quæ patriæ ejus, non omnibus, scripta esse deprehendimus; insunt tamen non levioris momenti quæstiones, quæ publici juris fieri debere nobis visæ

visz quasque adeo recensere non dubitamus. De Fontium origine controversiam moturus, varias quæstiones adducit; utrum, aere inter aspera montium incluso, aquarum rivuli ad radices decurrant; utrum aqua marina intra terræ arenosa loca salsedinem deponat, fontiumque venas constituat, satiusne sit, credere velle, ab exhalatione aquarum subterranearum, accedente igne subterraneo, destillationes fieri, quibus exaltata aqua centralis in fontes desinat; & utrum corporum cælestium pondus & terram versus pressio huic subterraneæ aquæ ad adscendendum necessarium motum imprimant. Addit suam mentem Autor, certo affirmans, partim a pluviarum niviumque deliquium passarum descensu ad radices montium, partim ab adscensu vaporum, igne centrali excitatorum, fontium principia fieri posse. Verum diversa a priori est quæstio, qui fiat, ut calidi sint fontes, alii minus, utrum ab igne subterraneo, utrum a conflictu corporum diversæ fabricæ, ejusmodi calor excitari possit. Anne calcinata igne subterraneo marmora, & in calcis naturam mutata, aquam superaffusam hoc ipso, uti solet calx viva, calefacere possint. Ut in in re dubia Autor mentem suam promptius exponere possit, sequentia phænomena fundamenti loco ponit. Aquæ calidæ, thermometris, barometris, tubisque exploratæ, noctu aut hyeme plus calent, quam interdiu, aut per æstatem. Aquæ thermales immerfa corpora plus omni calidissima ab igne culinari aqua alterant. Aqua ejusmodi mineralis tardius refrigeratur, quam aqua omnium maxime ab igne culinari ebulliens. Aqua Thermarum calidissima & aqua fontium frigidissima, si eodem tempore igni culinari imponantur, id curiosi habent, quod aqua frigidissima citius ebulliat, quam calida. Facta sunt hæc experimenta ab Autore in aquis montis ferrati calidis, aliisque. Ex his datis inferendum est, causam caloris esse non accessoriam, sed innatam; quam ut debito modo declaret, supponit ex Philosophia metallica *Becheriana* & *Stahlianæ*, dari terram vitrescibilem, quæ metalla, dari terram combustibilem, quæ salia producat. Existere sal primum genium summe mobile, quod cum terra vitrescibili rubra aurum, alba argentum, nigra plumbum aliaque ignobilia

M m m

metal-

metalla, producat. Terra combustibilis, sulphurea scilicet, hoc sal primogenium imbibit, constituendo pro sui gradu semimetalla, sulphura, arsenicum. In perenni versatur motu sal primogenium, atque, accedentibus solarium radiorum refractionibus sulphureis, & parabolicis, prout casus fert, modo rubram, modo albam, modo nigram terram, modo inflammabilem arripit, inde varii generis metalla, aut sulphura. Quodsi autem sal illud primogenium ex terræ centro divagatur, idem facit sulphur, diversa tamen via. Quodsi ergo sal primogenium aquas hinc inde obvias imprægnat, fontes fiunt salini tantum, si sulphureæ sunt exhalationes, quæ aquas subeunt, fontes fiunt medicati antimoniales, imo arsenicales & venenosi, sal autem & sulphur junctum fontes ejusmodi minerales efficiunt, qui modo particulam Martis, modo Veneris, in sinu suo foveant. Declarat mentem ulterius Autor experimentis, quibus oleum vitrioli cum simplici aqua excalescere, itemque sulphur cum ramentis martis, accedente aqua, calorem producere observatur; ex quo infert, simili modo sal primogenium & sulphur metallicum eo demum tempore conflictus agere, quo in aqua simplici conjunguntur. Experimenta, quibus thermarum indoles explicari solet, contrarium effectum in suis produxerunt. Gallæ pulverisatæ nullum nigrorem excitarunt: florum violarum decoctum nec in rubrum, nec in viridem colorem transit. Cum Mercurii sublimati solutione non ebullit; interim solutionem argenti aqua forti factam instar aquæ communis præcipitat. Ebullit tamen cum spiritu nitri, pulveremque album dimittit. Acerrima pugna fuit cum oleo vitrioli caustico. Ex quibus omnibus infert, non martiales, non nitratas, sed mere salinas esse has aquas, quæ a conflictu salis primogenii cum sulphure metallico excanduerint. Regulæ medicæ theoriz de sanitate ægrorum insigniter respondent.

PERSPECTIVE MADE EASY, OR, A NEW
Method for practical Perspective, &c.


h. e.

PER-

E. Erud. A. 1734. M. Octobr. p. 467.

a

tractor



MENSIS OCTOBRIS A. MDCCXXXIV. 467.

PERSPECTIVA FACILITATA, SEU METHODUS nova Perspectivæ practicæ, Autore GUILLIELMO HALFPENNY.

Londini, apud Joannem Oswaldum, 1731, 8.

Plag. 2½, cum Tabb. æn. 28.

Autor in hoc Tractatu novum describit instrumentum, vicius etiam hospes in Perspectiva proprio Marte omnem artem sibi familiarem reddere valet, qua ad Scenographiam objecti cujuscunque, veluti ædium, hortorum, urbium, perficiendam opus habet. Ecce tibi descriptionem ejusdem. *ABCD* est planum tabulæ, in qua stria *E* recipit trabeculam verticalem foraminulis pertusam, huc illucve mobilem, quæ dioptræ vice fungitur. *F* & *G* sunt plana, quibus insistant duæ trabeculæ, perpendiculariter ad tabulam firmatæ. *HIKL* est Tabula quadrata ejusdem crassitie, cum trabecula horizontali inter verticales *F* & *G* fixa, circa cardines mobilis. *MNOP* est planum Perspectivæ plani *ABCD*, *X* ipsius *E*, & *QR* ipsius *FG*, & *STUW* ipsius *HIKL*. Ast *Y* & *Z* sunt puncta visus & distantiz. Et ita patet Ichnographia instrumenti. Addamus igitur & Scenographiæ explicationem. *ABCD* est tabula lignea, tribus fulcris *E*, *F*, *G* sustentata, & *HIKL* sunt cancelli, verticaliter super tabula erecti, intra quos recipitur tabula *bcTS*, circa cardines in *b* & *c* mobilis juxta arcus *QS* & *CT*. Filum *domn*, nodo in *P* instructum, transit per foramen *M*, & clavo *O* retinetur, alteri vero extremo *N* affixus est globus plumbeus. Trabeculæ dioptris *Z* & *Y* instructæ pedamentum *W* intra striam *E* huc illucve moveri potest. Tabulæ *cbST*, quando instrumento uti volueris, affigitur charta, & trabecula cum dioptris *X* cancellis *HLKI* pro arbitrio admoveatur, vel ab eadem removeatur, prouti commodum visum fuerit. Clavus *O* extrahitur, & silo manu prehenso, per foramen *I* vel *Z* in objectum visus dirigitur, ita, ut nodus *P* tegat punctum objecti, in quod fit collineatio. Attollatur tabula *bcST*.

M m m 2

donec

TAB. VIII

Fig. 1.

Fig. 2.

donec nodum fili *P* attingat: hic enim punctum objecti, in quod obtutus dirigebatur, in charta designabit. Tabula attollitur ope funiculi circa trochleam mobilis calcando: quod artificium ad evitandam confusionem in schemate non expressum est, cum facile intelligatur. Postquam Autor instrumentum descripsit, ejusque usum exposuit, ichnographiam & scenographiam figurarum, primum Geometricarum, deinde quoque aliorum corporum & ædificiorum perficere docet: ubi tamen nihil singulare occurrit, quod non alibi quoque legatur. Immo nec instrumentum Scenographum prorsus novum est. Postquam enim *Albertus Dürerus*, qui celeberrimum in arte pictoria & sculproria, qua mirifice excelluit, nomen consecutus, praxin Perspectivæ tribus filis exercere cœperat, suumque artificium in Opere de Perspectiva fol. 191 publici juris fecerat, mox complura instrumenta Scenographa excogitata sunt. Inprimis vero *Wencelaus Jamitzerus*, Noribergensis, mensam excogitavit Scenographam, in qua ope chordæ unius Scenographia corporum perficitur, & quam ceteris instrumentis præfert *Joannes Faulhaberus*, in theoria & praxi Matheseos merito suo celeberrimus, in Tractatu patrio sermone A. 1610 edito sub titulo: *Neue Geometrische und Perspectivische Inventionen etlicher sonderbahrer Instrumente*. Hanc in eodem Tractatu compendiosiores effecit *Faulhaberus*, ut Architectis in bello, aliisque itineribus, absque ulla molestia apparatus necessarius, ad Scenographiam in quovis scanno & pariete erecto perficiendam semper ad manus esse possit. Eidem affine est Scenographum catholicum, quod a *Ludovico Gigolo*, nobili pictore Florentino, inventum describit *Jo. Franciscus Nicéron* in *L'haymaturgo optico* fol. 101 & seq. ubi non dissitetur, *Dürerum* primum Perspectivæ praxin organice instituisse, & ex ejus invento, tanquam fonte, non modo omnia illa instrumenta, quæ ad eundem usum commendat *Ignatius Danti* ad capitulum tertium primæ regulæ Perspectivæ *Jacobi Barocii*, verum etiam Scenographum catholicum *Gigolianum* profluxisse. Ad eandem quoque mensam Scenographam prope accedit *Protractor Scenographus*, quem *Noller* vocat. Ceterum, ut fateamur,

mur,

mur, fas est, Autorem admodum perspicue omnem praxin Perspectivæ duabus plagulis exposuisse, quamvis sine demonstratione, quam nec serebat tanta brevitatis, nec requirebat institutum, neque adeo dubitandum esse, quin utilem præstiterit operam iis, qui artem exercent.

M. FRIDERICI GUILIELMI STÜBNERI
Nova methodus explorandi virium moventium quantitatem in motu retardato, ope reductionis motus hujus ad motum corporum mole inæqualium, sed eadem celeritate latorum, quæ paria sint sistendo motum retardatum in singulis temporis elementis.

De corporibus mole inæqualibus, sed eadem celeritate latis, nulla est controversia inter eos, qui quoad mensuram virium, quæ cum inæqualibus celeritatibus corporum conjunctæ sunt, in alia omnia abeunt suis opinionibus, quin vires horum corporum inæqualium, quæ eadem celeritate pollent, sint in ratione ipsorum corporum. Ignotum adeo vires in motu retardato mensurandi modum, ubi nempe celeritas continuo alia atque alia locum habet, ad hunc notum & satis expeditum motum corporum inæqualium æque velocem, si reducere liceret, nunc inde certa veritatis ignotæ detectio speranda esset. Licet vero sequentem in modum hoc, quod querimus, efficere. Sint quatuor corpora æqualia A, B, C, D , quæ omnia ferantur motu uniformiter retardato, ita, ut in primo tempusculo dt spatiola $7ds$, in secundo dt spatiola $5ds$, in tertio dt spatiola $3ds$, in quarto denique dt spatiolum ds permeent. Corpori A in primo tempusculo sistendo sufficiunt, si demonstrationis ergo corpora supponantur non elastica, vel corpus A celeritate $ds : dt$ latum, vel corpus $7A$ celeritate $ds : dt$ motum. Ultimum assumamus. Corpus B in primo tempusculo nullum inveniat obstaculum, sed, durante secundo tempusculo dt , ipsi obviam moveatur corpus $5B$ celeritate $ds : dt$. Patet, motum cor-

M m m 3

poris

poris B sic cohibitum iri. Corpori C demum in tempusculi tertii initio occurrat corpus $3C$ celeritate $ds:dt$. Pariter hoc modo sistetur motus corporis C , qui tempusculo tertio alias perficiendus foret. Denique corpori D obviam eat sub initium quarti tempusculi corpus aliud D celeritate eadem $ds:dt$ latum; etiam hujus motus per hoc ultimum tempusculum alias assuturus supprimeretur. Si aliquod horum quatuor corporum motu retardato latorum nullum plane obstaculum offenderet, tamen ejus motus, qui in singulis quatuor tempusculis assuturi sunt, post præterlapsum tempus $4dt$, sublatum iri, constat per id, quicquid illud demum sit, quod vim in corpore, motu retardato lato, continuo imminuit. Ergo corpora $7A$, $5B = 5A$ (per hypothesin) $3C = 3A$ (per hypothesin) & $D = A$, eadem celeritate $ds:dt$ lata, motum eundem in tempore $4dt$ cohibebunt, quem cohibet id, quod in motu retardato vim uniformiter diminuit. Ergo ob celeritatem communem corporibus $7A$, $5A$, $3A$, A aggregatum virium, motus in temporibus $4d-t$ cohibentium, corporum horum summa $7A + 5A + 3A + A = 16A$ proportionale est. Spatiis, ergo, non temporibus, proportionales sunt vires in motu retardato. Tandem, si ponemus vim corporis A in initio primi tempusculi, durante quo spatium $7ds$ motu æquabili percurreret, esse æqualem $A \frac{7ds + 5ds + 3ds + ds}{4dt} = A \frac{16ds}{4dt} = 4A \frac{ds}{dt}$: sequeretur, ut corpus $4A$ celeritate $ds:dt$ latum posset sistere motum corporis A motu retardato lati, etiam tum, cum nondum foret imminuta ejus celeritas. At vero corpus $4A$ celeritate $ds:dt$ latum non potest in primo tempusculo dt cohibere corpus A , quod in hoc dt per spatium $7ds$ transiturum esset, quia impetus $4A \frac{ds}{dt}$ non potest esse æqualis impetui $A \frac{7ds}{dt}$. Ergo falsum est, quod supposebatur, vim corporis A , motu retardato exposito lati, tum, cum nondum imminu-

imminuta sit, fuisse $A \frac{4ds}{dt}$. In exposito hoc modo reductio-
nis, quatuor corpora occurrentia manifesto in quatuor corpo-
ribus diversis, sed mole æqualibus absument motus illos ele-
mentares omnes, qui in unico corpore, a nullis obstaculis re-
tento, a sola illa vi, quæ motum uniformiter retardat, ablu-
merentur.

*MARCI HIERONYMI VIDE, CREMO-
nensis, Albæ Episcopi, Poemata, quæ exstant, omnia;
quibus nunc primum adjiciuntur ejusdem Dialogi de
Reipublicæ dignitate; ex collatione optimorum Exem-
plarium emendata; additis Indicibus accuratis.*

Tomi IV.

Londini, apud Lantunum Gilliver, & Jo. Nourse, 1732, 12.
Alph. 2 pl. 20 ch. dimid.

M. Hieronymo Vide contigit non tantum, ut parem fere
-x Poetica arte, quantam ex soluti sermonis facultate, glo-
riam referret, sed etiam ut hac adhuc ætate merita ipsius a-
gnoscant homines. Post primam Operum Poeticorum edi-
tionem Crimonensem A. 1550, & Plantinianam A. 1585, 12, in-
tra quatuor annos ter in Anglia edita fuerant, tum *Poemata*,
quæ Autor baud plane di-jungit a fabula, tum *Christiador li-
bri VI*, annis, quod ex Præfatione discimus 1722, 1723 & 1725.
Thoma Tristrami studio illas imprimis deberi, notum est, qui
Vitam Autoris & Notas adjecit, æneisque imaginibus exorna-
ri primam præsertim, in 4 editam, curavit. Quam nunc indi-
camus, eam *Richardo Ruffel* deberi, ex Dedicatione intelli-
gitur, elegico scripta carmine ad *Alexandrum Pope*, celeberrimum Poetam. Observaverat ille in laudatis modo editioni-
bus Bivannicis, tum alios multos errores incuria fusos, tum
intempestivas Emendationes, quibus deterior optimus Poeta
factus fuerat. Juvat specimen unum alterumque proferre,
cum indigeat ætas nostra frenis quibusdam ad coercendam
emenda-

emendandi, quæ non intelligunt, libidinem. *Poet. II, 589*, scripserat Poeta;

*Illum, Thybri pater, letanti spumeus alveo
Exciperes Tuscus Tuscum, vebereque per undas,
Miratus habitusque novos hominumque figuras.*

Editor Anglus, qui metuerat, ne versus laboraret, reposuit *miratas*, cum tamen occurrere deberet illud *Virgilianum*, *mollis fultus hyacyntho*. Scripserat *Vida*, plane *Virgilianum* in morem, ovem *sera* oblitam decedere nocti. Importune illud mutatum est in *sera nocte*. Hæc talia itaque bene restituta ab Editore novissimo. Et tamen videmus, omissam ab eo admonitionem, libris Poeticorum præmissam, quam ex Editione *Plantiniana* A. 1585, 12, huc referre, non abs re fuerit: *Quisquis es, Autor te admonitum vult, se non laudis ergo opus adeo periculosum cupide aggressum, verum ei honestis propositis præmiis a duobus summis Pontificibus demandatum scito*. Leone X prius, mox Clemente VII, ambobus ex *Etruscorum Medycum* (sic scriptum) *clarissima familia*, *cujus liberalitati atque industria hæc atas literas ac bonas artes, quæ plane extinctæ erant, excitatas atque reviviscentes debet*. Id, volebam, nescius ne esset. Non minus omissam videmus admonitionem aliam, quam in ipso Carminum fine posuerat *Vida*, quam & ipsam hic legere non injucundum putamus: *Quæ Vida agnovit, explorataque habuit, sua hæc omnia ipse descripio suo deprompta adhuc vivens congescit*. Si quid forte præterea ullo unquam tempore adjectum fuerit, adulterinum censeo, ab aliquo aut maligno, aut in re aliena nimis officioso ac diligente, adinventum, quod de Poeticis tantum dictum volo. Nam, quæ soluta oratione ad Christi rem spectantia idem Autor conscripsit, propediem se itidem superstitem sospitemque in lucem editurum, sperat, Deo Optimo Maximo approbante atque juvante, cui uni se suaque omnia addixit ac consecravit. Quod hic mentionem facit scriptorum ad Christi rem spectantium, ea sunt sorte *Paraphrases in omnes Evangelii Scriptores*, ad *Delphinum, Franciæ Regis filium*, quas autem nunquam editas putat, qui vitam viri scripsit, in hac editione auctio-

auditiorem repetitam ; cui, ut indicavimus, etiam adjecti sunt de dignitate Reipublicæ libro duo, e rarissimo exemplari Cremonæ A. 1556 impresso. In his introducitur *Vida* noster cum *M. Antonio Flaminio* disputans Tridenti, cum adessent *Reginaldus Polus*, & alii viri summi, quos Concilii rationes ibi retinebant. Videtur hoc Opere reparare aliquomodo voluisse *Vida* jacturam, quam in *Ciceronis* de hoc argumento libris fecerunt literæ. In vita Viri memorabilis est ætas sex fere supra nonaginta annorum, quo finit A. 1566 Albæ, in qua urbe Episcopus cum esset, militaris etiam fortitudinis egregium specimen edidit, invadentibus eam per nocturnum tumultum Gallis. Jam fossas superaverant, jam aliqui eorum urbem intraverant, jam cesserat arce Cæsarianum præsidium ; cum Noster, abjecta Pontificia persona, sumtoque sago, populum armat, hostes, qui ingressi erant, capit, qui in murum ascendebant, dejecit, ceteros terga vertere, relicto oppugnationis apparatu, cogit. Scripta ipsa *Vida* notiora sunt, quam ut specimina eorum afferri debeant, & commendatiora his, qui gustum habent talium deliciarum, quam ut nostris laudibus accendere quemquam ad ea legenda debeamus. Qui chartæ ac typorum elegantiam amant, & ipsi invenient, quod oculos oblectare animumque possit. Illud forte gratius fecisset studiosis, si, quo ordine ipse *Vida* disposuit sua Carmina, eodem hic edita fuissent. Sed, cum in minutos IV Tomos distribuere vellet scilicet Editor, quæ modicum minimi ordinis Volumen impleret, alio instituto opus fuit.

JO. BURCHARDI MENCKENII DISSERTATIONES LITERARIÆ. Olim dispersas, nunc in unum corpus redegit, & cum sua de Romanorum veterum *Stipendiis Militaribus* Dissertatione edidit FRID.

OTTO MENCKENIUS, JO
BURCH. fil.

Lipsiæ, apud Jo. Christianum Martini, 1734. 8.
Plag. 21.

N a a

la

In laude merito apud eruditos habetur, libellos doctorum hominum colligere, qui propter exiguitatem plerumque aut intereunt, aut ita certe disparent paulatim, ut quovis etiam pretio redempturus non possit usquam invenire. Itaque vel hoc nomine aliquid laudis mereretur, qui has *B. Menckonii* Lucubratiunculas in unum corpus redactas edidit de Republica Literaria meritissimi Parentis filius, nisi etiam pietatis laudem haberet, famæ paternæ consulere, ejusque laudes in novo quasi monumento spectandas proponere. Quæ hoc Volumine continentur viginti & quinque Dissertatiunculæ, a Cel. Autore in hac Academia scriptæ sunt, postquam Professoris munus susceperat, & aut ad indicendas exequias Orationesque publicas, aut ad invitandos ad honores Philosophicos ambiendos, si qui eorum cupiditate tangerentur, comparatæ, aut ipsis creatorum Magistrorum solennibus præmissæ fuerunt. Sed, ut *B. Menckenius* ingenium habebat plurima, eademque varia & multiplici, eruditione refertum; ita, quacunque occasione data, ex eo, tanquam ex ditissimo thesauro, solebat depromere, quæ & novitatis gratiam aliquam haberent, & Lectoribus aliquam utilitatem afferrent. Itaque modo ex *Historia Civili*, modo ex *Literaria*, modo ex *Antiquitatibus Romanis & Græcis*, aliquid sibi tractandum, explicandum, illustrandum, sumebat; in quibus generibus, id quod inter omnes constat, ita ille apud nos excellebat, ut parem haberet neminem. Jam non opus erat verbum addere ad cupiditatem legendarum Dissertationum harum movendam Lectoribus nostris, cum neminem facile tam putemus aut harum rerum incuriosum esse, aut *Menckenianæ* eruditionis ignarum, ut nulla, vel titulo lecto, cupiditate hujusmodi ducatur; sed erat tamen aliquid consuetudini dandum, quæ præcipua ex libro quoque delibare jubet. Damus autem nihil fere præter titulos Dissertatiuncularum; quarum omnium accurate argumenta si enarranda fuissent, plura nobis fuissent dicenda, ac justæ recensionis termini patiantur.

Earum, quæ Historici argumenti sunt, præcipuæ fere sunt; de *Mindelbemis in Principatum Imperii erecta*, de *Angliæ muta-*

mutationibus variis, de dubio Gustavi Adolphi interfectore, de Stirpis Austriacæ & Saxonica diuturna & vinculo multiplici confirmata concordia, de Pseudo-Principibus, de Eminentia Comitum Solmensium inter reliquos S. R. Imperii Comites, &c. Inter eas autem, quæ Literarii argumenti sunt, non potest non jucunda lectu esse inprimis ea, quæ *Palæographiæ Montefalconiana*, tum nondum editæ, cum hæc Dissertatio scriberetur, *Delineationem* exhibet, cui etiam brevis enarratio ejus controversiæ præmittitur, quæ, edito insigni *Mabilloniano* Opere de re Diplomatica, exorta est de ipsorum Diplomatuum fide, & quasi indiculus quidam multorum Codicum Græcorum & Latinorum subjicitur, qui Manuscripti in Angliæ inprimis Bibliothecis servantur, & ab Autore in peregrinatione ejus erudita inspecti sunt; de *Geieri*, Theologi Dresdensis, Item de *Gabrielis Simeonis vita & scriptis*, quæ quidem posterior eo gravior debet esse, quod plerisque fere ignota sunt hujus *Simeonis* & fata & scripta: de *Historicis mercede conductis*, de *Scriptoribus Saxonis*, &c. Ex Antiquitate denique petiæ sunt, de *Imprecationibus*, quas *libris monumentisque aliis adjecere veteres*, de *vi fascinandis laudibus tributa*, de *carulei coloris usu apud veteres*, de *vetustissimo Satyrum usu*, &c. Non pœnitebit etiam legisse eam, quæ opposita est *Huetio*, qui, nostra ætate multum a pristina proceritate defecisse staturam humanam, in *Huetianis* dixit. Qui autem Poeticis elegantis delectantur, in *Hermanni Buschii* Carmine, a *Cel. Menckenio* primum post *Buschianam* editionem A. 1504 edito, quod *Lipſica Buschius* inscripſit, quodque dulcissimis versibus laudes Lipſiæ celebrat, habebunt, quo se delectent. Quæ ab Editore subiecta est, de *Stipendiis Militariibus apud Romanos* Dissertatio, jam ante hos quinque annos, sed brevior, ac nunc, prodiit. In ea militaris Stipendii origo, mutationes, incrementa, cetera, ex prisceis Autoribus enarrantur, diversæ Scriptorum sententiæ inter se componuntur, nec paucis Autorum veterum locis obscurioribus sua lux accenditur. Neque adeo ex ejus lectione fructum Lectori nullum spondemus.

JO. BURCHARDI MENCKENII ORATIONES Academicæ, maximam partem Literariæ. Edidit & præfatus est FRID. OTTO MENCKENIUS.
JO. BURCH. fil.

Lipsiæ, apud Jo. Christianum Martini, 1734, 8.

Alph. I pl. 12.

Alterum hoc est reliquiarum *Menckenianarum*, a Filio collectarum, & cum orbe erudito communicatarum, Volumen, Orationes ejus, in Academia Lipsiensi, publica plerasque auctoritate, habitas, complexum. In his, si argumenta species, quod jure reprehendas, si dicendi genus totumque sermonis habitum, quod displiceat, non invenias. Nam, quod pleræque Literarii & Historici argumenti sunt, est id quidem a veterum Græcorum & Latinorum institutis & præceptis alienum, quorum si quis, aut *Demosthenes*, aut *Cicero*, ab inferis rediret, & nostros homines de rebus Historicis Criticisque dicentes audiret, negaret profecto, se Oratores audire, aut eloquentiæ vim agnoscere; sed temporis hoc potius, quam B. Viro, tribuendum, qui veterum illa eloquentiæ præcepta non ignorabat. Incidit enim B. Viri ætas, & ipsa hæc nostra, in ea tempora, quibus, ut quisque maxime placere, doctus & eloquens haberi, quin audiri vult, ita debere se putat & novitatem in eligendo argumento, & in ipsa Tractatione varietatem rerum, plurimum sequi, omnia denique Orationis ornamenta ex Historia Literaria & antiquitate Græca & Romana repetere. Itaque ergo Auditores moventur. Quod autem ad dicendi genus attinet, purum illud esse & emendatum, & quabile ac jucundum, facile ab his intelligitur, quibus Latinæ literæ cognitæ sunt. Erat autem B. Vir ingenio mihi & placido, quod, qui eo aut familiariter usi sunt, aut quibus certe aliquando conveniendi ejus copia fuit, non ignorant. Itaque, cum scribendi genus soleat plerumque aliquid ex ingenii indole trahere, mirandum non est, si non observetur in his Orationibus *Demosthenica* illa & *Ciceroniana* vehementia, qua

extra

extra se rapiuntur Auditorum animi; quæ nec per se in pleraque argumenta harum Orationum cadere potest; sed placidum genus quoddam, & leniter, sed suaviter, labens. Quare, qui natura hujusmodi sunt, plurimum ex his Orationibus proficere poterunt; omnes autem, qui Latinarum literarum amantes sunt, multum esse ex earum lectione voluptatis capturos, minime dubitamus.

Primum autem inter has Orationes merito suo locum occupant, quibus, Academix nostræ nomine, Serenissimo Regi nostro junctam connubio Archi-Ducem Austriæ, & *Anna*, Reginx Britannicæ, adjunctam Angliæ Scotiam, anno hujus Seculi septimo gratulatus est: quarum posterior quidem omnium sine dubio præstantissima, & quasi Regina, eo ipso anno typis excusa & Reginx dedicata est. Tertia, quæ *Campani* convitia Germanis facta convellit, jam olim a B. Autore cum Epistolis *Campani*, & sexta, qua civium suorum doctrina illustrium laudes celebrat, A. 1717 seorsim edita est. Comparent hic etiam duæ celeberrimæ illæ, totiesque recusæ, de Charlataneria eruditorum. Ceteræ duodecim nunc primum cum orbe erudito communicantur; quæ, ut omnes, ita Inprimis de gravitate Eruditorum una, de Histronia Politica duæ, & de Societate Scientiarum Anglicana lectu dignissimæ sunt. Qui autem rerum Politicarum studio ducuntur, multum sine dubio ex ea, quæ est de *Caroli V* naxis Politicis; & qui Historiam Literariam amant, ex ceteris, ut de contemptu elegantiorum literarum, de rei literariæ impedimentis, de origine & causis bellorum inter Eruditos, ceteris, multum voluptatis capient. Quod reliquum est, non dubitamus, quin gratissimum orbi erudito facturus sit harum Orationum Editor, si, quod promissit, proxime etiam Dissertationes Academicas B. Parentis in unum corpus redactas publici juris fecerit.

70. ANTONII CAMPANI, EPISCOPI
Aprutini, Opera selectiora. Recensuit FRID.
OTTO MENCKENIUS.

Lipsiæ, apud Jac. Schusterum, 1734, 8.

Alph. 2 pl. 5½.

Hoc etiam pietatis esse putamus, imitatione Parentis facta approbare, & ab ipso cogitata exsequi. Publicavit olim Editoris Parens *Epistolæ & Carmina Joannis Campani*, Viri sua ætate, ut eruditionis summæ, ita incredibilis eloquentiæ Latinæ, laude maximi; eidemque erat, dum vita manebat, in animo, cetera hujus Viri Opuscula, rarissima illa & paucissimis visa, nedum lecta, eodem modo orbi literato reddere. Sed varijs rebus impeditus, ac tandem morbis, ac ipsa morte, ab hoc labore abstractus, reliquit Filio hanc *Campani* edendi provinciam; quam ille ita suscepit, ut nunc primum Operum Volumina ediderit, proxime etiam alterum editurus, quod *Orationes Campani* complectetur.

Hujus Voluminis libelli, partem Historici, partem Philosophici, argumenti sunt. Primus enim est *de Andrea Brachii rebus gestis*; alter *de Vita Pii II, Pontificis Maximi*; tertius *de Thrasimeno lacu*; quartus autem *de ingratitude fugienda*; quintus *de regendo magistratu*, & sextus *de dignitate matrimonii*. De argumento horum Librorum singulatim & fuisse dicere, quia nunc non primum eduntur, nihil attinet: quid Editori debeant, paucis dicemus. In *Historia Brachiana* emendate edenda multum eum adjuverunt *Hochsteteniana & Muratoriana* editiones; quarum illa Basileæ A. 1545, 8, prodiiit, hæc autem *Vol. XIX* *Scriptorum Italici pag. 431* exhibetur. *Muratorium* tamen inprimis secutus est, cum propter summam in hoc genere eruditionem, tum vero etiam, quod is librum hunc cum Interpretatione Italica, a *Pompejo Pellino* Venetiis A. 1572 vulgata, contulit. Neque tamen *Muratoriana* opera *Campano* præstita perfecit, ut nihil vitiorum in eo relinqueretur. Nam Editor unum alterumque locum visus sibi est deprehendisse, in quo mendas reliquit *Muratorius*, quas ille omnes eluere studuit. Reliquos libros ex Operibus *Campani* exprimendos curavit, non apud Venetos A. 1502, sed Romanos A. 1495, editis, characteribus Venetis, per *Eucharium Silber*, alias *Franck*, cura autem, correctione & impensa *Michaelis Ferni*, cujus *Epistolæ*, editioni huic præmissæ, etiam huic editioni nostræ insertæ sunt. Constabat, *Vitam*
Pii

Pii II Francofurti in 4, de *Regendo magistratu* Lovanii A. 1548, forma minima, item Coloniæ Agrippinæ A. 1618, proditiſſe ſingulatim, ſed hæc editiones non potuit uſquam invenire. Neque vero eſt, quod eum non vilarum editionum harum pœniteat, cum minime dubium ſit, quin ex ſint ex iſtis Operibus junctim editis transcriptæ. Intelligent ſine dubio æqui rerum æſtimatores, non parum moleſtiæ & laboris in edendis hiſ libellis devorandum fuiſſe, magisque modeſtum eſſe, quam verum, quod in Præſatione Editor ait: *ingenio ad hæc, quæ præſtiterit, opus eſſe admodum puſillo, & ſudore nullo prorſus*. Jam, ſi quid ad iſtius operis commendationem adjicere, aut ad legendos libellos hos invitare Lectores noſtros, vellemus, plane injuriam hiſ facere videremur. Ut enim taceamus, qui Hiſtoriæ operam dant, non poſſe facile Vita *Brachiana* & Vita *Pii II* carere; qui aliqua literarum Latinarum amore ducuntur, quomodo poſſent ejus lectionem prætermittere, qui, quicquid veteribus recte dictum eſt, in ſuos libellos tranſtulit? Vel una illa ad Thraſimenum pugna, inter *Hannibalem* & Romanos depugnata, ad legendum *Campani* de eo lacu libellum allicere poteſt; & qui alios de rebus moralibus libellos legere non dedignantur, qui horum elegantiam minime aſſequuntur, hiſ multo magis *Campanus* lectu dignus habebitur.

M. AUGUSTI BEYERI MEMORIÆ HISTORICO-Criticæ Librorum rariorum. Accedunt EVANGELII COSMOPOLITANI Notæ ad JO. BURCH MCKENII de Charlataneria Eruditorum Declamationes, in quibus exempla nonnulla, præcipue Hiſpanorum, afferuntur.

Dreſdæ & Lipſiæ, apud Fridericum Heckel, 1734. 8.
Plag. 20.

Cl. Autor, cum ipſi facillimus ad ſelectiſſimas Illuſtrium & Celeberrimorum Virorum Bibliothecas aditus pateret, libros quamplurimos oculis uſurpavit, qui raro in hiſ terris reperiri-

periuntur. Lætabatur insigniter, se admissum esse ad veneranda hæc mysteria, sed mirabatur simul, Anglos, Gallos, Germanos, tacito quasi furore conspirare in rarissimorum librorum coemtionem, cum tamen rarissimi libri non semper optimi, sed plerumque pessimi, vilissimi, sceleratissimi que essent. Cum igitur per plurimos tam sumptuosa libros rariores conquirendi cupiditate affectos videret, aliorumque anilem vanitatem observaret, salutare Historiam librorum rariores, & controversiarum super illis motatum, colligendi consilium cepit. Libri illi, in quibus recensendis occupatur Autor, rariores sunt, quod unumquemque observationes singulis additæ abunde docere possunt. Libri illi rari vero duplicis generis sunt. Alii sunt utiles, quibus primos ab inventæ artis impressoriarum typographis principibus excusos Codices, MStis ipsis æquiparandos, libros ad eruditionem pertinentes, scripta veritatis testimonia complectentia annumerat. Alii sunt inutiles, quorum spectant libri, vel religionis cultum, vel Reipublicæ statum, vel bonos mores offendentes. Neque fraudi sibi esse debere arbitratur Cl. Autor, quod sceleratissimorum librorum sæpe mentionem fecerit, cum tot celeberrimi Viri illos Catalogis suis scriptisque inseruerint, seque illos expropter commemorasse fatetur, ut βιβλιόφιλοι in posterum in recensione horum librorum acquiescant, neque in coemendis nefandis istis libris inanes & inutiles sumtus impendant. Præter libros & paucularum plagularum Schediasmata & MSta in Memorias suas retulit, propterea quod illa paucorum manibus terantur, MSta vero nunquam typis exscripta fuerint, & nihilominus in summo apud doctos viros pretio habeantur. Delibemus quædam ex libro, ut Lectores, nos vera prolocutos esse, re ipsa intelligant. De Nicolao Catharinoto observat, eum nunquam magnæ molis Operibus delectatum fuisse, sed singulis annis aliquot folia edidisse, & illa parietibus affixisse, ut eo citius divulgarentur. De Mureto, cum Beza *Juvenilia* recenseret, ita pronuntiat: *Si recte judico, Muretus in Poematibus suis multo liberius lusit, & nihilominus, quod sane miror, censuram benigniorem, aliis haud indignantibus, apud posteros habuit.* Quod

Pag. 1.

2.

Quod *Jo. Franc. Rauchii*, Medici Viennensis, Dissertationes Pag. 40. 42.
 binæ de aere & esculentis & potulentis vix ac ne vix quidem
 inveniantur, hanc causam fuisse allegat, quia Autor in utraque
 lascivum Monachorum otium justissime reprehenderat, & illos
Chocolatam & vinum non ob abundantiam succi nutritii, sed
 ut Veneri pabulum præberent, bibere ex vero docuerat. Lau- 78.
 dem meretur Bibliotheca Scriptorum de ludis, quam Cl. Autor,
 cum Abbatis *Joachimi* rarissimum de ludo *Schaccio* librum, Ita-
 lice scriptum, commemoraret, texuit, quamvis uno alte-
 roque libro, vel ex unius *Lipenzii* Bibliotheca Juridica, (si qui-
 dem hæc veros librorum titulos habet,) facile suppleri
 queat. De *Gabrielis Naudæ* libro, qui sub titulo *Mascu- 115.*
rat lucem adspexit, notat, duas ejusdem prodisse editiones,
 priorem Parisiis A. 1549 in forma octo plagulis constante, al-
 teram ibidem, non Amstelodami, ut alii falso perhibent, A. 1650
 in eadem forma, typis exscriptam fuisse. Utraque neminem 116.
 quemquam carere posse, cum non solum paginarum numero,
 verum etiam argumentorum varietate, a se invicem differant.
 In quem finem plura specimina ex utraque editione inter se 117-146.
 collata affert diligentissimus Autor. Ultimam, quæ de *Langletii*
Freinoji Methodo studendi Historiæ Parisiis A. 1729 impressa 166-206.
 fuit, editionem castratam esse, & paucissima exemplaria in-
 tegralia superesse, affirmat, & in eam rem nonnulla ex non castra-
 tis exemplaribus adducit. *Bernardini Osbini* Catechismum
 neque Sibyllinis foliis rariorem, neque imaginarium esse, sed
 tria ejusdem in Dresdensium Bibliothecis exemplaria reperiri
 decernit. In Notis ad B. *Menckeni* Declamationes de Char-
 lataneria Eruditorum Hispanorum mores vitæque falsæ atque
 acute perstringuntur. Sic finem imponimus recensitioni ele-
 gantissimi libri, doctissimumque Autorem per publica com-
 moda rogamus, ut pergat in cæpto opere, Memorias libro-
 rum rariorum ulterius communicet cum viris doctis, & Bi-
 bliothecam Episcopolicam suam propediem in dias luminis au-
 ras exire jubeat.

Wilhelm Friedrich *Wistorius* *Amœnitates Historico-*
Juridicæ, &c.

h. c.

O o o

VARIE

VARIÆ DISSERTATIONES, OBSERVATIONES, Consilia, Opuscula, cetera, quæ Historiam Imperii Germanici, & Jus Civile, Publicum & Feudale Germanicum, Antiquitates itidem ac Consuetudines, illustrant, tum ab aliis elaborata, sed huc usque nondum typis impressa, tum primum composita a **GUILIELMO FRIDERICO PISTORIO**, *Illustrissimo Comiti Erbacensi a Consiliis Aulæ.*

Pars I.

Francofurti & Lipsiæ, apud Adamum Jonathan Felsecker, 1731, 4. Alph. 2.

Apposuimus integrum Opusculi hujus titulum, ut, quid sperare queant de hac Sylloge Lectores nostri, eo facilius judicare queant. Nunc, quid sigilatim in *priori* hac *Parte* præstiterit Cl. *Pistorius*, commemorabimus. Inter præcipua Bibliothecarum cimelia habetur *Joinvillii Historia Ludovici IX*, quam per plurimis Observationibus auctiorem locupletioremq; reddidit *Carolus Fresneus*, magnæ atque infinitæ Vir eruditionis. Inprimis XXX illæ Dissertationes, quas *Joinvillii* Operi adjecit *Fresnius*, multas bonæ frugis plenas Observationes, quæ mediæ ævi Historiam apprime & mirifice illustrant, complectuntur, ut aliquam se gratiam initurum esse ab harum intelligentibus confidat Autor, si illas ex Gallico sermone in patrium transferret, & notulis quibusdam instrueret. Comparant itaque in hac *Parte I* sex priores *Fresnei Dissertationes ad Joinvillii Historiam*. Prima de Sagis militaribus, quibus magnificentiam & pompam suam veteres belli Heroes ostendebant hostibus, & origine colorum & metallorum in arte Heraldica, agit. Altera de Placitis ante Portas, & de ratione Regum Francicorum habendi judicium, pertractat. Reges nimirum Francici ipsi in palatiis suis jus dixerunt civibus suis, & faciles illorum querelis aures præbuerunt. Quandoque, arduis regni curis impediti, hoc negotium demandabant Comitibus, eosdem.

eosdemque in maxime diſſitas regni Provincias ablegabant, ut illorum nomine juſtitiam adminiſtrarent, & controverſias, intra breviffimum tempus, ſummo cum rigore dirimerent. In omnes ac ſingulas Provincias perſonas quasdam, Miſſorum Domini-
corum nomine inſignes, mittebant, quorum officium in eo conſiſtebat, ut judices ſacramenti præſtiti admonerent, eos in ordinem redigerent, ſententias latas accurate examina-
rent, abuſus tollerent, & civium querimonias audirent. Sæpe itaque ve-
teres Annales, judices juſ reddidiſſe in campo, platea, publicis locis, coemiteriis, ante templorum, palatiorum, & urbium por-
tas, teſtantur. Et hanc ſapientiſſimam landatiſſimamque con-
ſuetudinem *Ludovicus S.* & alibi Francorum Reges, religioſiſ-
ſime obſervarunt. Diſſertatio tertia de Fratragio & Paragio exponit. Quarta Comitia Regum Francicorum deſcribit. Sub
Monarchiæ Francicæ initium Reges Calendis Martii, aut, poſte-
rioribus temporibus, Calendis Maji ſolemneſſe populi conven-
tum inſtituerunt. In his conventibus populi querelas contra immanem judicum & miniſtrorum regionum ſerviti-
am audiebant, leges novas ferebant, exercitum luſtrabant, & dona a po-
pulo oblata accipiebant. Singulare quid memoratque di-
gnum eſt, quod pleraque monaſteria magnam pecuniæ copiam Regi ſingulis annis in his conventibus offerre tenerentur. Gra-
viſſimæ quoque controverſiæ, inter Regem & Aulæ Proceres ex-
ortæ, his Conventibus componebantur, ſequioribus temporibus,
cum bellicis victoriis plures Provincias regno adjeciſſent, Re-
ges duo ſolennes Conventus, unum ſub anni initium, alterum
Menſe Auguſto vel Septembri, celebrarunt. Quinta Diſſertatio
curiæ & feſta ſolennia Regum Francicorum recenſet. Sole-
bant nimirum Reges in primariis anni diebus feſtis ſolennes
conciones indicare, in quibus ſe populo peregriniſque magni-
fico & ſplendido veſtitu indutos conſpiciendos præbebant, pu-
blice laute opipareque cœnabant, & a præcipuis aulæ miniſtris
ſervitia inter cœnandum ſibi præſtari patiebantur. Dona quo-
que magna, exquisita & pretioſa miniſterialibus ſuis largiebantur.
Sexta originem & uſum torneamentorum delineat, & primos horum ludorum equeſtrium natales, ad Francos refe-
rendos,

- rendos, & a Gallo *Godofredo de Previlly* inventos esse docet. In notulis, quas hſce *Fresnai* Dissertationibus ſubjecit Autor, ſolicite in vocum origines inquit, eaſdemque plurima ex antiquitatibus luce illustrat. Luculentum hujus rei teſtimonium
- Pag. 18. 25, 26, 27. exhibent, quæ de voce *Vair, le Gucule, Cruſina, Maſtruca, Sabulo, la Faſce*, de Miſſis Dominicis, Domeflicis, de Apanagiis & Paragiis, de origine donorum Regibus in Comitibus offerendorum, ſuſe atque copioſe ex optimis Autoribus diſputat. 48, 56. 61. 64. Secundum in hac Sylloge locum occupat *Chriſt. Franc. Paulini Diſquiſitio de Comitibus Palatinis*, in qua illud agit *Paulinus*, ut Comitibus Palatinis ſubſtituendi alios vim poteſtatemque aſſerat, Vice Comitesque illos, iisdem, quibus Comites, privilegiis immunitatibusque uti doceat, ſententiamque ſuam Diplomatiſ, quæ fere totam Diſſertationem conſtituit, quibus Viſcarios conſtituerunt S. Palatii Comites, confirmet. Succedit III Ej. *Paulini Diſſertatio de Barba*. Claudis hoc Volumen IV Ej. *Diſſertatio de Dextra*, quæ duo Diſſertationes multas jucundas, curioſas, & ridiculas obſervationes narrationesque complectuntur. 79.

POTENTISSIMI MAGNÆ BRITANNIÆ
Regis, S. R. I. Principis Electoris, GEORGII II,
Inſtitutum condendi novam in terris Brunſuicenſibus
Academiſam literato orbi, autoritate Superiorum, expo-
nit JO. DANIEL GRUBER, Sacræ Regiæ
Majſtatis ab Aulicis Conſiliis.

Qui ingeniis favent, & bonarum artium ſtudiis delectantur, iis vix gravior aſſerri nuntius poteſt, quam quoties nova de augendo atque amplificando literarum cultu conſilia agitari audiunt. Quo eminentiori autem inter mortales loco ſunt poſiti, qui in erogandis in hanc rem ſubſidiis munifici eſſe conſtituerunt; eo majora atque illuſtiora ex hujusmodi inſtitutis cum ſcientiarum, tum boni publici, incremen-

menta ominari licet. Inguenarum enim artium cultura mentes hominum cum maxime perfici, ac proinde publicam humani generis felicitatem apprime promoveri, usu comprobatum est. Quam ob rem Potentissimus Magnæ Britannæ Monarcha, qui & ipse amat literas, & a literis vicissim colitur, subjectis sibi in Germania Provinciis decus atque beneficium immortale collocaturus, novam honestatis officinam, elegantiarum sedem, literarum domicilium, Musarum atque Gratiarum sacrarium, & quoddam veluti rei publicæ Seminarium, quod vulgo *Studium Universale*, vel *Studiorum Universitatem*, vocant, instituire decrevit, in quo omnis generis disciplinæ & scientiæ publice privatimque doceantur, bene merentibus diligentæ atque eruditionis præmia ritu majorum conferantur, ceteraque omnia, quæ in aliis Germaniæ celeberrimis Academicis tradi ac fieri solent, exquisita cura & tradantur & peragantur. Insinuata res est auribus Cæsaris Augustissimi, cujus auspiciis, quod negotium istud in Germania suscipiendum erat, non videbantur negligenda. Is vero jam superiori anno, scripto die 13 Januarii amplissimo Diplomate, voluntatis suæ atque assensus pronissimi benignissimam significationem dedit. At Rex interea nihil intermittere eorum, quæ ad exsequendum nobilissimum propositum necessaria visa. De urbe circumspiciens, quæ tantum decus reciperet, digneque foveret, *Goringam*, vetus ad subsidentis Hercynici saltus radices municipium, haud procul a confluentibus Werra Fuldaque amnibus, atque adeo a capite Visurgis, positum, & situs opportunitate, & clementia cæli, & loci amplitudine, & frequentia civium, & rerum omnium ad victum necessariarum abundantia invitatus, selegit, selectumque, ut Musis ibi bene sit, mitissime exornandum curat. Collegium, quod a pristinis ædium habitatoribus, *S. Dominici* instituta professis, *Paulinum* dici consuevit, cum adjecto templo magifico, usibus Academicæ destinavit, & ne deceret supellex libraria publica, sine qua fontes ipsi arcescerent, id egit, ut præstantissimam librisque rarioribus instructissimam *Bibliothecam Eulovianam*, a Perillustribus Pos-

sefforibus novæ Musarum sedi liberali donatione oblatam, haud spernenda accessione ex Bibliotheca Palatina augetur. Vocati sunt, honestissimis conditionibus propositis, Viri, earum, quas quisque profitetur, scientiarum callentissimi, qui publice docendi munus obeant. Horum complures ineunte proximo semestri, quod a die Michaeli Archangelo sacra auspiciari moris est, in urbe *Göttingensi* Scholas suas aperient, novisque civibus facem præferent in omni genere disciplinarum. Adspiret cœptis Numen propitium, ut hæc quoque Academia in uberiolem cum Ecclesiæ, tum Reipublicæ, salutem, ex voto Potentissimi Conditoris, læta assurgat & efflorescat.

*EPISTOLA PLURIUM DOCTORUM E
Societate Sorbonica ad Illustrissimum Marchionem
SCIPIONEM MAFFEJUM, de ratione Indicis
Sorbonici, seu Bibliothecæ Alphabeticæ, quam adornant,
ubi de Epistolis S. Augustini nuperrime & inven-
tis, & editis.*

Parisiis, 1734, 4 maj.

Plag. 1½.

Fructuosissimum Opus parant Celeberrimi quidam Doctores ex Societate Sorbonica, *Salmonius, De Saint Aubin, De la Lande, Digault, De Villevielle*, cujus rationem ordinemque hac ipsa Epistola, quam Ill. Marchioni *Scipioni Maffeo*, præcipuo non solum Italiæ, verum etiam universæ Europæ, ornamento, consecrarunt, diligentissime exponunt. Multa indigesta, confusa, & male ordinata Volumina sub inventa typographia usque ad nostra tempora prodierunt, quæ *Analecæ, Anecdota, Antidota, Micropresbytica, Hæresologiar, Orthodoxographa, Thesaurus, Supplementa, Opuscula selecta, Bibliothecæ Patrum, Annales, antiquar*

ziquas Lectiones, Varia, Vitas, Acta, Homilias, &c. ut nihil de *Gracis Orthodoxis, de Italiis sacris, de Galliis Christianis, de Sanctorum varis Editionibus, de Conciliorum Collectionibus*, dicant Compilatores, inscripserunt. Aliena hic occurrunt plurima, & importuno loco, prorsus collocata, ut otiosissimo cuivis tantam amplissimorum Voluminum copiam evolvere, aut oculis saltem perlustrare, vix liceat. Accedit aliud, illudque pestilentissimum, malum, quod novi Editores, qui vel non legunt, vel non legere possunt, quæ prius edita sunt, Opera, quæ dudum lucem adspexerunt, tanquam nunquam edita recudenda curant, & hisce operosis Operibus magis onerant, quam ornant, Rempublicam literariam, veritatisque inquisitionem longe difficiliorem reddunt. Tolerari hæc utcumque possent, nisi somnolenti & negligentes Editores scripta veris Autoribus abjudicarent, fallaces & spurios titulos libris præfigerent, mendose, inutile, lacereque cuncta ederent, doctis hominibus turpiter imponerent, feracissimisque erroribus infelicissimam præberent occasionem. Nascuntur ex hoc chaos innumerae Dissertationes, Annotationes, Notæ, Observationes, in utramque partem redundantes, quibus impeditur & obruitur orbis literatus. Hæc cum unus ex Clarissimis Viris, quorum nomina supra recitavimus, & quem Cel. *Salmonius*, Bibliothecæ Sorbonicæ Præfectum, fuisse, aliunde compertum habemus, probe sapienterque perpendisset, non melius, non præstantius, huic incommodo medium excogitari posse, statuit, quam si *Index Generalis*, seu Bibliotheca conficeretur, in qua *Acta, Vita, Chronica, Historia, libri, Tractatus, Bullæ, Constitutiones, Decreta, Dissertationes, Epistolæ, Diplomata, Chartæ, Fædera, Liturgia, Sermones, Homilie, Opuscula, Instrumenta*, cetera Monumenta, quæ hinc & inde dispersa sunt, & extra proprias suas sedes evagantur, ordine Alphabetico sub suorum Autorum nominibus indicarentur, citatis locis omnibus, in quibus, quasi in tot sepulchris, abdita huc usque jacuerunt. Sed, cum se unum non sufficere videret tam vasto diffusoque Operi, *Salmonius*, ceteros Viros erudi-

eruditissimos in laboris assumit societatem, Indicem Generalem, quem ordinaverat, fundamenti loco posuit, & non paucā, quæ alii monebant, brevitatis, perspicuitatis, commoditatisque causa, mutavit. Indicis illius ope omnia instrumenta, Diplomata, facile unusquisque reperiet, & ubi locorum delitescant, cognoscat. Ipsius ope, quicquid Dissertationum, Chronicorum, Tractatum, Epistolarum, unquam editum est, editum esse constabit, diversæ illarum editiones, & quantum a se invicem discrepent, patebunt. Ipsius ope errantia, & quasi in exilium missa Opera iterum in pristinas suas sedes revocabuntur, quæ non parum illustrabunt omnis generis Historiam, plurimos emendabunt errores, & nobilium familiarum Genealogiæ lucem accendent clarissimam. Ordinem hunc fere tenebunt Cl. Editores. Primo Autoris nomen decernent, rei exponent argumenta, loca omnia, ubi res exstat, citabunt, fragmenta, notas criticas, & si quis alicubi eadem de re disseruerat, indicabunt. Instrumentum, si sub falso nomine notum sit, sub illo ponent, & Lectorem ad verum ejus nomen remittent. Patrum scripta in quatuor Classes distribuent. In prima Opera eorum genuina; in altera dubia; in tertia supposita, quorum Autores cognoscuntur; in quarta supposita, quorum Autores ignorantur, collocabunt. Ad marginem e regione cujusque Articuli observabunt ordinem Chronologicum, quo scilicet quisque Autor tempore vixerit, quo floruerit; quo quisque Rex, quisque Imperator, quilibet Papa, creatus sit & mortuus; quo quodlibet datum sit Instrumentum. In fine Operis in materiis comparebit Index. Nunquam denique in toto Opere censorium supercilium ponent, at parce lædent atque molliter. Hujus sui laboris Specimina aliquot, & Fragmentum Epistolæ S. Augustini ad Optatum, prout exstat apud *Egyptium*, cum variantibus lectionibus, attulerunt. Nos animatus precamur Viris meritis propitia atque secunda fata, ut promissa sua implere, & utilissimum maximeque salutare Reipublicæ Literariæ Opus propediem evulgare queant.



NOVA ACTA ERUDITORUM,

publicata Lipsiæ

Calendis Novembris Anno MDCCXXXIV.

Westphälische Friedens-Handlungen und Geschichte, 1c.
h. e.

ACTA PACIS WESTPHALICÆ PUBLICA.
*Tomus primus, exhibens historiam annorum 1643, 1644
& 1645, certissimæ fidei monumentis innixam, quam
composuit JO. GODOFREDUS DE MEIERN,
Regis Magnæ Britann. & Electoris Brunsvico-Luneb.
Consiliarius Aulæ & Cancellariæ.*

Hannoveræ, apud Jo. Adolph. Gerckenium, 1734, fol.
Alph. 10 pl. 19.

Quod jam dudum optavit publice Sam. Ræbelius, ut
Acta Pacis Westphalica (quæ pacificatio haud immerito
in Dedicatione judicatur omnium pacificationum, quas habet
Historia, maxima & magnificentissima,) *plene ederentur, plu-
rimum quippe collatura ad Juris Publici Germanici exactam
notitiam*, id nunc præstat Generosissimus, idemque Consul-
tissimus, Autor noster, eaque re communem init eorum gra-
tiam, quibus tractanda sunt negotia Germaniæ publica. Ut
autem *Actis* hisce sua constet fides, sua autoritas, in Præfatio-
ne nominatim laudat thesauros illos, e quibus, quæ exhibet
hic, singulari felicitate accepit. Ceterum facile sentiens, *Acta-
rum*

P p p

rum

rum horum, e monumentis MSis certissimæ fidei haustorum, simplicem representationem minus gratam minusque utilem fore. lectoribus, statim apertum induxit omnia redigere in ordinem Chronologicum ac historicum, justamque & perpetuam exhibere tanti momenti rerum actionumque narrationem. Quare *quingenta libris* inclusit materiam suam, quorum argumenta singulorum in hac Præfatione recenset, addens, se studiosissime retinuisse in hac sua Historia ipsa Legatorum, quorum Commentariis usus est, verba: ut scilicet sincera ubique & suas duntaxat undas trahenti flumini similis historia daretur in manus eruditorum. Maluit igitur, elegantiam orationis, quam suam fidem, desiderari: atque adeo immutata exhibuit, quæ scripserunt Legati sermone quidem Germanico, sed intertexta habenti Latina, Gallica & Italica vocabula. Ac arripit hanc occasionem Nobiliss. Autor laudandi nostram hanc aetatem, quæ & puritatis & elegantie sermonis Germanici se præbet studiosissimam: ipsiusque tum Dedicatio, tum Præfatio, inter luculenta hujus studii exempla & specimina referri meretur. Nec vero putes, Lector, quæ hic eduntur monumenta, ea jam edita esse sparsim ab aliis. Imo vero pleraque, quæ hic reperis, nunquam viderant lucem, sed latuerant in tabulariis, (*Archiva* vocant,) & nunc demum e densis suis tenebris protrahuntur ad illustranda *Instrumenti pacis* capita, quæ hoc adjumento orbata multum retinent obscuritatis, multumque negotii faciunt viris pragmaticis. Scias autem, Lector, etiam *Supplementa* hujus Operis in Præfationis exitu promitti ab Autore, ubi scilicet ex aliis Archivis alia pacis hujus acta ipsi fuerint suppeditata: qua quidem felicitate se usurum, eo minus dubitat, quod jam duo ejus generis monumenta MSta a duobus amplissimis viris, quorum nomina gratus profert, accepit. Promittit item in trigesima hujus Præfationis pagina, se, Opere hoc universo edito, emissurum *Acta executionis hujus pacis* e monumentis certissimis pariter ac rarissimis. Denique p. 39 pollicetur novam ac vulgata meliorem editionem *Relationis historica Pacificationis Osnabrug-Monasteriensis*, quam ab *Adamo Adami* (qui ipse illi Pacificationi

cationi Legatus interfuit,) accuratissime confectam esse testatur: cujus & viri, parum adhuc cogniti, vitam & fata satis copiose hic persequitur.

Ceterum, uti Autor nulli operæ, nulli sumtui, pepercit, ut splendidum orbi daret Opus, & cum charta nitidissimum, tum literis figurisque magnificum, ita & Operi toti præfixit pulcherrimum oculiferium, ingenii *Königiani* factum, & singulis libris præmisit aliquot æri incisos nummos, quibus eudendis occasionem pax illa Westphalica præbuit. Nec illud nobis prætereundum est, quinque hanc Præfationem habere Appendices, earumque prima exhiberi Legatorum, qui huic pacificationi interfuerunt, nomina, quæ certe tam accurate nondum sunt a quoquam exhibita. Secundum locum tenent nomina effigibus illorum Legatorum subscripta, quæ sunt omnium oculis expositæ in Curia Osnabrugensi. Tertio loco legitur *Vita Salvii*, Legati Suecici, primum edita in Germanicis *Actis Eru-ditorum*: quanquam Noster integrum cuius de hoc libello permittit iudicium, haud obscure proidenti sui Autoris malevolentiam. Quartum occupat locum scriptum ingeniosissime satyricum, quod in *Placciano Pseudonymorum Theatro* n. 1478 *Isaaco Volmaro*, Legato Cæsareo, tribuitur, Nostro autem iudice, verius creditur profectum esse a *Jo. Balzb. Schuppio*. En lepidum ejus libelluli titulum: *Bibliotheca Gallo-Suecica, sive Syllabus Operum selectorum, quibus Gallorum Suecorumque hac tempestate belli proferendi & pacis evertenda studia publico exhibentur*. Denique Noster conspectui nostro subjicit quinque haud contemnendas *Tabulas* pacificatorias, quibus tanquam nomina sua eo tempore usi sunt Legati Sueciz.

Intremus age nunc ipsa hæc sacra, ita tamen, urgente nos brevitatæ studio, ut, generatim expositis librorum argumentis singulorum, tum pauca quædam excerpamus, quæ visa nobis sunt memoratu digniora. *Primus* igitur *Liber* confirmat *Taciti* illud: *Tardiora sunt remedia, quam mala*. Cum enim tot partes adversæ tandem animum applicuissent ad pacem faciendam, tam lente tamen festinatum fuit in hoc negotio, ut primo per diu expectandus esset Legatorum de pace acturo-

rum adventus, deinde multum temporis ante elaboretur, quam Legati, qui convenerant, negotium sibi mandatum serio aggrederentur. Hic *p. 12* dignæ lectu sunt literæ *Salvii*, Sueciz Legati ad Marchionem Baruthinum, A. 1643 datæ, e quibus cognoscere licet, id Sueciz & Galliz Regibus fuisse propositum, ut hac in pacificatione Imperatoris potestas intra eos coerceretur limites, ut ampliora fierent jura Principum Germaniz. *Pag. 38* Legatus Hispanicus in literis ad *Cranium*, Imperatoris Legatum, Monasterio Osnabrugam se conferre jussum, dolet, *ipsi vivendum nunc esse inter hæreticos & infensissimos Catholica veritatis hostes.* *Pag. 69* fatentur Legati Cæsarei, prorsus necesse esse Imperatori pacem facere, cum & pecunia, nervo rei gerendæ, & copiis, deficiatur, ac præterea Principes illi, qui adhuc a Cæsaris partibus steterint, ob imbecillitatem suarum virinum nihil aliud, quam pacem, spectent. *Libro secundo*, qui acta continet trium priorum mensium A. 1644, nondum pax ridet, sed turbarum adhuc plena sunt pleraque. Narratur enim hic initio, quantum impedi-menti objecerit negotio pacificatorio novum bellum Dano illatum a Sueco. Deinde exponitur adventus *Nantii Apostolici* & Legatorum Gallicorum, ceremonizque, quibus post nonnullam disceptationem excepti fuere. Hinc occurrunt Legatorum Gallicorum cum Hispanicis de superiore loco concertationes, Electoralium item Legatorum cum Cæsareis disputationes de certis ceremoniis, lites Legatorum de literis plenipotentariis, turbæ denique, quas excitarunt literæ Legatorum Gallicorum circulares ad Ordines Imperii: ut omittamus *Batavorum* studium, tantundem honoris suis Legatis tribui a Cæsareis volentium, quantum hi tribuerant Legatis Reipublicæ Venetorum. Hic *pag. 88 - 132* exstat Programma (*Manifestum* vulgariter vocant,) Suecicum de bello contra Danum suscepto, una cum Appendicibus, & *pag. 137 - 175* refutatio illius Manifesti Danica. Quod utrumque scriptum hic recusum est ob suam raritatem. Epistola, quam Gallici Legati miserunt ad singulos Germaniz Principes, *pag. 219 seq.* exhibetur: in qua Imperator accusatur moliri absolutum in univer-
sam

sam Germaniam imperium, ac Principes exstimulantur ad
 mittendos Monasterium & Osnabrugam Legatos, suasque ex-
 promendas querimonias, certum accepturi auxilium a Legatis
 Galliz ac Sueciz. Quam huic Imperator opposuit longam
 ad eosdem Principes Epistolam, ea pag. 223-228 sistitur, in
 qua pag. 227 Epistola Gallorum vocatur *libellus famosus*. Ex-
 hibentur quoque pag. 228-247 animadversiones censoriz in
 illam Gallorum Epistolam, sermone contextz Belgico. Pag.
 248-252 novum hujus argumenti scriptum Legatorum Regis
 Galliz producit. *Liber tertius* reliquorum A. 1644 men-
 sium acta comprehendit. Occurrunt hic oculis nostris novæ,
 eazque diuturnæ, lites de literis plenipotentiarlis; liticula item
 inter Electorum & Imperatoris Legatos Electorales; lites de
 liberando a captivitate Electore Trevirensi; lites Gallorum &
 Suecorum cum Imperatore de arcessendis ad hanc pacificatio-
 nem Principibus ceterisque ordinibus Germaniz. Et, quan-
 quam initium hic offendimus propositionum pacificatoria-
 rum, tamen & has materiam præbuisse concertationibus, legi-
 mus. Pag. 263 seq. satis aculeatz proferuntur Legatorum
 Suecorum literæ ad Imperatoris Legatos, in quibus hos accu-
 sant protracti dilatique pacis negotii. Pag. 269 seq. exhiben-
 tur novæ Legatorum Galliz literæ circulares ad Principes Im-
 perii, Legatis Imperatoris ingratisimæ: quibus adjecta est ipsi-
 us Regis Galliz Epistola ad Germaniz Principes, in qua profi-
 tetur, se non nisi Legatis ipsorum ad pacificationem adhibitis
 acturum esse cum Imperatore de pace. Pag. 284 seq. literæ
 exstant Electorum ad Imperatorem, quibus contendunt, suos
 Legatos non minus honorifice, quam Legatum Reipublicæ Ve-
 netæ, tractandos Osnabrugæ esse ab Imperatoris Legatis. Ac
 pag. 286 rescribit Imperator, id se fieri velle a suis, Legatis.
 Pag. 294 seq. proferuntur Principum ac ceterorum Ordinum
 Franconiz argumenta, quibus docent, se ad hanc pacificatio-
 nem adhiberi debere, & ita quidem, ut suas dicant de singulis
 pacis articulis sententias. Anneditur pag. 300 seq. Appendix,
 speciatim exhibens, quæ a Legatis Principum sint hoc in con-
 ventu urgenda. Pag. 313 legimus Legatorum Suecicorum li-

teras ad Legatos Imperatoris, quibus profitentur, non ante pacis negotium se aggressuros, quam advenerint Legati Principum & civitatum Germaniz. Idem cum urgerent *pag. 322* Legati Gallici, in contrarium disputant *pag. 323 seq.* Cæsarei Legati, contententes, Imperatorem sine concursu Ordinum Imperii hanc pacem facere posse, ac suo quidem jure. *Lampadius* vero, Legatus Brunsvicensis, *pag. 327* asserit Ordinibus Imperii jus sententiam dicendi in hoc pacis negotio, nec ferendi, ut excludantur. *Libro quarta*, qui acta dimidii prope anni 1645 exhibet, variz enarrantur lites, scilicet de ceremoniis ac titulis honorariis, de modo consulendi, de liberatione captivi Electoris Trevirensis, de admittendis ad deliberationes de pace Ordinibus Imperii. Hic *pag. 340* Epistola exhibetur *Axeli Oxenstirna* ad filium, Legatum Suecicum, in qua docet, in conventu hoc a Suecis Legatis urgendam esse restitutionem Germaniz in statum pristinum, primario vero id spectandum, ut Pomerania redigatur in ditionem Suecorum. *Pag. 389 seq.* narratur, quomodo & quibus conditionibus e captivitate dimissus sit Elector Trevirensis. *Pag. 424 seq.* lis exponitur inter Legatos Venetos & Electorales de præcedentia, quam vocant. Ultimo vero hujus libri loco *pag. 430 seq.* jucunda piis lectoribus narratio exstat de concordia inter Cæsareum & Gallicum Legatos firmata per sacram cœnam, qua forte una utebantur. *Libro quinto* tandem aperitur prima scena negotii pacificatorii, & cetera quoque commemorantur, quæ A. 1645 Junio & Julio mensibus acciderunt. Proponuntur itaque hic a Galliz Suecizque Legatis articuli pacificatorii, jusque simul suffragii fortiter vindicatur Ordinibus Imperii. Et quidem *pag. 435 - 442* exhibetur Suecica *Propositio* cum Latine, tum Germanice: & *pag. 443 - 448* *Propositio* Gallica sermone tum Gallico, tum Latino. *Pag. 456 - 472* Legati, Principum suis dominis asserunt jus suffragii: cumque contra tenderet *pag. 472 seq.* Legatus Moguntinus, *pag. 473 seq.* Brandenburgicus Legatus verba facit pro Ordinibus, hosque, quod justum sit, postulare, docet. Quæ Legatus Noribergensis protulit ad jus suffragii civitatibus Imperii fortiter ac luculentissimis

nis argumentis vindicandum, ea pag. 479 - 495 legi possunt. *Libro sexto duobusque sequentibus* Acta continentur trium subsecutorum mensium, Augusti, Septembris & Octobris. Omne vero hoc tempus adhuc transactum est partim concertationibus, partim deliberationibus de modo consultandi, deque Ordinum Imperii jure suffragii hoc tempore exercendo. Libet hinc commemorare, quod pag. 618 - 628 exhibeatur Germanice & Latine Imperatoria responsio ad Suecicam, quam supra diximus, Propositionem pacificatoriam, & pag. 628 - 632 ad Propositionem Gallicam; pag. 633 - 649 legatur Suecicum Instrumentum Pacis, cum Rege Danicæ A. 1645 mense Augusto factæ: id quod eo gratius Lectoribus futurum putat Generosissimus Autor, quod nec in *Bacleri Historia belli Sueco-Danici*, nec in *Schmausii Corpore Juris Gentium*, id reperitur, in *Theatro vero Europæo*, itemque apud *Londorpium & Gasselium*, Germanica tantum ejus versio occurrit, & licet in *Dumontii Corpore Diplomatico* exhibeatur, multis tamen locis differt ab exemplari præsentis; pag. 672 seq. valde urgeant Galli admissionem Legatorum Halliacorum ad pacis negotia, vehementissime renitentibus Legatis Cæsareis; quodque hac æ simili de Magdeburgici Legati admissione lite pæne totus impleatur liber septimus; pag. 740 - 765 exhibeantur Monita Legatorum Ordinum Imperii Protestantium ad Propositiones supra dictas pacificatorias, Suecicam & Gallicam, itemque ad Responsionem Cæsaream utramque: quæ Monita jure *patriotica* stilo nostræ ætatis vocari possunt; denique pag. 765 - 871 legi possit continuatio deliberationum ab Ordinum Protestantium Legatis habitaram de pacis negotio. Verum desinimus hic, & ceteros præclarissimi Operis Tomos, quorum jam *secundum* prelo exiisse accepimus, avide expectamus.

HISTOIRE DE L'EGLISE GALLICANE.

i. e.

HISTORIA ECCLESIAE GALLICÆ, AU-
tore JACOBO LONGUEVAL, e Societate Jesu.

Tomi IV.

Lute:

Lutetiz, apud Franc. Montalantium, 1732, 4.

Alph. 14 pl. 4.

Dedicavit hoc Opus Rev. Autor universo Clero Galliz, cuius jussu & auspiciis tantæ molis opus suscepit elaborandum. In *Præfatione* vero docet, *primum* se esse conditorem Historiz Galliz Ecclesiasticæ. Quod si quis objiciat ipsi *Cointii Annales Ecclesiasticos Francorum*, eum cogitare jubet, *Cointium* non solum, quinque fere prioribus Seculis omisissis, ab eo demum tempore, quo Franci occuparunt Galliam, laborem suum exorsum esse, sed etiam in medio Seculo nono defuisse: cum ipse ab ovo, quod ajunt, rem reperat, hujusque Historiz filum ad hæc nostra usque tempora sit pertexturus. Præfationi subjicit Dissertationem de religione & moribus Gallorum veterum, novem implentem folia. Verum, cum in his *Actis A. 1728 M. Jun. pag. 242 seq.* amplissimam hujus rei Historiam, a Cl. *Martino* compositam, & A. 1727 editam, recensuerimus, non est, quod hic moremur. Ceterum Lectoribus nostris nunc exhibemus quatuor priores hujus Operis Tomos, quorum quisque tribus Libris absolvitur. Horum primus ab initio progreditur ad annum Christi 312; alter ad A. 395; tertius ad A. 434; quartus ad A. 476; quintus ad A. 533; sextus ad A. 561; septimus ad A. 584; octavus ad A. 602; nonus ad A. 647; decimus ad A. 700; undecimus ad A. 751; duodecimus ad A. 790. Singulis vero Tomis singulæ sunt præfixæ Dissertationes affinis argumenti: & primo quidem *pag. 42-46* de tempore illo Dissertatio, quo radices egit Christiana religio inter Gallos. Sentit hic Noster, primo statim Seculo per discipulos Apostolorum adhuc viventium, *Crescentem* ac *Trophimum*, invecctam esse Christianam religionem in Galliam, sed primis duobus Seculis non fuisse late diffusam. Concedit igitur, quæ vulgo tradantur de fundatione plurium Ecclesiarum jam primo Seculo facta, esse perambiguz fidei, meritoque hodie negari, *primum* Gallorum doctorem Christianum fuisse *Dionysium Areopagitam*. *Secundi Tomi* limen ornat Notitia Geographica antiquæ Galliz, *19 paginis* absoluta. *Tertio* præponitur *Differ-*

Dissertatio 21 *paginarum* de religione & moribus Francorum ante conditum regnum, itemque sub duabus prioribus Regum Galliz stirpibus. Quarto denique *Tomo* præmittitur Dissertatio *paginarum* 29 de *judiciis Dei*, quæ vocabant veteres. Accedimus ad ipsum corpus historicum, cujus initium facit Cl. Autor a *S. Potbino*, *Polycarpi* discipulo: quem credit a *Polycarpo* secum ductum fuisse Romam ad Episcopum *Anicetum*, & ab hoc missum in Galliam, datumque primum Episcopum Lugdunensi civitati. In qua cum, *M. Antonio Philosopho* imperante, exarserit Christianorum persecutio, quæ Viennam quoque corripuit, utriusque Ecclesiæ Epistola de hac re, ab *Eusebio* servata, hic recitatur tota. *Irenæi*, qui *Potbino* successit, tempore altera fuit agitata persecutio, quam ita describit Noster, ut copiosius describat *S. Symphoriani* martyrium. Eodem temporis tractu cum Gnoslica hæresis vitariet religionem Gallorum, Noster oppositum his *Irenæi* opus perstudiose recenset, expositisque ejus argumentis, nec novos erroresque sancti viri præterit. Hinc reliquam ipsius vitam persequitur una cum martyrio. Verum non est nostræ brevitatis, ita pergere in Opere hoc historico. Satis igitur erit, docere, Cl. Autorem in primis Seculis maxime sedulum se præbere in historiis exhibendis Martyrum: quæ cum sæpius infirmo innitantur fundamento, facile credimus, lectores ex ipsis Pontificiis criticos non omnia ei assensuros esse. Martyrium e. g. *legionis Thebææ* fabelis nunc adscribitur ab eruditissimo quoque, ac meminimus, singularem hujus argumenti librum a nobis recenseri in his *Actis A. 1706 pag. 308*. Noster tamen *pag. 109 seq.* pluribus exponit hanc narrationem, ne mentionem quidem faciens, quod de ejus veritate a viris quibusdam acumine claris dubitetur. Nec vero nos tam duri sumus, ut exigamus a doctissimo Autore nostro aliam historiam, quam quæ sacro illo ordine, cujus est Sodalis, & illa Ecclesia, cujus sectator est, digna sit. Quare nec mirum esse debet, in ceteris Seculis maximum ejus laborem versari in eo, ut historiam Episcoporum & Abbatum hujus ævi, quorum nominibus ritu suæ Ecclesiæ venerabilem literam *S.* nusquam non præfigit, describat:

bat: ut adeo vere dixeris, in hoc Opere Sanctorum plena esse omnia, satisque hic iis fieri, qui lectitare gessiant, quæ Sanctis illis vulgo tribuuntur, revelationes & miracula. Agit vero & haud mediocri diligentia de Scriptoribus Galliz Ecclesiasticis, singulisque eorum libris, ac, ut exemplum præsto sit, *quarto in Libro de Salviano, Remigio, Eucherio, Arnobio juniori, Sidonio Apollinare, Claudiano Mamerto, Juliano Pomerio, & Fausto Rejensi*, eorumque Operibus, luculenter disferit. Jam, cum generatim indicaverimus totius hujus Operis argumenta, contenti fore videbuntur Lectores nostri paucis & speciminibus & observationibus. *Libro II pag. 178 seq.* enarrantur labores ab Ecclesia Galliz suscepti ad tollendum Schisma *Donatianum*. Hic Rev. Autor, Arelatenfis Concilii ob id coacti mentionem faciens, quantum ejus canonem, in quo, *qui arma projiciunt in pace*, excommunicantur, ita interpretatur, ut paret, Christianos milites, pace jam reddita Ecclesiz per Imperatorem *Constantinum*, non debere detrectare militiam. Nobis vero alienissima videtur, quod pace doctissimi Viri dixerimus, hæc interpretatio: ac duo subsequentes canones, in quibus Ecclesia prohibentur aurigæ circenses & actores comædiarum, admonere satis perspicue videntur, etiam tertio in canone ludicrum aliquod abrogari autoritate Ecclesiastica. Nec vero dubitandum nobis videtur, significari illud ludicrum, quod in *Germania* sua *Tacitus* hisce verbis *Cap. 24* describit: *Nudi juvenes inter gladios se atque infestas frameas salu jacent: addens, audacis hujus lascivie pretium esse voluptatem spectantium*. Nam & a Gallis ludicrum hoc usurpatum fuisse, e *Sidonio Apollinare & Nithardo* docet novissimus illustrator *Taciti*, *Cl. Dittmarus*. Illud addimus, a *Cl. Autore nostro* exhiberi Concilii illius canones universos: qua occasione doxemus, idem ab eo fieri, quoties in Concilii alicujus Gallici mentionem incidit. *Pag. 211 seq.* describit vitam & laudes *Hilarii Pictaviensis*, ac simul summam exhibet Operis ejus de Trinitate: quod cum Arianis potissimum sit oppositum, etiam fata Arianæ hæreseos Gallica exponit. De ceteris quoque *Hilarii* scriptis & factis ac satis ampliore Lectores impertitur notitia

titia usque ad pag. 294. *Vitam Martini Turonensis* pag. 249 seq. persequitur, ducem secutus *Sulpicium Severum*, quem bonæ fidei Historicum esse, pag. 308 contendit, differens quoque de hujus vita scriptisque in libro subsequenti. Historiam *Priscillianismi* fuscè tradit pag. 323 seq. In *tertio Libro* pag. 365 seq. statum describit Monasteriorum Gallix, maxime Lirinensis. Recenset item scripta *Cassiani*, delatus hac occasione ad historiam *Pelagianismi* ac *Semipelagianismi*, radices agentis in Gallia. Præcipua quoque hic tradit de *Hilario Arelatenſi*, quem, licet in doctrina de prædestinatione ab *Augustino* dissenſerit, tamen *Semipelagianos* inter referendum esse negat pag. 493. Meminit etiam pag. 536 seq. *Vincentii Lirinensis*, cujus e *Commonitorio* ea exhibet, quæ favent magnopere hodierno Catholicismo, cujus eruditum defensorem eum vocat pag. 539. Quod quarto in *Libro* pag. 8 de *S. Briceo*, Episcopo Turonensi, refert, dignum utique est, quod memoretur. An etiam dignum sit, cui fides habeatur, alii judicabunt. Episcopi scilicet illius famula cum enixa esset puerum, ex ipso eum suscepisse a credula plebe putabatur: quæ tanto Episcopi sui odio inflammabatur, ut obrutum eum vellet lapidibus. Is vero iussum afferri infantem ita est affatus: *Mando tibi in nomine Christi, ut eloquaris, an sim ego pater tuus.* Infans vix triginta dies natus respondebat: *Non.* Stolidi plebs, miraculum non agnoscens, jubebat Episcopum id quoque ex infante querere, quodnam sit nomen vero patri. Id cum facere renuisset, populus perseveravit credere, Episcopum stupro se polluisse. Quare is alterum edidit miraculum. Gestavit videlicet in veste sua prunas ardentes usque ad *S. Martini* tumultum: quo delatus, conspicuum fecit omnibus, non esse perustam vestem suam. Verum nec hoc miraculo motus populus Turonensis abdicavit eum sacro munere, aliumque elegit Episcopum. Quo facto, Romam se contulit *Bricaur*, ubi post septem demum annos agnita fuit ipsius innocentia a Papa *Sixto III*, ejusdem quondam reo criminis: qui eum ad Turones remisit, a quibus non solum receptus, verum etiam Divorum postea in numerum relatus est. Eodem hoc in li-

bro legas *S. Germani* & *S. Genoveſæ* valde mira miracula. In *Libro quinto pag. 231* delatus Noſter ad unſtionem baptiſmalem *Cblodovai*, obſervat, Criticos celebratiſſimam illam de *ampulla Rhemenſi* fabulam ideo pro cominentitia habere, quod Scriptores illius ævi, qui baptiſmum iſtius Regis commemorarunt, alto miraculum hoc prætereant ſilentio. Noſter, ut & Criticis & traditionis huius patronis gratificetur, poſtquam ex vetere quodam libro retulit, *S. Remigium* aliquando, cum ægrotum hominem eſſet baptizaturus, ac non eſſet in promtu chriſina, miraculoſe produxiſſe oleum, putat, de hoc ipſo oleo poſtmodum unctum fuiſſe *Cblodovaum*. Cum igitur hoc oleum non tum deum, cum Rex baptizandus erat, ſed diu ante crearet *S. Remigius*, hinc factum eſſe, ut id referendum non ducerent Hiſtorici, qui ſcripſerunt de Regis huius baptiſmo. Egregia vero ratio defendendi fabulam & populo placentem & Principibus glorioſam. *Libro ſexto pag. 424* laudatur *S. Papula*, quæ, cum a parentibus vetaretur fieri monialis, facta eſt monachus, hoc eſt, induta veſte virili triginta annos vixit inter monachos, tertioque demum ante mortem ſuam die id aperuit, velleque ſe dixit ſepeliri inter mulieres. Extraordinarium hunc vitæ monaſticæ amorem Deo gratum fuiſſe, ex eo concludit Noſter, quod poſt mortem multa pararit in eos, a quibus invocata fuit, miracula. *Pag. 483 ſeq.* agit de adventu *S. Mauri*, cujus Congregatio nunc tanta verſatur in celebritate, & ſociorum ejus in Gallia. Addit vero, *Vitam S. Mauri*, cui pieraque de eo narratio innitatur, nulla eſſe fide dignam. In *ſeptimo Libro* nihil uberius tractatur, quam hiſtoria Regis *Chilperici*, & *Gregorii*, Epilcopi Turonenſis: quorum in illo plus juſto vituperaffe, in hoc plus juſto laudaſſe, nonnullis videbitur. Sequens quoque *Liber* de hoc *Gregorio* multa habet: in quo & ſcripta ejus recensentur, adjecto judicio. In *Libro octavo* lectu dignum eſt bellum virginale, quod ſexto ſeculo exorſit in Gallia. Scilicet in monaſterio quodam Pictavienſi erant ſanctitati dicatæ duæ regio ſanguine ortæ virgines, altera *Chariberti*, altera *Chilperici* filia, vitæ hoc genus ſubire coactæ repugnante genio. Mortua paulo poſt

post Abbatissā, cum neutra earum id muneris ac honoris adipisceretur, sed quædam genere humilior præficeretur sacro virginum choro, huic, asperius etiam imperanti, parere sunt dignatæ. Imo, in societatem adscitis quadraginta ejusdem cœnobii virginibus, excesserunt, evaserunt, eruperunt; delatæque sunt pedites Calendis Martiis anni 589 in urbem Turonum, ejusque Episcopo *Gregorio* nuntiarunt, se ad Reges ituras, suasque exposituras esse de Abbatissā querelas. Adhortabatur eas ad reditum *Gregorius*, sed nequidquam. Nam altera regaliū virginum, nomine *Chrodielidis*, pergebat in aula Regis *Guntbramni*, avunculi sui: qui statim aliquot Episcopos jubebat id rei examini suo subicere. Interim nonnulla sacrarum sororum, quas in urbe Turonum *Chrodielidis* reliquerat, matrimonium inierant: quod exemplum ne sequerentur plures, ipsa illuc rediit, ceterasque secum reduxit Pictaviū: ubi adsciti custodiæ causa milites multa commiserunt, duce *Chrodielidis* facinora. Quo facto, Metropolitanus reverti in suum monasterium renuentes strenue excommunicavit. Hæ vero & hunc & ceteros Episcopos aggressæ, humi prostraverunt, & pugnis contuderunt maxime virilibus, similique modo clericos ceteros, Episcoporum comites, mulcarunt. Quæ res, tantum pavoris tantumque pudoris incussit Episcopis, ut non solum templo, in quo id accidebat, sed ipsa urbe, sine mora evolarent. Hinc herois illa, *Chrodielidis*, diripiebat bona monasterii, dictitans, si expugnaret monasterium, Abbatissam e fenestra dejectum iri. Ceterum, quantum Episcopi damabant facta hæc, tantum ea excusabant alii. Brevi post *Chrodielidis* milites suos jussit Abbatissam adversariam e monasterio vi extrahere, atque ad se deducere: idque noctu factum est. Episcopus Pictaviensis non unius generis minis permovere eam studebat, ut liberam dimitteret Abbatissam captivam. Hunc cum illa non audiret, dolo quodam libertatem recuperare contigit Abbatissæ. Tum vero acerbum rursus exortum est bellum inter *Chrodielidē* & Abbatissam. Milites utraque ex parte virginibus ducibus faciebant cades. Tandem *Chrodielidis* potita est monasterii. Reges duo, *Cbildebertus* &

Guntbrannus, in id incumbabant, ut bello huic muliebri finem imponerent. Cetera hujus belli (nam longa est fabula, longæ ambages,) prætermittimus, satis habentes, sitim legendi accendisse. Describitur præterea hoc in libro historia *S. Columbani*, eumque claudit narratio de *S. Victore*, uno e Martyribus legionis *Thebaæ*. Sepultus is erat in templo quodam Genevensi. Cum vero locus sepulchri ignotus esset omnibus, Deus *Hicconio* cuidam id loci revelavit. Eo igitur indicante cum locus, in quo Martyr jacebat, esset apertus, facies Martyris tam vivida & rubicunda erat, ut crederes, hominem vivere. Colebat igitur Ecclesia Genevensis Sanctum hunc, & quidem eo impensius, quo plura patrabantur ad ejus sepulchrum miracula. Jubet igitur Rev. Autor hodiernos Genevenses erubescere, quorum quippe sententia a cultu reliquiarum usque adeo est remota. Nono in Libro pertextitur historia de *S. Columbani* factis & revelationibus & miraculis: iteinque de *S. Amandô*, deque *S. Eligio*: quorum historia continetur in libro proximo, ubi & de scriptis *Eligii* fit mentio. Sed nolumus de hisce aliisque Sanctis esse longi, ne tedium creemus iis, qui illibenter legunt narrationes de iis, quos non nisi religio suæ ætatis & sanctos & claros fecit. Undecimus Liber de *S. Bonifacio* continet permulta. Hic etiam pag. 273. Noster ingenue explodit fabulam a plurimis, imo etiam ab aliquot Conciliis, creditam, qua fertur *Carolus Martellus* a Sancto quodam conspectus esse in sedibus infernis, ideo, quod non perperisset tempore necessitatis bellicæ bonis Ecclesiasticis: creditque, propterea Clericis adeo arrisisse hanc fabellam, quod ea valere videbatur ad absterrendos Principes ab invasione bonorum sacrorum. Postremini Libri, qui duodecimus est, maximam partem implent res gestæ *Caroli M.* non tamen universæ. Pars enim earum magna reservatur Libro subsequente.

SANCTORUM VINCENTII LIRINENSIS
& HILARII ARELATENSIS Opera, ad MStos
Codices insignioresque Editiones recognita, ac Notis Ob-
ser-

*servationibusque illustrata a D. JOANNE SALI-
NAS, Neapolitano, Can. Reg. Lat. ac S. Theol. Lectore,
ad Sanctiss. Patrem, CLEMENTEM XII,
Pontif. Max.*

Romæ, typis Jo. Zempel, 1731, 8.

Plag. 13½.

Uterque Patrum, quorum scripta nitidissime recusa, egregiisque Notis criticis exornata, denuntiamus, id habet eximii, ut doctrinæ Christianæ publicæ, qualis ea ineunte ac medio Seculo quinto fuit, testimonia & specimina inde innotescant luculentissima. Qui *Godofredi Arnoldi* hominumque ejusdem generis Historias Ecclesiasticas, & in primis defensiones pro eis susceptas, cum fontibus ejusmodi conferunt, nã illi lupina imaginariis relinquunt fictionibus, ac æra sibi reservant. Ille certe hæretici, qui *Vincentii* ætate & paulo ante eam floruerunt, seu potius caligarunt, eas impotenti ac importuno animo propugnare annisi sunt sententias, quæ & clarissimis divini oraculis, & complexui doctrinarum inde conformato, & consensu confirmatæ, e diametro obstituerunt. Optimo igitur consilio Rev. Autor Scriptores illustres, qui doctrinarum divinarum & vitæ purioris disciplinam commendarunt, denuo editos cum orbe literato communicavit, Pontificique Maximo Romano, *Clementi XII*, inscripsit, quem a studio antiquitatis Ecclesiasticæ, a prudentia hierarchicæ, ceterisque virtutibus summis, collaudat. Formulam Dedicationis excipit *Admonitio* Autoris in *Commonitorium Vincentii*. In qua Autor promittit *Dissertationem Apologeticam*, qua, se Viri sancti honorem tuiturum, pronuntiat. Optima *Vincentii* Editio fuerat ea, quam *Sæp. Baluzius* ad duorum Codicum Bibliothecæ Regiæ fidem Parisiis una cum *Salviano* A. 1669 fecerat publici juris. Hunc ducem secutus est Noster, Notasque tales adjecit, quæ laborem diligentiamque desiderarunt. Capitum distinctio, a *Baluzio* sublata, hic fuit reposita, ut allegationibus majorum examinandis esset locus.

Malle-

Malletus tamen, scriptorem & eruditum & humanum manes *Dallai* ac *Calixti* omisisse intactos. Datum enim esse aliquid effectus, patescit ex verbis: *De doctrina S. Viri*, circa traditiones alibi differemus contra *Joannem Dalleum* ac *Georgium Callixtum*, (lege: *Calixtum*,) *Lutherana familiae hominem*, qui *Helmstedii* periit (lege: *Helmstedii* placide obiit). Hic enim recensuit ediditque *Commonitorium* anno Cbr. 1649. In Dissertatione, a *Calixto* adjecta, multum nervorum deprehenderant *Hottingerus*, *Hugo Grotius*, ac *Isaacus Casaubonus*: primus in *Bibliothecario quadripartito* pag. 27. edit. Tigur. 1664; secundus in *Discussione Apologetici Rivetiani*; tertius in *Epistola ad Cardinalem Perronium*. Eam ob causam Autor proxime Dissertationem *Calixti* sub examen vocabit, & quidem, uti spondet, & nos vehementer optamus, animo ab omnibus praejudiciis immuni, *Vincentius*, ab insula *Lirino*, nunc *S. Honorati*, dictus, *Commonitoria* duo scripsit: prius exstat integrum; posterius intercidit, excepta sola conclusione, quae summam in utroque traditorum complectitur. *Vincentius*, canonein solum ad universa dogmata divina percipienda & defendenda sufficere, docet. *Traditionem* vero canonici Scripturae adjiciendam, existimat, ad notitiam sensus dictorum receptissimi comparandam, in iis duntaxat praecipue questionibus, quibus fundamenta totius catholici dogmatis nitantur. Character verae Catholicae Ecclesiae consiliatur in eo, ut id teneamus, quod ubique, quod semper, quod ab omnibus creditum est. Hoc teneri, si sequamur universitatem, antiquitatem, consensionem. Character falsae Ecclesiae ponitur a *Vincentio* in tribus momentis: 1) si qua se Ecclesiae particula ab universali fidei communione (adde: citra causam legitimam) praeciderit; 2) in novitate sententiarum ac doctrinarum; 3) in dissensione a sententiis majorum. Quod si ea Ecclesia est vera, quae a sententiis, *Vincentio* probatis, haud discrepat; tum omnino Ecclesia Protestantium est vera, siquidem nemo non fatetur, Ecclesiam quinque Seculorum primorum a fundamento fidei haud recessisse. Ac e contrario ea Ecclesia visibilis non erit vere talis, quae a traditione, tum recepta &

Pag. 89.

7.

& catholice approbata, discessit. Hoc præjudicio seu argumento κατ' ἀνθρώπων Georgius Calixtus usus est, ad labem novitatis ab Ecclesia Protestantium propulsandam. Qua occasione inter ipsos Evangelicos cœpit controversia de consensu quinquesecolari, principio fidei secundo. Utrunque ad extrema itum, donec tæderet litigantes temporis minus commode collocati. Dabimus porro nonnulla ex Animadversionibus D. Joannis Salinas, passim adpersis. *Commonitorium a Vincentio* adhibuit pro adversariis, ad sublevandam memoriam conscriptis, licet ea ætate vox ea notaret mandata, Legatis scripto data. Ad vocem *catholicus* notatur proprietas, per quam Ecclesia intelligitur esse diffusa per totum orbem, non in terræ coarctata particulam, vel angulum parvæ regionis. Adduntur stricturæ in dissentientes ab Ecclesia Romana, quibus cognomen *hæreticorum* & *vanitas* attribuitur. Dandum enim erat aliquid imbibitæ opinioni, domicilio, ordini assumpto, autoritati Pontificis summi, cui liber fuit consecratus. Succurrit enim alias canon: *Magis & minus non variant speciem. Optatus Lib. II* de Schism. Donatist. n. 1 *catholicum* exponit non solum per *ubique diffusum*, sed & per *rationabile*. Vocem catholici esse *honorificam, & spem salutis complecti*, largiuntur ii, qui voce externa & vocabulo salutem æternam metiuntur. Ubinam vero erat illud *universale*, cum totus orbis, teste *Hieronymo*, miraretur, sese tam subito factum esse *Arianum*? *Optati* lapsus conceditur circa originem *Donatismi*, Romæ damnati. *Vincentius §. 6. Constantium* ab *Arianis* ad consensionem pertractum esse, refert. *Gregorius Nazianzenus Invektiva I in Julianum*, Imperatorem purgat, aulicos accusat. Alter igitur erravit. Vestes pullæ olim impositæ sunt viduis, virginibus, pœnitentibus. *Constantius* in frontibus Episcoporum ad metalla damnatorum titulum damnationis scribi jussit. *Mediolanensem Ecclesiam* reddidit *Metropolitanam* prædicatio *Ambrosii*, qua sinceram fidem contra *Arianos* defendit. *Cyprianus*, Romanæ Ecclesiæ iudicio Sanctus, lapsus est circa hæreticorum baptismum. Romani scilicet Pontifices largiuntur, ministros hæreticorum sacros re-

Pag. 5.

7.

8.

11.

12.

13.

15.

18.

Pag. 22.

- missionem peccatorum beneficio baptismi posse conferre, nec omne eorum ministerium efficacia carere. Notatur *Joannes Clericus* nomine acerbitatis, in sanctos Ecclesie Patres effusus. *Nestorius* gloriam unice quaesivit in exstirpandis hæreticis, ipse similem in luem dein prolapsus. *Apollinaris*, pater & filius, Laodiceæ a communione semoti, incertum, qua de causa. *Leontius & Dionysius Petavius* falso crediderunt, *Apollinarem* non errasse circa Trinitatem. *Ariani* quandam Christo tribuerunt divinitatem, eamque fuisse instar animæ, 30 seq. docuerunt. *Origenes* cicutam adhibuit genitalibus, exemplo hierophantarum Atheniensium, ad compescendam libidinem; nequaquam sese castrandum dedit. Factum ipse serio, licet fero, damnavit ad *Matth. XIX, 12*. *Amarus erudita antiqui-* 32 seq. *tatis censor Joannes Clericus*, ita enim hic vocatur, *Hierony-* 35 seq. *mo* frustra objecit linguæ Hebraicæ imperitiā. *Philippus*, Imperator, an fuerit Christianus, breviter disquiritur. *Origenes* fuit geminus, solcite distinguendus. *Origenes* allegorista excusatur, quippe qui literalem Scripturæ sensum accurate exposuerit. *Tertullianus*, adactus invidia & contumeliis Clericorum 60. Romanæ Ecclesiæ, qui cum ultra presbyterii gradum adscendere nolebant, ad *Montani* dogma est delapsus. *Clericus* reprehenditur, qui voces *transubstantiationis, consubstantialis* &c. culpaverat. *Novatianus & Tertullianus* docuerunt, 71. peccata, in solum Deum admissa, ab hominibus remitti non posse. *Simon Magus* idem sensit ac nuper *Tuchtfeldius* 74. quidam, videlicet astris angelisque homines naturaliter esse obnoxios & penitus subjectos. De *Juliano, Pelagii* 75. sectatore, afferuntur paucula. Defenditur *Cyrillus* 87. contra *Clericum*. Hic enim *Nestorio* presserat pollicem, & *Cyrillum* pronuntiarat judicem in Synodo Ephesina iniquum. Si *Cl. Saligii* Apologiam *Nestorii* vidisset Autor, ei certe non pepercisset. *Vincentius Nestorium* vocat *impium* & *catholica vetustati contrarium*, *Cyrillum* vero *sacro sanctæ antiquitati consentaneum*. Ipse interfuit rebus multis, tum 94 seq. nomine eo gestis ac scriptis. De proxima editione Operum *Theophili Alexandrini* solitum esse *D. Franciscum Paccam*,

ex Autore discimus, qui eruditos rogat, ut ad optimum Virum, Romæ commorantem, ipsi mittant, si quid ex Opusculis *Theophili* in angulis forulisque Bibliothecarum adinvenerint. Opusculis *Hilarii* Arelatensis præmittuntur testimonia veterum, & admonitio Autoris de libris fabulosis, quibus *Vita Honorati* continetur. *Vita S. Honorati, Episcopi Arelatensis*, genuinum *Hilarii*, Episcopi Arelatensis, est factus. *Honoratus* patre Romano natus fuit in Galliis. Arelatensem reddidit eum *Baronius*. At ei sententiæ *D. Salinas* opponit fœmiffimas rationes. De *Eucherio* consulatur nota pag. 154 seq. Epistola *Hilarii* ad eum subnequitur pag. 179 seq. Variantium lectionum insignis apparatus contextui *Hilario* apparet appositus. Sequitur *Admonitio in Opuscula, quæ S. Hilario adscribuntur*. Promittit Autor S. Rev. *Dissertationem Apologeticam*, in qua in doctrinam *Hilarii* sit inquisiturus, ac *Carmen de Providentia*, quod *Hilarii* esse negat, editurus. Hic simul eduntur 1) *Heroicum Carmen de septem fratribus Machabæis*, ab Antiocho interfectis: 2) *Metrum in Genesin, Leoni Papæ nuncupatum*: 3) *Narratio miraculi de S. Genesio*. Probabiliter hæc sunt *Hilarii* Opera, certe primum. De *Genesio* quinque subtexuntur paucula. Apprecamur S. Rev. Autori vires, promissis pares, & vegetas. De cetero non possumus, quin hic repetamus, ex *Petri Saxii Pontificio Arelatensi*, quod B. Jo. Burch. Menckenius Tom. I *Script. rer. Germ. & Saxon.* edidit, addisci posse non pauca de *S. Honorato* ex pag. 139 seq. & de *Hilario* ex paginis 141—155.

Pag. 129.

139.

181 seq.

189

207.

VETUS LATIUM PROFANUM. TOMUS
quintus, in quo agitur de Lanuvinis & Ardeatibus.
Autore JOSEPHO ROCCO VULPIO,
Soc. Jes. Sacerd.

Patavii, typis Josephi Comini, 1732, 4.

Alph. 1½, Tabb. æn. 16.

Italiā inſtar fontis perennis non niſi elegantiam & doctri-
nam in hunc uſque diem ſecuturire, vel continuatum hoc
Opus, ſi id aliunde non ſatis conſtaret, luculentiffime demon-
ſtraret. Tomus hic Eminentiff. Principi, *Joſepbo Renato Im-*
periali, Cardinali, inſcriptus apparet, ſuaſu *Petri Marcellini*
Corradini, æque Cardinalis, qui primus laborem hunc Autori
fulcipiendum perſuaſerat. Cynthianum ſcilicet, delicæ pur-
purati Conſiliarii *Imperialis*, eſt pars agri olim Lanuvini. De
veteri Latio Librum ſeptimum & octavum hic tandem accipi-
mus mente gratiffima. Autor rudera & reliquias veterum lo-
corum ipſe oculis ſuis penſiculate introſpexit, & eas figuris, æ-
ri quam accuratiſſime inciſis, repræſentavit. Permulti lapides
Lanuvini ſenatus populique, & rudera ac monumenta templi
Junonis Soſpitiæ Lanuvinæ hic oculis ſubjiciuntur una cum
ſuis inſcriptionibus nummiſque. Lanuvium exſiſcit juxta viam
Appiam, poſt Ariciam euntibus Roma Capuam, ubi nunc oppi-
dulum civitas *Lavinia*, ſeu *della Vigna*, ſive *Indovina*, jacet.
Pag. 9. Conf. *Horatius Lib. III Od. 27*, ubi *parrā* eſt avicula, Italis
dicta *parruzola*, & *ravus* eſt *ſubfulvus*. Villola *ſub Lanuvio*
nunc dicitur *dā San Gennaro*, forum olim rerum venalium.
10. *Cicero ad Atticum Lib. XIV Ep. 5* & tabulæ veteres Itinerariæ
locum hunc habent, alias incognitum. Origo Lanuvii incer-
17. ta. Urbs fuit nominis Latini. Anno, qui *M. Manlii* mortem
ſecutus eſt, Lanuvini, antea Romanis fideliffimi, cum Latinis
defecerunt, a *Menio* fuſi, pauloque poſt Romana civitate do-
nati ſunt, & municipes dicti. In rebus belli Punici ſecundi
anguliſ egregia fuit eorum virtus. Apud *Silium Lib. XIII*
19. legendum eſt: *Lanuvio generate* — — *Milo*. Códices typiſ
deſcripti habent *Lavinio* plerique, quos lex metri reſellit. Co-
21. lonia dein Lanuvium ducta. Tempus huc uſque latet. *Ma-*
rius muros evertit. *C. Caſar*, Dictator, muros & juſ coloniz
reddidit. Auxit *Auguſtus*, partemque virginibus veſtaliſus at-
tribuit. *Hadrianus* denuo acceſſionem adjunxit. Curator
29. ei, Romæ autoritate pollens, additus. Exſiſcit ibi templum
Jovis Soſpitoris & Jugi, Martis Paciferi & Victoris, Apol-
linis, Mercurii, Veſtæ, Vertumni & Cereris frugiferæ, Robi-
gi,

gi, qui rubiginem a frugibus avertere credebatur, præcipue Junonis Sospitz, cui Caput quartum inscriptum. *Ælianus Lib. XI Cap. 16 de Animalibus* tribuit Lavinio templum Junonis Argolidis per errorem; nam id Noster Lanuvio vindicat. Juno Lanuvina, pelle caprina caput protegi solita, *Magna Regina* fuit dicta. De reliquis Junonis cognominibus & cultu hic attextuntur haud proletaria. Ilithyiam, quæ est vel ipsa Juno Lucina, vel ejus pedissequa & ministra, ex *Ἰλίων, placo*, dictam fuisse, Auctori non facile largientur, qui *Seldeni* Librum de Diis Syris legerunt. *Redemptores operum publicarum* appellabantur ii, qui ærario publico summam aliquam pecuniæ pendebant. Amphitheatrum Lanuvinum, olim celebratissimum, ostentat adhuc sui rudera. De campo Solonio, Lanuvinis vicino, Auctor solide disserit. Dein ad familias Lanuvinas, Romæ illustres, commemorandas descendit, Cornificiam, aliasque. In nummo, quem *Tab. XI Fig. 1 seq.* Auctor profert, *Q. Cornificius* Augur & Imperator, Proconsul Africæ veteris, occurrit. In antica cornutum Jovis Ammonis caput Africam designat; in postica occurrit Junonis Sospitz Lanuvinx effigies, caput pelle & cornibus caprinis protectæ, calceis repandis de more, sinistra scutum gerentis, cui insigne fulmen quadrifidum, dextra coronam ex frondibus imponentis Auguri. Eadem Junonis Lanuvinx effigies in pluribus præterea nummis conspicitur. Ipsi enim Junoni, Augure præsentem, capra ad aram immolari consueverat. Junonem, opinamur, in terris reginam olim, pelle caprina fuisse amictam. Unde ritus gellaminis in numinis. Pergimus ad Librum nonum, Ardeatibus inscriptum, Lanuvio vicinis. Ardea olim Rutulorum urbs princeps. *Rumulo* occiso, oppidum a Latinis captum. *Cybele*, magna mater Deum, ibi peculiari templo & sacerdotio culta, de qua hic copiose exponitur. Effigies ejus *lapis*, quem ex Pessinunte, Phrygum oppido, Romani in urbem suam arcessiverant ingenti cum pompa, copiosa hic perfunditur expositione. De Tauroboliis & Crioboliis, adhuc sub Imperatoribus *Valente & Valentiniano* durantibus, de villis prædiisque Ardeatinis, de fonte Juturna & Juturnalibus, de amne Numicio, de via Ardeatina a

Pag. 37.

44.

85.

87.

96 seq.

101.

151.

208.

211 seq.

237.

Capena Romæ porta procurrente, quæ *Horatio* dicitur *viz Numici*, de monumentis Martyrum ad Ardeam olim expressis, aliisque memoratu dignis, Rev. Autor producit non contemnenda, ac tandem Indice accurato Tomum hunc, Deo dante, claudit, spem ingerens de *Latia sacro* a sese proxime edendo, quod Opus merito avemus a manu tam docta videre elaboratum. Prædicamus nitorem chartæ & impressarum formarum, doctrinam incomparabilem, stilum planum purumque ac elegantem, methodum nativam, & industriam undique elucentem. Quæ singula ita comparata sunt, ut jure suo Lectoribus moveant salivam, desideriumque, Opus ipsum attente lectitandi, accendant.

THE ANATOMY OF THE HUMANE BONES.

h. e.

ANATOMIA OSSIUM HUMANORUM;
Autore ALEXANDRO MONRO, Professore
Anatomie in Academia Edimburgensi, & Regiæ
Societ. Socio.

Pars I & II.

Edimburgi, typis T. & W. Ruddimans, 1732, 8.

Alph. 1.

Autorem hujus Opusculi se profitetur *Alexander Monro*, in Academia Edimburgensi Professor, & Regiæ Societatis Socius, in annexa & paulo post subsecutura de nervis & reciproco cordis motu Tractatione, qui, ut Anatomiz *Cbeseldenianæ* in hac materia incassum expectatz defectum suppleret, de structura ossium sermonem ad discipulos instituit, locupletem rebus ad mentem neotericorum compositis. Si quæ jam cognita sunt, fusius hoc in loco recensere nolumus. Periosteum a dura matre originem trahere, longa satis via asserit quoad alterum membranaceum stratum, cum alterum a muscularibus fibris derivandum sit. Color os-

sium

sum in adultis ad albedinem accedens, in junioribus ob vasorum sanguiferorum pelluciditatem cæruleo propior est. Nervi, qui per universam ossium compagem hinc inde distribuuntur, sensu eadem carere, negant, cuius rei fidem facit excresecientia carnosæ materiæ ex ossibus maxime sensilis post trepanationem vel exfoliationem. Equidem epiphyses ossium sese mutuo attingentium in libertate motus versari debent, interim affectus præternaturalis anchylosis seu ossium articulorum vera concretio rara non est, cum cartilagine, quibus articulationes consciuntur, in osseam naturam degenerare haud raro soleant, prout in larynge adultorum haud obscure apparet. Quod articulationem ossium attinet, parum differt Autor in enarthroeseon, diarthroeseon aut amphiarthroeseon, ut Cl. Winslow termino utamur, declaratione. Singularis tamen industria specimen edit in triplici ginglymi, quo ossa & suscipiunt & suscipiuntur, divisione, cuius primam speciem appellat trochoidem, quando ossa, ut radius circa axin, vertuntur, prout in occipitis cum secunda colli vertebra articulatione apparet; alteram Baker's proximum barbaro & hermaphroditico termino, reclus enarthroedicum, quando communi ligamento & eminentes & depressæ articulationis apophyses continentur, cum pleniori motus libertate, quam alioquin in ginglymis esse solet, prout in articulatione ulnæ & radii aut femoris & tibie ossium; tertie ginglymi speciei nomen tribuit *longi*, quando diversa genere ossa, prout occipitis cum prima colli vertebra, inter se mutua susceptione articulantur. Specialem sceleti tractationem aggressus, de cranii figura cum Vesalio sic opinatur, posse ex ejus rotunditate, quod Turca, latitudine, quod Germani, oblonga temporum configuratione, quod Batavi vel Angli cujusdam fuerit, facile agnosci; quo in loco addendum videtur, obstetricum manui, qua ossa infantis post partum in debitum situm componi solent, quod figuram capitis attinet, aliquid largiendum esse. Quæ ex Vesalio adducuntur de fontanellæ infantilis olim in adulto ossescentis regione peculiari futura cincta, verissima sunt, & similibus cranii duobus, quæ in eruditorum nostrorum osteothecis superbiunt, clara; ad ossa ta-

men *Wormiana* referendam esse hanc, si quando existat, partem; dubitamus. Reliqua ad historiam ossium capitis spectantia singulari industria & fide pertractata sunt, ut nihil desiderari possit ex illis omnibus, quæ ab accuratissimis ossium Commentatoribus, *Winslowio* & *Albino*, adducta fuerunt. In reliquorum ossium pertractatione curiosas hinc inde quæstiones immiscet. Præter enim quod vertebrae distinguat in veras & spurias, in ea versatur opinione, ac si statura corporis humani omni mane lecto surgentibus procerior esset, quam interdiu, siquidem cartilaginee vertebrae interjacentes pondere corporis premantur & subsideant, quiescente vero corpore, virtute elastica exsurgant, sicque corporis volumen auctius reddant. Occasione foraminum in processibus transversalibus vertebrarum colli, quando sermonem instituit de arteria cervicali hæc foramina pertransiente, videntur quædam moneri debuisse de vena cervicali, de qua curiosum est, eam in duos ramos sic dividit, ut altera simul cum cervicali arteria per prædicta foramina feratur, altera extra hunc canalem eat, siquidem etiam in diversis locis, scilicet foramine magno & peculiari quodam ossi occipitis insculpto foramine, quod tamen in omnibus subiectis conspicuum non est, terminentur. Vertebrarum spuriarum nomine comprehendit os sacrum & coccygis, quod vertebrarum quidam similitudine gaudeant, usu autem diversa omnino sint ossa. Reliqua totius osteologiæ momenta, insigni labore pertractata, de felici Autoris ingenio insigne testimonium edunt. Digna sane sunt, quæ integra hoc in loco recensentur, discriminis, quod ossibus maris & femine intercedit, signa. Ad tria momenta hujus differentie necessitatem reducit: 1) constitutionis, laxioris & tenerioris partium in femina; 2) vite sedentariæ, qua partes in incremento tantisper impediuntur; 3) ad solum ferendum singularis mechanismi. Addit Autor, futuram longitudinalem in femine frequentius, quam in maribus, ad nasi usque radicem continuari, claviculam feminarum minus incurvatam esse. Sterni cartilaginee longiores sunt, quo tempore gestationis diaphragma ampliari & contenta abdominis sursum cedere possint. Cartilago Xi-

phoidea

ptioidea ipsis frequentius bifurcata est, cartilagine costarum superiorum plerumque ossescunt. Os sacrum magis ad exteriora inflexum est, os coccygis ipsis mobilius est, ossa ilii extrorsum magis inflectuntur, cartilago ossa pubis connectens laxior est, tubera ossium ischii latiora sunt, adeoque, cum pelvis capacitate insignior sit, necessarium est, ossa femoris scædinarum plus a se invicem distare, quam in masculino genere observari vulgo solet.

AN ANATOMICAL TREATISE OF THE NERVES &c.

i. c.

TRACTATUS ANATOMICUS DE NERVIS:

Recensio motuum reciprocorum cordis, & Descriptio sacci ductusque lactei humani; Autore ALEXANDRO

MONRO, in Academia Edimburgensi Anatomie

Professore, & Regiæ Societatis

Socio.

Edimburgi, typis T. & W. Ruddimans, 1732, 8.

Plag. 2.

Calci præcedentis Opusculi adjectæ sunt variz de nervis, reciproco cordis motu, receptaculo chyli, ductuque thoracico, Observationes, quas Autor partim ob materiz affinitatem, partim ne publicam spem longa expectatione detineret, eodem cum ossium historia Volumine tradit. Nervi parvulis segregatisque fibris, vel a cerebro & cerebello, vel a medulla spinali proficiscuntur, quæ primum a pia matre, inde a dura meninge, integumentum accipiunt, quod quidem utrumque innumeris vasibus sanguineis *Ruyfshiana* arte impleri potest, fibrillæ autem oculo etiam quam maxime armato conspectæ nullius osculi vestigia exhibent. Interim, quamvis fibrillarum nervearum capacitates ad sensum nullæ pateant, argumentis tamen *Bellini, Bohrij, Piscarnii* evictus, vasculorum fasciculos esse nervos, consentit, quibus conveniens angustiz viarum li-

quidum vehatur. Inde, quamvis, in quo consistat ganglii usus, nondum definitum sit, nec facile definiendum, interim tamen tot corda aut novi cujusdam motus principia in syllemate nervorum, quod ganglia, nisi reservatoria fluidi nervorum appellere malis, esse suspicatur, suam hoc in negotio incertitudinem lubens professus. Nervorum ex cerebro & medulla spinali egressum, recepta inter recentiores Anatomicos methodo, declarat. In vexato autem illo loco, ubi de ortu chordæ tympani agi solet, utrum re vera a tertio ramo gustatorii maxillari inferiori reflectatur, nihil declarat. De nervo intercostali sic sentit, non reputandum esse, ac si portio, quæ eidem a pari vago accedit, potius ab intercostali ascendat, quandoquidem *Pettus* in experimentis suis non declaraverit, utrum, ab cistâ hanc portione, oculus paralyticus factus fuerit; capite egressus intercostalis, acceptis ab octavo, nono, decimo, iidemque primo & secundo cervicali, ramis, omnium plexuum maximum format, novo paulo ante ingressum in thoracem ganglio formato, trachæ & cordi nervum largitur, qui cardiacus nervus auctior ramo octavi paris factus, inter duas aortas & auriculas ad cordis musculum tendit. Inde ad duodam vertebrarum thoracis, acceptis accessoriis inter singulas vertebrae, descendit. Eo in loco, ubi quintus dorsalis nervus accedit, ramus intercostalis oblique progressus, junctus quibusdam aliis a sexto, septimo, octavo, & nono pari, truncum efficit, qui diaphragma subit, hinc plexu novo circa celiacam arteriam facto, & octavi paris furculo adauctus, partibus in abdomine sitis prospicit. Posterior truncus ad pelvim descendit. Quæ omnia ex iis, quæ *Cek Waltherus* noster de eodem nervo in *Winslovii* descriptionem commentatus est, (vide *Acta nostra* 4. 1733 M. Jun. p. 263 seq.) judicari poterunt. Motum reciproci cordis & vasorum ex vibratione nervulorum, qui eidem ac intercostali accedunt, ad mentem *Keilii* declarat, sacci vero ductusque thoracici historiam brevissimam, prout in recentiorum scholis jam demonstrari solet, dextre & ingeniose admodum subnectit.

METHODUS DIFFERENTIALIS, SIVE

*Tractatus de Summatione & Interpolatione serierum
infinitarum.* Autore JACOBO STIRLING,

R. S. S.

Londini, 1730, 4 maj.

Alph. r. pl. 15.

Tardius quidem Tractatus hic ad nos perlatuſ eſt, ut locum
in *Actis* noſtris vix inventurus eſſe videatur; niſi digai-
tas ejus illum jure quodam iudubio expoſceret. Qui metho-
di fluxionum inventionem noſtris temporibus æterno decori
eſſe haud temere arbitrantur, illam non perſpecta ſerierum in-
finitarum natura ac indole vix intelligi poſſe, imo alteram al-
teri egregiam nunquam non opem ferre, experiuntur. Sed,
cum inventa Mathematicorum de natura, ſummis, aliſve ſe-
rierum qualitatibus, vel in Diariis eruditorum, vel in Com-
mentariis Philoſophorum Anglicanorum ac Pariſienſium, ma-
ximam partem diſperſa ſint, non ſine tædio a ſtudioſis harum
rerum conquirenda, egregio hoc Compendio Doctiſſ. Autor,
cujus in ſublিমioriſ Mathefeos partes merita jam ex aliis ſpe-
ciminibus ſatis nota ſunt, non aliorum modo inventa comple-
cti, ac ex propriis principiis deducere inſtituit, ſed ipſum etiam
arduum hoc argumentum mirum quantum promovit. Ut
vero uſui eruditorum Opus hoc magis accommodatum eſſet,
non, quod ex titulo ſorſan nonnulli conjicerent, quænam ſe-
ries ſint ſummabiles, inquiſivit, ſed quibus artibus æſequamur
earum inprimis valores; quæ ſummarı nequeunt, eo quidem
conſilio, ut Problemata, quæ dependent ex quadraturis, eo-
dem jure pro ſolutis haberi poſſint, quo ea, quæ reducuntur
ad æquationes affectas. Idem conſilium jam olim mente vol-
viſſe Jac. Gregorium, Appendix ad veram ipſius circuli & hy-
perbolæ quadraturam teſtatur, atque ipſum magnum Newto-
num hac de re olim meditatũ eſſe, ex literis ejus nonnullis
ad Oldenburgiam, in Commercio epıſtolico Colliniſ impreſſis,

Eruditiss. Autor, suum cuique Virorum doctorum tribuens, suspicatur. Longe quidem generalius fundamentum subministravit Ill. *Newtonus*, methodo sua, ut vocat, differentiali, ubi curvam parabolicam per extremitates quotlibet ordinarum, five terminorum, describere docuit, eaque ratione valorem cuiusvis intermedii per seriem infinitam assignavit. Sed expertis calculum constat, hac methodo ad veritatem non accedi, si terminus ille longius ab initio distet. Ut itaque terminos serierum remotissimos obtineret Doctiss. *Stirlingius*, figuram hyperbolicam per extremitates terminorum descripsit, ubi ex voto res successit, prodeunte valore non solum termini quantumvis distantis per seriem convergentem, sed, qui casus facilissimus est Problematis generaliter soluti, termini infinito intervallo a principio distantis, quod summationi serierum æquipollet. Sed, cum valor termini per Parabolam aut Hyperbolam inventus, non approximet, nisi differentia, secundum *Newtoni* præscripta sumta, constituent progressionem celeriter satis decrescentem, alia sunt innumera serierum genera, quæ hac methodo tractare non licet. Hisce igitur probe perspectis, Doctiss. Autor se contulit ad contemplandam relationem terminorum, proprietatem serierum maxime insignem, & simplicem, inprimis cum Cel. *Moisraum* hanc considerationem viro cum successu in Algebram introduxisse, eoque fundamento difficillima circa series recurrentes Problemata solvisse, videret. *Tribus Partibus* doctissimum hoc Opus absolvitur, *Introductione*, qua summatorii calculi sui generalis præcognita Autor tradit, *Parte prima*, qua de summatione serierum agit, & *Parte secunda*, qua methodum series interpolandi, ab aliis inchoatam, excolit magis ac ulterius promovet. Auspicatur Opus explicando affinitatem, quæ inter calculum serierum intercedit, atque Algebram vulgarem, ubi ex relatione inter abscissas & ordinatas curvæ determinantur. Ita series quoque non ex datis quotlibet terminis, sed ex relatione inter terminos successivos, definiuntur, cum quantitates quotcunque, numero tamen finitæ, terminos in diversis seriebus constituere possint, non autem nisi unica series, in qua

iideam

iidem sunt termini, eademque lex formandi reliquos in infinitum. Inventa igitur terminorum relatione, hæc algebraica æquatione eodem modo exprimitur, quo *Cartesius* curvas algebraicis æquationibus definit. Adeoque æquatio seriem definiens ea est, quæ generaliter exprimit terminorum relationem, ex datis ipsorum distantis ab initio. Concipiuntur enim termini consistere super rectam positione datam, tanquam totidem ordinatæ, quarum distantia communis est unitas.

Quemvis horum terminorum in genere Auctor litera T designat, atque reliquos ordine succedentes eadem litera, notata in apice numeris Romanis, ita, ut, si T fuerit decimus terminus ab initio T^I designet undecimum, T^{IV} decimum quartum, &c. Generaliter quoque distantiam termini cujuslibet ab initio exprimit litera z , ita, ut, si distantia hæc termini T ab initio fuerit z , distantia respectivæ succedentium T^I , T^{II} , T^{III} , &c. sint $z+1$, $z+2$, $z+3$, &c. Si fuerit verbi gratia series $1, \frac{1}{2}x, \frac{1}{8}x^2, \frac{1}{27}x^3$ &c. ubi relationes terminorum sunt: $B=\frac{1}{2}Ax, C=\frac{1}{4}Bx, D=\frac{1}{8}Cx$ &c.; relatio terminorum in genere definitur æquatione $T^I = \frac{z+\frac{1}{2}}{z+1}Tx$. Scribendo e-

nim $0, 1, 2, 3, 4$, &c. successive pro z prodeunt relationes terminorum in serie proposita. Si vero z denotet distantiam ipsius T a secundo seriei termino, æquatio erit $T^I = \frac{z+\frac{3}{2}}{z+2}Tx$,

ut constet scribendo successive pro z numeros $-1, 0, 1, 2, 3, 4$, &c. Sin indeterminata z denotet locum termini T in serie, ejus valores successivi erunt; $1, 2, 3, 4$, &c. & æquatio $T^I = \frac{z-\frac{1}{2}}{z}Tx$.

Unde satis apparet, innumeras esse æquationes differentiales, quibus eadem series definitur, prout in hoc vel illo axis puncto initium abscissæ z sumitur; & contra adhibendo diversos valores successivos pro z , eandem æquationem innumeras series diversas exprimere. Cum vero analytæ sit, valores quantitatum in numeris exhibere, quas æquationes differentiales representant, uberius Doctiss. Auctor edocet, quæ forma pro-

positis seriebus tribuenda sit, ut radices æquationum, quæ illas exprimunt, commode erui possint. Non igitur præceptis modo, sed exemplis quoque, demonstrat, quomodo radices æquationum differentialium commodissime in alterutram formam serierum sequentium resolvantur.

$$A + Bz + Cz. \overline{z-1} + Dz. \overline{z-1}. \overline{z-2} + \&c. \text{ aut}$$

$$A + \frac{B}{z} + \frac{C}{z. z+1} + \frac{D}{z. z+1. z+2} + \&c.$$

Priori forma uti suadet; si z quantitas valde parva sit, posteriori, si magna valde fuerit, & quomodo aliz series ad alterutram harum formarum commode revocentur, si variis operationibus illas forte mutari contingat, copiosius explicat, Compendia etiam egregia quædam suppeditans, ne prolixior calculus subinde non sine tædio repetendus sit. Hisce præmissis, *Parte prima* suam summam series methodum uberius exponit, eo inprimis fine, ut calculus quadraturæ curvarum aliorumque Problematum difficiliorum contrahatur. Cum enim per meram terminorum additionem alii series ejusmodi tractare insisterint, ex voto quidem negotium hoc succedit in seriebus cito convergentibus, sed immensum laborem via hæc requirit, si lente convergant, siquidem exploratum sit, supra 1000 terminos quandoque requiri, ut summa ad duas tresve figuras iusta inveniatur. Doctiss. itaque Autor, ut molestiæ calculi consuleret, singularibus quibusdam propositionibus docere suscepit, qua ratione series lentissime convergentes in alias celerime convergentes apposite transmutari possint. Ut specimen methodi ipsius Lectori exhibeamus, ea, quæ hactenus enarravimus, una alterave ipsius propositionum illustrare par est. Prima statim propositione demonstrat, si termini alicujus seriei formentur, scribendo successive numeros 1, 2, 3, 4, &c. pro z in quantitate $A + Bz + Cz. \overline{z-1} + Dz. \overline{z-1}. \overline{z-2} + \&c.$ summam terminorum ab initio, quorum numerus est z , fore $Az + z+1 (\frac{1}{2} Bz + \frac{1}{2} Cz. \overline{z-1} + \frac{1}{4} Dz. \overline{z-1}. \overline{z-2} + \&c.)$. Fin-
gamus

gamus enim summam $S = Az + \overline{z+1} \cdot (\frac{1}{2}Bz + \frac{1}{3}Cz \cdot \overline{z-1} + \frac{1}{4}Dz \cdot \overline{z-1} \cdot \overline{z-2} \&c.)$ five $S = Az + \frac{1}{2}B \cdot \overline{z+1} \cdot z + \frac{1}{3}C \cdot \overline{z+1} \cdot z \cdot \overline{z-1} + \&c.$ scribantur valores variabilium succedentes pro præsensibus, hoc est, $S-T$, pro S , & $z-1$, pro z , atque obtinebitur: $S-T = A \cdot \overline{z-1} + \frac{1}{2}Bz \cdot \overline{z-1} + \frac{1}{3}Cz \cdot \overline{z-1} \cdot \overline{z-2} + \&c.$ subducta hac æquatione de priori, remanet $T = A + Bz + Cz \cdot \overline{z-1} + Dz \cdot \overline{z-1} \cdot \overline{z-2} + \&c.$ Si igitur contra detur hic valor termini, ut in propositione, summa erit ea, quæ definita fuit, ipsaque hæc summa evadit nihil, quando z est nihil, unde constat propositum: Monendus enim est Lector, summationem serierum, secundum acutissimi Autoris methodum, reduci ad inventionem ordinarum ex datis earundem differentiis, quare ultima summa nihilo æqualis esse debet, ut veræ sint summæ investigatæ, nec, ut subinde in curvarum quadratura fieri affolet, nova correctione indigeant. Ut facili exemplo illustremus allatam modo propositionem, detur series numerorum naturalium $1, 2, 3, \&c.$ qui formantur scribendo $1, 2, 3, 4, 5, \&c.$ pro z in ipsa quantitate z , quam cum termino in theoremate comparantes, inveniemus $A=0, B=1, C=0=D=E \&c.$ quibus valoribus substitutis, prodit summa $z+1 \cdot \frac{1}{2}z = \frac{z^2+z}{2}$ pro aggregato tot terminorum seriei propositæ, quot sunt unitates in z , ut, si sit $z=6$, erit $\frac{36+6}{2} = 21$ pro summa primorum sex terminorum. Hujus theorematæ auxilio series inprimis summantur, quarum termini sunt numeri integri; qua vero ratione summæ, quarum termini sunt numeri fracti, inveniantur, sequenti propositione Autor edocet, quam ad longe majorem generalitatem evehit tertia propositione, qua demonstrat, si termini cujusvis seriei formentur, scribendo numeros quolibet unitate differentes pro z in quantitate

$$\text{tate } x^{z+n} \times \frac{a}{z} + \frac{b}{z \cdot z+1} + \frac{c}{z \cdot z+1 \cdot z+2} + \&c. \text{ summam fore}$$

$$x^{z+n} \times \frac{a}{1-x \cdot z} + \frac{b-Ax}{1-x \cdot z \cdot z+1} + \frac{c-2Bx}{1-x \cdot z \cdot z+1 \cdot z+2} + \&c. \text{ ubi}$$

quantitates $A, B, C \&c.$ denotant coefficientes terminorum præcedentes eos, in quibus reperiuntur, ita, ut sit $A = \frac{a}{1-x}, B = \frac{b-Ax}{1-x}$

& sic porro. Rerum inter Mathematicos gestarum non ignavis satis apparet, qua ratione sagacissimus Autor hoc theoremate illa omnia quasi in nuce complectatur, quæ *D. Taylor* in sua methodo incrementorum primus de ejusmodi summis tradidit, quæque *D. Nicole* in Commentariis Academiæ Parisiensis ulterius deinde promovit, atque clarius explicavit. Usus theorematism ostendit, summam diversarum serierum, quarum termini constant fractionibus, quæ pro numeratoribus unitatem, pro denominatoribus quadrata numerorum naturalium, cubos imparium, aliave ratione affectos numeros habent. Docet, quam expedite theorematism hujus auxilio summa seriei, quam Vice-Comes *Brounckerus* pro quadratura hyperbolæ dedit, colligatur, & quomodo circuli circumferentia minimo labore ad figuras quamplurimas produci possit per seriem utcumque lente convergentem, quod *Leibnitzius* olim vehementer desiderabat. Hisce præmissis, de seriebus, quarum termini sunt assignabiles, ad illud serierum genus pergit, quod per relationem terminorum duntaxat determinatur, ubi certis regulis, quas selectis illustrat exemplis, docet, quomodo data inter summas successivas relatione, ea quæ est inter terminos inveniatur, imo qua ratione series quotvis summabiles investigentur. Oblata hac occasione, Doctiss. Autor difficultati, cujus jam supra mentionem injecimus, medelam asferre molitur, si, quod sæpe accidit, inventæ ipsius methodo serierum summæ non exactæ, sed data quantitate, vel augendæ, vel minuendæ sint. Cum enim sum-

ma-

matio ferierum in methodo differentiali respondeat quadraturæ curvarum in methodo fluxionum, mirum non est, in utraque consimiles difficultates occurrere, atque inventas summas æque ac curvarum areas aliqua quantitate vel augendas, vel minuendas esse. Si talis sit æquatio ad summas, qualis efficit, earum ultimam esse quantitatem magnitudinis finitæ, vel infinite magnæ, semper opus est correctione. Quapropter singulari propositione Doctiss. Autor monstrare instituit, qua ratione assumenda sit æquatio, quæ semper efficiat, ultimam quantitatem esse nihil, ut summa inventa vera, nec aliqua quantitate vel augenda, vel minuenda sit. Sed, cum prolixiores calculos exhibere instituti nostri ratio haud patiatur, ingeniosam hanc Autoris methodum cum Lectore communicare nobis jam non licet. Id quoque causæ est, cur nihil reliquorum theorematum adjiciamus; cum persuasum nobis sit, commodo Lectoris non adeo consultum ici, si nuda propositionum recensione, nulla addita earundem vel demonstratione, vel illustratione per exempla, ipsum pascere susciperemus. Nova atque elegantia sunt theoremata, quibus Autor ostendit, quomodo, data relatione inter duas summas in diversis seriebus, & æquatione ad terminos in alterutra, æquatio ad terminos in altera, eruat; quomodo in compositis valde seriebus valor seriei vel approximando inveniri, vel ipsa series in aliam formam commodiorem transmutari possit. Ultima denique propositione fluxionum methodum egregie illustrat ac promovet, docendo, qua ratione æquatio, sive algebraica, sive fluxionalis sit, inveniri queat, cujus radix sit series quæcumque data, quæ definitur æquatione, in qua termini seriei sunt unius tantum dimensionis. Ita enim ex coefficientium relatione series reducuntur, vel ad fractiones, vel ad fluxiones, absque majori in ullo casuum difficultate. Verum satis ex hisce apparet, quantum ad promovendam serierum methodum conducat, ut summationes reducantur ad fluxiones, quoniam methodus regrediendi a fluxionibus ad fluentes, licet imperfecta sit, melius tamen nota & magis exulta est, quam illa regrediendi a differentiis ad summas. Oblata hac occasione

respiciendi ad affinitatem, quæ inter Summas & fluentes intercedit, Doctiss. Autor difficultati hæcenus intactæ mederi conatur, quæ in reductione æquationum fluxionalium maxima est. Fieri enim plerumque solet, ut æquationes fluxionales non determinent omnes coefficientes terminorum in suis radicibus, quoniam quantitates constantes evanescunt, & omnino amittuntur ex æquatione in progressu a fluentibus ad fluxiones, imo variis modis evanescunt, prout fluxio sumitur. Si fuerit æ-

quatio $y^2 = a^2 + bx + \frac{x^2}{c^2}$ tres diversæ ejus æquationes fluxiona-

les esse possunt: 1) $2y dy = b + 4 \frac{x^2}{c^2}$ 2) $2xy dy - y^2 = -a^2$

$+ 3 \frac{x^2}{c^2}$ 3) $2xy dy - 4y^2 = -4aa - 3bx$. In invenien-

da itaque serie, radicem fluxionalium harum æquationum exprimente, per primam terminus primus seriei non determinatur, per secundam determinatur primus, at non secundus terminus; per tertiam denique determinantur primi quatuor termini seriei, at quintus relinquitur indeterminatus. Artificium, quo nodum hunc solvit, in natura radicum æquationis fundatur, qua fit, ut quantitas pro radice in æquatione scripta omnes terminos æquationis evanescere faciat. Sed termini duobus tantum modis evanescere possunt, vel per signorum contrarietatem in terminis homologis, vel etiam ubi reperitur quantitas constans in fluente, quæ nullum relinquit vestigium in fluxione. Si sit $y = Ax^n$, erit $dy = nAx^{n-1}$;

$ddy = nn - nAx^{n-2}$. Si jam sit $n = 0$, evanescet valor fluxionis primæ: sin fiat $nn - n = 0$, id est, $n = 0$ vel $n = 1$, evanescet valor secundæ. Ex hisce fundamentis facile jam est primum terminum seriei pro valore radicis assumendæ eruere, quod Doctiss. Autor pluribus exemplis copiosius edocet. Sed ulterius hisce immorari non licet, cum ad alteram partem, qua de interpolatione serierum agit, nobis properandum sit.

Si

Si fuerit recta positione data, super quam erigantur ordinatæ quotcunque sibi mutuo parallelæ, & æqualibus intervallis ab invicem distantes, quæ terminos seriei regularis continue incrementales, vel decrescientes, & eodem signo affectos, designent: una eademque curva transibit per extremitates omnium, quæ determinatione ex data æquatione ad seriem, h. e. ex data æquatione generaliter exprimente relationem inter duas vel plures ordinatas quasvis successivas. Si ex data hac æquatione differentiali erui potest æquatio hujus curvæ algebraica, habebitur ordinata quæcunque ex data ejus abscissa per resolutionem æquationum affectarum, adeoque interpolatio seriei absoluta, quæ utique consistit in assignatione cujuslibet termini primarii, vel intermedii ex dato ejus loco in serie: ubi vero æquatio curvæ algebraica nequit inveniri, illud curandum est, ut exhibeamus valorem termini cujuslibet quæsitæ per seriem convergentem, vel forte per quadraturam curvarum. Facile ex hisce colligitur, terminos serie intermedios, eadem lege, vel incrementales, vel decrescientes, qua crescunt, aut decrescunt primarii, eodem quoque modo determinari; adeoque si idem sit intervallum commune terminorum primariorum, aut intermediorum, & detur unus ex intermediis, dari omnes ex data æquatione ad primarios. Sed, cum termini constare debeant ex factoribus interpolabilibus, ut series aliqua sit interpolabilis, sæpe convenit, ut series intercalanda in factores interpolabiles resolvatur. Si v. g. series interpolanda sit $1, \frac{1}{6}x, \sqrt[4]{8}x^2, \sqrt[7]{12}x^3, \sqrt[11]{15}x^4$ &c. illa resolvenda est in tres series factorum simplicium ad modum sequentem;

$$x^0, x^1, x^2, x^3, x^4 \text{ \&c.}$$

$$1, \frac{1}{3}, \frac{1}{5}, \frac{1}{7}, \frac{1}{9} \text{ \&c.}$$

$$1, \frac{1}{2}, \frac{1}{8}, \frac{1}{27}, \frac{1}{125} \text{ \&c.}$$

Ubi palam est, harum trium serierum duas primas esse interpolabiles, non item tertiam, quæ tamen, cum sit simplicior, facilius interpolabitur, quam ea, quæ proponitur. Sæpe series numeratorum & denominatorum seorsim interpolare conve-

nit, v. g. si detur series hujusmodi $1, \frac{r}{p}, A, \frac{r+1}{p+1} B, \frac{r+2}{p+2} C, \frac{r+3}{p+3} D$ &c.

Deinde terminus quilibet in serie numeratorum divisus per respectivum in ea denominatorum, dabit correspondentem in serie proposita. Hisce principiis positis, quæ uberrimis exemplis illustrat Autor, ad methodum differentiarum progreditur, ejus auxilio non modo diserte præclara illa summorum Mathematicorum inventa explicat, quæ feliciter attigerunt, postquam *Newtonus* nobilissimi Problematis a se soluti, de inventione curvæ parabolicæ per data quocunque puncta transeuntis, indicium fecerat, sed omnem hanc doctrinam quoque egregie promovet. Considerat primo seriem ordinarum æquidistantium, ex una tantum parte in infinitum pergentium, atque quærit lineam parabolicam, quæ per extremitates omnium transeat, quæ inventa per modum corollarii porro deducit, quæ *Cel. Hermannus* in Appendice ad *Phoronomiam*, atque acutissimus *Taylorus* in *Methodo sua incrementorum*, de hoc argumento evulgarunt. Imo respiciens ad analogiam, quæ est inter methodum differentialem & methodum vulgarem serierum, quæ per fluxiones, sive rationes differentiarum ultimas, procedit, sicut illa generaliter differentis cujuscunque magnitudinis nititur, elegantissimam illam seriem pro quadraturis, quam summus Vir, *Jo. Bernoullius*, olim in his *Actis A. 1694* cum Mathematicis communicavit, perquam ingeniose elicit. Generalius hoc Problema sequentibus propositionibus sibi solvendum sumit: si detur series ordinarum æquidistantium utrinque excurrentes in infinitum, & invenienda sit linea parabolica, quæ per extremitates omnium transeat; atque tandem, quomodo hæc curva parabolica eruenda sit, demonstrat, si series ordinarum quibuscunque intervallis ab invicem distantium ex una tantum parte in infinitum pergat. Hisce Problematis enodatis, difficile non est, aliud ejusdem fere generis solvere, ubi, data serie terminorum primariorum, intermedii, qui non longe distant a principio, quærantur; sed generalem methodum luculenter illustrat Autor, docendo, qua ratione lo-

garith-

garithmi ipsarum quantitatum loco adhibendi sint, si, terminis seriei celerrime incrementibus, eorum differentiarum conficiant progressionem divergentem, id quod impedit, quo minus ordinata parabolæ ad veritatem satis accedat. Si detur series terminorum æquidistantium, atque inveniendus sit terminus quilibet, primarius vel intermedius, utcumque longe ab initio seriei distans, aliam seriei eruere docet, in qua terminus ille desideratus constituat terminum prope initium, ut eadem methode, quam modo laudavimus, Problema commodè solvi possit. Sequenti propositione hac methode solvitur Problema, de inveniendâ area media in magna dignitate binomii, quod *Motivæus* quidem diu ante alia via solutum dederat, Autor vero non alia ex ratione repetiit, quam quod docti nonnulli Mathematici inter cives ejus dubitare visi sint, an methodus *Newtoni* differentialis illi sufficiat. Illam enim non modo hisce expediendis parem esse, sed ad alia quoque ejus generis Problemata, v. g. de inveniendâ summa Logarithmorum, quorum numeri sunt in progressionem Arithmetica, facile extendi posse, ipso Opere eleganter demonstrat. Cum *Wallisus* olim, ut notum est, primus fere de quadrandis curvis per interpolationem cogitasset, Nosler non modo passim usum methodi hujus in quadratura curvarum demonstrat, sed singularibus quoque propositionibus quadraturas curvarum infinitorum generum uberius explicat. Duabus inprimis propositionibus

ostendit, si in ordinata curvæ x $\frac{r+z-1}{r-1-x}$ scribantur successive numeri integri 0, 1, 2, 3, 4, &c. pro z , eandem fore relationem inter areas ordinarum provenientium, quæ est

inter terminos seriei $a, \frac{r}{p} a, \frac{r+1}{p+1} b, \frac{r+2}{p+2} c, \&c.$ aut, si ordi-

nata curvæ sit, x $\frac{p-z}{r+z-1}$ eam fore relationem inter areas ordinarum provenientium, quæ est inter terminos serie

$a, \frac{r}{p} a, \frac{r+1}{p-1} b, \frac{r+2}{p-2} c, \&c.$ Postremis denique propositionibus

aream curvæ cujusvis ex datis aliquot ejus ordinatis æquidistantibus invenire docet, & ne subinde repetendus sit calculus, additis Tabulis usui Mathematicorum consulit.

A TREATISE OF GUNNERY.

b. e.

TRACTATUS DE RE TORMENTARIA, Autore JOANNE GRAY.

Londini, apud Wilhelmum Innys, 1734, 8. maj.

Plag. 10, Tab. 22. 1, cum multis Figuris ligno incis.

Constat, *Galileum* primum reperisse, quamnam lineam describant corpora gravia, sive horizontaliter, sive oblique projecta, & *Torricellium* doctrinam ejus de motu projectorum magis excoluisse. Atque hoc pacto praxis rei tormentariæ legibus Geometriæ fuit adstricta. Noster id agit, ut doctrinam utilissimam ad eorum captum magis accommodet, qui praxi rei tormentariæ operam dant, quam huc usque a Mathematicis factum. Projectilia duplici motu feruntur, æquabili, atque æqualiter accelerato. Illum vi a projiciente impressæ, hunc vi gravitatis, acceptum ferunt. Ut igitur intelligantur, quæ de motu globorum ex tormentis & mortariis emittendorum præcipiuntur, Parte prima demonstrat, quæ ad motum æquabilem & motum gravitatis, seu æqualiter acceleratum, spectant, ac deinde, principiis istis usus, motum projectilium in parabola explanat. Præmissa vero theoria, solvit Problemata, quorum in directione tormentariorum & mortariorum usus esse potest. Ut regulæ praxi magis respondeant & ab iis quoque commode adhiberi possint, qui demonstrationes non capiunt; logarithmorum usum in iisdem fecit. Quoniam vero veretur, ne regulæ theoriis insertæ fastidiantur ab hominibus, quibus nulla principia theoretica perspecta sunt; Parte altera duplicem condidit Tabulam, alteram pro projectionibus horizontalibus, alteram pro obliquis, ac utriusque usum in arte rei tormentariæ explicat. In illis Tabulis uno

con-

conspicū repræsentantur casus, qui in praxi rei tormentariæ occurrere possunt, quoad data, quæsitæ, & regulas characteribus expressas. Referuntur autem ad tres figuras Tabulæ æneæ incisæ, ne verborum ambagibus fuerit opus, quæ Tabularum concinnitati parum conveniunt. Præmittitur Præfatio prolixa, in qua machinæ bellicæ veterum describuntur, & de inventore pulveris pyrii ac rei tormentariæ disquiritur. Notatu dignus est locus, quem ex Rogerii Baconis de secretis operibus artis & naturæ & de nullitate magiæ Epistola adducit, probaturus, ipsi pulverem pyrium jam circa annum 1270 cognitum fuisse. In omnem, inquit, distantiam, quam volumus, possumus artificialiter componere ignem comburentem ex sale petra & aliis — nam soni velut tonitru & coruscationes possunt fieri in aere, imo majore horrore, quam illa, quæ fiunt per naturam: nam modica materia adaptata, scilicet ad quantitatem unius pollicis, sonum facit horribilem, & coruscationem ostendit violentam. Et hoc fit multis modis, quibus civitati aut exercitus destruat —. Mira hæc sunt, si quis sciret uti ad plenum in debita quantitate & materia. Suspiciatur Noster, Bartholdum Schwartzium, qui circa annum 1320 pulverem pyrium invenisse dicitur, ab iis, quæ Baco commemorat, ansam sumxisse in compositionem pulveris pyrii inquirendi.

**EVERARDI OTTONIS DE ÆDILIBUS Coloniae & Municipiorum Liber singularis, in quo ple-
raque ad veterem Politiam municipalem pertinentia
explicantur. Editio secunda.**

Lipsiæ, apud Jo. Mich. Teubner, 1732. 8.

Alph. I pl. 107.

Aedilicii juris argumenta, maximam partem hæcenus impedita & obscura, non uno libello illustranda sibi sumit Cl. Autor, quorum alios in publicum jam protulit, alios impatientius fere exspectamus. Prima produit Dissertatio de

Ennu-

Eunuchis ad l. 27 §. 28 D. ad Leg. Aquil. in qua *Ulpianus* Edictum deperditi memoriam servavit. Post hanc prior editio libri, quem hic referimus, vulgata *Francofurti A. 1713, 8*, quamque recensent *Acta nostra A. 1714 Mens. Sept. pag. 416*. Hunc secutus est *de Tutela viarum publicarum* Liber, quæ primaria Edictum cura erat. Et hujus mentionem fecimus in *Actis A. 1732 Mens. Nov. p. 497*. Præterea expectare jubemur majus Opus tripartitum, cujus Pars prima *Edictum Curulium historiam* exponet; altera titulos Pandectarum & Codicis de *Edictis Edicto* Notis Philologicis illustrabit; postrema *Juris Edicti Systema* Theoretico Practicum dabit. Interim, dum isthæc parantur, novam nobis & audiorum editionem libelli de *Edictis* Coloniarum invidere nohuim, præsertim cum in ipso majoris Operis progressu animadverteret Vir Doctissimus, quanti interlit, *Edictum* in urbe dignitatem ab ea, quæ in coloniis erat, probe distinguere, quæ cautio in omni Romana antiquitate non minimi momenti est.

Nolumus ea repetere, quæ olim de poluissimo hoc Opusculo scripsimus. Eundem, quem ibi memoravimus, Capitum ordinem Autor retinuit, solo septimo excepto, quod in nova hac editione plane novum est. Reliqua omnia insigniter aucta sunt, & novi passim ex antiquitate flores sparsi. Septimum illud Caput, cui nobis nunc immorari placet, agit de *Judeis & Christianis Edictatem fugientibus*, atque est instar Commentarii ad l. 3 §. fin. D. de *Decurionibus*, qualem a *Jac. Gothofredo* in Notis ad l. unic. Cod. Theod. de *Stator*. sine eventu promissam fuisse, nunc minus dolemus. Legis verba sunt: *Eis, qui Judaicam superstitionem sequuntur, Divus Severus & Antoninus honores adipisci permiserunt, sed & necessitates eis imposuerunt, qua superstitionem eorum non laderent*. De *Ulpiano* primum ejusque Libris de *Officio Procos.* ex quibus illa desumpta est, quædam assert non vulgaria. Scripserat eos *Ulpianus* ipsorum *Procos.* gratia, qui militiæ sæpe, quam jurium, erant peritiores, imo sequioribus præsertim temporibus neutrum quandoque callebant, cui & ipsa *Assessorum* in jure ignorantia non raro accedebat. Ex decem illis de *Offic. Procos.* Libris tertius de *Statu Judæorum* egit, septimus *Imperatorum* Rescri-

Rescripta adversus Christianos continuit. Utraque Proconsulem scire omnino intererat, quod isti pessimis hominibus accenserentur, qui terræ motuum, inundationum, aliarumque calamitatum, causæ essent, & in quos propterea sæpe esset animadvertendum. Quam favens autem Christianis in hoc Libro fuerit *Ulpianus*, illi norunt, quibus de ejus animo in Christianos aliunde constat. Quanquam male agunt, qui hanc iram ei in vitio ponunt, cum non singularis aliqua ejus durities, sed ethnicis omnibus idem erga Christianos odium esset. In Judæos tamen propensiores fuisse, certum est, tum quod ortus esset Tyro, urbe Syro-Phœnicæ, quæ, Judæis vicina, lingua etiam utebatur Hebræis valde affini, tum quod ex ipsis Mosaicis legibus quædam per Athenienses in Romanæ jura transinigraverant, ipse etiam Pentateuchus jam forte a *Pompeji* tempore Romæ cognitus esset, ita, ut ediscerent Romani,

Tradidit arcano quodeunque volumine Moses.

Præterea ceremoniæ Judæorum videbantur cum illa gentilium *μυήτης* magis convenire. Hinc in hac lege Judæorum sacra tantum *superstitionis* vocabulo appellat, cum Christianorum *secta prava, malefica, &c.* apud Romanos Scriptores audiat.

Ut Græci Patres *εὐσεβείαν* & *δεισιδαιμονίαν*, sic Romani *religionem* & *superstitionem*, distinguebant, sua tantummodo sacra religionem, cetera omnia superstitionem, appellantes, ipsimet licet hoc vitio, quod aliis tribuebant, maxime inquinati, quippe qui minimis etiam rebus Deos inferebant. Præsertim autem Judæorum superstitio barbara iis & pervicax & credula videbatur, quamque non uno loco rident Poetæ. Nihilominus permissum erat Judæis, non in municipiis solum, sed in ipsa etiam urbe, degere, in qua profeuchas suas & sepulchra habebant, & jus civitatis sæpe consequebantur, quod docent Commentatores ad *Act. XXII, 25*, ubi *Paulus* Apostolus civem se Romanum profitetur. Quanquam autem Imperatorum alii aliis tolerantiores essent, *Cæsare* nimirum, *Augusto* & *Claudio* in Judæos propitius, *Tiberio* contra durior; opinabile tamen est, licuisse eis semper Romæ suis uti ritibus, dummodo censum fisco solverent, quem *Ulpiani* etiam temporibus præstitum putat Confulatissimus Autor, quicquid alii ex nummo Nervæ, cui inscriptio est: *Fisci Judaici calumpnia sublata*, in contrarium statuant.

Attamen, invisos fuisse in urbe & deridiculo habitos hos *ver-*
por, circumsector, recusitor, fatentes, &c. vel ipsa hæc nomi-
 na, quibus a veteribus Scriptoribus passim notantur, indicio sunt:
 ita, ut nemo sibi facile persuadeat, Edictum illud *Severi & An-*
tonini, quo ad honores admittuntur, etiam de Judæis Romæ
 degentibus loqui. Honores hi mere sunt municipales magi-
 stratus & dignitates, quas a Judæis gestas fuisse, Inscriptio qui-
 dem apud *Gruterum: Tib. Cleuphas. VI. vir. Aug. Negotiator.*
artis. purpuraria non demonstrat, ubi contra *Vellserum* non
Cleuphas, sed *Cl. Euphas*, i. e. *Claud. Euphadius*, cum *Rsinefo* le-
 gendum putat: sed vel ex solo *Rutilii* Itinerario manifestum
 est, ubi in Judæum Faleriæ portui præfectum invehitur. Hu-
 jusmodi munera an suscipere vellent, in arbitrio ipsorum erat,
 at curialibus officiis defungendi necessitas eadem lege eis imposita
 fuit, ita tamen, *ne superstisitio eorum laderetur*, id est, ne ad sacer-
 dotia, *γυναικαρχίας*, *Ædilitates*que obeundas adigerentur, qui-
 bus muneribus sine religionis suæ læsione præesse non poterant.

Ita vulgatissimam hanc legem exponit Autor contra *Alciati*
 & doctissimorum ejus asseclarum sententias, qui omnes, Judaica
 hac superstitione Christianam religionem ab *Ulpiano* intelligi,
 existimant, 1) quod Pagani Scriptores Christianos & Judæos
 per sepe confundant; 2) quod aliis in locis Christianam reli-
 gionem superstitionem dicere consueverint. Quibus argu-
 mentis ille non sine causa reponit, 1) sub initium quidem Chri-
 stiani cœtus fieri potuisse, ut hi cum Judæis confunderentur, ex
 quibus orti erant, & sub quorum nomine, metu supplicii, sæpe
 latere volebant: at *Severi & Antonini* temporibus notius fuisse
 illud discrimen, quam ut confunderentur; 2) præsertim ab *Ul-*
piano, homine Tyrio, & qui, ut supra observatum est, in suo
de Officio Procos. Opere de utrisque singulari libro egerat;
 3) ipsum Judæorum in Christianos odium obscurasse, quo minus
 commiscerentur; 4) nec apud ullum scriptorem his Impera-
 toribus æqualem religionem Christianam Superstitionis Judæi-
 cæ nomine venire; 5) durissimam fuisse ea ætate Christiano-
 rum sortem, ita, ut credibile non sit, hoc privilegio concessam
 eis fuisse ab ejusmodi numeribus vacationem, quibus ex odio
 religionis eorum in pœnam addictos fuisse, ex Patrum scriptis
 patet.

patet. Prævivimus Autori nostro in hac sententia *Cujacius, Grotius, Spanhemius, Bynckershoekius, Schultingius*, & alii multi docti viri.

Christianos *Ædilitatem* subterfugisse, *Tertullianus* autor est in *Apolog. Cap. 46.* ubi *Ædilitatem*, non *Civitatem*, ut vult *Pamelius*, observat Noster. Cum enim ad *Ædiles* pertineret templorum cura, ludi, quorum omnis apparatus ex idololatria constabat, gladiatorum spectacula, ubi sæpe Christiani bestiis dilacerandi objiciebantur, & similia, non poterat illud munus illis non esse acerbissimum.

Denique per librariorum errorem cum *Schultingio* observat accidisse, ut illud *D. Severus & Antoninus* exprimeretur *Divi*, cum legendum esset *Divus Severus & Antoninus*, ideo, quod nomen *Divi* vivo *Antonino* non fuerit tributum, quo tamen vivo librum hunc suum scribebat *Ulpianus*. Nec *Alciato* concedit, pro *Severus* substituendum esse *Verus*, intelligendosque esse *Divos Fratres*, qua conjectura sententiæ suæ supra allatæ inservit. Vel hæc sola enim ratio obstat, quod *Veri* generi nomen *Antonino* focero nunquam præponitur. *Baldinum* etiam erroris arguit, qui putat, *Ulpianum* hæc *Cæsarum* adversus Christianos Rescripta collegisse, quod videret, *Alexandrum Severum* impelli non posse, ut ipse aliquid contra eos ediceret. Scripsit enim *Ulpianus* hos libros superstitæ *Antonino Caracalla*, antequam *Severus* ad imperium perveniret, Imo, cum *Ulpianus Severi* tutor, parens & Præfectus Prætorio esset, hunc in Christianos ita pronum futurum fuisse, vix verosimile, si *Ulpianus* suum in illos odium ei instillasset.

Ceterum, etsi urbem *Lipsiam* mentiatur rubrum *Libri*, satis tamen ex forma literarum, quæ nitida est & elegans, apparet, in *Belgio*, forsan & in ipsa urbe *Ultrajectina*, cujus ornamentum est *Cl. Otto*, typis excusum.

VIE DE MONSIEUR DE PARIS, &c.

h. e.

VITA FRANCISCI PARISI, DIACONI
Diacepsos Parisinæ.

Ultrajecti, apud C. G. le Febvre, 1732, 12 maj.

Plag. 16.

U u u 2

Esti

Cap. 1.

2.

3.

Etsi literarum forma Lutetiam prodit, per nos tamen cui-
vis licebit credere, & scriptum & excusum esse librum
hunc Ultrajecti, cujus Autor in Præfatione docet, duas se ob
oculos habuisse vitæ *Parisi* Descriptiones, alteram in publicum
editam, alteram MStam: addens, se & niti monumentis fide
dignis ejusdam, cujus nominis litera prima T, & cui *Parisius*
ille fuerit cognitissimus. Narrat igitur, *Franciscum Parisum*
patre Consiliario Parlamenti natum esse A. 1690 d. 30 Junii; in-
de a decimo ætatis anno amantem fuisse solitudinis ac simul
pietatis; postea traditum præceptoribus, quos inter primum
locum teneat *Ruffelotus*, Professor nunc Mazasiniani Collegii,
acriter incubuisse in literarum studium, ita tamen, ut ei junge-
ret preces adeo frequentes, ut media nocte surgeret ad eas fun-
dendas; præbuisse etiam se erga pauperes misericordem, liben-
terque iis largitum esse; ductore *Huberto*, qui adhuc vivat,
scholamque quandam Lutetiæ regat, Philosophiam tractasse, si-
mulque in pietatis studio ardentiorē in dies factum esse, ut
testis hodieque sit *Hubertus* ille, se nunquam ullo *Parisi* pec-
cato tum offensum esse; Philosophia vero tota eum esse usum
ad magis colendum Deum tot tantisque attributis conspicuum,
& ad mores emendandos; fugisse hinc vanas condiscipulo-
rum oblectationes, iisque, politicos mores contemnente, præ-
luxisse omnis generis virtutibus; A. 1708, invito genio, jussu
patris, se studio Juris Civilis dedisse; A. 1712 aures præbuisse
Gaffarello, (qui inter Patres fuit Oratorii, & A. 1729 exulare jus-
sus ob repudiatam Bullam *Unigenitus*,) & A. 1713 se contulisse
in Seminarium S. *Maglorii* cum eruditionis, tum pietatis suæ
ad augendæ causa; ibique A. 1714 induisse vestem sacerdotalem,
simulque tonderi se passum esse; acriter etiam ibi & optimo
successu Græcas pariter & Hebræicas coluisse literas ad intelligen-
dum sacrum Codicem; factum & ibidem esse discipulum Abba-
tis *Asfeldii*, Interpretis S. Scripturæ clarissimi; paulo post jussum
esse Catechismi præcepta tradere pueris, eoque munere perbene
functum esse; A. 1714 ipsius patrem vita excessisse, hac relicta vo-
luntate, ut is quartæ tantum bonorum hæres esset, cetera omnia
pervenirent ad fratrem ipsius natu minorem; eum id æquo a-
nimo tulisse, statimque aliquam suæ hæreditatis partem egenis
dedisse; A. 1717 se paternam in domum recepisse, fratrique, fa-

Ad Consiliario Parlamenti, exemplum prævisse pietatis; cum quo postquam vixisset biennium, novo solitudinis desiderio percitum, & æmulatione priscorum Eremitarum accensum, insignibile quoddam oppidum se contulisse, ibique non solum Græcas & Hebraicas literas tractasse ardentissime, sed & sacri Codicis lectioni se dedisse, Historiæ Ecclesiasticæ, Theologiæ tum positivæ, tum morali, lectioni item Patrum, *Augustini* maxime, *Chrysostomi*, & *S. Thomæ*; plurimum tamen temporis tribuisse piæ meditationi precibusque, nonnihil item laboribus corporis, qui vulgo habentur illiberales; eodem in oppidulo, rogante Pastore, suscepisse institutionem puerorum in pietate, incolarumque iniisse gratiam suo pietatis studio suæque liberalitate, qua permotus, singulis fere patribus familias donavit *Novum Testamentum* & libellum *de vera penitentia*; A. 1718 factum esse Subdiaconom, & paucis mensibus post in eo fuisse, ut crearetur Canonicus Rhemenfis; at justo lentius festinanti alium præripuisse hanc dignitatem; A. 1719 ingressum esse Collegium *de Bayeux* dictum, ibique tam asperam exercuisse pietatem ac penitentiam, ut fere semper esset in cubiculo suo, tota hyeme fortissime algeret, & multis suum corpus afficeret doloribus; opes præterea suas perrexisse distribuere pauperibus, ac iis potissimum, qui ob spretam Bullam *Unigenitus* exulabant; eodem anno constitutum esse præfectum candidatorum sacerdotii, eosque instituisse optime, docuisseque, pietatem esse oportere doctem ipsorum maximam; A. 1720 factum esse Diaconum, eodemque anno Card. *Noallium* eum dare constituisse Pastorem Ecclesiæ cuidam Parisinæ; id vero non successisse; A. 1723 & sequenti varias eum contulisse se in solitudines, & maxime Meluni admiratum esse austeram vitam *Claudii Leautai*, antagonisti Constitutionis *Unigenitus*, & ejusdem vestigiis insistere decrevisse; hinc adeundæ solitudinis consilia cepisse inter varias divinitus immixtas tentationes, & jejunia subiisse tanta, vix ut esset ferendo; A. 1724 domum quandam conduxisse Lutetiæ, in qua soli sibi ac Deo viveret; hic ne famulum quidem habuisse, ipsumque suum fuisse famulum, suum coquum; nihil vero comedisse præter herbas & legumina; subiisse item paupertatem voluntariam, Bibliothecam quoque, quam decies mille im-

Cap. 4.

5.

6.

7.

perialibus sibi coemerat, venditurum, nisi amicorum fuisset revocatus consiliis. Hactenus septem priora Capita. In *octavo* describitur austerum vitæ ipsius ea tempestate genus, cujus societatem plures inierant. Hi toti erant dediti precibus dies noctesque, cibis contenti erant vilissimis minimeque delicatis, quippe nec carne vescentes, nec pisce, nec lacte, nec ovis. Reliquis ejus pietatis vel verius superstitionis exercitiis in *Capite IX & X* descriptis, *undecimo* tribusque sequentibus demonstratur, *Parisium* fuisse *gynaeceum Jansenianum*, & acerrimum antagonistam cum Jesuitarum, tum Constitutionis Jesuiticæ, quæ *Unigenitus* vocatur. *Capite* denique *XV* morbus ejus ultimus describitur, in quo nihil remisit a sua victus austeritate, mortique se præparavit piissime, edita paulo ante mortem rursus condemnatione illius *Constitutionis*, quam diximus. Calendis Martii A. 1727 exstinctus est & honorificentissime sepultus. Ac statim factus est magnus ad ipsius tumulum concursus, multaque ibi edita miracula: quorum tamen hic nominatur nullum.

Pag. 184 seq.

Nunc sequitur Dissertatio de miraculis *Parisi*, quæ idonea censet Autor ad probandum, Constitutionem *Unigenitus*, semper quippe damnatam a *Pariso*, esse rejiciendam. Sed nec hic ullum ejus miraculum nominatim memoratur. *Pag. 209 seq.* exhibentur literæ a Pastoribus Parisiensibus scriptæ ad Archiepiscopum de *Parisi* miraculis. Cum igitur per certos homines, a Card. *Noallio* delectos, compertum sit, multos ad *Parisi* tumulum sanatos esse, rogant Archiepiscopum, ut pronuntiet, vera hæc esse miracula. Similis libellus supplex cujusdam Pastoris ad eundem Archiepiscopum exstat *p. 219 seq.* Cui succedit *p. 222 seq.* altera superiorum Pastorum ad eundem Epistola, in qua multa & generatim & speciatim commemorantur miracula *Parisi*, addito, testes adesse miraculorum istorum fide dignos. Hinc a *p. 234* usque ad *p. 275* enarrantur patrata a *Parisi* manibus miracula, interjectisque *p. 276 seq.* *Parisi* epitaphiis, uno Latino, altero Gallico, subjungitur *p. 280 seq.* precatio horum miraculorum occasione recitanda, & *p. 293 seq.* demonstratio, quod *Jansenianis* gravissimo sint patrocinio miracula *Parisi*. Appendix est longa narratio de *Gantieria* quadam, A. 1730 d. 21 Aug. ad tumulum *Parisi* affecta subita paralyti. Nos quidem ex his

mira-

miraculis agnoscimus, & plenam *Jansenianorum* esse Lutetiam, & ad minuendas persecutiones Jesuiticas opus iis fuisse his miraculis. Quam vera autem sint ista miracula, non est nostrum disceperare, & jam nuper quidam singulari libello Gallico docuit, Parisiana illa miracula permultum differre a Christi legatorumque ipsius miraculis, adeoque haudquaquam esse *παρεκτός αἵμα*.

OBSERVATIO ANONYMI DE P. FRANCISCI WAGNERI S. J. narratione, qua LUDOVICI XIV, Gallorum Regis, Statuam, Lutetiae Parisiorum in foro Victoriarum (*Place de Victoires*) positam, obiter describit in Historia Leopoldi Magni Tom. II p. 63.

Scriptores domesticos, dum sua referunt, utcunque providos, ne quid falsi memoriae prodant, in rebus externis ad lapsum propendere, atque a veritate aliena tradere nonnunquam, suo exemplo comprobatur. R. P. Wagnerus, de Statua Ludovici XIV, Gallorum Regis, anno superioris Seculi sexto & octogesimo in principe Regni florentissimi urbe posita, non una Lectoribus propinando, quae secus habere res ipsa palam loquitur. Primo enim equestrem appellat: *Ad has*, inquit, *acerbitator offensio alia, Europa fere toti communis, accessit, ex equestri Regis statua.* Ac, ne errore typotheae equestrem pro pedestri excusam putes, *ad equi pedem*, addit, *mancipia viscebantur quatuor; quin etiam, subtus ungulam Cerberum triplicem, triplicis federis exarmati indicem, spectandum se praebuisse, observat.* At posita quidem est eadem in urbe Ludovico XIV statua equestris, sed haud paulo serius post, nempe A. 1699, praeterea quoque alio prorsus loco, nempe in foro Vindocinensi (*Place de Vendome*), atque alio prorsus ornatu, alia facie, ea nempe, qua expressa illa est in nummo egregio Operis praecleari, quo numismata, rebus gestis Ludovici XIV ad posteritatem transmittendis provide destinata, Inscriptionum & bonarum literarum Academia Parisiensis exhibuit. *Feuillade autem Ducis curis ac studio non illa, sed pedestris, debetur, qua*

Rex,

Rex, pede dextro Cerbero tricipiti insilens, a Victoria retro stante coronatur. Porro, quod affirmat *Wagnerus*, *Bernini architecti ingenio* acceptum referri hoc monumentum, id unde hauserit, jure possis mirari. Nam & *Berninus* sexennio ante Romæ senex octoginta duorum annorum e vivis excelsit, & artificem statua hæc autorem alium non agnoscit, nisi *Martinum des Jardins*, Bretæ natum, qui & ichnographiam ejus dedit unus, & fundendæ illi præfuit, quod negotium illi ita ex voto cessit, ut omnes in admirationem sui raperet. Neque enim Gallia opus ex ære fustum tantæ magnitudinis momentique tanti adhuc viderat, quod constet. *Solemnitate inaudita*, quod subjicit *Wagnerus*, in dedicanda hac statua Gallos usos, facile nemo non ei largietur, dum concedat vicissim, in consecratione alterius illius, de qua diximus, statux equestris, non minori omnia Gallos pompa peregrisse. Sed, quod *Charentonio in ponte* positam perhibet, profecto vehementer fallitur. Neque enim in ponte ullo, nedum *Charentonia*, visendam illa se perbet, sed in foro victoriarum, quod Galli appellant, quo loco ædes *Ferte-Seneckerrenses* & *Emeriana* quondam conspiciebantur, ædificiis pulcherrimis, quorum symmetria admirabilis omnium in se oculos convertit, exornato, & sex plateis, ibidem desinentibus, conspicuo. Neque vero quatuor illa mancipia, quibus *Pufendorfius* Libro XIX rerum Brandenburgicarum, ubi pluribus ea de re agit, Cæsarem, Hispanum, Electorem Brandenburgicum, & Rempublicam Batavorum, designari creditos ait, una cum Cæsare Hispanos, Batavos & Anglos, significari contendit *Wagnerus*, ad equi vel potius statux pedestris pedem proxime visuntur, id quod persuadere rudioribus ille possit, sed sub baseos illius marmoreæ, cui imposita est, podio exserto, ut patet ex nummo, inter eos, qui *Ludovici XIV* laudes posteritati commendant, haud postremo, cujus, utpote præstantissimis quibusque in hoc genere monumentis artificii elegantia nihil cedentis, & testimonium huic statux ære, ex quo fusa est, perennius apud feros posteros perhibituri, delineationem hoc loco subjungere non abs re foret, nisi ille in celebrioribus patriæ nostræ museis spectantium oculos jam pridem ad se raperet passim ac teneret.

Certiores facimus Lectores nostros, *Decennii quinti Actorum* nostrorum haud ita pridem *Indicem generalem* produisse.

NOVA ACTA ERUDITORUM,

publicata Lipsiæ

Calendis Decembris Anno MDCCXXXIV.

HISTOIRE METALLIQUE DES XVII PROVINCES
DES PAYS-BAS &c.

i. e.

*HISTORIA NUMISMATICA XVII PRO-
vinciarum Belgii a Caroli V abdicatione usque ad
Pacificationem Badensem A. 1716; versa ex Belgico
sermone. Autore GERHARDO VAN LOON.*

Tomii III.

Hagæ-Comitum, apud P. Gosse, J. Neaulme, & P. de Hondt,
1732, fol.

Tom. I Alph. 6 pl. 12, Tom. II Alph. 5 pl. 21, Tom. III
Alph. 4 pl. 22.

Quod unum deesse adhuc recentiorum numismatum, quæ
superior ac nostra ætas, veterum Græcorum Romano-
rumque zœnula, magno numero, tametsi non eodem ubique
artificio atque elegantia, procudit, studio videbatur, ut ingenia
excitatoria & eruditionis reconditæ apparatus pleniori instru-
cta iis colligendis explicandisque vacarent, eorumque præstan-
tiam & multiplicem in Historia cumprimis novissima usum Vo-
luminibus iustis & ad laudem præclarorum Operum, quibus
summi Viri veteres nummos explanarunt, assurgentibus asse-
rent, id non æque ut desiderari in futurum posse videatur,

Xxx

post

post alia nonnulla, sed ea non ita multa, scripta, quæ prostant hodie, Respublica literaria debet ingenio diligentique eximie Cl. *Gerhardi van Loon*, cujus Historia numismatica septendecim Belgii Provinciarum, patria dialecto primum, nunc Gallica lingua, edita, inter omnes, qui adhuc ad recentiorum temporum nummos illustrandos prodierunt, libros jure suo principem haud dubie locum sibi vindicat. In Præfatione, lectu inprimis digna, ut librorum, ad rem nummariam antiquam pertinentium, qui Bibliothecas ornant, multitudinem agnoscit Autor Celeberrimus, ita, cum nihilominus constet, multa adhuc in hoc studiorum genere diligentiam fugere antiquariorum, optandumque adeo sit, ut suos ipsi nummos Græci Romanique dedita opera explanatos dedissent, supinam nostrorum temporum negligentiam redarguit, qua Viri docti, in uno antiquorum numismatum apparatu defixi, recentiora postponant prorsus, & vix obiter attingant, in quibus, cum jam hodie multa ignorentur ab iis, qui & rebus gestis, & monumentis his ære perennioribus, intersuere, non cœsuture olim & labi multiplici ratione non possint boni posteri, quibus unice tamen destinantur. Cujus rei culpam ne quis in nummos recentiores ipsos rejiciat, tanquam studio nostro non satis dignos, cum antiquis eos contendit Cl. *van Loonius*, falsusque, primum utique locum antiquis deberi, recentiores vel eam ob causam negligendos non esse evincit, quod res propius ad nos spectantes complectantur. In illis, verbi causa, Principum sanguine Christianorum effuso inclytorum, in his Heroum, qui vitæ suæ impendio fundamenta libertatis patriæ jecerunt, vultus adhuc spirantes exhiberi; in illis coronas triumphales, civicas, murales, obsidionales, in his insignia variorum ordinum equestrium sese offerre spectanda, tempusque & causam hujusmodi symbolorum clarissime designari in iisdem, non item in antiquis; utcumque in tanta aliorum monumentorum penuria atque imperfectione usum ceteroqui multiplicem præbentibus, qui ex recentioribus nummis, ut ille arbitratur, longe uberior redundaturus esset, si scriptores nostrorum temporum iisdem navis laborarent; fidem autem recentiores nummos mereri nihilo mino-

minorem, quam antiquos, utpote autoritate publica perinde
culos, & si qui uni artificum ingenio suam debeant originem,
saltem non minoris faciendos esse, quam Historicos suorum
temporum, ex quibus utique paucissimi autoritate publica mu-
niti ad scribendum fere accedunt. His motus Eruditiss. *van Lo-*
nins nummos, qui ad res Belgii illustrandas faciunt, sibi de-
scribendos, Historiamque adeo numismaticam septendecim
Belgii Provinciarum condendam, duxit, quæ, quæ potiora illa
offert, patria lingua, (nec ubertate, nec vi, aut puritate, ulli ho-
diernarum inferiori.) non tantum traderet, ita, ut lucem inde
nummi iidem potissimum scenerentur, sed etiam dignis fide
testibus, in quibus sæpe Decreta ordinum Belgii occurrunt, ad
marginem magno selectu citatis, sedulo stabiliret. Nummi
ipsi, qui explicantur, in *tres Classes* abeunt. Vel enim sunt
proprie ita dicti, quæ numismata vulgo appellant, vel calculis
subducendis inservientes, vel necessitatis causa cusi. *Prime*
classi haud dubie potior debetur locus, siue magnitudinem,
siue symbolorum varietatem, siue typi elegantiam, consideres.
Numismata, huc spectantia, proxime accedunt ad vetera Ro-
mana illa, quæ inter missilia numerabantur, nisi quod illa pu-
blica autoritate cudi moris erat, hæc plerumque sculptorum
arbitrio prodeunt, non ideo minoris facienda tamen, propter
ea, quod iisdem nativitas, mors, connubia Principum, prælia,
pacificationes, foundationes ædificiorum, Academiæ, atque
alia plura notatu digna, partim symbolis congruis, partim in-
scriptionibus venustis, adumbrata sistuntur, quodque adeo non
minori digna sunt fide, quam Historici eorum temporum, tam-
etsi quædam ex iis longe post cusa circumferuntur. Ea ut
parvi merito pendunt peritiores, ita, ne quid Operi huic deesse
videretur, attulit ea quidem Cl. *van Loonius*, sed tamen aspe-
risimo notanda duxit, alia autem, quæ ex *Bizoti* perverso con-
silio, calculos, (qui *jettons* Gallis,) majori forma, quam quæ
prodierunt primum, sculptos in Opere suo exhibentis, & nato
inde errore librarii Amstelodamensis, qui *Bizoti* librum au-
ctiorem edidit, calculosque eosdem bis, nempe primum vera
sua magnitudine, deinde & majores, ut *Bizotus* eos exhibue-

rat, lectoribus obtrusit, originem trahunt, utcunque fusa eorum exempla in museis oberrant, non immerito prætermisit. Altera classis nummos, calculis subducendis inservientes, qui & ipsi calculorum nomine veniunt, complectitur. Hi ab initio nummos non imitabantur, nisi forma externa, superficiem politam quidem, sed symbolis omnibus vacuum, exhibentes. Post flores, foliorum condecorationes variaque alia ornamenta iis sculpi cœpere. Cum plerasque Belgii Provincias *Philippus Bonus* sub obsequium redegerisset, initium factum est calculos nummorum instar cudendi, quibus non tantum Principis illius nomen & insignia, sed & inscriptiones, quæ studium in subducendis rationibus curatius commendabant, additæ conspiciantur. *Philippo* inde *Pulchro*, potissimum autem *Carolo V*, ad gubernacula sedente, prodire calculi, quibus, quæ digniora notatu status publicus Provinciarum suggerebat, memoriæ prodita cernuntur, non sculptorum arbitrio, sed publica auctoritate. Varie enim quotannis eorum, antequam sculperentur cuderenturque, delineationes ordinibus summis Belgii totius, itemque Provinciarum, Consilioque sanctiori, offerendæ erant, ex quibus statui publico convenientissimæ seligebantur, ut publico inde sumtu consilii calculi, strenarumque loco distribui possent, quod qua ratione factum sit olim, hodieque, in Belgii tamen Austriaci potius, quam Fœderati, Provinciis, obtineat, *Dionysius* Auctor pluribus ostendit. Inter cetera, quæ ad hoc argumentum pertinent, non prætereunda laudatissima consuetudo Provincie Namurcensis, quæ præter calculos istos, qui strenarum locum tuentur, sub adventum novorum Præsidum calenos, quibus auspicia novi eorum muneris consecrantur, cudendos curat, hinc eorum nomina & insignia, illinc Provincias, exhibentes, ex quibus seriem non interruptam Præsidum eorum, titulosque, & annum primum suscepti magistratus, colligi posse, *Cl. van Loonius* observat. His accedit *tertia classis* nummorum obsidionalium, militarium, & necessitate urgente, unde & *Nothmüntzen* appellari solent, potissimum in urbibus obsessis, aut alia ratione afflictis, cuforum, quos ipsa externæ formæ, a consuetâ recedentis, ratio, interni pretii absentia & materia,

qua

qua constant, suæ originis arguit. Reperiuntur enim rotundi, quadrati, octogoni, & sic porro, ac, si materiam species, aurei, argentei, stannei, plumbei, chartacei, cerei, similaginei. Sæpe occasionem, qua constari cœpere, ipsa manifestant inscriptione, cujusmodi in Iprensi nummo, dum A. 1583 urbs obsidione cingeretur, cuso: QUID NON COGIT NECESSITAS? & in Daventriensi: URGENTE NECESSITATE DAVENTRIÆ, itemque in Bredano: NECESSITATIS ERGO. Primus & solus A. 1709 Gubernator Turnacensis, *Survileus*, sculptum in hujus generis nummis, ex supellectile argentea confectis, caput suum exhibuit, malam in partem id accipiente Gallia, tametsi consulta ea de causa Academia Inscriptionum Parisiensis, id facinus crimine vacare omni, pluribus demonstravit. In his nummis, præter insignia urbis, ejusque præfecti, ab initio impressa, sæpe minora quædam signa postea adjecta reperiuntur, quæ docent, iis, qui majori eos pretio, quam quod internus valor patiebatur, accipere ab initio, possimino satisfecisse illos, qui signa illa addiderunt. Similia invenias in nummis quibusdam vulgaribus, quibus valorem interno majorem singularis quædam ratio, ut obsidio Harlemensium Stenvicensiumque, attribuit. Atque ex his tribus generibus nummorum constat, quicquid eorum in hoc Opere describitur. Non cusi illi omnes in Belgio sunt, ad historiam tamen Belgii utcunque spectant, & veræ suæ magnitudini tanto hic certius respondent, quod Cl. Autor nullos, nisi a se vi-
 sos, producit, & si quos illis alios admiscet, testimoniis Autorum, unde eos mutuandos duxit, ita confirmat, ut de veritate eorum dubitari nullo modo possit. Neque hic monumenta tantum, quibus secundæ res Provinciarum Fœderati Belgii occasione præbuere, qualia in Vita *Ludovici Magni* numismatica utramque faciunt paginam, sed etiam, quod vel ex nummis obsidionalibus, de quibus dictum est, satis intelligitur, quæ calamitates publicæ autoribus suis expresserunt, quemadmodum & minus affabre excusa perinde, ac quibus ab artificio singulari commendatio accedit, producuntur. Ordinem Cl. *van Loonius* eum sequitur, quem temporis ratio requirit, tametsi eundem in nummis nonnullis, quibus nulla facta singularia, sed

laudes certorum hominum generation, designantur, non sine ratione migrandum duxit. Si qua alicubi menda reperitur, non sunt ea chalcographi, sed ipsorum numismatum, quæ emendatiora, quam cula sunt, dare non licuit. Inscriptiones tamen non, ut in nummis, nudis vocum compendiis repetuntur, sed, ut facilius intelligantur, integræ comparant, minori nempe forma adjectis literis, quibus adscribendis singulis angustiz spatii in nummis ipsis oblitere. Reperiuntur ceteroqui in Opere hoc ter mille circiter nummi delineati descriptique, in quibus colligendis *Andreas Schamakerus*, *Balthasari Scotto*, & *Christophoro Beudekero*, patriarum antiquitatum indagatoribus sedulis, permultum debere se, *Cl. van. Loonius* grati animi testificandi causa fatetur.

HISTOIRE DE DANNEMARC AVANT ET DEPUIS
l'établissement de la Monarchie, &c.

h. e.

HISTORIA DANIÆ ANTE ET POST INTRO-
ductum statum Monarchicum, Autore J. B. DES
ROCHES, Equite, Consiliario, & causarum patrono
generali Regis Christianissimi in Collegio, cui reddituum
Regiorum cura demandata est, & Camera patrimonii
Regii districtus Rupellensis. Nova editio, recognita &
emendata, post editionem Batavam; cui addita Con-
nuatio ejus Historiæ usque ad annum 1732.

Tom. IX.

Lutetiz Parisiorum, apud Rollinum, filium, 1732, 12.

Tom. I pl. 19, Tom. II pl. 22, Tom. III pl. 19, Tom. IV pl. 18,
Tom. V pl. 18, Tom. VI pl. 19, Tom. VII pl. 19,
Tom. VIII pl. 15, Tom. IX pl. 19½.

Quæ apud *Waesbergios* in Belgio A. 1730 sex Voluminibus
prodiit *Historia Daniæ Cl. des Roches*, in principe Gallo-
lorum

lorum urbe Lutetiæ Parisiorum correctior & auctior altero post anno novem Voluminibus lucem adspexit solertia Bibliopolarum Parisiensium, qui, cum intelligerent, fuisse adhuc neminem, qui res Danorum a primis initiis ad hæc usque tempora Gallico sermone exposuerit, librum hunc quanto citius prelo repetendum, Regioque muniendum privilegio, curarunt. Cum prima illa, quæ apud Batavos exiit, editio, ephemeridibus literariis laudata, nostro se conspectui adhuc subduxerit, atque adeo, altera hæc Parisiensis cum illa contendere a nobis nequeat in præsentem, quid hæc præcipui habeat, accuratius definire non licet, maxime cum Præfatio generalis nulla vel Auctoris, vel ejus, qui editionem hanc absente, ut videtur, Autore curavit, Operi huic præmittatur. Id certum cum ex titulo ejus, tum peculiari indicio, a Bibliopolis *Tomo IX* præmisso, editioni huic narrationem compendiarum rerum ab A. 1699 usque ad trigessimum secundum, incertum, quo compilatore, adjectam. Cl. enim *des Roches* eam non deberi, vel, quæ proxime, nullo Auctoris sui indicio facto, subjuncta est, vulgata prædem versio Gallica libri Anglici, quo *Molesworthus* statum quondam præsentem Danicæ delineavit, satis loquitur, quam ille, utpote contraria omnia iis, quæ de ratione hodierni Danorum regiminis, *Friderico III* regnante introducti, tradit, docentem, prætereque correctione & augmentis novis hodie plurimis indigentem, hac facie suæ nequiquam tractationi attexuisset. Utrique editioni communis haud dubie duplex Dedicatio, altera *Friderico IV*, cujus imago, cerea tabula expressa est, altera, extincto illo ante, quam vel prelo exire liber, vel offerri posset, *Christiana VI*, hodie Danicæ felici auspicio imperanti, sacra, in qua, quibus parentem *Fridericum* ornat laudibus, eas ad filium *Christianum*, virtutum patriarum hæredem, suo quodam jure transfert. Operi universo præmissa est historica Præfatio, lectoris id cum fructu viam sternens. Ut potiora inde paucis delibemus, Scriptorum plerique, ut docet Cl. *des Roches*, Regum Danicæ ante Christum natum longam contexuere seriem, sed fabulis tot mixtam, ut omnia in universum repudianda censuerint: nonnulli, quæ memoriæ ea

do

de re prodita circumferuntur. Ipse iis haud paulo religiosior suo quidem omnia loco reliquit, sed res gestas, quæ Regibus illis tribuuntur, strictim commemoravit ea lege, ut fidem dictorum penes Autores relinquendam duxerit. Antiquissimus Danorum Rex vulgo *Dan*; reperiuntur tamen & ante Reges, quos judicum vel Ducum nomine terras has rexisse fama est, quin, altius si progredi libeat, præsto sunt nomina posterorum *Noe*, qui primi has incoluisse terras feruntur. Tres hinc periodi, triplex regendi populi ratio, prima herilis, atque ei, quæ apud Patriarchas obtinuit, simillima, usque ad annum orbis conditi 1960, altera Ducum usque ad annum 2910, tertia Regum, eorumque tum gentilium, tum Christianorum, ad nostra usque tempora. Ac tertia quidem periodus octo familias, sibi invicem succedentes, complectitur, nempe 1) Danicam, 2) Dano-Suecicam, vel Hottfridorum, 3) Gothicam, 4) Scanicam, 5) Norwegiensem primam, 6) Norwegiensem alteram, 7) Anglicam, vel Suenoniam, 8) Oldenburgicam. Sed in hac serie Regum ordinis perturbationem, & quod venditentur pro Regibus ad dignitatem nunquam evecti Regiam, sed nullo nisi Comitum vel Dominorum titulo illustres, jure reprehendit Eruditiss. *Thormondus Torseus*, cujus *Chronologia Regum Danorum* huic Præfationi subjuncta est, quemadmodum & observationes ejusdem ad calcem cujuscunque antiquiorum Regum additæ comparent. Utcunque autem ante *Odini*, magi, a quo *Torseus* orditur, in his partibus adventum nihil certi explorativè historia Danica complectitur, tamen ante ea tempora nec incolis Daniam, nec Rectoribus, tamen si Regio nomine, quod quo tempore usurpari primum coeperit, vix definiri potest, ab initio non utentibus, caruisse, *Cl. des Roches* arbitratur. Quin & hæreditario eos jure sibi invicem successisse, ex constanti omnium temporum usu observat, tamen non ignarus, fuisse Scriptores, qui contrariam sententiam tuendam susceperunt. Non negat sane, *Waldemari I* temporibus jus eligendi Regem quodammodo receptum videri, ab ipsis Regibus, dum hæredes proximi successores designarentur, agnitum, idque a *Saxons Grammatico* propugnari: sed hunc

hunc partium studio, quod Ecclesiastico ordini adscriptus ambitioni Episcoporum litandum duceret, abreptum contendit, & rejecto *Haraldi & Nicolai* exemplo, ab *Abele* demum eligendi illam Procerum Danicæ potestatem derivat, quæ sub *Friderico III* superiori Seculo expiravit, revocato a Danis veteri illo successionis jure, ita illis probato quondam, ut ad filias quoque, cujus rei varia exempla Autor profert, id extendere nulli dubitarent. His præmissis, Cl. *des Roches* Geographicam Danicæ descriptionem subnectit, & brevi regiminis antiqui & hodierni instituta comparatione, indolem Danorum, veterum imprimis, describit, fortitudinemque eorum & res terra marique gestas, studium gloriæ, curam prohibendi, ne heroum præclara facta oblivione deleterentur, monumentis post fata eorum positis, cæminibus, aliisque modis, declaratam, religionem, & post missam de metempsychosi persuasionem saniores de animæ immortalitate vitæque futura sententias, Deos, pugnam cum spectris, cultum ignis, & quod mirum, ligni, quo corpora, quemadmodum animos igne, constare opinabantur, ex quorum posteriori manare potuit ritus corpora defunctorum in navibus reposita vel tumulandi, vel una cum iisdem concremandi, porro venerationem *Odini* singularem, ut & *Freya*, locum, quem bello cæsis post hanc vitam assignabant, *Vallball*, quasi cæsorum aulam dictam, sententiam de fato, rationem divinandi, &, Christiana religione recepta, constantem tribuendi suum cuique voluntatem, æquissimis legibus earumque observantia sedula comprobatam, legislatores præcipuos, *Waldemarus* imprimis duos, *Fridericum III*, & *Christianum V*, denique ordines, quibus Danicæ quondam regnum constabat, insignia Danicæ, & rationem administrandi iustitiam, satis luculenter ob oculos ponit. Hanc Præfationem sequitur, ut diximus, Chronologia *Torsæana* de vetustis Danicæ Regibus, cui Autor Dissertationem de quibusdam Juticæ rectoribus, quos nonnulli pro Regibus universæ Danicæ venditant, itemque de iis, qui medio inter *Sivardum* & *Gormonem I* tempore præfuisse Danicæ feruntur, ex *Torsæi* serie Regum Danicæ potissimum decerptam, subtexuit. De ipsa jam Historia Cl. *des Ro-*

ches pluribus dicendum esset; sed Lectores, certiores facti, nihil hic prætermitti facile, quod quidem scitu dignum sit, Auctores, quos sequendos ille duxit, ad marginem appellari frequenter, narrationis filum stilo culto facillique deduci ab initio ad finem usque, tractationi subinde, ne quid legentium morari studium possit, notulas subjungi, nec Indices, simili libro pernecessarios, desiderari, satis habebunt, si, quid singuli Tomi complectantur, & quousque pertingant, indicaverimus.

Tomo I igitur ab anno orbis conditi 1800 orsus Autor, post narrationem brevem de iudiciis Cimbrorum Reges inde a *Dane* usque ad *Suenonem*, quem tertium & quinquagesimum numerat, persequitur, facta sub finem mentione lacunæ, quæ in Historia Danicæ per trecentorum & quod excurrit annorum intervallumprehenditur. *Tomo II* a *Biornone*, Rege LIV, usque ad *Suenonem* III, ordine LXXXIX. *Tomo III* usque ad *Christophorum I*, Regem XCV. *Tomo IV* usque ad *Margaretham*. *Tomo V* usque ad *Joannem*. *Tomo VI* usque ad *Fridericum II*. *Tomo VII* usque ad annum XI regiminis *Friderici III*. *Tomo VIII* usque ad *Christianum V* progreditur, in cuius fatis supremis cum desierit, *Tomo IX* denique compendiaria illa narratio, de qua diximus, rerum Danicæ ab A. 1699 usque ad præsentis Seculi annum trigessimum alterum gestarum, una cum *Moleworthi* Descriptione status Danicæ præsentis, sed qui hodie quidem per omnia præsens appellari nullo modo potest, coronidem Libro imponit.

HISTOIRE DE CHARLES XII, ROI DE SUEDE.

h. e.

HISTORIA CAROLI XII, REGIS SUECIÆ,

Auctore DE VOLTAIRE.

Tomi II.

Amstelodami, sumptibus Societatis, 1732, 8.

Tom. I pl. 14. Tom. II pl. 14.

Histo.

Historia *Caroli XII*, Regis Suecorum, quo ætas nostra nihil illustrius vidit, atque illa non ab obscuro nominis Scriptore e turbidis lacunis ephemeridum hausta, sed ex limpidioribus fontibus a Viro, cujus dexteritas non unis adhuc ingenii monumentis erudito orbi probata, nihil mediocre pollicetur, petita, vel primo adspectu Lectorum animos ad se convertat, necesse est. Non mirum igitur, avidissime exceptum fuisse hunc factum ingeniosissimi Viri, *Cl. Voltairii*, qui, post contextam plaudentibus Musis *Henrici IV*, Regis Gallorum, carmine epico Historiam, solutæ se orationis non minorem in rebus gestis *Caroli XII* exponendis artificem præstitit. Operi politissimo non minus comita præmittitur Præfatio, qua observat Autor, perparvos reperiri Principes satis dignos, quorum vita & res gestæ memoriæ prodantur; spectare huc eos, quorum insignia in genus humanum vel beneficia extent, vel maleficia. Inter hos inedium tenere locum fundatores magnorum imperiorum, sed ad tyrannorum propius, quam bonorum Principum, classem accedere, nominis que ante alios celebritate florere. Ceteros nec sago, nec toga, illustres, & ut viriis, ita virtutibus parum excellentes, rectius, negligi, tametsi & his præcones sui non desint, sed non oblituri aliquando, ne posteritas, non nisi in summis Viris contemplandis defixa, non oblivioni tradat heroas, quos præpostero studio laudandos susceperunt. *Carolus XII*, Regem Suecorum, ejusque æmulum, *Petrum, Alexii* filium, Imperatorem Russorum, eodem illo longe superiorem, haud dubie ad censum Principum generis prioris pertinere: atque inde illius historiam scribendam duxisse Autorem, ut sui futuram Principibus, ne aliorum bellica sædæ florentium vestigia cæcæ impetu sequantur. Niti illam narrationibus hominum fide dignorum, qui plures annos in comitatu *Caroli, Petrique*, Russorum Imperatoris, vixerint; nihil hic a se tradi, de quo non testes avtoptas, eosque nemini improbandos, constituerit; multa minoris momenti prælia a præfectis militum Suecicis Russicisque commissa hic præteriri, quod non illorum, sed Regis, historiam condendam sumserit, in qua & ipsa non reperiantur,

YYY 2

nisi notatu omnium dignissima; ea vero omnia revocanda esse ad annum 1728; nam ab eo tempore & florere in Suecia commercia, & in Polonia peditatum ætiori disciplina adstringi, vestimentisque militaribus uti, cœpisse, contra quam ante se res habuerit; ceterum veritatem fortasse alicubi odium esse parituram, sed hominum ipsorum culpa, non Scriptoris.

Historia ipsa divisa est in duas Partes, quarum utraque totidem Libris, nempe quatuor, constat, ita, ut tota illa octo Libris absolvatur. *Primus*, generali Sueciæ & Principum illustriorum, quibus illa se, imprimis a *Gustavi Vasa* inde temporibus, jactat, cujusmodi *Gustavus* ipse, *Gustavus Adolphus*, *Christina*, & qui sequuntur, descriptione præmissa, sistit *Caroli XII* nativitatem, pueritiam, studia, mortem utriusque parentis, tutelam avæ *Hedwigis Eleonora*, sed illam minus diuturnam, quippe quam eodem illo anno, quo *Carolus XI* e vivis excesserat, *Caroli* inaugurationis suscipit, initia regni minus auspiciata, tres, quos uno tempore nactus est, hostes, *Fridericum IV*, Danicæ Regem, *Augustum II*, Regem Poloniæ, & *Petrum*, Russorum Imperatorem, trajectum ejus in Seelandiam, pacificationem Trauendahlensem, novi cum Russis belli auspiciâ, Narvumque exigua Suecorum manu ab innumerabili Russorum oppugnantium multitudine liberatam.

In secundo Lectoribus sese offert *Augusti II* Birzenæ cum *Petro*, Russorum Imperatore, conventus, clades Saxonum ad Dunam, *Caroli*, subacta Cuslandia, in Lithuaniam transitus, captumque recens Birzenæ de abroganda per ipsos Polonos *Augusto* dignitate regia consilium. Sequuntur comitia regni Varsoviensis, cœpta mense Decembri A. 1701, & finita anno insequentis mense Febuario, Kœnigsmarckiz Comitissæ ad Regem *Carolum* iter, Legatio Polonorum ad eundem, *Caroli* adventus Varsoviæ, prælium Clissoviense, comitia Lublinensia, conventus Varsoviensis, pugna Putteskenfis, Thorunium & Elbinga ad obsequium redactæ, consilium procerum conventus Varsoviensis repudiato *Augusto Jacobum*, *Joannis III* filium, Regem creandi, ejusdem *Jacobi* una cum fratre *Constantino* captivitas, & *Alexandri III* fratris in abnuenda regia dignitate, quam *Jacobo* potius deberi sibi persuaserat, constantia.

Ter-

Tertium Librum inchoat *Stanislaus Lescinskius*, Rex Polonis vel invitis obtrusus a *Carolo*, & capta ab eodem Leopoldis. Succedit inde fuga *Stanislai*, Varsoviā appropinquantē *Augusto*, Punitzenſe prælium, receptus *Schulenburgii*, reditus *Stanislai* Varsoviā, ejusdemque inaugurationis peracta prid. non. Octobr. A. 1705, progressus Imperatoris Russorum, in primis condita urbe Petropolitana, ejusque novum cum *Augusto* colloquium, crebræ Russorum in Polonia clades, pugna Frauenſtadienſis, Suecorum irruptio in Saxoniam, prælium ad Kalischam, pacificatio Ranſtadii, supplicium *Patkulii Paikeli*que, *Petri*, Russorum Imperatoris, & pacificatione illa & supplicio *Patkulii* summopere offensi, studium vindictæ & molitiones in Polonia, *Stanislai* cum firmo Suecorum præsidio in patriam e Saxonia reditus, Legatorum, quos plerique orbis Christiani Principes ad *Carolū* misere, in primis *Marſeburgii* Ducis adventus, ejusdemque Regis *Caroli*, *Augusto* ante Dresdæ salutato, e Saxonum terris post annuam commorationem discessus.

E *quarto* jam *Libro* discas, quo pacto, Legato in Poloniam misso, *Carolū* sibi colendum duxerint Turcæ, velut jam tum diuturni apud se hospitii spem ei facturi, qua celeritate is *Prætrū* Russosque Grodnovii oppresserit, eosque ad fines usque Russici Imperii inſecutus, ad Boristhenem fuderit, neque ea te contentus, transmissis eo fluvio, in terras Smolenskenſes perrexerit, victisque non sine præſenti vitæ discrimine ad Smolenskiam quantumvis Russis, ad urbem tamen Imperii ejus principem Moscoviam iter, quod moliebatur, intermittendum duxerit, Ukranenſes quippe terras impulsu *Mazeppæ* ingressus, qua deinceps ratione, post cladem *Læwenhauptii*, & commeatum & subsidia nova militum adducentis, frigore primo, deinde & fame, victus, Pultavam oppugnare instituerit, sed, prælio mox ad eandem urbem, appropinquantibus cum *Petro* Russis, commisso, disceſſerit inferior, totque victoriarum, quas novem annorum spatium reportarat, fructus corruperit, extrema omnia perpeſſurus, nisi apud Turcas perſugium captivitatem ægre effugienti patuiſſet.

Quintus Liber Carolum describit in Turcarum finibus Ozakoviæ primum, deinde Benderæ, commorantem, Turcasque ad bellum Russis inferendum summo incitantem studio, sed per *Tolssai*, Russici Oratoris, summum Visirium ejusque assclas auro corruptentis, artes parum proficientem, bonæ nihilo ipinus spei plenum, equitando, ludendo, ut & legendo, Gallicos inprimis Poetas, otium fallentem, rerum in Polonia potiente rursus Rege *Augusto*, Imperatore autem Russorum victoriarum cursum in Livonia prosequente, deque victo *Carolo Moscoviæ* solenni ritu triumphante. Quæ & alia ut *Carolo* minus grata; ita haud parum ejus animum crexit Danorum, qui in Scaniam irruerant, clades, & multo magis bellum Russicum Turcarum, Russis, ad Pruthum fluvium, qui Hierasus antiquis, tantum non ad incitas redactis, funestum, sed pace, ad quam procurandam *Catharina*, *Petri* conjux, operam contulit, peropportuna redentum.

Succedunt inde *Libro sexto* Turcarum consilia de *Carolo* e terris suis amandando, *Caroli*que in eludendis iis artes, novi belli Russis inferendi spes, exstinctaque ea iterata de discessu *Caroli* mandata Turcarum, *Caroli* cunctatio, alias ex aliis causas moræ ulterioris obtendentis, Turcarum vis postremo adhibita, ut vel invitum terris suis *Carolus* abstraherent, *Caroli* in propulsanda illa vi pertinacia, & secuta inde captivitas.

Liber denique septimus & octavus, ut brevitatis causa junctim de iis dicamus, *Carolus* in Castello Demirtash, mox Demoticz, agentem, lectoque, vel quod simularet morbum, vel quod reapse ægrotare cœpisset, plurimum intervallo mensium affixum, ac tandem aliquando redeuntem in terras suas, mirum in modum afflictas interea attenuatasque, & iter Cal. Octobr. A 1714 cœptum Cal. Decembr. absolventem, post reditum inde fœderatorum in Pomerania armis frustra obsistentem, Stralsundiz obsessum, eaque tantum non capta, jam in Sueciam se recipientem, signis infectis Norwegiæ fines ingredientem, sed, commeatu deficiente, mox reducem, deque *Gorittii*, qui tum unus omnia apud eum poterat, consiliis aureos sibi montes pollicentem, post, renovato in Nor-

Norwegia bello, *Friderici* aulam oppugnantem, atque ibi glan-
de tormentaria trajectum, ob oculos pōnit.

Atque hæc omnia non tantum uberius enarrat Cl. *Voltaire*,
sed & subinde variis apophthegmatibus distinguit, sed quorum
omnium veritatem ut præstare Vir diligentissimus possit, ad-
modum veremur. Tantoque altius legentibus haud dubie in-
fidebit hæc suspicio, quod & alibi in Historia hac familiare
illud Poetis mira potius, quam vera, propinandi studium mani-
festius pellucet, quam ut negari possit. Tacemus, quod, mo-
re Gallis consuetō, nomina Germanica hic illic corrumpit, di-
cendo *Finslen* pro *Pfingsten*, *Einsilden* pro *Einsidel*, *König-* T. II p. 49.
sling pro *Königstein*, quo & pertinet, quod affirmat, matrem
Catharina, Imperatricis Russorum, fuisse agrestem nomine
Erb-Magden. Sed plura, eaque haud paulo gravioris momen-
ti, Lectores veritatis studiosi jure desiderabunt, prout vel ex
Cl. *Mottraji* Observationibus patet, de quibus jam dicendum.

REMARQUES HISTORIQUES ET CRITIQUES sur l'Histoire de CHARLES XII, &c.

h. e.

OBSERVATIONES HISTORICÆ ET CRI-
tica in Historiam CAROLI XII, Regis Suecorum,
a Domino DE VOLTAIRE editam, Supplementi
instar ad Opus illud concinnate a Domino
DE LA MOTRAJE.

Londini, apud Petrum Dunoyer, 1732, 8.

Plag. 4.

Qui Historiam Caroli XII, a Cl. *Voltaire* editam, de qua
diximus, sibi comparaverit, libello hoc tanto minus ca-
rere potest, quod ille minus curate vereque a *Voltaire* enar-
rata modeste corrigit non tantum, sed & prætermissa non u-
na dedita opera supplet. Autor ejus, Cl. *Mottrajus*, cui lite-
rarum cum Cl. *Voltaire* commercium, dum in scribenda is
Histo-

T. II p. 110.

Historia totus esset, intercessit, tametsi ejus vix semel ibi mentio occurrit, sponte equidem largitur, politi facundique Scriptoris numeros expleſſe *Voltaireum*, sed observat, non æque eum, veritatis leges quo minus migraret, sibi cavisse, *Carola* quippe suo subinde dicta & facta adscribentem, quæ nemo ab eo vel dicta audiverit, vel facta viderit, prætereaque tempora, loca, homines, nomina, dignitates, & munia ab iis gesta, confundentem sæpe ac mutantem. Atque ad aberrationis quidem in tempore assignando exempla pertinet, quod nec cladem Turcarum ad Altophum, ejusque urbis expugnationem, neque magnam illam Imperatoris Rufforum, *Petri*, cui ipse interfuit, legationem, suis annis tribuit *Cl. Voltairius*, tametsi hos lapsus ad incuriam typographorum *Motrajus* noster referre mavult. Sed miratur, non cortexisse *Voltaireum* saltem in altera editione Parisiensis, quam ipsius studio emendatam titulus profiretur, quod *le Forum*, celeberrimum Gallum, cui uni tantum non omnia debuit *Petrus*, Rufforum Imperator, filium exulis, religionis causa e patria profugi, appellat, contenditque, *Geneva* eum recta ad Ruffos venisse, ut stipendia apud eos mereret, deque eo haud paulo veriora & plura non unis paginis tradit. Tuetur porro, hominum fide dignorum testimonio nixus, *Carolus*, qui, captis semel armis, vino per omnem vitam abstinuit, antequam belli curis distineretur, vini potu nimio inebriatum, multa non modo Principis, sed & cujuslibet privati hominis, persona indigna admisisse, id quod aliter se habere tamen, *Cl. Voltairius* temere affirmat, cujus & de clade illa Rufforum celebri ad *Narvam* narrationi, mira multa, sed minus vero consona, complectenti, longe diversa, quæ ex ipsorum, qui interfuere, præfectorum militarium ore hausta est, hoc loco subjuncta cernitur. Dixerat item *Voltaireus*, *Reinschildium*, summum militum ductorem, prælio ad *Frauenstadium* commisso victorem, sex horarum spatio post victoriam præterlapso, Ruffos cædi ad unum omnes jussisse, tametsi vitam suppliciter petentes. Id non crudelitati *Reinschildii*, sed mandatis *Caroli*,tribuendum esse, *Motra-*

Motrajus ostendit: nihil enim non egisse *Reinschildium*, ut vitam iis exoraret apud *Carolus*, sed frustra; *Carolus* vero, crudelitatis, quod ad hoc factum attinet, utique reum, excusari quodammodo posse, si *Patkulii* supplicium species, qua in re una humanitatis leges migrasse *Carolus*, *Voltairius* contendit; *Patkulium* enim videri Russos, Danos, & *Augustum*, Polonorum Regem, ut Suecos bello aggrederentur, concitasse.

Tradit porro *Voltairius*, postridie, quam *Carolus* *Dresda*, qua in urbe *Augusto* e Saxonia abiturus vale dicendum putarat, ad suos rediit, cum percrevisset rumor, extra ordinem cum Proceribus aulae suae consultasse *Augustum*, *Reinschildium* dixisse, deliberare eos, quid facto opus fuerit pridie ejus diei, cum *Carolus* in eorum potestate esset. Id vero *Strahlenheimio* *Motrajus* vindicat, iisque in dubium vocatis, quae de *Marleburgio* Duce, *Caroli* consilia de proseguendo adversus Russos bello expiscante, a *Voltairio* afferuntur, ostendit, id unum dubitari non posse, Heroa tantum ex merito exceptum a Suecis non esse, idque exemplo *Piperi*, Comititis, venienti ad se post semihoram demum sui copiam facientis, illustrat. Odium erga Gallos velut natura insitum in *Carolo* observasse *Marleburgium* eundem, *Voltairius* affirmat. Sed negat *Motrajus*, ejusmodi quid unquam se in Rege eodem animadvertisse, Imperatoremque *Josephum* absolvit culpa violatae pactionis *Altranstadiensis*, qua sacrorum restitutionem *Silesiis* impetravit *Carolus*, a *Voltairio* ei temere objecta, quem & Legatum ad Rempublicam Polonorum missum perperam pro Oratore ad *Carolus* dedita opera amandato venditasse observat. Sed longum sit, cetera, quae numero non pauca sunt, omnia persequi. Satis fuerit, docuisse, bonae frugis plenissimum esse libellum hunc, & tanto digniorem fide, quod testem oculatum, aut a testibus oculatis veriora edoctum, Autorem agnoscit, neque adeo dimittendum e manu ei, qui a *Voltairio*, speciosa potius, quam vera & solida, nonnunquam confectante, in transversum rapi noluerit.

A NATURAL HISTORY OF BIRDS, &c.

Zzz

h. e.

h. c.

NATURALIS HISTORIA AVIUM, ILLUSTRATA centum unaque Tabulis æneis, ad vivum curiosissime exsculptis. Editæ Autore ELEAZARE ALBINNO, magnoque studio ipsius filiarumque pictæ ad fidem originalium, ex vivis avibus desumptorum.

Tomus I.

Londini, sumptibus Autoris, 1731, 4.

Plag. 12½, cum Fig. 101.

Historiam avium post *Jonstonum*, *Aldrovandum*, *Raium*, & *Willugbejum*, nemo curatius Cl. *Albino* recensuerit, si eadem, de quo dubitare fas non est, felicitate ceteri post hunc primum Tomi in lucem prodituri sunt. Nec studium defuit Autori & in perlegendis antiquiorum Operibus industria, nec artificiosæ manus dexteritas, cujus gloriam cum filiabus sponte lubensque partitur. Descriptionis forma eadem est, quæ *Caterby*, siquidem modo a ponere avis, modo ab ejusdem latitudine, aut longitudine, cujus mensura eidem in ave volante est, itidemque ab Iridis in oculo colore, pedumque reliquarumque corporis partium conformatione desumit, quo ipso, maxime si *Raji* opera uti voluisset, luculentam avium methodum, ne sine ordine progressus esse videretur, instruere potuisset. Imo vero haud difficulter deprehendas, naturali quadam serie aves sibi invicem succedere, ut ratio dari possit, cur sic & non aliter disposuerit. Initium dicendorum faciunt aves terrestres, agmen claudunt aquaticæ. Terrestrium prolixa familia suis consanguinitatibus affinitatibusque gaudere deprehenditur. Agmen ducunt aves rostris aduncis, quas rapaces carnivorasque appellare solemus. Potuerant characteres quidam externi assumi, quibus hæ aves in classes dispescerentur; sic buteones ab accipitrum ordine diverfi sunt, quandoquidem horum maculæ pectorales transversim excurrant, illorum vero semi-

semihumanæ sint. Imo etiam in cauda avium, ejusdemque quoad pennas forma, haud levior est characterum apparatus; siquidem in quibusdam avibus adunco rostro armatis expansa est & integra, in quibusdam bifurcata, quo signo aliquis *Mitvor* a reliquis avibus facile dignoverit, siquidem & rara alarum vibratione volat, quo ipso clarum est, a volatu, si cui placuerit, avium plurimarum descriptiones & genericas differentias desumi posse. Insillit Autor *Rajana* methodo, proximo post rapacium ordinem loco avium familiam collocans, quæ rostris sunt rectis, magnis, & prævalidis, & ad quarum colorem maxime respiciendum est, si distinguere singulas, & peculiari loco collocare quis velit. Nempe unicolores sunt, nigro aut albe cœruleo, aut ex nigro splendente *Monedula*, *Corvus*, *Cornix*. Capite cruribusque nigrescit *Pica*, inde variis coloribus ludit, pennas vestitricis puniceas, remiges alæ caudæque varias habens *Pica glandaria*, capite purpureo, cetera viridis est *Picus viridis*. Nempe in quamplurimis avibus constans est color, adeoque nihil impedit, quo minus definitionum fundamenta exinde peti possint. Sequuntur aves, quæ superiorem rostri valvam tantum inflexam habent, granivoræ, seu gallinarum genus, ex quibus cauda bifurca est collo caudaque aut capite, cœruleus, orbita oculorum rubens, cetera fuscus *Urogallus* minor, integra gaudent hac breviori pedibus undique pluma vestitis *Lagopus*, longiori & speciosa *Phasianus*, brevissima *Perdrix*, *Coturnix*. Sic apte succederet negotium, si a mobilitate pinnarum caudæ, prout in Pavone & Gallo pavone, aut ab eo, quod quædam digito pedis posteriore careant, prout in *Otide* & *Oedicnemo* Tab. LXIX accuratissime observatum est, quis divisionis rationem desumere velit. Peculiaris classis est avium melodicorum, quæ tantum exercent, cum plures alæ sint amelodi, sonosque edant incompósitos gravesque audientibus. In harum avium speculatione si quis cum voluptate versari voluerit, non tantum cantus diversitate, si apti inveniantur termini, sed & colorum varietate, aut, quod in his incurvum sit rostrum, in aliis minus, definitiones excogitare poterit haud dubias & quam maxime de-

claratas. Quamvis enim & definita cuique avium generi sit natura, possintque & ab eadem aves definiri, æquivoca tamen est & parum constans, quæ sic conficitur, descriptio. Si quis porro cogitaverit, vitæ genus plerisque congeneribus ceteroquin avibus diversum esse, ita, ut detur *Merula sylvarum*, *Merula murorum*, alia sit *pratorum*, alia *arborum* *Alauda*, sint domesticæ *Hirundines*, sint, quæ *murorum* aut *pontium* appellari solent, illi dubium non erit, de consuetudine moribusque avium Autoribus ornithologiæ, si eadem cum *Cl. Albino* felicitate uti velint, inter se conveniendum esse. Denuo autem ad rostri indolem & mensuram deveniendum est. In illo avium genere, quæ circa aquas & stagna, aut marium littora, degunt, rostrum productius & acuminatum, pedum etiam mensura præalta, observatur, prout in *vanello*, ave *pugnace*, *ciconia*, *grue*, *rallo aquatico*, secus ac in *rusticis longirostris*, *scolopace*, aliisque, quibus pedes breviores sunt. Quotusquisque enim est, qui, cui fini hæc omnia sic sapienter a Creatore ordinata sint, non videat? Quod si quis ejusmodi aves, eo quod circa aquas degant, aut ex iisdem nutrimentum petant, ad aquaticarum classes simul referre velit, illi totum hoc genus dividendum esset in *filipedum* & *palmipedum* ordinem. Illis scilicet rostra aut longissima sunt, aut longiora, reliquarum tamen avium mensuram multam superantia, his vero, quæ natatum exercent cum digitis pedum membrana conjunctis, rostra sunt lata. Imo, deprehendas, quarum pedes, eo quod terra aquisque victitent, seminembranosi sint, prout in *fulica*. Ex præsentis Operis splendore, & quo ab omnibus excipitur, applausu, & nobis & Autori de subsequendis. *Tomis* maxima potest esse & fiducia & expectatio.

AN ENQUIRY INTO THE EVIDENCE OF THE
Christian Religion, by a Lady.

h. e.

INQUISITIO IN ARGUMENTA, QUIBUS
Chri-

*Christiane Religionis veritas probari potest, a Fœmina
Anonyma instituta. Secunda, eaque
auctior, Editio.*

Londini, typis Guilielmi Innys, 1732, 8.

Plag. 20.

Licet numerus vix inciri queat fœminarum, quæ scriptis
leditis nominis voluere consequi celebritatem; pleræque
tamen earum Poësin tantum ingenio suo convenire judica-
runt. Philosophiæ scientiæ paucissimæ animum suum imbue-
runt. Neque tamen omnino defuerunt studii Philosophici &
utilitate insigni & voluptate eximia ductæ. Quarum quidem
aliquot ex instituto recensuit S. Rev. D. Joannes Erbergius in
Dissertatione de *Mulieribus philosophantibus*, Upsaliæ A. 1699
habita. Doctissima Fœmina, quæ, quod præ manibus habemus,
scriptum elaboravit, quam verbis divini ministri Londinensis
Newcomii conjugem esse, nobis relatum est, utique non ulti-
mum inter mulieres philosophantes locum meretur, cum de
argumento utilissimo, quod gravissimorum Virorum exer-
cuit ingenia, non solidis solum, sed & perspicue prolatis,
argumentis laudabili consilio & felici disputantis solertia. Quæ
hujus scripti sit ratio, ex editione ejus secunda, quæ priori au-
dior & in Indice & in Præfatione dicitur, exponemus. Prio-
rem enim editionem oculis nostris non usurpavimus.

Et sub initium quidem illud sine laude referre non possumus, quod Eruditiss. Fœmina definitiones & theoremata aliquot
ipsi veritatis religionis Christianæ demonstrationi præmiserit.
Neque enim solum exponit, quid per veritatem, evidentiam, Pag. 1, 2
demonstrationem, certitudinem, probabilitatem, fidem, opi-
nionem, &c. intelligi in suo libro velit; verum etiam, quid per
felicitatem, miseriam, summam voluptatem, & religionem, de-
notet, declarat. Harum vocum enim in ipsa de veritate reli-
gionis Christianæ Disputatione non poterat non frequens fieri
mentio. Theoremata quædam eo consilio præmisit, ut ad
ipsam, quam meditatur, veritatis religionis Christianæ demon-
strationem viam sibi muniat. Summa eorum est, omnes
homines teneri de mediis sollicitos esse, quibus felicitatem suam
pro-

promoveant. Quam quidem veritatem cum nemo unus vel queat, vel velit, in dubium vocare; concludit, ipsius rationis iudicio illum impudentissime agere, qui non vult in veritatem religionis Christianæ data opera inquirere, cum omnibus, qui secundum ejus præscripta incedunt, summam promittat beatitatem. De veritate religionis Christianæ nemo potest convinci, nisi prius concedat, Deum existere. Igitur Doctiss. Fœmina *Seçt. VI* in argumenta inquit, quibus fides nostra de existentia Dei nititur. Argumentis nullis a priori existentiam Dei probari posse, existimat, cum nullæ de Deo dentur idæ innatæ. Quam quidem controversiam ut hoc loco sub examini vocemus nostrum non patitur institutum. A posteriori autem optime existentiam Dei defendi posse, tuetur. Cum nemo in dubium vocet, mundum existere; necessarium esse, concludit, hunc ipsum vel sine causa existere, vel a certa causa esse productum. Si sine causa existit; consequens esse, eum ab æterno existere. Si autem non ab æterno existat; & causam existentiz suæ habere. Mundum non ab æterno existitisse, hac ratione probat. Quod systema nullum habet initium, nullum etiam habet finem. Impossibile enim est, adesse causam destructionis illius rei, cujus existentiz nulla est causa. Jam vero, cum ex natura & constitutione corporum naturalium nemo non intelligat, ea successu temporis destrui, & ad interitum suum vergere, manifestum esse, ab æterno mundum non existere; causam esse mundi ab ipso mundo diversam. Quæ quidem causa Deus appellatur. Probata supremi Numinis existentia, attributa ejus e consideratione mundi ab eodem creati eruit, & de supremi Numinis intellectu, potentia, sapientia, immutabilitate, independentia, beatitate, bonitate, iustitia, libertate, &c. verba facit, quæ malumus a Lectore in ipso Libro legi, quam hic copiose enumerare.

Seçt. VII pergit inquirere, quænam actiones ab hominibus debeant suscipi, ut homines supremo Numini arrideant? E re esse judicat, prius ad hanc quæstionem respondere, quam de revelatione quadam iudicium ferre; cum manifestum sit criterium, illam revelationem esse falsam, quæ præscribit officia

illius

illis contraria, quæ recta declinat ratio. Exempli loco commemoremus, ex quo principio officia hominis erga se ipsum derivet? Deprehendimus, ita rationes subduci, hominibus a supremo Numine facultates quasdam esse concessas, quibus & suam & aliorum felicitatem possint promoverè; consequens igitur esse, omnem homines debere navare operam, ut ne imminuant facultates a supremo Numine sibi concessas, quo omni tempore ad id sint idonei, ad quod a Creatore sunt destinati. Qui imminuit atque deteriores reddit facultates a creatore sibi concessas, variis se privat is felicitatibus, quibus potuisset frui, siquidem facultates a supremo Numine sibi concessas servasset integras. Omne igitur, quicquid debilitat facultatem intelligendi, judicandi, ratiocinandi, libere agendi; quicquid corpus imbecillum reddit, miserum efficit hominem, eumque supremi Numinis gratia privat.

Sec. VII ex instituto inquit, utrum rationi conveniat, a supremo Numine præter lumen naturæ aliâ expectare voluntatis ejus revelationem? Tuetur Doctiss. Fœmina, sive quis ad supremi Numinis attributa, sive ad naturam hominum respiciat, nusquam argumenta sese offerre, quæ persuadeant, nullam revelationem posse sperari specialem. Cum summum Numen creaverit homines, indignum etiam illo non esse, curari gerere eorum, actionesque dirigere. Ad homines quod attinet, multos in iis ad inveniendam veritatem, vel ob imbecillitatem ingenii, vel ob præjudicia, quibus sunt occupati, non esse idoneos. Multos, cum aliis negotiis sint distracti, tempus desinere quod inquisitioni veritatis debeat impendi. Certum igitur esse, multos homines variorum officiorum, quæ ad beatitudinem ducunt, constanter ignaros futuros, si quidem Deus singulari revelatione illos officia sciri necessaria docere velit. Jam vero, cum ignoratio officiorum ab homine præstandorum eos, privet felicitate, cujus alias natura fuissent capaces, & eosdem miseros non possit non reddere, consequens esse propugnat, non sine ratione sperari a supremo Numine revelationem specialem, quæ hæc ignoratio tollatur, præsertim cum neque de potentia ejus, neque de benevolâ in homines voluntate, ullum

fit dubium. Quæ quidem ubi copiosius eruditissima disputa-
vit Fœmina; sub examen vocat objectiones, quæ ex scripto, cu-
jus index: *Christianity as old as the Creation*, quod in *Actis A.*
1731 M. Jun. p. 252 seq. recensuimus, contra has positiones for-
mari possent. Autor ejus scripti, quem *Tindalium* esse constat,
tuetur, Deum legem dedisse, quam qui observet, non possit non
felicissimus evadere. Eundem omni tempore omnibus homini-
bus sufficientia concessisse media ad hanc legem cognoscendam.
Hanc legem magis extendi non posse, quam quidem ab omnibus
queat cognosci. Unicum autem medium cognoscendi hanc
legem omnibus hominibus concessum esse usum facultatum,
quibus homo distinguitur a brutis. Quibus quidem qui velint
uti, non possint non beatitatem consequi. Legem igitur illam
esse perfectam, neque illi quidquam posse addi. Ex hisce thesi-
bus utique confici posse videtur, nullam specialem revelatio-
nem esse sperandam. Si enim lex naturæ est perfectissima, si
omnes ea duce ad illum beatitudinis gradum pervenire possunt,
cujus natura homines sunt capaces, quare præter necessitatem
Deus novam cum hominibus communicaret revelationem?
Ipse quidem *Tindalius* hanc conclusionem e suis positionibus
non eruit, sed potius præter legem naturæ revelationem spe-
cialem legi naturæ exacte consentientem admittit. At enim-
vero Doctiss. Fœmina ex rei veritate judicat, non posse non eam,
quam protulit, conclusionem ex *Tindalii* thesibus sequi. Ope-
ræ igitur fecit pretium, quod ad hanc objectionem data opera
responderit. Videlicet negat & pernegat, *legem*, sive *religio-
nem*, quam intelligimus beneficio facultatum, quibus a brutis
distinguihur, esse perfectam. Cum Deus justissimus sit atque
benignissimus, consequens esse existimat, omnibus hominibus
eadem & erga Deum & erga alios & erga se ipsos esse præ-
scripta officia; a quorum impletionem omnis pendeat salus. Quo
plura igitur officia aliquis cognita habeat atque exerceat, eo
majorem eum consequi beatitatem. Omni vero carere dubita-
tione, homines mediocri ingenio præditos brevi temporis spa-
tio non posse eam sibi officiorum comparare cognitionem,
quam præstantissima ingenia sibi comparant. Multos igitur of-
ficia

ficia quædam negligere, quod sibi non sint cognita, atque hac ratione felicitate quadam, cujus natura fuissent alias capaces, se privare, & se miseros reddere. Consequens ideo esse, legem naturæ esse utique imperfectam, quippe quæ latius extendi nequeat, quam media sufficiunt ad illam detegendam. Quemadmodum hæcenus disputata tantum faciunt ad probationem positionis: non inconueniens esse, Deum singulari rationi revelasse, quæ etiam e rationis lumine a præstantissimis ingeniis multa adhibita opera erui possunt; sic etiam Doctiss. Fœmina in sequentibus sollicita est, utrum, salvis Dei attributis, sperari possit, Deum hominibus revelasse veritates, quæ nullo modo humani ingenii opera possunt detegi? Propugnat, utique ejusmodi revelationem posse sperari. Certum quidem esse, observatione legis naturæ ad magnum felicitatis gradum perveniri; illud autem neminem posse demonstrare, legem naturæ esse perfectissimam, sive, quod idem est, omnia, ne unico excepto, media præscribere, quæ ad beatitatem, cujus homines natura sunt capaces, ducunt. Nostrum potius esse, tueri, errorum nostrorum, quos sæpenumero committimus, & bonitatis Dei meminisse, atque sperare, summum Numen media nobis velle revelare, quæ ad felicitatem ducunt, humani ingenii opera autem detegi nequeunt.

Seçt. IX Doctiss. Fœmina in argumenta inquit, quibus probari potest, Christianam religionem pro divina revelatione merito atque optimo jure haberi. Principe loco præcipua capita & Judaicæ & Christianæ religionis eo consilio enumerat, ut ostendat, nihil quidquam in iis deprehendi, quod cum attributis supremi Numinis pugnet. Sigillatim annotat, quod egregia suppeditet media ad salutem ducenda, quæ rationis beneficio nullo modo detegi potuere. Ita v. g. Deum nobis remittere velle peccata propter perfectissimam Jesu Christi justitiam, modo in Jesum credamus, esse medium ad beatitatem perveniendi natura nobis incognitum, sanctitati autem Numinis convenientissimum. Contendit, homines revelatione speciali destitutos optima quæque a Deo quidem sperare, sed eos nullam rationem reddere posse, cui spes sua innitatur. Cum autem non

sufficiat, aliquam revelationem attributis Dei non refragari, ut eadem pro divina debeat haberi, argumenta alia addit, quibus Christianæ religionis veritatem extra omnem controversiam collocat. Etenim hac ipsa *Sectione* e miraculis a Christo perpetratis eandem adstruit.

Seç. X ad vaticinia provocat dudum ante Christum prolata, & in Christo perfectissime impleta.

Seç. denique XI multis argumentis erudite tuetur, Judæos Veteris Testamenti divinitatem rationibus solidis defendere non posse, siquidem Christum pro Messia agnoscere nolint. Nimis multa verba facere nos oporteret, si omnia argumenta, quibus Doctiss. Fæmina utitur, hoc loco enumerare vellemus. Idcirco exempli loco tantum commemorabimus, quomodo velit probari, miracula a Christo perpetrata veri nominis miracula fuisse. In ore miserrimorum hominum, qui in reprehendendis religionis Christianæ mysteriis ingenii laudem infelici successu & magno cum suo damno quærun, nihil hac objectione frequentius est: nobis cognitæ non sunt omnes leges naturæ, qui igitur certi esse possumus, leges naturæ unquam esse mutatas, & quod idem est, miraculum evenisse? Rectissime ad hanc objectionem Doctiss. Fæmina respondet, non esse necessarium, ut aliquis omnes norit leges naturæ, qui certo se scire tuetur; leges naturæ esse in hoc vel illo casu mutatas. Sufficere, exploratum esse, omnia corpora ejusdem naturæ secundum easdem moveri leges, & easdem causas ordinatim eodem producere effectus. Quodsi igitur corpus moveatur alia lege, quam reliqua omnia ejusdem naturæ, quodsi eadem causa in iisdem circumstantiis alium, quam ordinatim solet, producat effectum; nullum esse dubium, quin evenit miraculum. Hæc ipsa autem miraculorum criteria sufficere, ut probetur, miracula Christi veri nominis miracula fuisse, non solum affirmat, sed & ipso facto demonstrat, dum ex iis facta Christi, quæ miracula dicuntur, felici judicat successu.

Pag. 12.

MEMOIRES CONCERNANT LA THEOLOGIE
& la Morale.

h. e.

COM-

COMMENTARII, QUIBUS VARIA, QUÆ AD
Theologiam & Doctrinam Moralem spectant, con-
tinentur.

Amstelodami, 1732, 12.

Plag. 17.

Qui horum Commentariorum edendorum autor Bibliopo-
læ fuit, Vir eruditus, complecti illis laudabili consilio insti-
tuit libellos ad Theologiam Dogmaticam & Moralem spectan-
tes, quibus paulo majoris momenti res explicantur, quique in
paucorum manus veniunt. Novem hujus generis libellos pri-
mum hoc Volumen complectitur. Et tertius quidem, & qui
hunc sequuntur, quartus, quintus, sextus, & septimus, separato Vo-
lumine editi sunt, eorumque argumentum nuper in
Supplem. Nov. Act. Erud. Tom. I Sect. IV pag. 132 seq. exhi-
bimus. Reliquorum igitur argumentum nunc breviter
enarrare constitimus. Primus omnium libellus ad religionem
naturalem spectat, cujus brevem, eamque egregiam, adumbratio-
nem sistit. Probata ex consideratione mundi, motu, ordine,
structuraque universi, natura denique mentis humanæ, quæ nec
sui ipsa causa esse, nec ex composito & materia oriri possit,
existentia Dei, illi refelluntur, qui mundum aut casu ortum es-
se, aut æternum dicunt, quorum sententiæ in eo tantum differ-
re Autori recte videntur, quod illi in tempore, hi autem ab æ-
terno, mundum casu natum affirmant. Utramque enim sen-
tentiam ejusmodi esse, ut ex ea, cur mundus existat, intelligi ne-
queat; id vero omne casui tribui, cujus causæ nullæ sint, aut
saltem ignorentur. Perfectiones divinæ ex potentia & sapientia
demonstrantur, quam quidem utramque Deo inesse, ex ipsa
mundi consideratione patet. Neque placet ea ratio demon-
strandi eas Autori, quæ illas ex summæ perfectionis ratione de-
rivat, quam quippe Deo inesse, demonstratis demum omnibus
perfectionibus, intelligatur. Non posse dubitari, porro ostendit,
logem naturæ esse. Vulgo ad notiones communes referri ejus
præcepta, quibus nemo assensum negare possit, quales sint:
totum est majus parte sua, pars minor toto; sed, quamvis
sit compendiaria ista leges naturæ docendi ratio, non ta-

Pag. 12.

18.

35.

Pag. 41.

55.

66.

men satis esse ad convincendos hominum animos aptam. Non esse tantam præceptorum moralium evidentiam, quanta axiomatum illorum est; id quod vel ex eo intelligatur, quod eorum ratio requiri reddique possit, quod exceptiones patiantur, quod denique non universali omnium hominum consensu recepta probataque omnia sint. Igitur ita in exponendis legibus naturalibus versatur Autor, ut rationis ope cognosci posse doceat, quid felices nos reddere possit, Deumque magnopere velle, ut felices simus, quod ex vehementi felicitatis desiderio, quod omnibus ipse indidit, pateat, idque adeo omne lege naturali præcipi, quod ad felicitatem nostram pertineat. Providentia divina mundum & conservari & regi, his traditis, affirmat. Concursum autem, quem immediatum dicunt, quod ad entia ratione prædita pertinet, negat, eadem vero carentia sine eo perdurare, aut agere non posse, statuit. Immortalitatem animæ, securamque fata nostra vitam ex iustitia divina demonstrat.

Secundus, qui ex Anglico sermone in Gallico translatus est, *Libellus* de felicitate & virtute tractat. Virtutis fundamentum esse ex ipsa rerum natura, non vero voluntate divina, repetendum statuit. Neminem non miseriam & felicitatem, dolorem & voluptatem, a se invicem discernere, & hanc illi præferre. Esse igitur actiones ad felicitatem consequendam comparatas omnino præferendas illis, quibus miseriam sibi homines attrahant. Atque idem esse de illis statnendum, quæ ad aliorum hominum felicitatem aut miseriam facere possint. Ad refutandos autem eos, qui moralitatis, quam actionum dicunt, fundamentum in voluntate Dei constituunt, iisdem Autor argumentis utitur, quæ nuper ex *Chubbio* retulimus. Duo actionum principia in homine agnoscit, amorem sui, & amorem aliorum, quem benevolentiam appellat. De illo neminem dubitare; de hoc autem ex eo constare, quod sæpe vel inviti commoveamur injuriis aliis illatis, aut eorum miseria. Neque vero horum principiorum alterum ex altero pendere, cum experientia doceat, felicitati suæ homines sæpe studere, nulla aliorum habita ratione; sæpe vero etiam publicæ, sua neglecta. Actiones, quæ ad propriam cujuslibet felicitatem spectant, iustas esse fatetur, solas autem eas virtutis nomen mereri, quæ ad felicitatem

tem aliorum hominum, aut publicam salutem, pertineant, arbitrat. Atque hanc ipsam virtutem honore, amore, præmioque dignam esse, cum, qui suam felicitatem quærat, nullam propterea neque laudem, neque præmium mereatur. Quæ huic sententiæ obijci poterant, Autor pro viribus refellit. Ultimo denique loco ostendit, unicam veræ felicitatis consequendæ rationem hanc esse, ut omnia, quæ agenda sunt, ad hæc duo principia exigamus, nihilque faciamus, quod iis adversetur. Hanc igitur semper sequendam esse regulam, ut non solum nostræ, sed etiam aliorum, felicitati, quantum & ubicunque fieri potest, studeamus. Qui hunc excipiunt Libelli *Chubbii* a pag. 104 — 208, iidem sunt, quos nuper recensuimus, etiamsi alium Autorem ipsa Interpretatio habeat. Locum octavum Epistola de incrementis Deismi in Angliâ occupat, qua origo, occasio ejus, & quæ plurimos ad eundem amplectendum commoveant, rationes, prolixè enarrantur. Originem ejus inde a *Caroli I* tempore Autor repetit, quo multi nobilium, peregrinationibus in Italiam, Galliam, Germaniamque susceptis, in patriam redeuntes eandem tyrannidem, superbiam, avaritiam, rixandi libidinem in Sacri Ordinis Anglicani hominibus, commixtionem humanorum dogmatum cum Christianis deprehendisse sibi visi sint, quorum in Pontificio cœtu deprehenderant; quod quidem eos commoverit, ut, omnem religionem Christianam falsam esse, existimarint. Atque hanc ipsam rem esse, cui & nunc Deismus omne fere robur omnemque vim debeat. Neque tamen negat, multos etiam propterea ad eundem delabi, quod multa S. Codici inesse putent, quæ rationi adversentur, adeoque credi nequeant. Memorat, quendam lectione Libri *Lockiani* de religione Christiana rationi consentanea, & alius cujusdam de Inspiratione, de veritate religionis Christianæ convictum esse, etiam si nulli certæ Sectæ nomen dare voluerit. Ultimo loco exhibetur Epistola, æque ac proxime antecedens ex Anglicano sermone translata, qua nescio quis Ministrum Ecclesiæ recens creatum a studio S. Codicis accurato criticoque deterrere studet, quod id non solum difficillimum & inutile, sed etiam noxium, sit. Facile apparet, totam hanc Epistolam esse ad perstringendos Theologos, qui orthodoxi dici haberi cupiunt & solent, comparatam. Quid

Pag. 33

enim aliud nisi hoc sibi volunt v. c. hæc: orthodoxia absorbet omnia vitia, hæresis omnes virtutes. Item: Esto, quisquis es, orthodoxus, orthodoxia tegit multitudinem peccatorum, sed orbis virtutibus plenus ne minimum quidem orthodoxiæ defectum.

Wilhelm Friedrich Vistorius AMOENITATES HISTORICO-JURIDICÆ, &c.

h. e.

VARIÆ DISSERTATIONES, OBSERVATIONES, Consilia, Opuscula, cetera, quæ Historiam Imperii Germanici, & Jus Civile, Publicum & Feudale Germanicum, Antiquitates item ac Consuetudines, illustrant, tum ab aliis elaborata, sed hac usque nondum typis impressa, tum primum composita a GUILIELMO FRIDERICO PISTORIO, Illustrissimo Comiti Erbaceusi a Consiliis Aulae.

Pars II.

Francofurti & Lipsiæ, sumptibus Adami Jonathanis Felsseckeri, 1732, 4.

Alph. 2 pl. 19, cum Tab. 1.

Continuaturus suavissimas Amœnitates suas, nunc sistit Consultiss. Autor quindecim Argumenta, partim Juridica, partim Historica. Primo loco apparet *Anatome joco-seria conscientia antiqua antiquata, & nove, nudius tertius nata*. Inprimis ad decrementum probitatis Germanicæ exponendum hæc pertinet, per ordines literatorum & illiteratorum spectabile. Stilus hic interstrepit Teutonico-Latinus, prouti sales in buccam calamumque venerunt. Notantur modi iniqui, quibus vulgo Theologi ad munera Ecclesiastica provolant, dando, amando, uxorem deligendo, competitoribus infamiam adspargendo. Requiritur hic elenchus, quali *Joannes in Herodem* est usus. Reprehenditur avaritia & luxus, ac affectatus splendor plerorumque Ecclesiasticorum, 14 seq. πολυπραγμοσύνη, fastus, & vitia alia. Reliquis, Christi regulam

Pag. 10.

Iam sequentibus, honos debitus reservatur. Politicorum maleferiatorum ac infruntorum nævi candide deteguntur. Improbatur Autor tolerantiam Judæorum, eosque juris peritos, qui statunt, Judæis juramentum suppletorium posse deferri, ipsosque ad idonea adversus Christianos testimonia perhibenda esse habiles. Notatur spiritus præpotentium familiaris, qui neminem evehunt, nisi nomen det familiæ ipsorum. *Δωροφάρια*, injustitia, adulatio, Procerum Imperii minorum enervatio, tarditas patronorum causæ & judicium, vel illud: *trabe cum oborto collo*, falsè edisseruntur. Omitimus reliqua. Et Professoribus Academicarum nonnulla vertuntur vitia. Nec Medici abeunt indicti. Sed utinam recensitionibus vitiorum ipsa exstirpata forent vitia! Secundo loco in scenam prodit libellus ejusdem stili, inscriptus: *Origo juris advocatitii, der Kasten-vogtey*. Origo repetitur ex eorum, qui vitæ cœnobiali & vitæ divinæ speciatim sese mancipaverant, debita a rebus hujus seculi abstinentia. Quo factum, ut politicis hominibus cura & administratio bonorum cœnobialium, nec non defensio ipsa, in foro instituenda, demandaretur. Laudantur *Conc. Carthag. Can. 6 & Conc. Milevit. Can. 16*. Horum consensu & directione redditus cœnobiales dispensati ac administrati. Seculo XII & XIII ob varios Advocatorum in Germania insolentias Imperatores cœnobiis bene multis permisissent, ut sese ab advocatiis liberarent & redimerent. Autoritas Advocatorum exiit in firmandis Monachorum contractibus, permutatione bonorum, manumissione, peragendo mallo seu judicio publico, in transactionibus, in donationibus, in status mutatione, in jure signandi, jure administrando, in parte mulctæ percipienda. Jus advocatiæ plerumque secum trahit jurisdictionem superiorem. Tercio loco ex M^{to} Joannis Henrici Bæcleri eduntur antehac *inedita Præfationes Principum Europæ*, nominatim Pontificis in Arragoniam, Angliam, Hiberniam, Hungariam, Sardiniamque Hispanorum in Britanniam & in Ducatum Burgundiæ: Ducis Sabaudie in Cyprum, in Ducatum Montisferrati, & in Genevæ: Regis Poloniæ in Sæciam & Livoniam: Regis Sueciæ quondam, in civitatem Bremam:

26.

47.
53 seq.

58.

68 seq.

Du-

Ducum Brunsvicensium in urbem Brunsvicum: controversia Calenbergo-Cellensis: Altenburgo-Vinariensis & Saynensis: controversia inter civitatem Fridbergam & castri Burggravi-um: præsentio Episcopi Monasteriensis in Dominium Borkelo: controversia Juliaco-Clivenis: præsentio Regis Franciæ in Sardiniam: præsentio in regnum Hierosolymitanum: præsentio Regis Franciæ in Comitatum Ruscinonensem & oppidum Perpinianum, in Baleares & alia: præsentio Domus Estensis adversus Pontificem ratione Ducatus Ferrariensis, & oppidorum Comacini, Cotignolæ, Argentæ, Lugi, S. Potitiani, Centi, & Plevis. Plerisque pacta & conventiones recentioris ætatis vel possessio armata posuere modum. Sequitur *Anonymi* enarratio de origine Comitum Castellensium in Franconia, cum Annotationibus *Veroni Franckii de Steigerwald*. Exordium deducitur a *Megingaud*, *Rudolphi* filio, *Cuneberti*, Comitum Rotenburgen-um ad Tuberum progenitoris, nepote, cujus filius *Arnoldus* perhibetur Rotenburgensem prosapiam continuasse, alter vero *Marquardus* Castellensem cepisse. Mallemus, hæc e monumentis corvis fideque dignis fuisse comprobata. *Joannes Georgius ab Eccard Tom. I rerum Franciæ Orient. Lib. XXIV p. 524*, *Megingaudum*, Episcopum Wirceburgensem, ex Comitibus Rotenburgen-ibus fuisse oriundum, negat. *Megingoz*, seu *Megingaudus*, Comes, ad A. 788 in Traditionibus Fuldensibus est obvi-us. Conjectat *Eccardus Lib. XXV p. 729*, *Megingoz* patrem *Mantonem*, aut ejus filios, *Mantonem* & *Megingozum*, hunc Parthenonem pro filia aut sorore *Juliana* Schwarzacense fundasse. *Megingozus* certe A. 816 Monasterium *Megingaudesbusanum* in Diœcesi Wirceburgen- si cum conjugē *Immina* ex patrimonio suo instituit, ex quo collapsō Monachi non ita multo post in Schwarzacense sunt translati. At *Anonymus* noster hic in omnia abit alia. Unde facile patescit, quid de ejus fide sit statuendum in rebus Seculi VIII, IX, X, XI, XII. Ejusdem commatis sunt, quæ de 475 seq. hastiludiis seu torneamentis ex Seculo decimo afferuntur. Additur Deductio geminæ Comitum Leiningensium prosapiæ, & narratio de judicio camerali, per biennium A. 1540 & 1541 Wimpfi-

Wimpfiaz ad Nicrum agitato. Succedit *Michaelis Hospin* Pag. 482.
Commendatio Chorographia, A. 1610 scripta. Excipit hanc
Gloria Bruckberge, secessus Onolspacenſis amœniſſimi, per 490.
 modum Orationis ſcholasticæ conſcripta. Vocat nos porro 504.
Deciſio Episcopi Wirzburgenſis, *Oſtonis*, inter Hohenlohe &
 Veſtenberg, ratione terminorum venatus, una cum confirmatio- 509.
 ne Imperatoris *Ludovici* A. 1344. Sequitur Recessus Comitum
 Franconicorum Dixtæ *Weickershemii* A. 1608 d. 22 Jun. celebra-
 tæ. Claudunt Collectionem duo Conſilia juridica, argumenti
 admodum ſingularis. Quam vellemus, plures ejusmodi dapes
 nobis apponeret Autor Conſultiſſimus.

INDEX AUTORUM,

quorum Libri aut Inventa in hoc Vo-
 lumine recenſentur.

I. Libri Theologici & ad Historiam Ec- cleſiaſticam ſpectantes.

Anonymæ *Inquiſitio in argumenta, quibus Chriſtiana reli-*
gionis veritas probari poteſt. 556

Anonymi *Hiſtorja Pontificum Romanorum. Tomus I & II. 7*
Obſervatio de Oratione Dominica Chalmeyccice verſa.

Traditiones Judæorum, comprehenſa in Talmude 214
aliisque ſcriptis Rabbiniſis. 358

Magna Bibliotheca Eccleſiaſtica, ſive Notitia Scripto-
rum Eccleſiaſticorum veterum ac recentiorum. Tomus I. 385

Commentarii, quibus varia, quæ ad Theologiam &
doctrinam moralem ſpectant, continentur. 563.

D. *Auguſtini, Episcopi Hipponenſis, de natura & origine animæ*
Epistoſa ſecunda. 156

de Penis parvulorum, qui ſi-
ne Baptiſmo decedunt, Epistoſa. ibid.

- Coleti (Nic.) *Sacrofancta Concilia, ad Regiam editionem ex-acta. Tomus XIV — XXI.* 298
- Cudworthi (Radulphi) *Systema intellectuale hujus universi; ex vers. & recens. Jo. Laur. Moshemii. Tomi II.* 120
- Ewaldi (Wilh. Ern.) *Emblemata sacra miscellanea. Pars I.* 181
- Gretseri (Jac.) *Opera omnia. Tomus I & II.* 454
- Hilarii Arelatenfis Opera; ex edit. Jo. Salinas. 502
- Launojii (Jo.) *Opera omnia. Tomi II Pars I & II.* 112
Tomi III Pars I & II. 153
Tomi IV Pars I & II. 199
Tomi V Pars I & II. 244
- Longueval (Jac.) *Historia Ecclesie Gallica. Tomi IV.* 495
- Moretti (Petri) *Disceptatio Epistolaris de ritu variandi choralis indumentum, in solennitate Paschali apud Clerum Basilicæ usitato.* 359
- Supplementum Dissertationis de ritu ostensionis sacrarum Reliquiarum.* ibid.
- Moshemii (Jo. Laur.) *Dissertationum sacrarum Syntagma.* 284
- S. Possidii *Vita S. Aurelii Augustini; ex edit. Jo. Salinas.* 18
- Saxii (Joseph. Anton.) *Epistola ad Amicum, pro vindicanda Formula in Ambrosiano Canone ad Missæ sacrum prescripta: Corpus tuum frangitur, Christe.* 229
- Serry (Jac. Hyacinth.) *de Romano Pontifice in ferendo de fide moribusque judicio falli & fallere nescio.* 360
- Sollerii (Jo. Bapt.) & aliorum *Acta Sanctorum Mensis Augusti.* 55
- Souze (Eman. Cajetani) *Expositio Hispanica Apostoli S. Jacobi Majoris asserta, & ex S. Paulo Apostolo confirmata. Tomus I.* 145
Tomus II. 195
- Vincentii Lirinensis & Hilarii Arelatenfis Opera; ex edit. Jo. Salinas. 502
- Wilkins (Dav.) *Quinque Libri Moysi Prophetæ in lingua Ægyptia, descripti, ac Latine versi.* 63

II. Libri Juridici.

- De Januario (Josephi Aurelii) *Respublica Jurisconsultorum.* 21
- Jeni-

INDEX AUTORUM.

571

Jenichen (Gottlob Aug.) <i>de Prisco Favoleno, Jcto incomparabili.</i>	142
M** <i>Causæ forenses celebriores & utiles adjudicatae.</i> Tomi II.	93
De Meiern (Jo. Godofr.) <i>Acta Pacis Westphalica publica.</i> Tomus I.	489
Ottonis (Everhardi) <i>Thesaurus Juris Romani. Editio secunda.</i> Tomi IV.	289
<i>de Aedilibus Coloniarum & Municipiorum Liber singularis. Editio secunda.</i>	527
Pistorii (Wilb. Frid.) <i>Amanitates Historico-Juridicae.</i> Pars I.	482
Pars II.	566
Senckenberg (Henr. Christiani) <i>Selecta Juris & Historiarum.</i> Tomus I.	413
Wächtleri (Christoffriedi) <i>Opuscula Juridico-Philologica variora; ex edit. Christiani Henr. Trotzii.</i>	158

III. Libri Medici & Physici.

Albini (Eleazari) <i>Historia naturalis avium.</i>	554
Anonymi <i>Musa, qua Javanensibus Pysang, Descriptio, & Icon, ex hortu Caspar-Bosiano, Lipsiensi, communicata.</i>	171
<i>Commercium literarium, ad rei medica & scientia naturalis incrementum institutum. Annus 1731.</i>	272
<i>Experimenta & Observationes Medica Societatis Edimburgensis. Volumen I.</i>	414
Arbuthnot (Jo.) <i>Tentamen circa indolem alimentorum, eorumque selectum, secundum diversas corporum humanorum constitutiones.</i>	167
<i>Tentamen circa effectus aeris in corpore humano.</i>	204
Büchneri (Andr. Elia) <i>Miscellaneorum Physico-Medico-Mathematicorum Annus 1729.</i>	281
Catesby (Marci) <i>Historia naturalis Carolina, Florida, & Insularum Bahama.</i>	193
Commentarii <i>Academia Scientiarum Imperialis Petropolitanae. Tomus III.</i>	259-352

Bbb 2

Gulich

Gulich (<i>Justi Arnoldi</i>) <i>Meditationes de Furore hamorrhoidum internarum.</i>	266
Hahnii (<i>Jo. Godofr.</i>) <i>Variolarum antiquitates, nunc primum e Græcis erute.</i>	206
Harenbergi (<i>Jo. Christoph.</i>) <i>Disquisitio conjecturalis de Colore Argevan, Argeman, Argevana.</i>	222
Monro (<i>Alexandri</i>) <i>Anatomia ossium humanorum. Pars I & II.</i>	510
	<i>Tractatus Anatomicus de Nervis.</i> 513
Sebæ (<i>Alberti</i>) <i>Locupletissimi rerum naturalium Thesauri accurata Descriptio. Tomus I.</i>	337
Sellii (<i>Godofr.</i>) <i>Historia naturalis Terebinthi, seu Xylophagi marini, Tubulo Conchoidis.</i>	80
Vallisneri (<i>Anton.</i>) <i>Opera Physico-Medica. Tomus I.</i>	35
	<i>Tomus II.</i> 166
	<i>Tomus III.</i> 202
Vitalis (<i>Buonafedis</i>) <i>Therma Masinenses in Valtellina examinata.</i>	464
Waltheri (<i>Augustin. Frid.</i>) <i>Parisi vagi & intercostalis humani corporis nervorum investigatio singularis.</i>	65
Werlhoff (<i>Paul. Gottlieb</i>) <i>Observationes de Febris, præcipue intermittentibus.</i>	315

IV. Libri Mathematici.

Anonymæ Neapolitana Problemata Mathematica.	28
Bettazzi (<i>Jac.</i>) <i>Epitome Operis Paschalis.</i>	419
Büchneri (<i>Andr. Eliæ</i>) <i>Miscellaneorum Physico-Medico-Mathematicorum Annus 1729.</i>	281
Celsii (<i>Andr.</i>) <i>Observatio Eclipsos telluris, Romæ habita d. 3 Maji A. 1734.</i>	356
Commentarii Academia Scientiarum Imperialis Petropolitana.	
	<i>Tomus III.</i> 259-352
Ex Godini, Socii Academia Scient. Reg. Paris. literis, d. 23 Maji A. 1734 datis, excerpta.	357
Gray (<i>Jo.</i>) <i>Tractatus de re tormentaria.</i>	526
Halfpenny (<i>Guil.</i>) <i>Perspectiva facilitata, seu Methodus nova Perspectiva practica.</i>	467
	Qua.

INDEX AUTORUM.

573

Quadri (Jo. Ludov.) <i>Tabula Gnomonica, delineationis horologiorum sciasticorum inservientes.</i>	211
De Revillas (Didaci) <i>Observatio Eclipses telluris, Roma habita d. 3 Maji A. 1734.</i>	356
Smith (Jac.) <i>Fabrorum lignariorum comes; seu Tract. de Arte signaria.</i>	28
Stirling (Jac.) <i>Methodus differentialis, sive Tractatus de Summatione & Interpolatione Serierum infinitarum.</i>	515
Stübneri (Frid. Wilb.) <i>Demonstratio vera mensura virium moventium.</i>	134
<i>Nova Methodus explorandi virium moventium quantitatem in motu retardato.</i>	469
Trevigar (L.) <i>Sectionum Conicarum Elementa.</i>	133

V. Libri Historici, Geographici, &c.

Anonymi <i>Elogium S. Rev. Patris le Quien.</i>	43
Mich. Henr. Gribneri, <i>JCtorum Lipsiensium principis.</i>	372
<i>Biographia Virorum illustrium ac eruditorum.</i>	135
Tomi IV. <i>Observationes in Prosperi Aquitani Chronicon integrum, &c.</i>	164
<i>Historia Corsica.</i>	247
<i>Vindicia Arboris Genealogica augusta gentis Carolino-Boica ab ipso Autore vindicata contra Satyram Palignesii.</i>	311
<i>Vita Franc. Parisii, Diaconi Diæceseos Parisina.</i>	531
<i>Observatio de P. Franc. Wagneri narratione, qua Ludovici XIV, Gallorum Regis, Statuam, Lutetia Parisiorum in foro Victoriarum positam, obiter describit in Vita Leopoldi.</i>	535
Bettazzi (Jac.) <i>Epitome Operis Paschalis.</i>	419
<i>Commentarii Academia Scientiarum Imperialis Petropolitana.</i>	259. 352
Tomi III.	
Dæderlini (Jo. Alexand.) <i>Antiquitates Gentilismi Nordgaviensis.</i>	461

- Duellii (Raymundi) Fridericus Pulcher Austriacus inter Imperatores Romano-Germanicos adhuc stat. 371
- de Falckenstein (Jo. Henr.) *Antiquitates Nordgavienses.*
Tomus I. 252
Tomus II. 308
Antiquitates & Memorabilia Nordgaviae veteris. Tomus I. 458
- Godefridi, Abbatis Gotwicensis, *Chronici Gotwicensis Tomus prodromus.* 97
- Grienwaldt (Franc. Jos.) *Album Bavariae Patriae, seu Catalogus celebriorum Medicorum Bavariae, ab a. 1450 ad hodiernam usque lucem continuatus.* 332
- Jenichen (Gottlob Aug.) *de Prisco Favoleno, JCo incomparabili.* 142
- Lackmanni (Adami Henr.) *Introductio in Historiam Slesuico-Holsaticam. Pars II.* 38
- van Loon (Gerhardi) *Historia Numismatica XVII Provinciarum Belgii. Tomi III.* 557
- De Meiern (Jo. Godofr.) *Acta Pacis Westphalicae publicae. Tomus I.* 489
- De la Motraie *Observationes historicae & criticae in Voltairii Historiam Caroli XII, Regis Suecorum.* 551
- Muratorii (Lud. Ant.) *Rerum Italicarum Scriptores, ab Anno Erae Christi. D ad MD. Tomus XXII.* 342
- P. Niceronii *Commentarii, Historiae celeberrimorum in Rep. literaria Virorum inservientes. Tomus XVII & XVIII.* 214
Tomus XIX. 330
Tomus XX. 370
- Peckensteinii (Jo. Simonis) *Brevis Introductio ad Heraldicam scientiam.* 285
- Pistorii (Wilb. Frid.) *Amoenitates Historico-Juridicae. Pars I.* 482
Pars II. 566
- des Roches (J. B.) *Historia Daniae ante & post introductum statum Monarchicum. Tomi IX.* 542
- Senckenberg (Henr. Christian.) *Selecta Juris & Historiarum. Tomus I.* 410
- Victoris

- Victoris (*Sexti Aurelii*) *Historia Romana*; ex ed. Jo. Arntzenii. 1
de Voltaire *Historia Caroli XII, Regis Suecia.* 546
Vulpri (*Josephi Rocci*) *Vetus Latium profanum. Tomus V.* 507

VI. Libri Miscellanei.

- van Alkemade (K.) *Consuetudines convivales Belgii. Pars I
& II.* 405
Anonymi *Observatio de Oratione Dominica Chalmeyceica versa. 214
Commentarii, quibus varia, qua ad Theologiam & do-
ctrinam moralem spectant, continentur.* 563
d'Arnaud (Georg.) *de Diis Noëtidæis, sive Assessoribus & conjun-
ctis, Commentarius.* 425
D. Augustini, Episcopi Hipponensis, *de Natura & origine anima
Epistola secunda.* 156
Beyeri (Aug.) *Memoria historico-critica librorum rariorum.* 479
P. Brumoy *Theatrum Græcorum. Tomus I, II & III.* 390
Campani (Jo. Ant.) *Opera selectiora; ex recens. Frid. Ott.
Menckeni.* 477
Commentarii *Academia Scientiarum Imperialis Petropolitana.
Tomus III.* 259. 352
Cofinopolitani (Evangelii) *Nota ad Jo. Burch. Menckeni de
Charlataneria eruditorum Declamationes.* 479
Cudworthi (Radulphi) *Systema intellectuale hujus universi;
ex verf. & recens. Jo. Laur. Mopsheimii. Tomi II.* 120
Demosthenis *Selectæ Orationes; ex ed. Rich. Mounteney.* 130
de Ficoroni (Franc.) *Bulla aurea insanum nobilium, & alia
libertinorum, apud Romanos.* 348
Gerdesii (Dan.) *Miscellanea Duisburgensia. Tomi I Fascic. I
& II.* 94
Gorii (Ant. Franc.) *Museum Florentinum, exhibens insigniora
vetustatis monumenta, quæ Florentia sunt. Tomus I & II.* 241
Gretseri (Jac.) *Opera omnia. Tomus I & II.* 454
Gruberi (Jo. Dan.) *Potentissimi Magnæ Britannia Regis, Geor-
gii II, Institutum condendi novam in terris Brunsvicensi-
bus Academiam literato orbi expositum.* 484
Hahaii

- Hahnii (Jo. Godofr.) *Variolarum antiquitates, nunc primum e Græcis eruta.* 206
- Harenbergii (Jo. Christoph.) *Disquisitio conjecturalis de Colore Argevan, Argeman, Argevana.* 222
- Launoji (Jo.) *Opera omnia.* Tomi II Pars I & II. 112
 Tomi III Pars I & II. 153
 Tomi IV Pars I & II. 199
 Tomi V Pars I & II. 244
- Lochinanni (Jo.) *Alphabeti ex Diplommatibus & Codicibus Thuricensibus Specimen.* 428
- Longini (Dionys.) *de Sublimitate Commentarius; ex edit. Zaeh. Pearce.* 61
ex edit. Ant.
- Franc. Gorii. 387
- Majanii (Gregor.) *Epistolarum Libri sex.* 396
- Maittaire (Mich.) *Marmora Arundelliana, Seldeniana, aliaque, Academia Oxoniensis donata.* 49
- Menckenii (Jo. Burch.) *Dissertationes literariae; ex edit. Frid. Ott. Menckenii.* 473
Orationes Academicae, maximam partem literariae; ex edit. Frid. Ott. Menckenii. 476
(Frid. Ott.) de Romanorum veterum Stipendiis militaribus Diss. 473
- Ottonis (Everhardi) *de Aedilibus Coloniarum & Municipiorum Liber singularis. Editio secunda.* 527
- Salmonii (Franc.) *& aliorum e Societate Sorbonica Doctorum ad Marchionem Scip. Maffejum Epistola, de ratione Indicis Sorbonici, seu Bibliothecae Alphabeticae, quam adornant.* 486
- van der Schelling (P.) *Consuetudines conviviales Belgii. Pars I & II.* 405
- Scheuchzeri (Jo. Jac.) *Alphabeti ex Diplommatibus & Codicibus Thuricensibus Specimen.* 428
- Sigonii (Caroli) *Opera omnia; ex edit. Phil. Argelati. Tomus I, II & III.* 441
- Vidæ (Marci Hieron.) *Poemata, quae exstant, omnia. Tomi IV.* 471
- Vriemoet (Emonis Lucii) *Arabismus, exhibens Grammaticam Arabicam novam.* 41

INDEX RERUM.

567

- Vulpii (Josephi Rocci) *Vetus Latium profanum. Tomus V.* 507
 Wzchtleri (Christoffricdi) *Opuscula Juridico-Philologica rariora; ex edit. Christiani Henr. Froetzii.* 158
 de Wilhelm (Ignat. Franc. Xaver.) *Annus politicus, per duodecim Discursus evolutus.* 365

INDEX RERUM

notatu digniorum.

- A.**
Abzardi (Petri) *vita.* 137
De Ablactatus voce Diff. 95
De Absinthium voce Diff. ibid.
Acacia Abrue folio. 195
Academiæ per Europam historia. 138
Actis Eruditorum cur locus negetur in Hispania? 404
Ex Actis Eruditorum Excerpta quadam edita. 162
Adami (Adami) vita. 491
Advocatitii Juris origo. 567
Ædiles Colonialium & Municipiorum qui fuerint? 528
Ædilitii Juris Systema promissum. ibid.
De Egyptiorum religione Diff. 126
Æquationes differentiales secundæ gradus ad æquationes primæ gradus reducendi nova methodus. 262
pro seriebus desinientis. 516
Æquationum differentialium radices in formam serierum resolvenda. 518
Aer omnis generis effluviis abundat. 204
etiam per poros cutis patentes ingreditur. 206
an sanguini in pulmonibus misceatur? 264
Aeris atmospherici metæora justam temperiem reddunt. 205
elasticitas nimia corpori nominata. ibid.
Ærodi (Petri) vita. 216
S. Agabi vita. 56
Agricolæ (Rud.) vita. 138
(Jo.) scripta. 333
Agrippæ (Henr. Corn.) vita. 215
Aichstättensis Templi Cathedralis historia. 308 seq.
De Albulæ Paschali singularia. 360
Aleramus an cum aliqua Ottonum filia conjugium inierit? 454

<i>Ab Alexandro (Alex.) plagii accusatus.</i>	25	<i>Aquarum Moffatenſium examen & uſus.</i>	417
<i>Alexander I perperam martyribus adſcriptus.</i>	10	<i>calor unde?</i>	465 ſeq.
<i>Algæ marinæ ſemen.</i>	37	<i>De Aquis medicatis Bavariæ Liber promiſſus.</i>	333
<i>Alimenta ſapius ſiunt medicamenta.</i>	170	<i>Arabes num primi deſcripſerint variolas?</i>	207
<i>Alpha quomodo dici Chriſtus poſſit?</i>	96	<i>variolarum deſcriptionem unde deſumſerint?</i>	209
<i>Altmanni, conditoris Monaſterii Goſwicenſis, vita promiſſa.</i>	111	<i>in variolis ante eruptionem penam ſecant.</i>	ibid.
<i>De Amadiſii autore ſingularia.</i>	405	<i>Arabica Grammatica nova edita.</i>	42
<i>S. Amandi vita.</i>	502	<i>S. Arcadii vita.</i>	57
<i>De Americanis fructibus varia.</i>	405	<i>In Architectura civili qualis uſus artis tignaria?</i>	28
<i>Ammodites ſerpens idololatrarum.</i>	340	<i>De Archivis veterum varia.</i>	104
<i>Ampulla Rbemenſis an fabulis annumeranda?</i>	500	<i>Archon Judaorum quis fuerit?</i>	96
<i>Ancyranum monumentum recens editum.</i>	2	<i>De Archonte Judaorum Diff. edita.</i>	95
<i>De Angliæ mutationibus variis Diff. edita.</i>	474 ſeq.	<i>Ardeatam veterum hiſtoria illuſtrata.</i>	509 ſeq.
<i>De Animæ origine Epiſtola edita.</i>	156	<i>Area mediæ quomodo in magna dignitate binomii inveniendæ?</i>	525
<i>Animalia ſamecneſta delirantia moriuntur.</i>	169	<i>Argelati (Phil.) in Sigenii Opera merita.</i>	230 ſeq.
<i>Anna, R. Angl. Oratione laudata.</i>	477	<i>Argumenti negantis quæ ſit autoritas?</i>	113
<i>Anni ſolaris æquatio Gregoriana an mutanda?</i>	423	<i>Arianiſmum profeſſi Conſtantini M. tempore a panis immunes fuisse.</i>	14
<i>Anthræcum nomine Græci variolas designant.</i>	207	<i>S. Ariſtarchi vita.</i>	56
<i>Antimonii ſulphuris aurati deſcriptio.</i>	417	<i>De Ariſtophanis vita & ſcriptis Diff.</i>	391
<i>Antimonii regulus medicinalis quomodo per compendium paretur?</i>	278	<i>Ariſtotelis in Academia Pariſienſi fortuna.</i>	200
<i>Antoninus Imp. cur dictus Pius?</i>	11		Arith.
<i>Apro-cervus India Orient.</i>	340		

Arithmetica figurata nova. 260
 Armentorum asilum quid? 37
 Arnonis Ep. Congestum descriptum. 102
 Arntzenius (Jo.) notatus. 6
 laudatus. ibid.
 ejus in Victoris
 Historiam Rom. merita. 1 seq.
 Arnulphus Malus, Arnulphi Imp.
 filius, an unquam existerit? 314
 Germ. R. an Italia Re-
 gibus annumerandus? 452
 Arundelliana Marmora denuo edi-
 ta. 49
 Asilum armentorum quid? 37
 Asinodillus scutifer & squamma-
 tus. 340 seq.
 S. Aspreni vita. 56
 Assessores Dii qui sint? 425 seq.
 Averranus laudatus. 403
 Aves terrestres in medio oceano. 194
 melodica & amelodi. 554
 Contra Augusti II, Reg. Pol. Electio-
 nem Regiam qua tentata? 548
 Augustinus an Pelagii sententias
 recte intellexerit? 8
 sepe sibi contradicit. 17
 Grace doctissimus. 20
 ab ebriofitate vindica-
 tus. 21
 ejus vita edita. 18 seq. 56
 vindicta. 19
 seq.
 Epistola dua edita. 156

Augustini ad Optatum Epistola
 Fragmentum editum. 488
 Aviuln Carolina & Florida de-
 scriptio. 102
 Historia naturalis. 554 seq.
 methodus. 554
 varia genera & classes. ib.
 Aureatensis Episcopatus historia
 descripta. 308 seq.
 Aureatensium Episcoporum vita. 258
 De Aurora boreali Observationes. 282
 Auspices apud veteres Germanos
 qui fuerint? 460. 462
 S. Auspicii vita. 57
 Australis Ducatus representatus.
 110
 Austria antiqua & media Descri-
 ptio promissa. 111
 De Austriacæ & Saxonica stirpis
 diuturna concordia Diss. edita.
 475
 Autodidacti exemplum. 345

B.

S. Baddarii vita. 57
 Bailletus (Adr.) quo nomine a
 Gallis compelletur? 13
 Baldus plagii accusatus. 25
 Balneorum calidorum & frigidorum
 usus. 167
 Baptismi quales olim fuerint solen-
 niores dies? 120
 De Baptismo Flaminis Diss. edita.
 95
 Baptismus ab hæreticis susceptus
 invalidus pronuntiatus. 11

- Baptismus an & in parvulis ad salutem necessarius? 156
 De Barba Diff. edita. 484
 Barclaji (Guil.) vita. 216
 Bardi veterum Germanorum Sacerdotes. 460. 462
 Baronius refutatus. 21
 Bartolus plagii accusatus. 25
 Basilicæ ad S. Mariam trans Tiberim Historia promissa. 360
 Battaglini (Marci) vita. 330
 Bavaricæ Principum ab Arnulpho Malo origo derivata. 311 seq.
 virtutes recensita. 366 seq.
 Bavarorum Medicorum historia. 332
 Bauhinii (Jo.) vita. 215
 (Casp.) vita. ibid.
 S. Baumadi vita. 59
 Becheri (Jo. Joach.) scripta. 333
 Belgarum consuetudines convivales quæ? 406 seq.
 In Belgas aliquos satyra. 240
 Belgii Historia Numismatica edita. 537
 Bellicæ machinæ veterum quales? 527
 De Bellorum inter eruditos origine & causis Orat. edita. 477
 Bellum virginale in Gallia quale? 500 seq.
 Berengarii, qui Sec. XI vixit, vita. 137
 S. Bertharii vita. 57
 Bergomensis (Jac. Phil.) vita. 215
 Bellarionis Card. vita. 138
 De Bestio (Guil.) judicium. 403
 Bibendi consuetudines apud veteres Belgas. 409
 in honorem Dei & hominum mos unde? ibid.
 Bibliothecæ leges lepida adscriptæ. 400
 Bibliothecam Scriptorum Alphabeticam condendi institutum publicatum. 486 seq.
 Bilis in animalibus voracibus abundat. 168
 Bodini (Jo.) vita. 215
 Bœcleri (Jo. Henr.) Præfationes Principum Europæ edita. 567 sq.
 Boissardi (Jo. Jac.) vita. 217
 De S. Bonifacio varia. 502
 Borelli (Jo. Alb.) vita. 207
 Borrichii (Olai) vita. 330
 Boscii (Jo. Lonai) scripta. 333
 Bracharense Concilium an unquam exstiterit? 149
 Brachii (Andr.) vita descripta. 478
 De Brahe (Tych.) vita. 41
 Brahmanicæ literatura elementa. 355 seq.
 L. B. de Brandsdorf refutatus. 315
 Brencmannus (Henr.) laudatus. 403
 De Bres (Arn.) vita. 137
 Breviarium Rom. quæ autoritas? 198
 S. Bricci miraculum. 499
 Brouckhusii (Jani) vita. 216
 Bruckberga descripta. 568
 Brugmanni (Jo.) vita. 138
 De Bruis (Petr.) vita. 137
 Brumoy autor carminis de Perturbationibus animi. 369
 Bruni

Bruni (*Jordan*) *vita*. 215
 Bruyerii (*Jo.*) *vita*. 330
 Buddei (*Jo. Franc.*) *vita*. 139
 Bufo cornutus *Virginianus*. 341
 Bufonum *historia*. *ibid.*
 Bulla infantum olim ornamentum. 348
 Bullatæ statue quæ? 350
 De Burchardo, *Ep. Aureat. singularia*. 256
 Burtoni (*Guil.*) *vita*. 217
 Buschii (*Herm.*) *Lipsa edita*. 475
 De Bynckershœckio *judicium*. 403

C C.
 Cajus, *Jureconsultus*, an fuerit
Christianus? 402
 Calculus quale nummorum genus? 540
 Calendarii Gregoriani correctio necessaria. 420
 Calixtus (*Georg.*) temere impugnatus. 504
contra eum Diff. promissa. *ibid.*
 Caloris in aquis causa. 465 seq.
 Camaldulensis (*Ambros.*) *vita*. 330
 Camerale Judicium Wimpfina ad
Nicrum agitatum. 568
 Camerarii (*Joach.*) *vita*. 330
 De Cameris sepulchralibus veterum
singularia. 352
 Campani (*Jo. Ant.*) convicia in
Germanos refutata. 477
Opera selectiora edita. 477 seq.

Campani (*Jo. Ant.*) *Orationes promissa*. 478
 Camusatius novam editionem *Diodori Siculi meditaturs*. 402
 Canes volantes. 340
 Canonici quomodo olim appellati? 208
 Caraccioli (*Tristans*) *Opuscula historica edita*. 343
scripta recensita. 343 seq.
ingenium. 344
vita. 344 seq.
 Carbunculi an ab Hippocrate pro
pestis signo habitis? 208
 De Cardinalium Collegio Liber promissus. 360
 Carnium usus an intra tempus jejunii permixtus? 120
 De Caro febribus intermittentibus
accedente Observatio. 318
 Caroli VI, *Imp. splendidum elogium*. 99
 XII, R. Su. *historia descripta*. 546 seq.
clades. 549
ad Turcas fugata. 549 seq.
mors. 550 seq.
 De Caroli V, *Imp. navis politicis Orat. edita*. 477
 Carolinæ *historia naturalis*. 193
seq.
 Carolus M. an autor *Academiarum*? 200
 C c c 3 Caro-

- Caroli M. *Capitulares in partibus Saxonie, Commentario illustratum.* 461
res gesta descripta. 502
 Casanovæ (Petri) *vita.* 216
 Casauboni (Merici) *vita.* ibid.
 Castellensium Comitum in Franconia *origo.* 568
 de Catharinoto (Nic.) *singularia.* 480
 Caviceus (Jac.) *autor Annalium Forolivienſium.* 346
 Cenchrea *quid fuerit?* 95
 De Cenchreenſi Eccleſia Schediama *editum.* 94
 Cerebra, *qua pro petroſactis videntur, num talia ſint?* 36
 Chamæleon *quo pacto colorem mutat?* 38
ejus anatomia & descriptio. ibid.
 Chapeavilli (Jo.) *vita.* 215
 Charifiſius (Arcadius), *Jureconſultus, an fuerit Chriſtianus?* 402
 S. Charitatis *memorabilia.* 60
 De Charlataneria Eruditorum *Orationes recuſa.* 477
ad eas Nota edita. 479 ſeq.
 Charletoni (Galtierii) *vita.* 216
 Chinæ Chinæ *lauder & deſenſio.* 320
uſus qualis? 321
modus operandi. 325
 Chirimoyæ *nucleus qualis?* 405
 Chorale *indumentum variandi ritus.* 359 ſeq.
 Chordarum *vibratio.* 260
 Chorographia *commendata.* 568
 Chriſti *cum Alpha ſimilitudo.* 96
corporis in S. Cæna præſentia realis demonſtrata. 370
 Chriſtiana religio *pro revelatione divina merito habenda.* 561 ſeq.
 Chriſtiani *an capaces fuerint bonorum in veteri Republ. Rom?* 530 ſeq.
 IV, R. Dan. *ingenium quale?* 39
res geſta descripta. 39 ſeq.
 De Chriſto, Theologo *unice imitando, Orat. edita.* 284
 Chronologia Scythica *vetus edita.* 352
 Chronologiæ ſacrae *novum Systema promiſſum.* 188
 Chyli *ſeparata via præter vaſa lactea demonſtrata.* 169
 S. Cicei *vita.* 59
 Circuli *reſtiſicatio nova.* 261
 Clemens, *primus martyr.* 10
an autor fuerit Episto la ad Hebraeos Paulina? ibid.
 Clerici (Dan.) *vita.* 139
 Clericis *jus teſtamentum condendi conceſſum.* 257
 Clericus (Jo.) *reſutatus.* 20. 506
 Clypeorum *apud veteres uſus qualis?* 182
 Cœbræ *de Capello.* 341
 Cœlibatus *Sacerdotum jam Sec. III magni æſtimatus.* 13
 S. Cœ-

<i>S. Coena a quibus primum sub una specie administrata?</i>	12	Conringii (Herm.) vita.	331
<i>Color obscurus quid notet?</i>	360	Conscientiæ antiqua & nova auctore.	566
<i>De Colore Sandaracino varia.</i>	223	Constantinianæ donationis probabilis origo.	13
<i>Colores in vestimentis quales olim usitati?</i>	224 seq.		veritas
<i>De Coloris carulei usu apud veteres Diff. edita.</i>	475	asserta.	314
<i>Colubri vittati.</i>	341	De Constantinopolitanis Patriarchis Tract. editus.	60
<i>S. Columbanii historia descripta.</i>	502	Constantinus M. Episcopis in causis politicis jurisdictionem tribuit.	13
<i>Columnæ aurea cyclus 38 annorum.</i>	422		an ex rationibus
<i>Comœdiæ Græca historia.</i>	391	politicis Christianus?	14
<i>Comitia Regum Francicorum quæ fuerint?</i>	483	In Controversiis sacris an argumentum a tuto valeat?	284
<i>De Comitibus Palatinis Diff. edita.</i>	484	Convivales Belgarum consuetudines quæ?	406 seq.
<i>Concilia Ecclesiastica recensita.</i>	298	Cordyli caudata & caudiverbera.	342
	seq.	Cornaræ (Helena Lucretia) vita.	330
<i>Concilii Tridentini utilitas prædicata.</i>	245	Corporis statura de lecto surgentium procerior.	512
<i>Conciliorum nova collectio promissa.</i>	334 seq.		humani vermes unde nascantur?
			37
<i>Gallicorum Canones recensiti.</i>	498	Corpusculari Philosophiæ quinam veterum addicti fuerint?	127
<i>Concilium Plenarium quale fuerit?</i>	118	Corradi (Qu. Marii) vita.	331
			(Sebast.) vita. ibid.
<i>Bracharense an unquam existerit?</i>	149	Corli omnium rerum imperiti.	248
<i>Confessionis auricularis origo.</i>	12		ibid.
<i>Coni & cylindri superficies comparata.</i>	28	Corfica a quo tempore Genuensibus parere cæperis?	250 seq.
<i>Conicarum sectionum elementa.</i>	133		sub Pisano-
			rum imperio fuerit?
<i>curvatura circularis.</i>	134		251
			Corfica

- Corsica Comitum imperio subiecta. *ibid.*
 Corsicæ Insula historia edita. 247 seq.
 lingua ratio. 248
 primi incolæ quales? 249
 Corforum ignorantia excusata. *ib.*
 fortitudo. *ibid.*
 veterum religio qualis? 250
 Cortesii (Jani) vita. 330
 De Costa (Hilarion.) vita. 216
 Costeri (Laur.) vita. 138
 Cousini (Lud.) vita. 217
 Crellius (Sam.) refutatus. 284
 Crenii (Th.) vita. 139 seq.
 Critici magni autor quis? 405
 Crocodilorum genesis. 342
 De S. Cruce Libri editi. 455
 Cucurbitini sive lumbrici lati sape
 in catena modum coherant. 37
 Cudworthus (Radulph.) Hobbesi
 doctrinæ impugnavit. 121 seq.
 laudatur. *ibid.*
 122 seq.
 defensus. 124
 emenda-
 tur. 126
 ejus Systema
 Intellectuale hujus universi La-
 tine redditum. 120 seq.
 vita. 126
 Cujacius (Jac.) plagii accusatus. 25
 Cuperus (Guil.) laudatur. 196
 ejus Tr. de Cptanis Pa-
 triarchis editus. 60
 De Coriis Regum Francicorum
 Diff. edita. 483
 Curva elastica. 261
 Curvatura filii a potentiis quibus-
 que extens. *ibid.*
 Cycli in determinando Paschate
 an calculo Astronomico præse-
 rendi? 424
 Cycclus Paschalis 84 annorum. 164
 Dionysii lunaris. *ibid.*
 Cylindri & conis superficies compa-
 rata. 28
 S. Cyræ vita. 59
 D.
 Dacerii (Andr.) furta notata. 2
 S. Dalmati, ejusque filii, Fausti, vi-
 ta. 57
 Sub Damasceni (Jani) nomine scri-
 pta Mesue Syri circumferuntur. 208
 Damasus adulterii accusatur. 16
 ejus miracula. *ibid.*
 Danesii (Petr.) vita. 330 seq.
 Dani veteres descripti. 545
 Danicæ Historia edita. 542 seq.
 Danicæ Historiæ tres periodi. 544
 Danorum Regem eligendi jus
 quando primum ad Proceres
 Imperii delatum? 544 seq.
 Danzii (Jo. Andr.) vita. 139
 Dei existentia demonstrata. 558
 Deilmi in Anglia incrementa. 565
 Delphinorum piscatus. 194
 Demosthenis Orationes editæ. 130
 seq.
 Den-

- Dentiur stridor symbolum pœnarum infernalium. 183
 Deorum imagines in gemmis & statuis antiquis expressa. 241 seq.
 De Dextra Diss. edita. 484
 Diabolus Javanicus descriptus. 340
 Tujavonicus descriptus. 341
 Dixta cuiusvis corporis constitutioni accommodanda. 170
 Dii Assessores qui fuerint? 425 seq.
 Diœdori Siculi novam editionem quis meditatus? 402
 Dionysii Areopagita vita. 115 seq.
 cylus lunaris. 164
 Dionysius, Ep. Alex. negata Christi cum Patre consubstantialitatis falso insinulatus. 11
 Atben. ac Paris. qui fuerint? 114
 Diplomata antiqua descripta. 104 seq.
 Ex Diplomatis civitatis Tigurina Specimina edita. 428
 Diplomaticæ Germanorum artis Systema novum. 98
 Dominica Oratio Chalmeyce verfa. 214
 S. Dominici vita. 58
 Donatistæ in suis erroribus olim pertinacissimi. 13
 Doussæ (Jani), patris, vita. 217
 filii, vita. ibid.
 (Georg.) vita. ibid.
 (Franc.) vita. ibid.
 Doussæ (Theodori) vita. ibid.
 Druidæ apud veteres Germanos qui fuerint? 459. 462
 Dryina serpens America. 341
 Duarenus (Franc.) plagii accusatus. 25
 Dudithii (Andr.) vita. 216
 Dufresnii (Car. Rivierii) vita. 215
 Duisburgensis Academia descripta. 94

E.
 Eberhardi II, Archiep. Salisburg. in Papam Invektiva. 96
 Ecclesia prima in Hispania quæ fuerit? 197
 Ecclesiæ veræ & falsæ character. 504
 Ecclesiasticorum Scriptorum vita. 386 seq.
 Ecclesies omnes Asia minoris invektigata. 354
 Ecclesis maxima in Asia circa Halyn fluvium. ibid.
 De Eib (Alberti) scripta. 309
 Eitzellii (Pauli) vita. 41
 Elasticitas aeris nimia corpori noxia. 205
 S. Eleazari vita. 56
 Elemi arbor. 195
 S. Eleutherii vita. 59
 S. Eligii vita & scripta. 502
 Emblemata in Scriptura S. demonstrata. 181 seq.
 De Encœniis Belgarum varia. 408
 Epactæ quomodo corrigenda? 420
 D d d Epacta.

Epactarum <i>cylus</i> Gregorianus exami-	Fabricii (Jo.) <i>vita</i> .	139					
minatus.	424	Fabrorum <i>lignariorum institutio</i> .	28				
Cassianus exami-	ibid.	Fallacia Regum Germanicorum de-	110				
minatus.	ibid.	scripta.	110				
aquatio <i>Liliana</i> exami-	ibid.	Farnabius (Th.) <i>laudatus</i> .	5				
nata.	ibid.	De Fascinandi <i>vi</i> <i>laudibus</i> <i>tributa</i>	475				
cycli <i>varii</i> <i>examinati</i> .	ibid.	Diff. <i>edita</i> .	475				
Episcopis in <i>causis</i> <i>politicis</i> <i>juris-</i>		In Febri <i>maligna</i> <i>qua</i> <i>remedia</i> <i>ad-</i>	402				
ditionem	tribuit	bibeantur	ab Hispanis?	402			
M.	13	In Febribus <i>inflammatoriis</i> <i>cur</i>					
Epularum <i>apud</i> <i>Belgas</i> <i>varia</i> <i>ge-</i>	406 seq.	sanguis	vena	emissus	albicantem		
nera,		pelliculam	exhibeat?	269			
De Epulis <i>jocosis</i> <i>Belgarum</i> <i>varia</i> .							
	407						
Eruditorum <i>nunc</i> <i>viventium</i> <i>Vita</i>		Februm <i>laudes</i> <i>suspectae</i> .	319				
<i>promissae</i> .	384						
Hispanorum <i>mores</i> &							
<i>vitia</i> <i>vituperata</i> .	481						
De Eruditorum <i>Charlataneria</i> <i>Ora-</i>		S. Felicis <i>Veronensis</i> <i>vita</i> .	59				
<i>tiones</i> <i>recusae</i> .	477						
		<i>Gerundensis</i> <i>vita</i> .	ibid.				
		Felix <i>inter</i> <i>sanctos</i> <i>martyres</i> <i>rela-</i>					
		tus.	15				
		Felleri (Joach. Frid.) <i>vita</i> .	331				
		Festaliu <i>literarum</i> <i>in</i> <i>Belgio</i> <i>ra-</i>					
		tio.	408				
		De Festis <i>solennibus</i> <i>Regum</i> <i>Fran-</i>					
		cicorum	Diff. <i>edita</i> .	483			
		de Ficoroni (Franc.) <i>laudatus</i> .	348				
			seq.				
		S. Fidei <i>memorabilia</i> .	60				
		Floridæ <i>Historia</i> <i>naturalis</i> .	193				
		Fluidorum <i>actio</i> <i>in</i> <i>solida</i> .	264				
		Fœminæ <i>facunde</i> <i>exemplum</i> .	93				
		Fœtus <i>per</i> <i>os</i> <i>nutritio</i> .	418				
		Fontanellæ <i>locus</i> <i>peculiaris</i> <i>sutu-</i>					
		ra <i>in</i> <i>adultis</i> <i>cinctus</i> .	511				
			de la				
Fabri (Ant.) <i>vita</i> .	331						

de la Fontaine (Jo. Franc.) *vita.* 217 seq.

Fontium origo. 203. 465

Formulæ: *Salutem & Apostolicam Benedictionem!* origo. 10

Corpus tuum frangitur,

Christe, in Ecclesia usus. 230

Forolivienſes *Annales editi.* 345 seq.

Fracastorii (Hier.) *vita.* 216

Fraguierii (Claudii Franc.) *vita.* 217

Francicæ *scriptura in MSsis origo.* 101

Francofurtenſis *Juris Statutarii historia.* 413

Francofurtenſium *rerum Scriptores editi.* 411

Statutorum Codex editus. ibid.

De Francorum *ante conditum Regnum religione & moribus Diff. edita.* 497

Fresnzi *ad Joinvillii Historiam Ludovici IX Diff. edita.* 483

De Fresnoji (Langleti) *Methodo studendi Historiis singularia.* 481

Frickius (Jo.) *refutatus.* 365

De Friderico II, *Ep. Aureat. singularia.* 256 seq.

Fridericus Pulcher *Austr. an Imperatoribus Rom. Germ. annumerandus?* 311 seq.

Frifchlini (Nicod.) *vita.* 330

Fruhier (Jac.) *vita.* 139

Fuchſii (Leonardi) *vita.* 217

Fueslinus (Jo. Conr.) *Collectionem Scriptorum rerum Helveticarum parat.* 378 seq.

G. Galli (Corn.) *patria quæ?* 346

Gallix *quando primum lux Evangelii affuſerit?* 114

antiqua notitia Geographica. 396

Gallicanæ *Eccleſia historia.* 495 seq.

De Gallorum *veterum religione & moribus Diff. edita.* 496

Gangliorum *in nervis usus.* 514

Gastmahl *vox unde derivanda?* 407

S. Gaufridi *vita.* 57

Gazzæ (Theodori) *vita.* 138

De Gebhardo I, *Ep. Aureat. singularia.* 256

Geieri (Mart.) *vita.* 475

Geigeri (Malach.) *scripta.* 333

Gellii (Jo. Bapt.) *vita.* 216

Gemmæ *antiqua virorum illustrium collectæ.* 241 seq.

Gemunarum *symbolicarum collectio.* 243

De Gemmingen (Georg.) *scripta.* 309

(Jul. Henr.) *scribita.* ibid.

Generatio *equivoca ex putredine nulla.* 36

De Genesiſ *quinque varia.* 507

S. Genoveſæ *miracula.* 500

Gentilis (Alber.) *notitia.* 370

De S. Georgii *Ordine varia.* 369

d. Georgiis (Laur.) *laudatus.* 453

Gerdesii (Dan.) *Observatio exegetica ad Phil. II, 17, edita.* 94

Excerpta ex Alb. Schultens Origin. Hebr. edita. ib.

D d d 2 Gerde-

- Gerdesii (*Dan.*) *Descriptio status presentis Academiae Duisburgensis edita.* 94
Memoria Jo. Jac. Hulderici edita. ibid.
Observ. ad 1 Petr. 95
IV, 6, edita. 95
Origines Evangelicae inter Salzburgenses ante Lutherum edita. ibid.
Germani, Patriarcha CPTani, Or. de Restit. Imag. edita. 458
S. Germani miracula. 500
Germanorum veterum idololatria. 459. 461 seq.
Germonius notatur. 100
Gefneri (*Conr.*) vita. 216
Gefnerus (*Jo. Jac.*) Numismatum Gr. & Lat. Thesaurum parat. 429 seq.
Ginglynnii triplicis descriptio. 511
Glires volantes. 340
Glinium muriumque sylvestrium descriptio. 339
509.
ibid.
Goari (*Jac.*) vita. 331
Godefridus, Abb. Gotwic. laudatur. 98. 156
Godelli (*Ant.*) vita. 216
Göttenius (*Gabr. Wilb.*) Eruditorum nunc viventium Vitas parat. 384
Goldastii (*Melch.*) ad Hortlederum Epistola edita. 413
Goldastii (*Melch.*) ad Hortlederum tam Accessiones edita. 412
Gorini (*Ant. Franc.*) autor Italica Longini versionis. 389
Gothicarum literarum in MSs origo. 101
Gothofredi (*Dionys.*) vita. 25
(*Theodori*) vita. ibid.
(*Dionys. jun.*) vita. ibid.
Gothofredus (*Jac.*) refutatus. 295 sq.
ejus vita. 215
Gottingensem Academiam condendi institutum publicatum. 484 seq.
Gotwicense Nummophylacium promissum. 111
Gotwicensis Chronici Prodromus editus. 97 seq.
Gotwicensium Abbatum Historia promissa. 111
Graeci in variolis ante eruptionem venam secant. 209
Gratianus (*Balib.*) Critici magni autor. 405
Gravina (*Jan. Vinc.*) plagii accusatus. 25
ejus Origines Juris laudata. 397
de eo iudicium. 403
De Gravitate Eruditorum Or. edita. 477
S. Gregorii vita. 57
Gregorius Turonensis fuisse laudatus. 500
Gretseri (*Jac.*) Opera junctim edita. 454 seq.
Gret-

Gretseri (Jac.) <i>vita.</i>	455	Hahnii (Sim. Frid.) <i>vita.</i>	139
Griebneri (Mich. Henr.) <i>vita & scripta.</i>	372 seq.	ab Haimm (Jo.) <i>Observatt. ad Genesin & Leviticum edita.</i>	95
Grienwaldi (Franc. Josephi) <i>de Aquis medicatis Bavariae Liber promissus.</i>	333	Harduinnus (Jo.) <i>refutatur.</i>	100
Gronovius (Laur. Theodor.) <i>refutatus.</i>	161	<i>ejus vita.</i>	159
Grossthead (Rob.) <i>vita.</i>	138	Hariri <i>eloquentiae specimen editum.</i>	45
Grotii (Hug.) <i>vita.</i>	331	Hafæus (Theodor.) <i>Peyrerii Historiam meditatatur.</i>	370
Gruterus (Jan.) <i>notatus.</i>	2	<i>ejus vita.</i>	139
Grylli (Laur.) <i>scripta.</i>	333	Heideggeri (Jo. Henr.) <i>vita.</i>	215
S. Gualteri <i>vita.</i>	59	Helcheri (Jo. Henr.) <i>vita.</i>	139
Guicciardini (Lud.) <i>vita.</i>	215	Helveticarum rerum <i>Scriptores promissi.</i>	378 seq.
De Guixoti <i>Autore singularia.</i>	405	Henrici, <i>Monachi Tolosani, vita.</i>	137
De Gundackaro, <i>Ep. Aureat. singularia.</i>	256	Heraldicae <i>scientiae praecepta generalia.</i>	285
S. Gundekari <i>vita.</i>	57	De Heriberto, <i>Ep. Aureat. singularia.</i>	256
Gundlingii (Nic. Hier.) <i>vita.</i>	139	S. Hermilli <i>vita.</i>	59
De Gustavi Adolphi <i>interfectore dubio Diss. edita.</i>	475	Herveti (Gentiani) <i>vita.</i>	215
Gymnasij Regii Navarrae <i>Parifensis historia.</i>	200 seq.	Hetruscarum <i>Antiquitatum opus promissum.</i>	46
H æmorrhoidum <i>internarum fumentium descriptio.</i>	267	De Hierarchia Cleri Rom. <i>Liber promissus.</i>	360
<i>ætiologia.</i>	268	Hieronymus <i>an lingua Hebraica imperitus fuerit?</i>	506
<i>cura.</i>	271	Hilarii <i>Picaviensis vita & laudes.</i>	498
Hæredipetarum <i>exemplum delendum.</i>	257	<i>Arelatenfis notitia.</i>	499
Hæreseos <i>accusatio olim ad judicem politicum delata.</i>	20	<i>Opera edita.</i>	502
Hæretici <i>an puniendi?</i>	284	<i>seq.</i>	
<i>an rebaptizandi?</i>	365	Hildegarda, <i>Ludovici Germ. filia, an re vera existerit?</i>	429
In Hæreticos <i>quis primus Paparum supplicia exercenda duxerit?</i>	17	In Hispania <i>misera literatura facies.</i>	398 seq. 402
		D d d 3	Hispa.

- Hispanorum Eruditorum mores & vitia notata. 481
 Historiæ naturalis tres status sive atates. 203
 De Historicis mercede conductis Diff. edita. 475
 De Historionia Politica Orationes edita. 477
 Hæveri (Wolfg.) scripta. 333
 Hollyngi (Edmundi) scripta. ibid.
 Homerice gemma qua dicantur? 243
 P. Hommey refutatus. 21
 S. Honorati vita. 507
 Hornii (Jo.) Præfatio ad Cantica Bohemorum Fratrum edita. 95
 Hornius (Georg.) quomodo appellatus? 197
 Hospi (Mich.) Commendatio Chorographiæ edita. 568
 Hottingeri (Jo. Henr.) Notæ in Exod. VI recusæ. 94
 Hübneri (Jo.) vita. 139
 Huëtius (Petr. Dan.) refutatus. 475
 Hugonii (Chr.) vita. 331
 Hulderici (Jo. Jac.) vita. 94
 Hüssi (Jo.) vita. 138
 de Hutten (Christoph. Franc.) in libris antiquiores merita. 309
 Hydra Hamburgensium lernæa. 342
 Hylareti (Maur.) vita. 217
 I.
 S. Jacobi Majoris expeditio Hispanica asserta. 145 seq. 195 seq.
 sepulcrum ubi? 150
 S. Iæ vita. 150
 Jamesii (Th.) vita. 330
 Janiffonii (Franc. Mich.) vita. 216
 Januarii (Aurel.) Respublica Jurisconsultorum laudata. 22 seq.
 Javolenus (Priscus) contra Plinium defensus. 144
 ejus vita & in Jurisprudentiam merita. 143 seq.
 Javorskii (Steph.) refutatus. 284
 Ichneomones. 340
 Imaginum usus in Ecclesia jam Sec. III invaluit. 12
 De Imitatione Christi liber a quonam scriptus? 201
 De Imprecationibus, quas variis monumentis addidere veteres, Diff. edita. 475
 Inflammationis definitio. 269
 In Inflammatoriis febribus sanguis vena emissus cur albicantem pelliculam exhibeat? ibid.
 De Ingolstadiensis Facultatis Medice Ortu & Progressu Liber promissus. 333
 De Ingratitudine fugienda Liber editus. 478
 Inscriptio quedam Saguntina. 401
 Insecta nulla sponte vel ex putredine nascuntur. 36
 unde nascantur? ibid.
 intra durissima marmora & cretam reperta. ibid.
 Insectorum divisio generalis. 37
 De Insignibus Imp. Liber editus. 456
 Insulæ a nervo intercostali intra fellæ equina sinus formata. 67
 Invo.

Invocationis formula in priscis Diplomatis.	107	De Justitiæ Rectioribus quibusdam Diff.	545
De Joanna Papissa quid sentendum?	18	Juvenis delicatuli descriptio poetica.	27
Joannæ I Apologia.	344	K K.	
De Joanne III, Ep. Aureat. singularia.	257 seq.	Kæmpferi (Engelberti) Itinera in Moscoviam, Persiam & Indiam Orientalem, promissa.	186
Ad Joinvillii Historiam Ludovici IX Dissertatt. edita.	482		vita. 331
S. Jonati vita.	58	Kahleri (Jo.) vita.	139
Judæi an honorum capaces fuerint in Republ. Rom?	529 seq.	Kanoldi (Jo.) vita.	ibid.
De Judæis Francofurtanis & Friedbergensibus varia.	413	a Kempis (Th.) an autor libri de Imitatione Christi?	201
Judæorum Traditiones explicata.	358 seq.		vita. 138
De Judæorum religione quid senserint Romani veteres?	529	S. Kinedi vita.	59
De Judiciis Dei Diff. edita.	497	De Knæringio (Jo. Egolfo) singularia.	910
Junii (Patricii) in Marmor II Arundelianum Observatt. edita.	54	L L.	
De Jure vetere enucleando Liber editus.	161 seq.	Labadii (Jo.) vita.	217. 371
Jureconsultorum Respublica descripta.	21 seq.	Lacertarum series.	341
	in rebus Historicis	Lactis urinosus sapor in nutricibus unde?	170
& Philologicis oscitantia notata.	23	Læti (Jul. Pomp.) vita.	138
	veterum qualis philosophia fuerit?	Lampii (Frid. Adolph.) Analyse Parabola Paulina &c. recusa.	94
Juris Scriptorum vitia recensita.	23		vita. 139
Jus dicendi modus apud veteres Reges Francicos qualis?	482 seq.	Lanceæ & clavorum Festum a quo institutum?	456
S. Justæ vita.	60	Lanuginorum veterum historia illustrata.	508 seq.
S. Justinii vita.	59	De Latio sacro Liber promissus.	510
Justitiæ & injustitiæ actionum demonstrata.	564 seq.	Launoji (Jo.) Opera edita.	112. 153. 199. 244 seq.
			adversarii. 113. 115. 118. 120. 153. 198. 201
			vita. 202
		Epistola edita.	245
		Lauren-	

- Laurentius Martyr obstinationis,
Præfetto Rom. exhibitæ, accusa-
tus. 11
 S. Laurentius primus Nordgavien-
ses Evangelium docuit. 460
 Laurisheimensium Traditionum
Codex promissus. 111
 De Lazarilli Autore singularia. 405
 Leges Romanorum veterum elegan-
ter versibus explicata. 26
illustrata aut explicata:
 L. 64 D. d. Evisit. 25
 40 D. d. R. C. 47
 1 C. d. Edendo. ibid.
 38 D. d. Cond. Indeb. ibid.
 Tit. C. d. 7. Emph. ibid.
 D. d. Interd. & Praleg. ibid.
 L. 5 D. d. naut. fen. ibid.
 Tit. D. d. Evisit. 159
 L. 75 §. ult. D. d. V. S. 160
 11 §. 1. 2 L. 30 §. 1. D. d. Aft. 161
 5 §. 2 D. Commod. 163
 23 D. d. R. l. ibid.
 7 D. d. Paft. ibid.
 Tit. D. d. Dupl. stip. ibid.
 L. 72 D. d. contr. emt. ibid.
 18 D. d. acqu. & omitt. hered. 291
 15 D. d. public. 292
 12 §. 1 D. d. Us. & habit. ibid.
 §. 4 l. d. Us. & habit. ibid.
 L. 7 D. d. S. U. P. 293
 26 §. 2 d. A. R. D. ibid.
 76 d. Judic. ibid.
 6 d. Usufr. ear rer. ibid.
 19 d. Us. & usufr. leg. ibid.
 1 & 37 C. d. Appell. 294
 L. 5 §. 1 ad L. Jul. d. Vi publ. 294
 5 §. 3 ad L. Aqu. ibid.
 13 §. 4 Loc. ibid.
 69 pro Sec. ibid.
 3 d. bis, qui sup. 295
 1 d. Conftit. Princ. 296
 9 ad L. Pomp. d. Parric. 297
 5 d. Leg. 3. 403
 27 §. 28 D. ad L. Aqu. 528
 3 §. fin. D. d. Decur. ibid.
 un. C. 1b. d. Stator. ibid.
 De Legione Fulminatrice Differ-
tationes editæ. 285
 Leibnitiana methodus virium mo-
triciæ affimandarum paral-
ogismi accusata. 33
 Leiningensium Comitum profapia
deducta. 568
 Lensant (Jac.) vita. 139
 Lenticulæ palustris semen & vege-
tatio. 166
 S. Leonis vita. 59
 Lequani seu ophiomachi. 342
 Lescinskii (Stanislai) infelix in Re-
gem Poloniarum electio. 549
 Lex Regia quid olim fuerit? 296
 feq.
 Liberius pravaricator fidei appel-
latus. 15
inter Sanctos relatus. ibid.
 Libertinorum filii olim bullam ge-
starunt. 350
 De Libris rarioribus singularia. 480 feq.
 Linus num de vita Petri scripse-
rit? 10
 Lippenii (Mart.) vita. 330
 De

<i>De Lipsienſibus doctrina illuſtribus</i>	<i>Luna Eccleſia ſymbolum.</i>	183
<i>Orat. edita.</i>	<i>num ſphæra ſit, an ſphæ-</i>	
<i>De Literariz rei impedimentiſ O-</i>	<i>roides?</i>	357
<i>rat. edita.</i>	<i>Lunæ ſaltus quomodo determinan-</i>	
<i>Literarum Gothicarum, Longobar-</i>	<i>dus?</i>	420
<i>dicarum & Francicarum in</i>	<i>Pro Lunæ ſaltibus inveniendis cy-</i>	
<i>Mſtis origo.</i>	<i>cli nov.</i>	422
<i>De Literarum elegantiorum con-</i>	<i>Lunaris cyclus Dionyſii.</i>	154
<i>tentu Orat. edita.</i>	<i>In Luſitaniam quis primus Evange-</i>	
<i>Literaturæ in Hiſpania miſera fa-</i>	<i>lium inuexerit?</i>	146 ſeq.
<i>cier.</i>	<i>Lutheri (Mar.) vita.</i>	139
<i>Loerſii (Jo. Chriſt.) Schediaſma de</i>	<i>Lutzi (Cyriaci) ſcripta.</i>	333
<i>Chofchen recuſum.</i>	<i>S. Lydiæ, purpuraria, vita.</i>	59
<i>Longini (Dionyſ.) de Sublimitate</i>	<i>Lydiati Opuſculorum Chronologico-</i>	
<i>Commentarius recens editus.</i>	<i>rum Catalogus.</i>	52
<i>ſeq. 387 ſeq.</i>	M.	
<i>loca quadam</i>	<i>Machabæorum hiſtoria deſcri-</i>	
<i>emendata.</i>	<i>pta.</i>	55
<i>Longobardicarum literarum in</i>	<i>Machinæ bellica veterum quales?</i>	
<i>Mſtis origo.</i>		527
<i>Longolii (Chriſtoph.) vita.</i>	<i>Magici criminis exemplum.</i>	94
<i>(Gilberti) vita.</i>	<i>Magii (Hier.) vita.</i>	217
<i>Longomontani (Chriſtiani) vita.</i>	<i>De Magiſtratu regendo Liber edi-</i>	
<i>S. Luani vita.</i>	<i>tus.</i>	478
<i>De Lucerna veterum ſepulchrali</i>	<i>De Magliabecchiana Bibliotheca</i>	
<i>Commentatio promiſſa.</i>	<i>ſingularia.</i>	389
<i>Lucernarum in ſacris uſu diurno</i>	<i>Majanſianæ Bibliotheca Catalogus.</i>	
<i>olim fuit interdictum.</i>		402
<i>De Ludis Scriptores reſenſiti.</i>	<i>Majanſius (Georg.) quis ſit?</i>	396
<i>De Ludovici XVI, Gall. Reg. ſta-</i>	<i>laudatur.</i>	401
<i>tua, Lutetia poſita, ſingularia.</i>	<i>ejus Orationes</i>	
<i>ſeq. 535 ſeq.</i>	<i>quadam laudata.</i>	397, 401
<i>Luis bovina & equina cauſa vermi-</i>	<i>ſcripta.</i>	403
<i>culi.</i>	<i>ſeq.</i>	
<i>Lunbrici lati ſive cucurbitini in</i>	<i>eden-</i>	
<i>catena modum ſepe coherent.</i>	<i>da.</i>	404
	<i>Ecc</i>	
	<i>Mait-</i>	

- Maître (Mich.) *nova Marmorum Arundellianorum editio laudata.* 49 seq.
 Malaspina (Joseph.) *Epistola quædam edita.* 454
 De Mali ex Platonis mente origine *Diff.* 126
 Manichæi *descripti.* 20
 De Manti Papalis origine & usu *Diff. promissa.* 360
 Manuscriptorum Codicum critica *cognitio quomodo instituenda?* 100
atas
quomodo dijudicanda? 100 seq.
 De Maphæis (Jo. Jac.) *scripta.* 333
 S. Maranzæ *vita.* 59
 Marchizæ Orientalis *mediis avi charta Geographica promissa.* 111
 a Marck (Jo.) *vita.* 139
 S. Marizæ *Consolatricis vita.* 60
 Marinius (Ant. Franc.) *laudatus.* 389
 Marmora Arundelliana *denuo edita.* 49
 Martini Turonensis *vita.* 499
 De Martino, Ep. Aureat. *singularia.* 258 seq.
 Martinus (Eman.) *laudatus.* 400
ejus scripta laudata. 404
 Massinenses *therme descriptæ.* 464
 De Materiariis antiquis *Diff.* 126
 De Matrimonii impedimentis *Tr.* 201
dignitate Liber editus. 478
 S. Matris, *cujus fit in Maccabæorum Historia mentio, vita.* 56
 S. Mauri in Galliam *adventus.* 500
 S. Maurilii *vita a quo descripta?* 116
 Mausoleorum veterum *ratio.* 351 sq.
 S. Maximi *vita.* 56
 S. Medardi monasterii *privilegium.* 154
 Medicamentorum *vicem sapius sustinent alimenta.* 170
 In Medicina *notitia eventuum finistrorum qualis?* 416
 Medicorum Bavarorum *historia.* 332
 Megiseri (Hier.) *Fragmentum promissum.* 111
 Meibomii (Henr.) *vita.* 217
 De Meiern (Jo. Godofr.) *laudatus.* 489 seq.
 Menckenius (Frid. Otto) *Januarii Rempubl. JCtorum denuo edit.* 22
Parentis
sui Dissertationes Literariæ edit. 473 seq.
Orationes Academicas edit. 476 seq.
Campani
Opera selectiora edit. 478 seq.
ejus de
Stipendiis Romanorum veterum militariis Commentatio edita. 473
(Jo. Burch.) laudatus. 452
 Men-

- Menckenii (Jo. Burch.) de Charla-
taneria Eruditorum Declamatio-
nes Hispanis nota. 404
adem Nota edita. 479 seq.
Dissertationes Literaria edita. 473 seq.
Orationes Academicæ edita. 476 seq.
Mendacii illustre exemplum. 93
Menzelii (Alb.) scripta. 333
Meridiana linea quomodo invenien-
da? 213
Mermannii (Th.) scripta. 333
Mesnardierii (Hippol. Jul. Pilleti)
vita. 330
Mesuzæ Syri scripta quo nomine
circumferantur? 210
Metallorum ortus unde? 465
Meteora aeris atmospherici justam
temperiem reddunt. 205
Methodus differentialis. 515
Miegii (Jo. Frid.) Diff. de Baptismo
Flaminis edita. 95
Militum eruditorum exempla. 217.
473
De Mindelhenio in Principatum
Imperii erecto Diff. 474
Mindereri (Raymundi) scripta. 333
Miracula Christi pro veris miracu-
lis habenda. 562
Moffatensium aquarum examen &
usus. 417
Mogol Regum series. 203
De Mohammedica religione Diff.
edita. 42
Mohammedicæ fidei confessio edi-
ta. ibid.
- Mohammedis vita edita. 42
Monachi an in Codices MStos men-
da intulerint? 100
De Monachorum Privilegiis quis
scripserit? 153
Monachos faciendi eunuchos con-
siliū. 14
Monasterii suburbani Parisiensis
immunitas demonstrata. 153 seq.
Vindocinensis privile-
gia. 154
S. Medardi privilegi-
um. ibid.
Monasteriorum Gallia status de-
scriptus. 499
Monogrammatum antiquitas de-
monstrata. 105
Monstrum Casanense & Petropoli-
tanum. 263
Montefalconianæ Palæographiæ De-
lineatio edita. 475
Montis S. Gotthardi vera altitudo.
281
Moraschii (Jo. Ad.) scripta. 333
Morisoni (Rob.) vita. 217
Moshemius (Jo. Laur.) laudatus.
121 seq. 125
Mosis Libri V in lingua Egyptia
editi & Latine versi. 63
Motraius autor Observationum in
Historiam Caroli XII, R. Suec.
551
Mounteney (Rich.) in Orationes
Demosthenis merita. 131 seq.
De Mulieribus philosophantibus
Diff. laudata. 557
Mulierum doctarum exempla. 215.
217. 217. 310. 330. 557

Mundus an casu ortus sit, an æternus? 558. 563 seq.

Mungalicæ literaturæ elementa edita. 352. 355

Muratorius (Lud. Ant.) emendatus. 347

vita Sigoniana scriptor. 441 seq.

De Mureti Carminibus judicium. 480

Murium gliriumque sylvestrium descriptio. 339

509-

yn. ibid.

Musa videtur esse arbor a Plinio

Pala dicta. 172

an inter palmas referenda? ib.

ejus varia nomina. 173

in horto Bosiano proven-

tus. 171

varius usus æconomicus. 174

radix bullosa. 175

truncus arundinaceus &

foliosus. ibid.

flos verticillatus stirpis

centrum est. ibid.

sauciata succus qualis? 176

foliorum nascendi ratio. 177

floris accurata descri-

ptio. 178

fructus descripti. 180

semina nulla reperta. ib.

De Musica antiqua varia. 103

Myrmicophagus. 340

De Myrrhato vino Diff. 456

N.

Nannius de claris Corneliiis recens editus. 2

Naturæ lex an sit perfectissima? 560 seq.

Naturalium rerum Thesaurus editus. 286 seq.

Navarrici Gymnasii Parisiensis historia. 200 seq.

De Naudzi (Gabr.) Libro, Mascu- rat, singularia. 481

Neapolitana historia illustrata. 343

S. Nectarii vita. 57

Neeff (Jo. Bapt.) scripta. 333

S. Nemessii vita. 59

Nervi intercostalis vera origo. 65

recurrentis cum vago & in-

tercostali connexio. 79

In Nervis usus gangliorum. 514

Nervorum paris vagi & interco-

stalis investigatio specialis. 65

paris noni cum vago

conjunctio. 68

descriptio Winslowii ad

examen revocata. ibid.

sub capite sitorum in

utroque latere diversitas. 69

cervicalium ad interco-

stalem accessiones. 71

intercostalis & paris

vagi multiplex communicatio. 72

Nervos canales esse, assertum. 513

Ad Nervum intercostalem forman-

dum an quinti paris rami con-

currant? 66

Nervus Willisus accessorius descri-

ptus. 68

Ner-

- Nervus intercostalis qualis?** 514
Nestoriani num sint hereticis annumerandi? 8
Pro Nestorio apologia. 17
Nestorius quid senserit de voce Θεοτοκος? ibid.
Newtoni (Isaaci) vita. 139
Nicænus Canon VI quomodo intelligendus? 116 seq.
S. Nicetii vita. 59
Nieupoorti (G. H.) Rituum Rom. explicatio denuo edita. 384
Ex Nihilo mundum a Deo creatum fuisse, an ullus Philosophorum veterum docuerit? 125
Nintipolonga. 340
Niphi (Augustini) vita. 216
Ad Noodtii (Gerh.) Probabilia Juris Nota. 160
Nordgavia situs, Provincia & Principes descripti. 458 seq.
Nordgaviensis Episcopatus Antiquitates investigata. 252 seq.
gentilismi antiquitates illustrata. 461 seq.
Nordgaviensium veterum idololatRIA. 459
Episcopatum historia. 461
Numismatica Belgii historia edita. 537
Numismatum recentiorum quæ ratio? 539
veterum collectio nova promissa. 242
Gr. & Lat. Thesaurus promissus. 429 seq.
- Nummi necessitate urgente cusi quales?** 540
argentet quomodo examinandi? 263
Nummophylacium Gorwicense promissum. 111
Nummus puerum bullatum representans. 349
ansiquus Junonem Lanuginam representans. 509
Iprensis representatur. 541
Daventriensis representatur. ibid.
Bredanus representatur. ibid.
- Nutricum lac unde interdum sapore urinoso?** 170
Nutritionis primum objectum vegetabilia. 169

O.
Ochini (Bernardini) vita. 330
Oestrum sive asilum armentorum. 37
Offerhausii (G. C.) Diff. de Alpha Apocalyptico edita. 95
Officiorum hominis erga se ipsum fundamentum. 559
Olei Cajepati preparatio. 277
Ophiomachi quid? 342
Oratorum veterum imagines collectæ. 242
Ordinatio Ecclesiastica an ab hereticis suscipi possit? 17
Origenes an castrandum sese dederit? 506
L. B. Oropesa vir eruditus. 405
Oscillationis centrum. 259
Inter

- Inter Ossa maris & fœmina discrimen quale?* 512
- Otto (*Ever.*) *falsè notatus.* 25
laudatus. 527 seq.
ejus Thesaurus Juris iterum editus. 289 seq.
- De Ottone, *Ep. Aureat. singularia.* 256
- Ex Ovis nascuntur omnia insecta. 36
- Oxentlirnz (*Axeli*) *ad filium litera edita.* 494
- P** acificationis *Osnabrugo-Monasteriensis nova editio promissa.* 490
- Pacis *Westphalica Acta publicata.* 489 seq.
- Pædobaptismus *an semper in usu fuerit?* 12
- Pagi *Germania media descripti.* 110
- Pala arbor a Plinio dicta qualis? 172
- Palmerii (*Jac.*) *Supplementa ad Chron. Marm. Arundell. edita.* 50
- Panormitæ (*Ant.*) *vita.* 138
- Papæ nomen quando primum exortum? 11
- Papam falli posse, *specimine ostensum.* 15
- Papinianus *an Matheos peritus fuerit?* 25
- de Pappenheim *Com. (Matth.) scripta.* 310
- S. Papula *monachis nomen addixit.* 500
- Parabolæ proprietates quomodo ex proprietatibus hyperbolæ vel ellipsos derivandæ? 134
- De Paraggio & Fratraggio *Diff. edita.* 483
- Paredri *Dii qui fuerint?* 425 seq.
- Parisi (*Franc.*) *vita & post mortem miracula.* 532 seq.
- Paschale plenilunium quale? 423
- Paschalii (*Car.*) *vita.* 215
- Paschalis *cyclus 84 annorum.* 164
- In Paschate determinando an cycli calculo *Astronomico præferendi?* 424
- Paschatos dies ac mensis quomodo definiendus? 423
- De Patriarchis *CPTanis Tr. editus.* 60
- Pauli (*Henr. Reinb.*) *Schediasma de Ecclesia Cenchreenfi recusum.* 94
- Paulini (*Chr. Franc.*) *Diff. de Comitibus Palatinis edita.* 484
- de Barba* *ibid.*
- de Dextra* *ibid.*
- edita.*
- Paulus *Samosatenus cur lupus rapax dictus?* 12
- Apostolus an Hispanis Evangelium nuntiaverit?* 148 seq.
- Pearce (*Zach.*) *in Longinum de Sublimitate merita.* 51 seq.
- Pelagiani *num sint hæreticis annumerandi?* 8
- SS. Peregrinorum *vita.* 59
- Peritonzi *origo a dura matre asferta.* 510
- S. Perpetuæ *vita.* 60
- De Personarum religione *Diff.* 126
- Personæ (*Gobellini*) *vita.* 138
- Per-

Perspectiva <i>facilitata</i> .	467	Pirckheimeri (<i>Bilibaldi</i>) <i>vita</i> .	217
Pestis <i>causa vermiculi</i> .	166	Pisces <i>volantes quomodo capiantur?</i>	194
Petiti <i>descriptio & figura nervi intercostalis emendata</i> .	65	Piscium <i>mutatio in ranas</i> .	341
Petitus (<i>Petr.</i>) <i>refutatus</i> .	21	Pitiscus (<i>Sam.</i>) <i>notatus</i> .	2
S. Petri <i>Anagnini vita</i> .	56	De Plagiis <i>ſcitorum varia</i> .	25
Petrus <i>Apost. an idem fuerit, qui Cephas?</i>	9	Planisphaerologium <i>novum</i> .	203
<i>ejus vita</i> .	57	Plantæ, <i>Musa vel Pysang dicta, in hortu Bosiano proventus</i> .	171
<i>de ejus Primatu varia</i> .	9	Plantarum <i>Caroline & Floride descriptio</i> .	195
<i>sub ejus nomine Liturgia Apostolica edita</i> .	9 seq.	Planum <i>mobile quomodo a corpore occurrente percutiatur?</i>	30
De Peyrerio (<i>Isaac</i>) <i>singularia</i> .	370	Platonici <i>quantum turbaverint Ecclesiam?</i>	125
<i>olim Commensarius promissus</i> .	ibid.	De Platonis <i>circa originem mali sententia Diff.</i>	126
Pezius (<i>Bern.</i>) <i>laudatus</i> .	158	Plenilunium <i>Paschale quale?</i>	423
Pfalburger <i>vox quid denotaverit?</i>	412	Pocciantii (<i>Mich.</i>) <i>vita</i> .	216
Phered (<i>Ibn</i>) <i>Carmen Arabicum editum</i> .	45	Pocqueti (<i>Claudii</i>) <i>vita</i> .	ibid.
Philippus, <i>Ep. Aureat. Princeps solitudo doctus</i> .	257	Poeseos <i>in Jurisprudencia usus demonstratus</i> .	26
<i>Imp. an fuerit Christianus?</i>	506	Poetarum <i>veterum imagines collectæ</i> .	243
De Philosophantibus <i>mulieribus Diff. laudata</i> .	557	Poggii (<i>Franc.</i>) <i>vita</i> .	138
Philosophiæ <i>in Jurisprudencia usus</i> .	24	Pontani (<i>Jo. Joviani</i>) <i>vita</i> .	138
<i>corpusculari quinam veterum fuerint additi?</i>	127	(<i>Jo. If.</i>) <i>vita</i> .	331
Philosophorum <i>veterum imagines collectæ</i> .	242	Pontifex <i>in quantum fallere & falli possit?</i>	362 seq.
Pici (<i>Jo.</i>) <i>vita</i> .	138	<i>an sit supra Concilia?</i>	365
Pictorum <i>icones promissæ</i> .	242	Pontificum <i>errantium exempla</i> .	364
Pii II, <i>Pont. Max. vita edita</i> .	478	Porti (<i>Franc.</i>) <i>in Longinum Commentarius editus</i> .	61. 63
Pinelli (<i>Severini</i>) <i>vita</i> .	217	S. Possidio <i>falso tribuuntur Sermones ad Fratres in eremo</i> .	21
		S. Possi-	

- S. Possidius *Donatistas domuis.* 21
a Genferico in exilium ibid.
pulsus. ibid.
ejus vita & res gesta. 19 seq.
corpus an Miran-
dola afferretur? 21
De S. Pothino varia. 497
Potus calidi & frigidi usus & abu-
sus. 167
Pozzo (Modesta) vita. 215
Præmonstratensis Ordinis privile-
gia. 154
Præfensiones Principum Europa
dijudicata. 567 seq.
Pragensis (Hier.) vita. 138
De Presbyterij ritu Diff. promissa. 360
Priczi (Jo.) in Marmor III Arun-
dellianum nota edita. 50
Prideaux (Humfr.) in Marmora
Arundelliana Commentarius de-
nno editus. ibid.
De Primatu Petri Apostoli varia. 9
Principem quæ virtutes deceant? 366 seq.
Priscillianismi historia, 499
Priscillianistarum doctrina. 16
Priscorum veterum memoria. 143
 Professio fidei, liber, a quo scri-
ptus? 119
Prosperi Aquitani Chronicon illu-
stratum. 164
Prunus buxi folio cordato. 195
De Pseudo-Principibus Diff. edita. 475
- Puella sine cranio nata, molem car-*
neam pro cerebro habens. 37
Pufendorfii (Sam.) vita. 217
Pugæ (Jo.) vita. 405
Pulicum ex ovo origo detecta. 37
Pulmones primarium sanguifica-
tionis organon. 169
Pulveris pyrii inventor. 527
Puteani (Erycii) vita. 216
Pyfang planta qualis? 171
De Pythagoræ Symbolis Diff. 126
- Q**
Quadrati (Vindii) memoria in-
staurata. 291
Quadraturæ curvarum calculus. 518
Quadrupedum volantium varie
species. 340
Quæfnellius laudatus. 8
P. le Quien vita & scripta. 45 seq.
- R**
Rabulæ egregia descriptio. 398
Racinii (Jo.) vita. 216
Radii articulati lapidei. 265
Ranarum historia. 341
mutatio in pisces. ibid.
Rauchii (Jo. Franc.) Libri Medici
cur tam rari? 481
S. Raynerii vita. 56
De Reginoldo, Ep. Aureat. singula-
ria. 255
Regiomontani (Jo.) vita. 138
Regulus antimonii medicinalis quo-
modo per compendium paretur? 278
Reliquiarum apud Pontifices cura. 114
ostensuris exempla. 360
Rena-

*Renatus Andegavensis an unquam
existit?* 116
*Rerum creatarum nexus & cate-
na.* 35
*Revelationis divinae necessitas de-
monstrata.* 559 seq.
*De Rhetoricæ Castellana Autore
singularia.* 405
Rhingravica Historia promissa. 413
Rhuz (Petr.) Epistola laudata. 401
Rilindis femina docta. 310
*Ritualium Scriptorum Thesaurus
promissus.* 360
*De Rixnero, Torncamentorum Scri-
ptore, judicium.* 309
*Romana historia ex gemmis illu-
strata.* 243
S. Romani vita. 59
Romualdi (Petr.) vita. 330
*Roris pro differentia locorum va-
rietas.* 205
*Rota cum super flumen revolvitur,
cur ejus circuli omnes interio-
res describant rectas aequales?* 32
*Rufinus (Licinnius), Jctus, an fue-
rit Christianus?* 402
Ruyfchii (Frid.) vita. 139

S.
*Sacerdotes quando primum si-
pendia acceperint?* 11
*Sacerdotum calibatus jam Sec. III
magni aestimatus.* 13
De Sagis militaribus Diff. edita. 482
Sagittarii (Ferd.) scripta. 333
Saguntina quadam Inscriptio. 401

Ind. A.C. Et. 1734.

Saguntini Theatri descriptio. ibid.
*Salem potui admiscendi mos vete-
rum Belgarum.* 406
Salia unde generentur? 465
*Salis primigenii & sulphuris me-
tallici confectus coloris in aber-
mis causa.* 466
Salivæ indoles & usus. 168
*Salvii (Salvini), Legati Succici, vi-
ta.* 491
*ad Marchionem
Barutbinum Litera edita.* 492
*De Salisburgensium doctrina Evan-
gelica ante Lutherum Diff. edi-
ta.* 95 seq.
*Sanguificationis primarium orga-
ni pulmones.* 169
Sanutus (Marin. sen.) quis fuerit?
jun.) quis fuerit?
ibid.
S. Sapientiz memorabilia. 60
*Satellitum Jovis eclipses observa-
ta.* 265
*De Satyrarum usu vetustissimo Diff.
edita.* 475
Satyrice spectacula qua? 395
Savanorolæ (Hier.) vita. 139
Savaronis (Jo.) vita. 215
Saurini (Jac.) vita. 139
*Saxii (Josephi Ant.) in Sigoniano
de Regno Italia Libros merita.*
449
Saxones unde ita dicti? 355
*De Saxonice & Austriacæ stirpis di-
uturna concordia Diff. edita.* 475

F f f

De

<i>De Saxoniciis Scriptoribus Diff. edita.</i>	ibid.	<i>Scripturæ veteris specimina.</i>	100
<i>Sculptores veteres in gemmis nominati.</i>	243	<i>S. loca explicata aut illustrata :</i>	
<i>Scapularis Carmelitani Socialitas qua fuerit?</i>	119	<i>Genes.</i>	95
<i>Scenæ antiquæ & hodiernæ comparatio instituta.</i>	393	<i>XV, 1.</i>	183
<i>De Scenicis personis & figuris Commentatio promissa.</i>	352	<i>XXXVII, 3.</i>	224
<i>Scenographicum instrumentum novum.</i>	467	<i>Exod. VI.</i>	94
<i>Schaaf (Car.) vita.</i>	139	<i>3.</i>	95
<i>de Schœnberg (Jo. Bapt.) laudatus.</i>	401	<i>XXVIII, 5. 6. 8.</i>	223. 228
<i>Schœnfelderi (Phil. Jac.) scripta.</i>	333	<i>XXXVI, 8. 35. 37.</i>	228
<i>Scholarum celebriorum historia.</i>	199 seq.	<i>XXXIX, 2. 5. 22. 23. 28. 29.</i>	223. 228
<i>De Scholis Palatinis Liber promissus.</i>	360	<i>Levit.</i>	95
<i>Schrammii (Jo. Henr.) de vocibus Abluctatus & Absinthium Diff.</i>	95	<i>2 Sam. XIII, 18.</i>	224
<i>Schrœckii (Lud.) vita.</i>	139	<i>1 Reg. VI, 1.</i>	189
<i>Schuppius (Jo. Baltb.) Autor Bibliothecæ Gallo-Suecicæ.</i>	491	<i>2 Paral. II, 6.</i>	228
<i>Sciaterica trigonometricæ delineanda.</i>	212	<i>13.</i>	223
<i>Sciurus volans.</i>	340	<i>III, 14.</i>	223. 228
<i>Scelopetorum sulci cochleati quales esse debeant?</i>	263	<i>Pf. XII, 2.</i>	224
<i>Scribendi compendia quæ veteribus usitata?</i>	101	<i>CXIX, 20. 25.</i>	182
<i>Scriptura S. an e profanis Scripturis interpretanda?</i>	284	<i>Prov. XXXI, 21.</i>	224
		<i>Cant. VI, 9.</i>	183
		<i>X, 5.</i>	ibid.
		<i>Es. XI, 14.</i>	148
		<i>XXXIV, 12.</i>	ibid.
		<i>Jer. I, 11.</i>	353
		<i>XXII, 14.</i>	224
		<i>Ez. I, 27. 28.</i>	228 seq.
		<i>XXIII, 14.</i>	224
		<i>XXVIII, 12 seq.</i>	94 seq.
		<i>Dan. III, 21.</i>	227
		<i>V, 7.</i>	228
		<i>Matth. XIII, 42.</i>	183
		<i>XVI.</i>	364
		<i>XIX, 12.</i>	506
		<i>Matth.</i>	

<i>Matth.</i> XXIII, 27.	183	<i>Apoc.</i> XIII, 18.	95
XXIV, 28. 51.	ibid.	XIV, 13.	185
XXV, 36.	183 seq	XVI, 20.	ibid.
XXVII, 35.	224	XVIII, 17.	ibid.
<i>Luc.</i> I, 69.	184	XXII, 1. 4.	ibid.
III, 9.	ibid.	<i>Scythæ a Persis Suca vocati.</i>	355
XII, 58.	95	<i>Scytharum veterum migrationes.</i>	353
XXII.	364		expeditiones
<i>Jo.</i> VI, 55.	184	<i>bellicæ.</i>	ibid.
VII, 17.	364	<i>Scythica Chronologia vetus edita.</i>	352
XI, 11.	184		Scythicæ Memoria edita. 352. 355
XXI.	364		Scythicarum rerum sub Mithrida-
<i>Act.</i> XVIII, 18.	95		tica tempora gestarum historia
XXII, 25.	529		promissa. 355
<i>Rom.</i> XVI, 1.	95		S. Secundelli vita. 59
<i>1 Cor.</i> II, 12 - 15.	364		Seldeni (Jo.) in Marmora Arun-
III, 1 - 17.	94 seq.		delliana Commentarii denuo edi-
X, 15.	364		ti. 49 seq.
16.	230		Fragmentum Episto-
<i>Gal.</i> II, 9.	9		læ ad M. Meibomium editum. 54
<i>Pbil.</i> I, 27 seq.	95		Sepeliendi mortuos mos apud vete-
II, 17.	94 seq.		res Germanos qualis? 463
IV, 3.	10		Sepulchra dealbata hypocritarum
<i>Col.</i> I, 18.	184		symbolum. 183
<i>1 Petr.</i> IV, 6.	95		S. Sereni vita. 57
<i>1 Jo.</i> II, 24. 27. 28.	364		Pro Seriebus definiendis equatio-
V, 6.	ibid.		nes. 516
<i>Jac.</i> V, 14.	17		Serierum termini generales. 263
<i>Apoc.</i> I, 8.	184		quæ summari nequeunt,
IV, 3 seq.	229		valeres quomodo investigandi? 515
X, 2.	185		
XII, 9.	ibid.		
17.	184		

<i>Serierum termini remotissimi quomodo obtinendi?</i>	516	<i>Sirmondi (Jac.) vita.</i>	215
<i>summatio.</i>	260.516	<i>Sleſuico-Holfatica Hiftoria expoſita.</i>	38
<i>interpolatio.</i>	516	<i>De Societate Scientiarum Anglicana Orat. edita.</i>	477
<i>summatio ad inventionem ordinatorum reducenda.</i>	519	<i>De Solmenſium Comitum inter S. R. I. Comes eminentia Diſſ. edita.</i>	475
<i>Series collectiva.</i>	260	<i>Somnus mortis ſymbolum.</i>	184
<i>lente convergentes, quomodo in alias, celerrius convergentes, mutanda?</i>	518	<i>S. Spei memorabilia.</i>	60
<i>Serpens diaboli ſymbolum.</i>	185	<i>Spieſſii (Jo. Car.) vita.</i>	139
<i>America arborea.</i>	341	<i>Spilius Niceta Pſeudonymus.</i>	161
<i>Serry (Jac. Hyacinth.) laudatus.</i>	361 ſeq.	<i>Stanyhurſti (Rich.) vita.</i>	216
<i>Severi (Sulpic.) vita.</i>	499	<i>Statua pueri bullati.</i>	351
<i>S. Severi vita.</i>	57	<i>De Statua Ludovici XIV, Gall. R. Lutetia poſita, ſingularia.</i>	535 ſeq.
<i>Sigillum Regium Diplomatum veterum deſcriptum.</i>	106	<i>Statuæ Deorum hominumque vetuſtiores collectæ.</i>	242
<i>Sigonius (Car.) de Vita Scipionis recens editus.</i>	2	<i>bullata qua?</i>	350
<i>emendatus.</i>	451.454	<i>Statura humana an noſtro tempore a priſca deſecerit?</i>	475
<i>ejus Opera edita.</i>	231 ſeq. 441 ſeq.	<i>Steele (Rich.) vita.</i>	139
<i>vita.</i>	442 ſeq.	<i>Stephani I, Pont. vita.</i>	561
<i>controverſie</i>		<i>Stipendiorum militarium apud veteres Romanos ratio.</i>	475
<i>cum Franc. Robertello.</i>	444	<i>De Stochii (Sim.) viſo narratiuncula.</i>	119
<i>cum</i>		<i>Streit-Schlangen quales?</i>	342
<i>Nic. Gruchio.</i>	445	<i>De Stuktorum Societate in Belgio varia.</i>	407 ſeq.
<i>cum</i>		<i>De Sulcis in cervice uteri Obſervatio.</i>	279
<i>Riccobono.</i>	447	<i>Sulphuris aurati antimonii deſcriptio.</i>	417
<i>S. Sigratz vita.</i>	60		Sulpha-
<i>De Silice formam cranii humani referente Obſervatio.</i>	283		
<i>Simeonis (Gabr.) vita.</i>	475		
<i>Simiclarum ſpecies quadam curioſa.</i>	349		

Sulphuris *metallici & salis primigenii* conflictus caloris in *thermis* causa. 466

S. Synphoriani *vita & martyrium*. 497

T angutanæ *literaturæ elementaræ*. 355 seq.

Tanfilli (Luca) *vita*. 217

Telluris *eclipsis* Roma *observata* A. 1734. 356

Templorum *dedicandorum ritus* quando ab *ethnicis* ad *Christianos* transferit? 10

Teredines in *lignis abietinis* melius *nutriuntur*, quam in *quer-nis*. 84

nunquam *extra lignum* in *mari* *vive* *observata*. 85

quomodo *lignum* *terebrent*? *ibid.*

omnes *sunt* *androgyna*. 87

species con-

chyliorum. 88

naves & *ligna* *arroden-* *tes*. 166

Contra *Teredines* *quæ remedia* *adhibenda*? 89

Teredinum, *sive* *Xylophagorum* *marinorum*, *descriptio*. 80

In *Teredinum* *intestinis* *innume-* *ra animalcula* *vivunt*. 83

Terminorum *aquidistantium* *se-* *ries*. 525

Terra vitrescibilis metallorum *principium*. 465

combustibilis salium prin- *cipium*. *ibid.*

an post diluvium monta- *sa & minus fertilis facta?* 167

Tertullianus *perperam* *martyribus* *adscriptus*. 11

an fuerit Christianus?

402

ejus vita. • 57

Thales *an Astronomicarum rerum* *peritus* *fuerit?* 354

Thebææ *Legionis* *martyrium* *an* *in fabulis* *habendum?* 497

S. Theodotæ *vita*. 59

De Theologo *non contentioso* *Dis-* *sertationes*. 284

Theophanis *Ceramei* *Homilia de* *Restitutione* *Imaginum* *edita*. 458

Theophili *Alexandrini* *nova edi-* *tio promissa*. 506

Thermarum *calor* *unde?* 466

Thermometrorum *emendatio*. 263

Thiermairii (*Franc. Ign.*) *scripta*. 333

de Ortu

& *Progr. Facult. Med. Ingolst.*

Liber promissus. *ibid.*

Thiefius (*Jo. Bapt.*) *Launoji ad-* *versarius*. 113

De *Thomasio* (*Cbr.*) *acerbum ju-* *dicium*. 402

ejus vita. 139

De

F f f f 3

- De Thrasimeno Lacu Liber editus. 478
- Tignariæ artis utilitas in Architectura civili. 28
- Ex Tigurina Civitatis Diplomatibus Specimina edita. 428
- Tindalius refutatus. 560 seq.
- Torfæi (Thormondi) Chronologia Regum Danorum edita. 544
- Tormentariæ rei praxis. 526
- inventor. 527
- Torneamentorum origo. 483 seq.
- veterum historia descripta. 568
- Tosca (Tb. Vinc.) laudatus. 397
- seq.
- ejus scripta. ibid.
- Tozzi (Luca) vita. 215
- Tragici Scriptores veteres Gallice versi. 390
- Tragicorum Scriptorum quæ virtutes præcipuæ? ibid.
- Tragediæ veteris origo & historia. 391. 393
- Tralliani (Pblegentis) Fragmenta. 354
- Treylingi (Jo. Jac.) scripta. 333
- Tribonianus an veterum Jurisconsulorum libros comburi jussisset? 26
- De Trinitate Nicanorum Patrum sententia. 128 seq.
- Troja num vere excisa? 314
- Trotzsius (Chr. Henr.) laudatus. 159
- Tubi Capillares. 265
- De Typographiæ inventoribus primis singularia. 412
- Typographiæ artis quis primus inventor? 438
- Typorum in febribus ætiologia. 326
- Vacchierii (Car. Ferd.) scripta. 333
- de Valbonnays (Jo. Petr.) vita. 330
- Vallæ (Laur.) vita. 138
- Vallifneri (Ant.) scripta & merita. 35
- Variolas quinam primi descripsissent? 207
- In Variolis ante eruptionem quinam venam fecerint? 209
- Vaugelasii (Cl. Fabri) vita. 331
- Vayerii (Franc. Moshai) vita. 330
- Vegetabilia primum esse debent nutritionis objectum. 169
- Veneficii in patrem & fratres commissi exemplum. 93
- Venetorum Ducum Vita edita. 346
- S. Veri vita. 57
- Vermes corporis humani unde nascantur? 37
- Vermiculæ pestis causa. 166
- luis bovina & equina causa. ibid.
- Veteris Testamenti in lingua Ægyptia editio promissa. 64 seq.
- a S.

- a S. Victore (Hug.) *Libri de Instit.*
Novit. editio promissa. 19
 De Victorinis quinque varia. 116
 Victorinus martyr quis fuerit ?
 ibid.
 Victoris (Sex. Aur.) *Historia Rom.*
recens edita. 1 seq.
loca quadam
illustrata. 3 seq.
 S. Victoris *historia descripta.* 502
 Vidæ (M. Hier.) *Carmina edita.*
 471
loca quadam e-
mendata. 472
Admonitio, Li-
bris Poeticorum premissa, & si-
milis alia, vulgata. ibid.
vita. 473
 Villaderii (Andr.) *vita.* 216
 Villæ Regum Germanicorum *de-*
scriptæ. 110
 Vincentii *Lirinensis Opera edita.*
 502 seq.
de ejus Commonitorio
varia. 499
 Vindocinensis *Monasterii privile-*
gia. 154
 Vinetus *notatur.* 2
 Vinnius *plagii accusatus.* 25
 De Vino *myrrhato Diff.* 456
 De Viris *illustribus Liber cui tri-*
buendus? 1
 Virium *matricium astimandarum*
ratio Leibnitiana paralogismi
accusata. 33
- Virium *moventium vera mensu-*
ra. 134
 Virorum *illustrium gemma anti-*
qua collectæ. 241 seq.
 Virtutis *fundamentum quale?*
 564
 De Viterbienfi (Jo.) *varia.* 370
 De Vitfenii (Nic.) *Libro quodam*
singularia. 356
 Ulpianus, *Autor Commentariorum*
in Demosthenem, quis fuerit?
 132
 Unigenitus *Bulla errorum accusa-*
ta 8
 Voltairii *errores quidam notati,*
 552 seq.
 de Vorwaldern (Jo. Menradi) *scri-*
pta. 333
 De Urnis *veterum singularia.* 352
 In Uteri *cervice sulci observati.*
 279
- W
 Wächterus (Jo. Georg.) *lauda-*
tus. 407
 Wächtleri (Christfr.) *Opuscula edi-*
ta. 158 seq.
vita. 159
 Waldi (Petr.) *vita.* 137
 S. Waltheni *vita.* 58
 Waltheri (Lotharti) *vita.* 138
 Warxi (Jac.) *vita.* 217
 de Water (Guil.) *Diff. de Archon-*
te Judæorum edita. 95
 De

<i>De van de Water (Jo.) judicium.</i>	403	<i>Winslovii descriptio nervorum ad examen revocata.</i>	68
<i>Wernsdorfii (Gottl.) vita.</i>	139	<i>Wowerius (Jo.) an purioris do- ctrina sacra mutaverit?</i>	42
<i>Wesseli (Jo.) vita.</i>	138	<i>Wucherer (Jo. Frid.) laudatur.</i>	130
<i>Westphalicæ Pacis Acta publica- sa.</i>	489 seq.		
<i>Wheari (Degorei) vita.</i>	330		
<i>Wiclevi vita.</i>	138		
<i>S. Wilibaldi vita.</i>	253 seq.		
<i>De Wilibaldino Collegio singula- ria.</i>	259		
<i>Wilkins (Dav.) laudatur.</i>	63 seq.		
<i>Willisii nervus accessorius qualis?</i>	67		
<i>Wimpinzi (Jo. Alb.) scripta.</i>	333		
		<i>X.</i>	
		<i>Xylandri (Guil.) vita.</i>	331
		<i>Xylophagorum marinorum descri- ptio.</i>	80 seq.
		<i>Z.</i>	
		<i>Zeidi (Abi) Carmen Arabicum editum.</i>	43
		<i>Ziskæ (Jo.) vita.</i>	138
		<i>Zuinglii (Ulr.) vita.</i>	139

E M E N D A N D A.

- Pag. 18 lin. 20 pro *Sensu* lege *sensu*.
 21 lin. 11 pro *Concilium* lege *consilium*.
 42 lin. 17 pro *Syntax*, *ilicet*, lege *Syntaxi*, *sicet*.
 63 lin. 62 pro *eiim* lege *enim*.
 — lin. ult. pro *eujus* lege *eujus*.
 124 lin. 27 pro *docet* lege *deceet*.
 347 lin. 3 pro *veniri* lege *inveniri*.
 352 dele a lin. 29 *addita* ad 31 *facta*.
 391 lin. 20 pro *utdebatur* lege *videbatur*.
 395 lin. 23 pro *corallarium* lege *corollarium*.
 396 lin. 2 pro *Horationa* lege *Horatianna*.



Österreichische Nationalbibliothek



+Z171844207





